

續修四庫全書

《續修四庫全書》編纂委員會編

續修四庫全書



上海古籍出版社

四一二・史部・紀事本末類

欽定剿平粵匪方略四百二十卷(卷三百七十八至卷四百二十一)〔清〕奕訢等撰……………

2135/02

欽定剿平粵匪方略卷三百七十八 甲子年

五月二十二日辛酉僧格林沁奏言四月二十一

日頭股髮逆竄至羅山迤南仙花店一帶二股髮逆由德安迤北馬平港等處渡過府河竄踞應山之駱家店經蘇克金傅振邦等帶領馬步各營追至應山之劉家店分路包抄該逆拚命狂奔二十五日蘇克金等探得該逆在小河司

剿平粵匪方略卷三百七十八

一

一帶盤踞卽令馬隊紮於山頂以備應援步隊向前迎敵槍箭齊施並令營總烏爾圖那遜自右抄擊賊後該逆始行退去蘇克金巴揚阿探得三股髮逆陳得才自西路阜市奔至平林市由府河東竄欲與前股合夥當撥馬隊各營進紮五月初二日在應山陳家畝接仗該逆分四股迎撲卽被我軍擊退斃賊多名訊據獲賊供

稱陳逆盤踞宋河欲竄襄江不能搶渡因宋河

地方無處打糧欲竄黃州以備裹糧設或不能

東下就在黃州避伏將來仍欲沿江而下等語

臣仍嚴飭蘇克金等馳往迎擊並函致督臣官

文督飭所部各軍實力追擊又嚴飭水師於沿

江一帶認真堵禦勿令偷渡其前派副都統色

爾固善總兵張曜追剿髮逆梁城富一股四月

剿平粵匪方略卷三百七十八

二

十一日經我軍窮追該逆自鄖陽屬之羊皮灘

一路潰敗竄至陝西之漫川關上津一帶勢極

窮蹙所餘不過數千人既有楚陝官軍前截後

追足敷剿辦惟髮逆屬聚楚豫之黃州光山一

帶是豫東邊防又形喫緊當將色爾固善張曜

等軍撤回東路以厚兵力其西路殘匪卽飭鄖

陽鎮總兵安貴道員梁作楫認真追剿務與陝

省官軍併力夾擊盡殲醜類並飛咨督臣官文
撫臣劉蓉嚴飭所部各軍實力勦辦毋任蔓延
髮捻各匪現在分股東竄前股由羅山仙花店
趨光山之新集等處二股由孝感黃陂東竄豫
東楚北均形喫重臣已飛札蘇克金等移營光
山與張曜等軍會合進勦臣現紮息縣以防北
路仍不時偵探賊蹤備該逆分股東趨卽撥隊
跟追如全數東趨臣卽拔隊東下親督進勦但
期該逆竄至淮北一出稻田馬隊得有地勢卽
可竭力截擊至前奉

聖朝聖旨卷七十八

三

諭旨飭調陳國瑞一軍駐紮臨淮遵於四月二十三
日咨行漕臣吳棠檄令陳國瑞迅帶所部前往
臨淮扼紮並咨行撫臣喬松年飭令臬司英翰
帶領兵勇會勦復因髮捻各匪漸次東趨又咨

照喬松年轉飭陳國瑞英翰等軍移紮正陽關
扼要堵禦以期有備無患奏入

上命議政王軍機大臣傳諭僧格林沁官文喬松年
張之萬劉蓉唐訓方曰髮捻各匪前股由羅山仙
花店趨光山之新集等處二股由孝感黃陂向東
竄逸豫東楚北並形喫重僧格林沁令蘇克金等
移軍光山與張曜等會合進勦自紮息縣以防北

聖朝聖旨卷七十八

四

路著卽嚴飭蘇克金等將竄犯光山之匪迅卽勦
除該大臣居中調度仍當多設偵探備逆衆東趨
卽拔隊東下以固皖省門戶陳國瑞英翰二軍著
僧格林沁喬松年催令帶隊駐紮正陽一帶扼要
堵截探賊所向迎擊喬松年當整頓兵勇備豫不
虞免致臨事周章據獲賊供稱陳逆盤踞宋河欲
竄襄江不能搶渡因宋河地方無處打糧欲竄黃

州仍圖沿江東下現孝感敗賊有直趨黃州之勢
著官文懍遵疊次諭旨嚴飭派出各軍認真剿擊
並令水師於沿江一帶堵禦勿任一賊偷渡武昌
省城防範最關緊要唐訓方督同在省文武悉心
辦理不得稍涉大意逆匪既竄光山羅山則商城
固始均屬喫緊張之萬身任豫撫何得置身事外
著卽添調勁旅以勦爲防並催令張曜等會同僧
格林沁所派馬隊遇賊卽擊毋任賊匪東趨貽鄰
疆以無窮之患梁逆由鎮安一路竄出大峪口不
過數千敗匪而德興阿劉蓉前奏匪衆二萬餘究
竟匪數若干近日西安情形若何曾否與賊接仗
著劉蓉趕緊查明具奏並著商同穆圖善德興阿
等督率馬步各軍一鼓殄滅無再觀望遷延自干
重咎安貴梁作楫於此股匪徒竄過鄖西何以不

欽定剿平粵匪方略

卷三七八

五

能追擊並著官文嚴飭該鎮道等分兵入陝助剿
不得強分畛域

同日左宗棠奏言粵逆林彩新由德興竄至弋
陽經道員王德榜一軍於四月二十五日擊敗
復竄至湖西王德榜於二十六日率各營銜枚
疾進破其一村賊擁大轎正圖奔逸王德榜與
總兵蕭得龍等追至將其護從之賊殺散見轎
內有賊目一名手刃之是役殺斃溺斃之賊約
數千名該逆由湖西敗竄至黃沙港對岸楊家
坂五羊店一帶屯踞仍圖過河與南岸之賊合
併二十七日王德榜督各營分路齊進該逆望
風潰竄王德榜揮軍分三路環攻該逆勢窮力
竭悉多偪溺水中其南岸來援之賊亦殲除淨
盡是役共斃賊千餘名生擒二百餘名內有偽

欽定剿平粵匪方略

卷三七八

六

天將周濟川等賊目七名訊明卽於軍前正法其偽烈王林彩新據獲賊供稱已被官軍偏溺而斃惟聽逆陳炳汶濂逆汪海洋等股尙屯踞湖坊陳坊一帶總兵王開琳已率所部移紮河口鎮擬卽會同王德榜一軍相機進剿此次最爲出力之浙江補用道王德榜可否交軍機處記名遇有道員缺出請

聖朝聖旨卷七十八

七

旨簡放其餘各員弁可否由 臣會同江西撫 臣擇尤彙案保獎之處出自

天恩

同日沈葆楨奏冒偽烈王林彩新一股由德興紛竄王德榜調集槍隊連環轟擊該逆棄船梟水淹斃甚衆四月二十五日林逆由方家墩突犯弋陽王德榜督總兵蕭得龍等分兩翼而出

聖朝聖旨卷七十八

八

內河水師參將劉世玉復沿河轟擊斃賊三千餘名該逆竄踞湖西二十六日王德榜督隊進攻賊猶熟睡我軍入館卽殺一村旣盡復進一村賊覺狂走又追及於青板橋人擠橋斷落後者皆伏地受縛賊隊有巨酋乘大轎者斃於亂軍之中莫詳其偽號也是夜探知該逆潛聚楊家坂五洋店等處思渡河而南與黃沙港賊合王德榜於五鼓親督各營分三路環攻忽對岸黃沙港踞逆從上游飛渡悍逆千餘來援王德榜令李運龍以親兵抵住援賊飭麥錦鑾等水陸各軍圍而殲之該逆智窮力盡死者無算解散尤多據生擒賊供首逆林彩新已歿於水各營將士連日血戰力解城圍殲滅巨股除閩浙督標各營應由左宗棠查明請獎外浙江補用

道王德榜身先士卒調度有方應如何獎勵之處恭候

聖裁參將劉世玉等謹先行開列懇請獎勵其餘出力文武員弁兵勇可否由 臣等擇尤優獎之處出自

天恩

沈葆楨又奏冒侍逆於撫州敗後沿河上竄四

欽定剿平粵匪方略卷七十八

九

月十九日晚襲踞建昌之萬年橋二十日劉勝祥席寶田等迎勦斃賊甚多該逆復由下游西渡於二十五六等日分竄宜黃崇仁五月初三日江忠朝以精捷營跟追敗之於崇仁城外殺賊六七百人席寶田與劉勝祥統兵繼進劉典於二十七日抵臨江將各營駐紮要隘王文瑞仍駐永豐贛臨河道甚長戰船無多適彭玉麟

派喻俊明張瑞芳水師來援遂連檣上駛劉于潯亦添派戰船駛赴樟樹一帶藉資扼紮至省城兵力甚單 臣飭護九江鎮總兵萬泰統兵千餘人來省以顧根本重地咨請會國赫酌派數營接防湖口並飛咨鮑超兼程來援此次陣亡之都司范得旺等懇請

飭部從優議卹以慰忠魂

欽定剿平粵匪方略卷七十八

十

沈葆楨又奏冒准總兵江忠朝咨稱提督黃仁遺驕妄任性前在南昌娶妾嗣後屢次請假不遵約束尤可異者江忠朝派親兵隊長江忠仁執持令箭稽查城門該營勇丁不穿號褂恃強闖入與親兵扭毆並將令箭折斷適江忠朝自營入城目擊情形飭令摺拏懲辦該勇登時逃逸黃仁遺旋即來謁口出狂言江忠朝示以折

斷令箭黃仁遺謾罵不顧昂然而去隨將前鋒
營營官關防遣人呈繳前來似此縱容勇丁陵
侮同官若不示以薄懲何以整肅營規相應請
旨將提督黃仁遺卽行革職勒令在營效力不准向
他處投效以肅軍令而儆效尤均奏入

上命議政王軍機大臣傳諭曾國藩左宗棠沈葆楨
曰林彩新一股由德興鎮直犯弋陽復竄湖西希

聖朝聖略卷七十八

十一

圖南渡經王德榜等疊次痛剿殲滅殆盡林逆亦
被水淹斃剿辦甚為奮勉侍逆一股襲踞建昌之
萬年橋以大股西渡分竄宜黃崇仁江忠朝席寶
田等統軍繼進劉典王文瑞所部分駐臨江永豐
彭玉麟所派之喻俊明等師船復連檣上駛與曾
國藩前奏大略相同贛江以西諒可無虞竄渡惟
此股賊匪著名兇悍入江以後未經大創尤宜厚

集兵力痛加剿洗曾國藩前檄周寬世七營赴援
並令鮑超一軍取道湖口九江繞出樟樹鎮迎頭
遏擊著卽催令該提督等迅速前進與劉典王文
瑞駐紮臨江永豐之軍及江忠朝等追躡各營縱
橫夾擊務將此股悍賊就地殲除迅克宜崇各城
毋任久踞一而嚴扼贛江之險杜其西竄以保完
善省城兵力單薄沈葆楨檄萬泰等所部千人入

聖朝聖略卷七十八

十二

省咨請曾國藩酌派數營接防湖口要隘著曾國
藩酌量調派陳炳汶汪海洋等股尙踞湖坊陳坊
一帶著左宗棠飭令王開琳王德榜兩軍乘勝進
剿毋任紛竄腹地剿辦愈形棘手萬年橋力戰陣
亡之都司范得旺著照都司例從優議卹外委孟
春新周連勝劉友林劉嘉裕六品軍功唐占春楊
啟信彭得意劉茂盛均著照外委例從優議卹沈

葆楨奏提督黃仁遺不守軍律縱勇擾害等語已
明降諭旨照該撫所請革職留營效力仍著沈葆
楨隨時察看如再不遵約束貽誤軍情或有怨望
情事卽行奏明正法毋令別貽後患

上諭內閣曰左宗棠奏偽烈王林彩新由德興竄至
弋陽縣境經道員王德榜督隊追抵湖西揮軍抄
擊斃賊無算該逆敗竄黃沙港對岸楊家坂一帶

欽定剿平粵匪方略卷七十八

十一

復經王德榜督飭各營約會江西水師奮力環攻
殲除尤衆逆首林彩新已被偏溺斃本日復據沈
葆楨奏王德榜一軍勦賊屢勝殲滅林逆全股弋
陽解圍與左宗棠所奏大略相同勦辦甚爲奮勉
著左宗棠沈葆楨督飭王德榜等軍迅將江境竄
匪悉數殲除毋任蔓延尤爲出力之浙江補用道
王德榜著交軍機處記名遇有道員缺出請旨簡

放沈葆楨摺內請獎之參將劉世玉著以副將儘
先選用並賞給銳勇巴圖魯名號遊擊汪懷俊著
以參將儘先選用並賞加副將銜主簿劉廷選著
以府經歷仍留江西補用並賞戴藍翎千總吳佑
翺著以守備儘先選用並賞戴藍翎武生蔡廷龍
著以把總拔補並賞戴藍翎其餘出力員弁兵勇
著左宗棠沈葆楨查明擇尤保奏

欽定剿平粵匪方略卷七十八

十四

上又諭內閣曰黃仁遺由勇丁游保提督宜如何申
明紀律爲各營表率乃竟敢徇庇滋事勇丁屢次
違犯將令且敢於謁見江忠朝時肆行謾罵不顧
而去實屬膽大妄爲目無統帥卽按照軍法從事
亦爲罪所應得姑念該提督平日臨陣尙屬奮勇
著從寬卽行革職仍勒令在江忠朝軍營效力以
觀後效不准向他處投效如敢仍前驕蹇不遵調

度卽著沈葆楨按照軍法從事不准姑容其滋事
勇丁仍著嚴拏懲辦以肅軍律

二十三日 壬戌 官文奏冒髮逆由黃陂圖竄漢口

唐訓方於五月初八日帶隊追擊黃陂之賊已
遁趕追不及卽將六營紮於滸口以保漢口重

鎮時楊朝林由孝感之高埠橋擊賊獲勝沿途
跟追擒斬多名追至滸口水陸各軍聲勢甚壯

聖朝聖略卷七十八

該逆未能逞志乘夜潛遁維時孝感雲夢之賊

由黃陂麻城注意東趨陳得才後股又由馬平

港平林市廣水續至再犯黃孝其前股已過黃

安有往麻城者有至羅山黃陂站者該逆分股

乘虛東下此時蘄水麻城黃岡均形喫重現飭

成大吉楊朝林石清吉周鳳山各軍從黃陂麻

城迅速前進或迎頭截剿或跟蹤追擊兼顧繞

竄黃州之路黃州早設有防兵二營駐紮郡城

又調派梁洪勝五營前往協助丁長春曾紹霖

礮船已駛入黃郡湖河之內外江有李濟清水

師一營設有緊要上游礮船皆可順流而下軍

情瞬變布置難以豫定仍應相機調度不敢拘

泥惟楚境北路多山南路多水馬隊難於施展

至德安黃孝之間地始平坦又爲賊蹤中阻我

聖朝聖略卷七十八

軍由南北兩路節節進逼隨棗鍾京天應雲孝

安應各郡縣已無賊蹤全股趨重黃陂以東黃

安麻城黃岡之間儻得大兵四集可冀聚殲惟

接據姜玉順報稱四月二十五日起程由潼關

靈寶一帶前進藍斯明等尙無起程確信目下

賊衆兵單不敷分布幸僧格林沁統帶馬步各

營於隨州兩戰大捷賊勢稍衰其武漢等處人

心尙屬鎮定兼有唐訓方在省辦理城防事宜
可以無慮 臣已於五月十二日拔營至孝感一
帶不日卽往黃陂嚴督水陸前敵各軍趕緊前
進至下游江路已有彭玉麟親率水師駐紮九
江湖口聯絡鄂防並分巡田家鎮等處陸路如
皖之穎六廬巢已經會國藩派兵扼紮懷遠鳳
陽臨淮以下等處亦經會國藩咨商喬松年吳
棠楊岳斌酌量派兵守禦儻該逆盡行東下鄂
軍出境窮追會合江皖水陸之師必收夾擊之
效奏入

欽定剿平粵匪方略卷七十八

十七

上命議政王軍機大臣傳諭僧格林沁官文會國藩
富明阿吳棠喬松年張之萬唐訓方曰髮捻前股
由黃陂竄徧漢口經水陸官軍扼要布置賊蹤遠
遁其竄孝感雲夢之賊復由黃陂麻城注意東趨

陳得才一股亦向麻城羅山全數下竄官文現飭
成大吉等合力截剿並於黃州等處妥籌扼堵與
僧格林沁昨日所奏情形大略尙無歧異此股髮
捻闖入楚疆經僧格林沁督帶馬步於隨州兩戰
大捷楚軍復分投截殺賊勢敗竄惟楚境北路多
山南路多水馬隊難於施展至德安黃孝之間地
始平坦又爲賊蹤中阻未能聚而殲旃僧格林沁

欽定剿平粵匪方略卷七十八

十八

昨奏有賊蹤東趨卽拔隊迎剿之語此時賊匪全
股趨重黃陂以東黃安麻城黃岡之間儻得馬隊
勁兵迎頭截擊必可大挫兇鋒著該親王偵探賊
蹤相機妥辦官文現派成大吉楊朝林石清吉周
鳳山各從黃陂麻城迅速前進或迎頭截剿或跟
蹤追擊兼顧繞竄黃州之路並拔營至孝感一帶
督剿卽著督飭成大吉等星夜跟追仍設法繞出

賊前會合江皖各軍痛加勦洗毋令賊匪一意東趨又成尾追之勢至由陝調楚各軍除孟宗福等六營因梁逆竄出大峪口逼近西安經穆圖善等留陝防勦外其姜玉順等所部各營業經分起由豫赴楚著官文飛速催提飭令分投進兵毋少延緩皖北接壤楚境六安首當其衝前據喬松年奏蔣凝學駐守六安共有六營並令王才秀所部駐

聖朝聖事書十八

九

三河尖接應其壽州定遠廬巢鳳陽一帶亦各派兵駐守現在賊蹤逼近防兵究嫌單薄著曾國藩喬松年妥籌布置酌量添調兵勇扼要防勦毋稍疏虞其陳國瑞英翰兩軍並著僧格林沁喬松年恪遵昨日諭旨催令帶隊駐紮正陽探蹤迎擊毋落賊後富明阿仍遵前旨酌撥江北勁旅察度地勢扼紮上游以資協勦徐宿清淮一帶著吳棠加

意籌防以期有備無患逆竄光羅一帶商城固始均屬喫緊張之萬當催令張曜等督率所部會合僧格林沁之軍相機勦辦唐訓方已抵署任武昌等處防守事宜並著嚴密妥籌以防回竄

官文又奏冒統帶新鳳中營之參將蔣榮華防守棗陽不能約束勇丁滋擾地方且性情浮動不知振作總兵梁洪勝統率六營防守天門一

聖朝聖事書十八

三

帶接仗互有勝負該營在九真廟被圍官弁勇丁傷亡至四百餘名之多雖奮力衝出究屬咎無可辭且紀律不嚴勇丁不免騷擾道員梁作楫紮營鄖陽鄖西屢有戰功因距省較遠所稟賊數以少報多語近粉飾當此攻勦喫緊之際未便稍事姑容相應請

旨將參將蔣榮華卽行革職仍留軍營差遣以觀後

效總兵梁洪勝道員梁作楫均請摘去頂戴以示薄懲奏入

上諭內閣曰參將蔣榮華不能約束勇丁致令滋擾地方且性情浮動不知振作總兵梁洪勝統帶兵勇剿賊紀律不嚴官弁勇丁多有傷亡道員梁作楫所稟賊情以少報多語近粉飾蔣榮華著革職留營以觀後效梁洪勝梁作楫均著摘去頂戴

欽定剿平粵匪方略卷七十八

三

同日江甯將軍富明阿奏言軍興以來各路軍營無不募勇現在浙江等處連拔堅城湖州金陵皆成孤注指日肅清後各路勇丁數皆巨萬自必紛紛裁撤招勇易而裁勇難稍不得法卽滋後患臣去年督兵皖北竊見蒙穎鳳泗之閒曠土閒田比比皆是屢經奉旨飭查各省荒田逆產爲興屯之法果能盡心查辦

既可招集窮民更可安置散勇一舉而數美皆備皖北固多曠土江浙千餘里一片荒蕪亦當開墾應請

旨特派賢能大員假以事權認真查辦不得視爲具文抑臣更有請者逆匪煽亂以來甘心從逆者固多而被賊裹脅急思反正者亦屬不少第陷賊旣久蓄髮過長恐投誠萬無生理中懷疑懼遂致觀望遷延現在金陵城中逆黨尙多及楚豫江西大股爲數亦衆如宣布

欽定剿平粵匪方略卷七十八

三

朝廷浩蕩之恩凡有設計獻城或捨斬首逆立予破格之賞其賊中附從但能反正投誠卽蓄髮較長均准薙髮免死並以牌照路費資遣回籍攜帶家屬貲財悉予本人不准兵勇搶奪如此廣爲曉諭賊勢一解逆首就擒必易卽或賊渠

狡獪各路騰山重兵合力兜剿亦可指日廓清
臣愚昧之見可否

飭下各省督撫及統兵諸臣妥籌辦理之處出自
聖裁奏入

上命議政王軍機大臣傳諭曾國藩左宗棠楊岳斌
富明阿吳棠李鴻章喬松年沈葆楨曰自來軍務
將竣遣撤勇丁不得其宜每滋後患若於屯田之

聖學聖略卷七十八

三

中妥籌安插自可一舉兩得惟是有治法尤貴有
治人著曾國藩左宗棠李鴻章喬松年吳棠嚴飭
所屬地方各官悉心酌覈妥議章程派委賢能地
方官實心經理不可意存畏難亦不得草率敷衍
務令招集窮民安置散勇有條有理經久可行方
為妥善至解散賊黨一節屢經明降諭旨寬其脅
從其真心來歸者無不立沛恩施但恐陷賊既久

之人疑投誠必無生理賊遂因其疑而固結之以
致垂破之城難於攻拔現在金陵城中逆黨尙多
楚豫江西大股為數亦眾用特再降諭旨著江浙
等省各督撫統兵大臣於奉到此旨時刊刻曆黃
剴切曉諭務在寬其格而予以自新堅從賊者反
正之心卽以破賊固結之計賊勢自必瓦解至賊
渠狡獪或有假冒含混乘機生變等事亦不可以

聖學聖略卷七十八

三

不防惟在該督撫及統兵大臣等妥籌辦理
上諭內閣曰國家命將出師翦除兇逆原期與吾民
共樂昇平其甘心從賊者固為法所難容而殲厥
渠魁脅從罔治凡被賊偏脅而悔罪自新者皆在
可矜可赦之列前經屢諭各路統兵大臣令於誠
心歸順者勿論從賊久暫均准一律投誠各該大
臣亦能仰體朝廷好生之心妥為辦理故大軍肅

清蘇浙兩省收撫甚多凡率衆來歸殺賊反正者類皆寬其既往咸與維新此被陷難民所當共聞共見現在金陵合圍指日可克若俟城池既拔則玉石俱焚雖悔何及亟宜及早省悟自覓生機惟念其間有久陷賊中隱懷疑懼未能自拔者用是再行剴諭嗣後如有設計獻城擒斬首逆卽立予重賞其有從賊已久蓄髮較長但能誠心歸順均

聖恩聖方略卷三十八

三五

准薙髮免死給予牌照路費資遣回籍攜帶眷口貲財悉歸本人兵丁不得搶奪無籍可歸妥爲安置如私行殺害劫奪財物卽將該兵勇按照軍法從事並將該本管官從重懲辦各處投誠難民均照此一律辦理著各路統兵大臣各省督撫卽將此旨刊刻張貼徧行曉諭務令身陷賊中者咸知朝廷寬大之政益以堅其向化之心用副覆幬生

成至意

同日

上諭內閣曰本年髮捻各逆竄擾楚豫交界僧格林沁親督所部兵勇轉戰而前所向克捷洵屬勩勞懋著因念近日天氣炎蒸該大臣冒暑督兵不辭勞瘁允宜優加賞賚以獎忠勤著發去黃紗馬褂料二件金表一對玉柄小刀一把火鏟一把鼻煙

聖恩聖方略卷三十八

三五

一匣茶葉二匣派伯彥請謨祐馳驛親齎前往軍營交僧格林沁祇領並傳諭該大臣爲國宣勞尤宜善自愛護以隆倚畀

欽定剿平粵匪方略卷三百七十九 甲子年

五月二十四日 癸亥 張之萬奏旨逆匪大股盤踞

宣化鎮意在久踞分股圍撲生生寨窺伺羅山
縣城當經副將徐連陞於五月初一日銜枚疾
進知縣趙祖蔭等集團接應都司巴振德等各
督馬隊三路進剿襲殺甚多乘勝直擣宣化鎮
賊巢匪眾不及抵拒盡向東南狂奔我軍分投

聖朝聖略卷七十九

一

追殺計斃悍賊七百餘名生擒二十餘名其敗
匪竄至何家畝新店集等處又經光山縣知縣
鄭錫濂督率勇丁迎頭擊敗竄徙山河堡地方
查前股髮逆偽端王藍矮子與捻匪陳大濤合
股現已竄至黃州下巴河盤踞二股髮逆偽遵
王賴汶洸與捻匪張總愚合股亦由黃陂縣竄
至黃州境內三股髮逆偽扶王陳德才與捻匪

張佃江合股自安陸之阜市集竄至應山之羅
家店盤踞亦有東竄黃州之勢此時髮捻各股
趨重黃州豫境光羅等處亦尚有賊窺竄是日
下東南一路尤為緊要急須挑選精壯會同剿
洗臣卽飭副都統色爾固善善慶總兵張曜宋
慶統帶馬步各營馳援東路由南陽陸續前進
馳赴光羅一帶出境援應並會同楚軍認真剿

聖朝聖略卷七十九

二

辦務將各股設法殲除至偽啟王梁城富一股
遊駛商州境內與浙川相距不遠雖有陝軍兜
剿難保不再東竄臣已改派副將張士元一軍
駐紮浙川嚴防西路一面嚴飭東路各軍激勵
將士剋日奏功奏入

上命議政王軍機大臣傳諭穆圖善張之萬劉蓉德
興阿曰前因髮逆竄至豫東疊諭張之萬督率官

軍妥籌防剿現在宣化鎮賊巢雖經副將徐連陞等督帶兵團立時攻克而賊蹤仍在光羅境內必應乘勝痛剿張之萬現飭色爾固善等統率馬步各營馳援東路所辦甚合機宜著飭該副都統等迅速馳抵光羅一帶出境援應會合楚軍認真剿辦啟逆梁城富一股前據穆圖善劉蓉奏該逆竄出大峪口偏近西安請留孟宗福等六營助剿迄

欽定剿平粵匪方略卷七十九

三

今已逾旬日尙未將陝軍接仗情形馳奏此次張之萬摺內所稱梁城富一股遊駛商州境內與浙川相距不遠是此股匪徒業由西安回竄張之萬已派副將張士元等駐浙嚴防並著穆圖善劉蓉德興阿迅速派兵追擊兩而夾攻毋令賊蹤竄逸同日徐宗幹奏言據署臬司徐曉峯道員張啟煌稟報前由建甯甯化兩路竄出之賊分爲兩

股一入將樂縣境經遊擊李世進在黃潭地方乘其過河半渡截擊獲勝一入歸化境內經該縣知縣金士棠等帶兵敗於五里橋四月初四日賊復回竄建甯縣境於初五日黎明直入南門該縣知縣陳聯魁正在北鄉召集團丁聞警後率領兵勇馳回將城外之賊擊退即奪門而入殺斃無算該逆仍由江西新城一路竄去另

欽定剿平粵匪方略卷七十九

四

股於四月十三日復由宣化中沙地方回撲甯化縣城該縣知縣董基瑛會同都司吉勒圖堪等於十四日出城接仗有馬賊數百繞道從南門蠶擁而入署汀州鎮總兵趙連先期飛調留防歸化之軍馳往救援一面添派本標兵二百餘名與董基瑛等合隊齊抵城下該逆出城衝突被我軍殺傷過半餘匪由中沙向江西石城

一路逃去查浦城至汀州綿亙千里關隘數百處均與江西接壤先後調撥兵勇統計已有萬餘人然僅敷分布守禦未能出境會剿聞左宗棠所派遣員康國器一軍已自浙起程計日可到仍委員赴粵迎催臬司張運蘭統師來閩一面飛咨署提督曾玉明與林文察督率所部將士迅速內渡會合江西官軍合力兜剿以期一

聖恩其各屬防勦尤爲出力官紳一併存記俟確查

五

鼓聚礮並嚴飭徐曉峯等督飭在防文武嚴密設防相機截擊此次建甯甯化兩城復被賊襲入該文武卽日擊退可否免其置議出自

分別請獎縣丞董鍾麟署漳州右營守備千總林吉祥外委呂起濱監生王雲興生員徐建侯勇首毛元恆禦賊捐軀殊堪憫惻應請

飭部從優議卹奏入

上命議政王軍機大臣傳諭左宗棠毛鴻賓徐宗幹郭嵩燾曰建甯甯化兩城甫經收復何以賊匪回竄又復失陷徐宗幹於軍營重事毫無布置派出各員又復不能得力致賊氛一至城卽被陷以萬餘兵勇各路分防而任賊往來自如曾不能一爲堵截乃以被賊襲入隨卽擊退爲詞請將該文武

聖恩其各屬防勦尤爲出力官紳一併存記俟確查

六

等免議如此辦事顛預安能整頓戎行保守疆圉徐宗幹著傳旨申飭所請將文武各員免其置議之處著不准行仍著該撫查明失事各員嚴叅懲辦不得再有粉飾自取罪戾此次禦賊捐軀之縣丞董鍾麟署漳州右營守備千總林吉祥外委呂起濱監生王雲興生員徐建侯勇首毛元恆均著交部從優議卹此股賊匪向江西新城石城竄去

難保不去而復來徐宗幹當嚴飭徐曉峯張啟煌等實力堵禦如再被賊闖入蹂躪地方該撫等恐不能當此重咎也浦城汀州等處關隘甚多兵以分防見單前諭該撫檄調曾玉明林文察帶兵內渡併力剿賊著催該員等迅速內渡會同江省兵勇合力兜剿不得再有遲滯康國器一軍計日可到仍著飛催前進現在閩省防剿喫緊毛鴻賓郭

欽定剿平粵匪方略卷七十九

七

嵩燾當懷遵疊次諭旨迅飭張運蘭督帶所部剋日赴閩毋許逗留徐宗幹當會商左宗棠就現有兵力嚴密防堵或分兵出境會剿均當認真籌辦毋得再誤事機

二十五日^{甲子}李鴻章奏^臣因湖州賊氛尙熾

派道員潘鼎新各營由平望分紮南潯震澤尙嫌單薄復令劉秉璋派聶桂榮等水陸五營往

紮濱湖之吳淞互相聯絡詎五月初七八等日湖州踞賊僞立王黃汝英等糾眾數萬已竄踞吳淞擾及陸家灣股瀆村丁公橋一帶道員潘鼎新等派撥隊伍齊進立將丁公橋天到橋賊卡攻燬初九日潘鼎新馳赴南潯督軍分路兜殺追至殷瀆村因雨收隊哨長汪本立追賊死之初十日唐宏成等由湖塘直趨吳淞聶桂榮

欽定剿平粵匪方略卷七十九

八

等由丁公橋攻殷瀆村而以丁壽昌等繼之先將吳淞之賊卡攻破各軍追殺至天到橋口賊復傾巢出撲水師徐道奎聶桂林沿岸環攻該逆棄械狂竄我軍卽紮天到橋探明殷瀆村路徑十一日各營齊進三面要擊斃賊無數又將殷瀆村二壘攻燬其李朝斌太湖水師經^臣商請於初九日抵長興縣屬之夾浦口該處踞賊

於象公廟前後堅築大石壘二座防守周密李朝斌分兵兩路猛進陣斬偽列王江逆前後兩壘一時齊破殺賊無算各營分紮要隘以防廣德四安援賊十一日郭松林等拔赴長興遂將東門外上莘橋跨塘橋兩卡掃平徧紮城下查浙軍現紮湖州塘南此次踞逆大股出撲意圖直犯南潯震澤冀掣浙軍後路並擾蘇防經我軍攻燬其巢兇鋒已挫惟楊漚等處踞逆尚多與吳淩毗連時出肆擾沿湖尚無水師依倚臣已飛咨李朝斌酌撥二營前往兩面兼顧仍飭潘鼎新穩紮穩進長興踞賊既失夾浦要口其氣已奪現令郭松林等合力猛攻速克此城則湖逆竄路將斷或可得手

李鴻章又奏言臣於攻克常州後未敢遽議協

聖朝聖略卷七十九

九

勦金陵一以臣部兵將苦戰經年傷病疲乏未得休養若遽令遠出誠恐再衰三竭無裨大局一以曾國荃全軍兩年圍攻一簣未竟屢接來書謂金陵所少者不在兵而在餉現開地道十餘處約有數處五六月間可成如能及早轟開自必無須協助又疊准曾國藩咨緘屢令派兵接防句容東壩溧水高滄各處又准左宗棠咨商撥兵進規長興以掣湖州賊勢臣因湖州賊氛尚熾實為蘇省切近之憂應先派勁旅進規長興協取湖郡俟湖州克復門戶穩固然後分兵會圖金陵方無後顧之慮是以揀派郭松林劉士奇王永勝楊鼎勳等軍會攻長興現已進徧城根勢難遽行撤動而蘇常新復各郡縣內防湖州竄匪外堵金陵竄路節節設守未可一

聖朝聖略卷七十九

十

處空虛常勝軍裁遣後松滬腹地亦應籌備臣固未可遠離臣之兵力亦僅勉支堵剿至臣部礮隊向稱得力者一則常勝軍礮隊向係洋弁管帶現始派員接管須操練三五箇月漸求精熟方可派出攻剿一則提督程學啟所遺礮隊內有大礮三尊可以攻城現為王永勝劉士奇帶往長興一則提督劉銘傳礮隊大礮少而小礮多僅能攻營劫寨前攻常州時臣調齊三軍礮隊分門合攻月餘乃下金陵城大而堅洪李各逆負固老巢非嘉興常州可比曾國荃地道如轟不開必須礮隊協助則臣處所有礮隊須全調前往方能得力目前常勝軍所遺礮隊既未練成程學啟所遺礮隊已往長興劉銘傳近在句容亦擬添配礮位操練兩月再行攻剿除

欽定剿平粵匪方略卷七十九

十一

由臣督飭各軍趕緊操習一面多製炸彈廣儲攻具聽候調撥外擬請俟湖郡克復蘇防稍鬆再飭協攻金陵以求有濟仍隨時咨商曾國藩曾國荃酌度辦理奏入

上命議政王軍機大臣傳諭左宗棠李鴻章曰李鴻章分剿湖郡之師駐紮南潯震澤等處偽立王黃汝英等糾眾竄踞吳淞擾及陸家灣一帶道員潘

欽定剿平粵匪方略卷七十九

十二

鼎新等派隊敗賊於丁公橋等處復將吳淞殷瀆村賊卡賊壘攻燬其李朝斌進攻長興水師壘破夾浦口堅壘郭松林等陸營復將東門外上莘橋等處賊卡掃平偪紮城下剿辦甚為得手湖郡賊勢甚重左宗棠進剿之師尚未偪城此次該逆大股出撲希圖直犯南潯震澤以掣浙軍後路並擾蘇防逆謀甚狡李鴻章務飭水陸各營互相犄角

毋為該逆所乘一面飭李朝斌郭松林等合力猛
攻迅將長興縣城克復酌量派兵駐守即飭諸軍
乘勝會合浙師迅拔湖州盡殲醜類惟兩省共辦
一事誠恐所部將領各存意見忌功避嫌均所不
免現當全浙漸就肅清湖州一城已成孤注而悍
賊屬集尤須各軍併力迅圖蕝事左宗棠李鴻章
務飭各營將士同心協力早拔名城一俟大功告

欽定四庫全書

十三

欽定四庫全書

十四

竣蘇浙官軍皆當同膺懋賞前諭李鴻章派撥勁
旅協剿金陵茲覽該撫所奏以滬軍協攻湖郡分
防句容東壩高淳溧水等處兵力難分常勝軍及
程學啟所遺礮隊並劉銘傳礮隊或派往長興或
訓練未成均難助剿自係實情惟金陵功在垂成
城大而堅未易猝拔曾國荃所掘地道前次攻破
外圍復為該逆堵築非添集得力礮隊勢難早奏

肅公仍著李鴻章督飭各軍趕緊操練廣儲攻具
一有成效即飭迅赴金陵協同進剿以蕝全功該
撫能否親往金陵之處屆時再行酌量辦理

同日劉蓉奏言蔡逆勾通髮逆後隊竄偏省城
經我軍屢次進擊該逆遂由子午鎮澧河竄踞
鄂縣西南兩關意圖攻撲縣城五月初十日總
兵彭基品追抵東關督隊進擊該逆力不能支

紛紛敗入澆峪口傷斃悍逆二百餘名鄂縣城
圍立解其另股傍山西竄者復經金順馬隊疊
次衝殺約斃賊七八百名該逆合股竄踞澆峪
口適臣檄調之彝字營黃鼎已由江口馳抵鄂
縣十一日商同彭基品分路邀截該逆緣山向
西奔竄我軍追至距澆峪口三十餘里之千戶
村該逆前後擁擠一齊搶上山梁旋復捨命撲

下分股從林中抄出我軍首尾受敵爲之小挫
彭基品激勵諸軍賈勇復進賊卽敗竄金順馬
隊亦於是日由北路索家莊追剿該逆正踞整
厓之祖菴馬隊卽從東西北三路奪門而入槍
箭齊施該逆由南路逃出我軍追殺數里共斃
賊二百餘名該逆遂竄終南鎮分踞田峪口慈
峪口等處現經 臣檄飭英毅六營會同黃鼎所

欽定剿平粵匪方略卷七十九

十五

部從渭河北岸徑趨郿縣繞出賊前先扼大散
陳斜谷各口迎頭截擊斷其竄越隴蜀之路並
飛催蕭慶高督湘果中軍迅由甯陝出子午峪
趨鄠縣躡賊之後適值穆圖善派赴湖北之後
起六營亦由潼關折轉西安可期會師由整厓
前進 臣現定於二十日出省親督各軍相機扼
剿並咨李雲麟徑率所部進駐漢中分扼華陽

佛坪留壩各要隘以遏奔竄

劉蓉又奏冒據探髮逆僞扶王一股被河南官
軍擊敗竄往鄖西衆約二萬人意圖與僞啟王
合股已於四月十二三日由漫川關竄至鎮安
地界距鳳凰嘴不遠當飭派防商州之鎮西軍
及山麻坪調來之湘果右軍前往堵截猶恐賊
衆我寡復咨李雲麟由洵陽派兵會剿現據湘

欽定剿平粵匪方略卷七十九

十六

果右軍營官唐友勝稟稱該營正在前赴鎮安
途次探悉該逆竄至鳳凰嘴經鎮西軍鄧太愚
雄毅軍劉縉等率師迎剿將逆股擊敗回竄鄂
境等語查僞扶王陳德才業已竄往下游當無
敗竄鄖西之事此起逆匪究係何股容俟查明
詳細情形再行具奏奏入

上命議政王軍機大臣傳諭穆圖善德興阿劉蓉李

雲麟曰蔡逆勾通髮逆由子午鎮澧河竄踞鄂縣西南兩關另股西竄之賊與該逆合股經澆峪口遁入盤屋之祖菴被官軍追殺賊竄終南鎮及田峪口慈峪口等處劉蓉現飭英毅六營會同黃鼎趨郿縣繞出賊前蕭慶高趨鄂縣躡賊之後穆圖善潼關折回之後起六營由盤屋前進著卽嚴檄派出各軍分路進攻痛加掃蕩以收聚殲之效並

聖朝聖訓卷七十九

七

會商穆圖善德興阿協同防勦昨據張之萬奏偽啟王梁城富一股遊駛商州境內與浙川相距不遠茲據劉蓉奏偽扶王陳德才與啟逆合股已至鎮安經官軍擊敗回竄鄂境等語此次竄鄂之賊究係何股與張之萬所奏殊出兩歧著劉蓉查明迅速具奏匪蹤剽疾異常難保不由漢窺川著李雲麟統率所部進駐漢中分扼華陽佛坪留壩各

要隘力遏該逆竄川之路毋得稍有疏失貽患鄰疆

二十七日 丙寅 穆圖善奏 臣奉

旨援鄂正在部署起程忽聞附省山口之外已有賊蹤據各路偵探此股賊匪實係蔡逆勾合偽啟王梁逆由南山開道而來沿路裹脅山民衆逾兩萬復准李雲麟來咨蔡啟兩逆合股北竄因

聖朝聖訓卷七十九

六

所部諸軍米糧缺乏不得不折回興安採買米石等語 臣部頭二兩起官兵計已馳抵襄樊一帶卽譚仁芳所部四營及常星阿等馬隊亦當早入豫境飛調有所不及不得已將孟宗福四營黃金山劉定邦兩營由潼關星夜調回已於五月十六日一律抵省當與撫 臣密商寇氛密邇惟有持以鎮靜庶免民心驚惶現在該逆全

數西竄盤踞整厓各處村堡雖官軍追剿獲勝
尙未大受懲創撫臣所謂湘果諸軍近日陸續
趕到撫臣卽於二十日出省親赴西路督軍進
剿臣兵力雖單斷不敢稍存曠視亦定於二十
一日出省會督金順馬隊併力攻擊迅掃狂氛
總兵曹克忠因病就醫進省該鎮久戍戎行聲
威夙著臣與撫臣商令統帶撫標英毅八營新

欽定剿平粵匪方略卷七十九

九

招兩營會同剿洗

同日李雲麟奏言漢中髮逆前竄河南南陽地
方經親王僧格林沁擊敗後中旗及啟逆二股
竄入鄖西復經英毅等軍追剿遂率其死黨二
萬餘人由鄖西之上津大壩竄至大小心川與
蔡逆台股由鎮安之大坪鳳凰嘴向孝義江口
晝夜疾趨臣本擬親率全軍跟蹤追擊因彼時

興安上下被賊日久米蕞雜粟收括無遺各營
軍糧均須赴襄樊竹山採辦轉運需時因此停
兵待糧數日而該逆已於五月初一日竄至孝
義之東江口查江口西至佛坪爲入川要道當
時省城一帶多隆阿駐有重兵斷可無虞惟慮
其由開道急趨漢中遂飛咨提督蕭慶高何勝
必率湘果中右兩軍與彝字各營於甯陝石泉

欽定剿平粵匪方略卷七十九

三

一帶相機截剿臣卽率所部移往興安石泉與
蕭慶高何勝必等共商會剿正在布置閒旋准
撫臣劉蓉咨稱該逆竄出大峪口直擾西安距
省城三十餘里盤踞兇饒頗張而多隆阿部曲
悉數派赴鄂豫無兵可撥飛咨臣迅率所部兼
程而前擊賊後路因查由興安入省計程七百
餘里非十餘日不可而沿途無糧艱窘更難言

狀然省城為根本重地不得不極力圖維現飭署興安府知府謝復榮督飭各廳州縣湊十日軍糧即日馳援省城斷不敢稍有遲緩如進援之後賊復他竄亦當視賊所趨會同湘果兩軍跟蹤躡剿均奏入

上命議政王軍機大臣傳諭穆圖善德興阿劉蓉李雲麟曰昨據劉蓉奏蔡逆髮逆合股被官軍擊敗

聖朝方略卷七十九

三

賊竄終南鎮及田峪口慈峪口等處當經諭令穆圖善等實力防剿現在湘果諸軍陸續趕到業經劉蓉督帶出省親赴西路剿賊穆圖善亦擬即日由省會督金順馬陟併力攻擊即著穆圖善劉蓉相機會剿迅殄狂氛省城防守事宜著德興阿督同在城文武嚴密布置不可稍有鬆勁此時穆圖善劉蓉已出省追剿省防情形稍鬆李雲麟一軍

如再前赴西安則興漢一帶空虛恐該逆乘間回竄窺伺川疆李雲麟著仍遵前旨統率所部進駐漢中分扼華陽佛坪留壩各要隘力遏逆匪竄川之路該京卿既貽誤於前儻再不奮勉圖功致令此股賊匪旁竄紛趨自問當得何罪

同日喬松年奏言探報孝感逆匪竄擾黃陂黃安等處麻城一帶亦見賊蹤該處距英霍兩縣

聖朝方略卷七十九

三

不遠六安一城有蔣凝學駐守兵力究嫌單薄適准陳國瑞咨稱已派總兵郭寶昌帶前隊二千五百人來皖擬赴壽州正陽駐紮聽調臣以軍情緊要當飭郭寶昌即日帶領所部馳赴六安會同蔣凝學妥籌防剿如賊蹤竄近英霍即可會合剿擊陳國瑞由徐州起程尚無確期現已催其迅速前進俟該總兵到時或紮英霍或

紮六安再當妥籌布置皖省兵數單弱前由直隸撥來之陳飛熊一軍業經遵

旨催提其鎮營兵勇四千人如盡屬精銳自應趕緊咨調惟鎮營得力之兵均已分戍金壇丹陽兩城其餘恐多疲乏無裨實用俟臣與會國藩定議後再移咨馮子材仍行遣撤其常星阿一軍即能抵豫如僧格林沁攻勦喫緊亦恐一時未

聖學聖方略卷三十九

三

能分撥昨據富明阿奏請將克蒙額馬隊調揚奉

旨令臣酌量辦理查臨營馬隊雖僅八十餘人自挑汰後尚為精壯以之領袖各營足資表率臣已咨行富明阿仍遵

旨俟常星阿馬隊到後再行調往庶於防勦稍有裨益至臨鳳壽正各隊經臣督飭逐日訓練未敢

稍涉疏懈奏入

上命議政王軍機大臣傳諭喬松年曰前因楚北賊勢東趨六安等處防兵較單曾經諭令添調兵勇扼要防勦其陳國瑞一軍即令駐紮正陽以資扼守現在逆匪竄擾黃陂黃安等處麻城一帶亦見賊蹤該處皆距英霍不遠喬松年已飭陳國瑞所派之郭寶昌帶領所部馳赴六安會同蔣凝學協

聖學聖方略卷三十九

三

力防勦兼顧英霍所籌尚妥著即飭派出各軍認真堵剿儘逆蹤竄近英霍合力截擊以勦為防毋令東竄並催陳國瑞迅速前進或紮英霍或紮六安擇要駐防妥籌調度陳飛熊一軍著催提到防以厚兵力鎮營兵勇既恐不能得力即著咨商會國藩辦理克蒙額馬隊既據喬松年稱其強壯可用著准其暫留臨淮俟常星阿馬隊到後再行調

回揚營駐紮臨鳳等處各隊著督令逐日訓練以備不虞

二十九日 戊辰 會國藩奏言蘇常攻克後臣本擬

咨請李鴻章親來金陵會勦特以該撫係封疆將帥之臣又值苦戰積勞之際非臣所敢奏調是以未及具疏上陳函詢臣弟曾國荃亦以師久無功愧懷無地不敢更求助於人近於畏難

聖朝方略卷三十九

三

卸責始勤終怠者之所為乃兩月以來百計環攻偪城太近我軍傷亡至四千餘人之多所挖地道十餘處已被該逆從內掘出穿透三洞此外諸洞亦難奏效前聞賊糧於五月罄盡近來城中收割新麥又可支持數月是埽穴捨渠之期尚無把握而曾國荃焦勞致疾飲食漸減餉項奇窘尤為可慮聞蘇軍火器精利長於攻堅

臣於五月十一日始咨調蘇軍郭松林劉銘傳兩鎮酌帶開花礮位輔以槍隊就近助攻金陵然猶未敢請李鴻章親來也今蒙

飭下李鴻章親督各軍西來會勦臣已恭錄

諭旨具咨加函催令速赴金陵與曾國荃會商勦辦前接李鴻章來函言蘇軍將士太勞宜稍休息待攻克長興湖州再行選將撥兵助攻金陵等

聖朝方略卷三十九

三

語合無顧懇

天恩飭催李鴻章迅赴金陵俾金陵早破一日天下之人心早安一日實為至幸臣飭鮑超速援江西十七日已至九江飭黃翼升速回金陵接統楊岳斌外江水師仍俟楊岳斌行抵江西換出彭玉麟所部師船駛赴下游謹遵會籌金陵之命仍須回顧上游兼防鄂省東下之賊臣於三月間

本欲前往金陵督勦旋因徽州告警迄不果行
此次湖州羣賊已竄過鄂皖交界之馬鞍山英
霍潛太等縣一賊卽至安慶省會重地防兵單
薄刻下未可暫離擬俟北岸軍事稍鬆臣於六
月親赴金陵會同李鴻章彭玉麟會國荃籌商
攻勦儘屆時安慶警急亦卽乘坐輪船星夜上
駛總當兼權緩急量而後動斷不敢顧此失彼

致煩

宸廑奏入

上命議政王軍機大臣傳諭會國藩左宗棠李鴻章
曰據會國藩奏稱蘇常攻克後本擬咨請李鴻章
親來會勦惟以封疆將帥之臣值苦戰積勞之際
未敢奏調金陵兩月以來百計環攻偪城太近我
軍傷亡至四千餘人之多所竄地道亦難奏效賊

欽定剿平粵匪方略卷三十九

三

糧仍可支持數月會國荃焦勞成疾飲食漸減餉

項奇窘尤爲可慮該大臣已咨調郭松林劉銘傳

就近助攻請飭催李鴻章速赴金陵俟北岸軍事

稍鬆於六月親赴金陵籌商攻勦等語具見視國

如家不分畛域之意前據李鴻章奏滬軍協攻湖

郡分防句容東壩高淳溧水等處兵力難分常勝

軍及程學啟所遺礮隊並劉銘傳礮隊或派往長

興或訓練未成擬添配礮位操練兩月俟湖郡克

復再行協攻金陵當經諭令該撫督飭各軍趕緊

操練廣儲攻具一有成效卽飭迅赴金陵能否親

往屆時酌量著仍遵前有督催各營認真操練多

製火器攻具並於所部各營內挑選精壯便捷善

於攻城者二三千人卽交劉銘傳等帶赴金陵其

郭松林一軍現在助攻長興能否撥往並著李鴻

欽定剿平粵匪方略卷三十九

三

章酌度調派長興一城最關緊要如能即日克復
蘇省防務自可稍鬆該撫或俟長興得手後統率
諸軍助攻金陵不必定俟湖州克復左宗棠自入
浙以來戰勝攻取確有把握吳興一郡諒不難剋
日攻拔著卽督飭諸軍設法攻克務須就地殄除
勿任窮蹙他竄楚賊刻思東犯英霍一帶已覺喫
緊去安慶不遠曾國藩自未可輕離根本之地著

欽定四庫全書

三

俟上游軍勢漸平卽赴金陵督師俾各路將帥有
所稟承以蕙全功曾國荃積勞致疾聞之深爲廕
念該大臣務卽傳知該撫善爲調攝金陵城大而
堅賊悍且衆因獸之鬪不可不防當飭該撫拊循
士卒兼須整飭營規以防竄突不可稍涉大意
三十日己喬松年奏言查現調陳國瑞前部之
郭寶昌一軍已經行抵懷遠暫爲駐紮陳國瑞

欽定四庫全書

三

函稱於五月十九日由徐州起程從泗州水路
前進數日閒可抵臨淮一俟到臨卽視潁六一
帶何地緊要查照僧格林沁來咨商令馳往駐
紮相機防勦其蒙亳六安等處業飭在防各軍
嚴密布置並確探賊情隨時稟報僧格林沁俾
得統籌調度其鎮營兵勇四千人前以未能得
力毋須調皖一面函商曾國藩一面卽經陳奏
現准曾國藩來咨意見相同臣已咨照馮子材
等妥爲遣撤至陷陣衝鋒馬隊最爲得力現在
克蒙額一營人數太少欽奉

諭旨令富明阿酌撥江北勁兵豫備援應查揚營管
帶馬隊之副都統富陞素稱勇敢其馬隊亦皆
精銳現在楚中之賊斷不能越皖境而至揚州
是揚防鬆而皖防急若將此軍調赴皖北與克

蒙額合紮一處尤爲得力可否仰懇

飭下富明阿將富陞所帶馬隊暫撥前來以資助剿
於皖省防務大有裨益一俟軍務稍鬆仍卽飭
回揚營奏入

上命議政王軍機大臣傳諭富明阿馮子材魁玉喬
松年曰陳國瑞一軍業於五月十九日由徐州起
程現在諒已行抵臨淮著喬松年與之會商並稟

聖皇聖方略卷三十九

三十一

商僧格林沁酌度緩急何路緊要卽飭該總兵扼
要防剿該撫仍當隨時督飭各軍與之聯絡聲勢
以期周密一面偵探賊情飛咨僧格林沁以便該
大臣赴皖督剿鎮營兵勇四千人旣經該撫與會
國藩咨商恐其不能得力卽著馮子材魁玉妥爲
裁撤惟不可令其羣聚一處致生事端若散遣不
得其法貽後日地方之患惟馮子材等是問前令

富明阿酌撥江北勁旅豫備援應皖北若有警信
非馬隊不能得力副都統富陞素稱勇敢所部馬
隊亦皆精銳著富明阿卽派該副都統督帶馬隊
馳赴臨淮一帶與克蒙額合紮一處現在楚賊東
竄斷不能越皖境而至揚州是揚防鬆而皖防急
該將軍卽趕緊調撥不得稍存畛域之見俟皖防
無事再行調回揚營

聖皇聖方略卷三十九

三十一

欽定剿平粵匪方略卷三百八十 甲子年

六月初一日 庚午 沈葆楨奏言逆賊汪海洋陳炳

汶盤踞陳坊湖坊蔓延火田畝等處五月初三

日王德榜派隊接仗殺斃百餘名該逆於初七

夜竄向上清宮濂逆留悍黨萬餘於火田畝一

帶為斷後計王開琳當派勇丁約會王德榜分

三路而進該逆憑卡死守我軍以劈山礮轟之

剿平粵匪方略卷三百八十

一

一擁而入斃悍逆一百餘名王開琳揮令各營

直前猛擊自督親兵居中策應擒斬甚夥賊乃

大潰我軍追殺七八里又斃賊數百名其分踞

拒子峯盛源洞者初九日竄至距貴溪城十餘

里之南鄉總兵孫昌國抽派水勇會同總兵戴

奉聘及該縣練勇敗之於張家橋十一日又敗

之於五里亭現在鉛山境內一律肅清惟貴溪

之盛源洞等處賊尚未退當飭在防諸軍極力
掃蕩迅殄逆氛

沈葆楨又奏言林政揚一股四月二十六日由

甯化福村回竄石城之豐山該縣知縣曾繼勳

等擊退之該逆仍踞福村偽王宗一股除與侍

逆合隊外餘匪復於五月初五六等日竄近廣

昌東南邊界知縣彭芝派團勇迎擊該逆遂退

剿平粵匪方略卷三百八十

二

入池源山背村中負嵎不出現侍逆大股仍踞

崇仁濂聽等逆則在貴溪之南金盪之北劉典

以贛河盛漲兼有彭玉麟水師可恃王文瑞分

紮永豐樂安西路可無他慮商同江忠朝席寶

田先行圖復崇仁而檄王開琳王德榜會剿濂

逆聽逆探聞鮑超初六日由蕪湖周寬世初十

日由祁門先後拔營兩多路阻月底方可抵江

奏八

上命議政王軍機大臣傳諭曾國藩左宗棠楊岳斌
毛鴻賓沈葆楨徐宗幹郭嵩燾曰汪陳兩逆由陳
坊湖坊竄向上清宮留悍黨萬餘於火田畷一帶
爲斷後計經王德榜王開琳等分路猛擊殲斃悍
逆多名其分踞柘子峯盛源洞者竄至距貫溪城
十餘里之南鄉經孫昌國等疊次擊敗賊尙未退

聖朝方略卷百十

三

著沈葆楨督飭防軍竭力掃蕩毋令日肆蔓延現
在侍逆大股仍踞崇仁漳聽等逆則在貫溪之南
金盪之北亟宜及早殄滅楊岳斌日內諒已起程
赴江著卽星夜前進會同沈葆楨督飭江忠朝席
寶田等迅復崇仁並檄王德榜王開琳會合江軍
將漳聽各逆速圖剿滅南豐一城日久尙未攻拔
其剿辦情形亦未據沈葆楨陳奏殊深馳繫南豐

與廣昌宜崇均相毗連若不迅下南豐恐賊氛聯
成一片紛竄旁趨愈難收拾著沈葆楨督飭在事
文武奮力進攻毋再遲延林政揚一股由甯化敗
踞福村僞王宗一股分黨竄近廣昌是福建邊防
愈形喫緊著左宗棠等督飭康國器一軍確探賊
蹤迎頭截擊徐宗幹懷遵疊次諭旨迅催林文察
等飛速內渡合兵會剿並飭在防諸軍嚴扼要隘
甯化石城一帶逼近廣東不可不先事防維著毛
鴻賓郭嵩燾趕緊籌畫豫爲布置昨據曾國藩奏
鮑超已至九江著該大臣嚴催鮑超及周寬世全
軍迅速援江不得再行遲滯

初二日 辛未 富明阿奏言欽奉

諭旨皖北兵力如尙不敷飭喬松年等商撥揚防兵
勇查揚防各營統計一萬數千人分防揚儀天六

聖朝方略卷百十

四

四城保護裏下河十餘州縣現當楚豫逆匪急欲下竄圖救金陵若由巢滁浦六而來則揚防西路最爲喫重由定遠來安下竄則揚防後路戒嚴由靈泗竄越則清淮喫重裏下河必爲震動且裏下河一帶近有南來游兵散勇及新降人衆結隊成羣恐滋事端 臣當派總兵孫文友前往泰靖裏下河一帶確查彈壓商令總兵吳全美親督師船駛赴下游梭巡盤詰近日沿江口岸一帶來有湖廣划船帆檣林立南來遣散降勇以及難民淆濶不清吳全美等督同總兵李起高等逐一嚴查內有護照者均經壓令出境其並無護照來歷不明者搜獲數名訊明正法惟此項散勇不獨口岸爲叢聚之所卽靖泰江都泰州各鎮市亦復不少據探江南共遣散

聖朝聖略卷之十

五

五十三營多有降衆在內均須陸續渡江謀生當卽咨請李鴻章於裁撤時派員彈壓遣回原籍以免逗留滋事伏思揚軍遠防天六內顧腹地目前雖無兵事而防務未可稍鬆若將兵力遠分設有警報緩急實難應手至陳國瑞一軍遠駐潁六相離揚防九百餘里實有鞭長莫及之勢該軍兵力尤形單薄因思潁六與徐宿較近應由吳棠酌撥姚廣武等軍就近應援並以清淮之軍爲姚廣武後援以揚防之軍爲清淮策應聲勢自然聯絡若再加以鎮防餘兵四千抽赴皖北自必益臻穩固再 臣於五月二十六日率馬步親軍前赴天六儀徵一帶察看地勢布置一切理合陳明奏入

聖朝聖略卷之十

六

上命議政王軍機大臣傳諭富明阿吳棠李鴻章喬

松年曰據富明阿奏稱楚豫髮逆下竄揚防各路均形喫重裏下河一帶游兵散勇結隊成羣防務未可稍鬆兵力實難遠分等語尙係實在情形陳國瑞一軍日內諒可行抵臨淮如兵力尙單卽著吳棠酌撥姚廣武等軍就近援應徐宿一帶未可空虛卽以清淮防軍爲姚廣武後路聲援揚防之軍兼爲清淮策應著富明阿吳棠督飭各軍聯絡

欽定剿平粵匪方略卷八十

七

布置揚防各路兵勇卽著無庸撥赴皖北喬松年卽飭在防諸軍密探賊蹤實力堵遏鎮防餘兵四千已據喬松年奏毋庸撥赴皖北由馮子材等妥爲遣撤矣陳國瑞到臨後著喬松年仍遵前旨會商進兵並稟商僧格林沁酌量調度游兵散勇及新降人衆屬聚裏下河一帶防範不可不嚴著富明阿飭令孫文友等梭巡盤結以靖地方沿江口

岸亦著一體嚴查無任匪蹤滑瀾江南散勇甚衆多有降衆在內著李鴻章於遣撤時妥爲約束毋任逗留滋事該將軍啟行後水陸各防卽著飭令吳全美等嚴扼要隘毋稍疏懈

初三日壬申陝甘總督楊岳斌奏言臣於五月十

四日自皖城下駛十七日抵金陵老營卽於次日派提督彭楚漢羅進賢蔡國祥總兵顏海仙

欽定剿平粵匪方略卷八十

八

等四營水師先往江西擇要扼紮以固根本二十日與浙江撫臣曾國荃籌商金陵之事並將留下所部水師從新布置以後江而防勦事宜交提臣黃翼升接辦定於二十七日率揚占鼇水師一營星夜進發道經安慶再與曾國荃熟籌進勦機宜卽行兼程上駛奏入

上命議政王軍機大臣傳諭楊岳斌曰該督於五月

二十七日起程取道安慶上駛著卽兼程前進
遵前旨會同沈葆楨督飭各軍將崇仁貴溪等處
賊股次第剿除其鮑超一軍前據曾國藩奏已抵
九江將繞出樟樹鎮迎頭遏擊並著該督與鮑超
之軍互相聯絡會同夾擊以期盡殄逆氛

同日德興阿奏言髮逆於五月初八日由尹家
衛全數西趨蔓延鄂蓋一帶當飭金順馬隊會

聖朝聖略卷八十一

九

同撫臣劉蓉步隊追擊均有斬擒穆圖善調回
赴楚之後隊勇營於十二三等日陸續到齊臣

與穆圖善劉蓉仍當督飭官兵嚴密防守奏入
上諭曰此時髮逆雖已西竄省防仍不可稍形鬆懈
隨時與穆圖善劉蓉妥籌辦理

初四日癸酉官文奏言逆賊不得逞志於漢口分

股由東北斜趨臣先飭富森保成大吉楊朝林

聖朝聖略卷八十二

十

石清吉周鳳山陸路各軍或從黃岡麻城迎頭
截擊或山黃陂跟蹤追剿並以梁洪勝五營由
水路速趨黃州兼扼蘄水廣濟趨皖之路連據
探報黃安黃陂之賊分竄麻城之岐亭宋埠黃
岡之紫檀河大股麕聚於李家集辛家冲白塔
河馬鞍山等處捻逆亦分股由黃陂之油柞河
口竄入羅山之仙花地方黃安北路之賊分竄
光山之薊家河晏家河等處均入河南省界尾
隊仍在黃陂黃安五月十四日成大吉石清吉
由黃陂進兵直逼宋埠時新洲逆黨橫出岐亭
前來接應成大吉率步隊迎擊斃賊數十名宋
埠岐亭之賊均向新洲遁去十九日拔營會剿
新洲列隊接仗該逆紛紛敗退我軍追至新洲
河邊沿途斃賊甚夥二十日復向新洲進剿並

分兵進攻辛家沖各營臭水過河勇氣百倍先後共斃賊千餘名遂將新洲及辛家沖同時攻克其水師礮船於江河要隘節節布置五月十一二等日賊股竄至黃岡縣屬之花團鋪等處經盤石礮礮船飛檣迎擊適李濟清巡防亦至連環轟擊賊始敗退十五日該逆仍向辛家沖一帶奔竄各船沿河追剿斃賊二百餘名救出

欽定剿平粵匪方略卷八十

十一

柴湖等處難民萬餘因水淺不能駛進仍回白塔河駐紮查捻逆勾合髮逆欲救金陵捻逆志在擄掠而髮逆之不即東趨者必探聽皖省下游信息欲以捻逆於上游節節牽掣得便狂奔現飭梁洪勝五營繞出賊前扼守蘄水張啟基所部礮船二十隻駛赴蘄州遏賊下竄一面飛咨河南安徽各軍豫爲準備並令成大吉等視

賊所向越境窮追冀收夾擊之效臣日內擬即進紮黃州督飭水陸各軍節節掃蕩其黃州江路派有李濟清等礮船聯絡彭玉麟水師江面似可無慮僧格林沁大軍已駐光州蘇克金巴揚阿等軍由黃安皆赴豫境以防賊勢北趨迎頭截擊

同日曾國藩奏言臣於五月間欽遵

欽定剿平粵匪方略卷八十

十二

諭旨咨請李鴻章督軍會剿金陵之賊現尚未接咨覆據曾國荃來文神策朝陽兩門外所掘地道又被城賊從內挖出橫穿數處勇士傷折甚多金陵城厚且高開花濺之能否收效尚未敢必惟有飛催李鴻章率師來會一面晝夜環攻一面嚴斷接濟冀殲數萬堅忍之賊仰慰九重宵旰之憂至前此奉撥輪船經費一項已據代

理江海關道應寶時先後批解規平銀二十三萬八千兩有奇合庫平銀近二十二萬兩以五萬兩分濟鮑超一軍以四萬兩提解安慶糧臺餘十三萬撥歸金陵大營飢困之際獲此鉅款莫不含哺而頌

皇仁至上游近日軍情賊之竄擾江西者自攻陷宜黃崇仁後並未北窺省會西越贛江逃者頗多

欽定四庫全書

十三

鮑超全隊由湖口渡湖將取道九江瑞州而進楊岳斌亦抽調水陸十營前赴江西合之鮑超軍共二萬餘人臣因江西兵力極厚不難盡殄寇氛改調周寬世一軍令赴皖北以防鄂省東竄之賊鄂賊現在麻城黃岡之交一搖足即入皖境擬令陳國瑞駐紮壽州處淮南江北適中之地為廬壽舒六游擊之師仍當防守要區嚴

扼江面俾不得掣動金陵全局均奏入

上命議政王軍機大臣傳諭僧格林沁官文曾國藩李鴻章張之萬喬松年曰逆匪不得逞志於漢口分股向東北斜趨官文飭富森保等各軍分投截擊黃安黃陂之賊分竄麻城之岐亭等處捻逆亦分股由黃陂之油柞河竄入羅山之仙花地方黃安北路之賊分竄光山之薊家河等處成大吉等

欽定四庫全書

十四

現將新洲及辛家沖併力攻克水師礮船在黃岡縣境勦退賊匪官文擬即移紮黃州著即趕緊馳赴督飭成大吉等馬步水陸各軍認真勦辦將黃麻一帶逆匪悉數殄除無任蔓延他處蘄水等處即責令梁洪勝等實力固守勿任竄突該逆未嘗一日忘援金陵其停頓不即東趨必係探聽皖省下游信息欲以捻逆牽掣上游便可遂其奔突之

計僧格林沁現紮光州蘇克金等皆在豫境著卽飭該員等將光羅各境竄匪迅速剿除並嚴防楚匪東竄皖境張之萬當嚴飭各郡縣慎固封守毋令賊再闖入應如何添兵會剿之處著與僧格林沁會商妥辦皖北之防喬松年須振刷精神豫爲戒備會國藩現調周寬世一軍移赴皖北並令陳國瑞駐紮壽州著卽飛飭該員等迅速到防勿稍

欽定剿平粵匪方略卷八

十一

延誤金陵之賊飛走技窮著會國藩隨時督同會國荃相機進剿周應巡防該處城池雖高且堅但使真能斷其接濟外援不來內賊不出又寬爲收撫脅從播散告示俾令傳入賊中以破其固結之謀不久定能蕺事該大臣等其慎勉圖之以副企望聞匪徒仍有濟賊糧食軍火之事著卽嚴飭水陸各軍實力嚴防李鴻章仍遵前旨俟長興克復

赴援金陵並令劉銘傳等先行馳往助剿諒該撫必不稍有畛域之見也

同日毛鴻賓奏言查臬司張運蘭上年由臣奏派募勇來粵實爲粵中緩急足恃之軍今江皖逆匪上竄又接閱各處探報福建汀州頗爲震動武平一路更覺空虛目下情形以東路爲尤急自應欽遵

欽定剿平粵匪方略卷八

十二

諭旨飭令張運蘭卽行馳赴嘉應察探賊蹤所在轉戰而前惟該臬司所部欠餉已積至四月之久越境遠征急應籌款清釐臣一面札飭候補道唐啟蔭前往接防一面札飭軍需局趕緊籌畫以便交替啟行不至遲延奏入

上諭曰仍著懷遵疊次諭旨迅催張運蘭統率所部入閩馳赴毗連江西一帶地方將賊股痛加剿洗

毋稍遲延

初六日乙亥喬松年奏言據報楚中之賊仍在麻

城羅田一帶南及蘄水官文進紮孝感係在賊

之西路若東路再有大兵圍截則賊不至東竄

陳國瑞已到臨淮卽令拔隊駐紮正陽探蹤迎

擊陳飛熊之五百人已到徐州卽日已可抵營

奏八

聖軍聖略卷中

十七

上命議政王軍機大臣傳諭喬松年曰現在楚中之

賊仍在麻城羅田一帶南及蘄水勢將駸駸東犯

陳國瑞率師來皖現已到臨卽著該撫會商該總

兵妥籌布置陳飛熊已抵徐州並著催令迅速到

營以厚兵力

初八日丁丑李鴻章奏言長興一城爲湖州賊所

必爭五月十二日李朝斌帶水師進至城東北

六里之後漾村與陸軍郭松林楊鼎勳劉士奇

等互相聯絡節節爲營踞逆僞襄王劉官方貢

嗣不出十七十八等日湖州堵輔二逆令僞天

將陳逆率二萬人由東南來援廣德四安兩路

賊首僞列王江逆等亦率四五萬人由西北來

援與城賊相應郭松林等會商分勦二十二日

王永勝等軍兩面夾擊槍斃並斬獲數千人遂

聖軍聖略卷中

十八

將鴻橋跨塘橋沿河傍山賊營踏毀李朝斌水

師登陸由磨盤山繞出賊背劉士奇由磨盤山

直逼廣德四安援賊各壘江逆驅衆衝出搏戰

多時李朝斌率所部由山梁疾趨而下分路抄

殺斃賊及溺死者萬人沿山賊壘亦均蹋平二

十三日堵輔各逆復由三路添撥大股來犯郭

松林等合力痛勦殲賊數千人追殺二十餘里

援賊悉遁各軍定議猛攻長興縣城二十四日環偏各門營官梁安邦等身先士卒肉薄以登各營奮勇繼之李朝斌郭松林劉士奇等均受槍傷仍裹創力戰郭松林率宋德鴻首先登城將城內悍賊次第撿斬其由西門衝出者李朝斌設伏殲之遂於二十四日午刻將長興縣城克復此次水陸諸將攻克堅城殲除殆盡其尤

欽定剿平粵匪方略

十九

爲出力之遇缺提奏提督楊鼎勳等可否分別獎勵陣亡之參將向大鵬等可否請

旨飭部照陣亡例從優議卹其餘出力陣亡員弁容

臣查明彙案奏懇

天恩給予獎卹

李鴻章又奏旨潘鼎新一軍於五月十三日派唐宏成等在胡澗紮營賊屢來撲均被擊走堵

逆各大股西自喬漚胡漚南自殷瀆村分路直撲王應海之護軍營王應海出營迎擊腹受槍傷致被衝破幸聶桂榮等合力援剿水師徐道奎等礮船亦駛至湖濱立將王應海原營奪回撿斬黃衣賊目多名當令趙濟川焦宗良派隊守之潘鼎新因吳漚兵單復添調震澤吳江之夏金標潘鼎立二營前往會剿十五日趙濟川

欽定剿平粵匪方略

二十

等督勇從桑林四面槍入斬敵數百水陸夾擊遂將胡漚西南賊壘一律踏毀羣賊驚竄二十四日潘鼎新復督各營水陸夾攻湖濱之賊悉遁歸中塘織里一帶查湖州逆衆屢次圖犯南潯吳漚爲分竄蘇浙之計潘鼎新所部人數雖單屢戰獲勝現已扼紮堅穩當飭會同李朝斌太湖水師相機防剿連日陣亡之擬保守備把

總陳順昌等均請

飭部照例議卹

李鴻章又奏言 臣歷奉會剿金陵之

諭復接會國藩等咨緘心急如焚極擬剋期就道惟

湖州賊股甚衆附城數十里內面面賊壘堵逆

黃汶金輔逆楊輔青等均係百戰悍賊浙軍僅

能扼東南兩面其西北瀕臨蘇常中隔一湖浙

聖朝聖略卷八十

三十一

師勢難兼顧現因湖城未復東自吳江平望西

至宜興溧陽數百里間均須分守牽掣兵力甚

多長興攻克足扼湖州之吭若郭松林各軍乘

勝進趨與潘鼎新李朝斌水陸各營分路並進

或可漸冀得手若欲 臣會攻金陵復令 臣協剿

湖州 臣力實有不給若令 臣棄湖州而赴金陵

湖賊或竄蘇境孰與主持調度如僅分兵遠去

少則無濟於事多則各統將資望相等號令不

一籌思至再似乏兼全之術頃據郭松林等稟

稱現在天氣炎熱洋槍連放三四次即紅多則

炸裂開花礮放至十數次後即不能著手昨攻

長興各項礮具俱已震損亟須回蘇修整以後

節交三伏戰事頗難亦係實在情形惟是疊奉

嚴旨飭 臣軍會攻金陵會國藩兄弟又屢次檄調事

聖朝聖略卷八十

三十一

關大局無論有濟與否必應竭力相助 臣擬日

內由太湖馳赴長興前敵察看軍情賊勢相機

調撥仍即折回蘇城恭候

諭旨酌奪辦理奏入

上命議政王軍機大臣傳諭會國藩左宗棠李鴻章

曰長興一城爲蘇浙要衝此次援浙各軍竭力攻

克實屬異常奮勉惟長興賊首是否劉官方曾否

殲斃逆眾有無逃竄他處李鴻章擬親赴長興察看著卽前往督飭諸軍搜剿餘匪查明匪首下落覆奏仍將廣德四安之逆首江姓等殲除潘鼎新一軍在胡漚等處獲勝恐其兵力尙單著卽添派勁旅助之務將湖州協力攻克以期蘇浙肅清除巨寇其助攻湖州陣亡之擬保守備把總陳順昌擬保千總軍功汪得勝擬保把總六品藍翎孫

欽定剿平粵匪方略卷十

三

彪擬保把總軍功楊德元均著交部照例議卹李鴻章奏稱疊奉諭旨助攻金陵並屢准曾國藩會國荃咨催會商攻剿惟湖州賊股甚眾附城數十里內面面賊壘浙軍僅能扼東南兩面其西北瀕臨蘇常湖城未克牽掣兵力不少若會攻金陵復須協剿湖州兵力實有不給現擬日內由太湖馳赴長興前敵察看軍情賊勢相機調撥仍卽折回

蘇城候旨酌奪等語所籌亦係實在情形前竄江皖之賊其勢甚張左宗棠兵力未免爲所牽掣著李鴻章於到長興後卽督軍助攻湖州嚴飭水陸諸軍防賊內竄俟湖州克復蘇常無警再行親統全軍助攻金陵湖州賊多且悍左宗棠務卽督飭各軍會同李鴻章助剿各軍同心努力約期進攻期於一鼓攻拔此城爲蘇浙關鍵若且晚克復則

欽定剿平粵匪方略卷十

三

一勞永逸不獨李鴻章可以全力協克金陵卽左宗棠兵亦可再往皖南江西全局轉移大有把握卽著左宗棠李鴻章悉心妥籌共奏膚公以慰朝廷殷盼曾國藩仍卽督令曾國荃就現有兵力認真防剿如機有可乘仍督率諸軍奮力圖攻卽或一時不能得手亦必妥慎嚴防毋令竄突俟合兵後再圖剋期攻拔以期事出萬全該督撫等均爲

朝廷所倚畀更須勉益加勉和衷共濟有厚望焉
上諭內閣曰此次官軍越境助剿擊退湖州廣德援

賊克復浙江長興縣城實屬異常出力遇缺提奏

提督楊鼎勳著交軍機處存記遇有提督總兵缺

出先行請旨簡放江南提督李朝斌福山鎮總兵

郭松林貴州古州鎮總兵劉士奇江西南贛鎮總

兵王永勝均著交部從優議敘總兵陳忠德著以

聖學聖考卷八十

五

提督記名簡放記名總兵周蘭亭宋德鴻成俞卿

均著交軍機處存記遇有總兵缺出儘先提奏總

兵高占彪龔生陽葉廷杓均著賞給二品封典副

將李長樂舒義志均著免補副將以總兵記名簡

放宋甸南著免補副將以總兵遇缺先行提奏于

奇泮著賞給卓勇巴圖魯名號參將張正全著賞

給堅勇巴圖魯名號遊擊劉玉龍著以參將補用

並賞加副將銜都司程祖旺著以遊擊儘先補用

並賞給赫勇巴圖魯名號以示鼓勵陣亡之參將

向大鵬遊擊周金才守備王福興擬保千總劉興

隆均著交部照陣亡例從優議卹其餘出力陣亡

員弁著李鴻章查明彙案奏請獎卹

初十日己卯穆圖善劉蓉奏旨臣等行抵鄂縣探

悉蔡逆率悍黨踞盤屋屬之店子頭田峪口一

聖學聖考卷八十

五

帶偽啟王及鄭馬諸逆分踞樓觀臺黑水峪西

略峪等處其勢漸趨而西臣等飛咨提督曹克

忠迅由岐寶繞赴郿縣攔頭堵截臣劉蓉率湘

果右軍五營臣穆圖善率潼關折回之六營及

副都統金順馬隊二起進紮南集賢邵家村一

帶偏賊而壘五月二十六日臣穆圖善帶回馬

隊馳赴店子頭樓觀臺一路察看賊情遇賊痛

勦餘逆悉潰二十七日我兵分路出隊直抵店子頭賊壘該逆相持良久俟分三路來撲我軍亦分三路應之中路總兵楊得勝等先與遇於平林奮勇接戰金順亦揮兵馳往抄擊斬馘頗多總兵彭基品所帶中營偏在一隅賊黨環集薄之臣穆圖善遙見中左兩路之賊悉趨右路遂督親兵及金順馬隊馳突橫衝賊始大敗奪

聖朝聖略卷八

三七

路回奔我軍追殺五六里計斃賊千餘名曹克忠於二十六日率所部由鄂縣槐芽鎮進紮整匡青花鎮二十八日出隊遇騎賊三四百人我軍奮勇前擊殲斃多名首逆偽祿天義宋先富亦被擊獲餘黨向陳家堡一帶竄走是夜該逆由東路出竄曹克忠親督喻正祥等分路前進疾馳追擊至西峪嶺新口峪等處又斃賊二百

餘人查該逆聯營三四十里非兩路夾攻無以收聚殲之功臣等函約曹克忠由東路步步爲營緊逼前進比接黃鼎等稟報初一日進紮大坪啟逆部下偽天將葉有光等率所部來營投誠等語蔡逆自二十七日挫敗後退出店子頭老巢移踞樓觀臺一帶臣等現擬移營逼之與曹克忠所部聯絡聲援力圖掃蕩此次陣亡之

聖朝聖略卷八

三八

總管米方多爾濟遊擊何萬春願懇天恩從優賜卹

穆圖善劉蓉又奏言副都統金順忠實無偽樸勇有謀此次逆蹤竄入腹地該副都統不避艱險每戰必先其馭軍亦嚴明有法可否將

記名副都統金順

簡放實缺以示鼓勵之處出自

鴻施

劉蓉又奏言查蔡逆自被李雲麟擊敗後游弋
 鄖西鎮安交界之大小心川幾及一月臣方期
 與李雲麟會師殲諸鎮安境內乃李雲麟以無
 糧之故折回興安迨啟逆與蔡逆勾結於四月
 二十六七等日由大小心川合竄鎮安蔡逆之
 衆本二萬餘人啟逆黨與數亦逾萬中旗鄭逆
 等股又近萬人啟鄭兩逆多新裹之衆驍悍之
 賊尙少蔡逆死黨實以萬計查穆圖善所部六
 營與臣之湘果四營皆素稱精銳彼此僅足相
 當非有馬隊衝突實亦難於取勝至臣前據探
 報奏稱偽扶王大股竄入鎮安意圖勾結啟逆
 經鎮西官軍擊敗竄鄂並聲明此起逆匪究係
 何股容俟查明具奏在案現據各路差弁還報

聖學聖方略卷百十

三九

前竄鎮安之賊係各處游匪聚黨成羣假冒扶
 逆之名到處擄掠實則並無著名頭目一聞官
 軍進剿紛紛竄避再張之萬所奏梁逆遊駛商
 境或者尙屬從前情形抑係此次傳聞之誤均
 未可定奏入

上命議政王軍機大臣傳諭穆圖善劉蓉李雲麟曰
 蔡逆與啟逆等漸趨而西經穆圖善等飛咨曹克
 忠各軍分路環擊曹克忠復率所部由郿縣槐芽
 鎮追擊敗賊於西峪峪新口峪等處雖疊次獲勝
 而該逆糾集悍黨蔓延三四十里現在蔡逆移踞
 樓觀臺一帶穆圖善等已移營進逼並令曹克忠
 由東路前進卽著聯絡聲勢兩路夾攻以期一鼓
 殲除啟逆偽將葉有光等率部投誠賊勢並未大
 衰難保非別有詭謀著飭黃鼎等斟酌辦理不可

聖學聖方略卷百十

三

墮其術中陣亡之總管米方多爾濟遊擊何萬春均著交部從優議卹扶啟各逆前竄鎮安劉蓉奏稱係據探報入告實未探明何股軍營偵探爲第一要務劉蓉何得一聞賊警不加詳察率行入告著再詳細查明據實具奏李雲麟以無糧之故折回興安致該逆由大峪口任意出竄種種取巧貽誤殊出情理之外現在蔡逆與啟鄭各逆已屬聚

聖朝聖略卷三十八

三

一處著穆圖善劉蓉督飭所部會同李雲麟合力兜擒盡殲醜類儲堵剿不力致令出竄必惟穆圖善劉蓉李雲麟是問記名副都統金順著交軍機處存記遇有副都統缺出卽請簡放

同日張之萬奏言髮逆大股盤踞黃州黃安等處意圖東走皖疆南竄江表其竄踞光山新集之賊衆約數萬攻破曾家寨孟家寨又分股圍

攻連康寨意在破寨踞守當飭副將徐連陞遊擊李大成等馳赴光山會剿新集之賊我軍出賊不意殺斃甚夥賊衆逃竄又追斬多名五月十五日徐連陞馳扼光山之潑陂河寨督率各營前進奮力衝殺將鄭店四面山寨同時收復其時小河司踞賊竄至倉子埠紫檀河柳子港新洲團風一帶餘匪仍踞宋埠另股竄至白杲

聖朝聖略卷三十八

三

沙家廟而前此宣化鎮賊匪已竄至湖北黃安縣之七里坪其頭二兩起逆股均趨黃州賊蹤徧地臣嚴催色爾固善善慶張曜宋慶等馬步兵勇星速前進於二十一二兩日先後馳到遂解連康寨之圍直扼潑陂河與徐連陞會合相機進剿新集之賊偵知大兵雲集連夜南奔悉向黃安黃岡一帶竄去該匪避兵遠颺疾

趨入楚我軍惟有出境窮追會同楚師合力兜

勦臣前派徐連陞色爾固善張曜三軍親加察

看尙屬精銳已飭就近聽候僧格林沁調度此

時馬步官軍盡在東路儻會合楚軍勦辦得手

可期就此殲除設該匪被擊竄突則商城固始

光山羅山等處防不勝防雖僧格林沁駐紮光

州而該處皆稻田水溝恐非馬隊所能施展惟

有於赴楚各隊內抽調一軍令先駐紮光固一

帶防賊回竄以固豫南門戶已函商僧格林沁

辦理至偽啟王一股前結蔡逆竄至洵陽滋擾

後分股仍竄米糧川孝義廳一帶該逆趨向靡

定是荆子關一路又關緊要該處僅有張士元

兩營駐紮防守兵力太單尤當顧及臣即遵

旨駐守南陽與僧格林沁遇事籌商以期無誤事機

聖學聖學卷八

奉

奏八

上命議政王軍機大臣傳諭僧格林沁官文張之萬

曰髮逆竄擾光山等處經副將徐連陞等督率兵

勇分投勦洗該匪悉向黃安黃岡一帶竄去張之

萬現派徐連陞色爾固善張曜等軍盡赴東路聽

候僧格林沁調遣即著僧格林沁嚴飭各軍出境

追躡會合楚師兩而夾擊務將此股巨匪悉數殄

除黃州徧地賊蹤官文務當嚴飭各營實力迎勦

痛掃狂氛豫軍追賊入楚豫南門戶空虛張之萬

現擬於赴楚各隊內抽調一軍駐紮光固防賊回

竄所籌尙是即著該撫函商僧格林沁斟酌妥辦

啟逆等股趨向靡定荆子關一路防守甚關緊要

張之萬現駐南陽當督飭張士元等營力

毋稍疏懈

聖學聖學卷八

奉

中央圖書館藏書

欽定剿平粵匪方略卷三百八十一 甲子年

中央民族學院圖書

六月十三日 壬午 馮子材魁玉奏言接會

松年函覆臨淮餉項奇絀鎮營兵勇四千人無

須派往自應遵

旨裁撤查鎮江一軍共計一萬一千餘名此項將士

多隨向榮由廣西至江南從征十餘年轉戰數

千里且大半籍隸楚粵川黔無不久戍思歸連

聖朝聖略卷八十一

日分投挑選擇其尤為精銳者量留十四營分

戍鎮江丹陽金壇三城其餘四千名分起資撤

應給口糧川費由糧臺籌款散放至各該營統

帶分帶官弁副將向心照等六十三員既無差

使可委相應仰懇

天恩准其凱撤卽令管帶各起撤勇回營回籍庶不

至滋生事端奏入

上諭曰卽飭令向心照等妥為管帶分別遣撤回營

回籍

十五日 甲申 官文奏言官軍攻克新洲辛家沖後

敗賊回竄麻城五月二十日成大吉會同富森

保石清吉各率馬步進擊該逆於舊街柳林等

處盤踞橫亘百餘里成大吉等一面趕築牆壘

一面以馬步誘擊二十二日副將蕭翊都司李

聖朝聖略卷八十一

墳典乘夜潛攻柳林街踞匪 臣督親兵應援並

知會石清吉進攻舊街富森保及霆左霆右兩

營馬隊相輔進擊各軍繞出柳林街賊館後先

將守卡之賊悉數斬殺分兩路直入街內斃賊

殆盡時舊街會龍山等處之賊得信來援均為

我軍阻截仍復折回二十五日成大吉會商富

森保石清吉等仍於柳林舊街居中之地乘勝

進剿見賊卽殺再戰再厲辛家冲柳林等處之賊我軍追殺四十餘里馬隊殺至會龍山一帶舊街等處之賊我軍追殺三十餘里馬隊殺至馬鞍山一帶賊勢已衰二十八九等日偵知髮逆僞輔王陳得才大股盤踞麻城白杲沙河等處成大吉卽知會富森保石清吉相機穩進自率所部向白杲一帶進攻行抵紅石岡該逆馬步二千餘分路來拒成大吉直前衝殺斃賊百餘名次日黎明分三路前進距白杲十餘里該逆死黨數千盪擁而來四面包圍成大吉令各營開放劈山礮立斃黃衣賊目多名殺賊百餘名餘逆敗回白杲沿江湖汊各要隘均經臣派有水師礮船節節堵扼其姜玉順蕭河清藍斯明等軍五月二十二三及二十六等日先後行

聖朝聖略卷八十一

三

抵樊城尙須略爲休養整齊器械方克成行臣已飭令遣撤疲弱酌留精壯由隨棗小河溪一路徑赴黃州麻城會合成大吉等軍爲聚礮之計所有楚軍各營亦經臣實力整頓惟麻城賊氛四逼城中無糧情形危急雖飭周鳳山楊朝林就近馳援尙未解圍幸僧格林沁移紮光山蘇克金等馬隊已至光山麻城之交臣當卽函商如橫山與楚軍合剿當易得手至蘄水地處黃岡之下臣先派梁洪勝五營繞出賊前紮營雲路口遏賊趨皖之路二十八日梁洪勝密派副將傅得勝等帶隊伏於賊館之後令各營登山施放槍礮該逆倉猝驚愕四散奔逃伏兵追擊斃賊十餘名因兵力太單仍令穩紮固守俟上游大兵下壓再行合擊奏入

聖朝聖略卷八十一

四

上命議政王軍機大臣傳諭僧格林沁官文曰逆股趨集黃麻一帶復糾衆回竄盤踞柳林舊街等處經成大吉石清吉等軍分路剿擊將辛家冲柳林舊街之賊追殺數十里屢有斬馘惟陳得才大股尙踞麻城白杲沙河等處麻城之圍未解亟宜併力掃蕩著官文飭令成大吉石清吉等營迅將白杲等處之賊痛加剿洗麻城城中無糧甚形危急

欽定剿平粵匪方略卷三十一

五

周鳳山楊朝林等援軍並飭催令迅解城圍不得稍有疏失前據張之萬奏豫省光山等處之賊已竄黃安黃岡一帶是豫邊情形稍鬆僧格林沁現紮光山蘇克金等馬隊已在光麻之交若與楚軍會剿自更得手著僧格林沁卽飭蘇克金等聯絡夾擊並遵前旨飭張曜色爾固善等軍出境追躡與鄂軍四面兜圍盡殲醜類第賊勢注意東趨漸

水之雲路口已有梁洪勝五營繞前扼截該逆不能逞志恐其由麻城直趨皖境僧格林沁官文尤當分飭各軍一面迎頭攔截毋得徒事尾追致賊蹤蔓及皖境其姜玉順蕭河清藍斯明等軍已抵樊城鄂省兵力不爲不厚卽著催令徑赴黃州麻城一帶會同成大吉等併力進取以資厚集官文俟遣撤勇丁整頓營務辦有眉目卽遵前旨移紮

欽定剿平粵匪方略卷三十一

六

黃州以資調度
同日楊岳斌奏言賊勢併注江西撫建一帶皖南徽甯等郡尙無賊蹤臣現擬徑赴南昌省城與撫臣沈葆楨妥爲布置再行馳赴東路親履行陳如首郡之豐城進賢撫郡之宜崇金谿建郡之盩溪南豐臣必擇賊勢最厚之處躬率諸將竭方攻剿以圖報稱至於湖州廣德未經克

復恐賊仍蹈前轍接踵入江 臣到江西後覈計兵力通盤籌畫再當兼顧皖南以防湖州續竄之賊奏入

上命議政王軍機大臣傳諭楊岳斌沈葆楨曰賊勢併注江西撫建一帶皖南徽甯等郡尙無賊蹤楊岳斌現擬徑赴南昌布置再行馳赴東路擇賊勢最厚之處躬率諸將竭力攻剿俟到江後覈計兵力通盤籌畫再當兼顧皖南所籌甚是現在皖南無警自當先其所急力爭上游著該督卽行前赴江西省城會同沈葆楨妥商先將省城防務布置周密隨時偵探賊蹤於賊勢最重之區督率諸軍奮力剿洗一經得手自不難迎刃而解並須兼顧皖南毋任湖州廣德之賊續行上竄該督撫務當和衷高辦迅殄賊氛以副委任

聖朝聖略卷八十一

七

十七日 丙戌 富明阿奏冒 臣於五月二十六日行

抵儀徵由六合前赴天長沿途察看情形惟儀徵城垣傾圮居民遷徙多於泗源溝一帶棲止查泗溝地當水陸要衝商販均集人煙稠密奸宄易於溷跡自宜嚴密稽查 臣已飭參將劉福興將派防勇丁分紮五營聯爲一氣以資防範所有派防天六官兵已飭總兵安勇於六合河

聖朝聖略卷八十一

八

南堵橋口設立一營東門外泰山墩設立一營餘皆分布城上嚴密巡防並囑提督劉成元在天長縣將修城濬河各事宜認真辦理卽於揚營抽撥大小礮位十二尊擇要安設各防互相絡聯似可無虞奏入

上諭曰儀徵天六一帶布置均屬周妥仍當督飭文武各員嚴加防範毋稍疏懈

十八日丁亥沈葆楨奏言席寶田江忠朝兩軍於五月二十日進逼崇仁侍逆率死黨於城北抗拒兩軍悉銳擊之乃遁入城二十四五等日江忠朝席寶田各營進紮距城四里屢挑該逆不出二十七日侍逆復率二萬餘眾以兩枝牽掣精毅營以兩枝從左路猛攻精捷營新左前鋒兩營王政坤黃仁遺等憑壘堅守江忠朝飭李祥松等分路迎勦席寶田飭邊曉堂等依壘列陣李祥松鄭喬隆衝入賊隊江上喜鄧善富由後抄出徐士貴捲旗急趨直搗中堅遂解新左營之圍江上喜復率新左營橫抄徐士貴匹馬衝鋒中傷而殞各勇繼之立解前鋒營之圍徐生德李榮發與右路之賊鏖戰逾時適羅章才等馳至督隊猛轟賊匪死亡相繼勢遂披靡侍

聖朝方略卷八十一

九

逆親督大隊衝來蘇元章率隊斜出席寶田督成定康等衝入弁兵多受重傷刀矛相接絕不回顧蘇元章擊斃騎馬賊酋羣賊氣奪紛紛敗遁退踞附城卡內此次陣亡之擬保副將徐士貴等應請飭部分別議卹以慰忠魂

沈葆楨又奏言查劉典過臨江為官民所留遂駐兵臨郡臣改調萬泰來省合計額兵餘丁三千餘人臣因根本重地守備尙單未便出省督戰現在劉典進紮樂安之司背墟王文瑞進紮樂安之太平墟皆逼近崇仁已在贛河之東二百餘里其江席兩軍已逼城而營日內提督鮑超亦繞赴瑞臨進規崇仁以取迎勦之勢贛西似可無慮

聖朝方略卷八十一

十

沈葆楨又奏言上清宮之賊大股竄入金谿黃通山至於許灣又分股從瀘溪繞至新城界上二十二日道員王沐帶隊千六百人行距許灣四五里濶逆擁二萬餘眾分伏各村我軍猛進遂入伏中該逆趨擁而至王沐揮令將士連轟槍礮該逆愈聚愈眾參將劉志友等力竭死之各勇乘勢衝出且戰且退劉于潯派熊得勝等

聖朝聖略卷八十一

十一

馳至合力抵禦斃先鋒悍賊數名賊乃退其僞王宗李逆餘黨盤踞廣昌之池源山五月十一日巡檢胡誠志等擊之該逆竄至蘇溪十三日知縣彭芝又敗之於池源林怔場一股踞甯化之福村十五日石城縣知縣曾繼勳乘夜攻之斬馘七名該逆遂相率不敢戰此次道員王沐失挫實因眾寡不敵所致仰懇

天恩逾格准予寬免處分以觀後效陣亡之參將劉志友等力戰捐軀殊堪憫惻應請飭部從優議卹以慰忠魂

沈葆楨又奏言接奉

諭旨飭查南豐城池未能即復是否後隊不克繼進等因臣當即欽遵查辦茲據臬司席寶田稟稱南豐城堅賊眾四月初七日帶兵移紮百花亭

聖朝聖略卷八十一

十一

當以韓營勢孤恐賊來犯初八日派隊馳伏韓營之左賊果傾巢而來兩軍齊起殺賊進逼城根楊明發等中槍殞命各勇猶奮不顧身盡力轟擊城上槍礮如雨又被傷亡數十人以致未能得手並非後隊不繼惟身膺統領勦賊無功請從嚴叅辦等情臣查南豐之圍席寶田為各營領袖未能速復城池不無應得之咎相應請

旨將該臬司暫行革職責令立功自贖至臣濫膺疆
寄調度乖方厥咎尤重相應請

旨將臣從重治罪以昭炯戒奏入

上命議政王軍機大臣傳諭楊岳斌沈葆楨曰逆眾
屬聚江西占踞崇仁等城意圖久踞經江忠朝席
寶田兩軍會剿崇仁獲勝勦辦尙屬出力自應乘
勝進剿穩慎圖功楊岳斌計已行抵江西省城卽

欽定剿平粵匪方略卷三十一

十三

著會同沈葆楨督飭江忠朝席寶田各軍實力攻
擊迅復崇仁並將宜黃南豐等處之賊以次殄滅
毋稍鬆懈現在劉典進紮樂安之弓背墟王文瑞
進紮樂安之太平墟皆逼近崇仁鮑超亦擬繞赴
瑞臨進規崇仁以取迎剿之勢並著檄令各該軍
會合江忠朝等所部併力進剿盡殄賊氛陣亡之
擬保副將徐士貴署照副將陣亡例議卹擬保遊

擊葉時成首成喜均著照遊擊陣亡例議卹遊擊
雷昌年守備黎祖魁卽在佐顏昌順千總朱得英
曹啟發把總馬青祥外委唐必華文得升歐文盛
著一併交部從優議卹上清宮之賊紛竄金谿之
許灣一帶道員王沐帶兵進攻中伏失利固屬咎
無可辭惟念其平日打仗尙稱勇往此次蹉跌實
因眾寡不敵所致應得處分著准予寬免以觀後

欽定剿平粵匪方略卷三十一

十四

效陣亡之參將劉志友都司方桂蘭守備尹秀南
劉長勝千總邱喜柏沈發堂把總黃國順趙清賢
萬桂齋吳禮發潘玉成外委孟得勝鍾細帆王桂
林何得勝李萬勝馮雲輝張得標楊宗發陳得勝
龍茂勝劉禎祥均著交部從優議卹此時許灣之
賊雖經劉于濬等擊敗而僞王宗李逆餘黨及林
怔揚等復山廣昌甯化等處下竄與南豐賊合侍

逆分黨東窺撫州經總兵胡占魁等擊退仍踞河西金谿之賊復分踞東鄉各村是東路賊氛正熾揚岳斌沈葆楨當督飭王德榜王開琳及周寬世等軍視賊匪最多之處猛力進攻次第掃蕩毋令蔓延席寶田圍攻南豐日久未下本有應得之咎惟該員因兵分力單未能得手尚非攻勦不力沈葆楨請將席寶田暫行革職之處著加恩寬免並著該撫傳知席寶田感激愧奮以贖前愆沈葆楨自請從重治罪之處著一併寬免

聖朝聖訓卷八十一

十五

沈葆楨又奏言貴溪盛源洞等處之賊分踞小港一帶五月十三日夜間孫昌國派隊赴黃土墩誘敵另調水陸各勇由上坊渡過河至陳家嶺仙人橋乘虛撲卡擒斬甚多黃土墩之賊亦潰十八日孫昌國親督礮船由小港駛抵坡岡

適陸師由石前挂榜山衝至會合搜殺賊退丁家橋二十日盛源洞之賊於樟槎袁家壩趕造浮橋孫昌國等各統所部分路而進斬賊尾隊數百人賊退鷹潭二十一日孫昌國又赴鷹潭擊之王德榜進紮安仁二十二日飭蕭得龍等攻羅田李運勝等攻岡上鍾元興等搜殺各村賊館該逆彼此不能相顧各營乘勢掩殺王德榜親統各營會合王德權等由安仁南渡分三路進剿逆鄧家埠踞逆搭造浮橋陸續奔竄見我軍至紛紛搶渡淹斃無數未渡之賊經王德權等三面環攻及孫昌國水師轟擊共斃五百餘名貴溪賊壘一律肅清所有尤為出力之總兵孫昌國等謹先行開列懇請恩施其餘出力員弁勇丁可否容臣擇尤彙獎出自

聖朝聖訓卷八十一

十六

鴻施奏入

上諭內閣曰此次水陸官軍掃清貴溪賊壘所有出力之總兵孫昌國著交軍機處記名遇有提督缺出請旨簡放丁憂吉安府知府周溯賢著俟服闋後以道員仍歸江西補用知府王德權著以道員仍留江西儘先補用其餘出力員弁勇丁著准其擇尤保奏

聖學聖略卷八十一

七

同日暫署湖北巡撫候補布政使唐訓方奏言髮逆東竄黃岡黃安麻城各縣經楚軍進剿獲勝當不至回竄腹地所可慮者鄂省南岸如興國通山各州縣皆與江西毗連賊蹤飄忽靡常由江西之義甯武甯而至鄂省皆臣從前轉戰之地門戶洞開既無江河之可恃山徑歧雜又覺險要之太多臣於五月十九日親赴澠口大

營與督臣悉心籌畫即於二十日旋省現在提

督李成謀於裁撤各營內汰弱留強另立謀勝

一軍專顧省防辦理漸已就緒如果南岸有警

再當會商督臣添調北岸之軍渡江會剿奏入

上諭曰據奏籌辦省防仍著隨時稟商官文妥慎辦

理不可因賊蹤漸遠稍涉鬆懈

十九日

戊子

吳棠奏言前准富明阿咨稱裏下河

聖學聖略卷八十一

六

一帶有游兵散勇及焦湖船隻到處停泊臣當

派守備李清標帶領礮船馳往各處分路嚴查

彈壓比來尚稱安靖徐宿一帶前經姚廣武擇

要設防近因陳國瑞赴皖徐宿祇賴姚廣武一

軍而地當東皖豫三省之交更值楚北逆氛時

圖東竄該處最關緊要惟有督飭姚廣武就現

有兵力加意巡防勢難令其援皖其皖北應防

之處除天六滁州已由富明阿及臣派隊外其餘各處均有防兵駐守至臨淮既有大隊陳國瑞又前赴正陽就刻下兵力而論似尙足敷調遣奏入

上諭曰姚廣武著准其暫留徐宿駐紮惟陳國瑞後路有無援應該漕督仍須隨時酌量移調毋致顧此失彼

聖祖聖訓卷八十一

五

二十日 己曾國藩奏旨欽奉

諭旨飭令李鴻章俟長興得手後統率諸軍助攻金陵一節臣接李鴻章來咨教練礮隊尙需時日又以湖州賊衆逼近蘇常會攻金陵卽不能協剿湖州又謂天氣炎熱洋槍連放卽紅多則炸裂開花礮放至十數出卽不能著手等語查李鴻章平日任事最勇進兵最速此次會攻金陵稍

涉遲滯蓋絕無世俗避嫌之意殆有讓功之心而不欲居其名惟所稱全力助攻金陵卽難協剿湖州係屬實在情形臣亦未便再三瀆催轉瞬新秋暑退該撫必可督兵親來屆時湖郡或已先下無復浙賊犯蘇之慮亦無槍礮紅裂之患矣

聖祖聖訓卷八十一

三

諭旨詢及匪徒仍有偷濟賊中糧食軍火之事飭卽實力嚴防一節查金陵自二月合圍以來陸路晝夜搜查據報已粒米不能入城水路百計防範終難絕淨至四月底始定民船三日放開一次均派礮船護送除放開有期外不准一船來往臣頃而詢楊岳斌據稱五月以來濱江奸匪暗齎賊糧者實已絕蹤然水陸六百七十里臣何敢信其一無疏漏惟當諄飭各營加意嚴防

諭旨以髮捻東趨飭調李榕王可陞等迅赴舒桐調周寬世移赴皖北一節臣查逆股由孝感黃陂蔓延至麻城黃岡羅田等縣近已竄入英山境內臣前調蘇軍接防溧水高瀆建平三城而檄三城防兵移紮舒桐等處旋經李鴻章撥營接守溧水高瀆臣因調溧水王可陞一軍移防無爲州楊岳斌帶高瀆一軍馳入江西惟建平非蘇所轄無兵接防臣又咨請李鴻章於新克長興各軍中分兵往守建平譚出李榕六營馳赴桐城並調李世忠舊部陳自明四營由池州馳紮廬江未知能否速到至周寬世一軍已抵南昌該省官紳合詞請留又不得不先其所急令赴進賢防剿目下不能遽回皖北

諭旨飭臣俟上游軍勢漸平卽赴金陵督師一節查

賊之由鄂趨皖意在掣動金陵全局果能扼守皖境卽所以協助金陵目下惟有催集防軍設法堵遏俟皖北稍安李鴻章回剿有期卽當馳赴金陵商辦一切奏入

上命議政王軍機大臣傳諭僧格林沁官文曾國藩李鴻章喬松年曰李鴻章前奏俟湖州克復再行親赴金陵著李鴻章仍遵前旨會合浙軍共克湖州轉瞬蘇浙肅清礮隊練齊自當親督各軍前赴金陵翦除首惡辦賊之要首在斷其接濟曾國藩務須督飭曾國荃嚴飭水陸諸軍晝夜密防儻有暗中偷濟賊糧之事開礮痛擊勿稍懈忽官文等前奏賊在黃麻一帶回竄盤踞柳林舊街等處未

冒東竄英山本日據曾國藩奏賊由麻城黃岡羅田等縣竄入英山境內現令王可陞一軍移防無

爲州並咨李鴻章於新克長興各軍中分兵防守
建平騰出李榕六營馳赴桐城並調李世忠舊部
陳自明四營由池州馳紮廬江均屬妥協著催令
各軍趕緊到防毋任賊氛蔓延爲患周寬世已到
南昌卽檄令赴進賢防剿無庸遽回皖北僧格林
沁前奏駐紮光山一帶如賊蹤有東竄之信諒已
督軍追剿著督令蘇克金等認真躡剿喬松年身

聖朝聖略卷八十一

三

任皖撫責無旁貸前調陳國瑞等軍均已到防卽
飭迎頭截剿儻任其深入蹂躪定惟該撫是問英
霍去安慶不遠此時楚賊下犯恐掣金陵全局果
能扼守皖疆自於金陵大有裨益曾國藩俟賊氛
漸熄皖屬無憂再行約會李鴻章同赴金陵以期
膚公迅奏

二十一日 庚寅 彭玉麟楊岳斌曾國荃奏言 臣國

荃合圍金陵於五月三十日攻克太平門外之
偽地堡城六月初一日起令各營逼近城根輪
流猛攻總兵陳萬勝王紹羲郭鵬程等死之弁
勇傷亡極多提督蕭孚泗候補道黃潤昌及各
營官弁益切憤怒遂於龍膊子山麓修築礮臺
日夜轟擊一面多用溼蘆土囊填龍膊子高與
城齊一面令總兵李臣典吳宗國何玉貴楊喜

聖朝聖略卷八十一

三

貴從山麓距城十數丈開挖地道剋日限抵城
根而蕭孚泗張詩日蕭慶衍羅逢元臬司劉連
捷道員彭毓橘連日攻之益力不收隊者半月
礮斃賊首偽王甚多十四日朱南桂朱惟堂轟
神策門地道盡去其月城而大城屹立仍未能
克士卒死傷尤衆十五日李臣典地道告成十
六日午刻發火衝開二十餘丈當經朱洪章劉

連捷伍維壽張詩日熊登武陳壽武蕭孚泗彭
毓橘蕭慶衍率各營大隊從倒口搶入城內悍
賊數千死護倒口排列逆眾數萬捨命抗拒經
朱洪章劉連捷伍維壽從中路大呼衝殺奮不
顧身鏖戰三時之久賊乃大潰劉連捷張詩日
由右路循城包抄槍紮各門適朱南桂梁美材
從神策門月城梯攻而入會合據定城北一帶

聖皇聖略卷八十一

三

彭毓橘蕭孚泗蕭慶衍武明良由左路循城包
抄立奪朝陽洪武通濟等門適羅逢元趙三元
易良虎陳湜彭椿年從南門旁舊倒口處梯攻
而入會合據定城南一帶中關攔江磯石壘亦
經提督黃翼升總兵許雲發率水師各營攻入
臣國荃至太平門倒口進登龍廣山督陣見攻
克省城之大勢已定遂趕回老營將大略情形

一面具報一面飭官軍環城內外紮定兼扼各
路要隘計自十六日午時起至日暮殲斃悍賊
數萬攻毀偽府數十處惟首逆洪會等所居築
有偽城甚大死黨不下萬人經官軍四面環攻
尚未破入大約一二日內即能剿洗淨盡其老
幼婦女甚多臣國荃傳令各營一概釋放以普
皇仁其詳細戰狀各逆會下落及應獎應卹人員查

聖皇聖略卷八十一

三

明咨請督臣曾國藩具奏奏入
上命議政王軍機大臣傳諭曾國藩富明阿左宗棠
楊岳斌彭玉麟曾國荃李鴻章馮子材魁玉曰逆
首洪秀泉等以數十萬逆眾久踞金陵曾國荃等
督兵圍攻所部不滿五萬兩載以來將城外賊壘
悉數掃蕩茲復於炎風烈日之下傷亡枕藉之餘
併力猛攻克拔堅城非曾國藩調度有方曾國荃

及各將士踴躍用命不能建此奇勳披覽之餘曷
勝欣慰此次立功諸臣俟將偽城攻破巨憝就擒
卽行渥沛恩施同膺懋賞現在悍眾萬餘力守偽
城困獸猶鬪難保不拌死竄突曾國藩彭玉麟曾
國荃務當督飭水陸官軍乘勝進攻尤當於勇往
之中加以慎重不可稍涉大意其洪秀泉及著名
巨酋必須悉數擒獲毋使乘間免脫致稽顯戮此

聖朝聖略卷八十一

七

外被脅難民仍著妥為撫恤設法安插以示寬大
之仁此次應獎應卹人員著曾國藩查明具奏日
來深盼續到捷報如金陵餘賊掃除淨盡卽著由
曾國荃先行馳奏金陵城大兵單敗殘餘匪難保
不四出奔竄高溧丹句一帶與金陵處處毗連李
鴻章當嚴飭在防各軍實力扼剿遇賊卽擊馮子
材魁玉飭令陶茂森等軍聯絡聲勢一體截剿總

期盡絕根株富明阿督飭揚防諸軍嚴扼沿江各
口勿令乘閒偷渡金陵巢穴已覆其餘各路逆匪
自必聞風喪膽著左宗棠派兵嚴扼皖南遏賊上
竄之路江西撥兵雲集楊岳斌計已行抵南昌卽
著督率水陸各營迅將江右逆氛掃蕩兼杜皖南
竄賊俾東南數省咸就肅清登吾民於衽席有厚
望焉

聖朝聖略卷八十一

七

上諭內閣曰楊岳斌彭玉麟曾國荃馳奏官軍克復
金陵外城大概情形粵逆久踞金陵經楊岳斌彭
玉麟曾國荃督軍圍攻城大而堅賊眾且悍五月
三十日曾國荃督飭各將士攻克太平門外之偽
地堡城六月初一等日各營逼近城根輪流猛攻
總兵陳萬勝等死之提督蕭孚泗等於龍膊子山
麓修築礮臺架礮轟擊總兵李臣典等從山麓距

城十數丈開空地道蕭孚泗等進攻益力半月以來礮斃賊酋僞王甚多十四日朱南桂等轟開神策門地道毀其月城而大城屹立未動十六日午刻地道火發衝開二十餘丈朱洪章等率各營大隊從倒口搶入城內悍賊數萬死護倒口捨命抗拒經朱洪章等奮勇血戰從中路進劉連捷等搶茶各門由右路進朱南桂梁美材從神策門月城

聖朝聖略卷八十一

三

梯攻而入守定城北一帶彭毓橘等立奪朝陽洪武通濟等門羅逢元等從南門旁舊倒口梯攻而入守定城南一帶中關攔江礮石壘亦經黃翼升許雲發率水師各營攻入曾國荃由太平門倒口進登龍廣山督陣諸將士倍加奮勇十盪十決縱橫鏖戰賊衆大潰自十六日午時起至日暮礮斃悍賊數萬攻毀各僞府數十處惟逆首僞城未破

死黨萬餘踰伏不出官軍四面圍攻釜底游魂諒雖久稽顯戮仍著曾國荃等嚴飭各軍力拔僞城礮擒巨逆以伸天討而快人心此次立功諸臣俟會國藩將詳細戰狀奏到時卽行渥沛恩施同膺懋賞

聖朝聖略卷八十一

三

中
藏
書

欽定勦平粵匪方略卷三百八十二 甲子年

六月二十三日 壬辰 富明阿奏言據探金陵官軍

於十六日克復江甯省城 臣職任江甯將軍自

應趕赴省城照料一切惟堅城初復難保無零

星竄匪徒走求生江北各防正當緊要兼之楚

豫各逆注意東趨尤宜嚴密豫籌未敢擅離防

所先派協領恆玉炳林帶領江甯駐防官兵先

聖恩賜方略卷百三十二

十一

行回城查看滿城情形再行布置容俟軍事稍

定 臣當親赴省垣辦理善後奏入

上命議政王軍機大臣傳諭富明阿曰金陵外城業

經克復洪逆僅率賊眾萬餘抗守偽城諒不難剋

期攻拔惟該逆計窮勢蹙深恐鋌險出竄江北各

口亟應加意嚴防天長六合等處亦當嚴密布置

扼賊竄突著富明阿懷遵前旨督飭揚防水陸各

軍嚴扼江北各要隘勿令零星賊股乘閒闖入擾

及完善地方並嚴飭天六等處官軍慎密防範遏

賊東趨之路該將軍仍當扼紮揚州妥籌分布毋

庸卽赴金陵俟江甯全城克復巨逆授首江南北

一律肅清該將軍如須親赴滿城籌辦善後屆時

再行奏明請旨酌量辦理

同日左宗棠奏言五月初一日湖州踞逆由東

聖恩賜方略卷百三十二

二

南分撲長生橋官軍營壘通判蔡元吉豫調洋

槍隊二百餘名分伏桑林待賊撲近突起轟之

斃賊數百 臣以賊勢既趨重此路蔡元吉兵力

尙單飭蔣益澧分撥師船並調都司湯葆元飛

划一營前往助勦十四日該逆大股圍至蔡元

吉督隊奮擊相持至暮該逆卽偪長生橋亭子

橋而營時總兵劉樹元等率水師各營移紮菱

湖以壯聲援蔣益澧以蔡元吉一軍連日鏖戰賊鋒未挫抽撥三營馳往助剿二十日該逆復出悍黨數千分撲蔡元吉營壘環攻五時均經擊退該逆復乘虛繞襲菱湖抄我後路劉連陞率副將蔣榮彩等各營師船竭力堵截高連陞派隊助之賊見援軍突至駭而奔二十九日袁家匯賊目李得芳赴蔡元吉營中請降蔡元吉

欽定剿平粵匪方略卷八十三

三

許之三十日親赴袁家匯攻取未降各壘偽輔王楊輔青卽率悍黨來爭蔡元吉麾衆分路截殺羣賊潰竄遂將袁家匯賊壘一律焚燬率降衆七百餘回營蔣益澧當飭將新附之衆編立一營其南路賊匪於五月初九日由太湖塘楊溲分撲章字右後兩營劉樹元飭何培英各營馳往截擊自率所部繞軌村兜剿該逆紛向太

湖塘楊溲竄去二十四日何培英督隊乘勝狂擊劉樹元亦馳往接應立破賊壘三座餘賊皆棄壘狂竄官軍追殺數里將太湖塘楊溲等處賊壘一律掃蕩二十七日分擊屍舍賊壘破賊卡一座而還其西路長興至安吉百餘里皆爲賊踞五月十七日安吉賊千餘竄至高塢嶺經羅大椿等截擊斃賊數百名生擒百餘名旋准

欽定剿平粵匪方略卷八十三

四

李鴻章來咨已派水陸四十營進攻長興臣飭楊昌濬率各營進規湖州西路期與蘇軍漸合長圍飭蔣益澧派總兵周廷瑞等六營由餘杭拔赴黃湖會剿二十四日蘇軍攻克長興縣城敗賊悉退四安楊昌濬率各營由牌頭進銅嶺扼之令知府劉焜副將劉端冕谷香山等三營會同周廷瑞六營由黃湖直搗孝豐縣城六月

初三夜閒潛師踰嶺以進谷香山劉端冕躍過重濠揮軍直入劉璈督隊繼之奮攻踰時賊勢不支周廷瑞督各營由東門攻入城賊大亂奪路逃竄當於初四日將孝豐縣城克復周廷瑞劉璈揮軍追擊外委李必得矛刺逆首落馬生擒以歸訊之卽偽戴王陳榮也是役斃賊千餘生擒長髮廣賊數百名拔山難民婦女五六百

聖學聖略卷之三

五

名惟安吉廣德州尙爲賊踞甯國縣並無官軍湖州踞賊如圖西竄勢必假道於此已留劉璈劉端冕谷香山三營駐守其地扼之並令楊昌濬迅攻安吉據報梅溪四安踞賊尙有數萬與廣德安吉之賊互相聯絡官軍進攻安吉必來救援恐有腹背受敵之患臣已函商江蘇撫臣檄長興之軍分攻四安以掣其勢並飭知楊昌

濬如安吉一時不能驟下或先攻梅溪庶湖州之賊與安吉畫而爲兩較易收功此次進攻湖州尤爲出力之知府劉璈等懇請先行獎勵其餘出力員弁可否由臣存記俟克復湖州彙案保獎出自

天恩

左宗棠又奏言竄閩之賊僅林恆揚花旗一起

聖學聖略卷之三

六

現已回竄江西意圖合併巨股揆度賊情非經江西痛剿窮蹙無歸必不遽竄閩境惟延建邵汀一帶盜匪素多亟應速予誅鋤以靖內患現在康國器之軍已抵邵郡臬司張運蘭已據稟報率所部由江西信豐等處以入汀州臣已飭其確偵江西賊蹤相機進剿奏入

上命議政王軍機大臣傳諭曾國藩左宗棠李鴻章

曰現在孝豐既克則湖州安吉賊勢漸孤左宗棠已令楊昌濬進攻安吉恐梅溪四安等處之賊齊心救援將有腹背受敵之患著李鴻章檄飭長興得勝之軍分攻四安以牽賊勢必須湖州之賊與安吉畫而爲二方可收功湖州東路水陸各營已疊獲勝仗左宗棠卽督飭蔣益澧等各營水陸夾攻務須一鼓作氣迅克堅城此時金陵外城克復

欽定剿平粵匪方略卷八十二

七

洪逆已如釜魚阱獸恐各處賊匪均無固志勢必紛紛圖竄且太湖廣袤數百里江浙路路可通尤須嚴密防維以免疏漏其廣德之賊恐與徽浙各逆互相聯絡曾國藩左宗棠均須隨時兼顧免致臨時棘手蘇常各屬地方李鴻章飭各路守將認真防範無稍大意林征揚花旗一股已由閩回竄江西惟延建邵汀一帶盜匪素多亟應速予誅鋤

以靖內患現在康國器之軍已抵邵郡張運蘭已由江西入汀州該督卽飭該員等迅速剿洗無任逆匪續竄閩省

上諭內閣曰官軍進規湖郡疊獲勝仗並攻克孝豐縣城生擒首逆偽戴王陳榮勦辦甚爲得手仍著左宗棠督飭諸軍乘此聲威會合蘇軍迅將湖州克復此次尤爲出力之知府劉璈著賞加道銜副

欽定剿平粵匪方略卷八十二

八

將劉端冕著賞給趙勇巴圖魯名號谷香山著賞給彥勇巴圖魯名號通判蔡元吉著以同知選用並賞給猛勇巴圖魯名號其餘出力員弁著俟克復湖州彙案保獎

同日張之萬奏言據探陝省髮逆西竄蓋屋乾州蔡逆一股擾及郿縣此時鎮安商州一帶已無賊蹤西路情形稍鬆而汝南新息一帶搜捕

餘匪鎮撫地方及善後一切事宜在在均關緊要必須臣親往督辦且楚省各逆陸續東竄蘇克金張曜等軍於上月二十五日拔隊向麻城前進會同楚軍合力攻擊僧格林沁現擬移師三河尖相機進剿各軍相距太遠難以聯絡並據商城縣知縣稟報該逆於五月二十五日由麻城三河口竄至商境新店等情是賊蹤飄忽

聖朝聖略卷之三

九

竄突靡常臣權衡輕重擬即進紮汝郡以爲內撫外援之舉至前防荆子關之張士元一軍刻雖邊防稍鬆未便遽撤仍飭令駐紮嚴防以固西路門戶

張之萬又奏冒羅山竄匪於四月二十一日占踞宣化鎮副將徐連陞於五月初三日始行趕到是臣前奏徐連陞宣化鎮兩次接仗並無其

事查該副將帶兵剿賊尾後跟追以賊去爲收復飾詞稟報臣不敢以具奏在先稍存回護相應請

旨將荆子關副將徐連陞革職留任仍責令帶隊追剿以觀後效臣前此失於覺察亦難辭咎並請旨將臣交部議處奏入

聖朝聖略卷之三

十

上命議政王軍機大臣傳諭僧格林沁官文喬松年張之萬曰陝省逆匪分竄郿縣一帶豫西之防已鬆而汝南新息後路空虛僧格林沁現擬進紮三河尖張之萬擬即移軍汝郡以資聯絡所籌尙合機宜現在髮逆大股屯聚麻城黃安一帶曾國藩前奏逆蹤已擾及英山是皖北軍情已形喫重僧格林沁進駐三河尖正可迎頭堵剿即著僧格林沁官文檄令馬步各軍聯絡夾擊迅將黃麻英山

一帶之賊就地殄除無任竄突其陳國瑞駐紮正陽之軍及皖北各路防兵並著僧格林沁喬松年豫籌布置如賊勢悉銳東竄卽令規賊所向與鄂軍前截後追力顧皖北完善之區張之萬移紮汝甯該處地方久爲賊藪且麻城逆匪復有竄至商城新店等情賊蹤飄忽尤難豫料卽著該撫移營進紮以壯豫軍後路聲援並與僧格林沁妥籌策

欽定剿平粵匪方略卷八十三

十一

應其駐防荆子關之張士元一軍仍著飭令該遊擊嚴密扼守以固西路門戶毋以賊蹤既遠稍涉疏虞此時金陵巢穴已覆由鄂竄皖之賊自己聞風喪膽失所依據該大臣督撫等其各同心勦力迅奏膚公肅清皖鄂有厚望焉至該逆雖係聲言回救金陵難保不伺隙蹈瑕復行回竄鄂省上游及豫南一帶官文張之萬等尤當妥籌備豫慎固

封守毋爲該逆所乘荆子關副將徐連陞稟報宣化鎮獲勝情形經張之萬查明並無其事該副將盧詞捏報殊堪痛恨著革職留任仍責令帶隊追勦以觀後效儘再遷延貽誤卽著張之萬從嚴懲辦無少姑容張之萬前此據稟入奏失於覺察並著交部議處

二十四日 癸巳 李鴻章奏言 臣由太湖抵長興查

欽定剿平粵匪方略卷八十三

十二

知前次攻克該城斃賊甚多援逆敗退四安湖州等處賊氣漸衰長興距湖州六十里形勢最爲扼要自應乘勝進攻惟念屢奉

諭旨諄諄以會勦金陵爲急 臣由長興回蘇後卽檄調南頓鎮總兵王永勝所部十營古州鎮總兵劉士奇所部八營由長興拔隊並程學啟所遣礮隊交王永勝等督帶前往又調現駐句容之

提督劉銘傳各營五成槍隊及提督周盛波挑
選精銳槍隊一千人併歸劉銘傳一起共一萬
四千人剋日會合赴援金陵如此開防剿大局
布置定妥臣卽統帶常勝軍前往協攻至湖州
賊股附城三十里面面堅壘昨准左宗棠來函
不欲急攻吳興擬先規安吉孝豐以斷竄路現
孝豐已復浙軍正圖安吉一時似難直趨湖州

聖朝聖略卷八十三

三

而蘇境與湖州接壤中隔太湖有李朝斌水師
足以禦之其太湖西岸由長興可達宜興溧陽
是長興須留重兵臣揀派郭松林楊鼎勳十五
營分屯長興城內外並調現守溧陽之道員吳
毓芬水陸五營移紮長興之夾浦口而調總兵
周盛傳三營接守溧陽其太湖東岸由吳淞南
潯可達平望潘鼎新一軍分扼數處尙嫌單薄

擬調劉秉璋七營進紮平望與潘鼎新合力堵
剿如浙軍由湖州東南進偏則湖西郭松林各
軍與湖東潘鼎新各軍卽可聯絡並進會同李
朝斌由大錢小梅各口進蹙湖郡西北以剿爲
堵藉分賊勢而助長圍奏入

聖朝聖略卷八十三

十四

上命議政王軍機大臣傳諭李鴻章曰據奏以疊奉
諭旨飭令助攻金陵擬抽派王永勝等營及劉銘
傳等槍隊一萬四千人前往助攻自係未悉金陵
克復之捷惟僞城旣堅賊窮且悍難保不爲因獸
之鬪仍著李鴻章探明如金陵全城均經克復卽
可無庸調往以爲協剿湖州之用儻尙未蕪功必
須添調槍礮各隊仍著李鴻章飭令派出各軍星
馳前往協力猛攻以期膚公早奏左宗棠昨奏浙
軍克復孝豐楊昌濬進圖安吉恐梅溪四安之賊

齊心赴援腹背受敵當論李鴻章飭長興得勝之軍分攻四安使湖州安吉之賊晝而爲二著該撫卽遵前旨令郭松林吳毓芬等水陸各營一面留軍扼守長興一面分攻四安與浙軍縱橫夾擊以牽賊勢其太湖東西兩岸潘鼎新劉秉璋等營卽令商同李朝斌水師會同浙軍聯絡並進以期漸合長圍迅圖克復湖州肅清仍當嚴扼蘇常等屬

欽定剿平粵匪方略卷八十二

十五

以防竄突

二十五日甲午僧格林沁奏言查髮捻各逆前竄

光山之新集等處經臣軍追剿復由新集向麻

城奔竄臣於五月二十五日移營光州迤北淮

河北岸之長嶺集以爲北面之防仍飭蘇克金

張曜迅由西北進兵現在蘇克金等軍業已進

紮距麻城四十里之黃土岡疊接稟稱該逆環

偪麻城以闔家河爲巢穴我軍節次進剿均有

斬擒惟麻城西北一路山道崎嶇不能安營復

准官文咨成大吉會商楊朝林周鳳山等已於

初七日帶隊移紮六合集被賊包抄後路新鳳

等營挫敗現在髮捻勢將合圍斷我糧道又據

英山縣知縣探報前竄英山之賊於初四五等

日回竄羅田麻城一帶各等語查麻城一帶多

欽定剿平粵匪方略卷八十二

十六

係山路馬隊不能施展全賴步隊進擊方收實

效臣前調張曜步隊作爲前敵將及一月疊次

具稟一味遷延搪塞並未實力進剿殊屬不知

緩急應請

旨將總兵張曜暫行革職仍責令迅速進兵以觀後

效查髮捻各逆畏我馬隊衝擊不敢竄至平原

在麻城一帶恃險負固欲爲久踞之計非痛加

勦洗不能挫其兇鋒臣因札飭陳國瑞帶領所部由三河尖商城一路兼程馳赴麻城會合蘇克金張曜等軍併力兜剿並令英翰酌帶所部兩營馳往商城駐紮以爲該鎮後路聲援其餘該司所部勇隊亦歸陳國瑞帶赴麻城以厚兵力如此添兵進擊當可迅殄寇氛但陳國瑞一軍移營前進則正陽關未免空虛昨已函商撫

聖朝聖訓卷之三十三

七

臣喬松年帶領皖軍移紮正陽以資策應臣仍紮長嶺集相機調度儻該逆被擊東竄一至平原卽當督隊抄擊痛殲醜黨臣營步隊現在乏人統帶查有河北鎮總兵楊長春素稱勇往應請

旨飭下撫臣張之萬檄令楊長春迅赴臣營以資攻勦奏八

上命議政王軍機大臣傳諭僧格林沁官文張之萬喬松年曰逆匪趨重麻城一帶該處山徑叢雜馬隊不能施展全賴步隊進擊張曜奉調作爲前敵一味遷延搪塞實堪痛恨本應從重治罪此次姑照該大臣所請張曜卽著暫行革職仍留營效力以觀後效著僧格林沁督飭該總兵實力進剿儻再不知愧奮卽行嚴參懲辦已革提督馬德昭久

聖朝聖訓卷之三十三

六

經行陣帶隊頗能得力本日已寄諭劉蓉飭令馬德昭前赴該大臣軍營到營後卽由該大臣酌量差委該逆環偏麻城以閩家河爲巢穴蘇克金等軍正可乘逆衆紛集之時爲一鼓聚殲之計該處山徑旣不利馬隊該大臣祇須多調得力步隊合勦斷不可親自督軍前進致有疏失該大臣檄調陳國瑞所部由三河尖商城一路馳赴麻城會合

蘇克金張曜等併力兜剿並令英翰酌帶兩營駐紮商城爲陳國瑞後路援應其餘該司所部勇隊均歸陳國瑞帶赴麻城如此則兵力較厚自不難迅掃狂氛陳國瑞移營後正陽關未免空虛著喬松年帶領皖兵進紮正陽關扼守要衝兼爲壽州保障該撫前奏擬移紮壽州扼剿現在既須移營則壽州地方應派向員扼守著會商僧格林沁會

聖諭軍機處卷八十三

十九

國藩豫籌布置僧格林沁所奏准官文咨稱初六日新鳳等營在六合集挫敗現在髮捻勢將合圍斷我糧道等語何以未據官文奏報著官文卽責令成大吉等將此股逆衆盡力剿洗新鳳等營挫敗必須嚴申紀律重整軍威方可轉敗爲勝著將挫敗情形據實奏聞不准一字諱飾刻下金陵外城已破連日未據續報捷音恐內城各匪仍圖死

拒楚北各逆一聞此信必將拚死東趨皖防未可稍形鬆懈否則占踞麻城負隅自固或因首逆巢穴已覆仍由舊路回竄均難著手該大臣等務須通力合作探賊所向就地殲除毋任日久蔓延河北鎮總兵楊長春打仗尙稱得力著張之萬卽飭該總兵前赴僧格林沁軍營聽候調遣

聖諭軍機處卷八十三

二十

上又命議政王軍機大臣傳諭劉蓉曰已革甘肅提督馬德昭前經發往慶陽軍營交熙麟差委現在僧格林沁在河南光州一帶剿辦楚豫髮捻差委需員著劉蓉查明馬德昭行抵何處迅卽飭令該革員前往僧格林沁軍營聽候差委毋許逗留

二十六日乙未李鴻章奏旨准會國荃飛咨江甯省城於十六日午刻用地道克復惟金陵賊首是否就擒全股能否殲滅會國荃來咨未及詳

敘誠恐敗匪乘閒衝竄 臣飛飭現守句容之劉
銘傳現守東壩之黃中元鄭國魁現守溧陽南
渡之周盛波等分兵嚴守城隘一面探明賊蹤
合力兜剿 臣初檄調王永勝劉士奇兩軍由長
興拔赴金陵但留郭松林楊鼎勳分守該城兵
力稍單難遽深入茲飭王永勝等折回長興併
由太湖西岸進紮劉秉璋潘鼎新兩軍併由太

聖朝聖略卷八十二

三

湖東岸進紮仍會同李朝斌太湖水師與浙軍
會剿湖州奏八

上命議政王軍機大臣傳諭曾國藩李鴻章曾國荃
曰前據曾國荃等奏官軍克復金陵外城洪逆堅
踞偽城官軍四面圍攻等語連日翹盼捷音未據
續報殊深慮念該逆死黨尚有萬餘曾國荃於攻
克大城時卽應一鼓作氣將偽城儘力攻拔生擒

聖朝聖略卷八十二

三

首逆乃因大勢已定遽回老營恐將士等貪取財
物因而懈弛萬一該逆委棄輜重餌我軍士而潛
出別道乘我不備冀圖一逞或伺閒奔竄衝出重
圍均不可不慮著曾國藩飭令曾國荃督率將士
迅將偽城剋日攻拔殲擒首逆以竟一簣之功同
膺懋賞儘曾國荃驟勝而驕令垂成之功或有中
變致稽時日必惟曾國荃是問李鴻章於前日奏
到派出王永勝劉銘傳等軍並攜帶礮隊助攻金
陵當經諭知金陵外城已破而偽城未拔仍令迅
往助攻本日據奏接曾國荃飛咨金陵已於十六
日午刻克復是李鴻章於偽城未拔情形尙未知
悉事機緊要著李鴻章仍遵前旨飭令派出各軍
星馳前往金陵協力攻剿此外如有逸出之賊仍
著會合分守要隘各軍分投截剿毋令一名漏網

二十七日丙申楊岳斌奏言臣於六月初八日自安慶起程十三日抵江西省城與撫臣沈葆楨熟商一切查侍逆李侍賢力攻撫建不下橫踞崇仁宜黃與南豐沛逆聯爲一氣以窺撫建西路濂逆汪海洋聽逆陳炳汶蔓延金谿東鄉以窺撫建東路漸成長圍之勢西路有江忠朝席寶田兩軍偪紮崇仁城下劉典與劉勝祥營於樂安之背圩王文瑞營於樂安之竹山阮爲江席兩軍聲援東路有周寬世駐進賢之將軍嶺王德榜王開琳各軍駐安仁之鄧家埠約期會勦東鄉撫州城中有普承忠賴兵及府縣練勇城外有王沐陸勇劉于潯水師建昌城中有本郡兵勇城外有韓進春一軍均足固守揣度賊勢宜先破其長圍如崇仁得手他處自當迎刃

欽定剿平粵匪方略卷八十三

三

而解提臣鮑超已抵瑞州聲言由豐城會攻崇仁臣檄其過河後改道卽趨宜黃使崇仁南豐之賊首尾不能相顧全局可以震動臣所部陸軍兩營飭紮進賢縣城以固周寬世後路水師五營已飭四營駛赴贛河換彭玉麟所部東下刻下皖南一帶尙無賊蹤臣暫可專籌江西攻勦機宜惟陸兵僅止兩營殊形單薄本擬添招八千勁勇以便督戰而江右軍餉支絀躊躇未決擬與沈葆楨通盤籌畫再行斟酌辦理奏入上命議政王軍機大臣傳諭楊岳斌沈葆楨曰侍逆李侍賢自力攻撫建不下橫踞崇仁宜黃與南豐沛逆聯爲一氣以窺撫建西路濂聽兩逆蔓延金谿東鄉以窺撫建東路漸成長圍之勢現在西路東路撫建城內外足資固守布置均尙嚴密惟侍

欽定剿平粵匪方略卷八十三

三

逆著名兇悍金谿東鄉南豐之賊眈眈環伺恐其以金陵巢穴已覆將圖踞有撫建以爲喘息之謀此時進兵要著自應先由崇宜下手擣其要害使該逆長圍旣破則東西兩路無難迎刃而解楊岳斌現檄鮑超一軍由瑞州改趨宜黃所籌深合機宜鮑超所向克捷卽著檄令該提督悉銳星馳實力猛攻期於必得並著楊岳斌沈葆楨飭令東西

欽定平粵匪方略卷八十三

三

兩路官軍同時並舉以期一鼓殲除掃清腹地該督以陸路親兵單薄擬添募勁勇八千人以便督戰卽著與沈葆楨妥籌辦理此時江南軍事得手而江右羣盜充斥如有應須添兵募勇之處沈葆楨尤當力籌全局毋得以餉糈支絀致兵力或不敷貽誤疆事

欽定平粵匪方略卷三百八十三 甲子年

六月二十九日 戊戌 官文會國藩奏言據曾國荃

咨稱攻克金陵詳細情形我軍自得天堡城後城中防守益密地堡城扼住要路百計環攻無隙可乘直至五月三十日始經李祥和羅逢元王遠和黃潤昌陳壽武熊上珍王仕益等率隊攻克占取龍膊子山陰居高臨下勢在掌握自

欽定平粵匪方略卷八十三

一

六月初一日起各營輪流苦攻傷亡極多李臣典願率吳宗國等從賊破極密處重開地道蕭孚泗黃潤昌熊登武王遠和願距城十數丈修築礮臺數十座通派各營隊伍刈割溼蘆蒿草堆捆山積上覆沙土左路地勢甚高利於聲攻右路地勢極低利於潛攻如是者半月未嘗一刻稍休肉薄相逼損傷精銳不可勝數陳萬勝

王紹義郭鵬程等素稱驍將數日之內次第陣亡十五夜四更地道裝藥時曾國荃與李臣典正在洞口籌商一切忠會李秀城突出死黨數百人由太平門傍城根直犯地道大壘別從朝陽門東角山數百人裝官軍號衣持火彈延燒各礮臺夜深幾爲所乘賴伍維壽李臣典黃廷爵張詩日堵住左路斃賊無算彭毓橘熊上珍

聖皇聖略卷八十三

二

陶立忠堵住右路擒斬亦多幸克保全洞口十六早撥明曾國荃將四路隊伍調齊豫飭各軍穩站牆濠嚴防衝突惟將太平門龍膊子一帶自黎明攻至午刻李臣典報地道封築口門安放引綫曾國荃懸不貲之賞嚴退後之誅遂傳令卽刻發火霹靂一聲揭開城垣二十餘丈武明良伍維壽朱洪章譚國泰劉連捷張詩日沈

鴻賓羅兩春李臣典皆身先士卒直衝倒口而入左路城頭之賊以火藥傾盆燒我士卒死者甚衆大隊因之稍卻經彭毓橘蕭孚泗李祥和蕭慶衍蕭開印手刃數人由是弁勇無一退者而武明良伍維壽朱洪章劉連捷譚國泰張詩日各率隊伍登龍廣山與右路太平門之賊排列轟擊移時賊乃卻退李祥和王仕益從太平

聖皇聖略卷八十三

三

門月城攻入維時官軍分四路勦擊王遠和王仕益同朱洪章羅兩春沈鴻賓黃潤昌熊上珍進擊中路攻僞天王府之北劉連捷張詩日譚國泰崔文田進擊右路由臺城趨神策門一帶適朱南桂朱惟堂梁美材亦率隊從神策門地道之旁梯攻而入相與會合齊進鏖戰至獅子山奪取儀鳳門其中左一路則有彭毓橘率羅

朝雲趙清河黃東南與武明良武明善武儀山
由內城舊址直擊至通濟門左路則有蕭孚泗
熊登武蕭慶衍蕭開印率蕭致祥周恆禮李泰
山蕭清世蕭恆書朱吉玉趙太和劉長槐蕭上
林分途奪取朝陽洪武二門城上守陴城門守
樓之賊及附近一帶賊隊悉被殺戮此十六日
地道成功城中鏖戰及東北兩路抄勦之情形

聖朝方略卷之三

四

也方我軍大隊之抵龍廣山也西南守陴之賊
猶植立未動迨奪取朝陽門賊始亂次而羅逢
元張定魁彭椿年張光明楊西平何鳴高彭光
友熊紹濂羅興祥葉必信各率所部從聚寶門
之西舊地道缺口仰攻而入李金洲胡松江朱
文光武交清劉湘南易孔昭戴名山張正榮率
隊從通濟門月城緣梯而上而陳湜易良虎易

良豹龍清垣率吳隆海張葉江晏恭山馮盛德
陳汝俊劉定發各營則猛攻旱西水西兩門月
城偽忠王李秀城方率死黨狂奔將向旱西門
奪路衝出適為陳湜大隊所阻遏乃仍轉回清
涼山黃翼升率許雲發等水師各營奪攻中關
攔江磯石壘乘勝猛攻濱江之城遂與陳湜易
良虎奪取水西旱西兩門將守賊殲盡由是全

聖朝方略卷之三

五

城各門皆破大勢已定日色將暝各戒所部嚴
防賊衝彭毓橘扼守聚寶門通濟門李臣典李
祥和扼守太平門黃潤昌王遠和朱洪章見星
收隊結為圓陣站立龍廣山稍資休息此水陸
各軍攻克西南兩城及分守要隘豫防賊股衝
突之情形也方朱洪章等與賊搏戰於偽天王
府城北之時沈鴻賓周恆禮袁大升率隊從左

路捲放疾趨僞城之東設伏出奇爲拉渠塌穴
之計乃朱洪章戰馬帶傷悍賊穩扼石橋我軍
隊伍不能飛越城河遂繞僞城而行迨正兵收
隊龍廣山而伏兵深入由僞城之東透迤而南
不能撤隊時已三更矣僞忠王傳令羣賊將僞
天王府及各僞王府同時舉火焚燒袁大升周
伍禮沈鴻賓見僞殿前南門突出悍賊千餘人

欽定剿平粵匪方略

卷三十三

執持軍器洋槍向民房街巷而去知是洪逆竄
至遂率隊腰截擊之殺賊七百餘人奪僞玉璽
二方金印一方寬廣約七寸卽洪會僭用之印
也其僞官殿侍女縊於前苑內者不下數百人
死於城河者不下二千餘人其時僞城火已燎
原不可趨避街巷均已延燒官軍以暮夜路徑
生疏不能巷戰遂收隊站城此十六夜攻破僞

天王內城斃賊極多之情形也是夜四更有賊
一股假裝官軍約千餘人向太平門地道缺口
衝突經崑字湘後左右營截擊多用火桶火彈
焚燒人馬死者已多約尙有六七百人騎馬衝
出向孝陵衛定林鎮一路而逃伍維壽楊鉅南
陶立忠急率馬隊跟追曾國荃聞騎賊裝扮官
軍逃出之信卽派張定魁李泰山黃萬鵬黃廷

欽定剿平粵匪方略

卷三十三

爵馬隊七百騎追之並飛咨溧水東壩句容各
守將會合追剿直至十九日酉刻伍維壽黃萬
鵬回營面稟追至純化鎮生擒僞烈王李萬材
追至湖熟鎮見逃賊在前當經馬隊圍住全數
斬刈又追至溧陽據百姓言前路並無賊蹤經
過曾國荃親訊李萬材供稱城破後僞忠王之
兄巨王幼西王幼南王璇王崇王璋王乘夜衝

出被官軍馬隊追至湖熟橋邊全行殺斃更無餘孽又據城內各賊供稱首逆洪秀泉實於本年五月間官軍猛攻時服毒而死瘞於偽宮院內立幼主洪福瑱重襲偽號城破後偽幼主積薪宮殿舉火自焚應俟偽宮火熄空山洪秀泉逆屍查明洪福瑱自焚確據續行具奏至偽忠王一犯城破受傷匿於山內民房十九夜蕭孚

聖朝聖略卷之三十三

八

泗親自搜出並搜檢偽王次兄洪芒達二十日會國荃親訊供認不諱其餘兩廣兩湖江北多年悍賊於十七十八等日經曾良佐周光正鄧吉山劉泰財聶福厚譚信高胡克安朱連甲王春華黎冠湘彭維祥陳萬合朱連泗謝三洪李臣榮彭玉堂劉金蘭分段搜殺三日之間斃賊共十餘萬人凡偽王偽主將天將及大小酋目

約有三千餘名死於亂軍之中者居其半死於城河溝渠及自焚者居其半三日夜火光不息至十九日尚有賊踞高屋之巔以洋槍擊官軍者此馬隊窮追逸出之賊及搜剿首逆並羣賊之情形也現派營救火掩埋賊屍安置難民料理善後事宜由曾國荃咨報前來伏查洪逆倡亂粵西於今十有五年竊踞金陵亦十二年流

聖朝聖略卷之三十三

九

毒海內神人共憤其蹂躪竟及十六省淪陷至六百餘城之多而其中兇會悍黨如李開芳守馮官屯林啟容守九江葉芸來守安慶皆堅忍不屈此次金陵城破十萬餘賊無一降者至聚眾自焚而不悔實為古今罕見之劇寇然卒能次第蕩平鏟除元惡臣等深維其故蓋由我

文宗顯皇帝盛德宏謨早裕戡亂之本

宮禁雖極儉嗇而不惜鉅餉以募戰士名器雖極
慎重而不惜破格以獎有功

廟算雖極精密而不惜屈己以從將帥之謀

皇太后

皇上守此三者悉循舊章而加之去邪彌果求賢彌
廣用能斬除僭偽蔚成中興之業臣等忝竊兵
符遭逢際會既痛我

聖學聖略卷八十三

十一

文宗不及目覩獻誠告成又念生靈塗炭爲時過久惟

當始終慎勉掃蕩餘匪以蘇予黎之困而分

宵旰之憂此次應獎應卹人員謹分別開列願懇

恩施臣國藩拜摺後卽行馳赴金陵李秀城洪芒達

應否獻俘俟到金陵後察酌具奏奏入

上命議政王軍機大臣傳諭僧格林沁官文曾國藩
富明阿左宗棠楊岳斌彭玉麟李鴻章曾國荃沈

葆楨馮子材魁玉曰粵逆久踞江甯負嵎抗拒實

爲從來未有之悍寇此次水陸各軍於溽暑炎蒸

之際猛力環攻迅克堅城悍黨悉除渠魁就縛非

曾國藩運籌決策督率有方曾國荃等躬冒矢石

鼓勇先登未由建此奇功除曾國藩等已加恩錫

封外其餘出力員弁兵勇並著查明保奏候旨施

恩發去銀牌四百面著曾國藩曾國荃等擇其功

聖學聖略卷八十三

十一

績最著者先行頒給以勵戎行各路賊匪皆視金

陵爲趨向此時巢穴旣覆則其餘竄逸之賊自必

聞風喪膽僧格林沁現已移紮光州官文度亦進

至黃州卽著妥籌會剿督率官軍將麻黃一帶賊

氛乘勝掃蕩悉行殄滅毋令竄突曾國藩奏稱擬

卽前赴江甯察看情形著將一切善後及撫恤難

民各事宜次第籌辦廣德等處如尙有踞賊曾國

荃尚須駐紮江甯卽由曾國藩撥兵掃蕩勿稍遲
 緩其逆首李秀城洪芒達等均係內地亂民不必
 獻俘第該逆等罪惡貫盈自應檻送京師審明後
 盡法懲治以洩神人之憤著曾國藩遴派委員將
 李秀城洪芒達押解來京並咨明沿途督撫督飭
 地方文武多派兵役小心護送毋稍大意髮捻各
 逆尙屬集於黃麻之交奔竄靡定曾國藩赴江甯
 後安慶地處上游控制皖南皖北不可無大員鎮
 撫著彭玉麟駐紮安慶妥籌防剿如賊有東竄之
 信卽飭各軍實力迎擊曾國藩回安慶後彭玉麟
 應赴何路助剿屆時由曾國藩酌量辦理江甯克
 後羣醜就殲雖無逸出之賊而楚皖之交賊氛尙
 熾下游防守不可稍鬆著富明阿懷遵前旨暫緩
 前赴江甯仍督水陸各軍嚴防天六等處毋稍疏

聖朝方略卷八十三

十三

懈如江甯滿城善後各事必須大員料理卽著魁
 玉先行前往隨時與富明阿咨商辦理李鴻章馮
 子材魁玉仍飭丹旬等處官軍嚴防湖州一帶逸
 匪毋令紛竄並著李鴻章將王永勝等軍調回長
 興協攻湖郡左宗棠當督率各軍會合蘇師迅將
 湖州安吉之賊全行殄滅克復堅城毋令一賊上
 竄楊岳斌抵省後所籌進剿機宜動中竅要著與
 沈葆楨會商妥籌迅將崇仁等處踞賊竭力掃蕩
 此時江甯已復匪勢瓦解乘勝進兵自收破竹之
 效該督撫等務當同心勦力迅掃機槍奠定東南
 渥膺懋賞有厚望焉其餘宿一帶防守事宜著富
 明阿咨商吳棠辦理
 上諭內閣曰本日官文會國藩由六百里加緊紅旗
 奏捷克復江甯省城覽奏之餘實與天

聖朝方略卷八十三

十三

深嘉悅髮逆洪秀泉自道光三十年倡亂以來由
廣西竄兩湖三江分股擾及直隸山東等省逆蹤
幾徧天下咸豐三年占踞江甯省城僭稱偽號東
南百姓遭其荼毒慘不忍言罪惡貫盈神人共憤
我

皇考文宗顯皇帝赫然震怒恭行天討

特命兩湖總督官文爲欽差大臣與前任湖北巡撫胡

欽定剿平粵匪方略卷八十三

古

欽定剿平粵匪方略卷八十三

十五

林翼肅清楚北上游胡林翼駐紮宿松一帶籌辦
東征事務復

特授曾國藩爲兩江總督並

命爲欽差大臣東征江皖賊匪號令既專功績日著十

一年七月我

皇考龍馭上賓

遺詔諄切以未殄逆氛爲憾朕以冲幼寅紹丕基祇承

先烈奉兩宮

皇太后垂簾聽政

指示機宜授曾國藩協辦大學士節制四省軍務以一

專權該大臣自受任以來卽建議由上游分路剿

辦飭彭玉麟楊岳斌曾國荃等水陸並進疊克沿

江城隘百餘處斬馘外援逆匪十數萬人合圍江

甯斷其接濟本年六月十六日曾國荃率諸將士

欽定剿平粵匪方略卷八十三

十五

克復江甯外城殺賊數萬洪逆率其悍黨仍踞內

城死拒茲復據曾國藩奏官軍占取龍膊子山六

月初一等日各營輪流苦攻李臣典率吳宗國等

從賊廠極密之處重開地道蕭孚泗等修築礮臺

肉薄相逼十六日黎明曾國荃將四路隊伍調齊

地道火發揭開城垣二十餘丈李臣典武明良等

身先士卒直衝倒口而八大隊會合齊進全城各



前旨飭赴會同助剿勿致遲緩有誤事機現署貴州臬司道員韓超已明降諭旨賞給該員二品頂戴署理貴州巡撫此後該省軍情卽著田興恕韓超會同奏報除合省武職本應歸田興恕節制外其文職各員舉劾均著韓超覈奏以便田興恕專辦軍務

同日袁甲三奏言自定遠克復楚皖兩軍聲息

聖朝聖訓卷之三十三

十六

漸通亟宜乘勢肅清江北奈狗逆踞守廬州分布賊黨力圖抗拒定城初復必先嚴密布置並一面收撫南路圩練以定人心而孤賊勢然後會合楚師兩面夾擊方可制其死命當經飭令袁保恆等悉心查勘妥爲料理現留副將蔣得遇遊擊張景春各帶所部共一千五百餘人駐守定城復挑選西南西北兩路團練壯丁一千

賊共十餘萬人僞王僞主將及大小酋目約三千餘名此皆仰賴

昊蒼眷佑

列聖垂庥兩宮

皇太后孜孜求治識拔人材用能內外一心將士用命成此大功上慰

皇考在天之靈下孚薄海臣民之望自惟藐躬涼德何

聖朝聖訓卷之三十三

十七

以堪此追思

先皇未竟之志不克

親見成功悲愴之懷何能自己此次洪逆倡亂十有五年竊踞江甯亦十二年蹂躪十數省淪陷數百城卒能次第蕩平殄除元惡該領兵大臣等櫛風沐雨艱苦備嘗尤宜特沛殊恩用酬勞動欽差大臣協辦大學士兩江總督曾國藩自咸豐四年在湖

南首倡團練創立舟師與塔齊布羅澤南等屢建
殊功保全湖南郡縣克復武漢等城肅清江西全
境東征以來由宿松克潛山太湖進駐祁門屢復
徽州郡縣遂拔安慶省城以為根本分檄水陸將
士規復下游州郡茲幸大功告成逆首誅鋤實由
該大臣籌策無遺謀勇兼備知人善任調度得宜
曾國藩著加恩賞加太子太保銜錫封一等侯爵

欽定平粵方略卷八十三

十六

世襲罔替並賞戴雙眼花翎浙江巡撫曾國荃以
諸生從戎隨同曾國藩勦賊數省功績頗著咸豐
十一年由湘募勇先復安慶省同治元二年連克
巢縣含山和州等處率水陸各營進逼金陵駐紮
雨花臺攻拔偽城賊眾圍營苦守數月奮力擊退
本年二月克復鍾山石壘遂合江甯之圍督率將
士鏖戰開挖地道躬冒矢石半月之久未經撤隊

克復全城殄除首惡實屬堅忍耐勞公忠體國會
國荃著賞加太子少保銜錫封一等伯爵並賞戴
雙眼花翎記名提督李臣典於槍礮叢中搶挖地
道誓死滅賊從倒口首先衝入眾軍隨之因而得
手實屬謀勇過人著加恩錫封一等子爵並賞穿
黃馬褂賞戴雙眼花翎蕭孚泗督辦礮臺首先奪
門而入並搜獲李秀城洪芒達巨逆實屬勦勞卓

欽定平粵方略卷八十三

十七

著著加恩錫封一等男爵並賞戴雙眼花翎記名
總兵朱洪章武明良熊登武伍維壽均著交軍機
處記名無論提督總兵缺出儘先提奏並賞穿黃
馬褂賞給騎都尉世職記名按察使劉連捷著交
軍機處記名遇有布政使缺出請旨簡放並賞加
頭品頂戴賞給騎都尉世職提督張詩日著以提
督遇缺提奏並加恩賞給一等輕車都尉世職記

名道彭毓橘著交軍機處記名遇有布政使缺出請旨簡放並賞給一等輕車都尉世職副將吳宗國總兵何玉貴楊喜貴均著交軍機處記名遇有提督缺出儘先提奏並賞給正一品封典楊喜貴並賞給銜勇巴圖魯名號提督朱南桂蕭慶衍李祥和蕭開印羅逢元均著賞穿黃馬褂並賞給雲騎尉世職總兵羅雨春朱惟堂副將沈鴻賓均著

聖朝聖略卷三十三

三

交軍機處記名遇有提督缺出請旨簡放並賞給一品封典羅雨春並賞給捷勇巴圖魯名號朱惟堂並賞給敏勇巴圖魯名號沈鴻賓並賞給勃勇巴圖魯名號道員黃潤昌著交軍機處記名遇有按察使缺出請旨簡放並賞加布政使銜賞給勳勇巴圖魯名號陳滉易良虎均著交軍機處記名遇有按察使缺出請旨簡放並賞加布政使銜彭

椿年著交軍機處記名遇有道員缺出請旨簡放並賞加布政使銜總兵譚國泰周光正均著交軍機處記名無論提督總兵缺出儘先提奏並賞給正一品封典知府武明善易良豹均著以道員交軍機處記名遇有缺出請旨簡放武明善並賞加按察使銜賞給精勇巴圖魯名號易良豹並賞給武勇巴圖魯名號參將陶立忠黃廷爵均著免補

聖朝聖略卷三十三

三

參將以總兵記名簡放陶立忠並賞給果勇巴圖魯名號黃廷爵並賞給振勇巴圖魯名號記名提督張光明曾良佐均著加恩賞穿黃馬褂總兵王仕益張定魁成東昂胡松江崔文田蕭致祥均著交軍機處記名無論提督總兵缺出儘先提奏張定魁成東昂並賞給正一品封典副將王遠和總兵晏恭山朱吉玉趙太和劉長魁趙清河黃東南

劉湘南凌有和葉必信王清泉均著以提督記名
簡放總兵武義山趙三元武交清王上國鄧吉山
楊西平羅朝雲朱文光葛奇益陳致祥副將吳次
漢陳壽武均著以提督記名簡放並賞給正一品
封典總兵彭言志鄧泰福劉盛德副將李定元均
著以提督記名簡放彭言志並賞給彪勇巴圖魯
名號鄧泰福並賞給誠勇巴圖魯名號劉盛德並

欽定剿平粵匪方略卷八十三

三

賞給義勇巴圖魯名號李定元並賞給鋒勇巴圖
魯名號候補教習易孔昭著免補本班以知縣不
論雙單月遇缺卽選並賞加同知銜賞戴花翎候
補直隸州知州龍清垣著免補本班以知府仍留
安徽補用並賞加道銜副將熊上珍梁美材戴名
山馮盛德朱唐洲羅宣祿彭光友王佩瓊李泰山
張正榮羅興祥劉定發參將楊鉅南黃萬鵬均著

以總兵記名簡放熊上珍並給予二品封典賞給
懋勇巴圖魯名號梁美材並賞給利勇巴圖魯名
號戴名山並賞給謀勇巴圖魯名號馮盛德並賞
給展勇巴圖魯名號朱唐洲並賞給志勇巴圖魯
名號羅宣祿並賞給克勇巴圖魯名號彭光友並
賞給勳勇巴圖魯名號王佩瓊並賞給技勇巴圖
魯名號李泰山並賞給彰勇巴圖魯名號張正榮

欽定剿平粵匪方略卷八十三

三

並賞給戢勇巴圖魯名號羅興祥並賞給迅勇巴
圖魯名號劉定發並賞給資勇巴圖魯名號楊鉅
南並賞給偉勇巴圖魯名號黃萬鵬並賞給力勇
巴圖魯名號副將周恆禮李金洲均著交軍機處
記名遇有總兵缺出請旨簡放並賞加提督銜周
恆禮並賞給信勇巴圖魯名號李金洲並賞給雄
勇巴圖魯名號蕭清世吳隆海張葉江熊紹濂均

著交軍機處記名遇有總兵缺出請旨簡放並賞
加提督銜賞給一品封典總兵蔣照臨著賞給一
品封典並賞加提督銜蕭上林著賞給正二品封
典並賞給制勇巴圖魯名號蕭恆書著賞加提督
銜並賞給勁勇巴圖魯名號副將陳汝俊著賞加
總兵銜並賞給匡勇巴圖魯名號梁里仁著交軍
機處記名遇有總兵缺出請旨簡放參將何鳴高

聖祖聖訓卷八十三

五

著免補本班以副將仍留四川補用並賞給效勇
巴圖魯名號袁大升李臣榮萬如雲均著免補參
將以副將儘先補用李臣榮並賞給協勇巴圖魯
名號總兵胡克安著交軍機處記名遇有提督缺
出請旨簡放副將朱雲章黎冠湘王春華彭維祥
陳萬合聶福厚劉泰財均著交軍機處記名遇有
總兵缺出請旨簡放並賞加提督銜總兵朱連甲

著賞加提督銜並賞給毅勇巴圖魯名號副將譚
位高參將朱連泗均著交軍機處記名遇有總兵
缺出請旨簡放譚位高並賞給碩勇巴圖魯名號
朱連泗並賞給威勇巴圖魯名號參將謝三洪著
免補參將以副將仍留湖南儘先補用並賞加總
兵銜遊擊邱得福舒開朝均著免補遊擊以參將
儘先補用並賞加副將銜蕭洪勝著免補遊擊以

聖祖聖訓卷八十三

五

參將儘先補用並賞換花翎劉金蘭著免補參將
以副將儘先補用守備彭玉堂著免補遊擊以參
將儘先補用以上二員並賞換花翎江南提督黃
翼升著賞給一等輕車都尉世職副將許雲發陶
樹恩吳家榜易洪達均著以總兵記名簡放許雲
發並賞加提督銜記名提督周國興著遇有提督
總兵缺出先行請旨簡放總兵傅敏才羅宏裕張

元龍均著以提督記名簡放副將殷定文賴迎發均著以總兵記名簡放殷定文並賞給勤勇巴圖魯名號賴迎發並賞給晉勇巴圖魯名號總兵楊宏勝著賞加提督銜游擊盧福良著以參將儘先補用並賞加副將銜副將康壽怡著賞給銳勇巴圖魯名號蕭國仕著賞給烈勇巴圖魯名號游擊易嵩祝楊友勝均著以參將儘先補用易嵩祝並

聖朝聖略卷八十三

三

賞給靖勇巴圖魯名號楊友勝並賞給固勇巴圖魯名號發去獎武銀牌四百面賞給有功將士交曾國藩分給其陣亡之副將陳萬勝記名總兵郭鵬程王紹羲功績卓著力戰捐軀深堪憫惻均著照提督例議卹並加恩各賞給三等輕車都尉世職參將熊祖泗劉永成副將熊祖錫均著照總兵例議卹參將張志斌遊擊周易才周怡勝均著照

副將例議卹都司向進山陳友蘭羅宇名張茂棠賀長勝申有高均著照遊擊例議卹守備謝永泰著照都司例從優議卹以慰忠魂李秀城洪柱遠二犯卽著會國藩等派委妥員檻送京師訊明後盡法處治洪秀泉屍身覓獲後剝屍梟示仍傳首被害地方以洩衆憤

臣等謹案我

聖朝聖略卷八十三

三

朝偉烈豐功懿今鑠古粵若

聖祖戡大難於三藩亦越

高宗拓新疆於萬里逮平教匪

仁宗則功繼金川旋俘逆回

宣宗則勳垂鐵蓋二百年喚咻生息已化魑魅而八版

圖億萬姓踐土食毛且變狂獠而躋文物矣
蠢茲粵逆自外生成溯自金田始譁永安繼

潰由大小孤而奔皖口自東西梁而據石頭
迄今十二年擾及十六省我

文宗顯皇帝赫然震怒穆爾深謀命侍郎曾國藩為統
兵大臣兩江總督遂稟承夫

廟算定取道於上游咸豐十一年八月克復安慶省城
進偏江甯城下將大勳之懋集遽

龍馭之升遐我

聖訓

天

皇上寅紹

丕基恭行

天討

御極之初卽以曾國藩協宅百揆鈐轄六師閭寄既

專捷書屢告旁摧其羽翼直搗其腹心乃洪

逆自知貫盈而李逆尙圖延喘方且求援於

秦豫分擾乎鄂江議者以為西顧之憂不免

擊東征之局

皇上乃獨伸乾斷趨奏膚公蓋以殲厥渠魁自可肅
清餘孽

神機遠照

大烈以揚當上元甲子之昌期慶半壁東南之底定三
年圍合六月興師遂下名城立除巨憝不數

日而殲其醜類速踰年而掃盡餘氛

聖訓

天

先帝知人之明因之益著

皇上如天之福至矣蔑加此皆

聖澤覃敷

天威遠布秉

兩宮之

懿訓

裕七德之全模故能允迪

前光昭茲

盛軌由是

告成舉典

懋賞酬庸薄海同歡普天稱慶豈臣等所能贊揚萬

一哉

上又諭內閣曰自粵逆洪秀泉糾眾煽亂闖入兩湖

三江盤踞江甯遺黨肆擾疊陷郡邑荼毒生靈罪

欽定剿平粵匪方略卷八十三

三

惡貫盈神人共憤朝廷命將出師特申天討自咸

豐十一年八月間克復安慶省城後官軍乘勢直

偏江甯賊勢漸形窮蹙上年以來疊將江蘇浙江

各郡縣次第克復江甯之賊遂成孤立而逆會洪

秀泉等猶敢擁眾負嵎抵死抗拒今幸將士用命

克拔堅城元兇授首從此掃除餘孽指日蕩平嘉

與薄海蒼生共享昇平之福此皆仰賴

昊蒼眷佑

列聖垂慈得以建此偉績宜修告成之典用昭寅感之

誠所有

天壇

地壇

社稷壇盛京

三陵

欽定剿平粵匪方略卷八十三

三

東陵

西陵

太廟均著遣官告祭朕於告祭之前一日親詣

太廟中殿

後殿拈香行禮並飭所司於祝文內敬舉受釐宜捷之

忱用伸虔告所有應行禮儀及此外一切典禮著

各該衙門敬謹詳察例案具奏

上又諭內閣曰

皇考文宗顯皇帝御極之初卽值粵逆倡亂流毒各省

疊次命將出師用申天討雖屢殄悍寇克復多城

而匪勢蔓延未卽撲滅我

皇考宵旰憂勞無時不以滅賊安民爲念殷殷

望捷迫咸豐十一年

龍馭上賓

聖訓卷之三十三

三

頒示遺詔猶以東南諸省軍務未平百姓蕩析離居時

塵

聖慮朕誕膺大統乾惕時深日盼殲誅渠魁廓清疆宇

仰成

皇考未竟之志我兩宮

皇太后親裁庶政教育朕躬翹望捷書夜以繼日茲於

本月二十九日由官文會國藩等紅旗報捷克復

江甯鏖除首逆是皆仰賴我

皇考貽謀久遠故能勉集大勳用光

前烈感幸之餘彌深悲慟卽擬親謁

殯宮敬申哀感我

慈安皇太后

慈禧皇太后因秋禾正當暢茂蹕路所經車馬殷闐不

免蹂踐田禾且一切修墊道途恐致重煩民力卽

聖訓卷之三十三

三

日恭奉

懿旨著派醇郡王奕譞恭詣

隆福寺行宮

几筵前恭代行禮敬舉宣捷之忱用申虔告

上又諭內閣曰現在江甯克復全省底定朕於七月

初一日親詣

奉先殿

大高殿

壽皇殿行禮景山

關帝廟拈香用申敬悃

上又諭內閣曰本日江甯省城克復捷書馳奏八表

同歡因思前此賊氛擾及數省官兵所至仰賴山

川效靈

神祇助順用得師行貞吉者定功成允宜修舉明禋

聖祖聖宗

卷八十三

敬答

鴻祐所有各省應祭

嶽

瀆諸神著禮部查議具奏

上又諭內閣曰本日據官文會國藩馳奏克復江甯

全股悍賊盡數殲滅洪逆自焚並生擒李秀城洪

芒達等逆已明降諭旨將會國藩會國基及單開

平逆首功之總兵李臣典等酬庸錫爵普沛恩綸

因思軍興以來各路統帥疆臣公忠體國督飭官

軍掃穴擒渠將各路逆氛次第掃蕩江甯賊勢日

孤卒就殄滅現在紅旌奏捷東南軍務即可從此

底定良由各該統帥疆臣不分畛域同心勦賊調

度有方允宜特加異數以沛殊恩欽差大臣科爾

沁博多勒噶台親王僧格林沁前在直隸山東殲

聖祖聖宗

卷八十三

除髮逆林淵詳李開芳等復帶兵勦除捻匪肅清

直隸山東河南全境並督師皖北將張落刑苗沛

霖等股勦滅近復移紮皖豫之交扼勦東竄援賊

良由該親王忠勇性成不避艱險軍麾所莅威望

允孚僧格林沁已屢次加恩晉封親王世襲罔替

著再施恩加賞一員勒令其子布彥諾謨祜受封

欽差大臣大學士湖廣總督官文徵兵籌餉推賢

讓能克復楚北郡縣多處肅清全境並籌辦東征軍務接濟餉需不分畛域實屬盡勤卓著著加恩錫封一等伯爵世襲罔替並加恩將其本支毋庸仍隸內務府旗籍著擢入正白旗滿洲賞戴雙眼花翎江蘇巡撫李鴻章統領中外水陸各軍由土海一隅轉戰而前連克蘇常府縣並派兵出境攻拔嘉興等處現復協勦湖郡扼守高溧一帶使江甯逆匪進無援兵退無竄路實屬謀勇兼優著加

聖朝聖略卷八十三

三

恩錫封一等伯爵並賞戴雙眼花翎陝甘總督楊岳斌統帶曾國藩所立水師自九江克復東流建德協克安慶府城並攻拔池州無為銅陵等處扼守江路斷賊接濟實屬勳績懋著著加恩賞給一等輕車都尉世職並賞加太子少保銜兵部右侍郎彭玉麟前在江楚等省屢著戰功及與楊岳斌

同領水師疊克魯港南陵蕪湖金柱關銅城牯東西梁山等要隘招撫高溧溧水降眾克復東壩肅清江面實屬勇敢有為著加恩賞給一等輕車都尉世職並賞加太子少保銜四川總督略秉章前在湖南巡撫任內薦賢使能創辦團練克復城池其於楚師餉項盡心籌畫不遺餘力及擢任四川總督後復督飭官兵殲滅石達開等逆首洵屬老

聖朝聖略卷八十三

三

成持重懋著公忠著加恩賞給一等輕車都尉世職並賞戴雙眼花翎署浙江提督鮑超前在江楚屢克名城肅清江西轄境及隨征東下疊克甯國府石埭太平涇縣及河西等隘並復江浦浦口九洲本年復克東壩句容金壇等處使江甯蘇常之賊不能聯為一氣厥功甚偉著加恩賞給一等輕車都尉世職西安將軍都興阿前在揚州督兵

屢殲悍賊掃除天長六合各路竄匪督率水師嚴扼江面現雖督師甘肅而從前所立之功自不可泯江甯將軍富明阿前在蒙城力除苗匪現在接辦江北防務力遏竄賊並派兵渡江協克丹陽均著加恩賞給騎都尉世職廣西提督馮子材督辦鎮江軍務數年以來固守名城勦除竄賊本年復會同江北官軍克復丹陽著加恩賞給騎都尉世

欽定剿平粵匪方略卷八十三

三

職署京口副都統魁玉幫辦鎮江軍務協同守禦甚爲得力著加恩賞給雲騎尉世職清運總督吳棠勦辦清淮一帶竄匪並掃除徐宿捻逆地方賴以安謐著賞給頭品頂戴仍交部從優議敘閩浙總督兼署浙江巡撫左宗棠前在湖南軍營運謀決勝迨抵浙江後統領各軍將各該郡縣及杭州省城次第克復現惟湖州府城未克指日全浙廓

清再當渥加懋賞杭州將軍國瑞在僧格林沁軍營幫辦軍務打仗得力殺賊甚多江西巡撫沈葆楨籌解會國藩餉需源源接濟均無貽誤現在勦辦福建等處賊匪調度得宜勞動卓著均著俟江皖浙等省軍務平定再行加恩至楊岳斌鮑超此次雖已加恩仍俟江皖肅清同膺懋賞其餘各省統兵將帥其各慎勉圖功迅殲醜類廓清疆圉共

欽定剿平粵匪方略卷八十三

三

荷恩施有厚望焉

上又諭內閣曰軍興以來十有餘載從前在事諸臣爲國宣勤矢志滅賊或積勞身故未竟全功或臨難捐軀無虧大節類多卓著勞績爲我國家有死事之臣現在江甯克復首逆殲除該故員等齎志以終未克躬逢其盛追懷忠盡良用惻然宜加身後之榮以表生前之績著議政王軍機大臣查

明從前已故有功諸臣開單呈覽候旨施恩

上又諭內閣曰咸豐三年洪逆竄陷江甯省城竊踞者十有餘年百姓遭其荼毒慘難言狀或被賊裹脅而鋒刃頻罹或轉徙他鄉而溝壑難免蚩蚩何辜罹此殘酷現在江甯克復全省底定亟宜渥沛恩施甦此遺孑著會國藩李鴻章查明江甯地方應徵錢漕分別應蠲應緩據實入奏候旨施恩該督撫等務當實力詳查毋任官吏從中弊混以副朝廷軫念殘黎因時施惠至意

上又諭內閣曰現在江甯克復首逆殲除所有一切加恩事件及應辦各事宜均須次第舉行著議政王軍機大臣查明嘉慶道光年間勦滅三省教匪及平定回疆

加恩

諭旨成案敬謹繕寫呈覽

欽定剿平粵匪方略卷三百八十四 甲子年

七月初一日己亥楊岳斌沈葆楨奏冒侍逆盤踞

崇仁以大股循河而下希圖抄襲六月初四日

江忠朝席寶田分路進攻衝殺十餘次賊不少

卻鄭喬隆怒馬當先手刃悍賊數名我軍合力

蹙之所殺不可勝計騎賊二百餘拌死來援江

忠朝等以劈山礮轟之斃十餘騎左路之賊遂

聖軍方略卷三百八十四

一

退入城席寶田擊其右路賊退踞高埠羅章才

設伏以待屈得茂誘令深入伏兵突起殪其前

鋒時城中又出悍黨數千蔣懷清等分投截擊

殺賊數百何東山呂光榮蔣桂元力戰死之向

國琛等率槍隊繞出賊後奮勇齊轟賊衆驚潰

各軍抄偏城根右路之賊亦敗入城是日共斃

賊四千餘名據生擒賊供侍逆右臂受傷所斃

賊目不少初七日江忠朝復分令各營進取賊

壘李榮發怒馬衝入斬執旗賊目一名時壘賊

從後斜出分路來犯適席寶田派熊應文等馳

至兩軍合剿賊乃大敗追至城下而返復斃賊

二千餘名現仍嚴飭乘勝進攻以期速復城池

所有陣亡之把總何東山呂光榮外委蔣桂元

相應仰懇

聖軍方略卷三百八十四

二

天恩飭部從優議卹

楊岳斌沈葆楨又奏言探聞金谿東鄉城池業

經被擾六月初一日王德榜由馬岡嶺渡河行

抵梅坑橋遇賊數百擒斬過半追至河坊館賊

驚惶出走沿途掃蕩逆館十二處殺賊四百餘

名生擒偽天燕黃政魁等初十日周寬世由進

賢移紮將軍嶺派隊赴東鄉城邊分三路迎剿

賊傾巢出戰周寬世奮擊退之斃賊三百餘名其臨崇交界上頓渡之賊憑河築壘胡占魁等與之堅持劉于濬添派水陸練勇助之並約會王沐普承忠馳往接應水陸夾擊賊棄壘而遁上頓渡一帶肅清王沐聞許濬踞逆謀將渡河督隊伏於木瓜橋乘其半渡擊之現在王開琳王德榜已移紮七星橋與周寬世合圖東鄉俟東鄉克後卽乘勝規復金谿勿敢稍懈

楊岳斌沈葆楨又奏言據探稱僞老王宗李元茂糾合南豐股逆下竄盤踞鐵子嶺一帶爲崇逆聲援六月初六日劉典令劉勝祥等分路攻勦共斃賊三百餘名生擒四十餘名並斃其援天燕趙志篤其分踞羅陂者同日圖犯席營席寶田掩殺二百餘名生擒十三名初七日劉典

聖朝聖略卷八十四

三

聖朝聖略卷八十四

四

復督劉勝祥等三路並進行抵馬坪該逆萬餘由李村擁至我軍奮勇鏖戰賊屍水遁去殺斃溺斃共五百餘名解散千餘名當將李村賊館掃平十一日各軍會議合勦席寶田出鐵子嶺之左從嶺側卷旗而上襲據嶺右山岡前後夾擊殺賊甚夥劉勝祥出鐵子嶺之右並分隊環列山頭四面策應鄒興發等馳至賊館縱火焚燒賊見火起擁衆奔竄先後共斃賊二千四百餘名生擒百餘名鐵子嶺一帶賊館一律肅清現仍飭相機勦辦以期乘勝蕩平奏八

上命議政王軍機大臣傳諭楊岳斌沈葆楨曰前因楊岳斌奏賊圖力攻撫建橫踞崇仁等處漸成長圍之勢擬先由崇宜下手破其狡謀當以所籌深合機宜諭令該督等會商辦理現在江忠朝等進

兵崇仁侍逆右臂受傷該逆與李秀城均係一時
悍黨李秀城既經就擒該逆諒不能久稽顯戮著
楊岳斌沈葆楨督飭江忠朝等鼓勇前進迅克崇
仁破賊包抄之計陣亡把總何東山呂光榮外委
蔣桂元均著交部從優議卹東鄉上頓渡許灣等
處逆勢漸已不支卽著飭令王開琳周寬世等會
攻東鄉乘勝規復金谿毋稍鬆勁南豐賊踞已久

欽定剿平粵匪方略卷八十四

五

若不及早誅鋤大爲腹地之患鐵子嶺已克我軍
得其要隘卽著督飭劉典會合精毅等營節節進
剿將僞老王宗股逆奮力剿擊攻克南豐縣城以
期痛掃逆氛廓清江境

同日

上命議政王軍機大臣傳諭駱秉章曰現在蔡啟等
逆在陝西滋擾雖經劉蓉等督兵剿辦而賊勢未

衰四川邊界多與陝西毗連設該逆被擊窮蹙乘
閒窺川不可不豫爲防範昨據會國藩馳奏金陵
克復全股悍賊殲除而湖北麻黃一帶賊尙充斥
該逆等聲稱欲救金陵故銳意東竄此時金陵巢
穴既覆此股賊匪聞風喪膽未必仍敢東趨僧格
林沁已紮光州官文亦進至黃州合力進剿賊見
我軍勢大必將折向西竄恐其偏近川疆冀圖竄

欽定剿平粵匪方略卷八十四

六

逸著駱秉章嚴飭沿邊防軍勤加偵探嚴密守禦
毋令一賊得以闖入以期盡掃妖氛

初二日
庚子

上諭內閣曰恭親王自簡授議政王以來於今三載
適值東南等省兵事方殷用人行政徵兵籌餉一
切深資贊畫弼亮宣猷忠勤丕著軍機大臣文祥
等翼贊樞廷同心輔治前於蘇杭省城克復各案

內屢欲降旨加恩均經該王大臣等再三懇辭不
忍重違其意茲當江甯省城克復後紅旗馳報職
擒首逆本欲按照從前優獎成案降旨施恩乃該
王大臣等仍復懇切力辭鑒其誠悃不得已酌中
給予恩施以獎勞動議政恭親王著加恩賞加軍
功三級仍加賞一貝勒令伊子奉恩輔國公載澂
受封並封伊子載濬入八分輔國公載溎不入八

聖訓卷八十四

七

分鎮國公軍機大臣工部尚書文祥著賞加太子
太保銜伊姪凱肇並賞給員外郎分部學習行走
戶部尚書寶鋆著賞加太子少保銜並賞戴花翎
工部尚書李棠階著賞加太子少保銜伊子李淳
並賞給舉人准其一體會試兵部左侍郎曹毓瑛
著賞加頭品頂戴賞戴花翎以示朕慶賞酬庸之
意

上又諭內閣曰昨因江甯紅旗報捷省城克復全股
悍逆悉數殲除乘將在事出力諸臣酬庸錫爵分
別加恩因思諸王貝勒等分屬宗親誼關休戚允
宜同被恩綸用昭篤眷惠親王之子奉恩輔國公
奕詳著晉封奉恩鎮國公不入八分鎮國公奕詢
奕謨均著賞戴三眼花翎惇親王之子鎮國將軍
載濂著晉封不入八分鎮國公載津著賞加頭品

聖訓卷八十四

八

頂戴醇郡王著賞給親王銜鍾郡王著賞給紀錄
四次管理武英殿事務孚郡王著賞給紀錄四次
管理樂部事務郡王銜貝勒載治貝勒載漪均著
賞給紀錄三次定郡王溥煦郡王銜貝勒溥莊貝
勒奕劻禮親王世鐸睿親王仁壽豫親王華豐莊
親王奕仁克勤郡王晉祺順承郡王慶恩均著賞
給紀錄二次御前大臣內廷翊衛克勤厥職亦應

一體恩賚景壽著賞選紫羅奕山著晉封一等鎮國將軍德木楚克扎布前經告假現在雖未在京亦應一體加恩著賞給紀錄四次以示嘉賞成功覃敷闡澤至意

上又諭內閣曰朕以冲齡踐阼荷蒙兩宮

皇太后垂慈特命初禱藻倭仁李鴻藻在弘德殿授讀並派倭什琿布伊精阿授讀清文初禱藻等均能

欽定剿平粵匪方略卷八十四

九

朝夕納誨講貫發明朕於典學之餘深資啟沃茲當巨寇蕩平江南底定初禱藻等輔弼朕躬同深慶幸允宜共沐恩施初禱藻倭仁倭什琿布伊精阿李鴻藻均著賞給紀錄二次

上又諭內閣曰總管內務府大臣等平日在內廷行走經理一切事務夙夜在公勤慎妥協茲當江南底定喜報邇來同深慶幸綿森存誠明善均著賞

給紀錄一次

上又諭內閣曰前因江甯克復巨魁就殲疊經降旨將中外宣力王大臣等酬庸懋賞因思自軍興以來凡屬臣工無不志深敏憤同企捷音允宜普沛恩施以昭優賚所有中外大小臣工均著加恩賞加一級用示闡惠覃敷至意

欽定剿平粵匪方略卷八十四

十

上又諭內閣曰昨據官文會國藩等奏到克復江甯省城全股殄除薄海臣民同深歡慶因念八旗兵丁生計未裕值此江南底定捷報馳聞允宜特沛恩施俾霑惠愷所有八旗兵丁著加恩賞給一月錢糧用示體恤旗營至意

上又諭內閣曰昨因克復江甯紅旗報捷效力行開諸臣業已特加恩賞並頒去獎武銀牌四百面分賞將士以賚有功惟念江南用兵已十餘年所有

各營兵勇衝鋒陷陣奮勇前驅晝夜荷戈備極勞瘁近日江甯之役復能於炎暑烈日之中誓死殺賊踴躍用命以竟全功而一切在防兵勇或分路馳援或嚴防要隘齊心戮力敵愾同仇念其從征之苦惻然興懷允宜普被恩施用昭體恤著江南各路統兵大臣暨各該督撫等查明各營弁兵勇丁實在出力者除擇尤保獎外餘著分別犒賞以

聖朝延沛澤戎行有加無已至意

十一

聖朝延沛澤戎行有加無已至意

十一

示朝廷沛澤戎行有加無已至意

上又諭內閣曰蒙古三盟馬隊官兵自隨僧格林沁剿賊以來頻年征戰所向有功上年肅清直隸山東全境削平張落刑苗沛霖等巨逆該蒙古馬隊甚為出力本年復掃清豫省進紮皖鄂之交遏賊東竄該官兵等從征多年立功數省嚴寒酷暑備極辛勞而該大臣向來於蒙古官兵內保舉出力

將士人數尤屬無多從不肯稍有冒濫現當江甯克復行間士卒均荷恩施該蒙古官兵際此溽暑炎蒸荷戈力戰允宜優加獎賚普沛恩綸所有僧格林沁軍營統帶蒙古馬隊各員著該大臣擇其出力者查明酌量保奏候旨加恩其該營蒙古兵丁並加恩賞銀一萬兩由該大臣糧臺給發以示體恤至吉林黑龍江官兵歷年征戰亦屬著有微

勞並著由該大臣隨時酌量獎勵以昭激勸俟全功告成定當同加優賚也

初三日 丑官文奏言六月初二三等日周鳳山

等分紮胡家岡次日提督成大吉馳抵李馬岡

一帶偪賊而壘會商周鳳山等移營於六合集

正在築壘該逆盡驅白果麻城閔家集各路髮捻數萬遠擁而來成大吉等分路抵敵槍礮齊

施賊逆又分股繞向六合集連西包抄後路周鳳山衆寡不敵前軍小挫成大吉飛率馬隊馳援將賊擊退計斃賊二三百名是夜逆首馬融和大股驟至四面抄圍斷我糧道成大吉會商周鳳山等進攻西面密飭所部捲旗疾趨伏於西南玉牌樓賊壘賊館之間十二日併力鏖戰勇氣百倍陣斬黃衣賊目一名紅衣賊目五名

欽定剿平粵匪方略卷八十四

十三

該逆紛紛敗退立將玉牌樓一帶賊壘賊館盡行燒燬又據副都統富森保等呈稱有賊目黃桂元等來營投誠復有石逆餘黨高郭寶等率長髮老賊三百餘人赴麻城東門乞降情願殺賊贖罪當將新擒之二百三十一名遣散留該降目一百四十餘名卽於是夜潛襲附城之沈家莊攻破賊館六處現飭築壘南門城外等情

臣查髮捻自前月偏圍麻城並趨黃岡節節牽掣我軍似有久踞之勢白果大股賊匪合力抗拒擾及新洲宋埠等處阻我餉道查歧亭宋埠爲各軍後路最關緊要必須重兵扼紮姜玉順等營現在襄陽整理軍裝緩不濟急遂飛調駐紮德安之趙克彰三營並駐紮黃州之毅桓等三營扼紮歧亭宋埠爲移緩就急之計適值藍

欽定剿平粵匪方略卷八十四

十四

斯明由水路趕到卽日令其前進一面飛催姜玉順蕭河清等由水陸分道下駛徑赴麻城擬分撥一軍由江而前往蘄州會合防軍迎頭包襲併力痛剿務期就地殄滅不任東趨其蘇克金之軍已抵麻城縣屬之黃土岡惟山路崎嶇馬隊難於施展每日由北而伍家河等處進偏一經得手卽可會合夾擊亦可分西南賊勢至

江湖支港藏船密布遇賊卽擊旬日以來該逆不敢窺伺水面仍飭水師各營晝夜梭巡勿稍鬆勁臣前因賊竄黃麻擬紮黃州現在賊旣回竄行蹤剽疾我軍後路在在空虛仍須駐紮黃陂俟秦軍行抵麻城方可拔營下駛至周鳳山前軍小挫雖因衆寡不敵究屬布置未合相應請

聖聖聖聖聖聖聖聖

十五

聖聖聖聖聖聖聖聖

十六

旨拔去花翎以示薄懲奏入
上命議政王軍機大臣傳諭僧格林沁官文張之萬曰逆匪盡驅白杲麻城閔家集賊股包抄六合集周鳳山前軍進剿失利雖因衆寡不敵究屬布置失宜著卽拔去花翎以示薄懲麻城之賊由新洲辛家冲覆及歧亭宋埠該處爲各軍後路最關緊要官文現調趙克彰三營並毅桓等三營扼紮歧

亭宋埠飭藍斯明由水路前進催姜玉順蕭河清由水陸分道徑赴麻城分軍由江面赴蘄州迎剿著官文卽飭派出各軍協力進剿蘇克金一軍已抵麻城縣屬之黃土岡因山路崎嶇馬隊難於施展現由北面伍家河等處進逼英山折回之賊大股屯踞麻城勢將回竄黃孝等處均形喫重著僧格林沁嚴檄蘇克金等會合楚軍實力掃蕩毋令該逆再由舊路西竄復肆蔓延金陵攻拔該逆旣不敢東趨皖境若再不能退志於楚勢必併竄豫疆以遂其奔突之計光羅一帶尤形危緊著張之萬督飭將弁嚴密堵禦不得因僧格林沁大軍在境防剿專恃客兵轉得置身事外若令該匪闖入豫境又成燎原之勢惟張之萬是問賊目黃桂元等赴富森保等營投誠降日高郭寶等率長髮老

賊三百餘人赴麻城東門乞降官文飭令立功贖罪著照所擬辦理惟逆匪類多叵測其悔罪輪誠自拔來歸者固不乏人而意存反覆往往首鼠兩端亦不可不豫爲之防官文當飭屬妥爲辦理毋墮詭謀

同日穆圖善劉蓉奏言蔡逆將店子頭老巢退出後遂過田峪河移紮焦家巷等處臣等移營

欽定剿平粵匪方略卷八十四

七

進偏該逆志在堅守六月初七日蔡逆出攻南北淇水二堡臣等督率副都統金順馬隊馳往援勦繞出賊前斷其要路逆衆五六千人列隊抗拒我軍奮力馳突賊勢不支紛紛敗退計殺賊四五百名生擒百餘名先是曹克忠移營棗林村偏近啟逆之壘逆匪馬步二千餘人運糧往北曹克忠督帶馬隊及葉毓廣降衆飛馳邀

擊將該逆截爲數段逆衆拼命抗拒我軍奮力截殺立斬長髮老賊七八十名生擒二百餘名奪獲贏馬糧食甚多至初八日曹克忠復督各部分路出隊齊抵黑水峪西岸以葉毓廣爲前導直抵賊堡葉毓廣礮斃守塚賊數人我軍正欲衝突詎該逆潛伏悍賊於黑水峪口及堡之前後一見我軍齊進卽分三路圍裏前來葉毓

欽定剿平粵匪方略卷八十四

六

廣率隊衝入賊中三進三出斃賊二千餘人馬隊乘勢衝擊亦斃賊千餘人臣等以兩軍相去尙遠未便夾擊函商曹克忠先由西路節節進偏適所謂隴防三營亦已陸續前來曹克忠遂親督所部暨葉毓廣降衆進紮黑水峪西岸築壘甫畢該逆分南北兩路衝撲而來南路啟逆一股馬賊五百餘人步賊一萬餘人由黑水峪

前渡河進衝曹克忠營盤北路則蔡逆所派馬賊五六百人步賊七八千人由下游迤北渡河曹克忠派撥馬隊並葉毓廣各軍疾馳向北以禦蔡逆飛調英毅彞字八營前來會剿曹克忠自率親兵暨翼子雲各部由南路上游攔擊以禦啟逆該逆正欲渡河卽被我軍轟退約斃賊百餘名逆衆亦遂不敢徑渡時英毅等營飛馳

聖朝聖略卷八十四

十九

而至奮力衝殺殲賊四百餘名賊遂紛紛東潰是夜擒獲老賊數人訊知啟逆有移巢之舉正可乘勢追擊曹克忠遂派各軍齊抵東岸果見逆衆望東狂竄惟僞天將羅啟發一股尙未出巢曹克忠卽率各騎衝出包抄後軍乘勢截殺共計斃斃三千餘名生擒二百餘名 臣穆圖善亦親督馬隊繞過焦家巷察看賊情途遇鄭逆

擄糧股匪追殺數十名查啟逆移紮界上寺之西老堡餘黨亦分紮於焦家巷各村之中賊旣歸併一處我軍正好兩路合剿因亟約曹克忠移紮田峪河之西岸 臣等亦卽移紮田峪河之東岸以偪之翼日該逆出黨六七千人半列河岸半列山邊故作撲營之勢我軍馬隊橫截而前勁弩齊發射中執旗賊三名餘賊悉潰伏查

聖朝聖略卷八十四

二十

啟鄭諸逆旣與蔡逆歸併其勢似較強盛然欲爲聚斂之計正在此時 臣等反覆熟商莫如增兵合剿現咨調蕭慶高之湘果中軍由洋縣取道佛坪前來會剿而咨催李雲麟迅率所部全軍分駐華陽江口各隘以杜分竄至北路渭河一帶余福象所部防兵究嫌單薄萬一該逆偷越岐扶則鳳寶均覺空虛 臣現咨商雷正綰

陶茂林等抽撥曹克忠之隴防四營移紮鳳翔
豫爲攔截務期併力痛勦以殲羣醜

穆圖善劉蓉又奏言准曹克忠咨稱六月二十
四日蔡逆親率馬隊五六百人已抵黑峪河東
岸曹克忠率各將弁渡河迎擊蔡逆中槍落馬
逆黨拌命擁護總兵王得勝直前擒擊突被飛
矛刺傷左腰參將周朝旺躍馬而前亦被槍斃

欽定剿平粵匪方略卷八十四

三

坐騎羣賊環擁蔡逆退竄我軍盡力窮追殲斃
悍賊六七十名生擒三十餘名當將生擒各賊
逐一提訊中有逆目兩名一爲蔡逆之弟僞號
蔡八帥主一爲蔡逆表兄謝玉春據供蔡逆因
官軍緊逼意圖偷渡渭河竄往岐鳳一路今親
來察看灘水淺深是否須搭浮橋不意忽與官
兵相遇幾被擒獲等語臣等查黑渭夾灘綿長

六七十里平原散漫處處可以偷涉現咨商雷
正綰等抽撥隴防四營移紮鳳翔以資攔截而
期周密

穆圖善劉蓉又奏言查葉有洸卽葉毓廣率所
統八百人自拔來歸曹克忠察其詞意懇切因
卽收置麾下獎以忠義葉毓廣感激圖報衝鋒
陷陣每戰必先曹克忠親見其手刃老賊十餘
人其勇敢竟爲諸軍之冠葉毓廣又復函致啟
逆部下頭目曉以順逆先後來降者計十餘人
臣等伏思

欽定剿平粵匪方略卷八十四

三

國家用人不拘一格但肯真心效順奮勇立功何
妨予以品秩合無籲懇
天恩可否賞給葉毓廣四品翎頂抑或准以都司補
用以廣招徠之處出自

聖裁奏入

上命議政王軍機大臣傳諭劉蓉李雲麟曰蔡逆被
官軍擊敗後過田峪河移踞焦家巷等處經穆圖
善等與曹克忠所部各軍分路截殺連日屢有斬
擒該逆勢漸窮蹙與啟鄭諸逆合併抗拒穆圖善
等現蔡田峪河東岸並函商曹克忠偪蔡田峪河
西岸擬為兩路夾擊一鼓聚殲之計惟賊勢尙衆

聖朝聖略卷八十四

三

官軍兵力較單穆圖善等所調蕭慶高一軍由洋
縣取道佛坪會剿即著催令迅速前進合力兜擊
並著李雲麟迅率所部全軍分駐華陽江口各隘
以杜紛竄蔡逆因官軍緊逼意圖偷渡渭河竄往
岐鳳一路余福象所部兵力較薄即著劉蓉等咨
商雷正綰陶茂林將曹克忠所部隨防四營星速
調紮鳳翔如賊匪乘閒偷渡渭河即行攔頭截擊

毋任延蔓並嚴飭余福象就現有防兵探蹤堵截
毋稍疏懈蔡逆勢窮思竄正當合力協剿將全股
就地殲除著劉蓉李雲麟等嚴督諸軍與曹克忠
一軍併力環攻乘賊勢已懈悉數殄除殲擒逆首
以靖疆圉儻任令擾及他處致裹脅日衆逆燄復
張惟劉蓉李雲麟等是問降將葉毓廣隨同曹克
忠剿賊立功深明大義自應量予獎敘劉蓉等請
賞給該降目四品翎頂或以都司補用未免過優
著改為賞給六品翎頂嗣後葉毓廣續有功績始
終奮勉仍可從優保獎也

同日

上命議政王軍機大臣傳諭各路統兵大臣各直省
督撫曰軍興以來各路軍營由兵勇出身打仗得
力者應保參副等官續有勞績無可再加往往奏

聖朝聖略卷八十四

三

請以提督總兵記名簡放朝廷破格用人每逢各路統帥疆臣奏保無不立沛恩施惟提鎮係專閫大員爲通省各營之表率關係極爲緊要嘗有戰勝攻取極爲得力而於平日一切操防事宜閱歷太淺訓練未免失宜迨至驕縱廢弛貽誤戎機被入參劾朝廷加以嚴譴致有用之材不獲養成大器以備干城之選殊爲可惜嗣後各省督撫各路

欽定剿平粵匪方略卷八十四

五

統兵大臣凡保舉記名提督總兵者務當另片密註堪以勝任字樣或其人材堪造就而於提鎮大員尙難稱職不妨給予別項優獎俟其歷練較深再畀以專閫重任如有實在不能勝任者亦卽隨時奏參不得稍有遷就以仰副整軍經武培植將材至意

同日

上諭內閣曰昨因江甯省城克復首逆就戮業經先後降旨將在事出力各員及內廷諸王大臣等優加獎勵惟念此股逆匪起自廣西其始不過游民相聚勾結煽惑地方官辦理不善貽患養癰致十數省億萬生民慘罹鋒鏑興冒及此疾首痛心現在逆首殄除東南漸期底定仰賴

吳蒼默佑

欽定剿平粵匪方略卷八十四

五

宗

祖垂慈宥感之餘倍深祗懼允宜朝夕乾惕以答天庥自古君臣安不忘危治不忘亂卽令今日已治已安猶當戒慎恐懼不自滿假何況浙江安徽尙有賊蹤湖北江西逆裔方熾雖金陵之根株旣拔餘賊不難迎刃而解而稍涉怠弛卽恐難於迅速廓清各該處統兵大臣督撫等務須激勵將士奮勉

圖功以期普奏凱歌使吾民出水火而登衽席現
在江南等省新復地方閭閻凋敝創鉅痛深老弱
轉徙流離尚未復業應如何招徠撫恤遂民生而
蘇民困之處著該督撫詳加籌畫慎選守令實心
實力辦理其現無軍務省分亦應講求吏治破除
積習以期久遠又安著各直省督撫再行認真整
頓於州縣中實心愛民講求治理者隨時奏請獎

聖學聖考卷三十四

三七

屬不職者立即參劾並將安插降衆安撫難民各
事宜妥定章程期於辦理盡善其內外大小臣工
各宜兢惕為懷勤思職業不得以捷書過至謂海
內業已承平因而宴安為懷遂至廢弛公事總期
上下交儆共濟時艱慎始圖終無荒無怠以鞏丕
基而躋上治有厚望焉
上又諭內閣曰現在江甯克復巨逆伏誅中外出力

臣工疊經降旨分別獎敘因思戶部兵部堂官或
籌備軍需餉項或督辦驛傳事宜均臻妥協允宜
同沛恩施所有戶兵二部堂官均著交部議敘
初六日甲辰恭親王奏冒臣前荷
殊恩賞食親王雙俸非分之榮常深悚懼屢欲具疏
力辭祇以

溫諭諄諄未敢再三瀆請本年江甯克復復蒙

聖學聖考卷三十四

三八

恩綸下逮

加賞一貝勒令臣子載澂受封並將臣次子載澄三
子載濬分別

錫封為公髫齡襁褓主組同膺深維

寵遇之隆彌切滿盈之戒臣誼屬懿親職司輔翼豈
可貪冒榮遇自蹈愆尤方今金陵雖克而湖北

江西賊氛尙熾陝甘雲貴餘孽未平軍餉浩繁

庫款支絀

皇太后

皇上力行節儉為天下先且在京王公諸臣之俸糈

八旗兵丁之月餉猶因帑金不足減成支放未

能遽復舊章而臣則王公貝勒萃於一門既忝

高爵復膺厚祿若猶不痛自抑損仍照舊支食

親王雙俸不獨滿則必虧徒增咎戾且何以副

聖訓

三

知遇之隆而塞天下之望伏祈

聖明俯鑒愚忱明降

諭旨將臣支食親王雙俸之處即行停止俾臣得稍

免清夜之慚益矢涓埃之報感戴

鴻慈實無既極奏八

上諭內閣曰咸豐十一年冬閒朕奉

慈安皇太后

慈禧皇太后自熱河旋蹕授恭親王為議政王並以王

自留京辦事以來諸臻妥協因仰體

皇考文宗顯皇帝酬庸未竟之志宣示

遺命以親王世襲罔替王涕泣固辭不得已降旨從緩

俟朕親政之年再行辦理先行賞食親王雙俸以

示優禮昨因江甯逆首就殲紅旗告捷我兩宮

皇太后以王首贊樞廷賢親最著亟思丕承

聖訓

三

先緒仍加恩以親王世襲罔替王乃推功諸將再三懇

辭念其情詞諄切俯如所請僅加恩王之三子載

澂等於朝廷論功行賞之心初未盡愜茲復據奏

請將支食親王雙俸之處即行停止等語覽王所

奏具見忠愛惻怛出於至誠惟爵以馭貴祿以馭

富國家詔糈之典古今所同王自簡任樞廷於今

三載運籌決策成效卓然嗣後慎始敬終忠勤匪

懈行當廓清區宇丕著全功拭目昇平更加懋賞
至此次嘉賞成功因王搢紳為懷僅酌中給予恩
施未嘗加厚若將從前所降恩命遽爾收回亦無
以昭勸賞之平而示人臣之則恭親王仍著食親
王雙俸其毋固辭

同日喬松年奏言 臣 恭奉

諭旨訓陳國瑞等軍均已到防即著飭令迎頭截剿

聖朝聖略卷八十四

三

又奉

諭旨飭 臣 會同僧格林沁之師前後夾擊 臣 查賊初

入楚之時勢甚剽疾不如以靜待動以逸待勞

伺其進而擊之可操萬全勝算商之曾國藩意

見相同是以訓練固守以待賊來乃賊忽南忽

北迄無定向近日探得賊在羅田盤踞積穀據

人以爲久住之計其餘羣賊仍在麻城一帶屯

聚是賊踞羅田麻城以爲巢穴必將逐漸進步

慮而後動與尋常之飄忽亂竄者不同又當發

兵進剿大張撻伐庶足折其謀而奪其氣 臣 商

諸僧格林沁覆函亦謂擬令陳國瑞從商城進

剿麻城之賊而陳國瑞書來則擬由英山進剿

羅田之賊 臣 思兩策皆善因飭英翰一軍爲陳

國瑞後路接應之師目下賊匪游弋無定英山

聖朝聖略卷八十四

三

界上曾有賊騎窺伺旋即退去現據該縣稟報

羅田之賊有南擾蘄水蘄州者尙未東犯英山

然羅田距英山至近賊匪終必東竄若陳國瑞

能由英山進兵則迎頭截剿更爲得宜 臣 前請

移紮壽州奉

旨允准現定七月初四日拔營前往惟有聯絡各軍

慎固封守斷不敢任賊深入奏入

上命議政王軍機大臣傳諭僧格林沁喬松年曰賊匪盤踞羅田餘賊仍在麻城屯聚蓄謀甚狡亟應乘其盤踞未固大張撻伐前據僧格林沁奏駐紮光州之長嶺集居中調度應由何路督率諸軍合力兜剿並聯絡楚師夾擊之處著該大臣相機辦理務將賊氛迅速殄滅陳國瑞一軍蓄銳已久或令從商城進剿麻城攔腰橫截或令由英山進剿

欽定剿平粵匪方略卷三百八十四

三

羅田迎頭兜擊著僧格林沁妥籌調度檄令速進正陽關地當扼要著喬松年懷遵前旨親往移紮一切攻剿機宜隨時稟商僧格林沁協力進取壽州地方派定何員駐守並著奏聞

欽定剿平粵匪方略卷三百八十五 甲子年

七月初九日丁未富明阿奏言查金陵業經克復大江南北兩岸全境肅清所有江北水陸各防自應妥為裁撤水師紅單拖營各船現既裁出二十五隻自應作為頭批先行責令提督賴嶺海管帶起程赴粵其二批師船即派副將林宜華管帶回粵其第三批應裁各大船統由提督吳

欽定剿平粵匪方略卷三百八十五

一

全美統帶回粵該總兵責任總統一切自可妥為清理此外尚有礮划二百二十九隻及總兵詹啟綸報捐礮划十五隻臣擬酌留一百五十五號以為沿江梭巡彈壓之用其餘一併裁撤以節糜費奏入

上命議政王軍機大臣傳諭富明阿毛鴻賓郭嵩燾曰現在金陵克復江北防務既鬆所有裁撤師船

業經富明阿派員陸續管帶回粵卽著飭令吳全美等沿途妥爲彈壓毋令滋事各船勇丁應如何酌量裁撤及分別調撥均著悉心妥辦其餘礙划等船應留應撤之處著富明阿妥爲辦理

初十日 戊申 戶部奏冒軍需報銷必以則例爲斷

然破格懸賞亦難循例開銷自洪逆倡亂以來蔓延十數省滋擾十餘年各省軍需承辦旣非

欽定軍需略卷八十五

二

一人轉戰動經數省且則例所載徵調但指兵丁而此次成功多資勇力兵與勇本不相同例與案遂相歧出在部臣引例覈案返往駁查不過求其造報如例而止要不能於已支之帑項再求節省而書吏藉端需索外省或勸捐歸補或私設釐卡浮銷冒領百弊叢生臣等擬令同治三年六月以前各處辦理軍需未經報銷各

案額懇

天恩准將收支款目總數分年分起開具簡明清單奏明存案免其造冊報銷如蒙

俞允應請

飭下各路統兵大臣各直省撫督永禁勸捐歸補名目並將私設釐卡實力稽查裁撤以期案牘無作僞之情中外無虛糜之費以昭覈實奏入

欽定軍需略卷八十五

三

上諭內閣曰軍需報銷一事本有例定章程惟近來用兵十餘年蔓延十數省報銷款目所在多有若責令照例辦理不獨虛糜帑項徒爲委員書吏開需索之門而且支應稍有不符於例卽難覈准不得不著落賠償將帥宜力行開甫邀恩錫旋迫迫呼甚非國家厚待勳臣之意著照戶部所請所有同治三年六月以前各處辦理軍務未經報銷之

案准將收支款目總數分年分起開具簡明清單
奏明存案免其造冊報銷此係朝廷破格施恩各
路統兵大臣各直省督撫具有天良務須督飭糧
臺委員覈實開報不得因有此旨任意影射浮冒
並著嚴禁勸捐歸補名目及私設釐卡等弊如有
不肖委員仍以前項情弊巧爲嘗試別經發覺除
將承辦各員嚴辦外必將各該統兵大臣及各該

欽定剿平粵匪方略卷八十五

四

省督撫等從重治罪部中書吏如有在各處招搖
撞騙蒙混包攬者並著嚴行拏辦以懲奸宄

十一日己酉楊岳斌奏言近日崇仁賊聚愈衆圖

犯吉臨等郡雖經江忠朝席寶田悉力擊退其
勢尙屬猖獗臣會商沈葆楨以撫郡水陸防師
尙堪固守當飭駐紮該郡城外之王沐一軍移
紮豐城之秀才埠與崇仁緊連臣亦擬移紮豐

城以固江忠朝等後路現定七月初二日自省
起程由豐城馳赴崇仁督剿並就近會商劉典
督同劉勝祥合圖規復飭王文瑞一軍堅扼樂
安永豐要隘杜賊旁逸提臣鮑超已抵撫郡原
議直搗宜黃以許灣濂逆圖襲其後須先掃蕩
庶後顧無患藉通撫建兩郡之氣東鄉踞賊臣
檄催周寬世等營迅速會攻使與許灣濂逆首

欽定剿平粵匪方略卷八十五

五

尾莫能相顧臣到崇仁後如江席等軍戰事穩
固卽親赴各營審度形勢用資整飭惟念皖南
地當衝要竊恐廣德湖州之賊復循徽甯故道
上竄江右惟有諄飭徽防唐義訓等營實力堵
禦至臣所部水軍前留七營會攻金陵茲省城
已克江外無須多船現已趕調五營來江分布
贛河上下游以補陸師所未及

同日喬松年奏旨查陳國瑞一軍經僧格林沁調赴麻城英翰一軍由潁上拔隊調駐商城為該提督後路但麻城賊勢固重而羅田之賊亦圖久踞終有竄擾英霍之虞日前臣擬紮壽州一面具奏一面函商僧格林沁旋接覆信亦謂可以進紮正陽關臣查正陽關在壽州之西六十里若防麻城之賊則正陽為近若防羅田之

勦平粵匪方略卷八十五

六

賊則正陽稍遠現在陳國瑞等兩軍先後從麻城進剿此路定可無虞惟英山空虛六安最為喫緊臣駐壽州與六安較近易於援應俟行抵壽州即赴正陽關權其緩急以期兼顧喬松年又奏言現在麻城羅田均為賊擾陳國瑞會同蘇克金張曜等進剿麻城必能得手其羅田之賊或回救麻城或撲竄英山均未可定

英山在羣山之中兵少不足資守禦今幸金陵克復若得勁旅一枝從英山進剿則一戰可以成功合無請

旨飭下曾國藩即挑金陵得勝之師派令從英山一路而進與楚師會剿不但皖境安全即楚省亦可肅清

勦平粵匪方略卷八十五

七

同日陳廷經奏言金陵城池克復天下臣民同深慶幸惟一切善後事宜正當次第舉行臣竊思疆輿宜略為變通也查長江古稱天險足以制敵乃隸江蘇者為蘇松常鎮淮揚徐通隸安徽者為安廬鳳潁徽甯池太一江之險兩省共之自咸豐三年安慶金陵先後失守賊踞長江文報梗塞兩省文武各官無所稟承任賊狡猖貽誤匪淺今江皖軍務業已肅清欲為地方畫

經久之策不如以徽州甯國池州太平四府割屬江蘇與江甯蘇州松江常州鎮江為一省名曰江南以揚州淮安徐州海州通州五府州割屬安徽與安慶廬州鳳陽潁州泗州為一省名曰江北長江舊有水師分隸江南江北兩巡撫隨時操演或加以操江名目以重事權鎮將各標仍聽兩江總督節制其江南巡撫仍駐蘇州江北巡撫仍駐安慶其江北之六合江浦原隸江甯府可改歸揚州府既分兩省則江南科場仍在江甯江北科場改歸安慶其文武各官有無應行更移之處議定後再行酌覈辦理如此一轉移間呼應較靈江防益加嚴密矣又勇丁宜妥為安置也江浙投誠士卒為數甚多自來降卒駕馭不得其宜旋降旋叛史冊相望至各

欽定剿平粵匪方略卷八十五

八

省勇丁由大營招募而來皆無業遊民一旦遣之歸農斷難安靜臣愚以為各省自用兵以來綠營舊兵半多缺額其存營之兵亦不免老弱充數不如責成各督撫提鎮即於此項降卒遣勇中擇其技藝精能者充補缺額一入綠營易於鈐束至各省重鎮如直隸大名陝西漢中湖北鄖陽山東兗州兵力皆形不足似宜再增兵額若干以資鎮守其餘遣散歸農者由營收其軍械分起行走籍後嚴密約束庶不至滋生事端矣是否可採應請

飭下議政王軍機大臣及各該督撫妥議具奏均奏

上命議政王軍機大臣傳諭僧格林沁官文會國樞楊岳斌喬松年沈葆楨曰江西崇仁之賊圖犯吉

欽定剿平粵匪方略卷八十五

九

臨等郡楊岳斌擬由豐城馳赴崇仁督勦著卽會商劉典督同江忠朝等軍力圍掃蕩並令鮑超等將許灣東鄉各踞賊分投勦洗毋任旁竄該督已調回水師五營如陸軍單薄亦可咨商曾國藩等將金陵陸師酌量調派以厚兵力至安徽援勦之師陳國瑞已赴麻城英翰馳駐商城麻城賊勢固重羅田之賊亦圖久踞喬松年擬先赴壽州卽赴

聖朝聖學書卷八十五

十

十一

正陽關權其緩急期於兼顧所籌尙妥著卽於到壽布置後仍遵前旨馳赴正陽關妥籌防勦現在羅田之賊恐竄英山金陵得勝之師休息已半月有餘著曾國藩調派精兵萬人從英山一路前進與楚師會合夾擊以期早日廓清江甯甫經克復一切撫綏安輯應行辦理之事甚多曾國藩如不能再赴安慶卽著派彭玉麟曾國荃等酌量帶兵

分駐上游以資控扼其皖南之廣德等處恐湖州賊匪續犯江西並著分派勁兵迅圖克復廣德勿任紛竄據御史陳廷經條陳善後事宜一摺內有疆輿略爲變通一條請以徽州甯國池州太平四府割屬江蘇與江甯蘇州松江常州鎮江爲一省以揚州淮安徐州海州通州割屬安徽與安慶廬鳳潁泗爲一省江南江北分設科場各等情與地

聖朝聖學書卷八十五

十一

十二

方吏治有無裨益著曾國藩李鴻章喬松年酌度形勢妥籌具奏其安置勇丁一條疊經降旨令該督撫等豫籌善策如何酌量挑補兵額遣散歸農之處並著該督撫等妥慎辦理再江甯城內情形若何居人能否漸次復業實深廛系貢院有無損壞應如何修葺之處著曾國藩查明具奏

上又命議政王軍機大臣傳諭劉長佑闡敬銘曰據

御史陳廷經奏江浙投誠士卒宜妥爲安置等語
各營兵額原有定制大名兗州兩鎮地方扼要兵力是否足資調遣現在江浙軍務漸次肅清投誠士卒亟應分撥安置以資鈐束著劉長佑闡敬銘悉心體察情形如該二鎮宜酌添兵額或卽以此項勇丁撥往防守之處卽著妥議具奏

十二日庚戌官文奏冒髮捻屬聚麻城白杲環偏

欽定剿平粵匪方略卷八十五

十三

營壘阻我糧道六月十四日夜該逆潛出死黨數千襲營成大吉傳令各營以二成隊豫伏於禾田之內仍以二成隊從營殺出自率親兵居中策應三更時該逆大股站立望花山岡以數千人過港攻撲我軍火器齊施該逆卻退禾田內伏兵突出攔殺斃賊數十名自是該逆不敢近營掩撲惟日率死黨萬餘東由望花山道觀

河西由潘家塘易家河等處游弋放火阻我糧餉十六日成大吉派隊張旗散入沿村以爲疑兵自率馬隊衝入道觀河街口該逆猝不及防悉皆驚散我軍馬步衝截斃賊百數十名遂乘閒運進米糧三百石十九日偵知陳得才大股分賊數千欲向新集等處添築牆壘成大吉會商總兵周鳳山楊朝林於是夜四更衝枚疾趨

欽定剿平粵匪方略卷八十五

十三

楊朝林向得勝寺潘家塘進攻周鳳山向易家河進攻成大吉由木牌樓玉牌樓前進行近賊壘該逆正在出隊向新集等處行走成大吉派總兵曾昭仕等乘其不備猛撲而進卽將木牌樓等處賊壘八座立時踏毀該逆紛紛由陳家河向白杲奔竄我軍跟蹤追擊沿途殺斃甚多燒燬賊館數十處生擒賊目吳泳花等二十二

名追至尹唐岡周鳳山楊朝林亦將得勝寺易家河等處賊壘及沿途賊館十餘處盡行踏毀並追至尹唐岡時白杲之賊傾巢而出排列尹唐岡一帶成大吉復商周鳳山等進攻尹唐岡自率一軍由望花山葉家臺分路進擊該逆分股來拒成大吉督隊齊進立斃悍賊多名都司李墳典奮勇督隊又將望花山等處賊卡五座

欽定四庫全書

十四

欽定四庫全書

十五

焚燬該逆仍敗回白杲及胡家松林一帶周鳳山楊朝林乘勢將尹唐岡賊壘踏毀斬擒甚夥自是糧道疏通各軍勇氣百倍二十五日該逆復出馬隊衝撲楊朝林之營步賊仍於山岡築壘楊朝林首先衝出立斃馬賊多名步賊望風而遁生擒賊日偽朝將一名又總兵梁洪勝紮營蘄水探得洗馬畷蔡家河一帶係賴汶洗馬

融和及擒首任化邦分股蔓延六月十七日步賊千餘自蔡家河以下沿村打館我軍吶喊齊進該逆一見即逃我軍追剿十餘里盡將該處之賊偏入團陂以下北河次日梁洪勝令各營帶隊伏於蔡家河之前自率親兵直進北河撲撲賊館該逆驚竄我軍前截後追斬擒多名二十一日擒首任化邦帶馬賊數百步賊千餘自團陂渡河至大仙女廟盤踞另股由博山繞至營前四散焚掠梁洪勝即分派各營出隊痛剿該逆奪路狂奔追至河邊殺賊數十名該逆仍潰入團陂其由博山竄擾營前之賊聞此股敗潰亦全數退去又黃岡壇坪踞賊四出擄掠副都統富森保派黃桂元等乘夜劫營富森保親帶馬隊接應均有斬擒賊蹤稍為斂跡且查麻

城之白果地方各逆踞爲老巢賴成大吉等連
次力戰疊挫兇鋒糧路得以疏通而僧格林沁
所派之色爾固善及善慶兩軍均已抵紮麻城
自東門以至北門連營六座其蘇克金亦在黃
土岡由北面進偏所有陝西回援之馬步各營
藍斯明已紮宋埠譚仁芳扼紮蘄水蕭河清由
黃岡之上巴河進勦溫德勒克西等均已行抵

欽定剿平粵匪方略卷八十五

十一

黃陂姜玉順亦於六月二十日自樊城拔營計
日卽可趕到會合成大吉等營由西南併力進
勦當收夾擊之效臣以金陵旣克下游兵勢甚
盛卽於七月初一日移營黃岡縣屬之倉子埠
嚴督各軍務期併力殲除不留餘孽奏入

上命議政王軍機大臣傳諭僧格林沁官文張之萬
曰髮捻屬集麻城之白果地方環偏營壘阻我糧

道經成大吉等防勦兼施疊獲勝仗糧道得以疏
通其洗馬畷蔡家河一帶賊匪經梁洪勝等分路
追殺敗賊潰入圍陂黃岡壇坪踞賊復經富森保
派兵截擊均有斬擒是鄂境各股逆匪勢綏漸衰
亟應乘勝掃蕩僧格林沁所派之色爾固善及善
慶兩軍均已抵紮麻城其蘇克金一軍亦在黃土
岡由北面進偏而自陝回援之藍斯明等各營復

欽定剿平粵匪方略卷八十五

十一

分紮蘄黃要隘溫德勒克西等已行抵黃陂姜玉
順自樊城拔營計日卽可到楚大兵雲集聲勢甚
盛著僧格林沁官文督飭馬步水陸各軍乘金陵
已克賊心震懼之際併力夾擊盡殄狂氛惟賊計
狡獪難保不鋌而走險爲避兵之計豫省南路邊
防最關緊要張之萬務當豫籌布置扼要嚴防勿
令一賊竄越官文現已移營黃岡並著督飭各路

將弁會合僧格林沁所派之軍將髮捻各逆四面
兜擊毋令餘匪紛竄鄰省致滋延蔓

官文又奏言軍營帶兵鎮道各員必須紀律嚴
明兼籌緩急以便相機攻剿至打仗情形尤應
據實稟報查統領湖北撫標各營提督銜記名
總兵王桐柏當賊氛密邇不知緩急率以母病
請假並以資望較淺之總兵李喜溢暫統其眾

聖朝聖略卷八十五

十八

旋據李喜溢稟稱四月十九日傳令拔隊出城
詎營勇藉詞索餉各執器械擅將參將張炳德
等攔截李喜溢自以約束不嚴請與張炳德王
德光等一併參辦嗣臣進紮灑口又查得統領
毅桓全軍總兵蕭恆勝幫辦參將尙秉衡營官
周友勝等漫無紀律所部親兵營勇亦因索餉
凌辱統領蕭恆勝營官周友勝是該營之平日

毫無約束已可概見而參將尙秉衡輒乘隙避

匿更爲狡猾適以援陝馬步各軍漸次回鄂急

將王桐柏所部十營蕭恆勝所部三營次第遣

散又統領凱字各營候補道梁作楫前稟鄖西

勝仗未盡屬實經臣奏參摘去頂戴仍諭唐協

和就近密查茲據面稟四月初開河南髮逆爲

張曜等馬步各軍追擊餘賊無多迫沿途擄脅

聖朝聖略卷八十五

十九

又圍撲鄖西縣城梁作楫於十二日自鄖郡馳
援見城外山頭旗幟紛紛不辨是兵是賊頓兵
未下賊會留新擄之眾率擊我軍自率老賊遁
往香口梁作楫帶隊進剿新擄之眾跪道乞降
隨即遣散城圍遂解等語覈與梁作楫原稟殺
賊解圍等情迥不相符臣伏查該鎮道等或不
知緩急或紀律不嚴或粉飾戰功各有應得之

咎相應請

旨將提督銜總兵王桐柏革去提督銜撤去勇號以
參將降補總兵李喜溢撤去勇號以遊擊降補
道員梁作楫革職暫行留營以觀後效並將前
奏鄖西解圍出力各員存記彙獎之處一併撤
銷總兵蕭恆勝等一併革職永不敘用並不許
再赴外省軍營投效以示懲儆奏入

聖朝聖略卷八十五

三

上諭內閣曰總兵王桐柏統領湖北撫標各營當賊
氛密邇之時率行託詞請假實屬不知緩急總兵
李喜溢參將張炳德遊擊王德光於所部勇丁傳
令拔隊時藉詞索餉持械攔阻不能約束實屬庸
懦無能總兵蕭恆勝參將尙秉衡副將周友勝所
部各營亦因索餉滋鬧毫無紀律尙秉衡輒乘隙
避匿尤爲狡猾道員梁作楫前因稟報鄖西勝仗

未盡屬實先經官文奏參摘頂茲據該督查明梁

作楫赴援鄖西頓兵未下迫賊漸遁去該員帶隊
進剿將新據之衆收降遣散城圍遂解與原稟殺
賊解圍等情迥不相同實屬意存捏飾以上各員
亟應分別懲辦以肅軍律提督銜總兵王桐柏著
革去提督銜撤銷勇號以參將降補總兵李喜溢
著撤銷勇號以遊擊降補道員梁作楫著卽革職

聖朝聖略卷八十五

三

暫行留營以觀後效並將前奏鄖西解圍出力各
員存記彙獎之案一併撤銷總兵蕭恆勝參將張
炳德遊擊王德光副將周友勝參將尙秉衡均著
卽行革職永不敘用並不准再赴各路軍營投效
以示懲儆

十四日 壬子 曾國藩奏言 臣 於具奏克復金陵後

卽乘船駛抵金陵周應各營接見諸將均有懽

悴可憐之色緣自攻破地堡城後連攻十五晝夜未嘗少休又出入地洞之中面目黧黑幾不相識其論功居首之李臣典因冒暑受傷督工過急克城後一病不起臣弟國荃隨衆露處過久徧發溼毒臣宜達

皇仁多方撫慰旣獎其可憫可數之功復策以忘勞忘死之義至僞天王洪秀泉逆屍將士積憤之

聖學聖略卷八十五

三

餘皆欲得而甘心直至六月二十七日始從僞宮內搜出臣與臣弟國荃及所帶委員公同相驗該逆屍遵尙私教不用棺木徧身皆用繡龍黃緞包裹頭禿無髮鬚尙全存驗畢戮屍舉烈火而焚之有僞宮婢者係道州黃姓女子卽手埋逆屍者也臣親加訊問據供洪秀泉生前經年不見臣僚四月二十七日因官軍攻急服毒

身死秘不發喪十餘日始行宣布等語僞幼主洪福瑱繞室積薪爲城破自焚之計衆供皆合連日在僞宮灰燼之中反復搜尋茫無實據觀其金玉二印皆在巷戰時所奪又似業已逃出僞官者李秀城之供亦稱曾經挾之出城始行分散李秀城就擒後令寫親供多至數萬字敘髮逆之始末述忠會之戰事甚爲詳悉實爲洪逆死黨理應檻送京師惟以十餘年兵力滅此小醜所獲亦非僭號首逆似不必獻俘

聖學聖略卷八十五

三

關門陳玉城石達開亦有成例可援其僞幅王洪芒達係洪秀泉胞兄與其長兄洪芒發皆暴虐恣橫多行不義爲李秀城等所深恨李秀城供詞文理不甚通適而情事眞確足備查考歷年以來中外紛傳洪逆甚富而城破之日積儲全

無實出 臣意計之外 臣所統之軍太多擬裁撤
三四萬人仍回安慶料理上游軍事八九月間
再來金陵經畫一切奏入

上命議政王軍機大臣傳諭曾國藩曰洪芒達李秀
城二逆前雖有旨解京惟此等內地叛民本與獻
俘之例不合且究非洪秀泉可比本日明降諭旨
令該大臣將二逆就地正法著該大臣仍將洪李

欽定剿平粵匪方略卷八十五

三

二逆首級傳示被擾地方以快人心而息浮議仍
著該大臣將李秀城供詞及奪獲偽印等物齎送
軍機處備查應辦善後各事應如何籌策萬全該
大臣仍當悉心經畫此時回安慶布置上游軍事
曾否啟行俟八九月間仍須回駐金陵籌辦一切
事宜彼時曾國荃溼疾諒可全愈即遵前旨令與
彭玉麟分駐九江安慶以固長江門戶至裁撤兵

勇一節雖爲節餉起見然驟撤至三四萬人恐此
輩久在戎行不能省事必致隨處嗜聚爲亂從前
川楚善後積至數年方始肅清可爲殷鑒不若先
汰老弱而以精壯各軍分赴江楚俟江楚一律肅
清再議裁撤歸農或挑補各營兵額俾不致復生
枝節方爲盡善該大臣其慎以圖之勿貽後患李
臣典開竈地道得竟全功前已錫之于爵今因傷
病身故殊堪痛惜著該大臣將該故員生平功績
戰略及此次因傷致病各情形詳悉具奏再降諭
旨褒卹

欽定剿平粵匪方略卷八十五

三

上諭內閣曰前諭曾國藩將江甯首逆洪秀泉剝屍
梟示並將生擒之逆曾李秀城洪芒達二犯派員
檻送京師茲覽曾國藩奏各將士於六月二十七
日在僞宮內掘出洪秀泉逆屍經該大臣等驗畢

戮屍焚燬該逆雖逃顯戮於生前難免極刑於身後亦足以大快人心其李秀城等被擒時各營降卒及附城居民人人皆識並據歷供髮逆始末甚爲詳悉等語李秀城洪芒達二犯本擬解京訊明處以死刑惟此等跳梁小醜本無所用其獻俘且恐沿途派兵遞送騷擾驛傳重累吾民旣據供認明確著會國藩無庸派員解京卽於江甯省城將

聖朝聖旨卷八十五

三

該二犯凌遲處死並傳首髮逆所到各省以伸天討而儆兇頑

同日楊岳斌沈葆楨奏言據探六月十二日夜崇仁股匪繞由左港過河江忠朝飭徐生德等乘夜掩殺偏之於河槍斃溺斃數百名十六日城中出數萬賊來犯江忠朝席寶田各派隊擊之鏖戰竟日斃賊一千七百餘名是夜賊於城

外添築七壘次日江忠朝席寶田督隊進攻賊於嶺上轟礮抗拒江軍擊其左鄧在倫等斬執大旗賊目乘勢衝上奪據其嶺礮斃甚夥左路之賊潰席軍擊其右羅章才等擒斬悍酋並餘賊三百餘名侍逆復集悍黨來戰李發祥卿中林死之席寶田調集劈山礮左右環攻韓孝忠怒馬陷陣縱橫盪決右路之賊亦潰兩路共斃

聖朝聖旨卷八十五

三

賊二千餘名解散千餘名是夜探聞該逆繞竄潘橋秀才埠一帶劉典以江席兩軍後路堪虞派文首南等馳赴協剿翌日城逆傾巢而出攻撲席營席寶田督同劉勝祥等分路齊進賊首尾不能相顧奪路狂奔方賊之犯右路也江忠朝知賊必伏左路於是夜四鼓傳令各營先行襲攻賊壘鼓角一聲左路黃仁遺鄧善燮撲過

賊濠斬關而入江忠珀等繼之遇賊卽砍立將
賊壘三座踏平賊翻山而走我軍乘勢破賊卡
十餘處天色向曙城賊又出萬餘由西門抄至
我軍據嶺而陣賊趨繞嶺側張安南曹仕廷力
戰死之龔繼昌匹馬當先進偏賊壘劉勝祥等
冒煙衝入立平四壘忽馬步賊數千從林間突
出我軍督隊繼進賊勢披靡侍逆復率悍黨數

欽定剿平粵匪方略卷八十五

三

千來援張宜敏何啟山劉其華力戰陣亡唐本
有等分軍縱擊侍逆乃退是日斃賊二千餘名
除飭乘勝進攻外所有陣亡都司何啟山等應
請

飭部從優議卹

楊岳斌沈葆楨又奏言鮑超一軍於六月十七
日由豐城拔赴橋東適花旗股匪從南豐開道

來援崇仁繞犯秀才埠鮑超擊之擒斬數百名
賊遁歸崇仁王開琳王德榜均於二十一日移
紮老虎岡距東鄉城十里甫經築壘城賊卽繞
出左右山背另以馬步千餘出中路挑戰王開
琳督親兵禦之斃賊二百餘名王德榜探知賊
至飭哈必發等突起擊之掩殺二百餘名金絡
踞逆擾及南城北鄉一帶十七日韓進春令董

欽定剿平粵匪方略卷八十五

三

德春等帶隊進剿賊聞風先遁偽朝將黃逆率
黨數千復由大路游弋董德春三面圍攻賊衆
驚潰追殺百餘名現探聞濂逆聚悍黨於許灣
爲崇仁聲援臣檄令鮑超由撫州先剿許灣調
王沐移紮崇仁豐城之交以固江席兩軍後路
奏八

上命議政王軍機大臣傳諭會國藩楊岳斌沈葆楨

日崇仁逆股在城外添築賊壘江忠朝一軍擊其
左席寶田一軍擊其右左右兩路之賊皆潰該逆
繞竄潘橋秀才埠一帶城賊傾巢攻撲席軍營盤
均經官軍擊敗乘勢攻破賊卡十餘處立平四壘
此次力戰陣亡之都司何啟山守備張宜敏千總
張安南把總李發祥外委曹仕廷卿中林劉其華
均著交部從優議卹官軍現在進攻崇仁附城賊
壘著楊岳斌沈葆楨激勵將弁乘勝踏平逆壘迅
將崇仁克復殲滅侍逆巨股以次進剿濼逆聚悍
黨於許灣以為崇仁聲援並著檄令鮑超由撫州
先剿許灣以孤賊勢王沐即移紮崇仁豐城之交
以固江席兩軍後路曾國藩現由金陵仍回安慶
料理上游軍事前諭該大臣江省如陸軍單薄將
金陵陸師酌量調派著曾國藩悉心籌畫如須添

欽定四庫全書

三

欽定四庫全書

三

兵赴江協剿即著迅速調撥以厚兵力

欽定剿平粵匪方略卷三百八十六 甲子年

七月十五日 癸丑 左宗棠奏言蔡元吉一軍進駐

東埠堵逆黃汝金見其懸軍深入糾集悍黨於

六月初八日起疊次攻撲營壘初十日又分巨

股繞出思溪雙福橋等處築壘以截蔡元吉餉

道溫州鎮總兵劉連捷等急起援之因港汊紛

歧未能得手十八日蔣益澧督率親兵及賀國

聖軍剿平粵匪方略卷三百八十六

一

輝一營親赴菱湖督剿十九日馳抵菱湖翼日

卽會合諸軍進剿飭李邦達等進攻思溪高連

陞等進攻雙福橋一鼓突前壘已垂破忽援賊

從左右樹林抄出我軍幾爲所乘蔣益澧急麾

親兵策應賊始敗遁二十二日水陸各軍專攻

雙福橋該逆負嵎不出蔣益澧令鄧光明等分

三營偪紮思溪更番疊戰該逆仍鼠伏不出相

持至未申之交堵逆黃汝金率悍黨數萬拚死

來犯官軍分投迎敵蔣益澧高連陞匹馬陷陣

各將弁一齊向前立斬大旗悍賊十餘名賊始

潰敗時洋將德克碑見各軍連日苦戰亦率隊

前來助剿二十七日德克碑用開花礮向雙福

橋轟攻半日亦未得手二十八九日至七月初

二日各軍奮力猛攻距蔡元吉營僅一河之隔

聖軍剿平粵匪方略卷三百八十六

二

因對岸賊營環偪未能得達而蔡元吉各營自

六月初十日起晝夜鏖戰歷二十餘日糧已垂

盡士氣未衰 臣現調省城防兵令署杭州協副

將徐文秀等馳往助之其楊昌濬進扼銅嶺一

軍於孝豐攻克後卽會同總兵周廷瑞於六月

十八日分路進攻安吉周廷瑞攻西北兩門楊

昌濬攻東南兩門參將朱尊賢首先搶上礮臺

立斬悍賊三名忽爲洋敵所中陣亡道員朱明亮等麾軍猛攻逾時迄未得手竊維湖郡北濱太湖東南則港汊紛歧西南則嶺路複峻故厯代取吳興皆由太湖廣德長興進兵以地勢順而糧運便也此次浙軍由東西南三面進取攻剿數月未能剋期葢事實地勢有以限之安吉居萬山之中官軍進取爲難欲攻安吉必先攻

聖朝聖略卷八十六

三

梅溪欲攻梅溪非蘇師進攻四安不足以分賊勢已與江蘇撫臣李鴻章函商昨接孝豐守軍報稱據金陵逃出難民供僞幼王洪幅瑱於六月二十一日由東壩逃至廣德二十二日堵逆黃汶金迎其入湖州府城查湖郡守賊黃汶金等皆積年逋寇賊數之多約計尙十餘萬此次互相勾結本有久持之意僞復藉僞幼王爲名

號召賊黨則其勢不遠他窺可知且江西兵力漸集李侍賢汪海洋諸逆如不得逞志於江西則遁入浙閩復與湖州踞逆相首尾亦未可知臣惟有與會國藩等慎以圖之以冀仰紓宸廑所有此次力戰陣亡之參將朱尊賢克復餘杭計功應保總兵合無仰懇

聖朝聖略卷八十六

四

天恩飭部照總兵陣亡例議卹奏入上命議政王軍機大臣傳諭會國藩左宗棠楊岳斌李鴻章沈葆楨曰蔡元吉一營孤懸東埠逆賊圍之數重該營糧已垂盡而士氣不衰亟應乘勝合擊以解重圍昨據會國藩奏洪幅瑱積薪自焚茫無實據似已逃出僞宮李秀城供會經挾之出城後始分散其爲逃出已無疑義湖熟防軍所報斬殺淨盡之說實不可信著會國藩查明此外究有

逸出若干並將防範不力之員弁從重叅辦此犯
已至湖州必將號召羣逆爲久踞計左宗棠正可
督飭蔣益澧等令其激勵各軍許以重賞果能一
鼓攻拔將洪逆及諸逆等悉數殲除則東南全就
肅清朝廷必當破格施恩若遷延日久或令他竄
亦必重治其罪不能因前曾立功稍從寬貸也陣
亡參將朱尊賢著照總兵陣亡例議卹以慰忠魂

欽定剿平粵匪方略卷八十六

五

楊昌濬攻安吉之師旣不得手著卽令其先攻梅
溪並著李鴻章督飭派出各軍力攻四安以分賊
勢前派往金陵之礮隊等一萬餘人俱係精銳或
派往四安或分赴廣德均可期其得力該撫向來
不分畛域左宗棠亦非妬功忌能之人卽著李鴻
章督令諸將弁認真助剿以收廓清之效並一面
分兵嚴防湖賊旁竄廣德地屬數省衝要歷代規

取吳興多由於此從前各路無兵可分是以未能
派兵駐守以致洪幼逆及黃汶金等往來無阻現
在江甯得勝兵將甚多著曾國藩多撥精銳派得
力將弁統帶赴廣德攻剿如賊已遁去亦卽力退
要衝以免湖逆出竄皖南爲江西後路左宗棠李
鴻章均應設法兼顧嚴密兜圍勿令旁竄江西兵
力此時亦已厚集李侍賢汪海洋諸逆不得逞志

欽定剿平粵匪方略卷八十六

六

於江西則將遁入浙閩與湖州踞逆相首尾且聞
洪幼逆尙在難保不圖死灰復燃楊岳斌沈葆楨
亦當督飭諸軍妥慎防剿均須各就本地盡力剿
除無貽後患俾東南諸郡全就蕩平以副委任
十六日 甲寅 戶部左侍郎吳廷棟奏言 臣恭讀本
月初三日
上諭有云自古君臣安不忘危治不忘亂以期交相

敬勉此誠四海臣民萬世無疆之福也願臣猶有慮焉治亂決於敬肆敬肆根於喜懼從古功成志遂人主喜心一生而驕心已伏宦寺即有乘此喜而貢其諂媚者左右即有因此喜而肆其蒙蔽者容悅之臣即有迎此喜而工其諛佞者屏逐之姦即有窺此喜而巧其夤緣者於是受盡惑塞聰明惡忠讜遠老成從前戒懼之念

聖學聖學卷八十六

七

一喜敗之此後侈肆之行一喜開之稽諸史冊後先一轍軍興以來十餘省億萬生靈慘遭鋒鏑即倡亂之民莫非朝廷赤子大兵所加盡被誅夷

皇太后

皇上體

上天好生之心必有哀矜而不忍喜者第恐

萬幾之餘或有一念之肆雖綸音誥誠而羣臣每視為具文自非持之以恆不足固長治久安之基也夫上行必下效內治則外安而其道莫大於敬其幾必始於懼懼

天命無常則不敢恃

天懼民情可畏則不敢玩民懼政柄暗竊則諂媚必斥

懼大權下移則蒙蔽必照蓋懼者敬之始敬者

聖學聖學卷八十六

八

懼之實敬則

大智愈明

神武愈彰

天之明命常顧於目民之怨咨如聞於耳

一人篤恭於上盈廷交儆於下無欲速無見小一切

撫綏培養之要無不次第籌其萬全庶幾

至誠息久道化成紹

祖宗富有之大業開子孫無疆之丕基是皆由

皇心之敬成而實由

皇心之懼始也唐太宗貞觀之治軼於漢文而以驕
矜致悔明皇開元之治等於太宗而以泰侈召
禍若夫帝舜之治大禹戒以無傲無慢而虞書
首曰欽此所以成中天之運也武王之治召公
訓以玩人玩物而丹書首曰敬此所以永八百

聖學聖書卷八十六

九

之祚也喜而肆者如彼懼而敬者如此易傳曰
懼以終始其要無咎詩曰敬之敬之天維顯思
可弗以爲永鑒與奏入

上諭內閣曰前因江甯克復而各路餘氛仍熾會明
降諭旨令內外大小臣工兢惕爲懷勤思職業不
得以捷書過至謂海內業已承平因而晏安廢弛
茲覽吳廷棟所奏於萬方之治亂百官之敬肆皆

推本於君心之喜懼剴切敷陳深得杜漸防微之

意軍興以來十數省億萬生靈慘遭鋒鏑卽倡亂
之民何其非朝廷赤子大兵所至悉被誅夷冒念
及茲良堪矜憫卽使天下已治已安猶當兢兢業
業慎益加慎矧江楚等省餘孽未靖新復地方瘡
痍滿目一切防勦撫綏正須悉心經理朝廷宵旰
焦勞無日不以奠民生培國脈爲念斷不因東南

聖學聖書卷八十六

十

漸就蕩平稍涉滿假第敬肆之幾萌於一念惟當
戒慎恐懼朝夕乾乾期於上下交儆慎始圖終中
外臣工亦當體朝廷兢惕之心各矢忠赤共濟時
艱於吏治民生實力籌畫務策萬全以期海寓久
安閭閻樂業有厚望焉

十七日 乙卯 河南巡撫張之萬吏部左侍郎毛昶

熙奏 臣 張之萬行抵汝郡疊據色爾固善張

曜等稟報髮捻各股仍踞麻城其前竄商城之賊現又南下我軍三面進紮杜其回竄六月二十三日該匪大股驟來約計三十餘隊排列十二三里直撲官軍營盤張曜等正在迎勦間蘇克金親帶馬隊馳至圍營之賊立時撤退我軍乘勢齊進斃其悍匪十餘名始行敗遁次日該逆又撲李世玉營盤適我軍馬步齊至善慶亦

聖朝聖略卷八十六

十一

由城內來援賊復遁歸現在自柏子塔至白果均係賊壘等情其汝郡迪南以及光州所屬積爲盜藪屢撲屢起臣毛昶熙馳赴息縣督飭諸軍將著名逆寨次第掃平良民漸次復業而汝正新蔡之間猶難保無漏網匪黨亟宜乘勢清理除前派各營仍令隨同張曜由麻城一帶進勦並酌留隊伍駐息彈壓外所有馬灣等處已

派候補總兵趙鴻舉率領參將蔣東才等會同臣張之萬所派參將王文川等嚴行搜捕臣毛昶熙卽馳還汝郡與臣張之萬面商一切應辦事宜至於豫省全局東則歸陳南則汝光自遭兵燹之後田畝荒蕪卽有志力田而孤立無鄰亦復不敢興作臣張之萬現在遴派知府師長怡等分赴各處逐一履勘設法招徠以資墾種

聖朝聖略卷八十六

十二

至臣前議練兵代勇裁勇養兵現已調南陽鎮兵五百名隨帶來汝飭令知府湯聘珍趕緊訓練講求戰守實際不拘尋常操法以期一兵得一兵之用其河北歸德鎮兵及臣標各營再行陸續徵調一俟演習精熟卽撥赴前敵抽撤勇丁以省經費惟前敵各軍遠在楚境全賴僧格林沁悉心籌畫相機調度臣張之萬擬卽日輕

騎暫赴僧格林沁行營晤商一切以冀早靖妖氛奏入報

聞

十八日丙辰喬松年奏言臣自臨淮起程行抵壽

州察看地勢卽趕赴正陽關體察該處情形與

壽州比較似紮於壽州可以兼顧正陽紮於正

陽不便兼顧壽州蓋臣駐壽州賊儻從固始商

欽定剿平粵匪方略卷八十六

十三

城而來臣由壽州往援正陽是爲進剿形勢甚

順臣駐正陽關賊儻從羅田英山而來臣由正

陽返救六安壽州其勢似於撤退民情轉將惶

惑是以臣之愚見仍以駐壽爲宜現臣回至壽

州擬紮營於南門外之南關集其正陽關卽派

候補總兵朱淮森帶領兩營防守足資控扼至

英山一路空虛據安肅道蔣凝學稟稱伊願往

英山堵剿臣查該道所部係由楚省派來協防

臣未肯輕加調遣茲該道願往英山一路進剿

實屬勇往可嘉臣已批令拔營向英山一路進

紮相機剿辦其六安地方臣已派建甯鎮總兵

張得勝帶勇前往防守奏入

上命議政王軍機大臣傳諭喬松年曰湖北之賊現

屬聚羅田麻城一帶或由英霍或由固始商城入

欽定剿平粵匪方略卷八十六

十四

皖均難豫料該撫旣以壽州形勢甚便並可兼顧

正陽卽著駐紮壽州將所部各營勤加教練仍一

面多發偵探視賊趨重何路卽由何路進剿並飭

朱淮森蔣凝學等軍分扼要隘嚴密堵剿毋稍疏

虞一切戰守機宜仍隨時咨商僧格林沁妥籌辦

理

十九日丁巳馮子材魁玉奏言查鎮江一軍先後

招集一萬三四千名除分別遣撤外又歸併協防江北兩營共計一萬一千名本年四月丹陽克復防務稍鬆即經請

旨裁勇四千其餘分戍鎮江丹陽金壇三城刻下金陵克捷全局大定當此度支匱乏之時尤當樽節經費與民休息合無請

旨將在防官弁兵勇俯准全行凱撤至江防重地將

聖祖聖訓卷八十六

五

來應否另撥官兵駐守仍由督撫諸臣酌覈辦理奏入

上命議政王軍機大臣傳諭會國藩李鴻章馮子材

魁玉曰現在京口一城自無須重兵扼紮惟江甯

新復廣德湖州之賊尙未勦平金壇等處防兵應

否酌留一二營以資彈壓其裁撤勇丁或擇其精

壯可用者即以挑補該省綠營兵額之處著會國

藩李鴻章與馮子材等會商妥籌辦理至軍營遣勇關繫至要馮子材等務當飭令統帶各員分起彈壓妥為資遣不准沿途逗留致滋事端

二十一日己未楊岳斌沈葆楨奏言本月十二日

准江忠朝函稱崇仁縣城於七月十一日克復

該逆向宜黃一路遁走各軍追勦尙未收隊先

行由驛馳奏上慰

聖祖聖訓卷八十六

五

宸廬又准周寬世咨稱約會王開琳王德榜督同東

鄉縣知縣李興謨等於七月初十日夜攻克東

鄉縣城其兩城克復詳細情形容臣等查明再

行具奏奏入

上命議政王軍機大臣傳諭楊岳斌沈葆楨曰崇仁

縣城攻克賊向宜黃一路遁走著即督飭各軍乘

勝追勦迅克宜黃等城節節掃蕩侍逆現在竄往

何處務須探明蹤跡併力追擊就地殲除毋令免脫鮑超駐師許濤勦辦濼逆一股是否業經得手崇仁既克賊氣已奪想該提督必能與江忠朝等軍聯絡一氣合力兜擊盡殲醜類東鄉克後踞逆有無逃竄著楊岳斌沈葆楨查明具奏並卽檄令周寬世等軍認真搜捕進規金谿力圖攻拔毋稍鬆勁皖南一帶防勦最關緊要著楊岳斌懷遵前

欽定剿平粵匪方略卷八十六

七

旨妥籌兼顧勿稍疏虞

二十二日庚申楊岳斌沈葆楨奏言署浙江提督

鮑超函稱金谿縣城於七月十一日克復其詳

細情形未據聲敘容查明具奏奏入

上諭曰昨有旨令該督撫督飭各軍乘勝追勦著仍遵前旨催令迅克宜黃等城節節掃蕩此次克復金谿俟詳細情形奏到再降諭旨

二十三日辛酉富明阿奏言查江甯駐防額設官一百二十三員兵四千七百十一名生齒日繁漸及三萬餘人乃被亂之後僅賸男婦老弱六百餘名口經歷任將軍及臣陸續奏派官二十七員兵二百五十八名經理營制稍有規模但困苦顛連實深悲憫嗣於省城克復後僅存兵房公所四五百間均係散布零星毫無完善臣

欽定剿平粵匪方略卷八十六

六

擬俟房屋略爲修葺再行飭令全旗回防並應由何處撥補江甯兵額屆時再行請

旨遵辦至京口駐防原有九千餘人因鎮城失陷後亦僅存四千餘名口官兵雖已陸續挑補足額第應領俸餉不能按數全支額設房屋均已焚燬無存亦堪憫惻臣已咨明會國藩李鴻章會商籌辦合無仰懇

天恩俯准飭下兩江督撫將江甯京口駐防官兵應領俸餉照例按月全支並趕緊撥款搭蓋房屋使旗丁有所依歸而防務亦有所依賴至滿城善後一切事宜有不能不與督臣面商者臣擬攜帶印信暫赴金陵與曾國藩妥商辦理往返不過六七日仍當趕回揚營督飭各軍嚴加防範奏八

聖朝聖略卷八十六

十九

上命議政王軍機大臣傳諭曾國藩李鴻章富明阿曰江甯克復旗營駐防事宜亦應早籌辦理該兵丁等以兵燹餘生餬口棲身尚難得所殊非國家體恤旗丁之意富明阿現已咨商曾國藩李鴻章即著該大臣等妥籌款項迅將江甯京口駐防房屋早為建蓋以資棲止其兵丁俸餉能否即行照例全支之處並著該大臣等妥籌辦理京口駐防

生齒日繁方擬於盛京吉林等處開墾開荒以資生聚如挑其閒散陸續撥補江甯兵額能否有裨著曾國藩富明阿酌量情形妥商具奏該將軍現赴江甯著俟與曾國藩籌商大略即行迅回揚營將防務妥籌布置

聖朝聖略卷八十六

二十

二日潘鼎新調派各軍槍築三營於二十四日分路環攻用礮船轟擊將晟舍北街及臨河石壘盡行轟倒西面援賊忽至丁壽昌唐宏成併力夾擊賊倚兩河為濠我軍梟過第一河賊以排槍死抵丁壽昌等揮勇過第二河詎賊於河內木椿上密釘鐵籤我軍更番猛撲未得上進翼日李弼斌從太湖駛至與潘鼎新周察形勢

議須偏近紮營便於轟礮潘鼎新令夏金標在對面頭濠外乘夜搶築營壘令方有才等乘夜兩面築營爲犄角之勢李朝斌復添調太湖水師四營登岸出隊二十七日各軍會合齊進賊匿壘穴中狙擊迄不少動太湖水師營官江福山帶隊登岸大呼躍濠各軍繼之將近賊壘適錦山緘里援逆兩面大至江福山摧鋒直前被槍子洞胸立時陣亡我軍水陸夾擊斃賊極衆賊始敗回仍於營外添築長牆一道七月初一日李朝斌自帶水師三營與唐宏成攻晟舍北街潘鼎新令潘國揚等各營攻晟舍中街用炸礮轟塌礮臺一座忽新添悍賊三四千人拚命死守我軍勢難銳進潘鼎新因思賊營隔河非廣搭浮橋不能越衝十一日令潘國揚潘鼎立

等分繞北路搭橋仍晝夜輪攻牽制賊勢次日搶成浮橋數道十三日潘鼎新等從北路進兵丁壽昌等從中路進兵夏金標等從南路進兵李朝斌派水師臨河轟擊並令浙軍張景渠出隊協剿自辰至午賊營盡塌北路潘鼎立等先奪利濟寺卡繼破總管堂賊營中路丁壽昌等填河拔樁攻破兩壘南路夏金標等與田名魁等水陸並衝將靠塘大石壘攻破賊衆棄壘狂奔我軍合力窮追截殺過半計共踏毀石壘八九座轟斃殺斃淹斃無數臣查晟舍當湖州東南地勢憑河本極險固潘鼎新等督率水陸晝夜猛攻卒以苦戰力拔堅巢從此湖東賊勢漸衰不難次第勦洗此次尤爲出力之常鎮通海道潘鼎新等攻堅奪隘百折不回可否先行開

列獎勵出自

聖主鴻慈其陣亡各員弁並請

飭部分別議卹建祠

李鴻章又奏言六月二十二日郭松林由長興

拔隊前往呂山察看賊於山南北及山腰各築

一壘郭松林督隊進剿賊分前後兩路下山迎

拒參將廖玉林首先衝入山腰賊壘被礮子穿

聖朝聖學

三

腹登時陣亡我軍奮勇搶上山巔賊援中斷亦

遂棄壘狂奔共斃賊千餘名生擒二百餘名奪

獲槍船三十五隻餘逆悉遁歸尹隆橋老營二

十七日王永勝等各軍陸續由跨塘橋進扼尹

隆橋大德橋對面均與賊壘隔河相望自尹隆

橋至虹星橋賊連營數十座即由湖州竄四安

廣德之正路也二十八日郭松林等議分三路

滾偏賊以大股來襲陳忠德奮不顧身首先衝

入賊陣各軍三面夾擊賊不能支陳忠德乘勝

追殺直偏逆壘斃賊百餘名忽被槍子貫腦登

時陣亡臣飛調參將劉玉龍馳往助攻先斷四

安竄路再圖進偏湖城其陣亡提督陳忠德等

均請

飭部從優議卹陳忠德樸誠忠勇歷著戰績可否懇

聖朝聖學

三

恩准於死事地方建立專祠伏候

聖裁

李鴻章又奏言湖州踞賊偽堵王黃汶金等擁

眾十餘萬仍圖死守實以廣德四安為門戶現

在安吉一路左宗棠派兵堵剿臣復飭郭松林

等由長興呂山進攻尹隆橋大德橋一帶賊壘

直搗中堅如能剋期攻拔則由湖州至四安之

路已斷惟探廣德州城內外有僞王數人帶萬餘賊踞守該處東達湖郡西通東壩北接建平溧陽爲賊匪來往要道實皖浙江蘇三省之樞紐目下蘇境肅清腹地無事臣擬派現守句容溧水之劉銘傳統帶所部並現守南渡之周盛波各營由東壩建平前進以勦爲堵相機攻取且與郭松林等西路各軍兩面夾擊較爲得勢

聖軍聖略卷八十六

五

仍力顧東壩溧陽各防穩慎籌辦至廣德四安去路若斷誠恐湖賊銜險內竄沿湖東面亦須添兵防勦臣又添調現守常州之張樹聲所部六營由平望前進會同潘鼎新劉秉璋合力進取並飭隨時商會浙軍分道夾勦互爲聲援奏

八
命議政王軍機大臣傳諭曾國藩李鴻章曰晟舍

既以血戰攻克湖東賊勢已衰著卽催令各軍乘勢進勦以期節節掃蕩並飛調開花礮隊渡河助勦將四安之賊悉數殄除以絕竄路廣德爲數省衝要之區尤爲攻拔湖州進兵要路疊經諭令曾國藩李鴻章派兵扼紮茲據李鴻章奏該州城內外尙有僞王數人帶萬餘賊踞守爲賊匪往來要道該撫派現守句容之劉銘傳等由東壩建平前

聖軍聖略卷八十六

五

進以勦爲堵相機攻取實能不分畛域力爭上游可嘉之至著卽飭令劉銘傳周盛波認真勦辦仍力顧東壩溧陽等處之防沿湖東面防賊內竄派道員張樹聲等營進勦所籌亦妥著飭令在事各員穩慎圖功並須聯絡浙軍互爲聲援以期萬全無失金陵旣克兵力已可騰出著曾國藩仍遵前旨迅速調派勁軍會同李鴻章派出之兵前赴廣

德進攻以資得力

上諭內閣曰晟舍爲湖州屏蔽屢攻未下此次各將士冒暑猛攻堅巢克拔深堪嘉尚仍著李鴻章激勵諸軍乘此聲威會同浙軍迅將湖州攻復所有尤爲出力之常鎮通海道潘鼎新著賞加布政使銜並賞給敢勇巴圖魯名號總兵唐宏成潘國揚著交軍機處記名遇有提督總兵缺出請旨簡放

聖軍機處奏

三十七

聖軍機處奏

天

總兵曾泗美著以總兵遇缺儘先題奏副將田名魁總兵韓照揚戴春林副將徐道奎潘鼎立夏金標方有才均著交軍機處記名以總兵請旨簡放戴春林並賞給豪勇巴圖魯名號道員丁壽昌著賞加按察使銜並給賞二品封典參將丁德昌著以副將推補並賞給猛勇巴圖魯名號守備劉思河著免補都司守備以遊擊儘先拔補並賞加副

將銜知州萬國順通判吳秉權焦宗良均著賞加知府銜都司楊春發周式貴陳繼宗均著賞加參將銜陣亡之總兵江福山前在蘇浙戰功甚偉此次冒險奮進捐軀尤烈著照提督陣亡例議卹並准於死事地方建立專祠都司蔣正芳胡廷貴守備胡永泰千總花永和把總曹得順外委孫得才均著照陣亡例分別議卹至郭松林等軍進攻湖州西面呂山賊壘尙屬得手著李鴻章卽飭郭松林等調齊各軍乘勝進取以圖剋日掃蕩陣亡之提督陳忠德奮勇捐軀殊深憫惻著照提督陣亡例從優議卹並於死事地方建立專祠參將廖玉林著照陣亡例從優議卹

同日

上命議政王軍機大臣傳諭會國藩楊岳斌李鴻章

沈葆楨曰連日疊據楊岳斌等奏報江西克復崇仁東鄉金谿等城是江西情形已日有起色楊岳斌如能酌帶所部馳赴陝甘總督本任即可替出都興阿等辦理新疆軍務最爲兩得其宜惟楊岳斌起程赴任後督辦江皖軍務不可無人接替鮑超謀勇素裕能否勝督辦之任抑或江西軍務無庸再需督辦之人均著曾國藩迅卽悉心酌度一

欽定剿平粵匪方略卷八十六

三十九

而布置一面奏聞並卽飛咨楊岳斌催令迅速起程赴任總須兼顧西北大局仍於江西軍務不致稍形鬆勁方爲妥善楊岳斌所部楚勇如於甘省地勢不甚相宜卽可酌帶與甘省相宜兵勇湊足數千整旅前進免致抵甘後再與都興阿等籌商勻撥

欽定剿平粵匪方略卷三百八十七 甲子年

七月二十五日癸亥穆圖善劉蓉奏冒啟鄭諸逆與蔡逆合併後兇燄雖張而我軍節次移師進逼營壘環布逆勢漸蹙臣等以逆黨中裏脅甚多未可以一律駢誅也乃分繕諭帖曉以利害各就營壘附近處所投遞賊衆見官軍四面環逼屢次挫敗糧食垂盡衆志已離及見諭帖許

欽定剿平粵匪方略卷八十七

一

其自新又見葉毓廣等投降之衆安然無恙遂先後自拔來歸六月二十七日總兵鍾玉勝收降僞都統王洪恩等五百餘人係屬蔡逆之黨七月初二日提督曹克忠收降僞天將王克涓彭學進等四千餘人係屬啟逆之黨初三日總兵黃金山招降中旗僞帥鄭泳和等五千餘衆並將所踞南淇水二堡獻出臣穆圖善以其爲

數太多離營又近慮有意外之虞遂列隊親自受降查點五千六百四十餘人係屬石達開餘黨初四日曹克忠又收降偽天將羅啟發徐涓先等八百餘人於是啟逆黨與存者不過三四千盡被該逆勒入焦家巷堡內初六日臣等調派各軍分路攻勦李百魁率師先至徑攻焦家巷老巢之西該逆山三四千人列隊抗拒曹克

聖朝聖略卷八十七

二

忠見逆勢兇悍遂飭總兵王得勝等留堵魯馬堡援賊而自率親兵馬隊及參將周有貴並葉毓廣等新舊降卒飛馳策應逆勢不支曳旗退走我軍追殺五十餘名將近堡前該逆復派第一二隊突山接戰適金順馬隊與蕭慶高步隊亦皆奮迅而前兩面夾擊斃賊二百餘人時王得勝等亦進攻魯馬堡曹克忠復帶隊往助將堡

聖朝聖略卷八十七

三

外木城拔開兩道正在衝擊焦家巷西堡逆隊又來援應蕭慶高等奮勇猛撲槍礮環擊轟斃長髮老賊二百餘名該逆且戰且走我軍分路邀截又殲斃百餘名生擒數十名總兵劉厚基等率師奪卡英殺軍亦賈勇齊進該逆抵敵不住急將堡門扇閉於是堡外之賊二千餘衆無路奔逃悉爲我軍殲除淨盡嗣後再四衝突該逆堅伏不出而彭基品之親兵各營進攻東路者由田峪渡河前隊甫抵焦家巷遙見說經臺之賊搖動白旗急以後隊作爲前隊列陣以待臣穆圖善親督所部徑擣大玉西堡攻撲兩時未能得手忽降將鄭泳和奮身先登降衆繼上總兵黃金山攻其西提督劉定邦攻其北三面擁入乘勢搜殺堡內之賊無復噍類其由南面

跳牆而逸者三百餘人又被衛隊親兵圍而殲
之生擒僞巡部僞都統六人僞震天福楊必南
僞智天燕余忠厚何必達任占鼉等西堡旣克
復率師會攻樓觀東堡先是何勝必等率師進
勦該逆踰伏不動嗣見我師厚集於西遂相率
擁衆出巢我軍分投迎擊遊擊周萬祥等力戰
陣亡何勝必堅持不退斃賊多名遂將三明洞

欽定剿平粵匪方略卷八十七

四

攻克逮我大隊馳到蕭慶高等由西北轟擊彭
基品等由東北猛攻正在緣梯搶上堡牆不期
東南兩面之賊分隊來援礮石益厲都司朱得
一等均以奮力先登中礮而亡忽魯馬堡之賊
又復出隊搦戰曹克忠等奮勇迎敵計殺賊一
百餘名生擒三十餘名逆衆亦遂退匿堡內其
塔峪坡踞匪見參將龔良臣等各軍偏近亦率

馬步一擁而出龔子雲奮力迎擊殲斃二百餘
名生擒五十餘名其上林木深處亦擁出步隊
一二千人齊向各營猛撲張玉文整隊不動俟
其撲近槍礮轟擊該逆退走不及墮坡落澗自
相踐踏者多我軍乘勢掩殺二百餘人其對面
山梁踞賊亦經副將顏明亮等上下夾攻遂將
該逆所踞山梁一律掃蕩臣等以該逆經此大

欽定剿平粵匪方略卷八十七

五

創勢必乘閒宵遁卽於初七日拔隊駐紮就峪
河東田峪河西以偏之初八九等日各營以次
築成越日函約曹克忠列隊焦家巷一帶遙作
進攻之勢臣穆圖善亦列隊大玉堡之北以相
牽制俾各營得以全力攻撲樓觀各堡蕭慶高
等併力衝入將梅花樁全行拔毀忽西堡突出
馬步援賊二千餘人前來接應都司劉智武中

槍陣亡適值大雨傾注祇得率師而返臣等伏思兩次猛攻均未得手不如用長圍坐困之法因傳飭諸軍並函致曹克忠各於營壘數十武之外掘挖長濠深廣均以三丈爲率一面分塞田峪就峪兩口絕其汲道以困之忽見樓觀各堡之賊捲旗銜枚紛紛潛竄我軍吶喊撲出逆衆驚惶無措奪路爬山自相蹂踐捨斬甚多其

勦平匪方略卷三十七

六

踞說經臺之僞將軍李春年僞都統蔣洪順任洪懇等先經約期出降是夕投出千餘人據供逆衆本期西竄寶鳳不意官軍三面圍剿無路逃生祇得冒雨翻山分路竄走約與諸賊目會於新場再定去向等語何勝必當卽派兵由田峪口馳山邀截其焦家巷蔡啟諸逆正率其黨乘雨圖竄就峪口被曹克忠等阻遏不前乃越

山潛遁臣穆圖善聞信立卽親率黃金山等步隊及金順馬隊冒雨馳追黃金山手刃悍賊二十餘名曹克忠亦奮力跟追兩軍合計斃賊千餘人時蕭慶高等由就峪口跟蹤追剿將逸入林中之賊斬捨殆盡而山上悍逆拚命抗拒各軍奮力前突把總余占彪郭清梅力戰陣亡我師益憤總兵楊得勝等徒步先登大呼陷陣逆

勦平匪方略卷三十七

七

衆紛紛奔潰我軍趁勢掩殺斃賊六七百名生擒三百餘名解散新裏之衆三千餘人該逆不暇喘息悉向秦嶺一帶奪路奔逃伏查蔡啟諸逆由大峪口竄往整屋銳意窺川圖由棧道前進臣等調撥軍士由寶雞一路攔截東西夾擊節節偪緊始將逆黨聚於一隅布列長圍絕其糧道陸續收降前後斬馘以及連日追剿解散

之衆已近三萬現所存者不過萬數千人當可
殲諸南山老林之內惟聞李雲麟一軍至今尙
未到防甚慮佛坪等處無兵堵截臣劉蓉於十
三日卽檄飭彭基品等三營馳進使該逆不能
遽竄出山擬於日內由子午谷督剿至前進攻
大玉西堡之師降將鄭泳和首先搶上賊壘實
屬著有微勞合無籲懇

欽定剿平粵匪方略卷三十七

八

天恩賞給五品翎頂傷亡將弁容臣等彙案奏請議
卹

穆圖善劉蓉又奏言查偽扶王陳得才巨股現
踞麻城當茲金陵老巢傾覆之後急宜趁勢掃
除以靖餘孽此時蔡啟兩逆敗竄入山後勢已
窮蹙臣劉蓉身膺疆寄自當扼截搜剿惟鄂中
關繫大局不能不速籌掃蕩臣穆圖善所部各

營及招收降衆似應統赴麻城以資堵剿奏入
上命議政王軍機大臣傳諭穆圖善駱秉章劉蓉李
雲麟曰啟鄭諸逆與蔡逆合併後經穆圖善等移
軍進徧招降賊衆五千餘人並將樓觀東堡等處
逆壘攻克該逆向秦嶺一帶逃竄追斬甚衆現籌
分路雕剿惟據該將軍等奏稱此股逆匪經曹克
忠由寶雞一路節節緊逼將逆黨聚於一隅並布

欽定剿平粵匪方略卷三十七

九

列長圍絕其糧道計日卽可殲除自當激勵將士
一鼓成擒乃因大雨收隊縱令樓觀各堡之匪乘
機潛竄總由該將軍等督剿不力致剿辦又形棘
手劉蓉現擬由子午谷入山堵剿著卽會同穆圖
善嚴飭所部各軍分路剿洗迅將敗竄南山等處
賊匪悉數殲擒儘徒事尾追令賊蹤竄入甘省惟
劉蓉等是問鄂省軍務雖關緊要現有官文等在

彼督兵勦辦該大臣營內不乏帶兵之將穆圖善
惟當督率將士先將南山竄匪掃除淨盡俟陝省
軍務肅清再行請旨李雲麟一軍尙未到防佛坪
甯陝等處必致無兵堵截劉蓉何以不參前因川
陝交界防勦喫緊諭令該京堂督率隨軍嚴密防
勦何以至今尙未到防實屬畏葸遷延不知振作
李雲麟著摘去頂戴迅卽親率隨軍與劉蓉所派

聖朝聖旨卷十七

十

之兵嚴防佛坪甯陝等處毋任賊匪竄越備縱賊
出山毫無堵截必將該京堂從重治罪招降人衆
爲數太多著穆圖善劉蓉隨時妥爲防範並設法
分別資遣毋稍大意所有進攻大玉西堡尤爲出
力之降人鄭泳和著賞給五品頂翎以示鼓勵逆
匪前由棧道前進意在窺伺川境此次竄至南山
距川甚近著駱秉章仍遵前旨嚴密防守勿稍鬆

勁

同日楊岳斌沈葆楨奏冒據幫辦江西皖南軍
務署浙江按察使劉典函稱宜黃縣城於七月
十三日克復其詳細情形 臣等查明具奏矣
八

上諭曰著俟與崇仁東鄉金谿各城克復詳細情形
奏到時一併降旨其各城賊竄何處並著一併詳

聖朝聖旨卷十七

十一

查具奏

同日

上諭內閣曰本年克復江甯殄除洪逆禮臣諷吉恭
擬本月二十六日行告祭禮朕敬先期於本日親
詣

太廟拈香行禮用肅明禋並特降諭旨將軍興以來有
功死事諸臣再沛恩施懋加卹賞俾功在社稷者

慶流子孫因念鄭獻親王濟爾哈朗怡賢親王允
祥功勳卓著炳耀旗常崇德賢雍正年間所得之

册文

勅書旌功褒德帶礪河山世守勿替乃其後嗣端華載

垣因恣肆狂悖跋扈不臣賜死革爵既負國家家
養之恩且為乃祖聲名之玷九原有知能無隱痛
其所遺爵秩前經大學士九卿等遵旨會議僉稱

聖聖聖聖聖聖聖聖

十三

端華載垣罪大惡極請將世爵永遠革除爾時如
不照議施行恐無以服天下人之心第瞻念成勞
心究不忍當經加恩降為不入八分輔國公並令
岳靈載泰世襲罔替所以篤念勳舊者無微不至
我

慈安皇太后

慈禧皇太后泄政之餘亦時眷懷舊勳愴然動念今當

大勳漸集懋賞酬庸之際追維開國之初鄭獻親
王忠義勳名載在史策怡賢親王於雍正年間忠
誠輔弼懋著勤勞若因端華載垣之故使親賢後
裔弗獲世守舊封其何以紹前光而嚴對越所有

鄭親王怡親王世襲王爵均著加恩賞還其一切
紅白藍甲數並佐領人等均著仍復其舊並著宗
人府照例於始封立官人之後裔內擇其向有襲

聖聖聖聖聖聖聖聖

十三

次房分排列在前僅止有分房分排列在後如各
房分均屬相同即以長幼之序排列並將岳靈載
泰一併帶領引見候旨承襲其端華載垣子孫及
親兄弟姪仍不准其揀選

上又諭內閣曰軍興以來所有忠良死事諸臣業經
贈官廕卹賜諡建祠飾終之典備極優隆朕建元
初年復奉兩宮

皇太后懿旨將戰功卓著忠績懋昭足以表式人倫者賜祭一壇並加恩一律予諡以示軫念本年江甯克復已將在事有功之臣渥沛恩綸酬庸錫爵因思從前有功死事諸臣或臨陣捐軀齋志以歿或鞠躬盡瘁未竟全功雖業經分別加恩優予卹典亦足稍慰忠魂而其閒封疆將帥功績尤為昭著者追念前勞尤堪憫惻茲據議政王軍機大臣遵

聖恩奉 諭旨

旨

旨查明開單進呈詳加披閱如胡林翼等規畫遠大勳績卓然允宜再沛恩施用光泉壤前任湖北巡撫胡林翼著加恩賞給一等輕車都尉世職前任湖北提督向榮著加恩入祀昭忠祠前任浙江布政使李續賓著加恩賞給二等輕車都尉世職前任安徽巡撫李續宜著加恩賞給伊子直隸州知州照例補用前任江南提督張國樑著加恩賞

給三等輕車都尉世職前任湖南提督塔齊布著加恩入祀昭忠祠並賞給三等輕車都尉世職前任安徽巡撫江忠源著加恩賞給三等輕車都尉世職前任湖南候選道江忠濟前任浙江甯紹台道羅澤南前任西安將軍多隆阿前任湖南候選同知曾國華均著加恩賞給雲騎尉世職前即用知府曾貞幹著加恩賞給伊子直隸州知州照例

聖恩奉 諭旨

旨

補用前提奏提督江西南贛鎮總兵程學啟著加恩賞給三等輕車都尉世職用示篤念忠蓋有加無已至意

二十六日甲子楊岳斌沈葆楨奏冒據報鮑超移

營進紮七里岡查看該逆自雙鳳嶺至許灣徧築賊壘七月初四日調派各軍分路環攻逆眾亦出大隊排列長濠我軍冒險直前極力猛撲

先將雙鳳嶺賊壘踏平並將琉璃岡等處賊壘
以次踏毀赤橋突出伏賊萬餘周有勝等三路
抄擊乘勢攻毀尙莊賊壘張玉田亦拔許坊賊
營許灣等處復出悍賊二萬餘人鮑超督飭周
鵬舉等前後夾擊將賊衝爲數段賊乃大敗各
軍四面掩殺匪黨死傷枕藉隨將許灣賊壘一
概削平我軍追殺十餘里斃賊約萬餘人生擒

欽定剿平粵匪方略

卷三十七

一千餘人內有僞東平王翟添瀾等賊首十一
名悍賊三百餘名救出難民三千餘人奪獲旗
械無數崇仁之賊經浙江臬司劉典督飭劉勝
祥等率隊掩殺六月二十六日該逆出大股拒
敵我軍仍分路前進劉典率親兵包出賊前該
逆四散狂奔斃無數當將該處賊巢焚燬約
計斃賊五六百人解散脅從六七百人是日江

席兩軍亦出隊攻城賊匿不出七月初六日劉
典派劉勝祥等分攻城外賊壘並約會總兵江
忠朝按察使席寶田三路猛進槍礮轟擊賊多
應聲而倒共計斃賊千餘人連日乘勝攻剿均
獲大勝擒斬悍賊約數千名初十日劉典令劉
勝祥偪城紮營以便與江席兩軍環攻賊愈震
恐侍逆等股卽於是夜悉數遁歸宜黃十一日

欽定剿平粵匪方略

卷三十七

黎明收復崇仁縣城派隊跟追三十餘里又殺
賊數百人東鄉踞城之賊於東北隅添築三壘
二十四日提臣周寬世總兵王開琳道員王德
榜各率隊伍偪城而陣賊出悍黨數千馬隊數
百翼隆貴等且戰且退誘至涼亭之前三路伏
兵齊起翼隆貴等亦乘勢回擊賊衆奔潰立斬
騎馬賊首並賊黨二百餘人追抵城根而還連

日賊隊出戰均為我軍擊敗初十日周寬世移紮距城四里之大埠港王開琳王德榜亦各派兩營進紮五里亭偪攻城賊槍斃偽主將宋逆匪眾驚潰我軍四面拋射火彈火箭賊壘登時火發焚斃逆匪無算時已黃昏各軍知賊勢已蹙必將宵遁派隊伏於近城村舍是夜賊果開東南兩門望金谿狂竄周寬世等派隊尾追十

欽定四庫全書

木

欽定四庫全書

九

餘里斬賊數百奪獲器械不計其數當將東鄉縣城收復共計殺賊千餘名生擒四十餘名解散脅從不少臣等伏查鮑超督率勁旅直搗許灣翦除巨逆崇東之勢已孤劉典等亦連日苦戰遂得克復兩縣城池各軍冒暑攻勦力摧大敵勞苦異常厥功甚偉可否准臣等擇尤保獎出自

天恩至遊擊楊維慶等血戰捐軀殊堪憫惜另繕清單應請飭部從優議卹

楊岳斌沈葆楨又奏言據提臣鮑超文稱初十日率隊進攻金谿行至長岡鋪見近城之楓山鋪賊壘十五座兩旁山岡排列賊隊城賊接踵而出陣於山谷鮑超令唐仁廉等督率步隊分三路齊衝山岡另用馬隊兩面包抄慶戰二時之久逆眾大敗我軍直壓楓山鋪將十五壘一律踏平乘勢追抵北門城根城上礮石如雨各將士勇氣百倍冒險進攻周有勝將北門外賊壘七座踏毀王衍慶等由東門水門斬關而入該逆率黨從南門出竄雲慶等追殺十餘里餘匪望瀘溪遁去遂於是日戌刻收復縣城是

役斃賊約數千餘人擒獲長髮老賊二千餘名
內有偽城天豫莫自城等賊首九十八名拔出
婦女三千餘人奪獲大礮三十六尊劈山礮擡
槍鳥槍一千三百餘桿羸馬五百餘匹旗械萬
餘件等情臣等查鮑超一軍甫經掃平許灣賊
壘不數日卽進攻金谿先掃逆壘立拔縣城實
屬非常勇敢卓著戰功所有在事出力人員可

否容臣等一併擇尤請獎

楊岳斌沈葆楨又奏言據撫標中軍參將韓進
春稟稱南豐之賊分踞新豐地方漸倡建郡六
月二十八日我軍馳至上塘逆眾蒼黃出拒會
天發等左右分抄賊乃大敗狂奔我軍四面截
殺斃賊二三百名生擒五十七名內有偽應天
福劉克衝一名當將上塘賊館掃平七月初三

欽定剿平粵匪方略卷三十七

三十一

日進勦裏塔墟等處賊皆聞風先遁而東路長
興地方復有賊擾韓進春飛調董德春等進勦
賊亦望風遠颺等情臣等查現在崇東等縣克
復大軍分路進勦正敗賊奔竄之時建昌地處
要衝已嚴飭韓進春實力堵禦毋任闖入奏入
上命議政王軍機大臣傳諭楊岳斌沈葆楨曰江西
各股賊匪分踞金谿東鄉宜黃崇仁南豐五城不

欽定剿平粵匪方略卷三十七

三十一

數日閒已克其四鮑超於削平許灣後卽進攻金
谿破數萬賊眾如拉朽摧枯實屬勇敢異常戰功
卓著著楊岳斌沈葆楨傳旨嘉獎仍飭各軍乘勝
進攻南豐以期一律掃蕩摺片內所稱擒斬之偽
東平王翟添瀾等十一名城天豫莫自城等九十
八名均非著名賊首所有李侍賢汪海洋陳炳汶
等逆均未聲叙會否傷斃抑已另竄他處著該督

撫查明具奏宜黃收復賊竄何路諒已有奏報在途南豐一城無難唾手而得該逆不窺甯都必擾建甯甯化如竄至閩境務須不分畛域認真追剿並飛咨閩省督撫嚴飭防軍會勦勿令再擾完善至韓進春一軍駐守建昌在新豐之上塘等處獲勝而東路長興地方復有賊擾著卽督飭該參將實力防堵毋稍疏懈現在甘肅軍情緊急昨已諭

聖諭

三

續

知楊岳斌卽赴陝甘總督新任計奉到前旨該督卽當與會國藩通籌大局如江西軍務少鬆接替有人卽著該督仍遵前旨酌帶所部得力兵勇數千整旅前進仍著與會國藩妥商奏聞以期周密上諭內閣曰提督鮑超一軍攻克許灣賊壘並劉典等軍會同克復崇仁東鄉縣城辦理均屬得手所有各營出力員弁著楊岳斌沈葆楨擇尤奏請獎

勵其單開攻勦許灣崇仁陣亡之遊擊楊維慶等四十六員弁均著交部從優議卹其鮑超一軍自掃清許灣後不數日卽進拔金谿實屬奮勇可嘉此次出力員弁並著楊岳斌沈葆楨一併擇尤請獎

聖諭

三

續

同日福州將軍英桂奏言皖浙敗匪前由江西關入閩疆經官軍擊退回竄江西新城石城一帶閩境漸就肅清近據探報江西南豐等處賊尙未退身股攻撲建昌等語督臣左宗棠派道員康國器督帶廣勇二千餘名來閩現已由浦城崇安馳抵邵武會同署臬司徐曉峯等妥籌防剿新任臬司張運蘭尙未由粵起行業經撫臣委員迎催並飛調署水師提督曾玉明署陸路提督林文察迅速內渡與江西水陸各軍約

期會期 臣當與撫 臣徐宗幹隨時會商辦理奏
八

上諭曰近日疊據楊岳斌沈葆楨馳奏克復崇仁東
鄉金谿宜黃各城其詳細情形及賊竄何處未據
續奏南豐未克賊氛終恐延及閩省該將軍當會
商徐宗幹飛催張運蘭曾玉明林文察等到防與
江西水陸各軍約期會剿毋令闖入閩境

欽定剿平粵匪方略卷八十七

三

同日李雲麟奏言蔡逆自竄至陝北後與偽啟
王梁城富偽天將馬仕榮范立川等結爲黨與
兇燄愈張儘由陝北入山可達興漢之路計峪
口可通者共七十二處此堵彼竄防不勝防若
將全軍馳赴漢中則興安後路空虛賊必乘虛
竄犯 臣揆度賊情惟有駐軍興漢之交爲居中
策應之計查石泉甯陝西鄉一帶爲兩郡適中

駐軍其地設賊竄漢中全軍上駛旬日可達若
賊竄興安返旆而東尤爲迅速似於首尾均可
兼顧現擬於七月十五日以後將水陸各營分
紮西鄉石泉一帶以杜該匪窺伺惟近接劉蓉
來函以蔡啟兩逆經官軍會合圍剿恐其勢窮
分竄南山等語 臣查漢中防兵現僅何勝必留
所部千人難資控守而川省防兵如周達武等

欽定剿平粵匪方略卷八十七

三

數軍分布南通昭廣等處兵力甚厚擬懇
天恩飭下四川督 臣駱秉章於分防川界各軍中酌
量抽撥一二十千人移紮漢中與何勝必設法籌
畫就近堵扼
李雲麟又奏言 臣營除水師外不及六千人現
擬分防西鄉石泉一帶雖可居中策應然該逆
竄入漢中則中路防兵勢不得不移赴漢郡後

路興安各屬在在空虛殊爲可慮查興安所屬團練惟漢陰安康兩處經在籍主事管滂蔣常垣知州黃加焜等辦有規模頗著成效其石泉等處未能實力奉行臣擬於興安府城設立團練總局將所屬各縣各舉公正紳耆按照漢陰安康章程一律興辦而以管滂蔣常垣黃加焜三人總理其事合無仰懇

聖恩責成管滂等辦理以便兵民相輔力挽時艱

奏

李雲麟又奏言興安府城上達漢中下連商雒爲陝南適中之地守禦不可廢弛臣到陝後卽嚴飭地方官實力整頓而該處文武因彫敝之餘經費難籌倉庫俱無毫無布置臣現在奉旨進扼漢中一帶若留營駐守新舊兩城非二千人不可苦於兵力不敷儘不留兵興安萬不可保

臣擬飭附城中上各戶分捐銀穀將所收之穀立爲義倉專備守城之用所收之銀趕緊製造器械修補城垣若此舉辦理就緒臣行軍方無後路之虞奏入

上命議政王軍機大臣傳諭劉蓉李雲麟曰昨因李雲麟一軍日久尙未到防當將該京卿摘去頂戴該京卿於防勦失利及縱賊竄逸往往以兵單餉絀事權太輕呼籲不靈等詞藉口以遂其文過飾非之計如再任意遷延縱令該逆出竄必將李雲麟從重治罪懷之該京卿請飭四川督臣於分防川界各軍中酌撥一二千人移紮漢中昨以該逆竄至南山距川甚近已諭令駱秉章嚴密防守矣李雲麟擬於興安府城設立團練總局以管滂蔣常垣黃加焜總司其事卽著劉蓉酌度情形責成

管勞等妥爲辦理興安倉庫俱無毫無布置李雲
麟擬派捐銀穀設立義倉等事是否可行並著劉
蓉斟酌辦理

二十七日乙丑僧格林沁奏冒髮捻各逆屬集麻

城經臣疊飭翼長蘇克金總兵張曜等節節移
營實力勦辦自六月十八日起各營分紮麻城
東北門外後路官軍仍紮黃土岡其伍家河等

欽定剿平粵匪方略卷八十七

三

處均撥官軍駐守英翰一軍亦到麻城協勦七
月初三日蘇克金等由闔家河古梅寺等處兩
路進兵計斃賊匪數十名生擒二十餘名旋有
僞天將桂子春率衆投誠經該翼長等收降一
百十餘名作爲前敵初七日英翰在柏子塔附
近四五里築壘張曜派遊擊楊春祥亦同至南
山頭紮營該逆分兩股來撲我軍奮勇迎擊賊

卽敗退初八日蘇克金等仍向闔家河進兵一
路乘勝掃蕩計奪賊壘十餘座村莊四五十處
生擒三十餘名維時英翰之軍進攻東路小山
嘴追至闔家河以東賊卽棄營逃走又奪賊營

十餘座賊館三十餘處擒斬五十餘名初九初
十日探得烏石山有無數賊旗當卽齊隊由牛
棚山進剿直追至高岸河連拔賊壘二十餘處

欽定剿平粵匪方略卷八十七

三

襲殺二十餘里共計陣斬髮逆三四百名被擊
落河死者三四百名生擒二十餘名次日僞扶
逆陳得才大股來撲紅石堰約有萬人蘇克金
張曜督隊衝擊約斃賊六百餘名生擒長髮賊
一百餘名賊敗入山惟蘇克金行至中途受暑
昏迷旋報出缺臣以攻勦正當喫緊卽派副都
統成保暫署翼長接統蘇克金所部之隊並責

令英翰等軍乘勝進剿旋據英翰等稟稱十二夜閒有擒首宋朝如赴營乞降計有一千七百七十一名英翰擇留四百名派在前敵立功贖罪其餘均遣令還鄉賊中自宋朝如投誠後眾皆驚恐乘夜向東南逃竄又據署翼長成保等稟稱陳得才等大股賊匪仍聚麻城西南閔家集正南白果等處我軍立即移營城南會合楚

聖朝聖略卷八十七

三

軍進剿等情臣查髮捻各逆屬集麻城現經我軍疊次進擊已將城之東北踞匪殲除殆盡惟城南白果一帶賊勢尚重自應併力會剿備賊匪因無巢穴可歸仍復西竄一入深山峻嶺剿辦又形棘手惟有督飭成保等會合楚軍實力勦辦一俟秋分以後臣即當親督馬步各隊相機兜剿至總兵陳國瑞前經臣札調由三河尖

商城一路馳赴麻城會剿該鎮輾轉遷延月餘尚未到營實屬不知緩急除將所部之隊飭交總兵郭寶昌管帶外相應請

旨將頭品頂戴浙江處州鎮總兵陳國瑞交部嚴加議處陣亡把總蔣慶祥守備閻樂天均堪憫惻應請

旨交部照例議卹

聖朝聖略卷八十七

三

僧格林沁又奏查頭品頂戴福州副都統蘇克金前隨臣營在連鎮馮官屯等處最為出力又隨都統西凌阿赴湖北等處征剿咸豐十年經臣奏調到營管帶馬隊派充行營翼長臨敵勇往戰功疊著本年八夏以來積勞成病七月初十日在麻城營次力疾督戰感受暑熱以致落馬昏迷旋即出缺殊堪憫惜可否照都統軍

營病故例從優議卹之處出自

鴻慈奏八

上命議政王軍機大臣傳諭僧格林沁官文曰麻城北路賊匪經官軍由黃土岡等處節節進逼疊獲勝仗殄斬甚夥此次打仗陣亡之把總蔣慶祥守備閻樂天均著交部照例議卹拾首宋朝如投誠後賊衆驚恐正可乘勝進兵以收破竹之效官文

欽定剿平粵匪方略卷八十七

三

身任兼圻勦辦本省賊匪是其專責此次僧格林沁所部疊獲大勝並未見官文派出各軍協同勦洗藍斯明等本分紮斬黃各隘姜玉順早由樊城拔營得力步隊甚多何以並不進兵會勦官文所司何事似此任意遷延殊屬不知緩急著官文嚴檄各軍會同僧格林沁官兵聯絡聲援將麻城南路白果一帶之賊實力進勦爲一鼓聚殲之計毋

得專恃僧格林沁客兵轉得置身事外以致日久

無功蘇克金所部將士該親王現今成保暫爲接統惟成保前在直東帶隊頗不得力此次派令管帶蘇克金馬隊未知能否勝任著卽責令該革員奮勉圖功以贖前愆仍著隨時察看如不得力卽行更換

上諭內閣曰頭品頂戴福州副都統蘇克金隨從僧

欽定剿平粵匪方略卷八十七

三

格林沁十有餘年轉戰數省所向有功近因感受暑熱猶復力疾督戰以致落馬昏迷遽爾身故殊堪憫惜蘇克金著加恩照都統軍營病故例從優賜卹

上又諭內閣日記名提督浙江處州鎮總兵陳國瑞經僧格林沁調赴麻城自應迅速前進乃行走月餘尙未到營實屬不知緩急陳國瑞著交部嚴加

議處

同日會國藩奏言臣初到金陵擬令將士休息一月卽派勦廣德等處乃諸將盛暑鏖戰病者甚多紛紛請撤勇回籍臣以皖浙未靖本不欲遽撤多營惟念近歲以來勇丁有募無散有增無減需餉甚鉅今幸老巢既破大局已定裁一勇卽節一勇之糜費亦卽消無窮之後患因與

聖朝聖略卷八十七

三

臣弟曾國荃商定將金陵全軍五萬人裁撤一半酌留二萬數千人分守金陵蕪湖金柱關各要隘其餘作爲游擊之師進勦廣德等處而曾國荃克城之後因憊殊深徹夜不寐有似怔忡據稱心血過虧意欲奏請回籍一而調理病軀一面親率遺撤之勇部勒南歸臣囑以勉力支持不必遽請開缺姑在金陵安心調理代臣料

理善後事宜臣卽日仍回安慶營次俟上游布置躡定再行馳赴江甯至於鎮江之兵臣與馮子材面商似可全行裁撤揚州之兵臣與富明阿面商目下尙難遽撤俟鄂中大定乃可酌量裁減軍興日久各將弁亦有厭苦戎行之意但使欠餉有著遣散時當不致別生枝節足慰宸廑江西軍務楊岳斌過安慶時臣與之商定以後

聖朝聖略卷八十七

三

鮑超周寬世戰狀卽歸該督具奏曾國藩又奏言查一等子爵提督李臣典性情樸實忠勇絕倫治軍愛民井然有條料敵制勝毫髮不爽實爲難得之將與臣弟國荃同居前敵時閱九年每當危險之際慷慨赴敵或以身翼蔽主將宛轉救護義形於色實有名將之風六月十五日在地洞口受傷次日克復金陵城

池十七日因傷病醫治無效二十日昇回雨花臺營次李臣典自稱萬無生理徒以

聖恩未報言之淚下並無一語及私卽於七月初二日出缺其胞弟李臣榮李臣章料理後事卽日扶喪歸籍擇立繼嗣前奉六月二十九日

諭旨有錫爵之曠典有黃馬褂雙眼花翎之懋賞李臣典竟不克親捧

寵命感

聖恩之優渥歎該員之數奇合將該員歷年在江西安徽及進兵金陵所立戰功臚列實蹟開具清單額懇

天恩宣付

國史館立傳並

飭部優卹予諡在江西吉安府安慶江甯省城建立

專祠以彰忠盡出自

逾格鴻施奏入

上命議政王軍機大臣傳諭曾國藩曰各處勇丁有募無散有增無減原因兵額不敷不得已而用之今江甯已克大功勳成該大臣酌量可以裁撤二萬餘人且體察各員弁久在行閒厭苦兵事不至另生枝節自屬實情著卽籌發欠餉酌量遣撤總

須有約束之法鈐制之人方不至游騎無歸另謀嘯聚致貽異日無窮之患其酌留之二萬數千人卽令分守金陵蕪湖金柱關各要隘兼作爲游擊之師進剿廣德等處並著妥爲調派以資得力曾國荃於克城之後心血過虧因憊殊深欲請回籍調理部勒散勇該撫所見雖合於出處之道而於盡臣謀國之誼尙未斟酌盡善况遣散勇丁祇須

分派妥靠之員沿途照料而現在江甯安慶等城均須督兵鎮守該撫正宜駐紮江甯安心調理一俟就痊即可幫同會國藩分任其勞即著會國藩傳旨存問無庸遽請開缺回籍江南北應辦善後之事甚多會國藩現回安慶著即趕緊料理上游事務布置稍定即仍回駐江甯鎮江揚州防兵應撤應留均照所議辦理江西已克宜黃崇仁金谿

勅諭軍機處

奏

東鄉等四城惟賊首尚未就殲近日新疆各城警報屢至是以前諭楊岳斌馳赴新任楊岳斌能否離江江西軍務應交何人督辦該大臣即遵疊次諭旨迅速籌奏

上諭內閣曰一等子爵記名提督河南歸德鎮總兵李臣典隨同浙江巡撫曾國荃轉戰多年戰功卓著屢挫逆首石達開於江西克復吉安繼敗悍賊

陳玉城於皖省力拔安慶前後數十戰無不奮勇當先以功洊擢總兵記名提督復隨曾國荃攻勦江甯於官軍攻破雨花臺秣陵關諸要隘屢著奇績本年三月以後江甯合圍賊猶負隅抗拒李臣典設計掘地潛攻身董其役前一日腰受礮傷次日猶復力疾督攻用能轟塌堅城殲除巨寇朝廷論功行賞錫以一等子爵並賞穿黃馬褂賞戴雙

勅諭軍機處

奏

眼花翎方冀寵眷長承深資倚畀乃因受傷過重遽行溘逝眷念蓋勞實堪悼惜李臣典著照提督陣亡例從優議卹任內一切處分悉予開復並加恩予諡准於吉安安慶江甯等處建立專祠俟繼嗣有人交部帶領引見所有曾國藩單開該故員歷次戰績即著宣付史館用示軫念勸臣至意

二十八日 丙寅 官文奏言七月初八日該逆糾馬

步大股撲營楊朝林挑勇出擊殺斃悍賊三十餘名陣斬黃衣馬賊三名十一日羅田蕪水等處髮捻回竄白杲翼日賊出大股分作兩枝東由望花南岡西由尹唐岡等處拌命來撲成大吉嚴飭總兵曾昭仕等分路進擊副將孟麟等策馬橫衝賊見馬隊驟至銳不可當隊伍卽亂約計三路斃賊數百名傷賊千餘名生擒僞車

欽定剿平粵匪方略卷八十七

罕

騎將軍孫寬運僞丞相孫寬應該逆沿山築壘十餘座並道觀河一帶亦築壘數座又黃岡壇坪踞賊亦向白杲麻城分竄時副都統富森保總兵石清吉紮營上巴河賊知有備分三路逸去其麻城閩家河一帶之賊欲與南路白杲髮捻聯絡色爾固善等五營直抵麻城奮力進擊先後踏平賊營賊館甚多擒斬亦夥臣查髮捻

屬聚於麻城白杲等處賊糧將盡勢已窮蹙兼之金陵克復無巢可歸其自拔投誠者亦復不少賊心實已渙散屢據逃出難民僉稱該逆備十日乾糧並紮草人意圖由舊路回竄現在羅田蕪水等處之賊悉數竄至道觀河沙河一帶沿村打館是其急欲上竄情形畢露臣現飛催提督姜玉順等馬步諸軍先將黃孝要路扼截

欽定剿平粵匪方略卷八十七

罕

會合楊朝林等三路進兵期與僧格林沁之軍上下合攻南北夾擊應可悉數殲除官文又奏冒據成大吉等呈報七月十六日富森保石清吉移營道觀河牽制賊勢成大吉令步隊伏於左右樹林自率馬隊誘敵該逆馬步賊三四萬分路來迎我軍佯爲對敵逼近紅石岡樹林伏兵齊出鏖戰四時連斃長髮悍賊百

餘名該逆紛紛敗潰是日周鳳山亦令各營左右分布自督親兵嚴陣以待該逆馬步齊來衝撲周鳳山揮令各將弁分路抄擊賊乃披靡回遁等情臣查道觀河爲馬步官軍後路最關緊要非將此路扼截不能遏賊回竄現在富森保等營壘已成即可約期大舉臣已嚴飭各軍妥速勦辦奏入

聖學聖略卷二十七

望

上命議政王軍機大臣傳諭僧格林沁官文張之萬曰髮捻各逆屬聚於麻城白杲等處經成大吉等軍與僧格林沁派出各軍分路勦洗賊糧將盡勢已窮蹙兼之金陵克復無巢可歸其自拔來歸者亦復不少自應乘此賊心渙散之際合力兜剿以期迅就肅清官文現飭姜玉順等馬步各軍嚴扼黃孝要路會合楊朝林等軍三路進兵爲聚而殲

聖學聖略卷二十七

望

旃之計卽著督飭諸軍實力進剿一鼓滅賊不得稍有遲延僧格林沁派出之軍轉戰而前所向奏績卽著飭令色爾固善張曜等乘勝進兵會合楚師將髮捻各逆全股殲除毋稍鬆勁惟該逆詭譎異常避兵而行是其慣技官文奏稱逃出難民僉稱賊匪備十日乾糧並紮草人圖由舊路回竄而羅田蘄水等處之賊悉數竄至道觀河沙河一帶沿村打館是其急欲上竄情形畢露現在富森保石清吉等雖於道觀河紮壘偏賊而營第該處道路紛歧難保不乘虛竄豫著張之萬恪遵歷次諭旨激勵將弁實力堵剿毋令匪蹤再行闖入豫疆

欽定剿平粵匪方略卷三百八十八 甲子年

八月初一日己楊岳斌沈葆楨奏言據副將韓

進春稟稱南豐縣城於七月十八日克復其詳

細情形容卽查明具奏奏入

命議政王軍機大臣傳諭楊岳斌沈葆楨曰南豐

縣城已經官軍克復一切詳細情形諒已奏報在

途前此奏報克復宜黃等處著名賊首李侍賢汪

欽定剿平粵匪方略卷三百八十八

一

海洋陳炳汶等逆未據聲敘此次攻拔堅城該逆

等是否殲擒抑已於宜黃等處殲斃該縣接壤甯

都與福建建甯甯化處處毗連韓進春駐守建昌

前報東路長興地方復有賊擾現在賊由何處竄

逸著楊岳斌沈葆楨查明具奏並檄飭各路防兵

嚴防竄越如賊偏近閩境仍遵前旨飛咨閩省督

撫嚴飭防軍會剿毋稍疏虞

初六日甲李鴻章奏言自潘鼎新攻克晟舍賊

壘東岸賊營皆潰潘鼎新乘勝進紮晟舍劉秉

璋由吳淞楊淩偏紮湖東要隘張樹聲又由南

潯進紮織里各營連日出隊疊有斬擒臣聞湖

州賊勢趨重四安飛催劉銘傳等乘機蹙之劉

銘傳已親督黃桂蘭等先赴建平至廣德一路

布置劉盛藻等軍陸續繼進至湖州西面尹隆

欽定剿平粵匪方略卷三百八十八

二

橋大德橋一帶爲通四安廣德大道該逆聯營

以護竄路臣飭郭松林等由呂山進攻尹隆橋

扼其要害王永勝等營與賊對紮該逆於南岸

築壘十餘座復添築濠牆二道郭松林等連夜

趕築長牆調劉玉龍開花礮隊轟擊自七月十

五日至十七日廖德旺等率衆猛攻哨官張祖

述死之高占彪舒義志等皆受重傷郭松林等

激勵衆軍鼓勇齊進並飭呂山大德橋各營嚴
截援賊開花礮轟缺賊卡一處衆勇各負蘆柴
一束填塞賊濠王永勝督隊在前郭松林楊鼎
勳督後一呼猛進直抵內濠郭松林揮令急進
被槍子中傷左膀正欲踰濠登壘因大雨驟至
收隊回營湖城賊首堵逆黃汶金復挑悍賊數
千繞呂山後路八字橋阻我糧道十九日郭松

聖朝聖學略卷三十八

三

林派李長樂等槍築營壘賊衆由洞子門來撲
我軍迎戰斃賊甚夥參將何錫恩死之各軍憤
極齊上賊遂潰退二十日湖賊大隊自尹隆橋
接連八字橋一帶二十餘里傾巢來爭郭松林
飛調易用剛等迎敵自督李長樂等斷後劉士
奇等由呂山夾擊楊鼎勳督守尹隆橋老營賊
衆衝至易用剛整隊接戰被礮轟擊受傷甚重

郭松林等捲旗突入來往縱橫並飭王平西礮
船由河內助轟斃賊無數王永勝等由山脊翻
下疾如風雨逆衆紛竄陣斬僞列王黃千四乘
勢掩殺擒斬數千名弁兵亦傷亡百餘名臣聞
賊衆皆趨西路有欲竄之勢飛飭潘鼎新劉秉
璋等進攻二十六日夜昇山守逆棄壘先走潘
鼎新會合浙軍劉樹元等追剿次日追至八里

聖朝聖學略卷三十八

四

店該逆回拒水陸各軍大破之該逆望風狂奔
李朝斌劉秉璋張樹聲等各攻毀賊營十餘座
追至城下沿途殺斃淹斃賊匪無算敗賊擁擠
入城閉門不及潘鼎新等奮勇先登由東門而
入遂於是日克復湖州府城潘鼎新已會同浙
軍入城布置臣卽飛飭郭松林等由四安中路
截剿劉銘傳等由廣德前路兜剿查此次肅清

蘇浙尤爲出力之布政使銜常鎮道潘鼎新等督隊苦戰克復名城應如何優加獎勵之處伏候

聖裁其提督劉銘傳等均力扼要衝拚死攻勦應俟廣德四安克復後由臣嚴實保奏力戰陣亡之擬保副將銜儘先參將何錫恩等均請

飭部各照擬保官階從優議卹奏入

欽定剿平粵匪方略卷八十八

五

上命議政王軍機大臣傳諭曾國藩左宗棠李鴻章曰湖州之賊經蘇浙兩軍偪勦疊次獲勝堵逆黃汶金等被擊西趨潘鼎新等會合浙軍併力夾擊節節進逼克復府城覽奏甚爲嘉悅湖州一城爲髮逆悍黨屬聚之所現在雖經收復而堵逆尤爲著名悍逆洪幼逆復潛入其中難保不紛竄旁趨希圖免脫湖州西通四安毗連廣德該逆旣節節

築壘護其竄路是蓄意謀竄已非一日李鴻章旣飭劉盛藻馳抵廣德卽著迎頭截擊並將四安廣德迅圖克復使該逆無可駐足自當易於剪滅郭松林屢著戰績此次因奮勇勦賊身受槍傷著傳旨存問勛其力疾殺賊以竟全功左宗棠亦當飭在事諸軍迅速追勦將敗匪盡行殲除餘匪若由廣德上犯則徽甯一帶又形喫緊著曾國藩迅派得力將弁會同李鴻章所派之軍合力扼擊毋令逆蹤上竄以保皖南大局

欽定剿平粵匪方略卷八十八

六

上諭內閣曰湖州府城爲堵逆黃汶金等占踞希圖號召賊黨抗拒官軍經李鴻章派令郭松林等分路進攻於七月二十七日將湖州府城克復勦辦甚爲得手著左宗棠李鴻章督飭蘇浙各軍將潰竄之賊分投追捕悉數殲除尤爲出力之提督李

朝斌謀勇兼優所向無前著發去白玉四喜徽指一箇玉柄小刀一把火鐮一把大荷包一對小荷包二箇交李朝斌祗領道員潘鼎新督隊苦戰克復名城著賞穿黃馬褂翰林院侍講劉秉璋躬冒矢石治軍整嚴著賞給振勇巴圖魯名號遇有應升之缺開列在前道員張樹聲堅忍百戰積功甚多著賞給二品頂戴以按察使遇缺提奏用示優

聖朝聖略卷八十八

七

獎署福建陸路提督郭松林奮勇剿賊左膀受傷著先行交部從優議敘仍著俟廣德四安克復後山李鴻章查明勞績與提督劉銘傳等一併從優保奏陣亡之擬保副將銜參將何錫恩擬保參將銜國春擬保參將銜遊擊張祖述擬保遊擊銜都司余兆貴曹廣惠均著交部照擬保官階從優議

卹

初七日^{乙亥}曾國藩奏言欽奉

諭旨以裁撤兵勇雖為節餉起見然驟撤三四萬人恐此輩久在戎行不能省事等因臣以欠餉太鉅久思大加裁撤以節糜費嗣與臣弟曾國荃酌定將金陵全軍五萬人裁撤一半查湘勇召募之初選擇鄉里農民有業者多無根者少但使欠餉有著當可安靜回籍不致別生枝節至挑

聖朝聖略卷八十八

八

補兵額之說近多建此議者臣竊不以為然蓋勇丁之口糧一倍於馬兵三倍於守兵馬糧之缺極少守糧月支一兩斷不足供衣食之需誰願數千里外補一衣食不敷之缺其情願者皆游惰無歸者也臣愚以為勇則遣回原籍兵則另募土著庶為經久可行又欽奉

諭旨以臣奏稱洪福瑱積薪自焚茫無實據似已逃

出令查明情形具奏 臣初聞金陵克復亦深慮城
大必多竄逸難民追殺淨盡之說未敢深信迨
臣至江甯經由東壩建平各州縣地方文武並
未報有賊股竄過證以李秀城親供逸出漏網
之賊似不甚多其洪幅項果否尙存 臣已派著
髮降卒赴湖州賊營訪查應俟查明實在下落
續行具奏

欽定剿平粵匪方略卷八十八

九

曾國藩又奏言江西之賊占踞許灣者爲偽漳
王汪海洋經鮑超破其長濠殺賊數萬分踞東
鄉金谿者爲偽聽王陳炳汶備我許灣之戰遂
棄東鄉金谿兩城陸續退遁率衆求撫據鮑超
寄到陳炳汶投誠之稟共有黨衆六萬餘人洋
槍隊七千餘人皆願效順等語分踞崇仁宜黃
之賊爲偽侍王李逆經江忠齡等次第克復踞

南豐之賊爲偽浩王譚逆亦經鮑超克復一切
調度想經楊岳斌沈葆楨詳奏前欽奉

諭旨飭 臣酌派金陵陸師赴江協剿刻下江西軍威
大振無須添派援兵 臣所慮者在皖南廣德一
路金陵之師急切不能起程應遣撤者無由籌
給欠餉應出勦者無由籌發行糧不料老巢既
破而餉絀若此皆 臣經理不善之咎也奏入

欽定剿平粵匪方略卷八十八

十

上命議政王軍機大臣傳諭曾國藩左宗棠楊岳斌
李鴻章沈葆楨曰裁撤勇丁爲善後第一要務既
據曾國藩奏稱湘勇有業者多無根者少但使欠
餉有著當可安靜回籍卽著責成該大臣妥速辦
理毋令游惰無歸別生枝節至挑補兵額一節旣
屬窒礙難行卽著照該大臣勇則遣回原籍兵則
另募土著之議次第學畫以期經久可行洪幅項

敗殘之餘即使其人尙在亦屬無能爲役惟該逆
僭稱偽號非其餘賊會可比其存亡實在下落必
應查究明確方足以靖人心仍著曾國藩詳細訪
查務得確據此時湖州已復該逆曾否竄入湖城
不難查訪而知並著左宗棠一體查明具奏至金
陵逸賊既據曾國藩奏稱漏網無多所有在防將
士均著免其查叅以勵有功聽逆陳炳汶率衆求

聖朝方略卷百八十六

十一

撫自係懼於軍威惟黨衆有六萬餘人洋槍隊七
千餘人爲數太多安置遣散均不易辦楊岳斌當
督飭鮑超察看真偽妥籌辦理不可稍涉大意現
在情形及汪海洋譚逆李逆等蹤跡楊岳斌卽會
同沈葆楨迅速詳細具奏其皖南廣德一路防剿
尤關緊要著曾國藩迅派得力陸師籌給餉項飭
令剋日起程扼要駐紮會同李鴻章派撥弁兵迎

剿竄賊毋稍延緩

初八日丙子左宗棠奏言自蔣益澧馳抵菱湖後

冒暑鏖戰賊惟憑壘堅拒七月初二日蔣益澧
於思溪雙福橋之間槍搭浮橋以通蔡元吉各
營糧道副將徐文秀等馳至蔣益澧卽飭提督
劉清亮等攻思溪徐文秀等繼之總兵劉樹元
各營及洋將實德棧等攻雙福橋蔣益澧自率

聖朝方略卷百八十六

十二

親兵及提督高連陞等分兩隊嚴陣以待飭洋
將德克碑率花勇沿河助戰並以淺水輪船載
開花礮泊於河汊對思溪八角亭賊壘轟擊各
營甫至中流賊壘洋槍齊發勇丁受傷多名副
將蔣榮彩等仍奮勇前進爭先搶入至離岸不
遠賊礮愈密勇丁傷亡愈多蔣榮彩黃鎮湘彭
開壽李世祥均受重傷蔣益澧復用划飛渡德

克碑及李連榮過河攻擊遇伏賊槍礮而卻其
劉清亮等會攻思溪賊壘亦未得手蔣益澧因
思溪雙福橋等處勢難力攻擬由袁家匯荻港
出湖蚨漾徑襲逆賊後路初六初七等日高連
陞等進紮荻港之中洲蔣益澧親赴荻港督戰
官軍一齊猛進立將踞街逆黨殲除殆盡劉連
陞師船乘勝進攻額受槍傷蔣益澧亟率大隊

勦平粵匪方略卷三十八

十三

馳至賊始駭遁初八日蔣益澧飛調洋將德克
碑日意格淺水輪船赴荻港會剿並令高連陞
等一齊衝殺輪船巨礮同時轟發該逆猝不及
備各勇越濠而入立斃悍賊六七百名餘賊溺
斃無算將荻港賊壘三座攻克是夜有賊目偽
天安譚侍友等率長龍舢板戰船十號赴蔣益
澧軍前乞降十一至十三日蔣益澧親督徐文

秀等乘師船四十餘號由荻港繞出太湖會同
德克碑日意格由荻港用開花礮轟攻袁家匯
賊壘環攻三時將傍街賊踞房屋轟塌大半斃
賊無數當酣戰時蔡元吉見賊勢趨重袁家匯
當挑健勇五百名隨遊擊楊應龍由思溪突圍
而出逆賊層層抄襲楊應龍奮威衝殺手刃數
賊力竭陣亡蔡元吉所部營官楊成棟向得勝

勦平粵匪方略卷三十八

十四

亦歿於陣勇丁僅衝出百餘人蔣益澧當飭各
營竟夜奮攻袁家匯賊壘以掣賊勢是夜蔡元
吉竟從東埠島水衝出重圍所部勇丁及楊應
龍營勇隨同衝出者不及千人飢疲實甚蘇軍
及已革道員張景渠等將晟舍賊巢攻克賊見
蔡元吉已經出圍而晟舍又經官軍攻破意氣
沮喪思溪雙福橋等處踞逆均紛紛退竄劉清

亮等各率所部乘夜過河大呼殺入約斃千名其迫溺而斃者不計其數當將賊營數十座一律踏毀劉清亮等營已移紮亭子橋進攻長超山踞賊高連陞等水陸各營會同洋將德克碑進攻袁家匯能速奪此兩隘即可徑抵城根臣查湖州地勢守易攻難而蘇軍自克晟舍後李鴻章毅然以攻取廣德州爲己任已得制賊要

聖朝方略卷八十八

十五

著大局既合長圍已成檻獸釜魚遲速有必滅之理旬日以來逃出難民及投誠僞目等皆言僞幼逆因初二日之戰畏懼頗甚逃避廣德州黃汶金遣其弟僞值王黃汶英護之各賊多備乾糧似有急竄之意但恐賊竄甚速防不及防必致蔓延地方幸連接各路咨報江西腹地漸清臣軍之援江者王開琳王德榜兩軍已還駐

弋費之交可就近調赴婺源馬金一帶與浙師聯絡其黃少春一軍及劉明燈等各營現已飛調移紮嚴州相機分撥以備迎頭攔剿此次力戰陣亡之遊擊楊應龍擬請照副將例議卹傷亡之副將蔣榮彩擬請照總兵例議卹其餘傷亡中外各弁勇容俟查明彙案請卹至同知蔡元吉久因重圍忍飢血戰斬擒悍賊最多雖所

聖朝方略卷八十八

十六

部傷亡千人應否免其置議之處出自

天恩

左宗棠又奏冒據蔣益澧飛報自官軍偏紮亭子橋等處後七月二十五日湖州守賊僞天將陳學明率千餘人來降次日長超山踞賊僞天將陳姓及姚姓劉姓以所轄三壘之衆來降是日劉樹元會同蘇軍猛攻昇山賊壘拔之瞭見

湖州城中火光燭天袁家匯賊壘亦有竄動形跡劉樹元已率所部先進蔣益澧亦卽拔隊猛追甫兩時許蔣益澧遣弁飛報湖州踞賊於是夜開西門竄出劉樹元已率所部入城所有收復湖州追勦竄賊情形容卽查明奏報

同日楊岳斌沈葆楨奏言據各營稟稱崇仁旣克卽乘賊驚魂未定進擊宜黃浙江臬司劉典

欽定剿平粵匪方略卷八十八

七

隨派劉大謨等會合進攻逆衆驚惶由小東門衝出逃竄蹂躪死者不計其數各營分投追殺伏屍滿地救出難民數千人餘匪悉遁南豐當於七月十三日將宜黃縣城收復參將韓進春自擊敗上塘竄匪後派董德春等督率各營及建昌練勇協同規取南豐十六日勦破裏塔墟踞匪直逼南豐西北兩門奮力仰攻翼日董德

春復與魏高勝等分攻東北兩門賊亦分股抵拒正慶戰閒適鮑超馬隊馳至馬步齊進前任南豐縣知縣莫廷蕃署知縣譚澧亦率練丁協助賊衆大潰由西門擁出分路逃竄各營縱橫截殺斃賊無數卽克復南豐縣城敗匪一竄廣昌大路經王昌全等追勦一竄河東爲霆營馬隊殲斃殆盡臣等查兩城敗匪上竄廣昌甯都

欽定剿平粵匪方略卷八十八

八

已逼南贛其東鄉金谿敗匪現聚瀘溪新城南贛甯三府州毗連閩粵新城亦與閩接壤誠恐竄入鄰省且恐湖州敗賊竄江業經檄令鮑超進勦新瀘防賊入閩總兵王開琳等同駐弋陽貴溪以遏浙西敗賊並防新瀘之賊敗竄回浙復令精捷營馳赴贛州迎頭截擊劉典與道員王文瑞等馳赴甯都兜勦臣楊岳斌於十六日

自南豐拔營與劉典會商戰守不日前赴贛甯就近調度但贛甯等處山嶺崎嶇僻徑歧出尾追深恐不及仍飛催劉典等迅繞賊前擇要扼截並令席寶田韓進春跟蹤追勦期將羣醜聚殲至此克復南豐宜黃出力人員可否容臣等擇尤請獎出自

天恩

聖朝聖方略卷百八十八

十九

楊岳斌沈葆楨又奏冒據吉南贛甯道王文瑞稟稱宜黃股匪竄至槎路口當派鄧榮達等截擊並令曾聚賢等由葛仙嶺繞赴交湖協防七月十二日鄧榮達等戰於槎路口大獲勝仗斃賊二百餘人旋聞賊眾將犯樂安永豐復飛調鄧榮達等赴交湖助戰十三十四等日我軍三路迎戰連斃先鋒悍賊數百該逆復糾大股來

聖朝聖方略卷百八十八

二十

犯為熊常富等擊敗我軍追近東陂三路會合包抄賊眾腹背受敵紛紛敗走自相踐踏死者無算追殺十餘里斬馘尤多敗匪悉向南豐遁去又據署甯都州知州郭毓龍稟稱宜黃之賊竄入東陂約萬餘人十六日直撲北門郭毓龍與參將石玉督兵固守該逆晝夜攻圍經各員弁督率兵民槍礮齊施約斃賊百餘人賊始退去各等情臣等查宜黃賊屢犯槎路口交湖意在竄越樂安永豐以窺吉郡經王文瑞三次痛勦足以絕其西向茲復往撲甯都臣等惟當嚴督各營四面截殺務期聚而殲旃楊岳斌沈葆楨又奏冒據探濂逆大股由許灣上竄新城縣界署知縣唐先霖親督兵練擊之小有斬獲七月十五日又赴河坊雕勦唐先霖

受傷落馬兵練亡失頗多該逆繞由城南塌處
關入超鮑從建昌督隊進攻連獲全勝於二十
三日夜將新城縣城收復等情其詳細情形應
俟查明具奏

楊岳斌沈葆楨又奏言據鮑超文稱該提督克
復金谿後偽聽王陳炳汶偽甯王張學明偽樊
王陶金會於七月十一二三日三次遣陳炳汶

欽定剿平粵匪方略卷八十八

三

之弟陳報林具稟投誠據稱伊等前被廣西賊
匪所擄並非甘心投賊因瘴逆汪海洋平逆翟
添瀾有衆十數萬人致被欺伏屢欲投誠均爲
攔阻今汪海洋賊壘被毀翟添瀾就擒伊等喜
無阻滯具稟投誠懇請寬其既往部下人衆尙
有六萬人洋槍隊七千餘人等語鮑超以陳炳
汶等敗伏山谷一經進剿勢必遁走福建擾害

鄰疆旣據悔罪投誠情詞懇切應准免罪已派
總兵洪容海前往飭令薙髮又據參將韓進春
稟稱七月十二日有偽元勳李三畏等率夥黨
二千人自金谿萬年橋北赴營投誠韓進春詳
察其意無他卽派兵弁前往曉諭撫慰降衆均
各悅服概行薙髮當將器械一律收繳各等情
臣等查鮑超轉戰數省頻摧巨寇收撫降衆威
信素著降人陳炳汶等悔罪投誠深明順逆情
實可原自應仰體

欽定剿平粵匪方略卷八十八

三

皇仁寬其既往予以自新使他股逆衆聞風向化業
經臣等咨行鮑超妥爲辦理並委員會同查造
降衆籍貫清冊發給護票分別遣散陳炳汶張
學明陶金會率衆歸化其志可嘉陳報林連次
來營不避艱險可否分別給獎以資觀感出自

鴻施其韓進春收降李三畏等一股亦經臣等飭令會同建昌府妥為遣散頭目李三畏等暫行酌給六品頂戴留營效力均奏入

上命議政王軍機大臣傳諭曾國藩左宗棠楊岳斌毛鴻賓李鴻章沈葆楨徐宗幹郭嵩燾白官軍攻復宜黃後南豐縣城亦經霆字等營克復辦理均極得力所有出力人員著准其擇尤保奏惟敗匪

勦平匪方略卷八十八



聖朝聖略卷八十八



上竄廣昌甯都已偪南贛其東鄉金谿敗匪現聚瀘溪新城南贛甯三府州毗連閩粵楊岳斌等已派鮑超進剿新瀘防賊入閩王開琳等同駐弋陽貴溪以備浙西敗賊勾結楊岳斌不日馳赴贛甯調度著卽飛催劉典等繞出賊前扼要兜擊並令席寶田等跟蹤追剿以期一鼓聚殲無任再有竄逸克復新城詳細情形仍著查明具奏湖州業經

克復浙西敗賊恐復上竄並著責令王開琳王德榜以剿為防勿稍疏懈陳炳汝等投誠既屬真心悔罪自應網開一面准予自新楊岳斌等當傳知該降眾等俾知感奮圖功如續有勞績仍准保獎但其人數在數萬以上概予遣散後患必多是否酌留效力未據聲明其洋礮等件曾否呈繳均著飭令鮑超等妥為經理李侍賢汪海洋現在何處

此二逆必須殲除方免滋擾鄰省宜黃之賊屢犯槎路口交湖經王文瑞三次痛剿茲復往撲甯都著卽催督各軍四面截殺敗匪上竄廣昌甯都已偪南贛著曾國藩楊岳斌等飭令派山各軍繞前截擊務須就地殄除能否增兵繞越甯都一帶扼賊南竄並著曾國藩等酌度辦理毛鴻賓等亦當派兵出境防堵不得任其闖入其竄甯都之賊與

閩省切近左宗棠徐宗幹務飭兵練認真設防遇賊卽擊張運蘭已取道嘉應赴閩卽著令其迅速前進擇要駐紮毋令一賊竄入閩境湖州克復昨已據李鴻章奏報仍著左宗棠將詳細情形查奏洪幅瑱逃避廣德李鴻章所派之軍力攻州城自未可稍涉鬆勁著曾國藩左宗棠李鴻章督飭各軍將該逆擒獲毋令漏網湖州收復後賊由西門

欽定剿平粵匪方略卷八十八

三十五

山竄何處著左宗棠李鴻章查明具奏一面飭令蔣益澧等會同蘇滬各軍躡蹤緊追不得任其紛竄四安梅溪等處踞賊尙多李鴻章當飭各軍節節掃蕩以期漸次肅清湖州力戰陣亡之遊擊楊應龍著照副將陣亡例議卹傷後身故之副將蔣榮彩著照總兵陣亡例議卹同知蔡元吉所部雖多傷亡念其久因長圍忍飢血戰著免其置議

上諭內閣曰江西官軍自攻克崇仁後乘勝進規宜黃七月十二日劉大謨等軍直薄城根當於十三日收復宜黃縣城餘匪悉向南豐遁去十八日董德春等軍進攻南豐正鏖戰間適鮑超所派馬隊繼至卽於是日將南豐縣城克復勦辦甚屬得手仍著督飭各軍跟蹤追勦盡殲醜類所有此次克復宜黃南豐二城出力人員著准其擇尤保奏

欽定剿平粵匪方略卷八十八

三十六

上又諭內閣曰楊岳斌沈葆楨奏賊酋陳炳汶等於官軍克復金谿後遣黨陳報林稟懇投誠又賊目李三畏等率黨投誠呈繳器械各等情前經朝廷明降諭旨凡被賊脅而悔罪自新者皆准免死此次陳炳汶等自拔來歸並率六萬之衆同心反正願納器械數千件助勦殘匪尙屬真心悔罪若不寬其既往無以昭激勸而廣仁恩陳炳汶等均著

准其投誠陳炳汝並賞給參將銜張學明陶金會
陳報林均賞給遊擊銜李三畏賞給六品頂戴並
均准留營效力此係朝廷恩施法外予以自新若
他股賊眾咸知不殺之仁聞風向化仍著該督撫
等妥為酌辦

同日富明阿奏言 臣行抵金陵與曾國藩面商
江北撤防各事再三籌畫江南業已肅清當此

聖學聖方略卷三十八

三

餉項支絀自應恪遵

訓諭酌量裁撤防兵惟裏下河十數年完善之區揚
防一軍正當衝要雖內地已靖而外患未清楚
北賊勢尚張由麻城羅田以達揚州沿江皆無
眾兵扼守仍須緩為抽裁未可全行凱撤 臣回
揚營後接准湖北統帶馬隊四川副都統富森
保函稱據捻賊及投誠賊首供稱賊眾因麻城

一帶無糧可據聞江北饒富欲於秋涼時大股
東下先踞揚城為就食聚糧接援金陵之計 臣
惟賊巢已拔各路軍威正盛餘逆已同阱獸自
可無虞旁竄然賊情詭詐必有備無患庶不致
臨時掣肘故揚防一軍未敢驟請全裁誠以裏
下河為財米之鄉江南實賴其利即將來善後
一切亦須取給於此加以地方遼闊五方雜處

聖學聖方略卷三十八

三

若因目前無事全軍議裁不但宵小易生設有
不虞全功盡棄且江北陸軍設防十有餘載餉
源久竭積欠太多目下水師所裁之第三批欠餉
係在本省找領糧臺僅籌一月口糧尙復東羅
西掘况鎮軍現當凱撤若再將江北陸軍同時
並裁則糧臺必更難措手 臣思維再四擬俟水
師第三批裁竣後再裁揚防陸軍數千名以節糜

費其餘應視糧臺進款之多寡及各路軍情之緩急隨事隨時斟酌裁撤庶糧臺既可騰挪而防務仍資鎮守實於軍事有神至揚防官兵自成豐二三年由各路徵調來揚江北江南轉戰十餘載嗣因臨陣傷亡甚多兵力不足始行招募勇丁防剿亦均得力今幸江甯克復合無仰懇

欽定剿平粵匪方略卷八十八

三

天恩准臣將揚防各營官弁兵勇擇其從征年久尤為出力者奏請獎敘出自

鴻施奏入

上命議政王軍機大臣傳諭富明阿曰據奏接富森保函稱湖北擒獲賊供因麻城一帶無糧可據聞江北饒富欲於秋涼時大股東下為就食揚城接援金陵之計所供各情該逆自尚未聞金陵克復

之信此時老巢業經攻克江南一律蕩平楚北官軍剿辦甚屬得手賊勢已蹙尙不至大股東趨惟賊蹤趨向未定逆情詭詐難保不因被剿窮蹙復圖竄擾完善是江北之防仍不可稍鬆若遽將各軍概行裁撤未免太形空虛且據該將軍奏稱水陸各軍欠餉甚多一時難以籌給亦係實在情形著照所擬俟水師三批裁竣後即將揚防陸軍先為酌撤數千名以節糜費其餘酌留若干名暫緩裁撤仍著認真訓練實力巡防以期有備無患勿致虛糜餉項所有揚防各營官弁兵勇從征有年著准其查明尤為出力者奏請恩施毋許冒濫

欽定剿平粵匪方略卷八十八

三

欽定勦平粵匪方略卷三百八十九 甲子年

八月十一日 卯 馮子材魁玉奏 臣等自奉

諭旨凱撤兵勇後即通飭各營起造兵勇花名清冊

連日督同總兵張文德陶茂森等將定復奇勁

雄宜制七營兵勇暨果凱勝等勇一營共計四

千一百餘名作為頭起凱撤派原營將領分起

管帶由糧臺發給川資即日就道責令沿途妥

勦平粵匪方略卷三百八十九

一

為約束不准攜帶兵仗逗留滋擾先經知會經

過地方官查照彈壓並由 臣等遴派委員分投

催趨出示曉諭其三江本省應募勇丁收繳軍

械號衣給發川資分別交地方官收管遞送回

籍歸農仍咨明江南北軍營地方一體查照轉

飭文武體察情形隨時約束至其中精壯可用

者應否挑補綠營兵額已飭該管將領查明存

記聽候督撫諸 臣咨商辦理各營將領實缺人

員分別給咨俟管領兵勇凱旋事竣各赴本任

其儘先候補人員飭令各赴本省投標委用以

示體恤奏入

上命議政王軍機大臣傳諭會國藩李鴻章馮子材

魁玉曰鎮防定復奇勁雄宜制七營並果凱勝等

勇共計凱撤四千餘名作為頭起派委原營將領

勦平粵匪方略卷三百八十九

二

管帶給發川資起程不准攜帶兵仗逗留滋擾並

知會地方官彈壓其三江本省應募勇丁分別交

地方官管遞回籍咨明江南北軍營地方官約束

辦理甚為妥協即著馮子材等飭令派出各員知

照沿途各該地方官一體認真彈壓毋令生事其

未經遣撤兵勇現經馮子材等查明精壯可用者

存記應否挑補綠營兵額著會國藩李鴻章會商

馮子材等妥辦鎮防雖屬安穩惟該處兵勇業已裁撤以後防務李鴻章當妥籌兼顧不可稍涉大意鎮城留守各營後起凱撤事宜即著馮子材等按照此次辦法妥為遣撤

十三日辛巳李鴻章奏言尹隆橋賊壘屢攻不下

郭松林等會議以賊聚守一處無隙可乘須避實擊虛改由後路抄入七月二十五日即飭李

欽定剿平粵匪方略卷八十九



長樂等派隊出哨聲言進攻八字橋以分賊勢

密令各營乘夜繞大德橋渡河先奪扼橋賊壘

次夜郭松林等均於大德橋親督于奇泮等疾

趨渡河圍攻逆壘並分隊攻偽王相李紀才賊

營堵住虹星橋尹隆橋援賊進及里許我軍奮

呼衝擊賊不能支相率開營跪降大德橋及沿

山賊壘一律掃平劉士奇所部遂移紮南岸官

塘城賊全股來爭此路郭松林等飛約各軍乘

機攻城堵逆黃汶金率悍賊數萬由尹隆橋

擁而來郭松林督隊由官塘接仗淮揚水師及

王平西礮船沿河助攻楊鼎勳等直搗中堅衝

突入陣斃賊二三千人堵逆不支率眾回奔追

至橫塘渡尹隆橋立破堅壘十餘座李長樂等

亦乘勝攻取八字橋賊知湖城已破四安又不

欽定剿平粵匪方略卷八十九



得去遂折而迤南突分兩路一從北岸一由河

南向港口小溪口梅溪直趨安吉郭松林飛派

李長樂等從城隍山略取湖州親率大隊由八

字橋渡河追剿王永勝由港口追剿楊鼎勳由

尹隆橋向小溪口追剿劉士奇由大德橋向梅

溪追剿王永勝追至港口拆斷浮橋適郭松林

踵至南岸賊約萬餘悉偏山谷聚殲無遺劉士

奇楊鼎勳追至小溪口及梅溪鎮四面圍殺伏屍二三十里偽列王等逆酋均死焚奪賊船千餘隻旗幟器械馬匹無數生擒逸賊萬餘救出難民數千人餘賊尙匿梅溪山內擬飭各軍入山搜勦前調道員吳毓芬探知湖州已破恐賊由林成橋分竄四安當卽親帶洋槍隊冒雨宵征並派羅義勝水勇擡小舟數隻隨行馳抵觀音橋用小舟渡過數十人賊驚拒戰吳輔仁等踰濠撲營吳毓蘭揮兵乘之賊大驚潰斬殺甚衆吳毓芬見要隘已得令吳毓蘭等循河南攻午山橋賊營自帶陳占榜等由河北攻林成橋賊營洋槍炸礮連環轟擊先攻破甲午橋二營繞至林成橋南賊亦棄營向四安狂走吳毓芬急追二十里見路南山中賊多如蟻盡向西奔

聖朝聖略卷八十九

五

沿路斬擒七八百名投降千餘人追至四安吳毓蘭設伏誘賊賊果涉水擁至伏兵起擊我軍隨後掩殺萬國本等衝入賊隊大呼降者不殺跪降千餘人陳占榜嚴陣進逼余嘉龍等鼓噪乘之連破河南北賊壘五座一日夜開冒雨轉戰八九十里計殲斃賊目數十擒斬千餘解散三千餘人劉銘傳行抵建平後探知廣德踞賊在城外築壘遂於建平布置糧道先令周盛波等移紮白茅嶺水口自率劉盛藻等直抵城下賊衆迎拒我軍槍礮齊發賊遽返奔追至西門適周盛傳亦派隊助勦並抵北門城賊遂由南門出走我軍分路兜殺擒斬數百名餘匪向甯國安吉山中竄去當將廣德州城克復劉銘傳派周盛波等入城駐守臣查湖州踞逆恃有西

聖朝聖略卷八十九

六

面竄路負嶠不下自浙軍分攻安吉臣軍橫截
尹隆橋等處要隘並進廣德以扼其吭堵逆見
咽喉將斷果欲背城一戰既不能西乃折而南
圖竄安吉幸各軍猛進沿途敗賊大股受創從
萬山叢雜中逸出無多糧藥輜重拋棄殆盡前
路徽浙交界各有截勦之軍當不難於撲滅此
次統領各軍之提督郭松林等謹先行開列仰

欽定剿平粵匪方略卷八十九

七

懇

聖恩優加獎勵陣亡遊擊杭進先守備葉雲龍請

飭部照陣亡例從優議卹其餘應獎應卹人員仍容

臣查明彙奏奏入

上命議政王軍機大臣傳諭曾國藩左宗棠李鴻章
曰湖州攻克後賊衆分股直趨安吉劉士奇等追
至梅溪斬馘不少吳毓芬一軍追勦直破四安及

沿路賊壘劉銘傳等率隊由建平進攻廣德州城
賊開南門而逸竄向甯國安吉山中李鴻章現派
周盛波等駐守廣德所辦均屬妥協惟湖州之賊
擁衆竄入廣德未受大創遽由南路出竄其人數
必尙不少所稱敗賊大股受創從萬山叢雜中逸
出無多糧藥輜重拋棄殆盡前路徽浙交界各有
截勦之軍當不難以次撲滅等語此乃懸擬之詞

欽定剿平粵匪方略卷八十九

八

不可恃以無恐甯國一路防軍甚單且堵逆黃汝
金及幼逆洪幅瑱均未伏法必將竄擾徽甯號召
羣逆或與江西匪黨聯絡勾結著曾國藩左宗棠
嚴檄徽甯守將慎重防勦備兵力單薄卽各添撥
勁兵助勦並探明賊蹤已竄何處迅速具奏李鴻
章素能不分畛域著卽飛調得勝兵勇出境追勦
以竟此一簣之功黃逆洪幼逆下落並著查明具

奏

上諭內閣曰浙江湖州賊黨分踞尹隆橋等處要隘

郭松林等分路進剿將賊壘掃平遂斷湖州至四

安廣德之路堵逆黃汶金率悍黨回奔官軍追至

尹隆橋立破賊壘十餘座賊遂分竄港口小溪口

梅溪一帶郭松林等分投進剿四安之賊經吳毓

芬一軍進剿連克五營劉銘傳一軍探知廣德踞

聖朝聖考卷八十九

九

賊在城外築壘督軍馳剿當將廣德州城克復剿

辦甚為得手仍著李鴻章督飭各軍會同浙師乘

勝掃蕩盡殄逆氛所有此次尤為出力之提督郭

松林總兵王永勝劉士奇均著賞給雲騎尉世職

記名提督楊鼎勳周盛波均著賞穿黃馬褂道員

吳毓芬著賞加按察使銜提督李助發周正林均

著遇有提督總兵缺出分別提奏總兵易用剛周

蘭亭文茂林李新燕均著交軍機處記名遇有提

督缺出請旨簡放提督陳有昇著交部照頭等軍

功從優議敘總兵梁安邦著遇有總兵缺出儘先

提奏龔生陽葉廷杓高占彪均著遇有總兵缺出

儘先提奏並賞加提督銜張家瑜著遇有總兵缺

出儘先提奏並賞給二品封典宋德鴻等均著賞

加提督銜李長樂等均著賞給二品封典副將王

聖朝聖考卷八十九

十

萬釗左日昇于奇泮黃桂蘭張志邦江開泰王占

魁楊開太趙友文均著交軍機處記名遇有總兵

缺出請旨簡放趙友文並賞給通勇巴圖魯名號

王萬釗並賞給二品封典參將楊正清著賞給類

勇巴圖魯名號守備譚正武遊擊張遵道均著以

副將仍留湖南儘先補用譚正武並賞給銳勇巴

圖魯名號張遵道並賞給勛勇巴圖魯名號參將

張正全著以副將留於兩江儘先推補並賞加總兵銜萬重暄等均著以副將留於兩江儘先補用朱寶元著以副將留於兩江補用陳曰有等均著以副將儘先補用並賞加總兵銜余嘉鼈等均著以副將儘先補用遊擊張壽堂等均著以參將仍留江蘇補用並賞加副將銜曹廣澤著以參將儘先補用並賞加副將銜都司廖德旺等均著以遊擊儘先補用廖德旺並賞換花翎守備吳輔仁等均著以都司補用千總周金海著以守備補用並賞加都司銜擬保守備銜張裕文著以千總拔補並賞加守備銜候選同知直隸州知州包國挺著以本班遇缺先選並賞加知府銜知縣楊嘉善著免補本班以同知直隸州知州補用並賞加運同銜陣亡之遊擊杭進先守備葉雲鼈均著照陣亡

例從優議卹

同日李雲麟奏冒疊據各路探報蔡啟兩逆與官軍接戰屢敗於七月十二日夜同時南竄查該逆未竄以前臣恐其涉淺偷渡當於五月間派定興水師營前赴石泉西鄉洋縣城固等處以礮船往來梭巡嗣知該逆蓄志回川意欲山洋縣以下之鍋灘渡江至西鄉斜趨太平一路臣復加派千總樊遇春帶歸義營馳往鍋灘池南助剿並派知縣廣瑛前赴西鄉定遠之交聯絡民團認真防禦昨據都司李長清稟報二十一日夜突有悍賊五六百人竄至河邊意圖偷渡該都司即派礮船勇丁登岸埋伏俟賊近時出擊該逆未知虛實驚潰狂奔我軍從後掩殺斃賊二十餘人生擒賊目一名二十三日該逆

大股齊至錫灘金水西河等處意欲砍伐樹木搭蓋浮橋齊隊過河經水師奮擊不退適歸義營趕到會同水師槍礮齊施始將逆眾擊退該逆見勢不能渡當即沿江西竄意圖上趨褒沔查褒沔接壤川疆川省邊界均駐重兵該逆豈能飛渡漢中附近無糧賊亦斷難久停誠恐抵褒沔後轉而東竄由西鄉出紫陽甄坪從此南

聖朝聖略卷十九

十三

趨夔萬以入川東窺房竹以擾楚一經蔓延賊勢復熾當飭遊擊姜維揚率領楚軍先行馳赴西鄉迎勦並酌留四營防守與郡臣亦擬即親赴前敵相機調度奏入

上命議政王軍機大臣傳諭官文略秉章吳昌壽劉蓉李雲麟曰蔡啟兩逆由洋縣以下之錫灘金水西河等處意圖搭蓋浮橋渡河經官軍擊退賊見

勢難偷渡即沿江西竄圖趨褒沔該逆抵褒沔後如折而東竄由西鄉出紫陽甄坪從此南趨夔萬以入川東窺房竹以擾楚均有防不勝防之勢亟應嚴密堵禦著官文吳昌壽略秉章各就本境檄飭將弁實力嚴防毋令匪蹤闖入李雲麟即飭派山之遊擊姜維揚一軍趕緊馳赴西鄉迎頭截擊並著該京卿剋日親赴西鄉前敵相機調度迅掃

聖朝聖略卷十九

十四

賊氛並著劉蓉妥籌兼顧抽撥勁旅前赴西鄉一帶會籌掃蕩

十五日癸未左宗棠奏言據蔣益澧稟稱七月二

十六日接總兵劉樹元攻克昇山之報知賊竄必速即飭高連陞督同蔡元吉等進駐湖郡妙喜鎮分飭楊政謨等水師進攻長超山袁家匯賊壘該逆瞥見湖城火光紛紛棄壘狂竄時劉

樹元各營已進八里店蘇軍道員潘鼎新亦率所部會剿敗賊紛向湖城逃竄未及進城賊已急啟西門而遁劉樹元潘鼎新當先衝殺入城蔣益澧督軍將竄賊橫截斬馘無數劉清亮等分門而入當於二十七日將湖州府城克復其由西門出竄之賊高連陞斬馘二千有奇二十八日蔣益澧復率謝茂勝等向梅溪一路追剿

逆賊連夜棄船而逸經蘇軍及總兵羅大春所部截殺拔出難民不少偽穰王黃紹忠等率眾百餘名詣羅大春軍前乞降訊據賊供堵逆黃汝金由梅溪徑趨廣德祐逆李遠繼由安吉以出孝豐另分一股由四安竄廣德蔣益澧當飭蔡元吉等駐梅溪自率高連陞等向四安追剿比抵四安竄賊已經蘇軍道員吳毓芬等截殺

殲斃甚多堵逆黃汝金於二十九日竄至廣德卽挾洪幼逆由甯國縣昌化績溪逃竄僞值王黃汝英與忠逆之子由甯國府向涇縣祁門逃竄此次各逆拌死突竄經蘇浙兩軍猛追攔截殺賊不下萬餘溺斃及自相踐踏死者不可勝數其逃散之賊見官軍至輒跪伏道旁泣求免死約計陸續逃散者不下數萬俱已遣令歸籍

現蔣益澧已分飭劉清亮等赴分水孝豐截擊其楊昌濬進規安吉一軍於七月二十四日會同總兵周廷瑞各營分路進攻拔樁毀柵槍礮轟擊城賊大震二十八日夜急向孝豐逃逸適湖州大股紛紛竄至楊昌濬飭朱明亮等出安吉南路會同周廷瑞協力兜剿各軍追至殺賊無算收降七八千人楊昌濬馳至孝豐適逆賊

二萬餘正撲縣城楊昌濬督隊奮擊知府劉璈等從城內殺出賊即退竄官軍乘勢蹙之陣斃偽駙馬烈王徐朗等賊目數十名斬馘千餘級赴水死者數千名解散尤多餘賊向山谷狂奔已過河者悉向甯國縣千秋關竄走三十日楊昌濬復率劉璈等追殺至章村地方該逆憑河死拒官軍槍礮齊施賊不能支翻越而遁官軍

聖朝聖略卷十九

七

追至甯國縣屬七都余村等處突遇龍旗悍賊千餘騎乘勢掩殺斃賊多名生擒二千餘名拔出難民五六千名八月初一日劉璈復派遊擊唐湘遠追擊又殺尾賊數百名收降千餘解散數千據逃出賊供三江兩湖被脅之眾俱已逃散淨盡祗逆李遠繼僅帶數十人逃往廣德與黃汶金合併臣查此次賊由湖州安吉出竄形

勢已極渙散各軍四面兜剿殺斃溺斃及逃散就撫者約計不下十數萬人偽匡王賴汝鳩亦經官軍殺斃其餘各賊目或死或逃者甚多各營所收降賊俱已分別資遣該逆由孝豐竄出歸併廣德復與踞逆黃汶英及洪幼逆等分路上竄勢必假道徽池以擾江西而為入粵之計

聖朝聖略卷十九

八

臣已飛咨皖南江西各處防軍並嚴飭高連陞等躡蹤緊追飭黃少春一軍從嚴州繞赴前途王德榜王開琳兩軍併赴婺源浮梁一帶相機截擊無論竄皖竄江總當盡力截剿將此股悉數殲除至攻取湖州安吉兩城在事文武數月苦戰尚屬著有微勞擬俟此股竄賊剿除再行分別保獎奏入

上命議政王軍機大臣傳諭曾國藩左宗棠楊岳斌

毛鴻賓沈葆楨徐宗幹郭嵩燾曰安吉一城與湖
郡犄角經楊昌濬及周廷瑞等軍攻拔並追剿竄
賊大獲勝仗殺斃溺斃及逃散就撫者約計不下
十數萬人勦辦甚爲出力所有在事文武數月以
來疊次苦戰尙屬著有勞績著俟此股竄賊勦除
卽由左宗棠分別保獎惟堵逆黃汶金挾幼逆洪
幅瑱由昌化績溪逃竄值逆黃汶英與忠逆之子

聖學聖略卷十九

九

向涇縣祁門竄去漏網餘氛分路上竄必將假道
徽池以擾江西而爲入粵之計左宗棠已飭提督
高連陞等躡蹤緊追並飭黃少春王德榜等軍從
徽嚴一帶繞出賊前相機截擊卽著嚴飭諸軍盡
力截剿毋論竄江竄皖總期悉數殲除李鴻章恪
遵前旨飛調得勝兵勇會合浙師出境追剿楊岳
斌沈葆楨督飭饒景等處在防將士實力扼堵毋

令一賊入境江右敗賊竄至贛甯南贛防務喫緊
此次湖州等處竄賊又有由江入粵之意毛鴻賓
郭嵩燾務當懷遵疊次諭旨先事圖維派兵出境
防堵張運蘭已取道嘉應赴閩卽著徐宗幹催令
迅速前進擇要駐紮以固閩省邊防皖南防兵單
薄曾國藩當迅撥陸師前往助剿毋稍疏虞

聖學聖略卷十九

十

同日喬松年奏言據蔣凝學連日報稱自七月
二十七八日擊敗金家鋪竄賊後該逆合衆數
萬屯圍英山縣城蔣凝學乘夜進剿賊始敗退
而後股又至衆約數萬於三十日復圍縣城蔣
凝學率兵力戰將賊擊退復派各營傍城截擊
以寡敵衆苦戰數時俘敵數百名追至南路山
岡擒斬約有千人解散甚衆都司譚孚泗等皆
以深入力戰被害等語臣查此次逆衆猛撲英

山彼衆我寡經蔣凝學奮力擊退英山自可無虞惟此股多係髮逆其捻逆散漫東竄必接踵而來六安舒城一帶均須嚴防臣先派張得勝駐守六安又派副將張景春帶隊續往交張得勝統帶以厚兵力又調陳飛熊一營往守舒城頃據探報賊在白杲鎮爲官兵擊敗由湖北松子關東竄或竄固始或竄六安均未可定臣已

聖朝聖略卷百八十九

三

函商僧格林沁將英翰一軍調回皖省馳往六安以期會合防兵迎頭截擊免致賊匪深入臣一面整練隊伍勤發偵探以期見賊卽擊斷不致稍有疏虞至英山接仗陣亡之副將王福齋陳世益參將劉清泰都司譚孚泗艾高陞都司銜守備葉得勝守備王友勝守備銜千總馮得友把總周龍順向友發千總葉華榮力戰捐軀

殊堪憫惻相應請

旨飭部從優議卹以慰忠魂奏入

上命議政王軍機大臣傳諭僧格林沁官文曾國藩喬松年曰髮逆糾衆數萬屯圍英山縣城經蔣凝學統率所部官軍馳往進剿賊匪敗竄追至南路山岡斃匪甚衆剿辦尙爲得力惟捻逆散漫東竄勢將接踵而來六安舒城一帶均須實力嚴防該

聖朝聖略卷百八十九

三

撫已添派兵勇交張得勝統帶駐守六安並調陳飛熊往守舒城布置甚爲周妥著卽飭令張得勝等嚴密防守毋稍疏懈白杲鎮之賊由松子關一帶圖竄六安是六安防剿更形喫緊喬松年擬調英翰一軍回皖協剿著僧格林沁卽飭英翰馳往六安與在防各軍迎頭截剿並著官文督飭各路將弁追賊出境會合英六等處防兵兩面兜擊盡

殲醜類英山接仗陣亡之副將王福齋陳世益參將劉清泰都司譚孚泗艾高陞守備葉得勝王友勝千總馮得友把總周龍順向友發千總葉華榮均著交部從優議卹

欽定剿平粵匪方略卷三百九十 甲子年

八月二十一日巳曾國藩奏言臣欽奉

諭旨飭查江甯城內居人能否漸次復業貢院有無損壞應如何修葺等因查江甯省城居民流亡殆盡此次官軍克城羣酋縱火焚燒昔年巨室富家改造偽府鮮有存者此外民房極少故克復幾及兩月街市尙未復業至貢院臣嘗履勘至公堂衡鑒堂明遠樓未經毀壞號舍一萬六千餘間亦多完好惟號板全失監臨主考各房均須蓋造現派員在鄂皖等處採辦木料趕緊興修擬於十一月舉行鄉試庶因士子雲集商民亦可漸次來歸復欽奉

諭旨江甯旗營事宜應妥籌辦理房屋早爲建蓋兵丁俸餉能否照例全支現在京旗生齒日繁如挑

選閒散陸續撥補江甯兵額能否有裨令臣覈議
查駐防旗營亟宜修理惟一時大工畢舉籌款
實難擬俟貢院工竣再修江甯旗營以次續修
京口旗營工作有先後之分庶籌辦有措手之
處昔賊陷江甯旗營三萬餘人幾無存者被害
之慘甚於京口十餘年來陸續增添現存不過
八百餘人籌餉尙易爲力臣擬將江甯滿營概

聖朝聖略卷三十一

二

發全餉其京口旗兵業已挑補足額俸餉較鉅
請仍照現辦章程暫給半餉一俟庫藏漸裕續
行奏明一體全支至挑閒散京旗以實江甯兵
額亦俟修葺營房規模釐定會同富明阿續奏
辦理又欽奉

諭旨據御史陳廷經條陳善後事宜內有疆輿略爲
變通一條飭臣酌度形勢妥籌具奏臣查蘇皖未

分之時跨江淮而爲省古人經畫疆理具有深
意是以二百年來未嘗輕議更張若必畫江而
分南北兩省則亦宜畫淮而分南北兩界淮北
如蘇之徐州皖之潁州將割隸何省乎臣愚以
爲疆吏苟賢則雖跨江跨淮而無損於軍事吏
事之興疆吏苟不賢則雖畫江分淮而無補於
軍事吏事之廢此等大政似不必輕改成憲續

聖朝聖略卷三十一

三

又接奉

諭旨垂詢楊岳斌赴任後鮑超謀勇素裕能否勝督
辦之任臣前因江西軍務雖已得手而侍逆未受
大創趨重南贛湖州等股又將續入江西咨商
楊岳斌暫緩赴任茲楊岳斌奉

旨迅赴甘肅自必剋日起程鮑超戰功最偉屢次收
降巨股賊中服其威信自足勝督辦之任惟目

下江西軍務宜分兩路辦理鮑超現駐撫建應責令專顧北路備勦湖州廣德續至之賊劉典等現已併趨甯贛應責令專顧南路追勦侍漶等逆上竄之賊果能分任責成撫臣和衷調度當不必另派督辦而江境亦可次第肅清復欽奉

諭旨飭調派金陵將弁帶精兵萬人由英山一路前

欽定剿平粵匪方略卷三十九

四

進與楚師會合夾擊查前因皖南北邊境喫緊臣卽在金陵抽調朱南桂八營馳赴皖南進勦廣德劉連捷十營朱洪章三營渡過皖北防勦英山調撥甫定不意羅田蕪水之賊已撲犯英山營盤蔣凝學雖疊獲勝仗而糧路梗塞可虞茲幸廣德已克臣飛催劉連捷朱洪章朱南桂三軍悉赴皖北進趨英霍以收夾擊之效

曾國藩又奏冒前臣欽奉

諭旨已革臬司李元度罪重罰輕飭按照所參各情查明具奏臣以此案業經奉

旨交左宗棠查辦臣係原參之員例應迴避因函商左宗棠詳查專奏今幸金陵克復大功顯成臣兄弟叨竊異數前後文武各員無不仰荷

殊恩追思昔年忠難與共之人其存者惟李元度抱

欽定剿平粵匪方略卷三十九

五

向隅之感其歿者尙有數人懷不暝之恨不得不略陳一二上干

聖聽李元度從臣最久艱險備嘗其十年守徽之役到郡不滿十日僞侍王大股猝至兵力未厚府城失陷經臣奏參革職察問其十一年援浙之役余案未結遽行回籍沿途飾報勝仗又不力救杭州經臣奏參革職留營議者皆謂臣後參

援浙最爲允當前恭守徽失之太嚴而內省尙不甚疚所最疚者當咸豐六年春臣部陸軍敗於樟樹鎮江西糜爛賴李元度力戰撫州支持危局次年臣丁憂回籍留彭玉麟李元度於江西聽其飢困阨危蒙譏忍辱幾若避棄而不顧者此一疚也李元度下筆千言本有兼人之才外而司道內而清要均可勝任惟戰陣非其所

聖朝方略卷三十九

六

長咸豐五年自請帶勇十年夏開臣又強之帶勇用違其才致令身名俱裂皆臣不善器使之過此一疚也此二疚者臣累年以來每飯不忘茲因忝竊高爵拜

恩懷舊慚感交并此外如江忠源之將才大有爲於時長江水師雖創於臣而不知其議發於江忠源咸豐三年江忠源在江西圍城中一面奏

請設立江面水師一面函致臣在湖南造船臣以無費未遽造辦厥後江忠源屢次催請救援臣以無船無兵不能應之逮劉長佑江忠濬馳援廬州臣亦不能以一兵相助致廬州淪陷良將不竟其用至今耿耿此亦一疚也原任甯池太廣道何桂珍以翰林出爲道員甫至店埠和春派三百人檄令馳援廬江未及到防卽以救

聖朝方略卷三十九

七

援不力奏參革職其事本極委屈厥後播遷楚皖之交帶團勦賊飢餓艱危歷人聞未有之苦屢稟願隸臣部下雪忠憤臣亦無以應其求而遂其志卒爲人所戕天下冤之此又一疚也咸豐六年臣被困江西與湖南音問不通者八閱月胡林翼奏派劉騰鴻普承堯吳坤修與臣弟曾國華帶勇六千馳援江西苦戰兩月師抵

瑞州從此兩湖始通文報江西始有轉機實惟
劉騰鴻兵力最勁功績最偉次年臣丁憂歸籍
劉騰鴻與臣堅約欲臣迅速回營得所依倚臣
以陳情守制未還江西劉騰鴻因堅城不下餉
項不繼諸事齟齬盼望臣往爲之主持而不可
得抑鬱無聊終日偏城苦攻中礮而亡劉騰鴻
以救臣而來臣反若委之而去不加護惜喪此

聖學聖方略卷第十

八

烈士此又一疾也楚軍之興驍勇以塔齊布爲
最雲南之畢金科次之二人皆能以匹馬入敵
羣賊熟視而不敢偏六年二月樟樹鎮之敗惟
畢金科一隊得完臣旋派令救援饒州畢金科
長跪臣前稟稱孤軍千人不足獨當一面願隨
左右不願遠離臣許以不久調回慰而遣之後
在饒州屢次血戰以事機不順未及保獎又爲

同事所排擠憤鬱飲泣七年正月戰死於景德
鎮饒人憐之臣一言失信隕此長城旣不能善
用以大顯其功名而雲南梗阻萬里又不能寄
金以優恤其父母此亦一疾也李元度屢經臣
劾劾未便再由臣保薦應如何酌量錄用之處
出自

聖學聖方略卷第十

九

聖主鴻裁至江忠源何桂珍劉騰鴻畢金科可否由
臣奏請
加恩之處恭候
訓示奏入

上命議政王軍機大臣傳諭曾國藩沈葆楨曰江南
北現經蕩平亟宜振興文教茲據曾國藩奏稱親
至貢院覆勘至公堂等處及號舍均尙完好惟號
板毀失監臨主考房官等屋片瓦無存現已派員

採辦木料趕緊興修擬於十一月舉行鄉試著卽飭令委員認真經理江甯旗營駐防現存不過八百餘人京口旗兵已挑補足額該大臣擬將江甯滿營概發全餉京口旗營暫給半餉均著照所議辦理旗營兵丁現無屋宇棲止其情形倍極困苦著飭令辦理之員迅卽督工修理無稍延緩至挑閒散京旗補江甯兵額之不足俟營房稍有眉目

聖學聖略卷九十一

十一

卽與富明阿商酌辦理陳廷經前奏變通疆輿一節朝廷卽恐輕議更張未必實有神益該大臣以爲吏事軍事之廢興全在疆臣之賢否似不必輕改成憲可謂要言不煩陳廷經所奏應無庸議江西軍事漸平惟侍濂等逆尙未誅鋤楊岳斌赴任後鮑超與劉典等分辦南北兩路不必另派大員督辦沈葆楨有地方之責著與鮑超等隨時商推

和衷辦理以靖疆圉現在湖州廣德克復餘逆曾否續竄江西曾國藩仍當會同沈葆楨統籌兼顧卽飭令鮑超等分任南北兩路以專責成英山被圍糧路梗塞該大臣卽嚴催劉連捷等迅赴皖北如一時餉項未集卽先到十數營亦可期其得力著卽妥爲區畫務將英霍一帶竄匪剿除淨盡不得少留遺孽江忠源已屢次加恩於朝廷報功之

聖學聖略卷九十一

十一

典亦尙允當此次該大臣所請與何桂珍劉騰鴻畢金科等三員應如何一併加恩之處卽著該大臣查明具奏再降諭旨上又命議政王軍機大臣傳諭左宗棠曰李元度一員前論左宗棠查奏尙未具覆此次曾國藩所奏各情仍著該督詳細查明該道員從前被參罪重罰輕之處是否允當迅速具奏至湖州安吉克復

以後堵逆黃汶金挾幼逆洪幅瑱由績溪一路逃去該督飭高連陞等追剿並令黃少春等軍繞前截擊近日軍情若何此股敗匪向西奔竄必併趨江右以圖勾結著左宗棠嚴令派出各軍前截後追將湖郡逸出之匪悉數就地殲除毋任竄入江境

二十三日辛卯楊岳斌沈葆楨奏言江省自撫建

欽定剿平粵匪方略卷三十九

十一

各屬疊遭蹂躪各軍累月血戰苦與賊持幸提督鮑超許濤一戰摧強寇十數萬羣逆膽寒各城次第攻克又經鮑超收降陳炳汶六七萬衆疊克金谿南豐新城賊燄頓衰自應席全勝之勢期於殲盡臣楊岳斌因親督各軍極力跟追並飭江忠朝王文瑞等繞赴上游以杜紛竄嗣左宗棠以湖州賊勢日蹙調回王開琳一軍紮

開化之馬金王德榜一軍紮婺源之江灣以備兜擊旋據各路探報湖州已經克復乃咨商鮑超暫駐建昌臣楊岳斌力籌兼顧繼准左宗棠咨已嚴飭各軍分路追剿惟賊悍且多廣饒防兵單薄大屬可虞臣沈葆楨飛調席寶田韓進春由南豐馳赴安仁視賊所向合力迎剿並飭劉于濤將駐防豐城之戰船扼守昌江平江水

欽定剿平粵匪方略卷三十九

十二

師駛回廣信以收夾擊之效乃據席寶田韓進春稟報業已拔隊西馳能否折而東趨自應由臣楊岳斌察看西路情形酌量辦理且續據探報賊已棄廣德越甯國分道並進各軍往返終慮緩不濟急茲准鮑超函稱擬由撫州至東鄉探明賊蹤進剿復准劉典咨稱已由甯都拔營前赴婺源得此兩軍東路可保無虞矣奏入

上命議政王軍機大臣傳諭曾國藩左宗棠楊岳斌李鴻章沈葆楨曰江省之賊自許灣敗潰後金谿南豐等城相繼克復賊燄頓衰相率西遁楊岳斌督軍跟追並飭江忠朝等繞赴上游截擊其浙省之賊自湖州克復後已棄廣德赴甯國分道狂竄賊悍且多廣饒防兵單薄甚屬可虞是江省東路尤爲喫緊現在鮑超擬由撫州至東鄉劉典已由

勅軍機處書九十一

十四

甯都拔營前赴婺源卽著該提督等各統所部星馳進擊力挫兇鋒左宗棠李鴻章恪遵前次諭旨督飭派出各軍分路追擊與江省諸軍會合四路兜擒將湖州竄匪盡數殲除侍濂等逆西竄何處必須極力跟追方免滋蔓江忠朝王文瑞業經繞赴上游席寶田韓進春旣已拔隊西行自應探明賊蹤相機勦辦昨據曾國藩奏楊岳斌赴任後江

省南北兩路令鮑超劉典分辦現在劉典已赴婺源其勢不能折而西馳著沈葆楨責令席寶田韓進春等覘賊所向實力截擊如兵力尙嫌單薄卽由沈葆楨酌量調派楊岳斌諒已部署起程沈葆楨身任封圻責無旁貸著會同鮑超劉典等和衷商辦迅圖戡事曾國藩亦當妥籌兼顧以維大局同日富明阿奏言據統領水師總兵吳全美稟

勅軍機處書九十二

十五

稱紅單戰船自咸豐三四年閒先後奉調出師由粵而閩而江十有餘年轉戰三省攻勦頻仍各將士或衝鋒陷陣力竭捐軀或奮不顧身受傷殞命所有死事情形均經隨時稟報分別請卹茲幸金陵克復水師得以凱旋各船遺撤官弁兵勇共慶生還而追念死事諸人未忍聽其湮沒擬捐貲在廣東順德本縣地方建立忠義

祠將歷年紅單船打仗傷亡官弁兵勇均准入祀等情理合轉奏願懇

天恩俯如所請以慰忠魂奏入

上諭內閣曰廣東水師紅單戰船自咸豐三四等年奏調出師由粵而閩而江十有餘年轉戰三省甚爲得力該營將士或衝鋒陷陣力竭捐軀或奮不顧身受傷殞命茲當江甯克復水師凱旋追念前

欽定剿平粵匪方略卷九十一

六

勞殊深憫惻著准其於廣東順德縣原籍地方捐建忠義祠所有陣亡傷故各官弁兵勇並准一律入祀以資觀感而慰忠魂

二十四日壬辰左宗棠奏言據各路稟報該逆由

廣德上竄繞過甯國縣城十里分路僞幼主洪幅瓊僞堵王黃汶金僞祐王李遠繼僞昭王黃汶英僞忠王之子等逆由甯國縣千秋關以出

昌化白牛橋僞借王譚體元僞樂王之子莫桂先僞首王范逆等由甯國縣胡樂司山羊坑以出瀘安威坪約齊同竄徽境衆尙十數萬八月初三日堵逆前隊竄至白牛橋守將劉光明迎勦斃賊多名賊分路進逼營盤副將崔大成等由分水馳至奮擊賊始敗退初五日賊向昱嶺關一帶竄逸各營追擊斃賊數百名是日堵逆

欽定剿平粵匪方略卷九十一

七

後股又至白牛橋總兵羅大春由於潛兼程追及營官楊榮桂直前奮擊總兵劉榮合馳至夾攻賊遂敗走劉光明等各率所部邀截斃賊不計其數據逃出各賊及生擒賊目僉供堵逆黃汶金前在甯國縣七都地方已經白旗紅邊官軍礮子擊穿胸膛昇至昌化白牛橋地方氣絕推倒民屋燹之其弟僞昭王黃汶英帶領其衆

踉蹌西行僞僭王等逆由胡樂司山羊坑竄至
黃石潭總兵劉明燈馳赴瀘安之威坪截擊黃
少春亦派道員李耀南等馳至威坪次日賊偪
距威坪五里之蜀口衆約三萬餘周紹濂等出
蜀口之右張福齊等出蜀口之左李耀南劉明
燈等居中副將唐連勝率師船沿河排礮轟擊
數路齊進立斃悍賊數百名賊隊大亂官軍乘

聖學聖略卷百九

十六

勢砍殺又斃賊千餘追至洪橋僞僭王譚體元
麾衆死拒黃少春復督中營總兵楊芳桂馬隊
馳至縱擊羣賊奪路狂竄譚逆騎馬而逃官軍
追及斬之各營計陣斬僞樂王之子莫桂先等
大小賊目一百五十餘名殺斃轟斃及自相踐
踏死者約六七千人生擒僞天軍佐將趙四舉
等賊目二十餘名長髮悍賊千餘名拔出難民

萬餘此股漏網無幾僞昭王黃汝英大股於初
九日由昱嶺關竄至黃石潭一帶黃少春當飭
各營嚴扼衝要次日黃汝英率大股悍賊由蜀
口凹嶺擁擁而來一撲李耀南營壘一衝河上
灘營壘其李遠繼一股由蜀江之左撲周紹濂
等營盤僞王宗黃逆一股由洪橋頭抄出河上
嶺當經黃少春等擊退時劉明珍及溫處道魏

聖學聖略卷百九

十九

喻義各率所部馳至李耀南等出壘衝殺一齊
猛擊賊勢不支紛紛敗北黃汝英手刃退後數
賊挺身督戰遊擊盧華勝等奮勇直前立將黃
汝英砍斃官軍四面蹙之羣賊敗潰殺賊數千
生擒長髮悍賊數百名臣查堵逆黃汝金經各
營追剿盡傷身死各處稟報與賊供相符當飭
昌化守將劉光明赴白牛橋掘屍剝梟以昭確

實堵逆遣其弟偽昭王黃汝英護幼逆洪幅瑱
踞廣德此次經官軍檢斬則幼逆在此一路可
知前奏稱偽值王者係屬訛傳現並獲其偽印
知黃汝英確卽昭逆據金陵同逃之賊供稱幼
逆逃去時將頭髮鬣髮裝扮洋人希圖濶竄已
密飭諸軍留心物色不令漏網其輔逆楊輔青
前在湖州薙髮潛赴上海臣已密致江蘇撫臣
飭屬搜捕現計逆首尙存者惟洪幼逆及李遠
繼人數尙不下四五萬臣已疊飭各將領勉力
圖之以期悉數殲除此次各軍躡蹤緊追迎頭
截剿皆能不憚勞瘁迅赴戎機尙屬忠勇可嘉
所有提督黃少春等相應請
旨先予獎勵俟此股竄匪全行剿滅再由臣奏請優
獎其力戰陣亡之都司滕雲山應請

欽定剿平粵匪方略卷九十九

三

飭部照例議卹其餘陣亡各弁容俟查明彙奏請卹
同日徐宗幹奏言臬司張運蘭一軍於七月初
一日派道員張恆祥等管帶隊伍自南雄州拔
營起程由江西信豐長甯馳赴嘉應州取道入
閩該臬司由粵省航海來閩於七月二十八日
抵省計所部勇丁三千餘名此時可抵汀境該
司卽日出省前赴邵武防所一面迎提全隊駐
紮汀郡與康國器會商調度相機出關迎剿並
查探江右軍情如建甯汀州各府屬要隘仍須
分軍扼禦應俟到防後籌辦
徐宗幹又奏言據康國器稟稱該逆自受創後
分踞新城縣之黃沙渡等處康熊飛連日會同
昭武各軍分投進擊將黃沙渡賊壘十二處次
第剿平該逆節節敗走退入新城閉關死守康

欽定剿平粵匪方略卷九十九

三

熊飛復會同林本等疾抵城下潛派趨捷健勇出其不意殺斃東門守城賊匪斬關直入羅洪標亦率軍由黃土關掩至南門鮑超部下馬隊亦到該逆驚惶失措盡越西城由石溪頭向南豐大路逃去臣仍飛飭該軍會合江西官軍跟蹤追剿均奏入

上命議政王軍機大臣傳諭曾國藩左宗棠李鴻章

欽定四庫全書

三

沈葆楨徐宗幹曰堵逆黃汶金由廣德繞過甯國分竄昌化溇安等處疊經官軍擊敗並殲斃黃汶金黃汶英等逆黨甚多勦辦甚屬得手惟洪幼逆及偽祐王李遠繼等尙在稽誅人數不下四五萬著左宗棠督飭諸軍盡力搜剿毋留餘孽以竟全功同膺懋賞黃汶英旣與洪幅瑱同逃洪幼逆必在溇安一路據獲賊所供洪幼逆逃去時將頭髮

髮髻裝扮洋人希圖潛竄左宗棠已令諸軍物色著卽密飭購捕務在必獲並傳諭各營將弁如獲得洪幼逆必仍破格重賞斷不可任令免脫輔逆楊輔青已由湖州薙髮潛入上海著李鴻章派妥員密速擒獲該撫當慎以圖之黃汶金逆屍是否瘞於白牛橋側著於掘驗後由左宗棠隨報附奏浙江餘逆恐勾結前竄江西各逆聯爲一氣曾國

欽定四庫全書

三

藩沈葆楨當遵照歷次諭旨飭諸軍截剿不可稍涉大意張運蘭所部勇丁已可行抵汀境著左宗棠徐宗幹卽催該臬司剋日出省前赴邵武防所迎提全隊擇要駐紮與康國器會商出關兜剿仍令查明建甯汀州各屬要隘及江西各路軍情多設偵探嚴密堵禦新城之役前據江西奏到情形甚略亦未提及閩軍出力各情徐宗幹轉據康國

器稟稱康熊飛率勇將黃沙渡賊壘十二處次第
剿平賊退入城康熊飛會同林本等直抵城下斬
關直入鮑超部下馬隊亦到該逆驚惶失措越城
由石溪頭向南豐大路而去其情形是否確實仍
著沈葆楨徐宗幹會同查明具奏

上諭內閣曰浙江湖州敗賊由廣德分竄堵逆黃汶
金一股竄至昌化縣白牛橋地方經守將劉光明

欽定剿平粵匪方略卷九十九

三

等率隊迎剿檢斬甚多黃汶金經官軍擊斃其偕
逆譚體元等一股竄近滄安縣蜀口地方經黃少
春督軍分路進擊追斬譚體元及僞樂王之子莫
桂先等大小賊目一百五十餘名昭逆黃汶英大
股復由蜀口凹嶺撲營黃少春督軍猛擊遊擊盧
華勝衝入賊隊將黃汶英砍斃羣賊潰敗剿辦甚
屬得手著左宗棠督飭各軍乘勝進剿將餘匪悉

數殲除所有尤爲出力之提督黃少春著賞給該
員三代從一品封典總兵劉明燈楊芳桂均著賞
加提督銜道員李耀南著賞加鹽運使銜都司伍
先申著以參將仍留浙江補用遊擊盧華勝著以
副將留於閩浙補用外委孔行斌著以守備補用
並賞換花翎副將劉端冕著賞加總兵銜陣亡都
司滕雲山著照例議卹

欽定剿平粵匪方略卷九十九

三

二十五日癸巳官文奏言東竄賊匪大股麇集斬
水羅田延及蕪州爲數甚衆踞險抗拒自蕪水
之大界嶺小界嶺月山蕪羅交界之鴨子畝駱
駝坳並羅田東西北三鄉仁聖寺等三十餘處
崇山峻嶺逆匪如毛綿亙二百里八月初六日
賊犯蕪水所屬之太平橋要隘成大吉揮隊迎
擊賊始敗竄初七日成大吉復督馬隊並令營

官帶兵分途往察大小界嶺山勢賊衆出月山抄我後路馬隊乘勢橫出截殺多名該逆死拒大小界嶺月山等處牽掣多方其負嶠駝駝坳鴨子畝一帶者謠詐亦率類此臣通籌地勢賊情惟有分攻要隘使賊不能乘我之隙庶可保全腹地當飭成大吉富森保石清吉由大小界嶺月山進剿斬水之賊譚仁芳楊朝林由鴨子

聖朝方略卷三十一

三

駝駝坳進剿羅田之賊並飭李成謀率所部馳赴麻城相機進剿周鳳山一軍及殺桓兩營扼守團陂唐協和扼紮上巴河一面飛飭皖軍藩司劉連捷穩顧安慶門戶由宿松太湖一帶扼要迎剿提督朱洪章由桐城潛山進兵蔣凝學就英山截擊至水路各要隘有總兵左光培等扼紮下巴河分防田家鎮武穴龍坪一帶聲

勢尙屬聯絡楚皖江面似可無虞至由黃安北竄光山股逆經僧格林沁擊剿西竄羅山縣屬之太平寨等處八月初三日直撲孝感縣屬之三里城一帶臣據各路探報該逆雖出光山仍欲乘閒窺伺黃孝應德垂涎隨聚各寨若楚邊無懈可乘卽由羅山信陽圖犯南陽當經臣豫派藍斯明四營馳赴三里城扼防並飭姜玉順

聖朝方略卷三十一

三

蕭河清常星阿蘇倫保溫德勒克西馬步各軍由河口抄出徑赴三里城德孝等處內顧楚疆外與豫軍會剿仍分派隊伍馳赴武勝關偵探豫軍及僧格林沁所部現在何處卽由何處出境夾擊復令守備黎澤庚督水師礮船駛赴孝感三汊口一帶巡防並飛咨河南撫臣速派勁旅扼截羅山信陽通南陽之路並馳赴九里關

會同姜玉順等軍併力合剿又飭趙克彰三營駐守德安防信陽竄應山之路據探北竄之賊不過數萬且經僧格林沁擊敗剿辦當易得手臣已於八月十三日馳抵黃州以下就近督飭各軍趕緊剿辦斬羅之賊並布置水陸要隘料理前敵軍火糧餉以備越境跟追奏入

聖朝方略卷九十一

三

上命議政王軍機大臣傳諭僧格林沁官文曾國藩喬松年張之萬曰鄂省東竄賊匪屬聚斬羅交界之大小界嶺等處依山踞險綿亙幾二百里雖經各軍分路環攻而賊情狡譎迄未大受懲創官文現飭成大吉等分由大小界嶺月山進剿斬水之賊譚仁芳等分由鴨子畝駱駝坳一帶進剿羅田之賊李成謀馳赴麻城周鳳山扼守團陂布置尙爲周妥卽著官文嚴飭諸軍會同蔣凝學等由英

山境剿之軍實力進攻務將該逆就地殲除毋任蔓延爲患如逆黨被創奔突仍飭諸軍躡蹤追剿不准稍分畛域並著曾國藩飛飭赴援之劉連捷朱洪章及續派各軍分由宿松太湖及桐城潛山一帶進兵會合蔣凝學等軍嚴遏英霍竄匪相機迎剿毋徒株守本境喬松年卽飭英翰等實力會剿迅殲醜類其由黃安北竄光山股匪復竄羅山

聖朝方略卷九十一

三

境內並撲李感縣屬之三里城現據官文探知該逆仍欲乘隙窺伺黃孝應德圖犯隨棗一帶如楚邊無懈可乘卽由信羅直犯南陽官文另派姜玉順蕭河清常星阿蘇倫保溫德勒克西馬步各軍由河口抄出賊前徑赴三里城德孝等處與豫軍會剿仍分撥隊伍馳赴武勝關探明豫軍及僧格林沁之軍現紮何處卽由何處出境夾擊卽著僧

格林沁迅速催赴光羅一帶協剿竄匪其羅山信陽毗連南陽各要隘著張之萬選派勁旅加意防維毋任匪蹤闖入並迅派得力步隊前赴僧格林沁軍營以資調遣成大吉李成謀等步軍仍著官文隨時酌度軍情如蕪羅賊勢少衰可以抽調出境即迅飭繞出羅山之前與僧格林沁等軍前截後追以收夾擊之效黃孝應德各要口並著官文

聖朝聖訓卷九十一



飭派出防軍嚴密遏截毋稍疏懈

二十七日乙未魁玉奏冒鎮城一軍業經遣撤誠

恐游兵散勇滋生事端現經撫臣李鴻章派道

員張樹聲管帶樹字六營來鎮接防臣自當督

飭旗綠兩營會同巡防彈壓斷不敢稍涉大意

奏八報

聞

欽定勦平粵匪方略卷三百九十一 甲子年

九月初一日己亥李鴻章奏言據劉銘傳等報稱

自七月二十九日廣德克復後三十日黃汝金

率賊三萬餘人由四安直趨廣德東門蓋猶未

知城賊已走也經周盛波等出擊賊大駭潰竄

劉銘傳等率黃桂蘭張志邦等躡蹤緊追在孝

豐縣界之劉村遇賊鎗斃數百八月初二日劉

聖朝聖訓卷九十一



銘傳伏兵山谷中復斬賊解散二千餘人黃逆

尚在後隊劉銘傳親率槍隊追尋蹤跡山凹中

忽出悍賊二千餘人攔放排槍劉銘傳奮力迎

擊賊由山僻小路且戰且走追十餘里峻嶺崎

嶇時已日暮遂即收隊其攻克四安之道員吳

毓芬於七月二十八日探知梅溪賊股繞出即

親率吳毓蘭等嚴陣以待五鼓賊來四安官軍

突起擊之賊狂奔折回我軍乘夜追十餘里二十九日黎明及之賊皆棄械跪降解散約四千餘人三十日復帶隊搜山又散去四五千人適浙江藩司蔣益澧督隊前來商由浙軍駐守吳毓芬遂回長興 臣查各路軍報踞廣德之黃汝英若挾洪幼逆出竄則二十九日已入甯國縣界早赴績溪而去堵逆黃汝金三十日始由梅

聖皇聖略卷九十一

二

溪山中折回廣德與幼逆已不能合又經我軍迎頭痛擊據劉銘傳報稱獲賊訊供僉稱堵逆黃汝金槍斃於陣埋屍甯國縣洞黃汝金在賊中最爲兇悍既經伏誅黨與無多兇燄大減左宗棠已飭調多軍分由江皖楚剿似可漸次撲滅 臣軍現在分布廣德建平東壩溧陽宜興等處仍酌察動靜相機調度

李鴻章又奏言 臣部陸軍六萬餘人需餉甚鉅 臣抵滬時薛煥吳煦皆以上海稅捐養現兵五萬斷斷不敷督 臣曾國藩軍餉尙不能稍分接濟此外撥款更無絲毫能給 臣接手後逐漸添營多方購備槍礮用度更繁又值各關收稅大減之際因於釐捐一項加意整頓幸未譁潰而 臣軍去年僅欠四箇月口糧今年已逾八月祇

聖皇聖略卷九十一

三

發過四箇月之餉僅及半關 臣惟激勵各軍忍飢血戰不敢瑣屑上聞自去冬以來金陵攻剿喫緊准督 臣咨令月撥四萬兩 臣卽督同滬上司道按月勉力分濟鎮江每月三萬則解至今年夏閒爲止今全省雖就肅清而被擾各屬人民稀少田野荒蕪 臣日謀所以招墾撫恤之方猶苦無款可籌何忍於災

區再加股削以是拓土雖廣而用財更多取利益薄竊恐外閒不知輒謂肅清省分可以指撥要款此臣不能不豫爲陳明者也至江西餘氛未除有鮑超左宗棠各軍分投追剿自應無須添兵臣軍暫守境上如一兩月後賊無回竄信息當分別裁撤酌留隊伍三萬人以資扼守藉可節省餉需奏入

欽定四庫全書

四

上命議政王軍機大臣傳諭曾國藩左宗棠李鴻章曰據李鴻章奏劉銘傳等因廣德克復後卽率黃桂蘭等三路追剿賊匪殲斃解散者甚衆黃汶英挾洪幼逆竄赴績溪一路堵逆黃汶金已槍斃於陣前據左宗棠奏黃汶英亦經殲斃洪幼逆及僞肅王李遠繼尙在稽誅左宗棠當仍遵前旨督飭諸軍密速購捕並將逸出之賊分路搜拏務期悉

數殲除幼逆究竄何處是否殲斃及輔逆逃往上海是否確實均著左宗棠李鴻章查明具奏李鴻章派出各軍已分布廣德建平東壩溧陽宜興等處卽著飭令扼要嚴防如浙皖兵力不敷勦辦仍著派兵出境會剿以期迅速蒞事藉固蘇省藩籬李鴻章又以蘇省餉需艱窘擬於陸軍六萬人內分別裁撤酌留三萬人以資扼守所奏固爲節省餉需起見第辦理稍有未善深恐流弊滋多况現在用兵省分招募勇丁者尙多與其募已散之勇辦理殊費周章不如就未散之勇令原管將官統帶回籍如經過募勇省分卽可截留應用否則酌量何省需用卽撥往何省如此辦理既無慮沿途擾累又可免各省零星招募之煩係一舉兩得之事此項勇丁卽或募勇各省不能全數留用而帶

欽定四庫全書

五

回原籍遣散較之隨地遣散亦屬妥協以上各節
著曾國藩左宗棠李鴻章斟酌情形妥籌辦理江
皖一帶防兵足敷扼守金陵一軍即可派至皖北
會剿楚皖各界之匪庶兵力厚集易於得手並著
曾國藩等迅速籌辦

初二日庚子楊岳斌沈葆楨奏言據提臣鮑超咨

稱記名提督唐仁廉自克復南豐後由金谿西

欽定剿平粵匪方略卷九十一

六

鄉進剿瀘溪之賊該匪踞山列陣以待唐仁廉
率吳雲集曾成武萬守根黎光照等包抄掩殺
共斃賊千餘名生擒一百餘名一路搜剿而進
敗匪向新城一路竄去瀘溪縣境一律肅清七
月十六日由瀘溪拔營進剿新城丁汰洋已率
悍賊布滿山谷唐仁廉等分路齊進轟擊兩時
之久殲斬悍黨多人追殺十餘里突遇伏賊萬

餘人敗匪亦俱回戰曾成武等愈戰愈奮賊勢
不支伏賊亦潰是日丁逆厚集悍黨層層設伏
我軍以少擊衆所向無前先後共斃四千餘人
是日提臣鮑超已馳抵建郡探知偽利王朱逆
業已逃竄追至距城十里之甸泉聞城中之賊
已由南門潛遁即督催各軍馳至縣城當將新
城縣城克復唐仁廉等復沿途斃賊無數計兩

欽定剿平粵匪方略卷九十一

七

日共斃賊六千餘名生擒長髮老賊八百餘名
內有偽天將陳玉林等八十三名均即正法據
獲逆供稱偽祥王黃逆斃於亂軍偽利王朱逆
帶傷先遁隨探得該逆敗後遁入閩境旋分數
股圖與前路敗匪相合復派唐仁廉吳雲集等
乘勝追殺直抵長山計斃賊三千餘名生擒五
百餘名又據署甯都直隸州知州郭毓龍稟稱

宜黃竄匪圍攻州城經守備賴永福等隨機抵禦斃賊一千餘人復獲放火奸民彭立春正法該逆知內應已失追師將至始竄向雩都而去在城文武督師追擊復斃多賊甯都業已解圍又據王文瑞稟稱逆匪自甯都解圍後即竄陷雩都縣城我軍於八月初一日馳到未及築壘賊已偃旗息鼓而來我軍迎頭痛勦賊勢大敗

聖朝聖略卷之十一

八

由浮橋過河竄往信豐一路當將雩都收復查鮑超一軍冒暑轉戰連摧巨股王文瑞抱病遺行較諸軍獨為先至亦屬辛苦此次在事出力及甯都守城人員可否容臣等擇尤請獎出自高厚鴻慈其陣亡之都司陳明德等力戰捐軀深堪憫惻謹分別開列仰懇

天恩飭部從優議卹以慰忠魂再臣楊岳斌於八月

十二日行抵贛州府城沿途督戰合併聲明楊岳斌沈葆楨又奏旨查逆首李侍賢在崇仁被擊敗遁左膀已受礮傷復糾合宜黃敗匪竄撲甯都州城南豐敗匪旋亦踵至均為該州防師擊退復竄陷雩都縣城又為吉南贛甯道王文瑞擊走遂遁往信豐縣境時江忠朝一軍適在贛城以信豐與南安處處毗連即飭徐生德

聖朝聖略卷之十一

九

等率部往援該逆見東路防守嚴密繞由廣東南雄州邊境突犯南路之新路口直撲南安府城徐生德等隨即趕到臣楊岳斌亦行抵贛郡督飭各軍分投援勦該匪遁入金谿縣城其康逆汪海洋與黃龍雲朱愚澀等逆經鮑超率師追擊大戰四次賊始敗遁現踞瑞金縣境地通會昌大路亦經臣等飛調席寶田韓進春等營

兼程進剿毋任他竄臣楊岳斌先於八月初三日路經甯都與劉典晤商以江西賊勢漸衰亟宜分兵籌防皖南劉典毅然請行遂令率領所部暨王開琳等營同赴徽甯與該二郡防師擇要力守鮑超所部自抵江以來連次血戰營官多受重傷卽令暫駐建昌藉資養息既可防瑞金各匪被擊回竄並可堵截湖郡逆眾西竄奏

欽定剿平粵匪方略卷九十一

十一

八

上命議政王軍機大臣傳諭曾國藩左宗棠楊岳斌毛鴻賓沈葆楨惲世臨郭嵩焘曰據楊岳斌沈葆楨奏鮑超派唐仁廉由金谿西鄉進剿瀘溪之賊敗匪向新城竄去瀘溪一律肅清鮑超探知濂逆汪海洋與利逆朱恩隆等屬聚新城遂親率馬步各隊奮力克復又復追剿大勝陣斃賊目甚多宜

黃竄匪圍攻甯都州守備賴永福等與在城文武擊退州城解圍賊陷零都王文瑞率勇力戰收復均屬奮勉在事尤爲出力及甯都守城各員均著楊岳斌沈葆楨擇尤保奏陣亡之都司陳明德等二十七員均著交部從優議卹逆首李侍賢前在崇仁被破擊傷左膀嗣又糾合宜黃敗匪竄撲甯都並陷零都爲王文瑞擊走遂遁往信豐縣境因

欽定剿平粵匪方略卷九十一

十一

江忠朝一軍在東路防守嚴密復繞由廣東南雄州邊境突犯南路之新路口乘隙撲南安府城江忠朝令徐生德先往援剿楊岳斌現亦抵贛著卽督飭各軍兜擊務須殲厥渠魁以次掃除羣醜該處與廣東處處毗連如有逸匪入粵著毛鴻賓郭嵩焘派兵扼要設防遇賊卽擊汪海洋在新瀘等處經鮑超督軍追擊四次敗遁現踞瑞金縣境該

縣通會昌大路著楊岳斌等飛飭席寶田王文瑞
兩軍兼程前進毋任再有他竄皖南之防最為緊
要楊岳斌等已派劉典率所部暨王開琳等營同
赴徽甯擇要扼守該處本有防兵現在洪幼逆等
仍在皖浙之交冀圖負嵎死拒左宗棠已派兵窮
追著卽懷遵疊次諭旨飭諸軍認真搜剿曾國藩
當飭皖南守將會江浙諸軍合力殄除爲一勞永

聖朝聖略卷之十一

三

逸之計鮑超一軍卽令暫駐建昌防瑞金各匪回
竄並堵湖州餘逆窺伺西路以竟全功楊岳斌已
屢諭馳赴陝甘總督新任江西各路未竟事宜卽
交沈葆楨鮑超劉典等妥爲籌辦贛江與湖南一
水可通恐該匪意圖竄往該省著惲世臨督飭地
方文武認真籌辦防剿毋令闖入

初三日 辛丑 官文奏旨斬羅賊匪依山盤踞分股

竄擾羅田之東西北三鄉經 臣檄飭成大吉等
分路進剿八月十四日成大吉自太平橋移營
進紮該逆大股由大界嶺山長嶺岡之東截我
後路成大吉派六成隊接仗自率親兵馬隊馳
出大界嶺橫截立斃悍賊多名逆衆紛紛四散
因山勢險峻不能深入收隊回紮於斬羅接界
之白蓮河十五日該逆糾集大股悍黨漫山徧
野而來成大吉令王馥廷等當左路由蔡家河
白蓮河進以王名滔爲接應曾昭仕等當中路
循月山進以張運馥爲接應胡以章等當右路
向大界嶺小界嶺進成大吉自率親兵馬隊馳
至長嶺岡列陣迎擊賊分犯中左兩路王馥廷
曾昭仕等俟其近前以劈山礮擊之斃賊數十
名王名滔張運馥率隊助戰張運馥衝入賊陣

聖朝聖略卷之十一

三

槍斃賊目數人賊勢漸退曾昭仕等即由中左兩路斜出短兵相接該逆譁然潰散當中左兩路酣戰之時右路之胡以章等已與大小界嶺賊接仗逆首吳義汰等見中左兩路賊勢不支率黨由月山之後轉出長嶺岡合股來助成旗亭李克儉等帶隊排列山坡左右成大吉督親兵馬隊嚴陣以待忽見馬融和大股自山頂直下成大吉激勵將士竭力決戰各軍齊聲喊殺該逆死拒不退是時曾昭仕等抽撥馬步抄賊之後成大吉迎頭痛擊該逆兩面受敵奪路敗走我軍奮勇疾追敗逆鼠竄入山自相踐踏沿途賊屍枕藉直追出大小界嶺時已酉刻收隊而回是役也四路共計斃賊二千餘名傷賊無算是日石清吉由蘄水移營逼近英羅地界該

勦平粵匪方略卷三十一

十四

逆乘隙來撲石清吉趕修營壘該逆未得逞志十六日逆眾復來窺伺我營尾隊在後刈穀石清吉令馬步由僻徑繞赴大坳冲一擁而進該逆猝不及防分路狂奔我軍斬擒甚多羅田之賊於八月十七日出千餘人竄至黃泥塘地方署知縣王臣弼等派勇迎勦殺斃悍逆多名訊據逃賊供稱七區之賊勢頗窮蹙備有行糧勢將遁走臣已飛飭成大吉等乘勝約期再舉與皖軍夾擊就地殄除並調楊林梁洪勝兩軍進勦駱駝坳之賊又調李成謀七營駐紮松子關扼守北路以勦為防周鳳山與毅桓兩營扼守團坡策應各路近聞英山之賊分股由打虎廠圖竄蘄州之陳德園等處即飭譚仁芳由長嶺岡就近移紮張家塆力保蘄黃門戶至竄往羅

勦平粵匪方略卷三十一

十五

山逆匪由朋興店潘興店擾至易家棚離三里城十五里時藍斯明步隊常星阿等馬隊甫經到防前往易家棚進剿該逆聞風即遁提督蕭河清馳抵大新店因三里城兵單扼紮其後該逆知有重兵連夜向羅山屬之興隆店龍溪鎮東北竄走蕭河清等探知該逆竄光息交界之剝皮河壘斗關勞山一帶三里城業已肅清僧

聖朝聖略卷三十一

七

格林沁現已馳抵羅山縣之南關外當可派兵迎剿臣當酌度情形抽調二三起勇隊或馳赴東路或防扼黃麻北路至姜玉順一軍仍令紮武勝關與三里城彼此接應以昭周密同日張之萬毛昶熙奏言端逆藍城春勾結馬融和等股圖竄皖境八月初三日張曜督率營官羅輔臣等猛撲賊營該匪蒼黃抗拒我軍已

入城壘斃賊無算初四日該匪糾股來犯張曜派隊迎剿擊敗北哨賊隊南哨之賊不戰而遁各軍併力緊追至東嶽廟收隊初六日張曜督隊至佛子嶺進剿又派楊繼才一營在湯家匯扼擊該逆首尾不能兼顧初九日行至東嶽廟偵知賊向東竄直趨六安之毛坪流波礮一帶是日英翰率軍進攻胡家店賊眾敗奔正遇張

聖朝聖略卷三十一

七

曜之軍攔頭截剿該匪不敢停留向流波礮竄去查該逆東奔六安因偵知金陵已復又折回流波礮正南之漫水河地方盤踞趨向未定是竄皖之匪仍須防其竄豫其西路股匪賴汝洸等竄踞倒座灣經陳國瑞等軍督隊進剿已退至麻城之界嶺日漸南奔有與扶逆等股合併之意臣張之萬臣毛昶熙兩營馬步均先後撥

赴前敵俾與僧格林沁馬隊相輔而行惟自各營出境援剿以來轉戰半年罷於奔命將士勞困已極傷損實多遇有緊急臣等兩營實無可調之隊祇可就前敵現有之兵稍加整頓仍飭令聽候僧格林沁調遣以期迅殄寇氛均奏入上命議政王軍機大臣傳諭僧格林沁官文曾國藩喬松年張之萬毛昶熙曰據官文奏斬羅賊匪由

聖朝方略卷九十一 六

大界嶺出長嶺岡之東截我後路八月十五十六十七等日經成大吉石清吉等迎剿匪勢窮蹙昨據僧格林沁奏該逆竄入楚境麻城黃安應山一帶路路可通是該逆游魂無歸現在分路狂奔尙無定向著官文檄飭成大吉與富森保石清吉等軍約期再舉乘勝進攻勿留餘孽如該逆竄出山險卽著曾國藩喬松年督飭皖軍兩面夾擊協力

掃蕩俟賊蹤竄近平原馬隊可以施展並著僧格林沁督軍堯勦悉數殲滅毋令再行紛竄英山之賊有分股由打虎廠圖竄蘄州之陳德園等處之信著官文卽飭譚仁芳由長嶺岡移紮張家塆嚴密防守以固斬黃門戶並著曾國藩喬松年飭令英山防軍跟蹤追躡以期聚而殲旃羅山賊匪由朋興店潘興店擾至易家棚因蕭河清等軍踵至

聖朝方略卷九十一 十九

該逆知有重兵連夜向羅山竄走並據探該逆皆竄光息交界之剝皮河墨斗關勞山一帶僧格林沁現駐羅山之南關外正可派兵迎截並著張之萬毛昶熙選派勁旅會籌勦洗前諭曾國藩如不能赴安慶卽派彭玉麟曾國荃等酌量帶兵分駐上游將來曾國藩由安慶赴金陵後應否卽令曾國荃移紮上游以資控扼之處卽著懷遵前旨酌

量具奏據張之萬毛昶熙奏勦辦東路股匪獲勝
六安之賊復圖回竄西路之賊南竄麻城與僧格
林沁官文所奏略同既據張之萬等奏稱將士出
境援勦轉戰半年傷損實多所部兩營實無可調
之隊即著張之萬毛昶熙就前敵現有之兵力加
整頓飭令聽候僧格林沁調遣實力防勦毋任回
竄仍一面將添募練勇迅速訓練成軍以厚兵力

聖朝聖旨卷九十一

三

官文又奏冒查本任湖北提督江長貴業經到
任顏朝斌交卸署篆應即回籍補孝臣查顏朝
斌曉暢戎機戰功歷著在提督署任講求戰守
深得兵心且於湖北地方情形最為熟悉合無
仰懇
天恩飭下四川督臣俟顏朝斌回籍補孝百日居滿
即令赴鄂隨營藉資熟手

聖朝聖旨卷九十一

三

同日李雲麟奏言查蔡啟兩逆自陝北入山不
過萬人沿途裹脅又將二萬及竄至襄城所屬
之彌勒院地方經官軍四面兜勦賊眾大敗逃
散萬餘所餘僅悍賊數千人已竄入甘肅之階
州西和縣等處撫臣劉蓉所部合曹克忠一軍
共有二十餘營俱已追至甘界湘果兩軍早經
四川督臣駱秉章調紮陽平關朝天關等處與
陝省追兵兩面夾擊賊勢已窮不難殲滅
臣遵於八月十四日飭各營即由城固折回興
安以便酌量遣撤近日劉蓉已解到銀一萬一
千兩臣即以此項將殺健左右各營先遣回鄂
其餘殺健中前後三營暫紮秦楚交界之漫川
關一面咨明劉蓉速飭糧臺再籌一萬兩此三
營即可全數遣回其隴軍歸化歸義各營臣擬

於楚軍未遣之時先期一併遣撤以免後患至
臣有飛捷親兵一營亦可裁撤楚軍久在秦地
水土多不相習劉蓉曾與臣商酌必須就地募
練惟有建安正後各營勇丁俱係山南之人留
之足顧興安門戶將來用於秦地亦甚相宜但
下游之賊如果回竄則興商一帶兵力太單難
期堵禦臣當親赴省垣與劉蓉穆圖善妥爲籌

欽定剿平粵匪方略卷九十一

三

酌以期防範周密

李雲麟又奏言臣寒暑積勞染患血證比在漢
中途逢久雨風溼交加勢益加劇現在陝中軍
事經穆圖善劉蓉和衷辦理綽然有餘合無仰
懇

天恩俯念臣病日久

賞假數月俾得回旗調理一俟病勢略痊自當勉竭

犬馬之勞決不敢稍耽安逸均奏八

上命議政王軍機大臣傳諭略乘章劉蓉曰蔡啟兩
逆自陝北入山屢經官軍擊敗現竄甘肅階州之
西和縣等處劉蓉所部各營已追至甘界並經略
乘章調湘果兩營扼紮陽平關朝天關等處防剿
賊勢已蹙惟甘肅階州文縣一帶在在與川省毗
連深恐敗匪銜險關入蜀邇著略乘章劉蓉督飭

欽定剿平粵匪方略卷九十一

三

諸軍盡力夾擊務將蔡啟餘匪就地殄除毋任再
行紛竄至李雲麟所部之軍除業經籌給餉銀遣
撤回楚外現留毅健中前後三營暫紮陝楚交界
之漫川關並隴軍歸化歸義兩營李雲麟擬卽全
行遣撤著劉蓉悉心籌畫現紮漫川關之毅健三
營或須留防陝楚毗境或可籌給餉項卽行遣回
均卽迅速酌辦並飭李雲麟將隴軍妥爲遣撤毋

令滋生事端李雲麟移交劉蓉管帶之三營並水軍等尚有若干人均著劉蓉派員統帶妥爲調度興商一帶如尙須派兵扼防並著劉蓉妥籌兼顧蔡啟二逆勢已窮陝軍現已追入甘境近日勦辦情形若何著一併迅速具奏本日據官文奏請飭總兵顏朝斌赴鄂隨營著駱秉章傳知顏朝斌於補行穿孝百日屆滿卽行馳赴湖北軍營隨同

聖學聖學書卷九十一

十一

官文辦理防剿

上諭內閣曰李雲麟以候補郎中經朝廷不次超擢以四品京堂候補辦理陝南軍務宜如何實心任事奮勉圖功力求報效乃自到陝後迄今一年有餘於一切防剿機宜所行不逮所言毫無成效茲復以寒暑積勞率行告病遽請回旗調理殊屬有負委任李雲麟著革去四品京堂卽行回旗仍以

郎中候補用示薄懲

同日左宗棠奏冒賊竄瀘安威坪蜀口等處官軍截剿疊勝羣賊退踞瀘安所轄唐村黃金嶺一帶意欲越嶺竄逸八月十四日昧爽黃少春飭副將張福齊等率所部夾徽港而上會合遊擊黃元吉各營分路齊進縱橫決盪鏖戰踰時賊勢不支紛紛潰竄官軍乘勝追殺陣斬及墜

聖學聖學書卷九十一

十一

崖死者約四五千名生擒數百名拔出難民萬餘追至歙瀘交界之門嶺始收隊還時劉榮合等四營亦由昌化躡蹤追至將沿途尾賊搜斬淨盡其前隊五千餘人已由歙境大洲源繞山建口過河十五夜逆賊大股復由建口涉淺渡過萬餘人其未過河者尙不下二萬人正向上下兩灘搶渡劉明燈張福齊等各隊繞出賊後

分路夾擊適皖南鎮總兵唐義訓所部亦由歙南馳至四面兜殺逆賊無路奔逃陣斬偽列王邱國汶等多名其餘被勦窮蹙乞降者約六千餘人餘逆向績溪一路翻山遁去者僅數百名後路已無賊蹤其先由歙境建口渡河一股亦經黃少春率營進勦殺賊無算餘衆悉赴黃少春軍前乞降現已分別酌留遣散勿令滋生事

欽定剿平粵匪方略卷三十一

奏

端其祐逆李遠繼自甯國敗竄後收合殘黨千餘此次聞劉得義投誠其黨一聞而散李遠繼隻身遁走現洪幼逆等已繞由遂安昏口一路逃竄黃少春亦卽率部躡蹤緊追官軍可迎頭截擊者尙有駐馬金街之劉明珍一軍駐婺源之王開榜兩軍又准楊岳斌沈葆楨來咨已商令劉典一軍迎勦當可悉數殲除奏入

上命議政王軍機大臣傳諭左宗棠曰追安等處竄賊經黃少春等痛加掃蕩追至歙涇交界地方搜斬淨盡其前隊之賊由建口過河復經官軍分路夾擊擒斬賊目甚多該逆窮蹙乞降者六千餘人其向績溪翻山遁去者僅數百人著仍督飭諸軍奮力追勦以清餘孽投誠之賊妥爲安置前據奏報洪幅瑱將髮髻髻裝扮洋人意圖溷竄現在祐

欽定剿平粵匪方略卷三十一

奏

逆李遠繼因黨與紛散隻身遁走洪幼逆等已繞由遂安昏口一帶逃逸著左宗棠懷遵疊次諭旨檄令劉明珍等軍嚴密購捕務在必獲以膺懋賞斷不可任令免脫祐逆逃往何處並著嚴飭諸軍認真追捕劉典等已由楊岳斌派赴徽甯扼守要隘著卽飭令將此股賊匪迎頭截擊務須悉數殲除毋令再擾江境又成蔓延之勢

初四日壬寅曾國藩奏言自湖州克復賊眾數萬

糾合廣德餘黨分路出竄業經蘇浙各軍兜剿

窮追狼狽已甚其衝至徽甯境內者經甯國守

將劉松山迎擊收降四千餘人悉行遣散旌德

守將易開俊聞警繼進賊之後隊乃由老竹嶺

轉竄歙縣之南鄉徽州守將唐義訓會合易開

俊夾擊斬擒三千有奇餘賊遁向瀆安一路八

月初九日探報老竹嶺有續到之股為偽幼英

王陳逆偽幼忠王李逆及偽幼哮王等人數尤

眾易開俊率隊疾趨沿途跟剿斬斃近千解散

盈萬直追至畢家園而返維時賊之遁向瀆安

一路者已抵威坪為浙軍所扼欲回竄歙境唐

義訓飛飭馬登富等營馳至昌溪扼堵各軍繞

河橫擊賊之中槍墮水者不少餘賊始退往江

村王華雲亦在豹嶺腳大有斬獲先後殲斃大

小會目數十人解散者數千人偽幼哮王並死

於亂軍之中此次易開俊唐義訓等在歙縣東

南併力堵遏大挫其鋒再得一二勝仗可冀就

地殄滅不至貽患江西實屬有裨大局在事出

力員弁應俟皖南全境肅清彙懇

恩施

曾國藩又奏言欽奉

諭旨令彭玉麟駐紮安慶妥籌防剿查彭玉麟習於

水師不習陸戰咸豐十一年蒙

恩簡授安徽巡撫當經上疏固辭具陳大略目下金

陵克復長江雖一律肅清而水師事務繁重自

兩湖以至蘇州江淮湖海港汊紛歧船隻千餘

號蔽位數千尊雖分為四大支而黃翼升係彭

玉麟部下撥出李朝斌係楊岳斌部下撥出惟
二人者可以綜攬全局今楊岳斌奉

旨馳赴甘肅臣管轄之事過多所有長江水師新定
規模不得不責成彭玉麟區畫一切上自岳州
下至崇明旁及兩湖三江境內之湖蕩河汊凡
長江水師提督所轄何處立營分汛何處創立
衙署開設船廠均須彭玉麟周歷巡察議定章

欽定剿平粵匪方略卷九十一

三十一

程由臣與該侍郎暨沿江督撫會奏彭玉麟實
不能專駐安慶亦不能兼顧陸路其安慶省城
防守並善後事宜臣已札飭藩司馬新貽署臬
司何璟記名總兵喻吉三會同妥辦必無疏虞
曾國藩又奏言近日軍情江西侍逆等股竄南
安水城江忠朝王文瑞兩軍趕到尙未擊退楊
岳斌已抵贛州若南贛不清恐難遽赴甘肅湖

州廣德之賊經浙軍徽軍層層追擊縱有零股
竄入江西亦不過數千人得鮑超劉典等軍迎

剿北路當易肅清皖北之英山霍山一片賊氛
蔣凝學雖屢獲勝仗而糧路尙屬梗塞臣現調
劉連捷朱洪章朱南桂等率金陵萬餘人由桐
城進剿英山調李榕王可陞何紹彩三軍八千
人由六安進援霍山有此兩枝大兵皖北亦易

欽定剿平粵匪方略卷九十一

三十一

勦辦臣本擬俟全皖肅清再赴金陵因臣弟曾
國荃病勢增劇下游無人主持定於九月初開
起程駐紮江甯籌辦善後事宜
曾國藩又奏冒據臣弟曾國荃吞稱自金陵克
復後心血虛虧困憊殊甚正當恪遵
諭旨趕緊醫治就痊於金陵一切善後事宜有關吏
治民瘼者加意講求藉資練習乃一月以來延

醫診視日進湯藥病勢有增無減緣怔忡舊患起於心血先虧而成於受勞過甚必須靜養數月醫藥方能見功國荃自揣年力壯盛及早醫治得法尙可復元若此時勉力支撐精神不能周到措置必至乖方惟有顛懇

天恩賞准開缺回籍調理至現在遣散勇丁已近萬人派員照料回籍其餘專俟餉到次第遣撤又

聖恩俯如所請

准

派過皖北者一萬一千人交劉連捷朱南桂朱

洪章統帶已於十二三等日過江馳援英霍其

防守金陵城池及附近要隘萬餘人業已分段

布置國荃別無經手事件惟冀稍息仔肩等情

查會國荃病勢日增幸值撤勇就緒軍務大定

地方又無專責合無仰懇

聖恩俯如所請准會國荃開缺回籍調理一俟病體

就痊卽令奏請銷假入都

陛見跪求

聖訓奏入

上命議政王軍機大臣傳諭會國藩左宗棠喬松年曾國荃曰會國荃偉績豐功朝廷甚資倚畀第櫛風沐雨辛苦備嘗致病勢日見增劇若不俯如所請不足以示體恤已降旨准其開缺回籍所有江

聖恩俯如所請

准

甯省城一切善後事宜卽著會國藩馳往江甯斟酌機宜妥籌辦理安慶地處上游控制皖南皖北

旣據會國藩奏彭玉麟總統水師事務繁重不能

專駐安慶亦不能兼顧陸路安慶防守及善後等

事飭馬新貽等會同妥辦可無疏虞卽著照所請

行皖北英霍等處一片賊氛蔣凝學雖屢獲勝仗

而糧路尙屬梗塞會國藩現調劉連捷等率兵萬

餘由桐城進剿英山調李榕王可陞何紹彩三軍八千人由六安進援霍山有此兩枝勁旅皖北軍務必可得手劉連捷等業於八月十二三等日渡江此時計已到防著會國藩督飭該員等迅速進兵喬松年督率所部會合各軍實力掃蕩盡殄賊氛會國藩回駐江甯後距英霍較遠所有派往該處援應各軍自應有所統率俾令專權歸一曾否

欽定剿平粵匪方略卷三十一

書

酌派有人抑仍由該大臣遙為控制之處著隨時酌量奏聞湖州廣德敗賊併犯歙南經易開俊唐義訓各軍併力堵剿俘斬解散為數甚眾會國藩當飭令乘此聲威將此股竄賊就地殲除所有出力員弁著俟皖南全境肅清彙案保奏候旨施恩昨據左宗棠奏唐村黃金嶺一帶竄賊經黃少春等痛剿擒斬甚多此次歙南諸軍又獲大捷著左

宗棠督飭在事員弁奮力追擊以清餘孽會國藩本日所奏江西軍情與楊岳斌等前奏大略相同卽著會國藩左宗棠督令皖浙各軍會合鮑超劉典等軍將敗殘竄匪前後夾擊掃除淨盡以竟全功而膺懋賞

欽定剿平粵匪方略卷三十一

書

上諭內閣曰浙江巡撫會國基自隨同會國藩剿賊以來疊克名城勳績卓著本年親督將士苦戰數月攻拔江甯省城殲除巨逆厥功尤偉乃以連年辦理軍務心力交瘁遂致憂勞成疾請假開缺回籍調理情詞極為懇摯若不俯如所請惟恐為職守所羈未能從容靜攝轉非體恤功臣之道會國基著准其開缺回籍調理並著賞給人蔭六兩交該撫祇領用資保衛該撫係有功國家之臣朝廷正資倚畀尚其加意調治一俟病體痊愈卽行來

京陛見

聖祖聖訓卷九十一

三

欽定勦平粵匪方略卷三百九十二 甲子年

九月初五日 癸卯 劉蓉奏言據蕭慶高等稟報蔡

啟兩逆由鐵鑪又金牛坪一帶狂竄後我軍截

殺多名屍骸枕藉蕭慶高等各率所部追躡該

逆趨踞韭菜坪將兩岸民房砍木爲壘憑險抗

拒適總兵謝正球督率親兵前來會同進擊其

時彭基品亦由光頭山追至菜子坪攔殺該逆

聖祖聖訓卷九十二

十

見官兵歷險窮追不少憩息冀將險徑空斷阻

我追師我軍旋修旋進疊有斬擒總兵劉厚基

等各率所部左右衝出該逆首尾不能相顧殄

斃五百餘人生擒多名救出難民千餘賊衆潰

散向大河壩一路逃逸蕭慶高等仍飭各營跟

蹤追逐逆勢窮蹙僞奉天燕承宣詹瑞蘭等率

衆二千餘人跪地乞降詢係啟逆黨類因見蔡

中央圖書館藏

逆兇暴好殺悔悟投誠並稱蔡逆懼我追師欲由洋縣偷渡漢江如不能搶渡卽擬循山徑趨襄沔等語當將降衆分別遣留七月二十三日追至金水河正值該逆爭渡之時乘機喊殺傷亡溺死者不計其數遂由槐樹關竄走城固蕭慶高等各督所部連日窮追餘逆悉竄入彌勒院蕭慶高等恐該逆奔入漢中卽在漢江尋覓

欽定剿平粵匪方略卷三十二

二

敵船駛抵漢中比值逆衆竄至彌勒院寶鋒寺山邊因我軍繞出在前不能竄突卽在該處暫踞我軍分路進攻逆賊猛撲而前蕭慶高等因賊鋒正銳親督部勇有進無退維時總兵毛芳恆等率部往來衝殺賊始敗退歸巢八月初一日各軍齊向彌勒院進發該逆分股相迎官軍奮力鏖戰斃賊甚多該逆勢不能敵率黨狂奔

竄踞襄城對河之長寨追師陸續踵至分路偏攻該匪乘夜竄由沔縣斜趨略陽關入城中臣所派李百魁黃鼎等營各率所部趕到分投進攻逆衆均奔河岸併力死抵各營猛攻數次逆衆不支蔡逆率其死黨飛奔過橋啟逆繼之我軍乘勢掩殺斃賊數百名生擒百餘名淹斃數百名餘逆分竄白馬關奔入階州境內陝境遂

欽定剿平粵匪方略卷三十二

三

無賊蹤臣現檄鞏秦階道林之望督率兵團力扼徽成階文各要隘使賊不得停留並咨四川督臣駱秉章飭令川軍一體攔截並檄湘果諸軍越境窮追現聞該逆猛撲畢口急圖入川蕭慶高何勝必等已繞山甯羌會同川軍分途邀截諒此敗殘餘孽不難計日殲除臣仍飭雄毅各營就鳳縣擇要扼守以防由徽縣兩當回竄

之路不敢稍涉疏懈李雲麟自聞逆眾敗竄南山即率所部前進嗣聞逆蹤已越褒沔過略陽追師厚集逆黨無多乃率師回駐興安擬遵旨遣撤毅健六營回楚以節糜費而暫留隴軍六營以顧興安一路之防此次各軍困苦辛勤實屬著有微勞應俟事竣後擇尤彙案奏請

聖朝聖考卷之三

四

恩獎至陣亡之提督銜總兵蕭餘勝等先行開列請旨交部從優議卹其餘傷亡之弁勇容俟查明照例辦理奏入

上命議政王軍機大臣傳諭略秉章劉蓉曰蔡啟等逆業經蕭慶高等督軍追躡疊獲勝仗收降匪黨甚眾餘逆狂竄階州劉蓉現檄林之望力扼要隘並飭蕭慶高等越境窮追辦理尙屬認真在事出力員弁著俟事竣後擇尤彙保候旨施恩陣亡之

提督銜記名總兵蕭餘勝記名總兵毛芳恆參將陳賢元都司瞿升富守備朱球珥千總吳高遠申芳茂均著交部從優議卹此股敗匪現在撲猛畢口急圍入川蕭慶高等已繞出甯羌截剿略秉章當督飭川軍會合陝軍分途兜擊就地殲除毋令紛竄入川致形滋蔓

聖朝聖考卷之三

五

初六日甲辰楊岳斌沈葆楨奏言侍逆糾合各股匪由信豐繞由南雄邊境衝過新路口直撲南安府城署知府黎兆棠等督率兵勇嬰城守禦斃賊甚夥逆眾退踞該郡南岸水城江忠朝探聞水城被踞即撥數營赴援徐生德等四營亦即趕到賊正結筏渡河見援軍適至復退入水城徐生德黎兆棠等於八月十二及十四十六十七等日過河攻勦逆匪大隊敗向梅嶺奔竄

我軍星馳跟追賊於梅嶺中站兩次列陣抗拒均被我軍衝散各營追逐六十里直至南雄州之槐花灘斬獲不少始行收隊當將水城收復該逆分股西竄游仙隘亦經劉勝祥分隊擊退此次在事人員異常奮勉可否容臣等彙案擇尤保獎以資鼓勵出自

天恩至此股敗匪悉竄粵境本應越境追剿惟信豐

欽定剿平粵匪方略卷三九二

六

境內尚有賊蹤漣逆汪海洋大股尚在瑞金縣境現在飛催各營迅速進剿難保不由信豐南竄南安地當要衝須資重兵扼剿各營勢難遠離且湖州巨寇聞將西竄徽甯江西省東路僅祇鮑超一軍地面遼闊防不勝防萬一闖入江境尚須酌撥數營馳赴廣饒協剿是目下江西兵力實有難以出省之勢擬俟信豐瑞金湖州各

路竄匪翦滅後即當確探前股匪衆趨向飭令各營越境會剿斷不敢稍分畛域

楊岳斌沈葆楨又奏言提臣鮑超近患感冒來省就醫忽聞皖南餘匪已從開化之華埠闖入江境逼近玉山鮑超以該逆仍走侍逆漣逆故道入江必由撫建而西勾結前股蔓延爲患因定於八月二十九日力疾啟行出貴溪金谿之

欽定剿平粵匪方略卷三九二

七

開確探賊蹤迎頭兜擊劉典由撫州來省與臣沈葆楨商議一切先於八月二十四日起程其所部士卒徑由東鄉進發已抵貴溪現在信郡及玉廣兩城均有守兵尙可自固再得鮑超劉典兩軍起到當可合力殄除奏入

上命議政王軍機大臣傳諭楊岳斌毛鴻賓沈葆楨惲世臨郭嵩燾曰侍逆率衆直撲南安府城時援

軍適至該逆退入水城提督江忠朝知府黎兆棠等督軍力戰克復水城賊匪踰嶺遠遁郡城危而復安在事出力各員實屬異常奮勉著楊岳斌沈葆楨擇尤保獎此股賊匪悉趨粵境官軍追至南雄州之槐花灘斬獲不少楊岳斌等以江西尚有賊蹤徽甯亦有竄匪兵力難以出省擬俟信豐瑞金湖州各路竄匪翦滅後再行確探前股趨向飭

聖朝聖略卷之三

八

各營越境會剿惟侍逆係賊中最狡悍之股現在窮蹙竄粵若粵兵迎截江軍跟追不難一鼓殄滅否則任其所之養成羽翼必致又形費手著楊岳斌沈葆楨迅速調派勁旅出境追剿毛鴻賓郭嵩燾當懷遵疊次諭旨派兵迎擊務將侍逆一股悉數殲除梅嶺南雄均與湖南接壤著惲世臨嚴飭在防各軍認真會剿共掃寇氛如令關入完善殊

竊地方必惟各該督撫是問江西信豐尚有賊氛汪海洋大股在瑞金境內楊岳斌即飛催韓進春席寶田等軍實力進剿至皖南餘匪已由開化之華埠關入江境逼近玉山總督趙德全赴省就醫聞報力疾啟行奮勇可嘉著楊岳斌等即飭該提督出貴溪金谿之閒確探賊蹤迎頭兜剿劉典由撫州到省親率所部由東鄉進發已抵貴溪即著飭令

聖朝聖略卷之三

九

會同信防各軍實力夾擊務將全股撲滅毋任再有逃竄

初八日 丙午 略秉章奏言查啟蔡二逆於七月初

十日夜間自整屋地界竄入南山並據提督蕭慶高何勝必馳稟該逆被剿勢窮於七月初十二等日循黑塔各峪越南山冒雨宵遁蕭慶高何勝必分撥四營由捷徑馳赴洋縣與原駐

之一營合隊攔截二十四日該逆竄至洋縣蕭慶高何勝必分撥之四營先已馳至遂以一半護城餘皆赴槐樹關攔截該逆大股擁至各營併力抵禦究以賊眾兵單該逆循山上竄城固蕭慶高何勝必等馳赴漢中以備截剿復據建昌鎮總兵周達武馳稟該逆已於二十六日竄至柳林鋪距漢郡五十里臣卽飛催唐友耕周達武江忠淑劉鶴齡等督率所部聯絡聲勢確覘逆蹤所向相機進剿儻該逆已越漢中府逼近川疆臣再飛調蕭慶高何勝必率軍躡蹤追剿以收夾擊之功奏入

上諭曰昨據劉蓉奏啟蔡二逆被官軍擊敗後餘黨狂竄階州該撫已飭蕭慶高等越境窮追與駱秉章此奏大略相同著卽飛催唐友耕各軍偵探迎

剿並會合蕭慶高等軍夾擊務期蕪滅淨盡毋令關入川境

同日徐宗幹奏言江西新城克復後敗匪悉竄石城瑞金等縣逼近閩省汀州邊界總兵關鎮國帶兵出境迎剿康國器亦撥隊伍馳往接應各軍迎頭衝擊賊眾紛紛敗走向零都會昌一路遁去惟廣昌之驛前墟復有後股踵至該處

與汀屬甯化武平相近臬司張運蘭所部勇丁計日可抵汀郡該司卽由邵武馳往統帶確探賊蹤同關鎮國康國器等分軍前進與江西各官兵會剿以期一鼓殲旃再林文察度已抵泉州卽日酌帶隊伍來省似應確探汀屬附近江西各處軍情以定進止奏入

上諭曰瑞金竄匪雖已擊退仍應嚴防回竄竄近廣

昌之賊卽飭張運蘭馳往確探會同江西官軍迎
勦以期一鼓殲除林文察已抵泉州著卽派令酌
帶隊伍確探賊蹤所在痛加勦洗勿令闖入閩境

初十日戊申穆圖善奏查蔡啟股匪現據漢中

府稟報該逆向西奔竄又經略陽團勇分布相
公山隘口奮力夾擊該逆拌死突圍由宜口郭
家壩竄至白馬關餘賊已出陝疆並探該逆已

聖朝聖略卷九十二

十一

聖朝聖略卷九十二

十一

由文縣竄至四川龍安府境是漢南一帶已無
賊蹤卽萬一回竄寶鳳曹克忠一軍可以兼顧
又有撫臣所部諸軍合力追擊兵力已厚諒可
無虞惟刻下甘省軍情甚爲喫緊臣已飭金順
馬隊於八月二十七日起程赴甘計此時已過
耀州儘陝西將來必需馬隊臣前所請溫德勒
克西等各起如蒙

俞允不久亦當抵秦卽可就近留陝以資勦辦奏入
上命議政王軍機大臣傳諭官文穆圖善駱秉章劉
蓉曰蔡啟二逆由略陽突圍經宜口郭家壩竄至
白馬關餘賊已出陝疆穆圖善以甘省軍情緊要
仍飭金順馬隊於八月二十七日起程赴甘計此
時已過耀州辦理甚爲妥協著穆圖善卽飭金順
統帶所部趨程前進協同勦洗前諭官文將溫德
勒克西等及蘇倫保馬隊派往甘肅交穆圖善統
帶藍斯明等步隊如楚省軍情稍鬆亦令調撥赴
甘著官文懷遵前旨趕緊籌撥催令飛速起程漢
南一帶現在雖無賊蹤難保不復圖回竄如將來
陝西有必需馬隊之處俟溫德勒克西等各起馬
隊抵秦時著劉蓉酌度情形就近暫留若干藉資
協助如陝省無須此項馬隊卽著劉蓉於溫德勒

克西等過境時催令星速進行迅赴穆圖善軍營聽候調遣前據駱秉章奏逆匪竄至柳林鋪勢將窺伺通江南江邊隘或即循黃官嶺以奔廣元茲據穆圖善奏賊已由文縣竄至龍安府境是該逆業由西路竄入川疆著駱秉章飛催唐友耕周達武等軍確探賊蹤星馳截剿並著劉蓉飭令蕭慶高何勝必兩軍跟蹤緊躡兩面夾攻以收聚殲之

欽定剿平粵匪方略卷三九二



效陝省此時雖已無賊各路防堵仍不可稍涉大意善後事宜亦當次第經理均著劉蓉妥為籌辦

十三日辛亥楊岳斌沈葆楨奏旨查湖州廣德縣

賊分數路出撲有取道孝豐昌化者有向皖南者其大股竄至甯國縣境總兵劉松山即率各營馳往截剿正與賊遇該逆不敢拒敵迎跪軍前哀請就撫劉松山即令繳齊軍器概行薙髮

分別遣散八月初三日劉松山率領各隊進紮李家村堵剿前股回竄旋據參將彭緒所稟報有由浙境折回賊黨一千八百餘人懇求歸順劉松山亦令就地遣散署皖南鎮總兵唐義訓沿途探聞大石門股匪與白牛橋另股均竄入老竹嶺合為一股我軍行抵山陽坑中嶺遇賊接戰適壽春鎮總兵易開俊亦抵山陽坑兩路

欽定剿平粵匪方略卷三九二



夾擊賊乃大敗奔回浙境殲斃數百人解散脅從數百人逆眾悉遁瀉安縣七八等都山內威坪沿河一帶均有浙師防守難保不仍圖犯皖唐義訓一軍遂駐紮歙南鎮大阜橋易開俊一軍即駐山陽坑互相策應金國琛率馬步各營進紮歙南之王村煙村知府梅錦源率湘前五營移紮魚亭協力扼守道員王德榜一軍已至

婺源縣江灣地方防守總兵王開琳一軍已至
婺源杜賊上竄江境查湖州廣德各匪闖入皖
南者始爲劉松山收降五千餘人足挫賊勢復
經唐義訓易開俊痛勦於山陽坑其鋒愈挫逆
衆敗伏淳安山內浙師截其前皖軍杜其後前
後夾擊勦撫兼施或可掃除淨盡不敢越皖入
江但百密猶恐一疏臣等仍當諄飭該總兵等

聖朝聖略卷之三

十一

審慎守禦毋任竄越江省東路尤當加意嚴防
現飭孫昌國率內湖飛划上紮廣信弋貴河面
加派外江水師四營協同扼守提臣鮑超由建
昌拔營東行以顧廣饒兩路劉典雖未能先期
入皖此時應至廣饒亦可作迎頭截擊之師
楊岳斌沈葆楨又奏冒易開俊一軍在山陽坑
勦賊收隊後探聞老竹嶺另股逆匪已據擁過

嶺距山陽坑僅二里許易開俊派易致中等分
路進勦自率馬隊親軍策應併力追殺共斃賊
一千餘人生擒二百餘名八月初九日探得老
竹嶺一帶又有續到股匪卽督隊邀擊歐陽廷
等亦分路包抄易開俊率親兵直搗中堅賊始
大潰我軍收隊仍回駐山陽坑十三日唐義訓
探得淳安縣七八都之賊趨併五六都分股翻

聖朝聖略卷之三

十一

山而出唐義訓分兵三路進擊陣斬悍賊數百
人次日唐義訓復令馬登富等抄出後路自率
唐義謨等過河橫擊該逆越嶺奔逃後股遂不
敢再渡紛紛回竄經馬登富等截殺數百人約
計兩日共殺賊千餘人解散數百人餘賊搜殺
殆盡投降賊目王起汶等各願隨營效力其餘
均令暫駐徽州城外聽候遣散臣已檄飭該鎮

等將降衆妥速遣散一面實力攔截兜擊務將竄匪悉數殲除毋任滋蔓

同日毛鴻賓奏旨逆匪屬聚江西撫建一帶經鮑超攻剿該逆卽竄入粵境進偏南雄州城南詔連道唐啟蔭派兵迎剿在湖口墟地方遇賊前隊迎擊獲勝賊於州東之長鋪橋及中站等處紮立大營分股橫出大庾縣屬之游仙而南

聖聖聖聖聖聖

六

雄池東之始與翁源池西之仁化樂昌皆爲賊蹤所偏近據獲賊供稱有云取道南韶順流直下者有云江西上竄之賊分花旗黃旗兩股花旗欲徑竄廣東黃旗欲由福建竄廣東是賊之注意廣東爲最甚廣東沿邊設防惟南雄軍情尤爲緊急當飭唐啟蔭統籌全局嚴密防剿鄭紹忠潘其泰各軍擇要駐紮以顧北江一路其

東江一路現飭方耀一軍駐紮八尺墟以扼其衝另派守備黃添元補用都司鄧安邦千總鄧奮鵬雇募槍手二千名暫駐省城以備調遣江西各軍聞已進至甯賴等處跟蹤追逐至今並無一營繞前截擊臣已咨商提臣鮑超請派王衍慶五營繞出贛州以南會同廣東防兵四面掩擊使此賊不得肆行猖獗以期保固邊陲均

聖聖聖聖聖聖

十九

奏八

上命議政王軍機大臣傳諭楊岳斌毛鴻賓沈葆楨郭嵩燾曰湖州廣德竄出之賊闖入皖南經劉松山收降五千餘人復經唐義訓易開俊痛剿於山陽坑其鋒愈挫逆衆敗伏涇安山內其老竹嶺等處另股逆匪亦經易開俊等督軍邀截斬殺解散甚衆卽著楊岳斌督飭皖軍乘此聲威會合浙師

聯絡兜擊盡殲醜類至收降太眾宜防反側其隨
營效力之賊目王起汝等尤應加意防範毋令患
生肘腋並著楊岳斌飭令皖南將弁妥籌辦理勿
稍大意此次紛竄各股賊匪未能赴皖入江具見
皖軍遏截之效現在鮑超已由建昌拔營東行以
顧廣饒兩路楊岳斌等復派孫昌國督帶水師嚴
扼廣信等處河面東路防守已固仍著楊岳斌沈

聖朝聖考卷九十二

三

葆楨督率在事文武審慎守禦百密毋致一疏據
毛鴻賓馳奏逆匪由江西竄入粵界分隊進徧南
雄州城雖經唐啟蔭督兵攔截獲勝而賊勢蔓延
南雄迤東之始興翁源迤西之仁化樂昌皆有賊
蹤據獲賊供稱有云取道南韶順流直下者有云
江西上竄之賊花旗賊欲竄廣東黃旗賊欲由福
建竄廣東者廣東為賊匪注意之區而惠潮嘉三

屬尤首當其衝毛鴻賓現已飭令唐啟蔭等募勇
增兵防堵北江一路方耀等軍防堵東江一路又
另委守備黃添元等募選練勇以備調遣並為省
城巡防之需所籌尙屬周密即著毛鴻賓郭嵩燾
督飭在事員弁實力扼剿迎頭截擊毋令賊蹤紛
竄擾及完善之區前據楊岳斌等奏賊匪被剿竄
粵江西各軍不能越境追剿當經諭令粵東地方

聖朝聖考卷九十二

三

緊要該督等務當派兵追擊毋任滋蔓難圖現在
南韶一帶賊勢甚熾新募之兵恐不足以制賊死
命著楊岳斌沈葆楨懍遵前旨迅飭甯賴等處防
兵剋日拔隊越境會剿不得畛域攸分貽誤大局
其毛鴻賓咨商鮑超調派之王衍慶五營並著楊
岳斌等催令迅速起程赴粵以厚兵力

十四日 壬子 官文奏言八月二十八日羅田踞賊

馬隊分竄駱駝坳楊朝林率各營由山後橫出
列陣以待梁洪勝由駱駝坳大路抄出賊旋退
竄我軍正在追勦另股馬賊直抵羅田縣城東
關楊朝林等奮力衝殺斃賊數十餘名天晚收
隊又英山之賊分竄英山蘄州交界之打虎廠
衝撲長鎮卡四角寨該處團勇堵禦殺賊多名
賊竄撲永鎮卡團紳駱雲煒等督勇迎擊賊始
敗退此蘄水羅田與英山相連之賊仍復依山
固踞我軍勦擊之情形也准僧格林沁咨稱前
竄光羅髮捻避兵而行已至新店地方逸入楚
境道途紛歧東竄則麻城南竄則黃安西竄則
英山處處宜防又據探報該逆由光羅交界之
文曲寺向家店回竄麻城之張店順河集新集
一帶分股闖入黃安境內四出奔突擾及黃安

欽定剿平粵匪方略卷九十二

三

東北腹地其時下游蘄水羅田與英山毗連之
處羣盜如毛攻勦甚緊兵力萬難抽分臣調李
成謀周鳳山姜玉順等迅即拔營取道黃陂河
口馳赴黃安併力截擊復令唐協和一軍扼紫
蘄水團陂楊朝林等扼紫駱駝坳鴨子畝並飭
營總桂廉等軍前往黃州之東三台河堵扼飭
水師張啟基等自蘭溪下巴河至鷄子湖團風
鵝公頸內湖一帶巡防又以萬化林所統礮船
八隻駛赴倉子埠巡防布置嚴定而回竄黃安
之賊由麻城之料棚宋埠直犯上巴河一帶萬
化林自率水師由鵝公頸馳抵辛家衝賊已繼
擁來撲並分竄白塔河等處萬化林飭各船排
礮迎擊該逆始行退去八月三十九月初一初
二等日該逆分竄黃岡屬之嚴家嘴蘄水下巴

欽定剿平粵匪方略卷九十二

三

河之七里鋪及六神港竹林墩經李濟清左光培張啟基水師轟擊水勇復登岸截殺賊遂奔走又據周鳳山等稟報黃安敗賊經周鳳山李成謀疊次追擊悉趨蕪水見有準備始行退去其頭股已下竄蕪州曹家河而尾隊尙在蕪水境內查此股逆匪實由河南回竄勢極剽急既爲僧格林沁馬隊追擊又因楚軍於三里城堵禦緊嚴未能竄越乃繞道復犯黃安徑行下竄原欲與蘄羅英三處之賊合股使成大吉等軍腹背受敵斷其糧道或且徑犯黃郡窺伺大江賴李成謀周鳳山等軍晝夜窮追使賊不得喘息又賴沿湖沿河各水師齊心橫擊之力此回竄黃麻賊匪徑犯腹地水陸各軍追擊之情形也探聞僧格林沁之軍已到麻城臣卽飭馬步

聖朝聖略卷之三

五

各軍迅由上巴河下駛其盤踞蕪水羅田與英山相連之賊負嶠如故崇山峻嶺路徑險仄賊旣傍山死拒則我軍自下擊上仰攻實難誠恐徒傷精銳不如俟各路大兵到齊以期功成一舉且成大吉等後路運道已爲蕪水之賊圍偏梗阻實深焦灼已飛飭李成謀周鳳山進領前軍糧路並專員飛催姜玉順等馬步各隊星夜續進務期力解此圍惟蕪州等處甚屬空虛若楚省攻急賊必下竄臣前已飛咨皖省令劉連捷朱洪章由皖之宿松太湖一路節節迎剿以便與楚軍會合夾擊早殄逆氛同日張之萬毛昶熙奏言查東竄之偽端王及馬融和等股據探仍踞英霍一帶僞扶王等股由六安之流波確徑向東竄又折而西南盤踞

聖朝聖略卷之三

五

漫水河地方張曜一軍扼紮商六交界之兩河
口當卽跟蹤進剿槍紮流波確並由張曜先帶
兩營往商英翰郭寶昌合力勦辦以扼東路其
遵逆等股均竄黃安麻城境內分三路盤踞一
在東南之范店一在正南之苦竹坳一在西南
之雙山門卽以雙山門爲老巢陳國瑞等直從
西南進攻衝散賊隊斃賊無算八月二十七日
我軍出其不意併力進發該逆悉股夜竄陳國
瑞等揮軍追殺二十餘里至黃安大山該匪依
險負嶠溝深路窄勢難猝攻遂收隊暫紮箭卡
河以扼回竄現探黃麻之賊又復竄至石香鑪
黃土岡等處逼近西界嶺切近商城該處雖有
李大成一營僅足守城此時陳國瑞宋慶楊長
春等馬步各軍均隨僧格林沁在西路追剿由

欽定剿平粵匪方略卷九十二

五

箭卡河前進勢難分軍東顧而張曜則已赴皖
援剿臣等一面函商僧格林沁一面飛飭張曜
確探賊蹤如逼近豫疆卽督率所部回軍商城
相機扼守毋令逆蹤竄入並嚴飭地方文武集
團守隘以保豫疆均奏入

上命議政王軍機大臣傳諭僧格林沁官文喬松年
張之萬毛昶熙曰遵逆等股在黃安麻城境內分

欽定剿平粵匪方略卷九十二

五

路盤踞經陳國瑞等揮軍追殺賊竄黃安大山依
險負嶠該處溝深路窄馬隊難於施展豫省步軍
又多疲乏亟須勁旅協剿以厚兵力著官文嚴檄
成大吉等軍會同僧格林沁所部及豫省官軍協
力兜剿四面圍攻以期聚而殲旃並著張之萬毛
昶熙激勵將弁實力進攻如該逆逸出山險卽著
僧格林沁督飭馬隊官軍痛加勦洗黃麻之賊復

竄至石香鑪黃土岡等處偏近西界嶺圖窺商城
該處僅有李大成一營兵力實形單薄張之萬擬
調張曜回軍商城扼守張曜現在扼紮六安之流
波確等處應否調回商城以固豫省邊防之處著
僧格林沁體察情形相機辦理偽端王及馬融和
等股仍踞英霍一帶偽扶王等股由六安之流波
確折竄漫水河地方是皖省邊境匪勢尙形滋蔓

聖朝聖略卷三十三

三

著喬松年督飭在防各軍節節掃蕩將各股匪迅
速殄除肅清疆圉據官文奏斬羅賊匪仍復依山
固踞光羅之賊繞道回竄黃安擾及麻城黃岡地
界經水陸官軍追擊悉趨蕪水蘄州與張之萬等
所奏賊由黃麻偏西界嶺已近商城情形不同是
否該逆由黃安分股竄逸著官文張之萬探明賊
蹤分投勦洗成大吉等後路運道已為蕪水之賊

圍偏梗阻官文當督飭李成謀周鳳山等軍星速
解圍疏通成大吉等軍糧路再圖進勦蕪水羅田
英山毗境賊匪負隅如故著官文飛飭劉連捷朱
洪章等軍由宿松太湖一路節節迎勦力顧蘄州
等處要隘僧格林沁之軍如已到麻城即著相機
會勦以資厚集

聖朝聖略卷三十三

三

同日左宗棠奏言逆酋劉得義等率眾投誠後
餘賊均由遂安昏口一路竄走總兵王開琳道
員王德榜聞賊偏遂安即各率所部由源發馳
往截擊斃賊數百名羣賊繞竄開化七都村頭
劉明珍率各營進至村頭三路縱擊陣斬逆首
劉預鳩等多名賊前隊已由二三都關入開化
縣城以一股牽拒追軍一股直向華埠玉山竄
去八月二十一日劉明珍急率各營追勦黃少

春亦派總兵楊芳桂合軍齊抵開化城下賊悉
衆來撲官軍乘勢追殺俘斬多名是日王德榜
一軍由婺源馳至會台劉明珍所部各營分路
進擊賊不能支急向華埠一路竄逸是日僞天
將汪茫和等率黨四五千人赴康榮詔營中乞
降二十二日王開琳王德榜等軍追至七都球
村內花旗悍賊數千拌死拒戰官軍大隊齊至

欽定剿平粵匪方略卷九十二

三

縱橫痛擊斃悍賊數百名賊勢潰散奪路狂竄
一向玉山一向江山而遁王德榜王開琳等分
路追擊沿途斬賊不計其數是日劉明珍馳抵
常山設伏草坪二十三日該逆大隊擁至伏軍
突出奮擊劉明珍督隊橫貫賊陣截爲兩斷前
股翻山竄向江山邊界後股僞方王等均被官
軍擊斃餘黨數千僞天將胡元懇等率之乞降

劉明珍受之分別留遣一面飭黃本富等疾趨
江山截剿二十四日黃本富督隊由新塘邊馳
擊王德榜亦率所部追至賊望風而潰僞天將
方幅汰等率黨數千赴王德榜軍前乞降餘賊
盡趨廣豐王開琳一軍追至玉山乘夜密飭各
營銜枚疾進適遇大股粵賊正擁幼逆逃竄官
軍兩路抄襲各逆持洋槍對擊我軍四面蹙之

欽定剿平粵匪方略卷九十三

三

殲斃悍賊二百餘名幾擒幼逆爲粵賊拌死潰
圍挾走官軍緊追二十餘里至二十五日午刻
始行收隊此次逆賊由湖州廣德甯國上竄經
官軍疊次截剿湖州首逆黃汝金廣德首逆黃
汝英就戮李士潰生擒其餘著名賊目亦十殲
八九浙省全境肅清惟洪幅瑱一犯自金陵逃
出至今尙未就縛現由江西廣豐竄入鉛山縣

境一向紫溪車盤一繞鉛城向湖坊一路逸去死黨尚有數千臣調度遲延未能辭咎幸劉典一軍已抵貴溪黃少春劉明珍兩軍已赴廣信河口一帶王開琳王德榜等亦率部跟蹤急進當可前後夾擊臣已嚴飭各軍無論逆賊竄江竄閩務期悉數殲除不敢任令漏逸所有黃少春王開琳王德榜劉明珍各軍出力將弁應暫

聖學聖略卷三十九

三

山臣存記仍俟洪幅瓊全股殲滅再行奏請從優保獎奏入

上命議政王軍機大臣傳諭左宗棠楊岳斌沈葆楨曰逆匪由遂安昏口一路竄走關入開化總兵王開琳副將劉明珍等合兵追擊賊不能支由華埠竄江山玉山疾趨廣豐沿途殲斃甚眾受降亦近萬人洪幼逆幾被擒獲復為粵逆拌死挾之而走

現由廣豐竄入鉛山縣境一向紫溪車盤一繞鉛城向湖坊一路逸去死黨尚有數千現在劉典一軍已抵貴溪黃少春劉明珍兩軍已抵廣信河口王開琳率眾跟追著左宗棠楊岳斌沈葆楨督飭諸軍前截後追毋留遺孽所有追賊出力之黃少春等著左宗棠暫行存記俟洪幅瓊全股殲滅再行奏請優獎左宗棠自入浙以來克復城隘數十

聖學聖略卷三十九

三

處肅清全境厥功甚偉本欲即加懋賞恐該督以洪幼逆未滅必將固辭一俟餘逆淨盡即降恩旨浙省軍務已竣地方應辦一切善後事宜該督當督飭司道等次第辦理以期奠安閩閩鮑超由建昌拔營顧廣饒兩路楊岳斌等復派孫昌國督帶水師嚴扼廣信等處著即懷遵昨奉諭旨督軍會合浙師迎勦以期一鼓殲除收降之眾過多仍飭

各軍妥爲駕馭如遣散其衆尤須審慎辦理以防後患

欽定剿平粵匪方略卷三十三



欽定剿平粵匪方略卷三百九十三 甲子年

九月十六日 甲寅 喬松年奏言逆匪不得逞志六

安遂竄聚英霍一帶圍攻蔣凝學之軍並分擾潛山邊境英翰郭寶昌自攻克金家寨後臣卽飛飭向霍山躡剿並飭蔣凝學嚴守以待現據英翰郭寶昌稟報分兩路進兵該逆見我軍奮勇直前紛紛奔竄窺伺潛山之賊亦俱折回併向西南一路狂奔我軍節節緊逼追至英境又據蔣凝學稟稱英山逆賊圍攻官軍營盤而月並斷我糧道蔣凝學以戰爲守督軍設伏屢挫兇鋒該逆疊次受創適見援軍大至遂退竄斬羅一帶復經蔣凝學尾追斬擒甚衆英霍已無賊蹤該逆現雖被剿西趨難保不乘閒回竄且楚境麻城等處又有賊氛西北兩路之防尤應

欽定剿平粵匪方略卷三十三



慎之又慎楚省所派譚仁芳來皖一軍為賊所隔迄未能來曾國藩所派劉連捷朱洪章朱南桂等軍及續派之李榕王可陞何紹彩等軍指日可到或越境進剿或分駐英霍當由曾國藩酌度辦理蔣凝學一軍現據官文咨調回楚臣查該道扼守英山極為得力未便遽離已咨覆官文仍暫留該道於皖並飭英翰等即於英霍

聖學聖方略卷三十三

二

交界扼要駐紮既可援應英山又可回顧六安仍飭張得勝留兵防守六安撥帶三營前進扼駐流波礮等處與英翰互相聯絡至豫賊擾及光息淮北亦須戒備揚州調來富陞之馬隊現已起程臣即飭其駐紮蒙城縣以資防禦奏八上命議政王軍機大臣傳諭僧格林沁官文曾國藩喬松年曰逆匪竄聚英霍圍攻蔣凝學之軍並分

擾潛山邊境經蔣凝學督軍苦戰屢挫兇鋒復經英翰郭寶昌儘力追剿該匪遂退竄蕪羅一帶蔣凝學乘勝尾追斬擒甚眾英霍已無賊蹤剿辦甚屬出力蔣凝學等均著先行存記俟軍務大定由喬松年奏請給予獎勵現在逆蹤雖已西趨難保不乘閒回竄蔣凝學扼守英山極為得力未可遽令赴鄂其英霍交界即著飭令英翰扼要駐紮妥

聖學聖方略卷三十三

三

籌接應六安及流波礮一帶仍責令張得勝認真防守與英翰等聯絡聲勢嚴密戒備曾國藩前派之劉連捷朱洪章朱南桂等軍及續派之李榕王可陞何紹彩等軍計已到皖此時英霍已無賊蹤自應越境進剿即著曾國藩喬松年飭令拔隊赴鄂會合楚師兩面夾擊盡殄賊氛曾國藩現赴江甯距英霍一帶較遠若派出諸軍悉由曾國藩調

度軍情旦夕變遷千里請命深恐緩不濟急所有
劉連捷等軍已抵皖境以後一切進剿機宜即可
由喬松年斟酌調派以期無誤事機蘄羅等處賊
氛屬集官文當懷遵前旨督飭在事將弁實力扼
剿並飛調劉連捷等軍追擊僧格林沁之軍如已
到麻城並著相機會剿以資厚集

十八日丙辰略乘章奏言查啟蔡二逆竄至漢南

欽定剿平粵匪方略卷三十三

四

陝軍跟蹤追剿該逆知通江廣元皆已有備乃
由褒沔橫竄略陽陝軍候補同知直隸州知州
黃鼎復力戰獲勝該逆遂由白水江西竄階文
意將出畢口以窺川西臣已飛調總兵周達武
知府江忠淑參將劉鶴齡移防昭化平武江油
一帶期與陝軍夾擊以遏奔突而期速殲奏入
上命議政王軍機大臣傳諭略乘章曰啟蔡二逆渡

白水江西竄階文意將出畢口以窺川西著略乘
章飛檄周達武等軍移防昭化平武江油一帶與
陝軍前截後追迅殲醜類

二十日戊午暫護陝甘總督甘肅布政使恩麟奏

言據鞏秦階道林之望署成縣知縣嚴厚培稟
報髮匪蔡逆一股約二三萬人被陝西兵勇追
至略陽縣盤踞數日即撲甘肅徽成二縣地界

欽定剿平粵匪方略卷三十三

五

經兵團堵遏未得深入該匪復退至略陽由階
州所屬之堯坪白馬關等處直抵州城將階州
城垣攻陷同城文武不知下落臣因省城無兵
可撥即飭林之望督派勁勇馳往擊剿復添調
洮州土司楊元岷州土司馬棠各率所屬番丁
由開道進並分飭附近州縣號召民團聯絡聲
勢扼要嚴防此股髮逆原因西師追剿甚緊以

致鋌而走險奔竄入甘以甘肅凋敝之餘瘠苦甚於昔日該匪之志恐仍在川陝而不在甘肅第川陝兩省祇以堵遏驅逐為事是徒令甘省更遭糜爛川陝仍不能安枕現計該匪喘息未定惟有仰祈

聖鑒令川陝督撫分飭各營一體剋期進兵與甘肅調到各軍三面兜拏聚而殲旃庶免此孽彼竄

聖鑒令川陝督撫分飭各營一體剋期進兵與甘肅調到各軍三面兜拏聚而殲旃庶免此孽彼竄

六

聖鑒令川陝督撫分飭各營一體剋期進兵與甘肅調到各軍三面兜拏聚而殲旃庶免此孽彼竄

七

之患奏入

上命議政王軍機大臣傳諭駱秉章劉蓉恩麟曰蔡逆一股由陝西略陽直撲甘肅徽成兩縣經兵團堵遏退至略陽復犯階州致將州城攻陷恩麟現飭林之望馳往勦辦而兵力單薄必得各路援兵會剿惟前據劉蓉奏敗匪紛竄階州已派蕭慶高等追擊當經諭令駱秉章飛催唐友耕等軍探蹤

迎剿劉蓉飭蕭慶高何勝必兩軍跟追現在賊已攻陷階州逆氛正熾何以該軍尙未趕到著駱秉章迅即檄令唐友耕周達武等由階州一路前進迎頭截擊劉蓉所派追賊之蕭慶高等軍現在行抵何處著劉蓉嚴飭該員等迅速進兵力圖掃蕩如再不能得力即將該員等嚴叅治罪甘肅凋敝之區非賊所注意其意仍欲乘隙圖擾川陝階州境地與川陝兩省毗連川陝兵勇果能越境勦賊即所以自固疆圉駱秉章必能不分畛域協力助剿此股賊匪本由陝省敗竄入甘劉蓉不得以驅賊出境遂為了事階州失守詳細情形及文武員弁下落著恩麟查明具奏

二十一日 己未 沈葆楨奏言查玉山踞賊經林珠

陳開楚等擊剿殺斃無數餘賊竄太平橋繞至

江山界以出廣豐顧雲彩統仁右營會林珠擊賊於廣豐之施村斃黃衣賊目多名賊陣仍屹立不動陳開楚等以精銳抄出其後賊乃大潰共斃賊千餘名張岳齡探聞賊至玉山派李佑厚扼大南橋賊由施村竄縣東之杉溪都司吳得意等怒馬衝入蕭賞謙等復從街後抄來羣賊驚惶失措紛紛投水張岳齡乘勝追擊復斃兩廣老賊全天義等數十名其時王德榜王開琳劉明珍各率師由浙掃蕩入江擊賊於七都球殺廣賊九百餘名劉明珍擊賊於草坪收降二萬餘人賊退江玉交界之新塘邊王德榜等麾軍進剿陣斬洪幅瑱之堂兄洪沅珍李遠繼之姪李全信二名花旗羣賊正擁幼逆而行王開琳馳出賊前賊以槍隊死拒丁長勝等身先

聖朝聖略卷九十三

八

士卒官軍益奮共斃賊千餘名王開琳復飭朱義和等先進大隊繼之又斃賊多名該逆竄走鉛山界賊勢甚蹙提督黃少春與王德榜及劉明珍所部會於河口知賊必趨湖坊黃少春等遂分三路進擊殺悍賊千餘名洪幅瑱與羣逆攀崖而遁我軍追及於距陳坊十里之荒山該逆號哭之聲徧於巖谷黃少春王德榜復擊之於陳坊沿途斬馘不可勝數王德榜受降三千餘人廣信所屬一律肅清所有尤為出力之布政使銜浙江道員王德榜等及陣亡之都司何明德等謹先行開列奏請分別獎卹

沈葆楨又奏言再准劉典咨稱幼逆洪幅瑱偽祐王李遠繼均薙髮扮作難民率餘黨由陳坊過高岡竄花橋分兩股一由雲際關出光澤境

聖朝聖略卷九十三

九

一由茶山出瀘溪境晝則不入村莊夜則用香火照行並無停趾席寶田聞賊之出瀘溪也截之於珀玕而其入光澤者復走杉關鮑超馳赴南豐截剿竊計殘匪數千避兵而行不循蹊徑其氣衰竭無足重輕惟瑞金被汪海洋丁汰洋所踞攻破民寨數處聚糧煎硝其勢復熾迫李侍賢挫於南安其分擾興國信豐會昌龍南崇

欽定四庫全書

十一

欽定四庫全書

十一

義各界之賊亦經官紳兵練先後合力擊退相率入粵汪海洋勢難孤立行將遁走乃聞湖逆西來李侍賢解南雄之圍遂分股回竄韓進春聞報馳至賊遁零都之銀坑分犯興國之上下謝零都之仙露觀均經團勇擊退又接准鮑超函開如南豐截之不及卽由甯都馳赴瑞金臣查東路肅清我軍可以專注西路鮑超謀勇兼

全爲賊所憚統其全部西向必能殲除羣醜指日蕩平奏入

上命議政王軍機大臣傳諭曾國藩左宗棠楊岳斌毛鴻賓沈葆楨徐宗幹郭嵩燾曰玉山之賊經官軍擊敗後竄繞江山界以出廣豐顧雲彩等於施村一路追剿沿途砍殺甚多張岳齡等復由杉溪一帶檢斬老賊無算王德榜等由浙掃蕩入江擊賊於七都球等處收降二萬餘人陣斬洪沅珍李全信等花旗羣賊擁洪幼逆而遁王開琳追至鉛山界上斃賊多名黃少春王德榜復追賊於陳坊湖坊等處沿途斬馘不可勝計匪勢寢衰著左宗棠楊岳斌沈葆楨等督飭江浙各軍儘力窮追一鼓殲除毋令死灰復燃洪幼逆李遠繼均薙髮扮作難民率餘黨分股竄光澤瀘溪一帶不循蹊徑

避兵而行雖其氣衰竭而行蹤殊形詭秘設亡命窮奔與前股之賊會合則其燄又將復熾且殘匪尙有數千非零星落荒之賊無足輕重者可比仍著檄令各軍奮力窮追務將洪李各逆剋日擒獲並飛飭沿路經過地方認明蹤跡一律訪拏汪丁各逆現踞瑞金攻破民寨而分擾興國信豐會昌龍南崇義各界之賊分股回竄韓進春等馳往勦

欽定剿平粵匪方略卷三十三

十一

擊復分犯興國之上下謝零都之仙露觀賊氛屬集勢殊死鬪必須迅圖掃蕩江省東路業已肅清正可騰出兵力專意西指以期厚集鮑超擬由甯都馳赴瑞金著左宗棠楊岳斌等督飭全軍合力兜擊務將幼逆一股杜絕竄路各路餘匪殄滅淨盡並著徐宗幹毛鴻賓郭嵩燾嚴飭防軍會同追兵合力夾擊毋令紛竄皖南防務已鬆著曾國藩

酌調數營會合江浙等軍將竄賊悉數誅鋤以竟全功前由江入粵之賊進偏南雄州城分竄翁源樂昌等處近日勦辦情形若何著毛鴻賓郭嵩燾隨時具奏

上諭內閣曰江西東路賊匪竄擾玉山等處經江浙各軍節節掃蕩分投雕勦廣信府各屬一律肅清勦辦甚爲得手所有尤爲出力之道員王德榜著

欽定剿平粵匪方略卷三十三

十二

交軍機處記名遇有按察使缺出提奏張岳齡著賞加按察使銜總兵顧雲彩著交軍機處記名遇有提督缺出請旨簡放李佑厚著賞給效勇巴圖魯名號副將李運勝著交軍機處記名遇有總兵缺出請旨簡放參將林珠著以副將仍留江西補用其餘出力員弁兵勇著沈葆楨查明請獎陣亡之都司何明德謝吉祥均著交部從優議卹

二十三日辛酉左宗棠奏言湖州廣德之賊敗竄江西廣豐總兵王開琳副將劉明珍率所部緊追八月二十六日馳抵上饒縣屬鐵山地方遇賊尾隊揮軍進擊賊向鉛山小路敗走劉明珍率所部會合王開琳兩路齊進逆賊奪路狂竄官軍乘勢趕殺王開琳復督大隊馳至共斃悍賊數百名生擒多名二十七日該逆竄至鉛山

聖朝聖略卷九十三

十一

楊村五都一帶距河口鎮二十餘里時提督黃少春道員王德榜兩軍已抵河口料賊必走湖坊陳坊嚴陣以待二十八日賊至湖坊見官軍猝至餘黨偽王宗譚姓等率眾乞降黃少春即令降眾回戈擊賊自率各營及王德榜所部繼之官軍併力追殺偏近陳坊三面蹙之偽王宗譚長元等率黨千餘赴王德榜軍前乞降王德

榜受之二十九日黃少春等因連日馳勦兵力疲乏甫收隊還適總兵劉明燈道員李耀南等六營馳至黃少春當飭各路躡蹤緊追時溫處道魏喻義亦率所部由玉山廣豐馳抵陳坊見賊從雲際關竄逸即督隊由大路進追及賊之尾隊擊殺數百名解散無算餘賊向福建光澤及江西瀘溪新城境界翻山鼠竄其由茶山竄瀘溪地界者據劉典函報僅一二千人均無器械該軍在貴溪截之將其尾隊擊敗現在江西金瀘新城一帶兵力厚集無虞竄漏洪幼逆李遠繼等由江閩邊界山徑偷越餘黨不過三四人所過各處不住市鎮夜則燃火照路散漫奔走形勢極為窮蹙臣前慮其闖入閩邊已飛飭康國器張運蘭相機截勦浙軍往返奔馳前

聖朝聖略卷九十三

十一

在歙南截勦之時病者已有三分之一茲復忍
飢露宿病者十居六七劉典新募之軍三千餘
人入江以來轉戰而前未稍休息亦多疾病幾
至不能成軍不得已令各軍暫留弋陽河口一
帶稍爲養息仍酌挑精銳相機追勦此次各軍
逐北千有餘里備極艱劬可否併入克復湖州
安吉案內保獎之處出自

天恩至屢奉

諭旨務將幼逆捕獲現仍漏網稽誅臣調度遲延咎

無可道應請

旨將臣交部議處奏入

上命議政王軍機大臣傳諭左宗棠楊岳斌毛鴻賓

徐宗幹沈葆楨郭嵩燾曰此股逆匪由皖浙邊界

上竄人數衆多經浙軍斬擒不少入江後復經王

欽定剿平粵匪方略卷九十三

七

開琳等追勦於廣饒鉛山等處其由茶山竄瀘溪
地界者僅一三千人現在江西金盞新城一帶兵
力不少著楊岳斌沈葆楨督飭各軍搜捕以清餘
孽洪幼逆李遠繼等由江閩邊界山徑偷越勢極
窮蹙著左宗棠徐宗幹督飭張運蘭康國器相機
截勦勿令闖入閩邊楊岳斌等仍當飭軍跟追無
稍疏懈前由江入粵之賊竄偏南雄等處著毛鴻

欽定剿平粵匪方略卷九十三

七

賓郭嵩燾妥籌辦理並將近日情形速行入奏如
續有竄入餘匪務卽督飭兵練迎勦勿任深入爲
患浙軍往返奔馳傷病不少著照左宗棠所請暫
留弋陽河口稍爲養息各軍追奔逐北千有餘里
備極勤劬著准其彙入克復湖州安吉案內一併
保獎洪幼逆踉蹌逃走已極狼狽終必就擒左宗
棠惟當督飭閩浙諸軍合力夾擊勿任漏網以竟

全功所請交部議處著加恩寬免

左宗棠又奏言前據總兵劉明燈搜獲忠逆李

秀城之子李士貴據供湖北江夏人咸豐二年

湖北省城初次失陷時被李秀城擄去為子改

名李士貴咸豐十一年加封偽二殿下率黨萬

餘歷隨李秀城竄擾安徽湖北江西浙江江蘇

各省兩陷杭城本年三月開由丹陽竄至廣德

聖朝聖略卷之三

十八

復到湖州與黃汶金合股六月開劫逆洪幅瑱

自金陵缺口衝出沿途除擒斬逃散外至廣德

實有五百餘人內有偽養王吉馨元偽揚王李

名城即李秀城之胞弟並李秀城之母及李秀

城親生兩歲之子該逆由湖州廣德甯國竄至

歙南被擒時洪逆及偽祐王李遠繼偽偕王譚

體元偽干王洪茫玕偽揚王李名城及李秀城

母子已先渡河以後事均不知悉其偽首王范
汝增受傷後實已身死臣因各營搜獲逆目甚
多其逃匿降眾之中潛易姓名希圖倖免者當
復不少飭各營嚴密盤詰暫留李士貴質認稍
緩處決奏入報

聞

二十六日甲子官文奏言光羅髮捻晝夜東趨勢

聖朝聖略卷之三

十九

甚剽疾而羅田踞逆亦欲與蕪水一帶踞匪勾

合以因官軍九月初一二等日楊朝林等分途

攻擊該逆大敗狂奔我軍乘勢掩殺擒斬及解

散者甚夥遂將羅田之鴨子畷七區匡家河等

處賊巢一律掃平敗賊悉竄蕪水蘄州與光羅

回竄之髮捻合股盤踞初三日逆首陳德才馬

融和率大股擾及關口逼近富森保營壘並分

股繞圍營後總兵石清吉聞信督兵赴援梁洪
勝亦率所部由駱駝坳星馳援應初五日大霧
該逆馬步數萬復來猛攻富森保連施槍礮該
逆攀樁越濠我軍奮力抵禦逆匪環攻不退石
清吉行至葯山霧仍未散河東之賊紛紛渡河
抄出援軍之後將石清吉四營截爲兩段首尾
不能相顧石清吉躍馬當先縱橫盪決立斃悍

欽定剿平粵匪方略卷九十三

三十一

賊數十名該逆擁擁來迎刀矛攢刺石清吉身
被九創力竭陣亡副將江星南等同時遇害成
大吉督隊疾趨馳出關口梁洪勝由左路馳至
兩面夾擊將石清吉屍身搶出富森保卽帶全
隊衝出重圍斃賊極多該逆向三家店楊家祠
堂一帶奔逸富森保卽與梁洪勝營於駱駝坳
圖解成大吉各營之圍先是李成謀因賊由黃

安回竄由麻城橫出追擊將移營蕪水進紫雲
茨嶺距月山五六里九月初六日賊由月山竄
出分路衝撲李成謀督隊迎勦該逆敗走復在
月山馬橋築卡初七日李成謀派撥馬步分路
進攻平其卡壘月山之賊悉向蕪水大路狂奔
其蕪水之蘭溪爲前敵運道該逆時圖竄犯經
礮船堵禦嚴密未得逞志紛向竹林墩東家橋

欽定剿平粵匪方略卷九十三

三十一

道士橋顏家灣華家市一帶槍撲經總兵張啟
基等師船迎擊遂向東北遁去而另股髮逆已
由六神港一帶竄至蕪州之界嶺曹家河等處
經曾紹霖督礮船擊退逆股折回蕪州之菩提
壩其竄擾廣濟之賊蔓延田家鎮武穴等處總
兵丁泗濱派船迎擊殺賊多名該逆仍踞重山
黃泥湖彭玉麟又派水師總兵王吉督帶礮船

上駛協防查髮逆東竄已入英山霍邱原擬將
靳羅牽掣之賊偏之山境以備與皖軍夾擊乃
自光羅髮捻繞道闖入楚疆由黃安麻城下竄
與之勾合復肆猖獗逆首陳得才馬融和倪龍
懷吳義汰等屬聚於靳水之東南北西南延及
廣濟百出詭謀每因山勢圍我營壘而英霍之
賊又皆回竄靳水成大吉一軍及飛虎七營遂

勦平匪略卷九十三

三

爲賊匪層層圍裹未能驟出臣先以上游腹地
緊要檄飭姜玉順蕭河清溫德勒克西常星阿
蘇倫保等在白杲新洲等處駐紮扼其上犯嗣
因僧格林沁調派翼長成保總兵陳國瑞馬步
二十餘營已紮白杲等處楚軍後路可保無虞
遂將姜玉順等營檄赴下游靳水巴河會合李
成謀相機進剿以解成大吉之圍惟是靳水靳

州羣盜如毛到處亂竄牽掣我軍不能合圍賊
旣無意東竄勢必與我軍拚命死鬪乘隙圍循
舊路再肆鴟張總須設法先將成大吉救出重
圍方能再畫進攻之策就現在情形而論必俟
楚軍追賊出境與皖軍夾擊莫若皖軍迎剿而
上與楚合圍就地殄除蔣凝學六營本係楚師
已調赴靳水駐紮外一面咨調劉連捷一軍由

勦平匪略卷九十三

三

英霍赴楚兜剿相應請

旨飭下曾國藩喬松年迅飭皖省防軍星夜來楚在
鄂旣厚添兵力在皖仍穩固藩籬賊若橫出河
南僧格林沁現駐商城馬隊更易於得手無論
在楚在皖在豫或併力而剿或分路而追總當
不分畛域合力兜擒以期盡殲醜類總兵梁洪
勝前因紀律不嚴摘去頂戴此次因富森保被

圍馳赴救援深知愧奮合無仰祈

天恩開復頂戴以示鼓勵

官文又奏旨接奉

諭旨飭調溫德勒克西等隊赴甘亟應欽遵辦理惟查湖北髮捻交乘屬聚於蘄水蘄州以至廣濟黃梅光羅之賊回竄由上而下英霍之賊自東而西延亙二百餘里羣盜蟄集猶幸姜玉順溫

欽定剿平粵匪方略卷三十三

三

德勒克西常星阿蘇倫保等馬步各隊探知賊蹤上犯仍卽繞出賊前扼紮岐亭宋埠而蕭河清藍斯明等亦趕至石屋山得勝山與溫德勒克西等軍分紮柳子港力遏兇鋒該逆未得逞志現飭該軍等覘賊所向務將此股逆匪極力攻剿先清後路再赴蘄水蘄州會剿大股髮捻現據探報於十二日開仗擒斬頗多是白杲之

賊踞則力勦行則力追保全腹地賴此數軍此

時不但馬隊驟難抽調卽藍斯明等步隊亦有

萬難分撥之勢甘省情形喫重臣不敢稍存膜

視無如楚氛未平不能不先其所急乘此金陵

克復急將各省餘孽殄除東南大定再行分撥

赴甘

同日喬松年奏旨連日接據探報楚境北路竄

欽定剿平粵匪方略卷三十三

三

匪由麻黃趨併蘄羅與原踞之賊合股圍攻成大吉等營盤甚急蔣凝學一軍已爲官文調赴羅田助剿現在皖境六安英霍雖無賊蹤尙須一體嚴防張曜一軍現駐金家寨張得勝現駐流波礮可顧西路門戶英翰郭寶昌兩軍現飭仍紮英霍交界東西兼顧臣飛調何紹彩一軍至英山境扼紮協防其劉連捷朱洪章朱南桂

之軍均已陸續行抵潛山太湖等處據劉連捷稟報暫行駐紮聽候會國藩調度潛太宿松有此數軍駐守似可無虞均奏入

上命議政王軍機大臣傳諭僧格林沁官文會國藩喬松年日光羅髮捻晝夜東趨勢甚剽疾而羅田踞逆亦欲與蘄水一帶踞匪勾合經楊朝林成大吉等分路攻擊將鴨子阪七區匡家河等處賊巢

聖朝軍機處

奉

掃平敗賊悉竄蘄水蘄州與髮捻合股盤踞環攻官軍營盤石清吉等禦賊陣亡富森保衝山重圍成大吉一軍及飛虎七營仍爲賊匪層層圍裹未能驟出官文已調姜玉順等營赴下游蘄水巴河會合李成謀相機進剿以解成大吉之圍爲今之計非先解此圍不能取勝著卽督飭李成謀等迅速進攻力解重圍妥籌進取官文前調蔣凝學六

聖朝軍機處

奉

營赴蘄水駐紮仍請調劉連捷一軍赴楚兜剿本日據喬松年奏張曜郭寶昌等軍現駐金家寨等處劉連捷等軍行抵潛山太湖聽候會國藩調度前諭此軍到皖卽歸喬松年調度現在楚省軍情甚緊著會國藩喬松年飛檄劉連捷一軍速赴湖北卽歸官文調遣以厚兵力僧格林沁現駐商城如匪蹤橫山河南卽著督飭馬步各隊認真剿擊陳國瑞等軍能否分援蘄水合力解圍並著迅速籌辦無分畛域總之此股賊匪人數尙衆逆首陳得才馬融和倪瀧懷吳義汰均在蘄水廣濟一帶非楚皖豫三省通力合作不能殲滅著僧格林沁等會籌辦理以紓朝廷南顧之憂湖北水陸兵力不爲不厚現又調蔣凝學劉連捷等入楚該營均屬勁旅惟在調度得宜方能收指臂之效官文於

此股賊匪竄擾未能迅卽撲滅此勦彼竄兵力頗受賊匪牽掣又復屢次敗衄損失將領若不振刷精神力圖勦賊自問當得何罪記名總兵梁洪勝馳救富森保立解重圍尙知愧奮著准其開復頂戴以示鼓勵溫德勒克西等馬步各隊現紮宋埠等處經官文飭令規賊所向力清後路再赴蘄水蘄州會勦著照所請暫行留楚俟軍務稍鬆兵力

欽定剿平粵匪方略卷三十三

未

稍裕仍令赴甘勦賊不得藉詞逗留

官文又奏言提督銜總兵湖北提標中軍參將石清吉直隸順德府沙河縣人忠樸勇敢操守廉潔能與士卒同甘苦自咸豐五年帶勇隨營克復德安武昌漢陽復隨都興阿多隆阿軍營打仗疊克黃州蘄州蘄水廣濟黃梅及皖省之宿松太湖潛山桐城各郡縣又克復安慶省城

及廬州府城戰功厯著實爲軍營出色之員此次因救援富森保關口之圍奮不顧身衝鋒陷陣力竭陣亡富森保立解重圍終賴其救援之力實堪憫惻相應仰懇

天恩將該故員石清吉照提督陣亡例賜卹入祀昭忠祠並於原籍沙河縣及戰功最著之皖省廬州府湖北之黃州德安並死事之蘄水縣地方

欽定剿平粵匪方略卷三十三

三

建立專祠其同時陣亡之副將江星南谷明發遊擊曾占彪段會元均請

飭部優卹附祀以彰功烈而慰忠魂奏入

上諭內閣曰提督銜記名總兵湖北提標中軍參將石清吉忠樸勇敢自咸豐五年帶勇以來在湖北安徽等省疊克名城臨陣奮勇爭先戰功厯著此次因髮捻竄擾蘄水該總兵赴援關口地方衝鋒

陷陣關口重圍立解該總兵竟以力竭陣亡洵堪
憫惻石清吉著交部照提督陣亡例議卹入祀昭
忠祠並准於原籍直隸沙河縣及安徽廬州府湖
北黃州德安等府並蘄水縣各地方建立專祠其
同時陣亡之副將江星南谷明發遊擊曾占彪段
會元均著交部從優議卹並於石清吉死事地方
專祠一併附祀

聖朝方略卷九十三

三

二十七日^{乙丑}沈葆楨奏冒偽天將丁汰洋攻陷

雩都擾及贛縣之添子盪一帶參將韓進春聞
雩城被擾督隊馳至敗其斷後之賊復分三路
齊進悍賊數千擁擁爭出猛衝數次不動乃佯
與我相持潛將馬隊數百盤山徑而入適我左
營接應之兵由此徑而出薄之於險該逆人馬
辟易跌斃懸崖者無數魏高勝乘勝繞出賊後

該逆腹背受敵奪路狂奔丁逆自率精銳護之
入城九月初六日韓進春親督兵勇環攻各門
代理雩都縣知縣鄒汝銓等會合團紳助戰該
逆出西北兩門分路迎拒韓進春令親軍馬隊
由楊梅凹潛襲其後西門之賊驚潰不得入城
城賊開南門涉河而遁北門之賊亦狂奔逃竄
當將縣城克復所有尤為出力之升用副將撫

聖朝方略卷九十三

三

標中軍參將韓進春可否以總兵

記名簡放其餘出力員弁紳勇可否容^臣擇尤請獎
出自

逾格鴻施

沈葆楨又奏冒據溫處道魏喻義稟稱湖逆由
陳坊分兩股一由大路向雲際關一由小路由
大呂口計洪幅瑱馬隊尚多必出大路因督隊

續進八月二十九日抵雲際關悍賊千餘盡戰
二時斃賊極多賊始相率驚潰收降三千餘人
又據廣昌縣彭芝等稟稱湖逆竄徧東境精毅
營躡蹤緊追沿途痛剿殲戮無算該逆全數越
唐坊入石城境席寶田復督隊前進又據署贛
南道蔡應嵩稟稱會昌練勇於九月初七日克
復瑞金縣城旋准鮑超函開初九日已刻抵廣
昌正擬由石城進剿瑞金忽報凍逆圍甯都甚
急遂拔營趕至甯都偵知瑞金石城甯都已無
賊蹤惟凍逆到處勾添賊黨希圖接應湖逆盤
踞對河之東山壩等處鮑超卽擬出隊務將該
逆一律殲除奏入

上命議政王軍機大臣傳諭左宗棠楊岳斌沈葆楨
曰逆匪僞天將丁汰洋攻陷雩都擾及贛縣之添

欽定剿平粵匪方略卷九十三

三

子盪一帶經韓進春督隊馳至當將縣城克復參
將韓進春著交軍機處記名以總兵請旨簡放其
餘出力員弁紳勇著沈葆楨擇尤保奏丁逆遁往
何處著飭韓進春實力追剿一鼓撲滅湖逆由陳
坊分兩股一由大路向雲際關一由小路由大呂
口洪幅瑱馬隊尙多魏喻義扼之於雲際關斃賊
極多收降三千餘人該逆越唐坊入石城境席寶
田已督隊前進著左宗棠楊岳斌沈葆楨督飭席
寶田魏喻義等軍合力追擊務將洪幼逆全股悉
數殲除勿留遺孽會昌等練勇已將瑞金縣克復
凍逆圍甯都甚急聞鮑超兵至解圍而去到處勾
添賊黨冀圖接應湖逆盤踞對河之東山壩等處
鮑超現已追及著卽檄令緊躡賊蹤勿令與洪幼
逆勾合以期早日肅清

欽定剿平粵匪方略卷九十三

三

欽定勦平粵匪方略卷三百九十四 甲子年

十月初一日 戊辰 徐宗幹奏言江西廣昌石城一

帶逆匪悉竄瑞金踞壬田寨羅坑口等處為巢

穴環偏汀隘八月初六日署汀州鎮總兵關鎮

國率將弁擊勦獲勝斬馘甚多該逆不敢復窺

各隘仍屯踞瑞金縣境張運蘭所部湘勇已陸

續抵汀一俟到齊卽出境兜勦並與康國器一

勦平粵匪方略卷三百九十四

十一

軍遙為聯絡兼顧甯化武平各縣以杜分竄汀

屬邊防似尙周備惟探聞湖州敗匪於八月十

八九等日由徽境竄入浙省開化華埠至江常

一帶閩省建邵邊隘又復戒嚴 臣 飛催總兵林

文察於九月初七日督帶親軍壯勇到省令由

延平赴建甯暫駐探明何處喫緊馳往迎擊並

令署建甯鎮總兵袁良選派弁兵聽候調度至

林文察前因赴調延緩奏奉

諭旨交部議處茲該總兵而稱重洋風水阻滯非敢

有意遲延現既星馳赴防可否

飭部免議出自

聖恩奏入

上諭曰著卽飭令張運蘭等分道嚴密遏勦務將股

賊盡殲勿令擾及完善林文察被系赴調延緩處

勦平粵匪方略卷三百九十四

十二

分著加恩寬免

同日喬松年奏言逆匪竄踞楚境麻羅斬廣處

處喫緊皖軍稍可騰出兵力自應分撥出境會

勦除蔣凝學一軍業經調赴蕪水外 臣 已飛飭

劉連捷督率所部卽日拔隊前往蕪羅會合勦

辦至潛山太湖宿松一帶距賊甚近本尙空虛

所有朱洪章朱南桂兩軍應令扼守太湖兼顧

潛宿其李榕王可陞兩軍卽進紮潛山以爲朱
洪章等後路並防黃梅廣濟竄賊英霍等處仍
責成英翰郭寶昌張得勝何紹彩等軍防守奏
入報

聞

初四日辛未左宗棠奏言臣查明咸豐十一年浙
省失事武員酌其情罪重輕分別定擬所有已

欽定剿平粵匪方略卷九十四

三

革前署處州鎮總兵台州協副將特保兩次失
陷處州府城雖經規復咎無可辭已革前杭州
協副將王邦慶於杭城初次失守時保守內城
旋催援軍隨同克復又先後克復天台台州府
縣兩城並新昌縣城著有微勞惟不能力扼兇
鋒省城被陷後復失守嶺防功不掩過該二員
業經革職應請

旨發往軍臺效力贖罪前代辦撫標中軍參將衢州
城守營都司林奎於省城失陷本屬罪無可寬
惟係暫代人員並未接印且在省督造火藥與
帶兵防剿者不同應請

旨革職免其治罪已革前提標中軍參將博忠當甯
波府城失陷時曾經受傷並無棄城先遁情事
又隨同克復鎮海甯波府縣兩城及餘姚縣城

欽定剿平粵匪方略卷九十四

四

尙知愧奮業經革職應請

旨免其治罪奏入

上諭內閣曰咸豐十一年間浙江省城失守各屬相
繼淪陷失事文職各員業經分別懲辦其失事武
員自應按律定擬各該員或兩次失陷城池咎無
可辭或著有微勞功不掩過或暫代人員並未接
印或隨同攻克並復鄰封情節不同應分別重輕

各當其罪所有已革前署處州鎮總兵台州協副將特保已革前杭州協副將王邦慶均著發往軍臺效力贖罪前代辦撫標中軍參將衢州城守營都司林奎著革職免其治罪已革前提標中軍參將博忠著免其治罪

初六日癸酉曾國藩奏言湖北大股賊匪由麻城

羅田東竄經六安守將蔣凝學率隊擊敗賊乃

聖朝聖學卷之四

五

轉趨英山與蘄水另股竄匪會合圍逼城壘蔣

凝學屢戰獲勝先後俘斬解散以數千計賊於

九月初間退竄楚境適英翰郭寶昌擊敗霍山

賊由六安以達英山蔣凝學奉湖廣督臣之檄

亦即由英山赴援羅田而賊之徧擾蘄水蘄州

廣濟黃梅者正入太湖西境聞劉連捷朱南桂

等軍已抵太湖亦悉數退竄鄂疆至浙賊入皖

延擾徽郡自唐義訓金國琛等軍敗賊於鎮口等處死者降者十之六七餘賊踰歙嶺而逸經唐義訓等出嶺追勦竄入浙江遂安縣境我軍追及斬三百餘級解散千餘人賊橫竄馬石橋出豐口小路陷開化華埠據報漏逸而西者不過數千現在皖北皖南一律肅清惟湖北賊勢尙趨重蘄水廣濟等縣皖北日前肅清未可深

聖朝聖學卷之四

六

持臣已添調各軍扼堵太湖潛山宿松英霍等

處以防回竄而皖南之賊竄入江西則節節皆

有重兵餘匪竄楚不能復擾皖境所有皖南諸

軍如易開後唐義訓劉松山金國琛等防勦多

年艱苦備嘗應先行開列願懇

恩施以昭激勸其餘出力員弁可否彙入擊退竄賊

各案內容臣奏保出自

鴻施

同日沈葆楨奏言汪海洋悍黨自許灣敗散後
尙餘四五萬竄伏瑞金又收合餘燼回撲甯都
九月初八九等日晝夜猛攻署參將石玉署知
州郭毓龍等督同紳民登陴固守斃賊千餘我
勇傷亡亦以百計勢甚危急鮑超率所部由池
埠倍道赴援十一日該逆分三路出偏官軍營

欽定剿平粵匪方略卷九十四

七

壘賊陣林立山岡鮑超指揮諸將分路應敵駭
逆拌死衝突我軍五路齊進敗其前隊譚勝達
唐仁廉等軍奮力衝殺左右兩路之賊先後潰
退周有勝等直搗中堅馬隊各軍橫截直衝賊
勢不支我軍追至山下圍殺方酣忽另股從山
巔壓下拌命搏鬪適譚勝達等乘勝馳至斷其
歸路賊遂大潰我軍追殺四十餘里當將吳口

渡張連湖坑山港烏林場等處賊巢悉數踏平

積屍盈野十二日督隊進抵甯都州平城外數

十里立解城圍石玉等領兵練隨同追剿共斃

賊萬餘名生擒二千餘名內有偽朝將王金瑞

等賊目一百二十四名均於軍前正法我軍陣

亡員弁十人勇丁百餘名臣查鮑超以萬餘衆

疊摧巨敵立解重圍固全腹地不少應如何獎

欽定剿平粵匪方略卷九十四

八

勵之處出自

聖裁所部將領員弁勇丁請

飭下曾國藩查明優保以作士氣其固守危城尤爲

出力之署甯都州事捐升知府郭毓龍等應先

行開列懇

恩獎勵其餘官紳勇練可否容臣擇尤請獎出自

鴻施陣亡遊擊牟占魁等十員懇

恩飭部從優議卹以慰忠魂

沈葆楨又奏冒據席寶田稟稱湖逆由陳坊分股黃汶英率六七千人向光澤洪芒玕挾幼逆率四五千人向瀘溪九月初四日會於新城向橫村而遁席寶田督軍晝夜緊追初九日及之於廣昌之唐坊白水嶺等處擒斬多名該逆退踞古嶺憑險堅拒遊擊夏基鴻外委廖生達斬

聖朝聖略卷九十四

九

關而入力戰死之我軍奮勇齊進賊棄嶺狂奔席寶田揮大隊偏之賊分黨四散各營亦分隊搜剿席寶田自率輕騎疾進生擒偽干王洪芒玕偽招王黃汶英並斬偽鳳王等會初十日追至高田墟復生擒偽天將等百餘名老賊七八百名羣賊千餘名殺斃三千餘名解散數千名餘黨竄入閩界數不滿千十一日我軍復追擒

聖朝聖略卷九十四

十

四五百名訊據供稱漏網之會惟偽主將羅逆王逆耳幼逆實未入閩境也十二日各營搜獲幼逆左右偽侍御列王數十百名石城縣知縣曾繼勳亦督鄉團搜獲偽卹王洪芒政席寶田提訊羣酋咸稱佑逆李遠繼已殞於陣幼逆洪幅瑱或謂死於亂軍或稱自經山僻臣查幼逆親黨已悉數就擒斷難獨脫惟須得實在下落方釋羣疑至黃汶英前准左宗棠咨業經浙軍擊斃嗣據張岳齡稟稱斃於廣豐此次席軍所擒是否黃汶英尚須研訊明確查此股悍賊經席寶田盡力窮追苦戰五晝夜翦除殆盡殊屬異常勤奮可否仰懇

天恩准予開復降補知府處分仍以按察使記名簡放並

賞還布政使銜勇號所部將士可否容臣擇尤請獎

出自

逾格鴻施陣亡遊擊夏基鴻外委廖生達懇請

飭部從優議卹以慰忠魂

沈葆楨又奏言據署龍南縣知縣蔣如琳等稟

稱南雄之賊竄犯龍南縣境該縣文武統帶兵

勇迎擊八月二十五日賊由插林坳嶺巔擁

聖朝聖略卷之四

十一

而下外委羅玉雲督勇衝殺斃賊數十名該逆

斜趨水西由犁頭背渡河蔣如琳槍赴河干斬

登岸之賊數百名槍斃溺斃無數賊之後隊復

由下游偷渡守備范應龍迎頭截擊蔣如琳橫

截其腰斃斃五六百名生擒偽王蘇喜等並

長髮賊二百餘名餘黨向定南廳境竄去查該

縣文武紳民同心殺賊力保危城洵堪嘉尚謹

將尤爲出力之署龍南縣事卽補同知直隸州

知州蔣如琳守備范應龍先行開列懇

恩獎勵其餘出力員弁紳勇可否容臣擇尤請獎出

自

逾格鴻慈

同日兩廣總督毛鴻賓署廣東巡撫郭嵩燾奏

言江西逆匪由信豐關入南雄進徧州城經南

聖朝聖略卷之四

十一

韶道唐啟蔭飭總兵易榮華等分路出擊疊獲

勝仗斃匪甚多賊由東南竄去臣等以該逆不

能逞志於南雄難保不由他道竄粵已先飭接

壤江西各州縣集團堵禦並飛咨提臣崑壽募

勇千名派委委員相機堵剿八月二十六日賊

由江西之龍南竄入和平龍川境內幸各縣均

已有備沿途堵截賊遂橫竄嘉應州界之長田

和平龍川交界之下車等處已飛飭都司銜鄭紹忠由龍南馳赴連平與提臣所派之常秀各軍聯絡截擊補用知府吳贊誠與副將方耀一軍扼紮州界防堵賊漸由香藤坳等處回竄武平查江粵交界路路可通兵勇不敷分布實有防不勝防之勢須得聲威較重之大員督率調度提臣崑壽現駐惠州該處爲東江門戶一時

欽定四庫全書

十一

未能輕離臬司李福泰老成精幹在粵年久熟悉情形現添派兵勇遴選得力員弁令該臬司督率出省自副將以下俱聽調遣以一事權而資鎮率另委湖南副將沈玉遂督帶水師並派已革都司黃連元管駕巡船駛往惠州河面嚴密布置以爲陸師聲援再據惠潮嘉道鳳安等稟稱八月二十九日賊衆萬餘由江西安遠長

甯竄入平遠縣境副將方耀派兵迎剿衆寡不敵賊遂直撲縣城知縣吳炳綬嬰城固守三十日率民團山城擊賊中槍墮馬賊衆大至縣城不守臣等飛飭臬司李福泰潮州鎮總兵翟國彥嚴督兵勇合力進攻並飭各營四面兜剿勿徒以收復縣城了事

欽定四庫全書

十二

平祇此餘匪延喘於江粵之交斷難久稽顯戮惟侍逆李侍賢等皆百戰之餘非烏合可比若不及早殲滅恐死灰復燃關繫東南全局現在江西兵力厚集賊勢萬難久駐則竄楚竄閩竄粵惟其所便而邊防之單又爲賊意所注無過粵東者目前竄入之匪不過萬餘堵剿已形棘手探聞瑞金信豐諸大股動輒六七萬駸駸

蹤而入其勢恐難再支粵省餉絀兵單非一時所能補救臣等通籌全局時切憂惶竊計賊匪一日不滅粵東不能一日休息江西湖南不能一日撤防卽東南各省亦不能遂稱安枕與其糜經費於防堵何如合羣力以殲除江楚兵力極厚餉源亦裕若僅防堵本境以鄰爲壑似非朝廷登民衽席之心可否

聖諭

三

飭下江西撫臣沈葆楨令王文瑞一軍由贛南一帶長驅入粵會合惠潮各軍以剿東江之賊湖南撫臣惲世臨令趙煥聯一軍由桂陽桂東入粵會合南韶各軍以遏北江之衝臣等仍嚴飭粵省各軍跟蹤兜剿務期殄此殘寇毋遺後患毛鴻賓郭嵩燾又奏言粵東帶兵籌餉在在需人查有廣西候補道王承澤戰功卓著四川候

補知府曾紀鳳熟悉戎機現均請假在籍合無仰懇

天恩飭下湖南巡撫檄令該員等剋日馳赴廣東交臣等差遣委用實於軍務有裨均奏入

上命議政王軍機大臣傳諭曾國藩左宗棠毛鴻賓沈葆楨徐宗幹惲世臨郭嵩燾曰英霍之賊退竄鄂疆徧竄蕪水蘄州等處皖北雖暫就肅清未能

聖諭

六

恃以無恐現在湖北軍情喫緊著曾國藩懷遵疊次諭旨飭令劉連捷迅卽赴援湖北其皖楚交界地方仍責令朱南桂等嚴密防守毋任回竄皖南之賊走遂安陷開化漏逸而西者尙有數千人由江竄楚竄粵頭頭是道曾國藩仍當飭令易開俊金國琛等跟蹤出境追剿務須數省合力將此股殘匪殄除淨盡未可以鄰爲壑致令死灰復燃鮑

超援甯都血戰解圍已降旨賞戴雙眼花翎沈葆楨卽傳知該提督益圖奮勉將漣侍等逆悉數誅鋤肅清江境用副委任席寶田一軍翦除湖逆搜獲偽干王洪芒玕等多名據生擒賊供祐逆李遠繼已殞於陣幼逆洪幅瑱或謂死於亂軍或稱自經山僻俱屬渺茫不定僞主將羅逆王逆亦俱漏網恐遺孽復萌再有勾結又形費手著沈葆楨卽

聖皇聖考卷九十四

七

飭席寶田等確切查明幼逆所在認真搜捕以淨根株左宗棠徐宗幹亦當督飭各路地方將領嚴密捕拏爲一勞永逸之計南雄賊犯龍南經知縣蔣如琳等督勇擊斃甚多餘匪竄定南聽此處與廣東地方交界著毛鴻賓郭嵩燾飭令地方文武嚴防竄越並派兵出境追剿以免再有闖入沈葆楨仍當責令地方文武員弁認真防剿如賊勢尙

衆卽酌量抽調數營前往會同粵軍合力剿洗正在寄諭閒據毛鴻賓等奏匪撲南雄州城官軍迎擊疊勝賊趨東路現飭臬司督兵出省防剿又賊由江西安遠長甯竄入平遠縣城等語南雄賊匪被擊退竄復由江西之龍南竄入和平龍川境內幸各縣均有準備遂橫竄嘉應州界之長田和平龍川交界之下車等處毛鴻賓等已飛飭鄭紹忠

聖皇聖考卷九十四

六

由龍南馳赴連平與崑壽所派之常秀各軍互爲聯絡並令知府吳贊誠等扼茶州境防剿著卽催令李福泰籌添兵勇統帶出省赴南雄一路妥籌勦辦毋令匪蹤紛竄並嚴飭方耀等軍迅行規復平遠縣城粵東江西湖南犬牙相錯粵東一日不得肅清江西湖南卽一日不能安枕著沈葆楨卽飭王文瑞一軍由贛南一帶長驅入粵會合惠潮

各軍以剿東江之賊惲世臨卽令趙煥聯一軍由桂陽桂東入粵會合南韶各軍以遏北江之衝均須剋日赴援不得稍分畛域致誤戎機毛鴻賓等當飭令李福泰先就現有兵力迅圖勦辦不可坐待客兵遷延時日廣西候補道王承澤四川候補知府曾紀鳳現在是否在湘著惲世臨檄令該員等剋日起程赴粵交毛鴻賓等差遣委用以資得力

欽定剿平粵匪方略卷九十四

十九

上諭內閣曰官軍擊賊出境皖北皖南肅清仍著曾國藩督飭各軍乘勝追剿迅殲醜類務絕根株在事尤爲出力之安徽壽春鎮總兵易開俊著交軍機處記名遇有提督缺出請旨簡放署皖南鎮總兵唐義訓著開復革職留任處分皖南鎮總兵員缺卽著該員補授總兵劉松山著給予一品封典

前布政使銜湖北安襄鄖荆道降補同知金國琛著開復道員原官其餘出力員弁並著曾國藩彙入擊退竄賊各案內奏請恩施

上又諭內閣曰鮑超一軍自入江後連獲大捷所向有功此次馳援甯都以萬餘衆疊摧巨敵立解重圍固全腹地實屬謀勇兼優深堪嘉許鮑超著加恩賞戴雙眼花翎以示優異其所部將領員弁勇

欽定剿平粵匪方略卷九十四

二十

丁並著曾國藩查明保奏候旨施恩此次固守危城尤爲出力之署甯都州知州捐升知府郭毓龍著以道員留於江西補用代理參將甯都營守備石玉著以遊擊留於江西儘先補用並賞加副將銜守備賴永福著以遊擊留於江西儘先補用並賞換花翎千總馬成香著以都司留於江西儘先補用並賞換花翎候選知縣郭爲蕃著以知縣卽

選並賞戴花翎已革玉山縣知縣馬榮甲著俟
糧處分開復後賞換花翎其餘官紳勇練著沈葆
楨擇尤保奏以示鼓勵陣亡之遊擊牟占魁安徽
卽補都司洪龍海都司曹志本洪潮海都司銜守
備鍾世名守備張明坤把總譚尙德外委杜賢才
楊國友儘先外委高凱風均著交部從優議卹以
慰忠魂

聖朝聖考略卷之四

三

上又諭內閣曰湖逆洪柱珩等由新城敗遁經席寶
田等力追數百里苦戰五晝夜翦除殆盡辦理甚
為得手席寶田著開復降補知府處分仍以按察
使記名簡放並賞還布政使銜勇號其餘出力員
弁著沈葆楨擇尤請獎陣亡之遊擊夏基鴻外委
廖生達著交部從優議卹以慰忠魂南雄股匪竄
擾龍南縣境該縣文武各員統帶兵勇迎擊擒斬

多名在事出力之署龍南縣知縣蔣如琳著賞戴
花翎守備范應龍著賞換花翎其餘出力員弁著
沈葆楨一併擇尤奏請獎勵

毛鴻賓郭嵩燾又奏言臣等前因平遠縣屬之
八尺墟地方關繫緊要派令副將方耀帶勇駐
紮詎該副將於八月下旬私回潮州補募勇丁
遂致被賊闖入雖緣勇丁不敷堵禦事屬有因

聖朝聖考略卷之四

三

惟私自離營以致軍無統帥為賊所乘實屬咎
有應得應請

旨將副將方耀暫行革職責令帶罪立功以贖前愆
奏入得

旨方耀著暫行革職責令帶罪立功以觀後效儘再
不知奮勉卽行從嚴參辦

初八日 乙亥

上命議政王軍機大臣傳諭僧格林沁官文曾國藩
富明阿吳棠李鴻章曰前諭曾國藩調派劉連捷
等軍赴楚助剿疊據奏報業經陸續到皖劉連捷
一軍已由官文檄調赴鄂此起官兵皆係曾國藩
舊部卽鄂省水陸各營亦係楚勇居多若得曾國
藩前往調度則兵將相習必可收指臂之效現在
江甯已臻底定軍務業經蒞事卽著曾國藩酌帶
所部前赴皖鄂交界督兵剿賊務期迅速前進勿
稍延緩第恐曾國藩之兵由東路進偏賊必避兵
西竄武漢一帶防守亦關緊要官文俟曾國藩到
後卽可回駐省垣會同吳昌壽妥籌防範並將各
營餉需源源接濟毋令缺乏僧格林沁深入楚境
難保賊匪不伺隙竄擾北路著酌量情形扼要駐
紮力顧豫疆賊或北竄卽著督率馬步迎頭夾擊

欽定剿平粵匪方略卷九十四

三

三

三

三

以期聚而殲旃僧格林沁官文曾國藩均係威望
素著似此三面扼紮必能將此股賊匪悉數殲除
剋期蒞事至江南甫經肅清所有撫輯地方一切
事宜均須妥爲籌辦李鴻章著前赴江甯暫署總
督篆務曾國藩俟李鴻章到後卽行交代起程江
蘇巡撫著吳棠暫行署理並著迅速起程赴蘇富
明阿著兼署漕運總督所有淮徐一帶防守事宜
卽著妥籌兼顧應否移紮清淮並著富明阿斟酌
情形奏明請旨至李鴻章籍隸安徽該省係總督
兼轄固應迴避惟此時軍情緊要不能不權宜變
通李鴻章著毋庸奏請迴避卽行前往江甯接替
以便曾國藩迅速出省曾國藩李鴻章皆係朝廷
有功之臣素能不分畛域此時雖係暫時任事於
應期應防一切機宜均當以大局爲重力戒滿盈

欽定剿平粵匪方略卷九十四

三

三

三

三

不可稍涉大意以副委任

聖祖聖訓卷之十四

三

欽定勦平粵匪方略卷三百九十五 甲子年

十月初十日 丁丑 喬松年奏言楚逆屬聚蕪羅前

經派撥各軍防勦現探聞成大吉之賊經蔣

凝學帶兵會合成大吉諸軍連日分勦獲勝業

已解圍賊匪南竄蕪州劉連捷一軍日內即可

拔隊前進英山潛太等處仍飭在防各軍加意

嚴防毋稍疏懈奏入報

聖祖聖訓卷之十五

聞

十一日 戊寅 僧格林沁官文奏言逆眾自趨蕪水

後大股屬聚梅子山等處延袤八九十里與蔡

家河踞匪互為犄角 臣等通籌全局亟應楚豫

夾擊並嚴防江西絕其旁竄以期聚而殲旃 臣

僧格林沁議由蕪水陸路親督馬步各軍節節

進剿 臣官文並令楚軍陸師均歸 臣僧格林沁

調遣以厚兵力現值秋深水涸江湖之防較前
喫重水師戰守機宜仍歸 臣官文調度所有蘄
州茅山渡等處沿江要隘及蘭溪下巴河糧道
飛檄各水師加意嚴防疊據各營稟報九月初
十日賊犯田家鎮洋橋均經水師擊敗步賊欲
撲龍坪亦經擊散該逆退向蘄州之下壩會合
大股依山盤踞十三十五十六等日賊在下湖
廟一帶圖犯湖邊水師又擾彭司橋及小爛泥
灘等處旋復竄犯土門均經師船擊退賊遁西
湖嘴一帶 臣官文以內湖水勢日涸礙船恐難
得力先飭譚仁芳率步隊扼紮蘄州與水師相
輔而行據報十六日行抵蘄州敗賊於西湖嘴
追至冷水井易家冲而同至蘭溪屢被賊撲 臣
官文令李明惠所部步隊會同總兵張啟基水

師扼防疊次擊賊獲勝該逆退踞鄧家畝意圖
偷渡復經師船擊退二十一日賊於黃篾湖西
岸沿山築壘以大股突撲李明惠後營李明惠
親帶勇丁會合張啟基水師擊退副將楊秀琪
奮勇殺賊中槍陣亡 臣官文以該逆屢次窺伺
江湖水面當將留防襄河潰口小河口一帶礙
船調赴下游歸張啟基分布防勦並派李成謀
陸師扼防下巴河七里鋪唐協和陸師移紮黃
岡縣東湖而以輔水師之不逮又飭沿江州縣
稽查渡口並令都司熊星源等督率礙船在襄
河岳口以下及府河小河口石牌一帶分段梭
巡力杜竄越至成大吉及飛虎等營前在白蓮
河被賊圍裏嗣經蔣凝學破圍入援力扼蔡家
河與成大吉聯絡一氣二十日力解重圍斬擒

及解散者甚多二十一日與楊朝林梁洪勝併力勦洗連捷於關口等處據探該逆分股敗遁一竄太湖一竄廣濟成大吉等軍已由蘄州之張家塆進勦藍斯明等馬步隊由廣濟跟追皖師劉連捷等軍已抵太湖乘此軍威奮力夾擊當可迅奏膚公惟英山一路尙屬空虛臣官文已咨商臣僧格林沁酌撥數營防賊回竄以備

聖軍聖略卷之五

四

不虞所有陣亡副將楊秀琪應請

飭部從優議卹以慰忠魂奏入

上命議政王軍機大臣傳諭僧格林沁官文會國藩曰蘄水逆眾被勦窮蹙分竄廣濟太湖自應乘勝會勦以期聚而殲旃卽著僧格林沁督飭成大吉等馬步各軍跟蹤追擊劉連捷等軍已抵太湖並著僧格林沁會國藩飭令迎頭會勦迅奏膚公第

逆匪既經陸軍勦擊下游又有皖軍攔截當此秋深水涸沿江沿湖各要隘尤應嚴密堵禦以防搶渡官文務當督率水師梭巡防範遇賊卽擊毋得稍有疏虞英山一路防守尙屬空虛著僧格林沁酌撥數營嚴防回竄陣亡副將楊秀琪著交部照副將陣亡例從優議卹

聖軍聖略卷之五

五

同日沈葆楨奏言逆匪自甯都敗後回踞瑞金鮑超率師連日追勦撿斬極多九月十五日馳抵瑞金該逆前股入城死守後股背城而陣經鮑超督軍擊敗城賊驚惶開西南門而遁當將縣城克復城外賊壘一律踏平追至距城三十餘里之莖田直達閩界始行收隊計撿斬長髮五六千人乞降解散者不計其數餘賊由武平山路潛遁該署提督已知會閩省防軍一體截

勦臣仍飭各屬加意嚴防以杜回竄查總超統
師入江冒暑血戰平許灣七十餘壘攻克金谿
瀘溪南豐新城力解甯都重圍削平瑞金踞逆
東南大局深資保障應如何

優加恩獎伏候

聖裁其所部將領員弁兵勇可否

飭下曾國藩破格請獎出自

欽定剿平粵匪方略卷九十五

六

天恩

沈葆楨又奏言據席寶田稟稱九月十三日在

高田擒獲偽尊王劉慶漢訊供後凌遲處死以

幼逆尙無蹤跡移軍石城派知縣謝蘭階訓導

唐家桐分帶小隊會同石城縣知縣曾繼勳四

山搜捕二十五日遊擊周家良獲之荒谷並獲

李秀城次子李其詳請解省確訊等情竊念洪

幅瑱黃口小兒無足介意惟洪秀泉竊號十餘

年流毒十餘省遺孽猶在剽竊巨魁倚其名

號足以揮召羣兇李侍賢汪海洋等股東西奔

竄方欲得幼逆以冀死灰復燃當幼逆遁至廣

昌去濂逆已閒不容髮幸席寶田晝夜窮勦追

至石城總超援甯都克瑞金使濂逆無可容足

而幼逆輾轉荒谷卒就生擒東南大局從此底

欽定剿平粵匪方略卷九十五

七

定所有尤爲出力之按察使席寶田應如何

優加恩獎出自

聖裁遊擊周家良等先行開列懇

恩獎勵其餘出力員弁勇丁可否容臣擇尤請獎出

自

逾格鴻施洪幅瑱應否檻送京師李其詳年僅四歲

應否飭令解省監禁俟及歲時照例辦理均請

旨遵行

沈葆楨又奏旨南雄之賊闖入定南廳境八月二十六日直薄城下署同知寶鴻儀調集兵勇登陴守禦復選精壯繼城出伏前後夾擊該逆敗竄黃沙口天花寺等處寶鴻儀招集鄉團分投迎擊斬馘多名賊擾大竹園復經都司姚元盛等四路設伏約會兵團奮擊賊屍枕藉前後斃逆酋甚多餘匪向廣東和平遁去廳境一律肅清查該廳官紳同心殺賊力保危城洵堪嘉尚所有尤爲出力各員應開列懇恩獎勵其餘官紳弁勇可否容臣擇尤請獎出自逾格鴻施

同日署福建福甯鎮總兵林文察奏旨臣於七月三十日督所部內渡抵泉接撫臣徐宗幹來

函囑臣赴省隨於九月初一日自泉起程初七日到省與撫臣面商機宜探報江西敗匪竄至雲際關汀邵邊防喫緊臣卽於十二日拔隊啟行馳赴汀邵一帶相機迎剿以期迅掃餘氛

同日徐宗幹奏旨汀官軍會同江西各軍擊退瑞金竄匪後據探該逆繞竄廣東平遠鎮平大埔等縣勢將闖入閩境窺伺漳龍臣飛檄漳

州鎮道及龍巖文武加意嚴防並飛咨署陸路提臣林文察趕緊折回擇要籌防旋據興泉永道鄧廷枏稱九月初九日賊由大埔小路竄至永定十四日直犯漳郡或稱失守或稱未失現飭委員確探並籌辦守禦等情查瑞金城賊據報已退竄雩都地方汀邵邊界仍須嚴防關鎮國應留守汀隘康國器仍駐防光邵均未可

遠離臣已派員各路確探一面檄飭署督標副將郭什春帶領兵勇二千馳往泉州並飛催林文察星夜折回督同進剿飭調魏喻義迅速移師策應張運蘭督帶所部湘勇由閩道疾趨會剿臣再當察看情形親自出省督辦現在浙江全省肅清江西廣東官軍甚眾賊勢似以閩省有閒可乘趁勢竄入臣已飛咨督臣左宗棠卽

欽定剿平粵匪方略卷九十五

十一

派浙營得力將官統帶勁旅星馳來閩策應均奏入

上命議政王軍機大臣傳諭左宗棠毛鴻賓沈葆楨徐宗幹郭嵩燾林文察曰瑞金踞賊經官軍擊走後繞竄廣東平遠鎮平大埔等處關入閩境窺伺龍巖直犯漳郡徐宗幹已飭郭什春帶兵勇二千馳往泉州並調魏喻義張運蘭作速進剿卽著督

飭各軍乘新竄之賊喘息未定一鼓殲除毋任延蔓閩省兵力較單全浙現已肅清左宗棠檄飭得勝之軍星馳赴閩協力進擊迅殄賊氛漳郡是否失守著徐宗幹確查具奏林文察著相機進剿毋稍遲緩鮑超攻克瑞金仍著督軍出境會合閩省防軍將此股敗匪追捕淨盡以竟全功所部將領員弁兵勇著沈葆楨咨明會國藩保奏候旨施恩

欽定剿平粵匪方略卷九十五

十一

並嚴飭各屬加意嚴防以杜逆匪回竄幼逆被擒已諭令卽在江西省城凌遲處死李秀城之子李其詳著俟及歲時照例辦理現在粵省之賊由大埔竄入閩境其嘉應等處賊勢如何平遠縣城是否收復前調之王文瑞趙煥聯兩軍著毛鴻賓郭嵩燾飛咨江西湖南分飭該員等迅速入粵助剿並嚴飭李福泰等將各處竄匪節節掃蕩以期底

定東南全局

上諭內閣曰幼逆洪福瑱一犯前於江甯攻克時據
擒賊供稱該逆積薪自焚嗣據左宗棠探明洪福
瑱實已潛蹤逃竄疊經諭令各路跟蹤兜拏該逆
被官軍追剿屢次敗衄由安徽廣德逃往浙江湖
州復出竄安徽甯國昌化績溪自浙江遂安一帶
遁入江西廣豐瀘溪官軍沿途躡追及於廣昌

聖朝聖略卷九十五

十一

石城地方將各逆會斬馘殆盡幼逆尙未就擒席
寶田一軍移紮石城派員帶隊搜拏九月二十五
日遊擊周家良於石城荒谷中將洪幼逆拏獲該
犯雖係洪秀泉之子而么膺小醜漏網餘生亦不
值檻送京師著沈葆楨卽將洪福瑱在江西省城
凌遲處死以快人心沈葆楨自簡任江西巡撫籌
防籌勦深合機宜浙皖賊匪屢次竄入江西均經

調派兵勇次第掃蕩轉危爲安並生擒首逆殲除
各巨酋實屬勦勞懋著加恩著賞給一等輕車都
尉世職並賞給頭品頂戴署浙江提督鮑超前在
江楚皖三省勦賊卓著戰功此次督軍入江所向
大捷雕勦東西兩路疊摧巨股連克堅城斬馘解
散不下十餘萬賊衆聞風膽落遂能盡掃逆氛肅
公立奏鮑超前因江甯克復甯都解圍先後賞給

聖朝聖略卷九十五

十一

一等輕車都尉世職賞戴雙眼花翎加恩著錫封
一等子爵以示優異記名按察使席寶田帶兵追
賊屢獲勝仗並將首逆捕滅奮勇可嘉加恩著賞
給雲騎尉世職並賞穿黃馬褂遊擊周家良搜獲
洪福瑱等會甚爲得力加恩著賞給雲騎尉世職
仍免補參將以副將儘先補用並賞給猛勇巴圖
魯名號知縣謝蘭階陳寶箴均著免選本班以同

知直隸州知州不論雙單月卽選並賞戴花翎遊擊龔繼昌屈德茂魏玉彩均著免補參將以副將儘先補用龔繼昌並賞給果勇巴圖魯名號屈德茂並賞給敢勇巴圖魯名號魏玉彩並賞給壯勇巴魯圖名號都司陳柏貴著免補遊擊以參將儘先補用並賞加副將銜守備唐本有著免補都司以遊擊儘先補用並賞加參將銜訓導唐家桐著

欽定剿平粵匪方略卷九十五

十四

免選本班以知縣留於江西補用知縣曾繼勳著以直隸州知州升用並賞換花翎其餘出力員弁兵勇著沈葆楨擇尤保獎候旨施恩

上又諭內閣曰閩浙總督兼署浙江巡撫左宗棠督師入浙恢復浙東各郡縣進規浙西攻克杭州省城及湖州等府縣肅清全浙並派兵截剿皖南竄賊蕩平巨股卓著勳猷茲當幼逆洪福瑱就擒殲

除餘孽東南軍務漸次底定自應渥加懋賞左宗棠著加恩錫封一等伯爵浙江布政使蔣益澧隨同左宗棠統兵入浙身先士卒所向無前先後力拔堅城廓清浙境懋著戰功並著加恩賞給騎都尉世職以示渥沛恩綸至意

欽定剿平粵匪方略卷九十五

十五

上又諭內閣曰定南官紳擊賊獲勝該廳境內肅清勦辦尚屬得手所有尤爲出力之署定南廳同知寶鴻儀著賞戴花翎儘先都司姚元盛著以遊擊留於江西儘先補用其餘出力官紳著沈葆楨查明擇尤請獎

十三日 庚辰 左宗棠奏旨逆賊李侍蔭汪海洋兩股疊經江西官軍勦敗然黨夥甚衆時出江粵邊界昨接福建撫臣徐宗幹函稱瑞金踞匪擊退後賊之入粵者復由大埔翻山竄犯汀屬陷

武平縣城張運蘭轉戰失利賊即分股竄陷龍巖南靖並陷漳州府城徐宗幹現調林文察回扼泉州臣查漳州龍巖失陷汀州所屬亦徧地賊氛北與延平永春毗連南與廣東潮嘉接壤現在江西瑞金會昌尚有賊踞關鎮國駐汀州康國器駐邵武兩軍均難撤動徐宗幹調泉廈各處官兵六七千人分防興泉並通永春等處

聖皇聖略卷九十五

七

兵單力薄殊為可虞臣飛飭提督黃少春副將劉明珍兩軍由衢州取道浦城赴邵武一帶接防以便騰出康國器全部進剿漳州並飭援江各軍除王德榜王開琳仍留吉安防剿外劉典一軍即由建昌取道赴汀惟此兩路由江浙邊界赴閩山徑崎嶇深恐緩不濟急現在賊踞漳州有下趨之勢省垣為根本重地興泉兩郡為

省城門戶不可稍涉疏虞當飭提督高連陞率所部馳赴甯波雇坐輪船由海道先赴福建省城察賊所向相機迎剿以期穩固臣俟各軍拔行後即擬進駐衢州就近調度如局勢必須急進當赴閩親督諸軍迅速剿辦惟浙省係臣兼署一切善後事宜猶須次第經理臣既赴閩勢難兼顧應請

聖皇聖略卷九十五

七

飭下新任撫臣馬新貽速赴本任接辦以重職守馬新貽未到任以前臣如出省所有浙江巡撫篆務可否即交藩司蔣益澧護理伏候訓示遵行

左宗棠又奏言接據署福建莆田縣知縣吳光漢稟報漳州府城被匪闖入焚掠九月十五日仍退往龍巖臣惟漳州賊退尚屬得自傳聞而

龍巖與粵東毗連各處均爲賊踞閩省軍情仍屬喫緊所有三路入閩官兵應仍星馳前進俾速戡定奏入

上命議政王軍機大臣傳諭左宗棠毛鴻賓徐宗幹沈葆楨郭嵩燾曰江西逆衆由廣東大埔翻山竄犯汀屬武平縣境張運蘭轉戰失利賊分股陷龍巖南靖入漳州府城徐宗幹調林文察回扼泉州

欽定剿平粵匪方略卷九十五

十一

左宗棠飭提督黃少春副將劉明珍由衢州取道浦城赴邵武一帶接防以便替出康國器全部進剿漳州劉典一軍由建昌赴汀該督恐緩不濟急已飭高連陞由海道赴福州省城相機迎剿並擬進駐衢州就近調度催新任巡撫馬新貽赴任所籌均尙周妥已諭令馬新貽卽赴浙省矣浙省接辦善後各事亦關緊要萬一閩省軍情緊急馬新

貽一時未能赴浙卽令蔣益澧暫行護理仍隨時兼顧以期無誤漳州踞匪是否退往龍巖各該府州縣等城文武如何下落均著左宗棠徐宗幹查明具奏龍巖與粵東毗連各處俱爲賊踞閩省軍情萬分喫緊著左宗棠催令派出各軍並親督官軍速籌進剿張運蘭一軍雖小有挫失左宗棠徐宗幹仍當督飭該臬司激勵將弁以期再整軍威閩省被賊闖入連陷數城徐宗幹何以先事毫無準備如再有疏失自問當得何罪毛鴻賓沈葆楨等於賊匪竄出境外何以不令諸將跟追畛域分明以鄰爲壑非同心禦侮之道著卽飭令在事員弁出境窮追會同閩浙諸軍協力剿洗淨絕根株其瑞金等處踞匪及南雄一帶竄匪仍著各該督撫認真搜剿勿留餘孽

欽定剿平粵匪方略卷九十五

十一

上又命議政王軍機大臣傳諭曾國藩喬松年馬新
貽曰逆賊李侍賢等股由廣東大埔翻山竄入閩
境撲陷武平縣城張運蘭進剿失利賊即分股竄
陷龍巖南靖並陷漳州府城汀州所屬徧地賊氛
左宗棠現調援江之劉典一軍由建昌取道赴閩
計已起程前進惟江西瑞金會昌一帶尚有賊踞
現在僅留王德榜王開琳兩軍在吉安等處防剿

聖朝聖略卷之三

三

兵力恐不敷分布且竄閩之賊被閩浙粵東諸軍
兜剿難保不回竄江境著曾國藩飛飭鮑超一軍
乘勝越境會剿務將入閩賊匪就地殲除毋得稍
存畛域之見貽誤戎機左宗棠因閩省賊蹤紛擾
擬親赴衢州調度暫令蔣益澧護理浙江巡撫前
因曾國藩已赴江甯諭令馬新貽仍留安慶辦理
善後事宜此時左宗棠移紮衢州恐須親督諸軍

入閩剿賊馬新貽身膺浙撫責無旁貸著即將安
慶應辦善後各務與曾國藩會商揀派大員接辦
即由曾國藩迅速飭赴安慶以便馬新貽交替起
程劉典一軍調赴閩省皖南防剿事宜並著曾國
藩喬松年妥籌會辦江西瑞金會昌踞匪並由曾
國藩會商沈葆楨督飭諸軍迅即殲除毋任旁竄

十四日辛巳徐宗幹奏言據石碼通判馬珍等稟

聖朝聖略卷之三

三

報漳州龍巖永定武平各城先後被匪竄入等
情查張運蘭甫到汀防閩武平喫緊即帶兵前
往堵截詎該逆被江軍追剿繞由廣東大埔關
入閩境並將張運蘭一軍衝斷分股直驅疊陷
數城勢甚猖獗必須厚集兵力方能會合剿除
林文察已由上游折回省垣臣與面商機宜於
九月二十五日統領各軍添募壯勇迅赴漳龍

相機進剿臣仍飛咨督臣左宗棠統帶得力之師星馳來閩會辦並飛咨江西撫臣沈葆楨酌撥附近閩省一路官兵前來援應至失事各處文武俟查明是否先期逃避並實在下落另行辦理臣調度無方應請旨先行交部從嚴議處奏入

欽定剿平粵匪方略卷九十五

三

上諭曰漳州等處被陷情形昨據左宗棠奏到當經諭令該督撫嚴飭派山諸軍及張運蘭所部速籌防剿著卽懍遵前旨與左宗棠隨時籌商妥辦如再有疏失卽惟該撫是問徐宗幹自請嚴議之處著暫行寬免

徐宗幹又奏言臣應卽出省督剿惟龍巖州漳平等縣與永春德化毗連距省甚近省垣根本重地守禦之策須同英桂籌備萬全妥爲布置

並添調隨帶官兵再行定期啟行奏入
上諭曰福建省防緊要徐宗幹著仍駐紮省垣與英桂將防剿事宜妥籌辦理勿稍鬆懈

欽定剿平粵匪方略卷九十五

三

同日喬松年奏言探報楚境逆匪經僧格林沁擊敗東竄太湖延及霍山臣已飛飭劉連捷折回太湖堵剿其霍山一路令英翰郭寶昌何紹彩等分投夾擊並飭張得勝一軍由流波礮拔赴霍境迎頭截剿兼顧六安李榕王可陞兩軍赴潛霍交界兼顧潛山皆與英翰等軍前後會合三路兜剿毋任竄擾仍飭朱南桂所部八營嚴守宿松以防廣濟之賊僧格林沁督軍追剿現已進駐英山臣思賊蹤飄忽一日數變臣相距較遠常恐鞭長莫及已將劉連捷等營分布地方呈明僧格林沁以備酌量調派臣仍激勵

各軍嚴行防剿奏入

上諭曰著卽督飭諸軍遇賊卽擊均歸僧格林沁節制仍隨時與曾國藩會商妥辦皖北各路防務不准稍涉疏懈

十六日癸未沈葆楨奏言福建漳州龍巖武平

永定先後失陷軍情萬緊省防單薄人心驚惶

撫臣徐宗幹若坐鎮省垣則前敵諸軍無所統

聖聖聖聖聖聖聖聖

聖

攝若帶兵出省又慮根本重地過於空虛現在

全浙肅清邊防鞏固可否仰懇

天恩飭令閩浙督臣左宗棠剋日入閩督辦以慰民

望而固軍心奏入

上命議政王軍機大臣傳諭左宗棠沈葆楨曰閩省

賊氛甚熾著左宗棠催令派出各軍迅速起程赴

閩剿賊該督行抵衢州就近體察閩省軍情如果

十分緊急卽行移軍直入閩境相機督剿迅掃逆

氛江省主客各軍共計七萬有餘續又添募勇丁

爲數不少此時軍務較鬆正可騰出兵力赴閩會

剿沈葆楨酌度情形何處兵勇可以抽撥卽派令

得力員弁統帶赴閩鮑超一軍該撫亦可就近咨

催入閩毋得稍分畛域所有援閩各軍均歸左宗

棠調遣以一事權江省防務仍著沈葆楨妥籌兼

聖聖聖聖聖聖聖聖

聖

顧勿令賊匪得以回竄

沈葆楨又奏言據席寶田將僞干王洪芒玕僞

卹王洪芒政僞招王黃汶英派員解省臣親提

隔別研鞫均各供認不諱洪芒政蠢然一物於

賊中情形不甚了了黃汶英貌甚英鷲質之干

逆卹逆均稱確係其人當時浙中及廣豐誤報

陣斃者實緣得其僞印之故其言洪逆內政昏

亂各會擁兵自衛情形甚悉洪玘玘羣兇渠魁
洪逆謀叛實伊德惠已未以後偽政歸其掌握
流毒江浙幾無孑遺所有該逆等應如何辦理
之處請

旨遵行奏入

上諭內閣曰本年自江甯湖州克復後漏網悍逆洪
玘玘洪玘政黃汶英等窮蹙奔竄屢經官軍跟蹤

聖聖聖聖聖聖聖聖

未

追捕將該逆等擒獲訊取供詞洪玘玘尤爲羣兇
渠魁十數年來流毒江浙等省生靈塗炭實堪痛
恨著沈葆楨卽將洪玘玘洪玘政黃汶英三犯就地
凌遲處死以快人心

沈葆楨又奏言署甘肅臬司劉于濬秉質素弱
歷年辦理軍務備極辛勞以致舊疾增劇今歲
八月撫郡防務稍鬆請假赴省就醫嗣因湖逆

入江復力疾赴撫此次旋省益憊不能支稟求
代奏請開署缺理合據情轉奏伏乞

聖鑒訓示奏入

上諭內閣曰署甘肅按察使劉于濬著准開署缺仍
在江西帶兵剿賊以資得力

十七日^甲徐宗幹奏言據總理凱字老湘營務

道員張恆祥稟報臬司張運蘭於九月初十日

聖聖聖聖聖聖聖聖

未

聞武平警信帶勇救援次日逆衆來撲立時擊
退詎另股從旁抄出我軍衆寡不敵傷亡甚衆
張運蘭受傷落馬經親勇救出復被賊衝散未
知下落臣查張運蘭身經百戰從無挫折此次
因後隊阻留粵境兵力過單以致失利必須得
力大員接統所部以資應援查張恆祥久歷戎
行所有張運蘭一軍卽令暫行統帶一面查明

該臬司實在下落另行具奏奏入報

聞

同日

上命議政王軍機大臣傳諭曾國藩李鴻章曰前經諭令曾國藩駐楚皖交界督師勦賊該大臣諒已部署起程嗣復據喬松年奏蘄水等處之賊回竄霍山太湖等境僧格林沁已至英山誠恐賊眾逐

聖朝軍略卷九十五

夫

漸深入皖南北防不勝防必須就地殄除方可一勞永逸李鴻章現已至江甯辦監臨事務即可就近照料一切以便曾國藩督師出省前因左宗棠須赴衢州辦理閩省軍務曾經諭令馬新貽迅赴浙江省城安慶省垣尤須大員駐紮應派何員前往接替之處並著迅速具奏

十九日丙戌曾國藩奏言金陵派援皖北之劉連

捷朱南桂朱洪章三軍先經官文調赴鄂省會

勦臣檄令三軍同進並添調易開俊由皖南率

隊渡江與李榕王可陞等同為後路策應乃部

勒甫定而鄂事旋鬆羅田蘄水之賊已由潛太

橫竄霍山皖疆又形喫緊臣以軍事瞬息千變

不特臣相距七百里不宜遙制即官文喬松年

相距約五百里亦難一一懸斷因函致馬新貽

聖朝軍略卷九十五

夫

請其就近酌量調度無論在鄂在皖總以劉連捷等軍力當前敵以王可陞等軍保固後路各軍銀米子藥皆取給於安慶糧臺與馬新貽息息相通凡官文喬松年有所調度亦請馬新貽與之往返函商庶節節靈通無彼此兩歧之患奏入

上諭曰馬新貽已飭赴浙江巡撫新任其安慶省城

應如何另派大員駐紮調度之處著該督妥籌辦理

二十日丁亥僧格林沁官文奏言自我軍敗賊於

新洲集該逆東趨風火山等處盤踞臣僧格林

沁於九月二十日督馬隊進紮竹瓦店常星阿

藍斯明等移紮朱店成保陳國瑞等進紮團陂

二十二日分西北兩路進剿獲勝奪賊壘多處

欽定剿平粵匪方略卷九十五

三

該逆屬集包龍廟列仗回拒翼長恆齡等各率

馬隊由中路進攻該逆翻山向蘄水一帶潰竄

是日斃賊數百名解散無數二十三日臣官文

到竹瓦店晤商機宜以賊蹤奔竄靡定江防固

須嚴密仍當遏截西北以防越嶺回竄臣官文

卽日回營督飭水師慎防江面臣僧格林沁次

日督隊進紮新店地方兼催各路步隊進剿探

得該逆分股一竄蘄州之曹家河一竄蘄水以

東之陳家壩將趨皖境遂飛咨撫臣喬松年嚴

飭官軍實力扼截前後夾擊一面令常星阿等

追剿曹家河竄匪臣僧格林沁督帶恆齡成保

等馬步各隊跟追東竄之賊二十六日至陳家

壩探報賊蹤漸趨東北當札飭英翰郭寶昌等

各帶所部於英山扼要堵剿成大吉等管帶所

欽定剿平粵匪方略卷九十五

三

部跟蹤尾追二十七日成大吉等敗賊於青石

嶺等處該逆翻山分竄一向東北潛太一路一

向正北英山一路遂飭成大吉等追剿東北竄

匪臣僧格林沁督帶成保陳國瑞等馬步各隊

繞赴英山分東西兩路橫出堵剿北竄之賊十

月初二三等日成保等在英山以東追殺賊匪

數百名解散不少初四日追至土漠河四路悍

賊齊來撲犯經我軍擊敗殲斃八九百名生擒數百名初五日探得賊勢將趨霍山恐其西竄則流波磴一帶正當其衝總兵張得勝之軍未免單薄遂飭駐古佛堂之何紹彩等拔隊迅赴流波磴會同張得勝實力堵剿並催英翰郭寶昌各帶步隊向霍山一路速進橫截臣僧格林沁督帶恆齡等馬隊隨後繼進初六日英翰郭寶昌追至樂兒嶺擒斬甚多先是英翰等敗賊於陶家河等處有匪目黃中庸率衆千人來降初七日我軍至黑石渡英翰等令黃中庸襲取賊營而陳得才馬融和邱元才等股漫山遍野直撲我軍英翰等督隊迎擊擒斬數百名將賊截爲兩段臣僧格林沁亦督帶馬隊趕到賊勢窮蹙邱元才率黨向正北麻埠奔竄僞將溫其

玉等及夥黨九千餘人投械乞降因人數過衆須妥爲安插速解其勢當飭英翰等酌留二三千人令爲前敵立功贖罪其餘酌給川資遣散回籍偵知逆首陳得才馬融和等俱在管家渡一帶屬聚僞端王藍城春在五歧河一帶盤旋當飭成保英翰等各帶所部分投進剿初九日馬融和率黨七萬餘來營投誠願爲前敵初十日僞將甘懷德等亦誘擒僞端王藍城春山獻率黨五千餘投誠當將藍城春訊明凌遲梟示以申國法而快人心曉諭降衆痛改前非遣散回籍馬融和緩死留營令誘擒逆首陳得才並招撫逆黨以孤其勢仍隨時察看該降日如尙懷異志卽按軍法從事聞陳得才伏匿英霍潛太一帶

已飛咨喬松年飭各處防兵一體搜拏至何紹彩張得勝等由流波確追賊至桑樹衝擒斬多名該逆前股已過麻埠北竄後股賊會汪侍第率眾數千投誠茹髮遣散並據張得勝稟報追勦至商城東北偽將邱元才率眾乞降當飭該總兵等確查如果真心悔罪准予投誠又據蔣凝學稟報賊至英山屬之長嶺菴地方偽將吳青泉等率黨萬餘投誠當經札飭該道留千餘名驅之前敵其餘遣散現在大夥陸續來降者不一而足統計各營接仗擒斬數千受降十數萬人前後遣散降眾已分咨湖廣安徽河南陝西各督撫嚴飭沿途地方官分起遞解原籍妥爲安插毋使滋事臣僧格林沁統兵在黑石渡暫紮以資鎮撫俟稍有端緒再行酌量緩急撥

聖軍方略卷之五

書

兵助勦惟常星阿等於九月杪追賊至廣濟東南遇伏失挫蕭河清力戰陣亡官兵亦多陣歿臣僧格林沁飛咨官文確查接應不力各員據實奏辦現在該逆上竄蔡家河一帶意圖回擾黃麻難保不北犯豫疆已飛飭常星阿等整隊繞出賊前堵截並撥成大吉之軍由英山折回楚省會勦毋令西趨豫省兵力單薄先令成保陳國瑞等帶領馬步隊取道商城向光州一帶扼紮並函會國瑞選帶馬隊駐紮光州以杜北竄已革提督馬德昭業經到營現札令幫同成保管帶步隊認真追勦至成保陳國瑞桂錫楨自夏及今大小數十戰英翰郭寶昌橫出截擊使賊匪喪膽紛紛乞降洵屬異常出力除英翰甫蒙

聖軍方略卷之五

書

簡任藩司不敢再請

獎敘外總兵郭寶昌等開列懇

恩獎敘已革副都統成保應如何給獎之處出自

天恩奏入

上命議政王軍機大臣傳諭僧格林沁官文國瑞喬

松年張之萬吳昌壽曰賊經官軍擊敗後向東狂

奔官文嚴防水路僧格林沁督軍追擊成保陳國

聖恩聖旨卷九十五

三

瑞等奮力截勦殲斃無算震懾軍威畏罪乞降者

不下十數萬衆該親王公忠素著數日之間獲此

奇捷覽奏深爲嘉悅降衆過多恐首鼠兩端之輩

不免久而生心著僧格林沁暫駐黑石渡妥爲鎮

撫以防反側其有籍可歸者自應妥爲安置俾安

生業沿途經過各地方尤須認真彈壓方不致滋

生事端著官文吳昌壽喬松年張之萬嚴飭所屬

地方妥籌辦理陳得才尚在逃未獲著僧格林沁

督飭各軍實力搜拏該犯現在踰伏英霍潛太一

帶著喬松年嚴飭在防諸軍一體兜勦備堵遏不

力任令脫逃查由何路竄走卽惟何路防兵是問

常星阿等追勦南竄股匪遇伏失挫蕭河清力戰

陣亡官兵亦多陣歿殊堪憫惜接應不力之員著

該親王會同官文查明參辦陣亡員弁著查明請

聖恩聖旨卷九十五

三

卹現在此股賊衆若干人著僧格林沁查明具奏

逆衆旣圖上竄回擾黃麻難保不比犯豫疆該親

王已令成保陳國瑞向光州一帶扼紮以杜北竄

並著國瑞選帶馬隊馳往光州會同張之萬督飭

防軍奮力扼勦馬德昭現已到營卽著札令幫同

成保管帶步隊以資差遣

上又命議政王軍機大臣傳諭惲世臨曰本日據僧

格林沁等奏官軍勦賊屢獲大勝各股匪衆窮蹙乞降現擬陸續遣散遞籍已分咨湖廣等省督撫妥爲安插等語降衆大半被賊裹脅現旣投誠反正自應分別遣散惟其中良莠不齊若不妥籌安置難保不別滋事端著憚世臨於該降衆等遣回過境時飭令所屬地方官酌給口糧分別遞回原籍妥爲安插認真約束毋稍大意

欽定剿平粵匪方略卷三十九

奏

上諭內閣曰官軍勦匪屢獲勝仗各股匪窮蹙乞降統計十數萬人勦辦甚爲得手仍著僧格林沁等督率所部奮力擊勦毋留餘孽所有尤爲出力之總兵郭寶昌著賞穿黃馬褂陳國瑞著開復降三級調用暫停開缺處分都司桂錫楨著免補都司以遊擊儘先補用先換頂戴已革副都統成保著仍以副都統記名簡放

欽定剿平粵匪方略卷三百九十六

甲子年

十月二十一日戊子僧格林沁官文奏旨逆衆敗

潰後分股由廣濟奔逃臣僧格林沁派常星阿暫充翼長藍斯明幫辦及溫德勒克西蘇倫保富森保等馬隊姜玉順蕭河清楊朝林梁洪勝等步隊分兩路追勦九月二十八日抵車盤鋪留姜玉順楊朝林殿後二十九日常星阿等追

欽定剿平粵匪方略卷三十九

一

賊至吳文區郭德園一帶截擊獲勝詎山內突出巨股伏匪襲我後路常星阿等分投迎勦而前股敗匪又復回撲我軍久戰槍礮俱紅不能施放山高路狹馬隊阻於馳驅姜玉順楊朝林相距二十餘里馳援不及蕭河清奮勇掠陣手及數賊力竭陣亡常星阿等督隊突出重圍且戰且退收隊回營十月初一日該逆以一股牽

擊我軍分股由廣濟翻山繞越蘄州濱湖一帶
上竄沿途官軍截擊頗有斬擒初四日賊衆竄
近巴水驛經周鳳山各營出隊迎擊遂由聚茨
嶺直竄上巴河並分股奔下巴河欲撲黃州協
防水師各軍均因賊衆兵單祇能力顧沿江鎮
市要隘不能遠追攔截臣官文急派護衛隊前
往三台河扼守黃州要道該逆前隊由黃岡直

聖朝聖略卷九十六

二

趨麻城縣境初五六等日在黃泥渡擄船又在
湯家墩搭造浮橋意圖窺伺武漢均經官軍擊
散維時廣濟各軍皆落賊後而賊蹤剽疾沿途
雖經官軍截擊小勝未能力遏兇鋒該逆遂由
岐亭新洲各路上竄黃陂初七日常星阿等馬
步各軍趕到迴龍山臣官文催令繞出賊前現
已趕赴上游節節追剿查武穴龍坪田家鎮下

巴河均爲沿江著名市鎮而漢口尤爲根本重
地臣官文先令喜昌帶護衛一營星夜赴漢口
駐紮穩守城堡復飛調李成謀馳赴漢口又派
周鳳山趕赴漢口會合各營保衛漢鎮並暫留
由豫來鄂募勇之知府湯聘珍三營駐防黃陂
麻城一帶又調萬化林礮船馳往漢口黃花滂
巡防調駐防漢口之振威左營及駐防省城之

聖朝聖略卷九十六

三

武勝一營併赴游湖關駐紮其團風鶴公頭一
帶令李濟清袁多如分布梭巡至下游各防已
檄李明惠移紮下巴河之七里鋪兼防蘭谿一
帶譚仁芳移紮羅田扼要駐守遙爲臣僧格林
沁大軍西路接應藍斯明四營暫紮上巴河整
頓軍旅聯絡聲勢其襄河小河口一帶飭張啟
基督船巡防蘭谿一帶卽令左光培接防下巴

河一帶改飭丁長春嚴船分段扼紮仍恐該逆由黃孝窺伺德安檄調駐防樊城之沈俊德一軍馳赴德安會同趙克彰分隘駐紮一面飛咨河南撫臣豫派勁旅迎擊以免竄越劉連捷一軍疊經檄催坐守皖境並未入楚查此次賊匪巢穴已失形同流寇非合數省兵力會剿無以制其死命現臣僧格林沁已入皖境距楚漸遠

聖恩賜方略卷九十六

四

臣官文擬移營前赴附近黃陂地界以便督剿至常星阿等此次由廣濟追賊既不能整齊隊伍謀定而戰出圍之後又不能繞前攔截致該逆西犯擾及腹地姜玉順楊朝林遲於救援均屬咎無可辭相應請

旨將副都統常星阿蘇倫保溫德勒克西富森保總兵楊朝林均革職留任撤去勇號候補提督藍

斯明姜玉順候補總兵梁洪勝均暫行革職撤去勇號以上各員仍請留營督隊以觀後效儘再不知奮勉卽行嚴叅治罪候補提督蕭河清戰功屢著此次追賊遇伏陣亡深堪憫惻相應請

聖恩賜方略卷九十六

五

旨飭部照提督陣亡例從優議卹入祀湖南湖北昭忠祠並於原籍長沙縣及死事之廣濟縣地方建立專祠以彰功烈而慰忠魂其餘陣亡員弁勇丁容俟查明辦理奏入

上命議政王軍機大臣傳諭僧格林沁官文曰賊由廣濟上竄官文現派常星阿等趕赴上游追剿並令喜昌等分防漢口等處著檄飭派山各軍實力嚴防扼要駐紮相機勦辦務期一鼓殲除僧格林沁追剿獲勝受撫者十餘萬衆該逆心存叵測首

鼠兩端係屬意中之事僧格林沁暫駐黑石渡鎮撫並著官文妥籌辦理陳得才勢極窮蹙現在英霍潛太一帶著僧格林沁官文嚴檄各軍前截後追兩面夾擊務將該逆迅速擒獲並著知照豫省官軍合力兜剿迅殄逆氛

上諭內閣日記名提督蕭河清戰功卓著此次由廣濟追賊猝中賊伏力竭陣亡深堪憫惻著照提督

聖朝聖學略卷之六

木

聖朝聖學略卷之六

七

陣亡例從優議卹入祀湖南湖北昭忠祠並於原籍湖南長沙縣及死事之湖北廣濟縣地方建立專祠以慰忠魂其餘陣亡員弁勇丁著僧格林沁等查明照例辦理所有追剿不力及赴援遲誤之副都統常星阿蘇倫保溫德勒克西富森保總兵楊朝林均著革職留任撤銷勇號候補提督藍斯明姜玉順候補總兵梁洪勝均著暫行革職撤銷

勇號以上各員仍責令留營帶隊剿賊以觀後效儘不知愧奮卽著嚴叅治罪

二十三日 庚寅 左宗棠奏言自武平失後永定南

靖龍巖俱陷漳郡亦被占踞業經 臣調撥勁旅水陸馳援至臬司張運蘭剿匪向稱得力此次馳援武平孤軍挫陷身受重傷查無實在下落所有福建按察使印信現存汀州郡城該處軍

情緊急聞省無知兵大員堪以接署惟查候補按察使王德榜久歷戎行謀勇兼備先經 臣調赴江西剿賊現在吉安贛州一帶堪令速帶所部由瑞金入汀會合各軍攻剿並接署福建按察使兼務以資得力張運蘭下落另行確查具奏奏入

上命議政王軍機大臣傳諭左宗棠徐宗幹曰張運

蘭馳援武平縣城孤軍控陷身受重傷至今尙無下落所有福建按察使印信現存汀郡刻下該處軍情緊急自應遴選知兵大員前往接署著照左宗棠所請福建按察使卽著王德榜署理並飭令速帶所部由江西瑞金入汀會合各軍實力攻剿毋少遲誤其張運蘭實在下落並著左宗棠徐宗幹查明具奏

聖朝聖旨卷九十六

八

左宗棠又奏旨遵查前署浙江鹽運使金衢嚴道繆梓在浙服官多年素稱廉幹咸豐八年閒保守衢郡尤著勞績十年二月閒杭城被圍兩次派勇縋城擊賊並無堅不出戰之事迫城陷時登城拒戰身受多傷遇害最爲慘烈前撫臣王有齡於甫經蒞任之始輕聽浮言奏請將該故員撤銷卹典實屬一時疏誤合無仰懇

天恩給還卹典以慰忠魂而彰公道奏入上從之

同日張之萬毛昶熙奏言鄂賊經官軍擊敗後分竄英山賊騎駛至六霍之閒偏近商固十月初九日商城所屬蘇仙集一帶已見賊蹤又准官文來咨曹家河股匪回竄廣濟蕪水上犯竹瓦店等處欲由麻城黃安竄赴豫境等語豫南

聖朝聖旨卷九十六

九

邊防同時喫重臣等當卽檄飭參將王文行崔廷桂各率兵勇馳赴光羅適中之地扼要駐紮確探賊蹤何路有警卽往何路迎剿總兵張曜一軍扼紮金家寨尙嫌單薄現飛催總兵趙鴻舉率領蔣東才彭心友各營由松子關拔隊馳赴蘇仙集會合張曜之軍相機夾擊並飛飭沿邊各屬調集團勇扼守邊隘以壯聲勢而固藩

雖仍一面將新募各勇簡練成軍者由臣等相度機宜隨時親督策應以期周密

張之萬毛昶熙又奏言據總兵張曜稟報賊由麻埠竄至楊家灘十月初八日我軍由金家寨出隊迎剿賊知官兵緊躡西竄熊家河一帶張曜截其後股殲斃數十名賊復由蘇仙集直趨曾家岡初十日遊擊李大成率隊探剿斬首數

勦平匪方略卷之六 十一

十級賊之後隊蠶擁而來該遊擊依山力戰適張曜前隊親軍與僧格林沁派令追賊之營總春壽馬隊馳至蘇仙集會合進追賊向鄧家集奔竄春壽率馬隊跟蹤尾擊該匪且戰且走我軍追至商城之北晝夜行百六十里而賊蹤剽疾異常勢將北犯張曜兼程繞至光山一帶由北面橫截又據光山縣稟報十一日賊由光山

竄往西南官兵沿途躡擊未敢停留臣等查此股竄匪遇兵即走其勢似窮然鋌險之餘須防反噬現已飛飭張曜會合春壽繞出北面相機截剿毋稍大意王文行崔廷桂等軍已抵羅山即飭與張曜等合力剿擊並飛飭各屬調集民團扼要嚴防以固疆圉奏入

勦平匪方略卷之六 十二

上命議政王軍機大臣傳諭僧格林沁張之萬毛昶熙曰賊由英山擾及商城邊境復由靳水上犯逼近豫南漸有深入之虞而黃麻又與信陽羅山處處接壤亟宜嚴密扼剿方免竄入腹地張之萬等已飭王文行等馳赴光羅適中之地探賊迎剿趙鴻舉等馳赴商城邊境之蘇仙集會合張曜之軍夾擊即著嚴飭各軍遇賊即擊毋令深入擾及完善蘇仙集之匪經張曜前隊親軍與僧格林沁所

派之春壽馬隊合兵進偏賊向商城以北奔竄張
躍繞至光山一帶由北面橫截該匪由光山竄往
西南亟宜乘其窮蹙一鼓殲擒著僧格林沁嚴飭
春壽會合豫軍分路窮追勿令該逆得以喘息勦
辦自易得手張之萬毛昶熙亦卽督催各軍盡力
追擊並分飭沿途地方民團扼要堵截不可稍涉
大意

欽定剿平粵匪方略卷三十六

十一

二十四日辛卯徐宗幹奏言探聞臬司張運蘭接

仗受傷後經團勇救護在武平城外數十里地
方惟至今未接該司稟函迄無確耗前已飛飭
接統湘軍之道員張恆祥會同署汀州鎮總兵
關鎮國所部迅往接應並確探馳覆延建邵道
康國器已分軍赴汀合力堵剿其龍巖州踞賊
據報愈聚愈多該州所屬之漳平甯洋與永春

大田永安等縣路路可通慮其乘虛內竄先經
檄飭參將丁翼管帶兵勇馳赴大田交界之二
十九都坂駐紮防堵復遴委升用知府趙均護
理汀漳龍道督帶壯勇前赴甯洋並飛咨署陸
路提督林文察迅撥隊伍前赴甯洋一路擇要
駐紮漳州城賊未退官軍未到以前賴紳團志
切同仇齊心殺賊臣先給諭褒勸許以事平請

欽定剿平粵匪方略卷三十六

十二

獎一面飛催林文察統領全部由漳郡界連之
同安縣一路迅速進兵並飭遊擊蘇吉良管帶
兵勇由附近漳城東路石碼地方與鄉團合力
圍攻復查署水師提臣曾玉明於十月初二日
內渡已抵廈門當卽飛咨統領水師亦由石碼
繼進會合陸路兵勇相機兜剿其泉廈各處防
守事宜由興泉永道鄧廷枏署泉州府知府李

慶霖督率地方文武選募得力兵勇會同紳團扼要嚴防不至下竄惟據報南靖縣於九月十三日被匪竄入平和縣相繼失陷此時兵力實難分布日盼浙師及援江各軍早抵閩疆以資堵剿其南靖平和兩縣文武下落另行確查辦理奏入

上命議政王軍機大臣傳諭曾國藩英桂左宗棠毛

欽定四庫全書

十一

鴻賓沈葆楨徐宗幹郭嵩燾曰前據左宗棠奏稱閩省軍情緊急業經派令黃少春劉明珍赴邵武劉典赴汀州高連陞赴福州現在汀漳賊勢披猖著左宗棠分檄派出各員迅帶所部剋期入閩該督抵衢後仍著體察情形入閩督勦迅掃逆氛前因鮑超請假諭令左宗棠等卽飭宋國永婁雲慶分帶鮑超所部赴閩勦賊著曾國藩再行檄催該

欽定四庫全書

十一

員等迅速前進歸左宗棠調遣毋失機宜江省兵勇可以抽撥入閩者沈葆楨此時當已酌量派往卽著迅催起程毋稍延緩左宗棠前派援閩之兵已有一萬八千而由江援閩者尙有宋國永數起兵力已厚徐宗幹當飭閩省兵勇併力協勦務將此股賊匪聚而殲旃省城防守事宜隨時與英桂妥籌布置毋稍大意漳郡紳民義勇可用徐宗幹須乘機鼓勵以輔兵力曾玉明內渡已抵廈門卽著催令統領水師會同現派之陸軍相機兜勦毋得專待援軍致賊延蔓南靖平和失守情形及文武員弁下落著與張運蘭下落一併查明具奏賊匪雖趨重閩疆而粵省邊隘多與閩省毗連隨處皆可回竄毛鴻賓等尤當力籌防勦不可稍有疏虞劉連捷一軍昨據官文奏坐守皖境並未入楚

此時鄂皖賊勢已蹙亟須一鼓殲除著會國藩迅
催劉連捷等軍剋日拔隊前進會合楚師前後夾
擊或僧格林沁或官文調遣均須飭令遵調不得
專候會國藩到楚始行前進致誤事機

二十五日壬辰官文奏言逆匪於十月初六等日

由新洲倉子埠一帶竄過黃陂勢將突撲漢口

臣飛調周鳳山一軍於初八日趕到漢口扼紮

欽定剿平粵匪方略

卷三九六

與水師萬化林唐瑞廷等會合堵截該逆折回

黃陂竄入孝感之楊店分股擾至九子墩雙廟

等處經周鳳山督軍截擊悉竄楊家河白沙鋪

一帶臣於十一日馳抵黃陂嚴督常星阿等盡

力追剿十三日常星阿等敗賊於白沙鋪捻斬

甚多將賊館盡數踏毀賊向三家店趙寺埠斗

岡嶺一帶分竄前隊已至德安適臣所謂藍斯

明一軍亦趕赴白沙鋪助剿又派李成謀梁洪

勝兩軍由應城天門繞出賊前迎擊飛咨湖北

提臣江長貴嚴防襄樊隨襄並調水師總兵張

啟基都司熊星源守備黎澤庚分防襄河副將

唐瑞廷巡防府河總兵萬化林仍防漢口嚴扼

水路以顧腹地擬就楚省兵力分道兜裹為聚

殲之計惟路徑分歧偽竄越河南即當檄飭楚

欽定剿平粵匪方略

卷三九六

軍出境與豫軍會擊並嚴飭溫德勒克西等馬

步各軍若賊西竄即跟蹤追擊至武漢之防臣

會同撫臣吳昌壽嚴密布置其下竄股逆探知

已由六安北走僧格林沁躡蹤力追惟楚省下

游各邑雖已肅清而六安以上固始商城均與

羅田麻城黃安接壤已飭譚仁芳四營會同團

勇扼守羅田成大吉一軍經僧格林沁檄令回

楚現飭扼紫岐亭適中之地上固武漢以保下
游門戶又調周鳳山一軍移紮麻城之兩路口
以壯上游聲勢其沿江各水師仍飭加意巡防
再僧格林沁現追賊出境楚軍均已回鄂是以
不及會銜具奏

官文又奏言據候補提督成大吉呈稱前於七
月十一日在麻城縣木牌樓地方陣斃黃衣賊

聖朝聖略卷之六

六

會其時據獲賊供稱係偽扶王陳德才因令逃
出難民識認僉稱面貌不符未敢具報茲於十
月初二日在安徽太湖縣境擒獲偽增王護衛
陳二條據供增逆藍呈春七月十一日殪於木
牌樓所稱面貌與前黃衣賊會相符據實補報
等情查藍呈春係著名賊會既經陣斃實足彰
顯戮而快人心奏入

上命議政王軍機大臣傳諭僧格林沁官文曰敗賊
分竄前隊已至德安官文現令李成謀梁洪勝兩
軍由應城天門繞出賊前迎擊江長貴嚴防襄樊
隨棗張啟基等嚴扼襄河等處水路著卽嚴飭派
出各軍分路緊躡合力勦洗爲一鼓聚殲之計官
文所稱若賊西竄卽令溫德勒克西等督軍西追
勢將縱賊入秦又成不了之局官文惟當督飭該

聖朝聖略卷之六

十九

員等將黃孝德安等處之賊實力勦辦就近殄除
毋得以鄰爲壑致令窮蹙之賊復肆猖獗僧格林
沁現在追賊赴皖據官文奏稱楚軍均已回鄂何
以並不會同該親王之軍協同掃蕩其應如何撥
兵前赴皖豫交界越境追剿以固邊圉之處著官
文妥籌辦理前據僧格林沁官文奏稱誘擒偽端
王藍城春凌運處死茲據官文奏成大吉在麻城

木牌樓地方將藍呈春已瘞於陣所奏情節前後不符藍呈春是否卽藍城春究竟在何處職著僧格林沁官文確切查明具奏

二十七日^{甲午}喬松年奏旨扶逆陳得才一股經

蔣凝學之軍自楚追及疊獲勝仗殺賊甚衆收降三萬餘人其時僧格林沁亦由霍山派兵進擊該逆勢蹙計窮服毒身死蔣凝學將屍身搜

欽定剿平粵匪方略卷九十六

三十一

獲送僧格林沁大營查驗戮屍梟示連日收降共十萬餘人除僧格林沁挑留者不計外英翰現留三千五百餘人郭寶昌現留四千餘人張得勝何紹彩現留二千人餘均遣散並飭各軍及地方官妥爲彈壓不致再有後患臣思巨憊雖除防兵未便遽撤所有英翰一軍令駐霍山何紹彩一軍令駐英山張得勝一軍仍駐流波

確朱洪章等軍仍駐宿松曾國藩續派之易開後一軍令駐潛山聯絡聲勢以資彈壓俟民情敕定再議撤調儘有零星逃匪亦可就地職除伏查此股髮逆跳梁已及十年此次以全力犯皖十萬之衆一旦撲滅皖北一律肅清除英翰郭寶昌戰功已由僧格林沁具陳外道員蔣凝學身先士卒勦滅巨逆實屬謀勇兼全可否

欽定剿平粵匪方略卷九十六

三十一

賞還布政使銜以示獎勵提督張得勝何紹彩扼守六安之衝力堵竄賊奮勇截殺收降匪衆數萬實屬異常出力應如何給獎伏候

聖裁至帶隊員弁出力兵勇可否容臣擇尤酌保出自

鴻慈奏入

上命議政王軍機大臣傳諭僧格林沁張之萬喬松

年曰扶逆就殄皖北一律肅清洵足寒賊膽而快人心所獲是否陳得才正身著僧格林沁查明具奏前據官文奏稱賊之前隊已至德安令李成謀繞前截擊皖省現無賊蹤著喬松年督飭蔣凝學等軍馳赴楚境會合夾擊以收聚殲之效豫省距楚較近前據張之萬奏賊由英山擾及商城邊界復由蘄水偏近豫南該撫已派王文行張曜等軍

聖朝聖學卷之六

三

迎勦當經諭令張之萬督軍追勦扼要堵截並著喬松年選派皖防將弁帶兵前赴豫疆與豫省各軍併力兜擊務期盡殲醜類

上諭內閣曰扶逆陳得才一股竄入皖境道員蔣凝學等督兵進擊殺賊甚重收降三萬餘人僧格林沁亦由霍山派兵進擊陳得才窮蹙服毒身死戮屍梟示道員蔣凝學身先士卒殄滅巨逆奮勇可

嘉著賞還布政使原銜遇缺題奏提督張得勝遇缺簡放提督何紹彩力堵竄賊奮勇截殺收降匪眾數萬亦屬異常出力張得勝著交部從優議敘何紹彩著遇有提督缺出儘先題奏其餘出力員弁兵勇著喬松年擇尤保奏候旨施恩

二十九日 丙申 曾國藩奏言 臣欽奉

諭旨馳赴皖鄂交界督兵勦賊現值李鴻章前來江

聖朝聖學卷之六

三

甯辦理監臨事務 臣與面商須淮軍與湘軍三路並進方能得力因會檄調劉銘傳李鶴章等統率淮勇渡江而北隨 臣西上進勦皖鄂之賊惟 臣自咸豐四年躬親矢石屢次敗挫厥後十載久未親臨前敵蓋自揣臨陣指揮非其所長不得不自藏其短俾諸將得展其才此次 臣若自赴楚界未必有益而與僧格林沁官文同駐

蕪黃四百里之內以

欽差三人萃於一隅恐啟賊匪輕視將帥之心擬仍駐紮安慶六安等處派劉連捷等直入黃州各屬聽候官文調遣凡臣所能調者官文皆能調之儘有不遵調度惟臣是問力戒將士畛域之見以敦江楚一家之誼務將此股賊匪悉數掃除使皖鄂一律肅清庶仰慰

宸廑於萬一奏八

上命議政王軍機大臣傳諭曾國藩李鴻章曰前因楚皖賊勢甚衆僧格林沁官文均未得手諭令曾國藩赴楚皖交界督師勦賊現皖省肅清楚境餘賊由黃孝竄德安一帶逆數無多楚軍可敷勦辦曾國藩又派劉連捷等軍入楚歸官文調遣計日定可廓清著卽飭令劉連捷李鶴章劉銘傳等軍

聖朝聖訓卷九十六

五

迅赴黃州德安等處遇賊卽擊如賊趨皖豫並令各軍分投防勦通力合作爲一勞永逸之計曾國藩卽可無庸前赴安慶亦無須交卸督篆仍駐紮金陵妥籌調度李鴻章現在入關監臨俟出關後仍回江蘇巡撫本任並咨行吳棠富明阿各回本任江蘇各郡縣新復規制釐定一切理財用人撫綏安輯事宜曾國藩當次第經畫用副厚望

聖朝聖訓卷九十六

五

曾國藩又奏言前任浙江撫臣曾國荃自同治元年統帶湘軍進攻江甯駐軍城下以來從征將士屢次攻奪要隘捍禦劇寇先後陣亡傷亡近九千人積勞病故萬五六千人皆係歿於王事雖屢邀

朝廷優卹之文而崇祀報功闕焉未備今大功屢定就城中遺屋略加修改凡陣亡傷病文武弁

勇分別正祀附祀依次列入庶足妥侑殺魄激
勸方來合無仰懇

天恩准照各府昭忠祠之例飭地方官春秋致祭於
聖朝褒忠勵節之道或亦有補於萬一奏入得
旨允行

同日左宗棠奏冒遵查前署浙江布政使鹽運
使銜杭嘉湖道麟趾當咸豐十一年九月間粵

聖朝褒忠勵節

奏

聖朝褒忠勵節

奏

匪圍攻杭城隨同前撫臣王有齡登陴守禦晝
夜巡防十一月二十八日賊犯武林門該署司

督帶親軍開礮轟擊城陷力竭殉難其母瓜爾
佳薩克達氏投水自盡子女二人同時被害洵

屬大節懷然應請

旨將該署司照布政使例議卹伊母及其子女並懇
恩飭部旌卹以闡幽光奏入

上諭內閣曰署浙江布政使杭嘉湖道麟趾於咸豐

十一年九月間隨同前撫臣王有齡守城禦賊晝

夜巡防至十一月間城將陷時該員督帶親軍開

礮轟擊旋因賊已入城力竭捐軀該員之母瓜爾

佳薩克達氏投水自盡暨該員之子女二人同時

殉難洵屬大節無虧深堪嘉憫前署浙江布政使

鹽運使銜杭嘉湖道麟趾著照布政使例從優議

聖朝褒忠勵節

奏

卹加恩予諡入祀浙江省城昭忠祠並著該旗查

明伊子在京尚有幾人於百日服滿後帶領引見

伊母瓜爾佳薩克達氏及其子女著一併交部旌

卹以彰忠節

同日張之萬毛昶熙奏言賊匪竄擾豫南沿邊

西走意在入山踞險為負隅之計經張曜等節

節追擊敗賊於羅山宣化鎮擒斬甚多餘匪竄

向西南亟應乘此聲威迅圖掃蕩惟信羅邊境
多山難保該匪不乘虛而入臣等前派參將崔
廷桂先已進抵羅山復恐賊眾兵單派參將王
文行馳赴信陽會合截剿適知府湯聘珍赴楚
募勇業已成軍亦卽檄令進紮信陽西南楚豫
交界之小林店聯絡崔廷桂等軍力扼西北竄
路其正陽陡溝亦係北竄之路並飭遊擊連美
帶隊進紮以張聲勢張曜追軍現已過宣化鎮
春壽率馬隊由信陽追入楚境臣等復飛飭王
文行崔廷桂各率所部由信羅進軍會合張曜
兩面緊逼務殲窮寇一面飛檄各屬調集團勇
搜捕餘匪勿令伏匿以仰副
聖主綏疆蕩寇之至意奏入
上諭曰宣化鎮之仗雖有斬擒賊匪尙未大受懲創

欽定剿平粵匪方略卷九十六

三

現在竄往西南之匪固應嚴防回竄豫疆仍應嚴
飭張曜王文行等軍會合楚軍夾剿聚而殲旃勿
留餘孽

欽定剿平粵匪方略卷九十六

三

欽定勦平粵匪方略卷三百九十七 甲子年

十一月初二日 己亥科爾沁博多勒噶台親王僧

格林沁杭州將軍國瑞奏查各股髮逆經我

軍在皖境追勦勢窮無不紛紛投誠惟邱元才

一股屢以乞降爲詞並不倒戈來降 臣恐該逆

詭詐冀緩我軍追擊當飭營總烏爾圖那遜春

壽總兵張曜等跟蹤尾追十月初十日至高城

以東秣稻市地方經烏爾圖那遜等揮軍攻勦

擒斬多名該逆向西南竄去十四日追至羅山

縣屬之仙花店地方遇賊接仗斃賊多名該逆

經我軍擊敗十八日向隨州境高城一帶遁竄

當飭張曜督帶所部倍道緊追勿稍鬆勁又據

道員蔣凝學稟報據降衆供稱僞扶王陳得才

因大軍前截後追不能逃竄遂服毒身死經該

道派兵帶同降日高啟城搜獲逆屍令各降日

驗視結稱屬實委員解送來營 臣因該逆倡亂

多年僭稱王號荼毒生靈莫此爲甚將該逆戮

屍梟首並藍城春首級一同解至督 臣官文行

營酌量在於湖北曾經蹂躪地方懸示連日督

飭藩司英翰等將投降人衆選擇留營效力贖

罪令參將施紹恆遊擊周隆延各帶降衆一千

名歸已革提督馬德昭統帶令降日馬融和倪

澧淮高大貴等選帶降衆三千五百名歸總兵

郭寶昌統帶其餘降衆俱交英翰分起遣散遞

解回籍辦理業已就緒遂飭英翰督帶所部駐

紮霍山提督何紹彩道員蔣凝學駐紮英山參

將丁得勝暫帶總兵張得勝隊伍駐紮流波磴

並咨會撫 臣喬松年飭令提督朱洪章等軍在

於楚皖交界之張家塆等處聯絡紮營隨時搜捕零匪兼防賊蹤回竄奏入

上命議政王軍機大臣傳諭僧格林沁官文國瑞張之萬曰投降人眾經僧格林沁督飭英翰等分別留營遣散業已就緒辦理甚妥仍著飭令帶兵各員及沿途地方官妥爲彈壓毋任別滋事端其邱元才一股現竄隨州之高城一帶勢漸西趨僧格

欽定剿平粵匪方略卷三九七

三

林沁已飭張曜督軍緊躡並著官文迅飭西路防軍迎頭截擊力扼竄路楚豫邊界爲賊匪往來熟徑官文張之萬務當督率在事員弁探明賊蹤併力夾擊以收聚殲之效曾國藩昨已有旨令其毋庸赴楚其所派劉連捷李鶴章劉銘傳等軍已令其馳赴黃州德安等處勦賊著官文酌量情形分別調遣以資得力

僧格林沁國瑞又奏言查侍衛富山經臣等委令管帶吉林馬隊二百五十名頭品頂戴

記名副都統黑龍江副管善慶係由撫臣張之萬委令管帶吉林黑龍江馬隊一千名因官兵技藝生疏遂委副都統色爾固善會同善慶認真教演復與色爾固善分管各帶馬隊五百名會令該員等在各處防勦賊匪現與大軍會合臣等

欽定剿平粵匪方略卷三九七

四

查該員等所部官兵技藝生疏隊伍不整且馬匹亦多疲瘦倒斃官兵每因無馬率皆落後總由該員等平素廢弛營務不能認真訓練而富山較之善慶尤爲性耽安逸除將善慶所部隨隊官兵一百十餘名飭交協領雙全管帶其富山所帶隨隊官兵八十餘名委員接管外應請旨將富山卽行革職善慶革去頭品頂戴撤銷副都

統仍留副管用示薄懲第富山善慶年力均屬
強壯且善慶向來打仗尚稱勇往擬請仍留軍
營以觀後效備再不知愧奮卽行從嚴叅辦奏
八

上諭內閣曰侍衛富山頭品頂戴記名副都統黑龍
江副管善慶經僧格林沁等派令管帶吉林等處
馬隊防剿賊匪乃不能認真訓練以致官兵技藝

聖朝聖訓卷九十七

五

生疏隊伍不整馬匹亦多疲瘦倒斃而富山性耽
安逸尤爲懶惰實屬咎有應得富山著卽行革職
善慶著革去頭品頂戴記名副都統仍留副管用
示薄懲均著仍留軍營以觀後效

同日官文奏目前接成大吉稟報在安徽太湖
縣王家坳訊據獲賊供稱僞增王藍城春經該
提督於七月十一日在麻城縣之木牌樓地方

殺斃業經臣奏明在案茲准僧格林沁咨稱逆
首藍城春等率黨赴翼長成保等營乞降是成
大吉前在木牌樓殺斃之黃衣賊會並非藍城
春臣未能確查率據稟入奏亦屬疏忽應請
旨將成大吉交部議處將臣交部察議奏入得
旨均著加恩寬免

聖朝聖訓卷九十七

六

家河兩次被圍已革副將擬發新疆之貴廷芳
偪賊而壘堅守苦戰及賊敗竄又復晝夜追剿
始終奮勉呈請免罪前來臣詢之前敵各營僉
稱該革員奮勇殺賊委無捏飾仰懇

天恩俯准將已革副將貴廷芳免其發遣仍留成大
吉軍營帶隊打仗以資得力奏入
上從之

同日曾國藩李鴻章奏言江蘇各屬蹂躪過久元氣太傷必須加意休養軍務雖定而海疆重地防兵未敢遽撤臣李鴻章復蒙

恩飭署兩江轄境過寬則兵力尤不可少頃調劉銘傳李鶴章等洋槍隊萬餘人隨臣國藩進剿皖鄂仍須籌養勁旅以備調撥援應臣國藩所部分駐金陵及皖南北者尙有五萬餘人仍須臣

欽定剿平粵匪方略

卷三九七

鴻章隨時設法籌濟惟查揚防一軍現在裏下河安靜無事楚省逆氛遠距數千里前敵重兵節節堵扼實無他虞揚州與金陵僅隔一江總督既駐省垣臣鴻章可就近接防臣國藩由皖北兜剿亦無竄越後路之虞富明阿所部兵勇擬請
特旨飭令分起妥爲遣撤庶騰出江北之餉以一半

分解甘省要需以一半分濟皖軍前敵似於大局有裨奏入

上命議政王軍機大臣傳諭曾國藩富明阿李鴻章曰現在楚皖一帶賊勢浸衰諒不能肆意北竄貽害鄰疆揚防一軍自可妥爲遣撤以節經費該處現存兵勇共若干名著富明阿查明將現有馬隊裁汰疲弱揀選精銳派員管帶馳赴甘省都興阿軍營助剿所有一切勇隊卽著分起妥爲遣撤務須查照屢次裁勇章程嚴加鈐束並分咨該勇原籍各地方官量爲安插俾安生業前因湖北軍務稍鬆已諭令曾國藩毋庸前赴皖省李鴻章吳棠富明阿卽毋庸遞署各缺均可各回本任富明阿於遣撤兵勇後著卽馳赴江甯接印任事將整頓旗營撫綏勞來各事宜次第舉行以重職守江北

之餉計可騰出若干著會國藩李鴻章查明實在數目以一半分解甘省以濟要需以一半分濟皖軍前敵並著妥議章程迅速具奏裏下河一帶現在無事該處地方本係該督撫等所轄自應妥籌兼顧以免疏失

會國藩李鴻章又奏言遵查江甯自咸豐三年省垣暨各屬縣先後被陷偽都竊踞閱十二年

聖朝聖訓卷之七

九

羣賊南北往來擄脅焚戮之苦百倍他處附近數百里內幾無安土今幸克復金陵普天同慶而該處被害至慘且久田疇荒廢人民稀少非

休養生息數年別無權宜補救之方臣等遵

旨詳查茲復晤商再四擬懇

恩綸特沛准將江甯府屬上元江甯六合江浦句容溧水高淳七縣錢漕自同治四年起一律豁免

三年至同治七年再行啟徵以蘇民因而廣皇仁奏入

上諭內閣曰前因江甯克復應徵錢漕亟宜分別蠲緩降旨交會國藩李鴻章查明具奏茲據奏稱該處自咸豐三年郡縣先後被陷士庶慘遭焚掠克復後田疇荒蕪人民稀少農商驟難復業懇請將應徵錢漕豁免三年披覽情形殊堪矜憫自宜特

聖朝聖訓卷之七

十

沛恩施以蘇民因所有江甯府屬上元江甯六合江浦句容溧水高淳七縣錢漕自同治四年起一律豁免三年至同治七年再行啟徵

同日毛鴻賓郭嵩燾奏言據署嘉應州知州程培霖等稟稱平遠縣知縣吳炳綬自中槍墜馬後經其胞弟吳燧挺身救起該員見賊已入城憤不欲生經紳民等環跪慰勉該令乃復大集

鄉團號召義旅裹創力戰生擒偽天福楊偉錫等賊衆氣奪遂於初四日由差干一路竄去立將平遠縣城收復先是賊已分撲鎮平縣之米坑初三日更分三路直撲鎮平縣城該縣知縣龐掌運平日居官清正素洽民心當聞警時合縣士紳會議乘賊勢未定急擊走之於是與署鎮平營都司任士魁主事劉伯英等分投迎擊賊隊已亂乃後股屬至愈聚愈衆任士魁手刃數人力竭陣亡遂由東門一擁而進龐掌運方在南門督戰回顧賊已闖入遂號召紳士捐貲雇募壯勇各鄉團亦齊心協助立將該匪擊敗賊由松口一帶竄去查前股賊匪經粵中擊敗後聞已竄陷漳州府城而江西零都瑞金踞賊及湖州後股殘匪亦經鮑超擊敗相繼跟蹤入

欽定剿平粵匪方略卷九十七

十一

閩漳汀兩屬與廣東之潮嘉各郡犬牙相錯在毗連而大埔饒平尤爲當衝且濠逆汪海洋一股竄踞汀州府之武平距平遠之下場僅三十里該逆時遣游騎四出擄掠侵入粵境均經知府吳贊誠副將方耀截剿獲勝是廣東北路之防雖覺稍鬆而東路情形萬分喫緊臣等慮福建兵力未厚一經賊擾其勢必不能支設該逆將兩省連界之處融成一片勦辦愈形棘手乃檄方耀帶勇四千名飭由嘉應越福建境地會同閩軍跟蹤兜剿復飭湖州鎮總兵翟國彥馳赴閩粵交界之區嚴密堵截兼爲方耀後路策應檄催都司鄭紹忠由南雄拔赴嘉應會合諸軍相機兜擊一面飭道員唐啟蔭督勇二千陽江鎮總兵任星元督楚勇一千接防南雄不

欽定剿平粵匪方略卷九十七

十二

得以賊勢略遠稍形鬆懈仍飭臬司李福泰督勇六千駐紮龍川居中策應以固東江諸路之防又多張告示諭令脅從之徒棄逆反正如有悔罪歸誠者臣等當欽遵

諭旨斟酌辦理至平遠縣知縣吳炳綬鎮平縣知縣龐掌運於失守後均於三日內收復城池尙知愧奮且查該員等素得民心故能招集鄉團立

聖朝聖略卷九十七

十三

聖朝聖略卷九十七

十四

圖規復較僅止隨同官軍收復者實有不同可否仰懇

天恩免其治罪仍革職留營差遣以觀後效出自鴻施署鎮平營都司守備任士魁血戰捐軀應請飭部照都司陣亡例從優議卹

毛鴻賓郭嵩燾又奏言據提督鮑超咨開現在江西一律肅清因舊創復發難以支持已請假

一年回籍等因前來查江西踞賊雖經鮑超疊次大創而逆首李侍賢汪海洋等尙稽顙戮且據鮑超咨開湖州廣德敗賊現已投入偽溆王汪逆股中其詭謀密計更不可不防是江西暫

雖肅清而後患猶巨鮑超一軍在楚軍中最爲驍勇若責令跟蹤窮追會同閩粵各軍合力兜剿區區殘寇萬無不立就殄滅之理且該軍乘

屢勝之威鼓行而前賊衆懾於先聲聞風膽落更有事半功倍之效相應懇請

恩旨責成鮑超迅將此股餘孽一律掃蕩無論在江在閩在粵必殲滅無遺而後已庶可竟此一餐之功勿貽將來之患奏入

上命議政王軍機大臣傳諭毛鴻賓郭嵩燾曰粵中敗賊竄入福建漳州府屬溆逆汪海洋復竄踞汀

屬之武平游騎四出侵入粵境既經吳贊誠方耀等截剿獲勝而東路情形仍屬喫緊毛鴻賓等現檄方耀帶勇四千名由嘉應繞赴閩境會軍兜擊並令翟國彥等分防要隘李福泰督兵策應所籌尙合機宜卽著督飭派出各軍實力防剿毋稍疏虞鮑超已經賞假回籍葬親其所部之軍前已有旨令宋國永婁雲慶分統其衆入閩援剿歸左宗

欽定剿平粵匪方略卷九十七

十五

棠發縱指示必能會合閩軍痛掃賊氛毛鴻賓等惟當嚴飭方耀迅速赴閩合力夾擊將此股餘匪悉數殲除毋留後患

上諭內閣曰江西賊匪竄撲廣東平遠縣城知縣吳炳綬督團出擊中槍墜馬賊遂蟻擁入城吳炳綬旋復集團力戰生擒賊目該逆遂於九月初四日竄去當將平遠縣城收復另股賊匪於初三日竄

撲鎮平經知縣龐掌運都司任士魁等分投迎擊該逆後股突至任士魁力竭陣亡賊遂由東門關入龐掌運卽號召鄉團將賊擊走收復鎮平縣城平遠縣知縣吳炳綬鎮平縣知縣龐掌運於賊撲縣城未能固守致被攻陷均有應得之咎惟據毛鴻賓等奏稱該員等於三日內集團收復尙知愧奮且據稱該員等素得民心吳炳綬龐掌運均著免其治罪仍革職留營差遣以觀後效著鎮平營都司守備任士魁血戰捐軀殊堪憫惻著照都司陣亡例從優議卹

欽定剿平粵匪方略卷九十七

十六

初六日癸卯左宗棠奏言據報閩省漳州仍爲賊踞李侍賢踞漳州汪海洋踞濯田丁三洋踞武平賊數頗衆雲霄旣失漳平告急閩中人心益形震動臣自應迅速馳往相機勦辦所調援閩

各軍約分三路劉典率八千餘人由江西撫建
入汀州爲西路計時已入閩邊臬司王德榜所
部二千五百人亦由此路繼進黃少春劉明珍
率所部馬步四千六百人由衢州江山出浦城
爲中路十四日已抵浦城高連陞率所部四千
並知府魏光祚所部五百人由杭州赴甯波雇
坐輪船直趨福州出興泉爲東路日內可抵福

聖朝聖略卷九十七

十七

州臣將浙江巡撫關防兩浙鹽政印信交藩司
蔣益澧護理定於二十八日帶親兵及各營取
道衢州浦城以出中路閩浙總糧臺仍駐衢州
其浦城建甯均設轉運局一切進止機宜容當
隨時馳奏

左宗棠又奏言浙省援閩各軍統計二萬餘人
每月約需餉銀十四萬兩此時漳州龍巖及汀

州各屬均被賊擾閩省軍需萬分支絀浙省派
去援師所需餉項自應由浙協濟臣赴閩後應
旨責成護撫臣蔣益澧署藩司楊昌濬每月籌撥餉
銀十四萬兩解交衢州總糧臺轉解軍前以資
應用

聖朝聖略卷九十七

十八

同日徐宗幹奏言現探竄犯漳龍各處係李侍
賢一股賊黨多而且悍時出焚搶均被兵勇民
團截擊退踞城內近將城垣築高意圖久踞以
待後援僞將丁逆現踞武平一帶濂逆在汀郡
之濯田等處其衆各有數萬而敗勇士匪裹脅
難民居其大半臣節次飛催水陸各軍會合民
團相機進剿據報遊擊陳詔舞擊賊於響水橋
陣斬長髮老賊多名生擒四名進逼古縣社又

殺賊數百名遊擊許忠標自詔安募勇援漳遇賊於木棉菴奮力衝擊斃匪多名署漳州府通判馬珍等擊賊於東關縣丞潘丙源擊賊於赤嶺員外郎陳必榮等率團助剿均斃賊多名其自南靖平和來援之賊均被兵勇擊退縣丞陳誥夜入賊營殺賊三四千人北斗社黃姓鄉民與賊鏖戰埋釘桶於社外賊誤墜死者八十餘

聖皇聖略卷九十七

十九

人其分竄汀郡河田三洲策田之賊經關鎮國派令參將黃國安等分路夾擊陣斬逆匪多名生擒二名各處雖有斬獲而兵力究形單薄未能大挫兇鋒林文察已於十月初九日由同安灌口直趨漳郡與曾玉明水師會合並號召鄉團分路圍攻至汀州一路前請提督鮑超就近援應現尙駐紮瑞金縣界康國器先已移師至

連城援應張運蘭舊部湘勇收集尙有千餘人後隊留粵三放兵勇近亦到汀均交張恆祥接統卽催令與關鎮國康國器等相機堵剿旋准督臣來咨已飭提督黃少春率所部一營三旗及馬隊五百名並副將劉明珍所部三營由浦城前往邵武一帶查邵屬近無匪蹤當卽飛咨黃少春等徑達延平取道尤溪大田直抵漳平

聖皇聖略卷九十七

二十

同趙均一軍會合攻拔龍巖並防內犯泉廈各路續接督臣咨稱添派提督高連陞等帶兵三千餘名由甯波航海來閩又派劉典一軍由汀入援臣已派委文武員弁分路迎催俟高連陞登岸到省面商機宜再行進發均奏入上命議政王軍機大臣傳諭左宗棠徐宗幹蔣益澧曰福建官軍分路剿賊疊獲勝仗惟李侍賢汪海

洋丁三洋等逆尙踞漳州灌田武平等處賊數頗衆左宗棠現飭劉典王德榜由西路進黃少春劉明珍由中路進高連陞等航海直趨福州出興泉爲東路之師而自率親兵由衢州浦城赴閩相機調度於地勢軍情籌畫均中窾要卽著督率各軍迅速入閩實力剿賊盡殄賊氛其閩省之曾玉明康國器等軍及江西赴援之宋國永婁雲慶等軍

聖朝軍略卷之十七

三

仍著左宗棠徐宗幹分別檄催會合夾擊期收聚殲之效至援閩軍餉業由左宗棠飭令蔣益澧楊昌濬等每月籌解銀十四萬兩源源接濟卽著蔣益澧督飭楊昌濬妥爲籌畫按月如數撥解以利軍行

左宗棠又奏 臣 欽奉

恩命以江西拾獲逆種仰荷

鴻施錫封伯爵濫叨

懋賞慚懼滋深伏念殄除盜賊慎固封守皆疆臣職

分當爲之事况論平浙一役溫處則得閩師之

力嘉湖則賴蘇軍之力卽幼逆就擒亦江西諸

將士吏民之力爲多 臣 本藉助鄰封稍寬咎責

豈宜濫糜好爵更荷

褒封伏懇

聖朝軍略卷之十七

三

皇上鴻慈允收成命俾 臣 得稍安愚分勉效馳驅無虞隕越不勝悚息待

命之至奏入

上諭內閣曰前因左宗棠督師恢復浙東郡縣規復

浙西並攻克杭州省城肅清全浙派兵援剿皖南

江西掃除餘孽特沛殊恩將左宗棠錫封一等伯

爵以示優異茲據左宗棠奏懇陳下悃懇請收回

成命並推功於諸將士所奏意存退讓具見悃誠
惟朝廷功懋懋賞原以該總督抵浙後削平巨寇
屢克名城肅清浙江全境厥功甚偉豈能無破格
恩施以獎勞動至溫處嘉湖用兵雖得閩師蘇軍
之助總由該督調度有方剋期底定洪福瑱竄擾
江西亦由該督派兵援剿方能迅速蕺事左宗棠
實爲有功國家之臣錫爵酬庸洵可當之無愧所

聖朝聖旨卷九十七

三

請懇辭伯爵之處著毋庸議

左宗棠又奏冒 臣 欽奉

諭旨飭查已革臬司李元度被叅情節 臣 維曾國藩

原叅以失守徽郡徑自募勇赴浙飾報克復義甯等城由江西援浙節節逗留以致杭城失陷四者爲重如原叅徽郡失守一節 臣 查李元度自湖南平江募勇三千於咸豐十年八月十六

日甫抵徽州而李侍賢已先四日攻陷甯國府城旋破叢山關李元度固守徽州府城三日力竭被陷其時曾國藩尙未知李元度下落奏叅革職擊問實爲允當惟其情尙有可原者以三千之衆分駐叢山關徽州城當十數萬狡狴之寇勢本懸絕以不能固守責之可也若如言者謂其棄城逃避並稱其逃走在徽城未失之先

聖朝聖旨卷九十七

三

奏劾失實洵不足折服其心如原叅不候審訊徑自募勇赴浙一節查李元度之募勇赴浙實由前撫 臣 王有齡奏調曾奉

諭旨允行既非李元度營謀亦非鄧輔綸援引李元度每以曾國藩原叅失實極口呼屈 臣 詢之鄧輔綸亦云實無其事觀杭城未陷之先瑞昌王有齡屢次檄催李元度迅速馳援並飭浙紳胡光

塘爲其籌措行糧可知此議實出於王有齡非李元度之徑自募勇赴浙明矣如原參由江西赴浙節節逗留以致杭城失陷一節查李元度入浙時金華嚴州兩城已陷浙東徧地賊蹤龍游本是堅城李元度頓兵其下兩月不能速拔本圖舍龍游不攻急赴杭州之援無如前途堅城要隘均爲賊踞進兵之路早已斷絕觀後此

聖朝實錄卷之七

七

臣軍入浙先克遂安守之斷賊北路包抄乃引軍解衢州江山之圍進攻龍游湯溪蘭谿克復金華肅清浙東然後攻富陽餘杭以攻杭州驍將勁兵葢事尙在兩年以後然則李元度當時孤軍未能深入情固可原若以杭城失陷謂由李元度逗留所致未足折服其心至原參李元度飾報克復義甯等城一節查李逆由皖南江

西徑竄湖北意在收羅黨夥以張逆餒追裏脅既衆復假道江西皖南以歸金陵李元度由平江通城尾賊而來於賊去之後居復城之功實近無恥臣嘗以此詰李元度祇據稱曾見賊旗則其未嘗開仗可知乃當時竟騰書報捷致湖北江西均據以入奏此罪之可議者一也自臣軍解衢州之圍復轉江山斷賊入江西福建之

聖朝實錄卷之七

七

路時李元度固守江山分八營隨臣出隊尙爲出力臣倍加獎借以期共濟時艱並因欠餉無從籌措應暫留數營緩撤俾餉項得資周轉乃李元度自聞曾國藩劾奏落職後卽悻悻求去維時臣軍除留守遂安外隨同出戰者僅五千人而李侍賢全股及粵賊譚星等花旗粵匪人數實二十餘萬衆寡懸絕臣許其次撤數營挑

留數營隨同勦賊李元度固執不從必求全撤
且先將臣所指留各營撤去以示絕無轉念明
知其時浙境淪胥無從得餉臣軍營苦窘萬分
乃日向偏索不給不休當浙事危險之時心懷
怫鬱不顧大局如此此罪之可議者二也伏乞
皇上飭部按律定擬以昭允當奏入

欽定剿平粵匪方略卷九十七

三

上諭內閣曰前因御史劉慶奏參已革臬司李元度
罪重罰輕請仍按律定擬當經諭令曾國藩左宗
棠查明具奏嗣據曾國藩奏稱前因徽州失守將
李元度奏參革職拏問本屬從嚴該革員前在江
西力戰撫州支持危局本有兼人之才懇請酌量
錄用復經諭令左宗棠查奏茲據左宗棠奏稱李
元度固守徽州三日賊眾兵單力竭城陷原參謂
其棄城逃避在徽城未失之先殊為失實其募勇

赴浙實係王有齡奏調並非不候審訊擅自回籍
該革員援浙時浙東徧地賊蹤進兵之路中斷孤
軍未能深入杭州失陷非由李元度逗留所致惟
飾報克復江西義甯等城一節於賊去之後居復
城之功未經開仗竟報捷書嗣在江山隨營勦賊
輒因曾國藩參劾落職悻悻求去必欲將各營全
撤偏索軍餉不顧大局等語李元度從前本有戰
功被參各節亦多不實情有可原惟在江西飾報
勝仗不顧大局撤勇索餉咎有應得著該部分別
情罪秉公按律定擬以昭平允

欽定剿平粵匪方略卷九十七

三

徐宗幹又奏言據興泉永道鄧廷枏稟稱逆匪
由大埔襲入閩境先結土匪阻遏驛路以致文
報不通現有漳郡逃出難民僉稱署漳州鎮總
兵祿魁汀漳龍道徐曉峯禦賊陣亡漳州府知

府扎克丹布罵賊被害龍溪縣知縣錢世敘遊擊沙肇修皆同時巷戰身歿等語又據汀州府知府朱以鑑等稟報連日偵探臬司張運蘭於九月初九日帶兵駐武平初十日聞賊至距城三十里之下場隨卽督隊馳往十一日遇賊於中赤地方三戰三捷斃賊無算追至數十里中途遇伏深入重圍竟無出路復有大股逆匪從

勅諭軍機處卷九十七

三十九

勅諭軍機處卷九十七

三十九

旁包抄所部久戰勞乏張運蘭仍奮冒直前傷亡甚衆張運蘭中矛落馬經親勇力負突圍猶呼殺賊迨後悍賊屬聚衆皆衝散不知何往至今尙未檢獲忠骸似此情形必無生還之理查張運蘭自訓練鄉團從軍多年周歷八省臨陣身先士卒謀勇超羣此次血戰捐軀實堪痛惜布政使銜福建按察使張運蘭顯懇

天恩飭部從優議卹署漳州鎮總兵副將祿魁汀漳龍道徐曉峯漳州府知府扎克丹布龍溪縣知縣錢世敘署漳州中營遊擊沙肇修亦均以身殉均請

飭部從優議卹以慰忠魂奏入

上諭內閣曰本年九月閒髮逆餘黨由廣東竄入閩境按察使張運蘭督兵迎剿三戰三捷後因追賊遇伏深入重圍中矛落馬該逆遂勾結土匪竄陷漳州府城力戰陣亡之文武各員均堪憫惻署漳州鎮總兵副將祿魁汀漳龍道徐曉峯漳州府知府扎克丹布龍溪縣知縣錢世敘署漳州中營遊擊沙肇修均著交部從優議卹以慰忠魂其張運蘭陣亡情形仍著交左宗棠徐宗幹詳細查明據實覆奏再降諭旨

初七日甲辰沈葆楨奏言欽奉

諭旨沈葆楨著加恩賞給一等輕車都尉世職並賞給頭品頂戴等因伏念臣抵任時江西閩境肅清以臣籌備無方致遭蹂躪疊請嚴加議處從重治罪皆蒙

恩貸下私慚戴刻弗去懷今大慙就檢天施下逮凡茲

欽定剿平粵匪方略卷九十七

三

異數皆統兵大臣親歷行閒十餘年身經數百餘戰所不敢希冀者臣何人斯乃得與蘇皖浙之全省淪胥疆臣關草披荆克復舊物者一體論功自顧齷庸何以堪此當賊氛四逼臣未出省門一步並以韜略不如諸將一切調度未敢遙制悉令前敵統兵大員相機辦理血戰累月僅足相持又經曾國藩左宗棠不分畛域分以不費

之餉濟以決勝之師轉危為安庶有今日而主客諸將奔馳於炎風烈日之中晝夜不得休息弁勇傷亡殆半裹創血戰扶疾以行且餉輒逾期師無宿飽其被擾各郡縣百姓焚殺之酷流亡之慘目不忍親耳不忍聞稍為完善之區又皆竭其脂膏以充兵餉然而主客各軍及閩省紳商士庶猶能仰體

欽定剿平粵匪方略卷九十七

三

國家德意奮勉圖功輸將恐後者或諒臣限於才力所不及尙無因以為利之心故也今死傷未收流亡滿野欠餉動逾百萬賑恤莫展一縷臣貪天之功因人之力先膺上賞縱軍民退無後言臣已滋愧况悍賊尙踞鄰封時時有回竄之虞萬一軍民稍有違心所關大局殊非淺鮮雖

朝廷賞罰自有權衡非顧蒙所能窺測然

天無私覆凡臣子心所未安之故均許委曲自陳仰

懇

鴻慈逾格俯念 臣為大局起見

恩准收回

成命俾軍民得以共諒 臣心 臣不勝惶恐待

命之至奏入

聖朝聖略卷之七

七

上諭內閣曰前因官軍勦賊疊次獲勝生擒逆洪

幅瑱朝廷以沈葆楨自抵江西後籌防籌勦深合

機宜浙皖賊匪屢次竄江均經次第掃蕩當降旨

賞給一等輕車都尉世職並賞給頭品頂戴茲據

沈葆楨奏憑陳悚愧下忱推功諸將並以曾國藩

左宗棠不分畛域協餉濟師始得轉危為安懇請

收回成命具見該撫退謙之忱惟朝廷論功行賞

一乘至公沈葆楨於賊匪竄江以來督率兵勇

除各巨首生擒逆先後肅清疆圉戡亂之功深

堪嘉尙至該省兵力不敷調遣雖由曾國藩左宗

棠撥軍援助究由該撫開誠布公聯絡一氣始能

將士用命迅奏膚公且江西省吏治民風日有起

色皆由該撫實力實心克盡厥職所致允宜殊恩

特沛以獎勵勤該撫所請收回成命之處著毋庸

聖朝聖略卷之七

七

議

沈葆楨又奏冒逆首洪幅瑱及洪芒玕洪芒政

黃汝英等犯就擒後現委藩司孫長紘等遵

旨於十月二十日將洪幅瑱綁赴市曹凌遲處死二

十五日將洪芒玕洪芒政黃汝英綁赴市曹凌

遲處死以快人心惟前獲洪幅瑱時詢以偽璽

何在據稱玉刻偽璽並未帶出金陵至廣德時

另刻木質偽璽係交親信賊目背負現已不知
所往旋查該賊目已經營中檢獲提訊供稱九
月初九夜被俘之時卽已拋棄山谷席寶田隨
派弁勇押同該犯前往尋覓十月初五日於廣
石交界民家得該逆木質大小偽璽各一方稟
送呈驗前來除發善後局存儲外合併陳明奏
入報

欽定剿平粵匪方略卷三十九

七

聞

欽定剿平粵匪方略卷三百九十八 甲子年

十一月十四日 辛亥 官文奏言逆匪竄擾雲孝後

因前路扼截之兵未至晝夜奔突沿途放火擄
掠十月十九日常星阿姜玉順等陸續進紮見
該逆由孝感縣西北之趙寺埠鄭家棧正西之
東嶽廟西南之王家橋列隊來拒常星阿等分
道進剿斃賊多名追殺五六里至八神廟西雙
廟地方將山岡沿西一帶賊館悉數踏毀各路
共斃賊百餘名生擒三十餘名二十日常星阿
等復率所部進抵江家集該逆伺我軍築壘未
就分路來撲姜玉順嚴陣以待及賊衝近槍礮
環施斃馬賊二十餘名賊鋒頓挫我軍乘勝追
殺又擒斬四十餘名追至板橋地方收隊回營
築壘二十一日常星阿藍斯明姜玉順復分三

欽定剿平粵匪方略卷三十九

七

路進勦擊其不備將大屋地五行廟曾家大灣各處賊壘賊卡踏毀淨盡斃賊二百餘名救出難民五六百人賊向董家店一路竄去又李成謀於二十一日進攻雲夢縣屬之金龍寺賊壘該逆於十里鋪漏罐口等處列隊抗拒李成謀先撥二營扼紮黃江口要隘並令馬隊親兵會同該署知縣黃應瑞等帶領兵團布列城南自

聖朝聖考略卷之六

二

率三營直搗漏罐口小有斬擒該逆向京山之宋河潰走我軍追殺斃賊數十名生擒三十餘名是夜賊竄金龍寺胡金店白河口一帶二十一日李成謀率隊由漏罐口白河口進勦以兩營沿河布列兩營由漏罐口旁擊自率親兵獨扼白河口該逆直前衝撲先經中後兩營從旁奮擊左右兩營繼至併力環攻斃賊百餘名解

聖朝聖考略卷之六

三

散約以千計嘗將白河迎水寺胡金店一帶賊卡賊館悉數踏平敗逆向應城之楊家河及宋河分竄其竄楊家河者經駐紮應城之梁洪勝疊次擊敗斬馘頗多亦向宋河奔竄雲夢孝感俱無賊蹤查上竄髮逆鋌而走險因前此常星阿等未能繞出賊前迎頭痛勦以致該逆乘虛徑向京山安陸奔竄此時襄樊一帶最關緊要臣已咨提臣江長貴會同道府妥爲布置特恐該逆繞過襄樊轉窺光化則老河口適當其衝該處爲繁盛之區逆匪垂涎已久否則橫竄安陸擾及襄河均未可定臣已飭常星阿藍斯明姜玉順等由京山安陸前進成大吉先率六成隊由平壩馳向茅茨畷進勦以李成謀爲遊擊之師力顧京山鍾祥各處如賊竄郢東驛卽力

顧安陸府及襄河東岸梁洪勝穩茶應城相機
勦辦如賊北竄兼程馳赴老河口扼紮並先飛
催沈俊德一軍由隨棗會擊檄駐防鄖西之已
革道員梁作楫派撥二營馳赴老河口會同襄
河水師張啟基龍藻琦等加意梭巡現據探報
張曜一軍已抵棗陽攔頭截擊勦辦更易得手
至逆酋陳德才藍城春首級十月二十五日准

欽定剿平粵匪方略卷之八

四

僧格林沁檄飭英翰派弁解送臣營卽經委弁
傳首黃陂孝感德安隨州及前敵一帶至襄陽
懸竿示衆以快人心奏入

上命議政王軍機大臣傳諭僧格林沁官文張之萬
曰髮逆上竄雲夢孝感境內經官軍分路截殺疊
有斬擒賊向京山應城一帶竄去逆蹤屬聚德隨
等處漸有西趨之勢官文現飭江長貴等力扼襄

樊並飭常星阿等由京山安陸前進成大吉馳向
茅茨阪進勦李成謀梁洪勝等軍力顧京鍾應城
要隘所籌尙合機宜卽著嚴飭各軍前截後追務
將此股敗匪就地殲除毋令旁竄常星阿等前次
赴援不力致賊乘虛奔竄業經降旨革職留任此
時如再不知奮勉縱賊西行卽著官文嚴紮按照
軍法治罪僧格林沁督軍楚豫於各營接仗情形

欽定剿平粵匪方略卷之八

五

必所深悉如有臨陣退縮之員無論楚豫官兵並
著指名嚴紮懲辦以肅戎行隨德一帶與豫境處
處毗連張曜一軍已抵棗陽正可攔頭截擊著僧
格林沁張之萬飭令會合楚軍兩面兜勦毋令竄
擾豫疆老河口爲繁盛之區該逆如繞過襄樊轉
窺光化則該處適當其衝著官文飛催梁作楫等
實力扼勦遏其奔突此股敗殘之匪奔竄靡定總

由防剿各軍未能聯絡兜擊有追兵而無遏截之
兵所致官文張之萬務當督飭在事將弁繞出賊
前痛加剿洗楚省兵力甚厚儘奔竄賊股不能在
楚境就地殲除必將官文從重治罪決不寬貸

十五日_{壬子}沈葆楨奏言臣前聞漳龍之警當即

咨商劉典鮑超相機進援並飭韓進春劉勝祥
由會昌察看賊勢就近進規武平現據探稱武

聖朝聖略卷之六

六

平業經閩粵各軍克復疊獲奸細供稱濂逆不
願入粵有回江西過年之語劉典所部八千人
已陸續行抵甯化日內即可進駐汀州鮑超回
籍臣咨催接統之提督宋國永婁雲慶迅速入
閩臬司王德榜經左宗棠委署福建臬司臣飭
其將在江所部之長左副左等營一併帶往以
厚兵力賴南道王文瑞業赴本任其統領浙江

老湘營之總兵王開琳尙駐贛州王文瑞之姪
也臣飭兼統王文瑞所部合力援閩各軍入閩
後江省兵力較單臣咨商周寬世由信豐進紮
長甯飭張岳齡由龍泉進駐會昌以固南贛門
戶韓進春移紮瑞金劉勝祥移紮廣昌與石城
之席寶田互相聯絡以固撫建門戶並飭各營
察看賊勢隨時相機辦理奏入

聖朝聖略卷之六

七

上命議政王申機大臣傳諭沈葆楨曰賊匪竄陷漳
龍等處沈葆楨飭劉典等進援並令韓進春劉勝
祥由會昌察看賊勢就近進規武平現據探稱武
平業經閩粵各軍克復濂逆不願入粵有回江西
過年之謠該撫現令王開琳帶王文瑞所部入閩
又以江省兵單咨商周寬世由信豐進紮長甯飭
張岳齡由龍泉進駐會昌以固南贛門戶韓進春

移紮瑞金劉勝祥移紮廣昌與石城之席寶田互相聯絡以固撫建門戶所籌均尙妥協著卽飭令在防將士及地方官弁認真防守勿令一賊回竄江境劉典所部八千人進駐汀州宋國永等亦俱陸續可到並著督飭該員等會合閩浙諸軍相機進剿克復地方務將該逆就地殲除勿任再行旁竄

欽定剿平粵匪方略卷二十八

八

同日林文察奏言據報逆匪由廣東竄入閩疆擾及武平汀屬一帶軍情較緊臣正在拔隊赴汀聞疊接撫臣飛咨江西逆寇由廣東大埔直撲閩省永定旋犯漳郡卽向泉郡督辦防剿等因臣於二十二日自延統師疾馳回省與英桂徐宗幹面商機宜路經興泉兩郡沿途布置巡防調募兵勇於十月十二日探悉漳郡尙被逆

踞日出近城各鄉焚掠先經遊擊許忠標暨各鄉民團圍擊互有勝負計自西陷武平永定南竄平和雲霄北擾南靖龍巖均因賊勢兇狂相繼不守幾至全省震動臣卽派遊擊許忠標帶勇扼截南路與水師提臣曾玉明派駐石碼之遊擊陳詔舞所部相爲犄角又派遊擊林崇春賴榮各帶兵勇堵守東路已革副將惠壽會同

欽定剿平粵匪方略卷二十八

九

遊擊李世進帶勇駐紮赤嶺萬松關以爲東路策應守備黃益然一軍協守安溪並調廈勇馳赴漳平擇要堵禦以杜北竄守備林向日管駕師船進泊湘橋以爲南路策應西路見有天寶等杜民團合力防剿並知會該地方官於附近水陸要路山嶺開道實力防堵仍派將弁查探路徑率師前進以期迅拔堅城奏入報

間

十七日甲寅毛鴻賓郭嵩燾奏言據臬司李福泰潮州鎮總兵翟國彥稟稱賊匪自平遠敗竄後於九月十二日分股攻撲大埔該縣知縣朱家綬激勵兵民登陴固守是夜忽見縣署大堂火起該令彈壓兵民毋許妄動立時將火撲滅當獲放火奸民訊明正法次日賊眾愈聚愈多相

聖朝聖書卷之六

十

持竟日賊由西門關入朱家綬由北門馳回抵禦與賊巷戰適翟國彥在三河壩聞警馳援直抵城下時賊匪之進城者人尚無多因見官軍驟至立即紛紛退出我軍奮力向前賊眾回頭死拒鏖戰多時斃賊無數遂由饒平一路竄去翟國彥先派守備李暄茅繞由饒平援埔遏賊之前與賊相遇於埔饒交界之湖寮兩路夾擊

賊勢不支遂改竄福建平和而去逆首丁汰洋等擁眾數萬分踞武平縣新城等處四出擄掠游騎時入粵境副將方耀知府吳贊誠由平遠節節進剿屢有斬獲紮營距武平七八里之牧牛嶺地方賊匪大股來撲我軍奮力擊退十三日方耀分兵設伏以數百人至城外河邊賊巢誘之賊果率眾來追將至嶺腳方耀揮軍奮擊伏兵三路包抄賊眾披靡殺斃馬賊多名槍斃千餘人生擒數十名餘匪由城外鄭家坪逃竄是晚方耀傳令齊隊自率輕銳徑攻賊營拋擲火器燒其更樓營壘賊眾棄巢驚竄追過城河復以火箭射入城中之賊不戰自潰立將武平新城克復我軍乘勝追殺至藍塘地方擊斬尤眾適李福泰派出之都司鄧安邦亦至十四日

聖朝聖書卷之六

十一

會師進攻武平縣城方耀吳贊誠等督率兵勇環攻互有殺傷該地方文武亦率團助戰賊見我軍勢盛遂開東門而遁當將縣城收復並搜獲武平縣印信一顆查該逆竄踞武平意在牽掣粵師阻我進兵之路今兩城既克逆眾悉數竄入漳州去嘉應稍遠距潮州為最近平和之匪十月初五日糾眾撲犯饒平縣屬之相嵩關

欽定剿平粵匪方略卷九十八

十一

經該處兵團擊退探聞賊眾沿海擄船有由海道竄擾澄海之意臣以翟國彥所統兵勇分布埔饒一帶尙形單薄急飭李福泰抽調嘉應惠州之兵馳赴大埔聽候翟國彥調撥並飭方耀視賊所向一面會合閩軍跟蹤兜剿至大埔縣城被賊滋擾經該縣知縣朱家綬與賊巷戰翟國彥援兵大至賊即退出縣城尙未失陷惟據

翟國彥來稟並未聲叙朱家綬巷戰情節稍有未符應請

旨將大埔縣知縣朱家綬暫行革職留任由臣查明後再行奏明辦理奏入

上諭曰朱家綬著暫行革職留任仍著查明該州城是否失陷該令有無與賊巷戰各情分別奏明辦理大埔既轉危爲安粵軍現已越境克復武平等

欽定剿平粵匪方略卷九十八

十一

城賊勢趨重漳州著卽飭方耀等軍跟蹤追剿會合江西閩浙諸軍將竄閩之賊就地殲滅漳州距潮州較近饒平縣亦有賊蹤竄擾並有沿海擄船竄擾澄海之信著卽移撥重兵嚴行遏截如任令入海剽掠貽患無窮惟毛鴻賓等是問

二十一日戊午徐宗幹奏言竄匪關入漳龍等處先後調兵分路防剿據林文察等報稱十月十

二日該署提督帶領親軍正在東南響水橋察探賊營路徑賊眾復由東門衝出當即揮軍迎敵陣斬髮逆多人十四日該逆數千人赴鄉墟掠當又出隊迎剿適清浦等社民團追賊踵至分路圍剿守備歐陽和陣斬騎馬賊酋一人殺賊一百餘名又東北樓門石寨踞賊千餘飭令都司林崇春等於十八日密約各軍會合民團

聖朝聖蹟卷九十六

十四

攻擊是日進紮福河之水軍奮力齊進開礮猛轟賊始敗潰我軍追殺斃賊無數二十三十四等日龍巖踞賊出攻天嶺守備李榮塔舉人陳福源等督勇兜剿殺賊一百數十名生擒四名賊退竄耶車社地方十月十三日知縣朱德沛守備張金鑑添調勇團由焦坑兩路分擊殲賊二百餘名賊由洋仔坑鄉敗竄其竄踞汀境濯田

之賊經道員張恆祥等督帶湘汀各勇分路進攻疊獲勝仗斃匪一百數十名餘賊逃散查各路兵民雖屢有斬擒賊鋒究未大挫幸督臣調派署浙江提督高連陞所統湘軍四千五百餘名航海來閩已於二十六七等日陸續抵省臣與面商機宜即於十一月初一日拔隊取道興泉由同安一路進攻漳州提督黃少春統帶楚

聖朝聖蹟卷九十六

十五

勇四千五百餘名於十月二十五日由延平分起進省原擬此軍由延平尤溪取道前往甯洋漳平扼剿龍巖踞逆嗣因漳城聚賊日眾甯平一路有督臣調派劉典一軍由汀州前進臣已咨黃少春改由興化至泉州與高連陞會合該提督即由泉屬之安溪至漳屬之長泰一帶前進俟高連陞入漳約期兜剿黃少春於十一月

初二日到省臣與商定卽整飭隊伍次第啟行
劉典所部浙軍八千名據報於十月十二日在
江西撫州行營派道員李耀南帶隊先行計日
全軍定可至汀已知照由清流就近取道永安
甯洋進紮龍巖所屬之雁石地方相機攻取署
臬司王德榜一軍二千五百餘名由江西贛州
起程尙未據報入閩康國器趙均兩軍現紮永

欽定剿平粵匪方略卷九十八

七

安連城以杜汀境竄匪歸併龍巖並防下竄統
俟劉典王德榜各軍至後卽行會合進剿奏入

上命議政王軍機大臣傳諭左宗棠徐宗幹曰閩軍
剿辦漳龍等處賊匪疊獲勝仗尙未大挫兇鋒高
連陞一軍航海來閩經該撫飭令取道興泉由同
安一路進攻漳州並飭黃少春改由興化進兵與
高連陞會台後卽由安溪至漳屬之長泰一帶前

進約期堯勦所籌尙屬周妥卽著左宗棠徐宗幹
督飭高連陞等會合閩軍協力進擊迅復各城毋
稍延緩劉典王德榜兩軍計日已可到閩並著左
宗棠等檄令該臬司等星速赴援以資得力康國
器趙均所部官軍現紮永安連城務令嚴杜汀境
竄匪歸併龍巖並防該逆乘機下竄毋稍鬆勁前
據左宗棠奏已由衢州起程赴閩計日已達閩境

欽定剿平粵匪方略卷九十八

七

務當相度機宜將各城踞匪一鼓殲除以期肅清
邊圉

二十二日己未官文奏言十月二十五日常星阿
藍斯明姜玉順等向京山之宋河進發偵知髮
捻逆匪已由京山折向三陽店張劉店一帶橫
竄卽各率所部於二十六日向三陽店一路堵
擊該逆遂與續竄隨州環潭之賊會合二十七

日分股竄至德安府北之平林市經駐防德安之總兵趙克彰乘夜帶隊疾趨以一營由河東潛渡斷其歸路以一營列後防其包抄自率兩營直搗中堅時天色微明賊憑河列隊我軍槍礮齊施轟斃執旗馬賊二名步賊十餘名解散難民數百該逆向雷公店敗竄其隨州茅茨畝雙河一帶賊眾亦懼於追兵分路向棗陽之資

聖朝聖略卷之八

十六

山平林店熊家集並襄陽之黃龍壩等處奔竄是日邊馬數騎擾及東津灣二十八日提臣江長貴親督馬步兵丁並派參將文斌等各率所部分路迎擊該逆不敢接仗由姚山廟蔡陽鋪竄去我軍扼守襄樊十一月初一日該逆擾至古河口下封等地方經龍藻琦陸成祖礮船轟斃多名救出難民數百名該逆兩次竄擾東津

灣並結木筏搶渡又經礮船擊退將木筏焚燬初二日馬步悍賊復至百家巷一帶燒擄龍藻琦率哨官許瑞良等分路夾擊斃賊尤多該逆始向黃龍壩峪山一帶逃遁時常星阿姜玉順等馬步各營先於十月二十八日行抵隨州之川洞地方以清潭等處巨股向襄棗一帶竄去常星阿等率馬步隊聯絡追剿探知賊踞雙河

聖朝聖略卷之八

十七

附近常星阿先率馬隊趕至斃賊三十餘名餘匪敗走常星阿姜玉順等率隊追至吳家寨見大股尾賊在白水寺玉皇廟趙家湖一帶焚掠姜玉順梁洪勝藍斯明等率所部同楊朝林之精捷等營分路前進望賊多處爭先攻擊賊見我軍驟至濫擁來拒經梁洪勝率部截殺姜玉順藍斯明楊朝林奮力合攻當斃騎馬悍賊十

餘名步賊數十名賊勢不支我軍左右抄殺復斃賊一百餘名生擒二十五名正法踏毀賊館數處該逆向西奔竄姜玉順等連夜跟追該逆復以悍黨殿後死拒各將士合力猛殺賊不能敵盡向襄棗交界之耿家集黃龍壩蓮家灣等處狂奔我軍追殺三十餘里又斃賊二百餘名擒斬三十餘名並將熊家集杜家岡譚家岡虎

尾山興隆山一帶賊館悉數踏平解散難民不少其前由霍山竄入黃安敗匪於十月二十六日假冒官兵上竄孝感之小河溪應山之羅家店二十八日由羅家店竄及平林市土壩埠等處臣豫派李成謀馳由羅楊店繞出長嶺岡扼紮二十九日帶隊往土壩埠進剿該處河水深不及尺該逆紛紛渡河李成謀率隊過河追擊

斃賊三十餘名該逆向羅楊店一帶奔赴隨州合股查上竄髮捻疊經官軍分路追剿獲勝由隨棗一路狂奔意在乘虛衝突其另股敗逆亦已歸併一處正可合力兜剿就地殲除僧格林沁督軍由棗陽前進會合楚軍夾擊郭寶昌亦於十一月初三日由黃陂馳赴德安一帶臣已催令迅速追剿惟屢據獲賊供稱該逆不由隨

棗直趨河南卽由老河口鄖陽口一路圖竄荆子關是楚省各軍亟須分途遏截已令李成謀扼紮隨棗富森保扼紮樊棗之間成大吉扼紮楚豫交界之呂堰驛並令梁洪勝移紮老河口楊朝林馳赴鄖陽並顧鄖西竹谿以保楚省西北藩籬儻賊匪旁趨卽令常星阿蘇倫保溫德勒克西姜玉順藍斯明等隨同僧格林沁所派

各軍出境分路追剿以圖聚殲現據探報髮捻餘氛已在楚豫之交湖北全境將次肅清腹地無虞楚中前敵各軍已經 臣 全數派赴襄樊以便僧格林沁就近調遣 臣 以游勇難民及遣散降衆半聚漢鎮現由黃孝一帶回駐漢陽橋口安撫彈壓奏入

上命議政王軍機大臣傳諭僧格林沁官文會國藩

聖訓卷之九十八

三

聖訓卷之九十八

三

張之萬劉蓉曰德安股匪由府北之平林市竄向雷公店隨州之賊分竄襄棗之黃龍壩資山等處經官軍擊敗奪路狂奔前山霍山竄入黃安敗匪復上竄孝感應山等處奔赴隨州雖係亡命之餘乘虛銜走而狼奔豕突其勢甚熾且賊尙在楚何得遽謂全境將次肅清腹地無虞官文既稱逆匪歸併一處正可合力兜剿就地殲除不准徒託空

言必須嚴申軍令督飭常星阿李成謀等軍一面分路追剿一面繞山賊前迎頭截擊務須悉數殲誅毋任逃竄山境成大吉已紮楚豫交界之呂堰驛梁洪勝已紮老河口楊湖林馳赴鄖陽並顧鄖西竹谿一路卽著責成該提督等實力遏截儘任賊蹤竄入豫陝境內必當按照軍法治罪僧格林沁督軍已抵棗陽際此衝寒督戰朝廷甚爲廬念前曾諭令該大臣如楚豫官兵臨陣退縮者卽指名嚴叅懲辦現在官文所派各軍已由僧格林沁調遣卽著督飭該將士奮力剿賊與郭寶昌等軍會合兜擊迅殄逆氛儻在事員弁有不遵調度者仍遵前旨指名嚴叅以軍法治罪勿稍姑容張之萬仍遵前旨督飭各軍認真截擊毋令闖入豫境賊匪既有西趨之勢著劉蓉酌派兵勇嚴防興商

等處以備不虞前據曾國藩奏稱已派劉銘傳等
統淮勇渡江剿皖鄂之賊劉連捷等赴黃州候官
文調遣何以此次官文摺內於劉連捷等入楚一
節並未提及著曾國藩嚴飭劉連捷等星馳入鄂
會合楚軍併力擊賊儻敢意存畛域任意遲延朝
廷法令具在不能因該軍士在江南剿賊著有微
勞稍從寬宥也

欽定剿平粵匪方略卷九十八

臣

官文又奏言臣接福建撫臣徐宗幹咨稱粵逆
竄入閩境請飭福建汀州鎮總兵沈俊德挑選
楚勇星馳赴閩等因閩省逆氛未靖自應派往
助剿現已檄飭該總兵卽帶所部迅速起程赴
閩以集兵力奏入報

聞

二十三日庚申富明阿奏請欽奉

諭旨飭將馬隊揀選撥赴都興阿軍營助剿一切勇

隊妥爲遣撤查揚防現存馬隊及新調吉林官兵

共有三百七十餘員名其中尙有自咸豐二三

年出征傷殘老弱之人臣擬將精壯遵撥赴甘

其餘傷殘疲弱者遣撤回旗第新調吉林官兵

一百二十九員名甫經到防前在張家口採買

戰馬二百匹亦於初六日始行趕到該官兵等

欽定剿平粵匪方略卷九十八

臣

來自數千里外尙未休息又復遠道赴甘恐沿
途勞乏於攻剿難期得力臣現飭令暫行休養
一二十日卽令侍衛壽昌統帶吉林官兵侍衛
訥依楞阿統帶黑龍江官兵由糧臺籌給路費
找清欠餉於年前一律起行馳赴甘省都興阿
軍營聽候調遣其揚防陸營兵勇統計尙有一
萬四千數百人積年欠餉甚多補發無此巨款

如蒙

天恩准將漕價借用糧臺或可從容籌撥臣卽當趕緊分起陸續撤防騰出餉需以備接濟他省至水師留防礮划一百四十隻兵勇二千四百餘人臣已飭先裁六十隻仍嚴催糧臺趕籌欠餉以便全行凱撤臣惟當妥慎籌辦嚴飭各管帶官約束兵勇不准逗留滋事奏入

聖祖聖訓卷九十八

三

上命議政王軍機大臣傳諭富明阿吳棠曰揚防現存吉林等處馬隊計三百餘名除傷殘老弱應行遣撤回旗外其精壯可用及新調吉林官兵著富明阿轉飭糧臺籌與路費給清欠餉交派出之侍衛壽昌等管帶於年內起程馳赴都興阿軍營聽候調遣其揚防陸營兵勇尙存一萬四千餘人積年欠餉甚多並著照該將軍所請將本年江北冬

漕折色全行借撥以便陸續酌量裁撤至水師留防礮划兵勇俟糧臺籌給口糧解到後應如何妥爲遣撤之處並著富明阿吳棠迅籌會辦

二十六日 癸亥 僧格林沁奏旨臣親督翼長恆齡

等馬隊於十一月初四日馳抵棗陽探得髮逆邱元才等股匪經副都統常星阿等馬步各軍躡蹤尾追該逆竄至襄陽縣東北黃龍壩峪山

聖祖聖訓卷九十八

三

一帶盤踞臣擬於初八日督隊進剿詎該逆已於初七日夜間由峪山向滾河一帶竄去臣令常星阿藍斯明等馬步隊伍追剿至蔣家溝地方該逆馬步分列以待我軍常星阿等馬隊先行衝擊該逆抵死不退是時姜玉順等步隊及恆齡等馬隊均布陣於山坡之上恆齡等見常星阿軍力不支立即帶隊助剿該逆馬步從旁

撲犯我軍轉戰陷於溝坎泥淖之中不得馳騁而姜玉順梁洪勝等步隊雖經接應未能盡力支撐致被該逆乘勢包抄因而小挫收隊後駐紮官莊初十日探得捻逆張總愚陳大濬等匪乘夜山王家河以北竄渡黃河向西逃竄與前股髮逆勾合經我軍乘賊渡河奮勇衝擊斃賊百餘名落河淹斃者無算餘皆乘夜竄散該逆

欽定剿平粵匪方略卷九十八

三

既已合夥西趨誠恐圖竄樊城擾及完善遂飭姜玉順等各率步隊移紮樊城扼要堵剿十一日臣督帶馬隊跟蹤前進至呂堰驛地方探得該逆等合夥向西南鄧州屬白洛堰一帶奔竄我軍探蹤追擊適翼長成保等馬隊總兵郭寶昌張曜兩軍步隊均已趕到臣卽於十四日督飭各軍分中左右三路整隊前進追至鄧州之

唐陂地方賊匪傾巢出拒經恆齡等馬隊更番衝擊賊勢少卻該逆復出大股向我右哨步隊拌死來撲我軍極力支持該逆愈聚愈眾致爲賊匪抄襲官軍挫失兵勇俱有陣亡該逆因我軍失利膽敢乘隙上竄在鄧州東北白牛里一帶盤旋亟應撥兵截剿臣已飛咨督臣官文撫臣張之萬喬松年劉蓉等檄飭防軍扼要堵擊

欽定剿平粵匪方略卷九十八

三

尹任關入邊境並札調姜玉順梁洪勝兩軍來營協剿令藩司英翰道員蔣凝學各率所部移紮商城提督成大吉進紮新野以厚兵力杭州將軍國瑞已於初七日率馬步官兵由光山移紮信陽州以爲後路聲援臣已函會該將軍妥籌防剿臣暫駐鄧州稍加整頓擬卽督軍合力追剿此次接仗失利雖因帶隊各員未能戮力

同心致有敗挫究係臣調度無方實難亂咎應請

旨將臣嚴加議處臣惟有激勵大小將士設法進取誓滅窮寇奏入

上命議政王軍機大臣傳諭僧格林沁官文曾國藩國瑞張之萬劉蓉曰髮捻各股由棗陽黃龍壩嶺山等處向西北滾河一帶竄去經僧格林沁督軍

聖朝聖略卷之九十八

三

追擊乃帶兵各官未能戮力同心屢致敗挫即著僧格林沁查明據實嚴參懲辦該逆現竄鄧州東北白牛里一帶僧格林沁移紮鄧州即著整飭隊伍督令帶兵將弁合力追剿以贖前愆僧格林沁自請嚴議之處著加恩寬免賊蹤已入豫境著張之萬嚴飭張曜等實力嚴防毋令紛竄腹地擾及完善鄧州距陝較近劉蓉檄飭在防各軍嚴密防

勦毋令闖入邊境陝省興商等處兵力甚單必須由楚省調撥勁軍繞前截擊方能遏其入陝之路著官文迅撥得力兵勇馳赴豫陝交界地方會合陝軍奮力兜截毋稍延緩前諭曾國藩迅飭劉連捷等軍星馳入鄂歸官文調遣著仍遵前旨飭令迅速前進儘敢逗留即著曾國藩查明嚴參並著官文檄調劉連捷等軍到鄂以便騰出兵力赴陝

聖朝聖略卷之九十八

三

助剿國瑞現由光山移紮信陽即著該將軍妥籌布置相機策應

二十七日甲子官文奏言查陳德才藍城春先後

授首吳青汰范立川倪滄漢馬融和倪滄淮次第乞降僅餘張總愚賴汝洸陳大禧等屢敗之衆不過數萬尙稽顯戮楚師水陸各軍追剿截殺僧格林沁復親督大軍會擊逆勢愈衰當可

無虞且僧格林沁威望夙著爲楚軍所畏服既經臣咨由僧格林沁就近調度必能就地殄除襄陽有提臣江長貴久經戰陣人尙可靠似無須臣親往督勦日來在礪石行營撤遣降衆彈壓游勇均各就緒商民安堵如常惟西征軍實及金陵遺勇欠餉尙無端倪督署公件不能隨營辦理者已積壓四月之久均難再緩擬於十

欽定剿平粵匪方略卷三十八

三

九日回省會同撫臣督飭司道趕緊辦理仍嚴飭水陸各軍乘此聲威認真勦洗此後軍情由僧格林沁就近奏報以期迅速

同日曾國藩奏言據周盛波呈報於十一月初六初八等日率所部九營由溧陽先後起程劉銘傳亦定於十二月率所部十二營由廣德建平陸續起程臣將地方事宜略爲部署先於初

三日交卸兩江總督篆務料簡西行續奉諭旨飭臣無須交卸督篆仍駐金陵妥籌調度查鄂

中髮逆雖經全數殄滅而捻逆回竄德安一帶則由鄂而豫而皖均係往來熟徑劉連捷等軍宜以黃州上巴河爲老營凡黃州八屬有警卽令分隊馳勦並派吳坤修前往料理營務劉銘傳等軍宜以三河尖固始爲老營凡皖豫交界

欽定剿平粵匪方略卷三十八

三

有警卽令相機防勦仍派李鶴章同往料理營務有此兩支勁旅庶可騰出湖北本省兵力專顧德安襄陽等處以爲通力合作之計頃准李鴻章將總督關防派弁齎送出關臣卽於十一月十七日接篆照常任事俟此閒科場完竣諸務就緒擬仍乘坐輪船駛赴安慶黃州一次而囑諸將妥籌防勦迅掃上游餘孽均奏入

上命議政王軍機大臣傳諭僧格林沁官文曾國藩
喬松年張之萬劉蓉曰昨據僧格林沁奏督軍追
剿髮捻各股先後接仗失利暫駐鄧州相機追擊
當諭令僧格林沁整軍追剿官文迅撥兵勇馳赴
豫陝之交奮力兜擊曾國藩迅飭劉連捷等軍入
鄂茲據曾國藩奏劉連捷等軍宜以黃州上巴河
爲老營凡黃州八屬有警卽令分隊馳剿劉銘傳

聖朝聖略卷九十八

三

三

等軍宜以三河尖固始爲老營凡皖豫交界有警
卽令相機防剿有此二支勁旅庶可騰出湖北本
省兵力專顧德安襄陽等處自是老謀深算惟遠
防不如近剿現在賊蹤駸駸西竄若駐紮三河固
始未免距賊較遠兵情旦夕變遷著曾國藩飭令
劉連捷劉銘傳等入鄂入皖之軍探蹤前進均歸
僧格林沁調遣以期力殄狂氛曾國藩擬俟科場

完竣諸務就緒乘坐輪船赴安慶黃州一次不若
就日前李鴻章尙在江甯該督卽日出省規畫指
揮嚴飭諸將認真防剿較可得力俟各路布置安
妥仍卽馳回江甯辦理善後一切要務官文以西
征軍實及金陵遺勇欠餉尙無端倪並公事積壓
日久請回省督辦自係實情著卽回省督飭司道
認真籌辦一面嚴催水陸各軍務將此股賊匪卽

聖朝聖略卷九十八

三

三

在楚境就地殲除勿任旁竄他省僧格林沁暫駐
鄧州惟當恪遵昨日諭旨穩慎進兵力圖剿洗凡
遇山險泥淖以步隊當先平原曠野以馬隊當先
並須豫撥勁兵嚴扼該逆西竄之路前截後追毋
任入陝劉連捷劉銘傳等軍並著該親王酌量調
度以資厚集其何路兵將赴調遲延卽著僧格林
沁嚴行叅奏皖境現雖無賊喬松年仍當飭屬妥

防不可稍有疏失張之萬當懷遵昨日寄諭嚴飭
張曜等實力防勦興商之防甚單劉蓉設法添派
兵勇換籌堵截免致臨渴掘井貽誤事機

欽定剿平粵匪方略卷三百九十九 甲子年

十二月初一日戊辰左宗棠奏言臣督師入閩行

抵浦城疊據稟報漳州龍巖南靖永定平和雲
霄各城賊尙屯踞如故署陸路提督林文察十
月十二日進勦漳郡踞逆副將惠壽營盤先陷
林文察退紮玉洲十一月初三日漳郡踞逆出
犯萬松關瑞香亭陸路各營又分股直撲水營

林文察督軍接仗因後路被賊抄襲兵勇敗潰
林文察中槍陣亡其瑞香亭萬松關陸營同時
失陷幸高連陞一軍初七日已抵泉州據函稱
逆賊勢甚臨張土匪從亂如歸泉廈岌岌高連
陞率所部急趨同安以保泉廈尙未知能否到
在賊前其黃少春劉明珍所部臣本飭其暫駐
延平聽候調遣旋准撫臣來咨已經調赴省並

調赴長泰據黃少春稟擬初八日前進此東路
進兵之情形也其龍巖州踞逆散布長汀連城
甯洋各界時出窺伺臣咨劉典先將汀州連城
甯洋一帶踞匪肅清以攻龍巖之北復調新署
福建臬司王德榜由瑞金馳赴汀州擬俟其到
後出汀州南趨上杭以攻龍巖之西須驅逆賊
歸併一處嚴遏北竄彼此聯絡而後兵力乃敷

聖朝聖略卷十九

二

分布現據劉典函報其前隊已抵甯化王德榜
一軍由江西取道入閩計此時亦可馳抵汀界
此西路進兵情形也其中路以延平為最要蓋
延平距省會四百里一水可通既可據上游以
杜窺伺之萌復可策應龍漳諸軍為犄角之計
臣因中路空虛已飭隨行四營馳赴延平臣隨
卽督率親兵續進俟抵延平後察看情形續報

至前奉

諭旨鮑超所部婁雲慶等由臣調遣此時尙無入閩
消息林文察失利陣亡所部各營死傷潰逃情
形容會同撫臣徐宗幹查明後分別辦理奏入
上命議政王軍機大臣傳諭左宗棠毛鴻賓沈葆楨
徐宗幹郭嵩燾曰閩省漳州各城均為賊踞署提
督林文察中槍陣亡賊勢猖獗泉廈危急高連陞

聖朝聖略卷十九

三

一軍已抵泉州著左宗棠徐宗幹飛檄該署提督
迅率所部急趨同安務期到在賊前扼要防剿以
保泉廈門戶並飭調赴長泰之黃少春等軍合力
兜剿穩慎進取毋令賊蹤再行滋蔓劉典前隊已
抵甯化王德榜一軍由江西取道入閩計已馳抵
汀界著卽照左宗棠所籌飛飭劉典所部先將汀
州連城甯洋一帶踞匪肅清進取龍巖之北王德

榜所部由汀州南趨上杭進攻龍巖之西總期聯絡遏截妥籌分布將龍巖踞逆悉數聚殲以免復行旁竄左宗棠因中路空虛先撥隨行四營馳赴延平卽率親兵續進著俟抵延平後居中策應分籌遏勦卽將辦理情形迅速奏聞漳龍一帶賊勢臨張各軍分路環攻能將該踞逆在閩境就地聚殲自屬上策恐該匪被勦窮蹙經而走險則回竄

欽定剿平粵匪方略卷九十九

四

江西旁窺粵境或潛蹤入海均在意中毛鴻賓郭嵩燾所派粵軍前已越境收復武平等城著仍遵前旨迅飭方耀等軍跟蹤追勦會合江西閩浙之軍進規漳郡殄除竄匪其閩粵濱海地方並著左宗棠徐宗幹毛鴻賓郭嵩燾撥兵嚴防備任令匪蹤入海剽掠必惟該督等是問江西援閩之費雲慶等軍現在行抵何處著沈葆楨迅催前進並由

左宗棠徐宗幹探明催提以厚兵力沈葆楨務當嚴飭江防諸軍力扼要隘以杜匪蹤回竄林文察陣亡詳細情形並著左宗棠等查明具奏再降諭旨

左宗棠又奏言查布政使銜浙江按察使劉典自上年聞訃丁憂回籍卽請開缺終制嗣以逆賊竄入江境臣檄其由湘募勇赴江援勦旋奉

欽定剿平粵匪方略卷九十九

五

旨幫辦江皖軍務現在江境肅清閩省被賊竄擾臣檄其由建昌取道汀連相機進勦該臬司以墨經從戎雖義無可諉而服官從政終覺心有未安再四呈請開缺俟閩省軍務完竣回籍終制臣察其情詞極爲懇切合無仰懇天恩俯准開劉典署浙江按察使缺仍以二品頂戴幫辦福建軍務俾臣得收指臂之助奏入

上諭內閣曰浙江按察使劉典自上年丁憂後曾經降旨改為署任並令幫辦江皖軍務現在江境肅清經左宗棠檄令進剿福建賊匪該署臬司自以丁憂人員服官從政於心未安呈請開缺情詞至為誠懇著浙江按察使劉典著准其開缺仍以二品頂戴幫辦左宗棠軍務

初五日壬申張之萬奏冒據報髮捻各匪因官兵

聖朝聖學略卷九十九

木

失利勢又猖獗十月十五六等日疊撲鄧州城垣經馬步各軍擊退悉竄鎮平之黑龍集侯集等處刻下鎮平西南北三面均有寇蹤西北為馬山口入山之路西南則由內鄉趨浙川頭頭是道實屬防不勝防臣於二十六日行抵舞陽催令王文行勇隊前進復接僧格林沁函會知已移紮南陽整頓隊伍臣一面飛飭湯聘珍等

各營星夜繞由南召魯山出賊之前扼賊北竄河汝之路一面飛飭河陝汝地方文武號召民團堅壁清野力保完區俟僧格林沁振軍復進然後合力痛剿惟僧格林沁之軍新挫需兵殊急其所調皖軍英翰蔣凝學之隊又祇令進駐商城遇有綏急深恐鞭長莫及臣已知會喬松年催令皖軍由信陽入境迅赴宛南以厚兵力

聖朝聖學略卷九十九

七

至鄧州各營軍裝器械大半損失急須添補侍郎毛昶熙暫留汝郡督率糧臺委員簡練軍實陸續運赴前敵以資整頓仍將汝南善後各事宜認真布置料理就緒卽星馳赴宛與臣會籌一切張之萬又奏言逆眾志在入山南召內鄉之間鳥道羊腸斷非用騎之地步隊甫經挫衄猝難

整頓若召募新軍既恐緩不濟急且將領難得其人查總兵陳國瑞驍勇過人聲威素著自隨僧格林沁勦辦楚豫竄匪以來每戰必捷所部不過三千餘人而數萬賊衆當之輒北前因病請假在光州就醫聞已痊愈合無仰懇

天恩飭令陳國瑞速赴僧格林沁軍營帶兵勦賊以期迅殄妖氛奏入

聖朝聖考卷九十九



上命議政王軍機大臣傳諭僧格林沁官文張之萬沈桂芬劉蓉曰張之萬奏逆賊勢又猖獗疊撲鄧州城垣經馬步各軍擊退復向鎮平一帶竄擾張之萬已行抵舞陽僧格林沁現在移紮南陽著卽整頓各軍會合痛勦務須就地殄除毋任再行四竄英翰及蔣凝學二軍能否酌調赴營著該親王察度辦理陳國瑞打仗向稱勇往據張之萬奏該

總兵因病請假在光州調理諒已就痊愈僧格林沁飛調該總兵迅赴前敵以資得力張之萬務當嚴飭湯聘珍等營繞由南召出賊之前扼賊北竄河陝之路並飛檄河陝汝地方整飭民團共資保衛王文行勇隊催令卽日前進會合僧格林沁所派之軍合力痛擊無任觀望賊勢駭駭西趨若一入山險又成不了之局劉蓉責任封圻自當設法

聖朝聖考卷九十九

九

籌備方爲不負委任著卽嚴飭地方官實力辦理團練以補官軍之不足仍於附近營汛抽調兵勇擇要設防儘任令匪蹤闖入定惟該撫是問均光鄖陽與鄧州鎮平接壤逼近賊氛著官文嚴飭鄖西一帶防兵認真截勦毋得縱令西竄致滋蔓延現在河冰凍結之時賊蹤若至陝汝卽易履冰過河沈桂芬務須嚴飭地方文武各員實力巡防備

豫不虞不得以寇氛尙遠稍涉大意

同日徐宗幹奏冒署陸路提督林文察進攻漳

州踞逆移營至近城之萬松關瑞香亭等處署

水師提督曾玉明所部駐泊三汊河一帶互相

策應十一月初三日該逆由東門先出數千人

前來撲營當被我軍擊退另有大股約數萬人

由好景山等處四路包抄將萬松關瑞香亭營

盤全行圍裏林文察親督兵勇奮擊相持五時

之久賊來愈多我軍寡不敵衆屢有傷亡林文

察手刃數賊未能突出重圍中槍殞命曾玉明

當飭林文察所部遊擊許忠標等管帶兵勇一

千三百餘名嚴扼江東橋要隘該營仍泊三汊

河駐守幸浙省援師高連陞一軍先已由省起

程計期已過泉州黃少春等軍亦陸續由泉州

欽定四庫全書

十一

進發有此勁旅接應人心賴以鎮定現飭護漳

州鎮郭什春馳赴江東橋會同曾玉明收集各

軍鼓勵團練合力堵禦其陸路提督一缺咨商

督臣批飭黃少春暫行署理以資統率查林文

察在浙閩帶兵勦匪身先士卒所向有功今以

衆寡不敵血戰捐軀實深憫惜應請

飭部將署福建陸路提督福甯鎮總兵林文察照提

督例從優議卹以慰忠魂同時陣亡之遊擊李

世進都司謝朝典守備闕文忠同知平懋儒同

知銜知縣謝穎蘇並請一併議卹至汀龍各路

康國器一軍駐紮離龍巖州城四十里之雁石

地方汀屬餘匪分竄長汀上杭連城等處張恆

祥統帶湘勇移紮長汀河田地方關鎮國所部

扼守上杭連城一帶劉典前隊已入汀境俟全

欽定四庫全書

十一

軍到齊卽行分路攻勦

徐宗幹又奏冒正緒摺開據報高連陞一軍於十一月十三日由泉屬向安前赴漳境江東橋距府城三十餘里黃少春全隊於十五日亦由泉州進紮漳城外之萬松關瑞香亭等處該逆新築賊壘被官軍同義民攻毀踞匪復退入城等語近聞逆黨各懷猜忌城內連日互鬪自相殘殺多人該逆分股出屯城外西路一帶各鄉見大兵雲集亦齊舉義旗合力防勦奏入

上命議政王軍機大臣傳諭左宗棠徐宗幹曰高連陞等軍陸續前進著左宗棠徐宗幹嚴檄派出各軍協力掃蕩迅殄逆氛福建陸路提督卽著黃少春暫行署理以資統率賊黨各懷猜忌城內連日互鬪自相殘殺當此機有可乘如能迅速進兵尤

欽定剿平粵匪方略卷九十九

三十一

爲事半功倍卽著該督撫相機辦理汀州龍巖各路廉國器一軍駐紮雁石張恆祥移紮長汀河田關鎮國扼守上杭連城劉典前隊已入汀境昨據左宗棠奏擬令劉典攻龍巖之北王德榜攻龍巖之西並以中路空虛先撥隨行四營馳赴延平此時劉典等計皆次第到防著左宗棠徐宗幹督飭閩浙官軍妥籌勦辦將失陷各城力圖規復務將此股逆匪就地殄除毋令再行回竄江西廣東或潛蹤入海復肆蔓延又成不了之局

上諭內閣曰署福建陸路提督林文察前在浙江福建等處帶兵勦匪所向有功此次進攻漳州踞匪該逆率衆來撲官軍奮勇擊退該署提督手刃多賊中槍陣亡實堪憫惻著福建陸路提督福甯鎮總兵林文察著交部照提督例從優議卹其同時

欽定剿平粵匪方略卷九十九

三十一

陣亡之遊擊李世進都司謝朝典守備闕文忠同知平懋儒同知銜知縣謝穎蘇均著一併交部議卹

徐宗幹又奏言閩省軍務繁興亟應整頓營伍查福建水師提督吳全美前因江南凱撤粵勇統帶回籍陸路提督郭松林現在江蘇軍營汀州鎮總兵沈俊德現在湖北軍營已據咨報來

聖朝聖略卷九十九

十四

閩相應請

旨飭下廣東江蘇湖北各督撫臣分飭迅速赴任以專責成此外尚有漳州鎮總兵李成謀金門鎮總兵王東華建甯鎮總兵張得勝並請

飭部一體查催赴閩於營務地方均有裨益奏入上諭內閣曰福建水師提督吳全美統帶江南撤勇回粵陸路提督郭松林現在江蘇軍營汀州鎮總

兵沈俊德現在湖北軍營業經官文飭令帶兵赴閩著毛鴻賓李鴻章官文分飭各該員等迅速赴任其漳州鎮總兵李成謀金門鎮總兵王東華建甯鎮總兵張得勝亦均在軍營帶兵著各該督撫一體飭令赴閩以專責成毋再延緩

初九日丙子張之萬奏言髮捻各逆由鎮平紛竄擾及裕州之趙河等處臣聞警卽於十二月初

聖朝聖略卷九十九

十五

一日進紮葉縣據報該匪在鎮平境內盤旋數日因馬山口有兵扼守連日分股來撲與我爭險均經防軍擊卻不得逞志遂相率北趨由南陽之石橋趨南召疾走魯山賊騎四出擾掠二十九日直薄魯山縣城全股在近城一帶游弋窺伺河汝等情查該匪自入豫境卽趨巖邑是其注意總在入山我軍馬山口之隊先賊扼險

賊果不敢由此深入無如扼險之兵有限賊竄之道無窮其扼紮鎮平與賊相持者僅恃湯聘珍及崔廷桂等數營該匪乘隙卽趨頭頭是道其鋒正銳勢難力堵現旣全股北走則鎮平之軍已出賊後且魯山西北皆山直接河汝該匪本有入山過冬再窺陝境之說難保不由此深入而豫省兵力除張曜等新挫之隊亦更無兵

欽定剿平粵匪方略卷九十九

十一

可調臣已派張曜率領所部並統帶宋慶湯聘珍各軍卽日拔營由南召魯山一路盡力追剿並將臨勝四營及新募飛虎一營撥歸張曜宋慶管帶適僧格林沁亦於初二日督軍抵葉臣與會籌布置意見相同卽飭張曜迅統各軍剋日進剿僧格林沁本擬督帶馬隊疾趨郊汝與張曜等軍會合臣見該親王日夜奔馳於冰雪

中勞頓已極且馬隊亦皆疲乏該親王勇於滅賊恐倉猝遇賊不能計出萬全因勉留暫住一二日以資休息一面飛檄張曜等星夜前進此時賊勢方張汝陝門戶洞開瞬息卽可竄越且黃河三門冰結成橋賊勢蔓延秦晉均恐震動除飛咨各該撫臣嚴備邊防外臣惟有督飭將領盡力以圖賊至何處卽由何處躡剿以期仰

欽定剿平粵匪方略卷九十九

十一

慰

宵旰之憂奏入

上命議政王軍機大臣傳諭僧格林沁官文曾國藩李鴻章喬松年張之萬沈桂芬劉蓉曰豫省髮捻各逆由鎮平竄擾裕州之趙河等處屢經防軍擊卻由南陽之石橋疾趨南召直薄魯山縣城全股在近城一帶游弋窺伺河汝僧格林沁張之萬先

後督軍馳紮葉縣現將臨勝四營及新募飛虎一營撥歸張曜宋慶管帶剋日進剿卽著飭令該總兵等整飭諸軍取道前進魯山西北皆山直接河汝務須嚴飭張曜等軍繞出賊前合力兜擊勿令賊蹤竄入山險致滋蔓延僧格林沁所部馬隊日夜奔馳疲乏已極著俟暫行休息兵力稍紓卽由該親王統帶前赴汝相機籌度會合張曜等軍

聖朝聖略卷之九

六

聖朝聖略卷之九

六

穩慎進攻其扼紮鎮平之湯聘珍崔廷桂等數營現已落在賊後應由何路調赴前敵截剿並豫省本境有可添調之兵應行酌量調撥著僧格林沁張之萬妥籌速辦會國藩前派分赴楚豫之劉連捷劉銘傳等軍會否到防楚省現無賊蹤著會國藩李鴻章迅檄劉連捷等所部星速赴豫毋許再有稽延官文所部成大吉李成謀諸軍自應遵旨

飛速撥赴豫省助剿著僧格林沁檄調前進分投堵剿陳國瑞因病請假諒已就痊並著僧格林沁調赴前敵一面飛檄皖省之英翰郭寶昌蔣凝學各軍迅赴南召魯山一帶前截後追以杜紛竄喬松年卽催英翰等速行入豫以上各軍均歸僧格林沁節制調遣如將士有畛域之見及赴調遲延者均著嚴叅該處山路居多步隊尤爲得力該大臣務須多爲之備加意慎重防意外之失該逆有入山過冬再竄陝境之說現屆冬令黃河三門冰結成橋匪蹤易於渡河秦晉毗境防務均形喫重著沈桂芬嚴飭河防文武實力堵禦陝省毗連河汝等處要隘並著劉蓉派兵嚴防速飭地方官整飭民團妥籌守禦陝省防兵僅有興商數營較形單薄如賊勢西趨陝疆著官文酌派勁兵越境兜

擊勿得稍分畛域

十三日庚辰官文奏言髮捻逆匪全股竄入鄧州

臣前次奏報如賊紛竄卽令常星阿舒倫保溫德勒克西姜玉順藍斯明等隨同僧格林沁出境分追現又添派富森保楊朝林梁洪勝會同常星阿等星夜馳赴鄧州內外夾擊以期聚殲又派成大吉由老河口均光一路迎頭包襲兼

欽定剿平粵匪方略卷九十九

三十一

顧楚境提臣江長貴確探賊蹤扼守要隘李成謀扼紮雙溝爲後路援應卽該逆有回噬之警亦足以嚴邊界之防

官文又奏言查道員蔣凝學一軍自皖援鄂所部僅三千數百人屢次戰捷以少勝多實屬忠勇奮發該營參將劉維楨偵知羣賊中惟陳德才爲最悍而陳德才黨與又以吳青汰爲最悍

蔣凝學遂令劉維楨宣布

皇仁暗施反間該道仍率部晝夜窮追十月初九日追至霍山縣屬之長嶺菴賊目吳青汰率三萬餘人因劉維楨以求降蔣凝學卽派知府蔣澤澐率各營排陣要隘遣遊擊熊顯榮從九品何林亨馳入賊中察其真僞首逆陳德才卽親率大股來衝蔣凝學激勵吳青汰等勦賊立功吳青汰卽與屈忠星等反戈殺賊蔣澤澐同總兵李揚隆等乘勢痛勦擒斬極多是夜賊目范立川帶同陳漢汰周添瞬等二萬餘人來降倪蔭漢及陳德才部黨高啟城等見吳青汰范立川等反正相繼來歸者又五萬餘人蔣凝學馭之以權懷之以恩各降衆均帖然心服陸續遣回者共十一萬一千三百餘人留精壯在營效力

欽定剿平粵匪方略卷九十九

三十一

者三千餘人陳得才自度不支服毒自盡又經范立川等掘獲屍身解至僧格林沁行營戮屍傳首示衆實足大快人心所有出力各員應請分別獎勵至蔣凝學一軍現經僧格林沁飭赴商城聽候調遣定於十一月二十八日拔營星夜馳往臣已於江漢關稅項內發給銀七萬兩又購買米三千石解赴襄陽備領以利軍行

聖朝聖訓卷之九十九



聖朝聖訓卷之九十九



官文又奏言前准曾國藩咨稱已派劉連捷劉銘傳等馳赴黃州因下游楚皖之交賊氛正熾先其所急今楚境已靖賊蹤漸遠所有劉連捷等軍自可無庸來楚臣已飭令駐紮英霍六安潛太一帶以固楚皖門戶較之駐兵於黃州無賊之地似為有益奏入

上命議政王軍機大臣傳諭僧格林沁官文曰逆匪

由南召奔魯山窺伺河汝屢經降旨令官文派兵赴豫助剿茲據官文奏稱已令常星阿舒倫保溫德勒克西姜玉順藍斯明等隨同僧格林沁出境分追現又添派富森保楊朝林梁洪勝等內外夾擊又派成大吉由老河口均光一路迎頭包襲兼顧楚境所籌均尙周妥現在賊衆北趨若不迎頭攔截恐一入河汝將為秦晉之患著催常星阿等星馳前進歸僧格林沁調遣不得稍涉觀望楚省要隘應辦防務卽責成江長貴李成謀等妥為經理以防回竄劉連捷等軍自可無庸赴楚惟該督飭令駐紮英霍六安潛太一帶去賊太遠以有用之兵置之無用之地殊為可惜著僧格林沁遵照屢次諭旨檄調來豫派赴前敵截剿以厚兵力蔣凝學一軍現紮商城並著僧格林沁酌量調遣

上諭內閣曰逆賊陳德才黨與衆多最爲剽悍經蔣
凝學派參將劉維楨等勦撫兼施吳青汰等相繼
來歸陳德才因黨與離渙自度不支服毒自盡辦
理尙爲得手所有尤爲出力之參將劉維楨著免
升副將交軍機處記名遇有總兵缺出請旨簡放
並賞給固勇巴圖魯名號總兵袁秀林著交軍機
處記名遇有提督缺出請旨簡放並賞給勇巴
圖魯名號參將雷震雲著以副將儘先補用並賞
加總兵銜提督銜總兵李揚隆著照提督給予應
得封典遊擊熊顯榮著以參將留於湖北補用並
賞加副將銜知府蔣澤澐著以道員儘先選用從
九品何林亨著免升縣丞以知縣不論雙單月儘
先選用並賞戴藍翎縣丞賀廣澤韓彭壽均著免
選本班以知縣留於湖北儘先補用

官文又奏言查降衆頭目吳青汰范立川劉慎
元屈忠星魏濂幅周添瞬倪濠漢高啟城陳漢
汰劉喜高劉吉棕柳導有王輝炳朱應濠等雖
因被勦窮蹙率衆來歸惟爲數至十一萬四千
有奇且當陳德才親率大股來衝吳青汰等竟
能反戈相向捨斷極多追陳德才自鳩又經范
立川等掘獻屍身得以戮屍傳首用彰
國法而快人心伏思此次陳德才之死實由吳青
汰范立川之降可否仰懇
天恩准將吳青汰等分別獎勵出自
鴻慈奏入
上諭內閣曰降人吳清泰等率衆投誠人數至十一
萬四千餘名之多且當陳德才大股衝撲該降人
等反戈勦殺斬賊甚多致陳德才服毒自盡吳清

泰卽振獻其屍用彰國法尙屬自知愧奮亟應破格獎勵吳清泰著以都司儘先補用范立川等五名均著以守備儘先補用並均賞戴藍翎范立川並賞加都司銜倪隆漢等六名均著賞給五品銜並賞戴藍翎王輝炳等二名均著賞給五品銜以爲自拔來歸殺賊立功者勸

十四日辛巳富明阿奏言據江南徐州鎮總兵詹

聖學聖考卷之九

三

啟綸稟稱湖北黃安縣連年被擾祖塋半多坍塌急須修培前因軍情喫緊未敢請假茲幸江南肅清揚軍遣撤擬請假三箇月回籍修墓等情可否俟該總兵料理撤防事畢賞假三箇月俾令回籍修墓之處出自

鴻慈奏入

上諭曰詹啟綸著俟料理撤防事畢賞假三箇月回

籍修墓

聖學聖考卷之九

三

欽定剿平粵匪方略卷四百 甲子年

中央民族學院圖書

十二月十六日 癸未 沈桂芬奏言楚省髮

豫疆一由鎮平擾及內鄉浙川一由南陽北趨南召計距晉界不遠沿河防所大同鎮兵居多且皆調防三載久則易疲難期得力經臣豫商護太原鎮總兵和昌卽在浦州等營派調兵丁一千名就近添防又接賊竄魯山擾及臨汝鎮之信計距茅津僅三百餘里必得添兵堵禦方保無虞兼因茅津以東三門等處已結冰橋和昌雖駐茅津尙須多帶精兵兼顧三門以東各要口隨時相機截擊而茅津又爲緊要渡口不可無重兵防守查副將羅承勳管帶二起楚勇赴甘甫經渡河當飭該副將折回茅津暫駐協防一面又添調太原平陽等營兵丁一千名飭

欽定剿平粵匪方略卷四百

一

欽定剿平粵匪方略卷四百

二

赴永濟至垣曲各渡口密布嚴防正擬奏報聞又奉

諭旨該逆有入山過冬再竄陝境之說飭臣嚴扼河防查沿河一帶業經次第添兵布置惟澤州尙屬空虛儘豫匪竄至陝汝窺伺河朔則澤郡亟應撥兵守口因於潞安澤州各營共派兵丁六百名備調又於南路附近防所各營並省標精兵內各挑備五百名以便續調策應奏入上命議政王軍機大臣傳諭僧格林沁張之萬沈桂芬曰豫省匪勢漸近晉疆沈桂芬酌調官兵並暫留楚勇嚴防布置尙屬周密惟晉省兵丁向多孱弱此次沈桂芬派出防兵務須揀擇精壯可用者方不至有名無實和昌旣駐茅津著飭令整頓各營將各處緊要渡口嚴密梭巡多設偵探與羅承

動併力協守毋稍大意賊既北趨魯山漸偏秦晉
僧格林沁張之萬當已相機兜扼其入陝其可
以竄入晉省之路尤應派兵截擊毋令闖入擾及
完善

十九日 丙戌 刑部奏言遵查已革浙江臬司李元

度於募勇援浙時因浙東徧地賊蹤進兵之路
中斷孤軍未能深入杭州失陷非由該革員逗

聖學圖考卷四

三

留所致惟由平江通城尾賊而至於賊去後飾
報克復江西義甯等城勝仗以致湖北江西均
據以入奏迨因被叅革職輒欲將各營全撤偏
索軍餉不顧大局欽奉

諭旨著 臣部分別情罪秉公按律定擬 臣等悉心酌
議已革臬司李元度偏索軍餉不顧大局律例
並無治罪專條照不應重律罪止擬杖惟捏報

克復江西義甯等城以致湖北江西據以入奏
卽與自行具奏無異自應比律問擬李元度應
比照奏事上書詐不以實者杖一百徒三年律
擬杖一百徒三年係職官從重請

旨發往軍臺效力贖罪事犯雖在咸豐十一年十月
初九日

恩詔以前係因軍務獲咎應不准援免仍恭候

聖學圖考卷四

四

欽定奏入

上諭內閣曰已革浙江按察使李元度著照該部所
議從重發往軍臺效力贖罪

二十日 丁亥 護浙江巡撫布政使蔣益澧奏言准

閩浙督 臣左宗棠咨稱著浙江按察使劉典在
楊坊等處失利等因逆勢猖獗已可概見 臣惟
閩浙唇齒相依自應未雨綢繆妥為布置刻下

左宗棠駐師延平浦城既爲閩浙咽喉又爲延平後路較之衢城更爲扼要臣已飛檄署衢州鎮總兵劉清亮統領駐衢之湘勇三千人剋日移紮浦城擇要扼守聽候左宗棠調遣衢城爲浙江上游門戶且設閩浙糧臺亦未可稍涉大意臣復派副將余朝貴由杭率領新湘五營扼紮衢州與劉清亮浦城一軍聲勢聯絡並可保

欽定剿平粵匪方略卷四

五

護糧道臣猶恐兵力不敷並續委遊擊張政順洪禎祥赴甯波募勇一千名認真訓練以備緩急左宗棠用兵審機最微取勢甚遠萬一有必須添調之處臣即可騰出大枝勁旅協助勦辦奏八

上命議政王軍機大臣傳諭左宗棠徐宗幹馬新貽蔣益澧曰據蔣益澧奏接左宗棠咨稱劉典在揚

坊等處失利是賊勢猖獗閩省軍情萬分喫緊蔣益澧現派劉清亮帶勇三千人移紮浦城聽候左宗棠調遣並派余朝貴率領新湘五營扼紮衢州與浦城一軍聯絡聲勢兼護糧道所籌均合機宜左宗棠駐師延平想自能督率諸軍迅圖掃蕩其泉州一帶及省城防守事宜並著徐宗幹會同左宗棠妥籌布置劉典一軍失利情形著左宗棠查

欽定剿平粵匪方略卷四

六

明具奏蔣益澧現委遊擊張政順等前赴甯波募勇訓練以便騰出兵力赴閩助勦應如何調撥之處著左宗棠等斟酌妥辦其浙省毗連閩境並著馬新貽蔣益澧實力籌防毋稍大意

二十一日戊子左宗棠徐宗幹奏言據報逆首李

侍賢仍踞漳州汪海洋踞長汀連城上杭三縣交界之南陽鄉及新泉一帶自永定上杭龍巖

至漳州縱橫數百里一片賊氛康國器一軍由永安雁石進剿龍巖十二月初二日先飭知府康熊飛等進紮距龍巖州城八里之鐵石洋賊乘營壘未就突出大股來犯各軍力戰卻之初五日又擊斃賊匪多名將城外賊巢焚燬初七至十六等日該逆由東南北三門分路出撲並壘出悍黨萬餘圍撲鐵石洋營壘均經擊退連

聖朝聖略卷四

七

日共斃賊千餘名該逆因官軍深入先熾另股由永定出漳平以襲官軍後路朝天嶺守將陳元彩所部未築營壘遇大股賊至紛紛潰散守備熊應烈勢孤且戰且退比至嶺腳收隊退保漳平十一日賊撲漳平城垣適參將賴長自甯洋馳至與熊應烈登陴固守設伏誘之該逆擁擁而至衝過浮橋城上槍礮齊發左右伏兵突

起該逆紛紛潰走落水及踏死者不計其數賴長熊應烈復率勇開城出擊將洪橋賊館焚燬賊向朝天嶺退去其劉典一軍由連城進攻汪逆新泉南陽老巢十七十九等日連破下車上下贏馬洋洞賊卡賊壘正擬傳令收隊參將劉大謨等乃恃勇輕進甫行數里汪逆嗾各路悍賊分路包抄各營面面受敵劉大謨及營官鍾

聖朝聖略卷四

八

九如各受重傷副將盧華勝參將劉敬廷血戰陣亡劉典急率隊馳援該逆另股已抄襲後路遊擊郭立本力戰死之賊遂乘勢徑撲楊坊行營劉典與各軍折回援救已見壘中火起同知李光瑩等均守壘遇害查汪逆因康國器一軍進偏龍巖希圖圍攻漳平以抄官軍之後劉典抵連城後先攻汪逆老巢原欲分賊勢以解漳

平之圍布置本屬周妥因山徑紛歧客軍初至未及審察戰地劉大謨違令輕進遂致爲賊所乘現在王德榜王開琳兩軍計期可抵汀州賴長熊應烈等軍已經康國器調赴雁石護汀漳龍道趙均已率所部嚴扼漳平此路兵力漸厚臣飭劉典固守連城所部李耀南張福齊兩軍銳氣未減可與王德榜王開琳兩軍聯絡以圖

欽定剿平粵匪方略卷四

九

汪逆其高連陞一軍現紮萬松關瑞香亭一帶以扼漳州東路黃少春一軍亦馳赴長泰以扼漳州東北一路連日該逆堅匿不出漳州城外數十里地勢平行自林文察敗歿後附近村莊多被賊脅必先將村莊撫定乃免內患現檄高連陞黃少春勿攻城勿浪戰深溝因壘能誘賊出撲反客爲主痛剿數次然後機有可乘長泰

一路與漳平連界能就近聯絡庶可防紛竄而衛泉廈臣等會商辦賊之法必須先取遠勢漸偏漸近驅各處股匪歸併一處合力蹙之完善之區始得保全而兵力亦敷分布未敢急目前之效致誤大局也此次署按察使劉典先勝後挫自請議處咎有應得惟念該員因救援漳平龍巖各軍冒險急進情有可原應懇

欽定剿平粵匪方略卷四

十

天恩免其置議以觀後效參將劉大謨管帶各營違令輕進致有貽誤實難辭咎遊擊陳元彩經康國器飭令嚴扼朝天嶺遇賊卽潰實屬庸懦無能均應請旨革職拏問閩浙補用副將盧華勝等相應開列請旨飭部照陣亡例議卹參將賴長力守漳平擊退巨股逆匪應請

有賞給勇號以示鼓勵

同日毛鴻賓郭嵩燾奏言據臬司李福泰等稟稱副將何雲章派勇赴援閩省之詔安旋督大隊繼進賊見我兵繼至當即退回雲霄何雲章鼓勵兵勇糾合鄉團由詔安進攻雲霄遇賊於雲霄城外之莆尾鄉出其不意擊之賊眾披靡殺傷不計其數追至雲霄城外紮營惟龍連汀

欽定四庫全書

十一

欽定四庫全書

十二

杭一帶界接漳州不能不防其回竄臣飭李福泰往來嘉應惠州之間相機調度方耀一軍由武平進紮上杭之蚌蛇渡先顧上杭進規永定鄭紹忠一軍駐紮上杭之峯市與翟國彥聯絡以固大埔之防並與方耀互相策應以圖永定之賊翟國彥等軍分紮大埔之石下壩饒平之柏嵩關以固潮州門戶黃龍翔周陞等分紮武

平鎮平各要隘以固嘉應門戶仍飭李福泰相度機宜俟各路大兵雲集會合進剿

毛鴻賓又奏言准福建水師提督吳全美咨稱從征在外十有餘年屢接家書知先人墳墓多有傾圮祇以軍旅任重未敢請假回籍興修茲因統帶師船旋粵擬即乘便回籍修理墳塋懇代為奏請給假三箇月等情臣覆查無異合無

額懇

天恩賞假三箇月俾吳全美回籍修墓一俟假滿即行入覲

天顏斷不敢稍任延緩均奏入

上命議政王軍機大臣傳諭左宗棠毛鴻賓李鴻章徐宗幹郭嵩燾馮子材曰逆首李侍賢仍踞漳州汪海洋踞長汀連城上杭交界之南陽鄉劉典一

軍新挫逆勢狃該督所籌辦賊之法先取遠勢
漸偏漸近驅令歸併一處然後合力蹙之實為切
中機宜現在王開琳王德榜兩軍計可抵汀賴長
等軍經康國器調赴雁石趙均所部亦已嚴扼漳
平此路兵力較厚著左宗棠徐宗幹妥籌布置務
期聯絡聲勢先將汪逆巨股殄除以期進偏龍巖
劉典退保連城之軍尤當穩慎進取勿再疏失漳

欽定剿平粵匪方略

十一

州城外地勢平衍附近村莊多為賊脅高連陞一
軍現紮萬松關瑞香亭一帶以扼漳州東路黃少
春一軍馳赴長泰扼漳州東北一路該逆堅匿不
出伺隙圖逞乃其慣技左宗棠務令各軍深溝固
壘先為不可勝以待賊之可勝其漳軍後路及泉
廈門戶須節節布置嚴密毋為賊匪所乘閩省賊
勢甚重該處兵力恐有不敷江南現已無警著李

鴻章於蘇省防兵內酌量抽撥嚴隊赴閩歸左宗
棠調遣李鴻章所部除劉銘傳一軍已赴豫省外
此外該省得力兵將左宗棠如須添調即一面檄
調一面奏聞以資協助毛鴻賓等奏官軍赴援詔
安乘勝進偏雲霄惟龍連汀杭一帶界連漳州不
能不防其回竄著即飭令李福泰督飭諸軍相機
進剿務先嚴防本境門戶毋得稍有疏虞賊如不

欽定剿平粵匪方略

十二

得逞志於閩必將全力趨粵馮子材久歷戎行深
明韜略著暫留廣東督辦東江軍務即赴大埔饒
平之交擇要駐紮堵剿漳州大股踞逆李福泰俟
馮子材到防後再行回省吳全美統帶師船回粵
著賞假三箇月回籍修墓福建軍務緊要著毛鴻
賓傳知該提督假滿後即馳赴福建水師提督新
任毋庸來京陛見

上諭內閣曰此次劉典進兵先勝後挫咎有應得惟該員因救援漳平龍巖官軍冒險急進情有可原著加恩免其置議參將劉大謨違令輕進致有貽誤實難辭咎遊擊陳元彩扼守朝天嶺遇賊卽潰實屬庸懦無能均著卽行革職拏問副將盧華勝參將劉敬廷遊擊郭立本同知李光瑩知縣夏世楷州判姜景焜生員謝封擬保訓導龍鴻賓從九

聖恩賜方略卷四百

主

品蕭子麒監生沈超童生黎斗城均著交部照陣亡例議卹參將賴長力守漳平擊退巨股逆匪著賞給著勇巴圖魯名號

同日劉蓉奏言髮捻各逆始由棗陽回竄豫境之鄧州繼由鎮平分股竄至南召白土岡及鎮內交界之馬山口等處駭駭入山並聞有赴河南府過年再圖入陝之信臣以賊勢愈趨愈近

興商一帶隘口繁多萬一該逆經鄂豫官軍圍剿緊急或竄浙川以圖商南或趨鄖西以窺山陽均應先事豫防當飭鎮西軍鄒太愚駐紮商南之富水關隴軍黃加焜駐紮山陽之漫川關並調派駐防鳳縣之毅軍二營駐紮商州山陽交界之竹林關扼要防堵又恐兵力尙單札商在籍主事管滂等統率團練協同官軍分路守

聖恩賜方略卷四百

主

禦以壯聲威前蒙

皇上廑念陝防單薄

飭令湖廣督臣官文酌派勁兵越境兜擊伏懇

聖恩飭下官文僧格林沁懷遵前

旨分撥安肅道蔣凝學一軍繞赴浙川駐紮荆子關

爲繞前截擊之師則浙川鄖西兩路既可兼顧

並與臣派防富水關等處之軍聲勢聯絡實於

防剿機宜兩有裨益奏入

上命議政王軍機大臣傳諭僧格林沁官文劉蓉曰
劉蓉現派鄔太愚等駐紮富水等關並聯團協剿
以壯聲威均著照所擬辦理前諭官文如賊勢西
趨陝疆酌派勁兵越境兜擊並以蔣凝學現紮商
城諭令僧格林沁酌量調遣茲據劉蓉奏請分撥
蔣凝學一軍繞赴浙川駐紮荆子關爲繞前截擊

欽定剿平粵匪方略

七

之師於浙川鄖西兩路均可兼顧等語現在蔣凝
學未知由何路進剿應否卽令該道進駐荆子關
或另騰出兵力前往扼紮以固秦疆門戶之處著
僧格林沁官文妥籌辦理劉蓉仍當就本省兵勇
力遏賊氛不得專待鄰省撥兵一味株守致令無
賊之區又被蹂躪

二十二日己丑僧格林沁奏言據報髮逆捻逆由

南召竄魯山縣以北梁窪楊樓及寶豐縣以西

張八橋一帶盤踞臣於十二月初五日督帶馬
步各隊取道郊縣初九日進紮寶豐令總兵郭
寶昌張曜等分道進攻因限於地勢未能得手
必須步步爲營乘隙進取臣晤撫臣張之萬籌
商進剿機宜非近賊安營日夜規取不能制賊
之命而我軍現無帳房駐軍總在十里以外出

欽定剿平粵匪方略

八

隊奔馳已有賊逸我勞之勢因囑張之萬多備
帳房作速解營以資應用一俟帳房解到卽令
各營步隊偪賊紮營相機攻擊並飭張曜等督
帶隊伍由魯山向梁窪一帶進剿以牽制賊勢
使其首尾不能相顧而收夾擊之效至臣疊奉
諭旨飭令劉連捷劉銘傳等軍探蹤前進歸臣調遣
仰見

宸謨廣運厚集兵力之至意惟聞此二軍守則有餘
戰則不足似可暫緩來營臣查各營中紀律嚴
明打仗得力者惟提督姜玉順一軍業經札調
來豫協同進剿並擬調英翰所部副將黃秉忠
同知史念祖管帶兩營步隊來豫助剿再臣前
見徐州鎮總兵詹啟綸所帶勇隊頗稱驍勇相
應請

聖事聖略卷四

十九

旨飭令總兵詹啟綸選帶勇隊三千名迅速來營合
以黃秉忠史念祖兩軍與各路官軍勦辦髮捻
股匪庶可迅殄賊氛奏入

上命議政王軍機大臣傳諭僧格林沁官文張之萬
曰逆賊屬聚張八橋梁窪等處郭寶昌張曜等分
道進攻因限於地勢尙未得手該親王擬俟帳房
解到偏賊而營著卽督飭郭寶昌等穩慎進兵不

得稍有疏失張曜一軍著僧格林沁張之萬督令
將梁窪賊壘攻拔使該逆首尾不能相顧自可收
夾擊之效該親王營內需用帳房著張之萬督飭
趕緊運解以資利用姜玉順一軍著官文卽行催
令赴豫協剿歸僧格林沁調遣劉連捷劉銘傳等
勇隊疊在江南克復城邑均是百戰勁旅卽不令
當前敵亦可調令防堵要隘藉壯聲援俟該提督

聖事聖略卷四

三

等到營仍由僧格林沁酌量調派詹啟綸前經請
假回籍修墓業經賞假三箇月計期尙未起程本
日已諭知富明阿令該總兵挑選精銳勇丁三千
名剋日赴豫俟豫省軍務肅清再令詹啟綸回籍
如已回湖北本籍卽著官文飭令趕緊赴豫其英
翰所部之黃秉忠等二員亦經諭令喬松年飭令
管帶兩營迅速赴豫

上又命議政王軍機大臣傳諭富明阿喬松年日前因富明阿奏詹啟給請假修墓當經批諭詹啟給俟料理撤防事畢賞假三箇月回籍修墓現在豫省匪勢狡猾竄擾南召魯山該逆一入山險非有得力步隊不足以資剿洗著富明阿檄飭詹啟給選帶精銳勇隊三千名速赴僧格林沁軍營俟豫省軍務肅清再行遵照前旨飭令回籍修墓英翰

欽定剿平粵匪方略

三

部下黃秉忠史念祖管帶步隊兩營尙能得力著喬松年飭令星馳入豫迅赴僧格林沁軍營聽候調遣

二十六日 癸巳 李鴻章奏言欽奉

諭旨飭調劉銘傳所部星速赴豫查劉銘傳一軍在蘇境轉戰數年所用均係外洋軍火劉銘傳營內並有練成開花礮隊一營共洋礮二十餘尊

大者四五千斤小亦千餘斤數百斤不等車架器具笨重異常礮彈火藥動需數萬蘇省水鄉賴有船隻運駛故赴機應敵不致遲誤一經派往陸路攜帶轉運萬分掣肘勢難如期應調臣於十二月初六日自金陵起程回蘇其時曾國藩先奉

欽定剿平粵匪方略

三

諭旨飭調劉銘傳赴豫與臣再四籌商苦無善策臣抵蘇後接據劉銘傳由六安來稟以內河水涸舟膠倉猝趨行所有洋槍炸礮配用藥彈不能多運須俟來春水長始可設法陸續運營未便卽赴豫省等情臣查劉銘傳係蘇軍驍將向來奉調卽行惟該軍專恃槍礮軍火目前既未運齊似難遠調南召魯山在豫省西北由六安西去千餘里均係陸路不通水道糧餉軍火由蘇

解濟遠隔數千里深恐呼應不靈且賊蹤飄忽節節落後亦恐於大局無裨臣統帶該軍較久深悉實在軍情不敢不詳細上陳奏入

上命議政王軍機大臣傳諭李鴻章曰劉銘傳赴豫既據該撫奏稱恐於大局無裨即著毋庸檄令前赴豫省閩匪日肆猖獗前諭李鴻章於蘇省防兵內酌量抽撥礮隊赴閩歸左宗棠調遣現在劉銘

聖學聖方略卷四

三

傳既毋庸入豫而由蘇赴閩水道可通攜帶轉運尙屬不難著李鴻章與左宗棠妥爲籌商如閩省應需該營前往協剿即著該撫檄飭劉銘傳統帶所部星速赴閩聽候左宗棠調遣

同日張之萬奏言賊衆分踞魯山之梁窪寶豐之張八橋等處十二月初九日僧格林沁親督馬步進軍寶豐密派勇目張玉等探明賊館處

所導引官軍襲取賊壘十一日副將略得勝等前往劫營各勇銜枚宵進襲破張八橋賊圍逆衆奪路而遁其張曜宋應等軍由南召取道前進先後馳抵魯山十一日各率所部分道進剿行至段店西北賊壘林立未便深入十三日張曜挑選奮勇夜劫賊營疾行十餘里至浪店地方拔柵而進襲破賊卡斬首十餘級近村踞匪

聖學聖方略卷四

三

聞聲驚走十五日張曜等復整軍而出甫至段店忽梁窪大股踞賊由左右村莊蟻擁而出守備周步升外委王克仁各率本哨衝入賊陣同時陣亡該匪屢次衝撲經張曜等迎擊槍礮環施斃匪多名始行收退查我軍連日進剿賊之出竄事在意中河洛爲賊往來熟徑空虛可慮昨與僧格林沁籌商該大臣毅然以河洛門戶

自任臣身膺疆寄敢不竭力兼籌現有已革副將徐邦道自募川勇兩營來豫投效經臣點驗此軍頗爲精壯少加簡練卽令馳赴河洛扼要防剿一面飛飭張曜等激勵軍士隨同僧格林沁大軍兩路夾攻爲就地聚殲之計守備周步升外委王克仁力戰捐軀深堪憫惻合無籲懇天恩飭部從優議卹奏入

欽定剿平粵匪方略卷四

三

上諭曰據奏魯山寶豐襲剿情形與僧格林沁前奏略同著仍遵前旨督飭張曜一軍迅克梁窪賊壘隨同僧格林沁大軍兩路兜擊河洛之防至關緊要並飭徐邦道扼要防剿毋稍疏虞陣亡之周步升王克仁均著交部從優議卹

二十七日甲午富明阿奏言江北水陸各軍奉旨全數撤防並蒙

恩准借撥冬漕折色搭放欠餉臣遵查揚防陸路兵勇共存一萬四千餘人擬卽分爲三起凱撤惟漕價一款各州縣徵收不及一時未能應手不得已先將頭起所裁兵勇十二營共計五千餘人按照定章找清欠款分別遠近派委官弁管帶各回原籍本省招募者卽就近解交揚州府妥爲遣散安插俱已一律起行現在趕緊催提

欽定剿平粵匪方略卷四

三

漕價料理二起所裁十二營共兵勇五千餘人卽於年內一併起程所贖三起兵勇四千人擬俟提齊漕價後再於明年正月妥爲遣撤其水師留防礮划並官弁勇丁亦經裁竣已將總兵詹啟綸報捐大小礮船十八隻並由湖北新製礮划八十隻一併解送督臣曾國藩酌撥配用至各營呈繳槍礮器械除撥歸旗綠各營外其

餘均解交糧臺存儲備用再揚州府所屬被擾地方營汛久經廢弛前此十有餘年恃有重兵扼紮始得保全裏下河完善之區今當各路凱撤散勇游兵處處皆是疊據總兵李德麟等稟報拏獲搶劫各犯訊明就地正法此時防兵尙未裁竣已有不法匪徒肆意搶劫若將來全軍凱撤更難保無宵小瀾跡滋生事端地方營汛

聖朝聖略卷四

三

亟宜趕緊整頓查揚防各營勇丁籍隸揚州府屬者甚多若挑選精壯補足兵額勤加訓練自足保衛閭閻如餉需不敷似不妨於揚防節省項下提撥按月散放如此變通酌辦庶巡防不致廢弛而裏下河一帶亦可益臻安謐奏入

上命議政王軍機大臣傳諭會國藩富明阿曰富明阿奏揚防全軍分起凱撤並將礮船礮划解送會

國藩酌撥配用各營呈繳槍礮器械分撥旗綠各營並糧臺存儲備用等語所辦尙屬周妥著富明阿按照定章分別資撤並飭管帶各員妥爲鈐束毋任沿途逗留滋事致貽後患至該將軍奏稱裏下河一帶游兵散勇滋事亟宜整頓營汛以資彈壓所籌自係實情著會國藩酌量情形妥籌辦理

聖朝聖略卷四

三

中央民校
學院圖書
館藏

欽定剿平粵匪方略卷四百一 乙丑年

四年正月初六日 壬寅 曾國藩喬松年奏言安徽

八府五十九州縣蹂躪情形較他省為尤甚當

飭前藩司馬新貽會同臬司何璟糧道王朝綸

詳查去後旋據查覆皖南徽甯廣等屬兵戈之

後繼以凶年百姓死亡殆盡白骨遍野此受害

最重者也皖北滁全來天盱等屬亦為羣賊往

剿平粵匪方略卷四百一

一

來熟路淮北鳳潁泗等屬被匪焚殺至再至三

此皆受害較重者也沿江安池太廬和六等屬

多係水鄉又遭兵燹十年之久此亦受害次重

者也除咸豐九年以前民欠錢糧漕米已奉

旨豁免不計外請將受害最重之績溪甯國旌德太

平宣城南陵涇縣青陽石埭廣德建平十一州

縣咸豐十年起至同治四年止受害較重之鳳

陽及臨淮鄉懷遠壽州鳳臺潁上霍邱滁州全

椒來安盱眙天長東流建德貴池歙縣黟縣十

六州縣咸豐十年起至同治三年止受害次重

之懷甯桐城潛山太湖宿松望江休甯祁門銅

陵當塗蕪湖繁昌合肥無為舒城廬江巢縣定

遠宿州五河和州含山六安英山霍山二十五

州縣咸豐十年起至同治二年止暨受害稍次

剿平粵匪方略卷四百一

二

之婺源阜陽太和泗州及舊虹鄉靈璧五州縣

咸豐十年起至同治元年止一應民欠正雜錢

糧銀米商牙魚雜各稅壓徵蘆課各項官租概

行豁免又亳州蒙城二州縣咸豐十年起至同

治元年止民欠錢漕並請補行豁免所有安慶

新安宿州建陽廬州鳳陽滁州泗州長淮各衛

錢糧銀米亦與屯坐州縣一律照辦等情查安

徽全省賊擾殆徧創鉅痛深地方雖有已復之名田畝多係不耕之土其尤甚者或終日不遇行人百里不見炊煙情形實堪矜憫合無願懇天恩准照所請年限分別豁免以紓民困而廣皇仁奏入

上諭內閣曰安徽省用兵十餘年各屬被害甚重現雖全境克復而戶口流亡田地荒蕪耕種失時若

聖學聖方略卷四十一

三

僅照克復年分豁免錢糧小民元氣未復新賦積欠均尙難於輸納加恩著照所請所有廣德建平甯國三州縣咸豐十年起至同治五年止績溪旌德太平宣城南陵涇縣青陽石埭八縣自咸豐十年起至同治四年止鳳陽並臨淮鄉懷遠壽州鳳臺潁上霍邱滁州全椒來安盱眙天長東流歙縣黟縣貴池建德十六州縣自咸豐十年起至同治

三年止懷甯桐城潛山太湖宿松望江休甯祁門銅陵當塗蕪湖繁昌合肥無爲舒城廬江巢縣定遠宿州五河和州含山六安英山霍山二十五州縣自咸豐十年起至同治二年止婺源阜陽太和泗州並舊虹鄉靈璧五州縣自咸豐十年起至同治元年止一應民欠正雜錢糧銀米商牙魚雜各稅壓徵蘆課各項官租著概行蠲免亳州蒙城二

聖學聖方略卷四十一

四

州縣自咸豐十年起至同治元年止民欠錢漕著一併補行豁免安慶新安宿州建陽廬州鳳陽滁州泗州長淮各衛錢糧銀米亦與屯坐州縣一律照辦內有津貼一項著一併按年豁免以紓民力喬松年又奏言江南北軍務底定各營遣散員弁勇丁回籍先後以十餘萬計就安徽一省而論回籍者現已不少以後楚豫肅清遣散將日

見其多在勇丁回籍後近依鄉里尙可設法餉
口而管帶之員并有實缺可歸者百人中不過
一二餘皆歷保至副參等官勢異齊民一旦遣
歸補缺無期投閒置散非但無向上之路亦並
無謀食之方此輩久經戰陣曾立勞績盡令向
隅未免可惜臣愚以爲與其任令廢棄阻其報
效之忱不如明立章程示以登進之路現在江

欽定剿平粵匪方略卷四十一

五

皖等省營制大半未復擬請將此項人員或在
立功省分或原籍省分准令歸標學習由該省
督撫隨時甄察覈其才品果能勝任准同候補
人員酌補營缺其自有生業不願歸標者聽如
此辦理既不至於偏枯亦可藉資教練於營務
不無裨益相應請
旨飭下各直省統兵大臣暨督撫一體照辦以造將

才而作士氣奏入

上從之

十八日甲寅毛鴻賓郭嵩燾奏言據臬司李福泰

等稟稱十一月十八日副將何雲章分兵三路
進剿雲霄踞逆適僞利王朱恩隆等自平和來
援該匪開城迎敵經我軍擊敗回城二十八日
該匪復分路出撲何雲章分兵迎擊自率鄭世

欽定剿平粵匪方略卷四十一

六

英從中路衝入賊衆回竄入城我軍追至城下
城上槍礮如雨隨即收隊共計前後殺賊數百
名遊擊楊清臣等於二十七日進攻平和該匪
馬隊數百衝出西門我軍槍礮齊施斃賊數十
名餘皆突路而竄三十日我軍節節進攻將塔
子山賊壘平毀擒斬朱恩隆家屬百餘人遂將
城外土壘一律平毀旋獲賊諜知朱恩隆將由

雲霄回援平和謝樹棠豫設伏於陳坑十二月
初四日夜間匪黨果至伏兵齊起四面包抄生
擒偽朝天福等賊目五十五名殺斃不計其數
其得入平和者不過數百人正擬合力攻城初
六日忽有漳州援匪數千蟻擁而來城中之賊
復來接應謝樹棠恐該匪繞出我後遂回守柏
嵩關俟翟國彥大兵馳至再行會剿其永定踞

聖朝聖略卷四百一

七

匪亦經方耀等軍由上坑之蟒蛇渡節節進剿
距城不遠臣等以漳州踞逆李侍賢勢尚猖獗
前飭方耀會合閩軍進攻惟平和永定雲霄各
城均為賊踞汀州所屬地方徧地賊氛與潮嘉
各屬接壤若不迅圖掃蕩則懸軍深入轉恐邊
界空虛萬一該匪突路回竄不免有顧此失彼
之虞現飭臬司李福泰暫赴大埔會商調度並

檄方耀等先將永定各踞逆趕緊掃除肅清後
路然後會合援閩諸軍進圖漳州奏入

上命議政王軍機大臣傳諭左宗棠毛鴻賓徐宗幹
郭嵩燾曰漳州踞逆李侍賢勢尚猖獗平和永定
雲霄各城均為賊踞汀州所屬地方賊氛肆擾與
潮嘉各屬接壤自應節節掃蕩穩慎進取方免顧
此失彼之虞著毛鴻賓等督飭李福泰方耀等先

聖朝聖略卷四百一

八

除永定等城各踞逆將潮嘉等處之防布置穩固
卽行督兵入閩聽候左宗棠調遣以圖迅克漳郡
左宗棠所謂各軍計已先後到齊著卽嚴飭各軍
會合粵師奮力勦擊徐宗幹亦當令閩省現在之
兵與調集各援兵聯絡聲勢遇賊卽擊以殄逆氛
二十日丙辰左宗棠徐宗幹奏言署福建臬司王
德榜抵汀州後聞劉典一軍新挫卽率所部疾

趨連城時連城所轄朋口莒溪兩要隘已有賊蹤十一月二十八日王德榜會商劉典分路進剿王德榜率總兵蕭得龍等進攻莒溪斃悍賊四五百名劉典飭參將劉大謨等進攻朋口亦殺賊百餘名餘賊均向新泉南陽遁去十二月

欽定剿平粵匪方略卷四十一

九

至下車南嶺一帶十二夜密飭李運勝等各挑趨捷勇丁出賊不意分路掩擊立將兩路賊壘攻破共斃賊千餘名其黃少春一軍由同安馳抵江東橋進紮漳城東北十餘里之北溪與高連陞就近聯絡十二月初四日高連陞派各營列隊好景山一帶自率二十餘騎赴東關挑之甫回至響水橋城賊濫擁而至官軍大呼回擊

賊不能支紛紛過橋而遁十五夜城賊忽出大股撲黃少春營壘黃少春即率副將周紹濂等各營齊出適高連陞由響水橋馳至縱橫夾擊賊眾敗走而降將劉得義邱萬順兩營忽將參將周雲遠遊擊黃元吉砍傷自率降人將為內應黃少春當派劉昌選分隊以禦城賊自率各營馳回掩捕當獲通逆頭目劉滢漳等三名勇

欽定剿平粵匪方略卷四十一

十

丁二十餘名斬之劉得義邱萬順竄併賊中其隨逆竄逸者約不滿四百人十七日城賊復傾巢出東北兩門一由響水橋向瑞香亭進以牽掣高連陞一由崎下橋一由北尾橋向北溪進一由北門糾合樓內寨踞逆沿河直下偪黃少春各營黃少春飭各營靜以待之俟賊氣少衰開壁縱擊適高連陞派錢桂仁等帶兵馳至黃

少春即督各營奮力衝殺賊勢不支而高連陞東路之師亦已將賊擊敗躡蹤追至矣方城逆之由東門來犯也高連陞見北門之賊分兩路出犯意侍逆必因劉得義邱萬順叛逃入城知黃少春兵力未厚將乘虛撲營當派錢桂仁等三營往援而飭各營鎮靜以待待至未刻高連陞飭丁賢發等從響水橋以抄賊後張志公從

聖朝方略卷四十一

十一

好景山橫出夾擊自率所部分路直前賊即潰竄紛紛奪橋而走官軍向前痛擊生擒二十餘名斃賊數百名落水淹斃者不計其數竊惟東南餘逆全數竄入閩疆約有四大股李侍賢汪海洋丁汝洋林怔洋也侍逆踞漳城其分踞龍巖永定南靖雲霄之賊皆其死黨約十餘萬汪逆踞汀連南靖上杭交界之南陽計黨亦九萬

有餘丁逆林逆則出沒漳龍間人數各約數萬而粵之潮嘉閩之泉漳汀龍等處素稱盜藪從亂亦復不少臣等以賊雖殘敗之餘而實皆漏誅巨寇粵東江西邊防愈固則賊之竄閩愈深將欲聚而殲旃非閩省厚集兵力不可現在主客各軍之可恃者規漳州則高連陞一軍四千六百餘人黃少春馬步二千餘人規龍巖則康

聖朝方略卷四十一

十一

國器一軍三千人劉明珍所部一千五百人汀連一帶專剿汪逆者劉典一軍馬步八千餘人王德榜一軍四千人王開琳老湘一軍三千餘人及臣宗棠親兵各營三千人而已且防且剿兵力實形不足欲再廣為徵調則閩省餉源早竭卽浙餉每月十四萬兩如期如數而來每月已欠至萬餘兩勢難勻撥以濟新軍之餉計惟

有就現在兵力多方激勵以收餉節兵精之效
此次黃少春所部降日劉得義邱萬順忽萌異
志黃少春自請嚴議固屬咎無可辭惟當逆謀
甫露之先該署提督卽將城賊擊退並追斬從
逆弁目多名尙與尋常失察者有閒可否仰懇
天恩免其置議奏入

上命議政王軍機大臣傳諭左宗棠李鴻章徐宗幹

欽定剿平粵匪方略卷四十一

十三

蔣益澧曰王德榜抵汀後與劉典分路進剿屢獲
勝仗黃少春一軍進逼漳城與高連陞聯絡攻擊
賊衆敗走而降將劉得義邱萬順砍傷參將周雲
遠等自率降人將謀內應黃少春派隊追斬逆日
多名劉得義等竄併賊中隨逆者約不滿四百人
所辦均尙得手著左宗棠等先就現有兵力激勵
各營將士實力進取掃蕩逆氛據奏賊數約二十

萬各路分布之兵約計二萬八千有奇閩省餉源
早竭拮据萬分此等情形朝廷早經洞悉前諭李
鴻章令劉銘傳等槍礮隊由水路赴閩並令左宗
棠察度一面催調一面奏聞著仍遵前旨檄調到
閩以厚兵力李鴻章卽令劉銘傳等趕緊起程劉
銘傳軍餉李鴻章仍照舊供支到閩後亦當源源
接濟不得少分畛域黃少春所部劉得義等忽萌

欽定剿平粵匪方略卷四十一

十四

異志幸該提督立卽追斬逆日多名與尋常失察
者有閒黃少春自請嚴議之處著加恩寬免該督
卽飭令黃少春奮力圖功務將已降復叛之員弁
等悉數殄除毋留餘孽

左宗棠又奏言上年十二月十九日漳城踞逆
突分巨股由浦南上數里躡淺過河竄陷長泰
縣城高連陞當派知府魏光那等黃少春派副

將李良平等於是夜三更渡河截擊至附城地方見該逆屬聚一大村中官軍突起衝殺立斃悍賊二百餘名生擒數十名官軍追至河邊渡未及半賊眾擁擁而至遊擊龍順友力戰死之黃少春親率各營渡河接戰與魏光邴等兩路夾擊賊乃敗走共斃悍賊四五百名生擒八十餘名二十一日高連陞黃少春復督隊過河進

聖朝聖略卷四十一

十五

勦當將長泰縣城收復其尙無下落之署長泰縣知縣陳疇及此次陣亡人員容俟查明另行具奏奏入報

聞

二十六日 壬戌 浙江巡撫馬新貽奏旨查閱浙壤

地相接溫處衢皆閩北藩籬而衢州尤為全閩要領署衢州鎮總兵劉清亮全軍先經蔣益澧

調赴浦城並飭副將余朝貴自杭州率領新湘五營填紮衢州與浦城聲勢聯絡布置本已周妥惟昨接左宗棠函開李汪諸逆竄入閩省人數殆十數萬浙師相從入閩者僅二萬二千餘人以之分布各處諸形不足等語是閩賊勢甚披猖萬一乘閒回竄浙省邊防尤為緊要不能不豫為籌備 臣現商令蔣益澧飛催張政順等

聖朝聖略卷四十一

十六

將所募勇丁千名迅速成軍認真訓練遇有緊急即可分出兵力以勦為堵奏入

上命議政王軍機大臣傳諭馬新貽曰閩省賊勢披猖溫衢毗連閩境已有重兵扼守該撫復商令蔣益澧飛催張政順等將所募勇丁千名訓練成軍藉資防勦辦理尙屬周妥即著馬新貽督飭蔣益澧等嚴密籌防勿稍大意

二十九日^{乙丑}毛鴻賓郭嵩燾奏言據臬司李福泰已革副將方耀稟稱永定踞逆丁汰洋等勢甚兇悍十二月二十七日該逆赴永定城外擄掠我軍豫伏近城各處賊至一齊起擊殺斃六百餘名餘匪踉蹌回竄我軍追至城外立將礮樓土壘一律平毀二十八日都司鄭紹忠知府吳贊誠督兵來會見附城之鑊子嶺鳴岐山兩

欽定剿平粵匪方略卷四十一

七

處可以俯瞰城中因移營分紫山脊日夜攻擊賊衆死傷如積遂於二十九日開東門向龍巖州一路竄逸我軍追至雷塘而還先後共殺賊一千六七百名查該逆踞守永定與漳州爲犄角之勢以牽掣粵師今被我軍攻克賊氣少奪惟查汀州之南陽爲濂逆注海洋竄踞號稱十餘萬人漳州踞逆號稱二十萬人是潮嘉東北

兩路防務仍形喫重臣等欽遵

諭旨咨催馮子材速赴東江督辦軍務並飭李福泰馳赴潮州府城妥籌布置以固海濱門戶至已革副將方耀自平遠挫衄後疊克堅城現復越境攻克永定縣城實屬奮勇可嘉合無籲懇天恩俯准將花翎總兵銜副將方耀暫行革職處分開復臬司李福泰可否

欽定剿平粵匪方略卷四十一

六

賞戴花翎知府吳贊誠可否以道員留於廣東補用都司鄭紹忠可否

賞加遊擊銜其餘在事出力人員可否由臣擇尤保獎出自

恩施奏入

上命議政王軍機大臣傳諭左宗棠毛鴻賓郭嵩燾曰永定收復漳州逆勢自孤著毛鴻賓郭嵩燾督

飭方耀等軍乘勝進攻聽候左宗棠調派並著左宗棠飭令閩浙官軍與之會合夾擊次第規復各城以收破竹之效濼逆汪海洋盤踞汀州南陽號稱十餘萬人漳州踞逆號稱二十萬人逆燄尙肆臨張潮嘉東北兩路防務均未可稍鬆前經諭令馮子材暫留本籍督辦軍務著毛鴻賓郭嵩燾催令該提督迅速前赴東江妥籌守禦並飭令李福泰速赴潮州府城嚴密布置以固門戶不可稍涉疏虞致令賊匪再行回竄

聖朝軍方略卷四十一

五

聖朝軍方略卷四十一

三

上諭內閣曰逆首丁汰洋等盤踞永定縣城經副將方耀等督率各軍日夜攻擊賊衆向龍巖州一路竄去當將縣城收復勦辦尙爲得手尤爲出力之已革花翎總兵銜副將方耀著開復暫行革職處分按察使李福泰著賞戴花翎知府吳贊誠著以

道員留於廣東補用都司鄭紹忠著賞加遊擊銜其餘在事出力人員准由該督等查明擇尤保獎毋許冒濫

欽定剿平粵匪方略卷四百二 乙丑年

二月初六日 壬 李鴻章奏言劉銘傳周盛波等

二十四營人數較多據報正月初進紮皖豫交界之三河尖離蘇一千餘里若再調回由蘇赴閩遠道既易疲乏師期必致遲誤且豫省捻逆飄忽無常暫留該軍駐淮河上游堵扼回竄於局勢似亦相宜容會商督 臣 曾國藩隨時察度

欽定剿平粵匪方略卷四百二

辦理惟閩賊日肆猖獗疊奉

諭旨酌量抽撥又准左宗棠咨函商催 臣 何敢推諉

謹就蘇省防兵內就近調撥查有奉

旨飭令赴任之福建陸路提督郭松林統帶松字楚

勇七營提督楊鼎勳統帶勳字淮勇六營均係

洋槍隊訓練精整歷年轉戰蘇常嘉湖等處所

向有功應飭赴閩協剿並令總兵曹仁美帶護

衛營併歸郭松林統領提督黃中元帶親兵二

營併歸楊鼎勳統領以厚兵力至閩省與蘇並

非連界內地水道實不能通況由皖浙入閩崇

山峻嶺迤邐千里客軍遠去呼應不靈饋運尤

恐不繼 臣 再四籌思祇有由滬航海至廈門登

岸較為便速現在侍逆大股久踞漳州泉廈為

通商要口距漳甚近由此相機進剿亦較得勢

欽定剿平粵匪方略卷四百二

臣 檄令郭松林楊鼎勳等由建平東壩拔隊來

蘇整頓軍裝籌給口糧一面飛飭江海關道丁

日昌商雇火輪夾板等船豫備分起裝載前往

迅速赴援奏八

上命議政王軍機大臣傳諭曾國藩左宗棠毛鴻賓

李鴻章喬松年郭嵩燾曰劉銘傳周盛波等軍前

諭李鴻章飭令赴閩援剿茲據奏稱該軍二十四

營現紮皖豫交界之三河尖離蘇已千餘里往返
徵調必誤師期豫省捻蹤飄忽靡常仍應暫留該
軍駐淮河上游以資扼堵該撫現派郭松林統帶
楚勇七營楊鼎勳統帶淮勇六營益以曹仁美黃
中元各營併由上海雇備輪船赴閩助剿所籌尙
屬妥協著該撫卽行飛飭丁日昌趕將輪船雇備
令該軍等迅速起程並將軍裝口糧妥爲籌備以

聖皇聖考卷四十二



利師行付逆大股久踞漳州窺伺泉廈郭松林等
所統均係洋槍隊攻堅破敵所向有功該軍由滬
航海至廈登岸相機進剿甚爲便捷著左宗棠於
此軍抵閩後妥爲調遣飭令會剿漳州踞逆迅殲
巨懸力拔堅城廣東官軍前已越境克復永定縣
城並著毛鴻賓郭嵩燾懷遵前旨飭令方耀等軍
乘勝進攻漳州與江蘇閩浙各軍協力進取其王

德榜黃少春等分剿汀漳之賊現在情形若何著
左宗棠妥爲部勒隨時馳奏劉銘傳等軍現紮三
河尖本歸會國藩調遣現在豫省賊勢南趨擾及
西平皖省邊防甚關緊要該軍等旣已毋庸赴閩
仍著會國藩妥爲調度飭令扼要嚴防如賊氛竄
近皖疆並就近由喬松年斟酌情形或令出境截
剿與僧格林沁追兵夾擊毋得畫疆自守任賊紛

聖皇聖考卷四十二



竄

同日劉蓉奏言川省所派武字達字果毅三軍
與臣所派湘果中右英毅彝字四軍本屬川陝
勁旅又益以甘省林之望張華等軍兵力已屬
厚集而總兵蕭慶高周達武均久歷戎行謀勇
俱備使共竭其智力足以滅此賊而有餘然彼
此夙相等夷不惟蕭慶高周達武有不相統率

之勢卽達字果毅等軍不能盡由周達武調度
湘果右軍及英毅彝字等軍不能盡受蕭慶高
節制蓋近日軍營積習旣已自領一軍卽莫肯
相下現在大軍三路雲集該逆已成檻獸釜魚
所慮諸軍各顧分防汎地未肯統籌全局萬一
該逆乘機逸出亦未肯越境窮追則三省邊防
將終受此賊之累此臣之所晝夜私憂者也頃

欽定剿平粵匪方略

五

接四川提督胡中和函稱現准四川督臣駱秉
章咨令前赴階州察看軍情已於正月初六日
由廣元起程計此時早已抵階查該提督官階
較大諳悉戎機又與蕭慶高周達武等共事日
久情意孚洽如督率進剿當能和輯諸軍統規
全局如蒙

天恩特派胡中和總統三路官兵以後階州勦辦情

形卽請由該提督專摺奏報如何路官兵不聽
調度致誤戎機亦由該提督從嚴叅辦庶事有
責成旣無彼此推諉之患自無逆蹤竄越之虞
奏入

上命議政王軍機大臣傳諭駱秉章胡中和曰蔡逆
盤踞階州勢已窮蹙深恐鋌而走險復竄陝疆現
在川陝援軍齊抵城下亟須大員總統進剿以期

欽定剿平粵匪方略

六

迅拔堅城四川提督胡中和已由廣元起程赴階
計日可到所有蕭慶高周達武所部援師暨甘省
會剿各軍均著歸胡中和節制調遣以後勦辦情
形卽由該提督專摺隨時奏報以一事權如有何
路官軍不遵調度致誤戎機卽著該提督隨時查
明從嚴叅辦並著胡中和飛檄林之望迅卽馳赴
階州督飭張華等軍會合湘果各營扼紮各隘節

節進攻迅殲醜黨胡中和總統三路援兵責無旁貸當能協和將弁共奏膚公以副委任一切督軍防剿機宜仍著略秉章悉心妥籌與胡中和會商辦理

十四日庚辰沈葆楨奏言臣接家書臣母於去年

冬閒痰氣上湧見食輒嘔入春以來日益加劇臣母望子之心日切一日臣傍徨中夜罔識所

聖事聖略卷四十三

七

為方今賊氛遠遁江境救安合無仰懇

天恩賞給假期三箇月俾臣得以馳歸省視稍盡烏

私如蒙

俞允藩司孫長紱深明吏治辦事精詳所有巡撫關

防請

旨暫交孫長紱護理俾臣得即日束裝起程奏入

上命議政王軍機大臣傳諭沈葆楨曰沈葆楨因母

病加劇請給假三箇月馳歸省視情詞悱惻出於至誠豈忍重違其請沈葆楨著賞假三箇月回籍省親以遂孝思江西巡撫關防著交孫長紱暫行護理惟福建寇氛仍熾被擾地方多與江境毗連左宗棠督兵在閩自可次第得手該匪不能得志於閩恐將回竄江境是江西本省之防萬分喫緊沈葆楨必須妥為布置以期萬全無失方可啟行

聖事聖略卷四十三

八

此係朝廷曲體該撫之心不得已而俯如所請如果馳回省視厥疾漸瘳著不必俟假滿即行馳回江省視事以重地方

二十日丙戌左宗棠徐宗幹奏言劉典王德榜兩

軍由連城進駐朋口莒溪後汪海洋仍堅踞南

陽並分黨盤踞古田下車南嶺馬洋洞涂坊一

帶以阻官軍進攻之路劉典當於駐守連城各

營內抽調三營進紮文坊總兵王開琳率所部與道員張恆祥凱營全部進駐汀南四十里河田並規南陽賊巢上年十二月二十五二十六等日王開琳張恆祥等督軍進剿涂坊斃賊多名賊不少卻時江西撫臣沈葆楨飭調援閩之道員王文瑞所部新湘九營已抵汀州正月初七日王開琳遂率所部及新湘九營進駐涂坊

剿平粵匪方略卷四十一

九

十一日李耀南等移營時王德榜復派各營出隊助之賊伏不出王德榜隨帶輕騎馳赴下車一帶察探路徑見下車馬洋洞以至南陽一帶賊卡層層密布必先克其要隘始可進取南陽是夜飭戴奉聘等分三路急攻下車賊不意官軍突至遂駭而奔官軍追殺直至馬洋洞該處踞逆為敗賊牽動不攻自潰比曉始收隊還計是役斃賊七八百名生擒三十七名斬偽王宗汪運勝等於陣其高連陞黃少春兩軍扼紮漳州東北自去臘賊竄長泰截剿獲勝後因侍逆李侍賢尚踞渡東浦南一帶時圖乘隙窺犯黃少春於十二月二十四日分飭各營向前挑戰適遇大股悍賊蠶擁而來待其撲近洋槍隊一齊排擊斃賊百餘名賊眾敗走追至浦南河邊

剿平粵匪方略卷四十一

十

詎渡東之賊萬餘從山後抄出浦南之賊亦分數千沿河而上勢極兇悍高連陞當飭丁賢發力堵河邊自督錢桂仁程學明等奮威衝殺黃少春率馬步百餘人馳至丁賢發將沿河之賊擊退亦率所部橫截而出賊眾披靡黃少春高連陞復揮軍追至河邊侍逆親率悍黨抵拒洋槍隊連環轟擊賊敗入村程學明錢桂仁等過

聖朝方略卷四十二

十一

河追殺數里而還正月初二日侍逆率大隊分兩路從東北門出圖犯高連陞黃少春營壘官軍堅壁以待賊知官軍難撼旋即退入漳城堅踞不出其永定縣城被賊竄陷後經總兵關鎮國等會合廣東副將方耀等軍疊勦獲勝十二月二十八日粵軍進擊西門守備李仰山知縣張行楷等會督團勇分布東南兩門併力圍攻

二十九日該逆由東門竄走張行楷等當將縣城收復其龍巖州城之賊於正月二十三日分撲鐵石洋大營康國器督各營力戰卻之古田之逆率黨萬餘至小池來援次日康國器督軍力戰斃賊二千餘人是夜各營緊攻州城東北槍礮齊施賊眾冒雨啟南門出走各營躡蹤勦殺當將龍巖州城克復臣等現飭康國器留兩

聖朝方略卷四十二

十二

營守龍巖仍率各營追勦一面飭總兵劉明珍率所部由白沙劉端冕等由永安甯洋漳平均山華封司以厚漳州兵力絕賊內犯安溪之路與長泰官軍聯絡一面調總兵劉清亮由浦城帶所部湘軍三千由省城出興化趨泉州同安以固高連陞黃少春後路俟劉典王德榜等將汪逆南陽老巢掃除後賊勢蹙而兵力敷乃可

漸圖蕞事奏八

上命議政王軍機大臣傳諭瑞麟左宗棠徐宗幹郭
嵩燾曰逆首李侍賢汪海洋分踞漳州南陽擾及
古田下車南嶺馬洋洞涂坊一帶經左宗棠分飭
王德榜劉典王開琳等軍將涂坊賊館掃除連奪
下車馬洋洞等要隘永定縣城亦飭總兵關鎮國
會同粵軍攻克並令康國器克復龍巖辦理尙爲

聖軍方略卷三

十三

得力惟漳州踞逆號稱二十萬人逆酋張汪逆
尙踞南陽相爲犄角左宗棠現飭總兵劉清亮出
興安趨泉州同安以固高連陞等軍後路並分布
諸軍於永安甯洋漳平等處以厚漳州兵力兼杜
賊犯安溪之路布置尙爲周密渡東浦南踞匪已
爲高連陞黃少春兩軍擊敗侍逆退入漳城堅踞
不出著左宗棠督率諸軍乘此聲威力籌進攻並

激勵劉典王德榜等軍速將南陽賊巢掃蕩以便

進兵合圍漳城毋稍遲緩前據毛鴻賓等奏稱方

耀一軍會合閩兵克復永定餘匪竄向龍巖現在

龍巖股匪究向何處逃逸著左宗棠查明具奏並

將此股殘匪速行殄盡毋令竄併汀漳徐宗幹亦

當督飭地方各官聯絡鄉團嚴扼要隘前經諭令

毛鴻賓等飭令方耀聽候左宗棠調派會合閩浙

聖軍方略卷三

十四

官軍進攻並令李福泰進駐潮州著瑞麟郭嵩燾
迅速前旨辦理一面嚴扼要隘勿任閩匪竄入粵
疆仍當不分畛域力圖越境會剿以期速靖邊圉
上諭內閣曰汀漳官軍剿賊疊勝並會合粵軍收復
永定縣城攻克龍巖州城剿辦甚屬得手仍著左
宗棠等分飭各軍將逸出各匪盡數掃除以清餘
孽

二十三日 戊子 沈葆楨奏言據探正月二十二

十三等日劉典王開琳王德榜等軍疊獲勝仗

龍巖州城於二十四日收復餘賊入漳之南陽

汪逆勢難久踞復據席寶田劉勝祥稟南陽之

賊二月初四日竄上杭所屬之白沙各等情查

白沙左通潮州嘉應右達長甯會昌該逆入粵

入江雖無定向竊計粵防鞏固該逆窮無復之

聖主眷顧東南之至意奏入

上

聖主眷顧東南之至意奏入

上

必圖襲踞贛南窺伺兩楚 臣檄席寶田由石城

劉勝祥由廣昌督隊南馳並飭諸軍申嚴守備

吉贛戰船跟蹤上駛儻該逆西趨卽行迎頭截

擊 臣於二月初三日奏懇

賞假歸省現在邊防復形喫緊如前摺幸邀

俞允 臣仍暫緩回閩悉心調度一俟情形稍鬆再行

奏報起程仰副

聖主眷顧東南之至意奏入

上命議政王軍機大臣傳諭瑞麟左宗棠沈葆楨李

瀚章郭嵩燾石贊清曰福建龍巖州城克復後餘

賊入漳之南陽汪逆竄上杭所屬之白沙地方沈

葆楨已檄席寶田由石城劉勝祥由廣昌督隊南

馳並調礮船上駛著卽督飭在防諸軍申嚴守備

儻逆眾西趨卽行迎頭截擊前據該撫奏請給假

聖主眷顧東南之至意奏入

上

回籍省親當已降旨允准茲據奏稱邊防復形喫

緊仍暫緩回閩悉心調度實能視國如家深堪嘉

尚沈葆楨卽著暫緩回籍俟江省防務稍鬆邊境

無事再行回家省視該匪圖襲贛南窺伺兩楚湖

南與江西交界地方防務亦關緊要李瀚章已簡

授湖南巡撫著卽趕緊赴任整頓防兵認真辦理

未到以前石贊清暫護撫篆亦屬責無旁貸著嚴

飭文武地方各員妥籌防剿不得視為緩圖白沙
地方左通潮州嘉應右達長甯會昌雖入粵入江
匪蹤不定總當前截後追就地殄滅方為妥善左
宗棠務當督率各軍趕緊追躡勿任竄擾鄰封又
滋延蔓潮嘉各屬瑞麟郭嵩燾即飭李福泰等軍
認真防範如賊蹤竄近即行越境兜剿以固邊防
方耀一軍能否回顧並著酌度辦理

欽定剿平粵匪方略卷三

七

二十三日 己丑 毛鴻賓郭嵩燾奏言據潮州鎮總
兵翟國彥著黃岡協副將遊擊何雲章稟稱十
二月初九日雲霄賊匪分為三隊開城出撲我
營何雲章督率各軍奮力夾擊斃賊數十名該
逆敗回城中閉門死守何雲章激勵兵勇乘勝
連日進攻賊中火藥將盡勢漸不支二十四日
突有漳州援賊數千由岳坑鄉入城併力出拒

何雲章探知賊援大至將兵勇民團分為三路
以成犄角之勢賊果開城來犯官兵勇氣百倍
以寡擊眾所向披靡賊匪回竄入城陣斬騎馬
賊目三名殺賊不計其數查永定收復後漳州
踞逆李侍賢懼粵軍合力進逼乃派悍賊趨注
平和窺伺柏嵩關藉圖牽掣並據饒平縣知縣
謝樹棠稟稱賊匪有繞越小路竄撲饒平之說

欽定剿平粵匪方略卷三

八

汪海洋占踞南陽自劉典進軍失利各鄉脅從
甚眾賊勢益張駸駸逼近嘉應是潮嘉防務未
能一日稍鬆臣等本擬令方耀一軍節節掃蕩
會師漳州惟閩省賊勢日熾在在可通粵境深
恐顧此失彼因飭該副將移軍由上杭而進亟
清濯田龍下官莊之匪以固嘉應藩籬仍飭總
兵翟國彥等嚴防大埔饒平鄭紹忠駐紮峯市

相機徐圖平和以固潮州門戶臬司李福泰前
回龍川復經臣檄調赴潮規畫一切現據稟報
剋日馳赴埔饒之交以資策應廣西提督馮子
材仰蒙

天恩准令暫留廣東督辦東江軍務臣等遵

旨飛催該提臣馳赴潮嘉一帶相度形勝扼要駐紮
以圖合力會剿並飭李福泰俟馮子材到營後

聖朝聖略卷三

十九

察看緩急再行回省至遊擊何雲章苦戰數月
殺賊甚眾可否

賞加副將銜以示鼓勵之處出自

天恩奏入

上諭內閣曰廣東赴援福建官軍克復永定進規雲
霄廳城遊擊何雲章督率諸軍奮力夾擊以寡勝
眾所向披靡連日陣斬賊目甚多勦辦尙爲得手

仍著瑞麟等檄飭何雲章等督率各軍實力圍剿
迅復雲霄廳城並嚴防毗連福建各要隘勿任賊
蹤闖入遊擊何雲章苦戰數月殺賊甚眾著賞加
副將銜以示獎勵

毛鴻賓郭嵩燾又奏言福建臬司張運蘭於上
年八月二十六日行抵汀郡因賊匪由平遠大
埔被勦回竄武平卽於九月初四日統兵馳赴

聖朝聖略卷三

辛

武平扼勦初十日留勇守城親督中隊馳赴中
赤迎勦屢戰皆捷中赤山多林密賊遁其間十
一日追賊深入伏賊突起包抄而另股賊匪已
撲武平因卽督隊回救不料賊眾兵單重重被
困總兵賀國楨王明高先後陣亡張運蘭見勢
不支持刀策馬大呼陷陣所向皆靡奈賊匪愈
聚愈眾前者被傷後者繼進親兵死傷略盡張

運蘭身受重傷墜於馬下爲賊擡擁入城守禁
兩日張運蘭罵不絕口遂於十四日遇害被賊
支解甚慘查張運蘭係湖南湘鄉縣人於咸豐
元年從戎轉戰江西安徽湖南廣東湖北數省
大小百餘戰屢克名城爲江皖傑出之員同治
二年臣鴻賓抵任粵督稔知廣東數年來徧地
賊氛兵威不振因商之兩江督臣曾國藩將該

欽定剿平粵匪方略卷四十一

三

員奏帶來粵先後剿滅石逆餘黨李幅猷並掃
除土匪粵省十餘年積患爲之一清及遵

旨赴閩提二千之衆當十萬之寇一鼓作氣誓不與
賊俱生徒以衆寡不敵中賊詭計卒能臨難不
屈大節懷然合無仰懇

天恩將布政使銜福建按察使張運蘭照巡撫陣亡
例議卹宣付史館立傳並於湖南福建廣東各

省建立專祠以彰忠蓋出自

天恩再其長子業已出繼次子恆湘年甫數齡孤露
餘生情堪憫惻合併陳明奏入

上諭內閣曰福建按察使張運蘭自咸豐元年帶兵
剿賊轉戰江西安徽湖南廣東湖北等省屢克名
城屢著戰功上年經毛鴻賓奏帶赴粵先後剿滅
石逆餘黨李幅猷並掃除土匪肅清粵省十餘年

欽定剿平粵匪方略卷四十一

三

積患方奠干城之選倚畀堪資乃於去年八月閒
帶兵救援福建因平遠大埔之賊回竄武平該臬
司親督中隊馳赴中赤迎剿屢戰皆捷遽以追賊
深入而逆衆層層圍裏總兵賀國楨王明高先後
陣亡親兵死傷略盡該臬司身受重傷爲賊擡擁
入城罵不絕口遂於九月十四日被賊支解覽其
臨陣之勇死事之烈忠節卓著痛惜殊深布政使

銜福建按察使張運蘭著加恩照巡撫陣亡例議卹任內一切處分悉予開復並於湖南福建廣東各省建立專祠其生平戰績宣付史館立傳伊子張恆湘著俟服闋後由吏部帶領引見以示篤念忠盡至意

二十七日癸巳左宗棠徐宗幹奏言劉典王德榜

王開琳張恆祥等軍由汀州連城進剿將下車

聖朝軍略卷之三

三

聖朝軍略卷之三

三

南嶺馬洋洞涂坊賊巢攻破後均各移營進紮劉典復飭總兵楊芳桂等會合各軍分路攻剿於正月二十二日直逼南陽汪逆老巢連日疊破賊壘數座斃賊無數陣斬偽王宗汪海林等多名二十四日王德榜等分軍猛攻古田賊壘賊隊大亂官軍乘勢殺入斃賊千餘名生擒百餘名解散者約數千李運勝等乘勝逐北二十

五日追至小池賊見官軍倏至并死回撲李運勝等分路抄擊斃騎馬悍賊數名逆賊千餘名賊遂大敗官軍躡之甫抵白吐忽見龍巖城內火光燭天賊繞向坎頭鼠竄旋偵知龍巖州城已為康國器一軍攻破矣二十六日李運勝等始收隊還其王開琳一軍亦於二十二日分飭總兵鄧榮達等由右路出長橋自率各營進羅源嶺逆賊踞險築卡官軍仰攻殊難王開琳飭莫坤和等各挑趨捷勇丁攜帶噴筒火箭從兩邊山麓猱騰而上飭親兵張加勝等六十人從中路槍礮中拔柵直入立斬卡外悍賊數名羣賊駭潰羅瑞山等乘勢焚其望樓立將羅源嶺隘攻克追過嶺後瞥見賊立石卡兩座旁以四壘護之羣賊蠢擁而出羅瑞山等奮力衝殺陣

斬黃衣賊目一名賊不少卻適康榮詔等從嶺
凹抄出兩路夾擊賊始奪路狂竄官軍正追殺
閒忽僞天將胡瞎子率悍黨萬餘擁至各敗逆
仍拌死回關王開琳飭各營堵禦左右奮擊斃
賊無算是役共斃賊二千餘名生擒四十餘名
其張恆祥一軍於二十一日由南嶺攻破香塔
賊卡殺賊百餘名餘賊向白雲嶺井發坑兩處
藏匿二十二日進剿白雲嶺井發坑又破之殺
賊數百名生擒賊目八名正擬收隊適大股悍
賊從茶樹下撲出圖抄官軍後路經王開琳所
部擊敗生擒僞天將孫學保張鴻瞬等悍賊三
十四名斃賊一千餘名汪逆海洋兇狡素著雖
經疊次擊敗然其死黨尙蓄銳以待意圖伺隙
衝突以赴李逆之招二十七日劉典飭李耀南

欽定剿平粵匪方略卷三

三

張福齊所部各營會合王德榜一軍進新泉截
之王德榜率所部五營由馬洋洞赴下車先進
行至馬洋洞適汪逆已率悍黨數萬分路而至
官軍分隊迎擊馳入賊陣立斬賊目數名賊勢
稍卻後面賊隊仍一擁而上郭慶雲等各率所
部衝殺賊敗踞山邊汪逆復驅令回撲官軍勢
幾不支李耀南等嚴督各營勿退一步劉典策
馬馳至分飭各營從旁抄襲自率親兵向前力
戰縱橫決盪賊大敗走而新泉對岸之賊仍穩
踞不動劉典率親兵左右翼沿河疾進行甫半
里汪逆率死黨千餘拌死扼堵余佑民督隊首
先陷陣李耀南等衝過山岡四面蹙之立斃悍
賊數百名時王德榜亦將撲營之賊擊退率所
部分路衝殺而前該逆悉梟水向西南逃竄溺

欽定剿平粵匪方略卷三

三

死不少退至下車劉典王德榜揮軍躡蹤前後夾擊又斃悍賊千餘名汪逆下馬痛哭倉卒間幾爲官軍所獲旋爲其死黨擁之翻山逸去是役共斃賊五六千名生擒四百餘名陣斬僞天將陳姓李姓等賊目多名其僞先鋒胡瞎子爲賊中兇悍頭目是戰亦爲官軍刀矛叢刺而死據獲賊供稱汪逆選諸賊之悍者令執大旗衣

聖朝聖朝聖朝

三

以黃白號衣名爲標旗手厚待之遇有危急輒麾之向前自號無敵至是而喪失過半矣其總兵劉明珍護汀漳龍道趙均閩龍巖旣克卽率所部進紮漳平南路永福里見敗逆尙屯聚數十里內花旗丁汰洋一股橫踞水潮和溪一帶二十七日劉明珍率所部分路進剿該逆四五千人出隊搦戰劉明珍督各營突前奮擊賊卽

潰走官軍追殺數里斃賊七百餘名是夜偵知敗賊復圖回踞新林劉明珍遣參將王啟發等前往襲之將賊卡三座踏毀其漳州踞逆李侍賈於正月二十日分路竄犯漳浦高連陞等分督諸軍由海澄石碼等處進攻城賊率衆出拒官軍隔河環施槍礮斃賊百餘名餘賊敗走入城二十九日復有賊騎數十至好景山一帶游弋高連陞派隊躡擊追至橋邊伏賊突起官軍洋槍隊連環轟擊並分兵繞出賊後兜剿擊斃悍賊數百名三十日該逆突出悍賊三四千已破曾玉明丹洲陸營直趨鎮門師船潰退賊跟追正急程學明用洋礮隔河轟擊該逆未能遽逞高連陞卽飭洋槍隊向前排擊並令遊擊蕭立信等渡河直抵丹洲以劈山礮截賊歸路轟

聖朝聖朝聖朝

三

擊逾時賊始敗遁高連陞親督各勇馳至生擒
悍逆三百餘名餘逆熾勦殆盡據獲賊供李侍
賢戰敗時猶乘一白馬殿後今見其馬爲官軍
所牽李侍賢或已梟水逃走竊思汪逆盤踞南
陽與李逆實相首尾今幸兩路均獲大捷賊之
精銳喪失過半兩逆經此重創膽落可知以現
在局勢論江西廣東邊防尙固又入春以來陰

欽定剿平粵匪方略

卷四

雨兼旬山水暴漲該逆竄越維艱惟漳州南境
地濱大海賊勢雖極窮蹙斷無引領待戮之理
此時自以嚴防下海爲要臣等現檄署衢州鎮
總兵劉清亮率所部由同安徑趨石碼以保漳
州東南一路並咨新授水師提督吳全美速雇
紅單拖舂等船赴閩助勦以固海防昨准李鴻
章咨稱擬飭提督郭松林楊鼎勳各率所部雇

坐輪船由海道赴廈門如各軍齊至節節掃蕩
東南餘逆可冀盡殲此次各路官軍以寡勝衆
實由將領殫心竭力得以速赴戎機其尤爲出
力之提督高連陞等可否仰懇

天恩給予獎勵此外出力將士尙多可否由臣等存
記彙奏請獎其力戰陣亡之擬保總兵哈必發
擬保守備王福泰可否

欽定剿平粵匪方略

卷四

飭部各就擬保官階照陣亡例議卹奏入
上命議政王軍機大臣傳諭瑞麟左宗棠沈葆楨徐
宗幹郭嵩燾曰劉典王德榜等軍進勦汪逆疊破
賊壘續獲大勝該逆痛哭逸去幾爲官軍所獲劉
明珍等軍扼漳平一路踏毀丁逆賊卡三座高連
陞截勦漳州踞逆獲捷李侍賢棄馬而逃其悍黨
亡失殆盡現在汪逆勢窮圖與侍逆合股漳州南

境地濱大海賊勢窮蹙難保不計圖入海左宗棠已飭提督劉清亮率所部由同安徑趨石碼以保漳州東南一路令吳全美速雇紅單拖帶等船赴閩助剿以固海防所籌均極妥協著即激勵各軍覘賊所向會師夾擊該逆大敗之餘其膽已寒不難一鼓殄滅左宗棠當督飭劉典高連陞等分路布置務須就地殲除毋任他竄汪逆李逆逃往何

聖學聖方略卷四十二

三

處責令帶兵各將弁追截勿任合併一處郭松林一軍當已到閩著派令嚴扼海口汀漳賊衆未盡剿除江西廣東之防仍不可一日或懈沈葆楨尙未回籍著飭令派出各軍認真防範勿稍鬆勁廣東所派出境助剿之方耀等軍著瑞麟郭嵩燾飭令會合閩軍痛殲餘逆潮州大埔卽責成李福泰妥籌防剿以杜窺伺該逆既有入海之謀各海口

均應一體防範並著瑞麟等督飭地方文武員弁悉心籌防儘被闖入定惟該地方官是問決不寬貸

上諭內閣曰福建官軍分路進剿均獲大捷勦辦甚爲得手著左宗棠督飭諸軍迅卽乘勝掃除餘匪殲擒首逆以靖地方此次尤爲出力之提督高連陞著賞給穆特本巴圖魯名號遊擊丁賢發著以

聖學聖方略卷四十二

三

副將留於閩浙補用軍功程學明著以守備儘先補用並賞戴花翎參將余佑民著以副將留於閩浙補用並賞給匾勇巴圖魯名號已革參將劉大謨著免其拏問其餘出力員弁著左宗棠等存記彙案擇尤請獎其陣亡之擬保總兵哈必發著照總兵陣亡例議卹擬保守備王福泰著照守備陣亡例議卹

二十八日甲午駱秉章奏言蔡啟二逆屢次敗挫恃其城外各壘踞險憑堅以爲犄角臣嚴飭諸軍先將逆壘掃蕩即可環偏階城以殲醜類正月初四日各營約會出隊總兵周達武破城東嚴家灣逆壘知府江忠淑參將劉鶴齡等破南岸山腰兩壘各營共斬賊八九百名該逆復於城北山腰添築新壘周達武蕭慶高於初七日黎明分軍掩至立將新壘踏平殺賊二百餘名維時甘肅臬司林之望已帶離軍一千餘名馳抵階境與周達武等面籌分布初八日該逆復於所破新壘之前添築一壘並以悍賊力禦我軍周達武等督隊進攻陣斬悍賊數十名賊衆大奔壘內之賊及築壘之賊相率而逃官軍已將東門之路截斷賊向城北奪路狂奔蔡啟二

欽定剿平粵匪方略卷四十二



逆復於城上督隊以槍礮轟擊官軍冒險衝突賊復向城西敗走十一日蕭慶高周達武圍其墩上堅巢以斷糧道蔡逆力不能爭乃於北山之右急築一壘以遏官兵繞攻西門之路周達武蕭慶高於十二日出隊徑撲新壘斬賊數十名時城內所出援賊正與湘果右軍交鋒周達武蕭慶高復分軍截擊擒斬百餘名援賊大敗十三日遂將城北墩上堅壘攻破壘內悍賊二百三百名悉被斬殺蕭慶高周達武黃鼎等以階城東南北三面連拔賊壘層層進偏惟城西兩水一帶賊壘相距較遠必須移營橫截斷其內外援應之路十四日蕭慶高等分路並進四面包抄黃鼎陣斬蔡逆假子蔡四及僞先鋒張姓等生擒老賊數十名殺斃百餘名武字營陣斬

欽定剿平粵匪方略卷四十二



悍賊二百餘人各營俱有斬獲賊乃敗潰入城
兩水援賊亦被官軍擊敗壘內之賊自知勢不
能支意欲衝出十八日夜聞江忠淑劉鶴齡督
隊力攻遂將賊壘二座攻拔餘賊由浮橋搶渡
復經周達武江忠淑劉鶴齡各軍截殺墮河者
不計其數共計斬斃者三百餘人蔡逆見城外
各壘連被攻毀兩水各壘復被隔斷遂將城北

聖朝聖略卷四十三

三

舊城山五壘之賊均撤入城復令偽巡捕蔡三
蔡四率領二千餘人由城內竄出救援兩水之
賊其時黃鼎已將偽都統周政幘等招降其餘
各壘之賊併入城內分向西北狂奔周達武劉
鶴齡蕭慶高英毅營各分軍會同黃鼎連夜跟
追於二十日及賊於高家村距階城八十餘里
適甘肅臬司林之望督飭兵團扼隘堵禦賊見

官軍追至猝死抵敵官軍奮力擊之該逆伏於
村內乃於夜間翻山逃竄二十一日各軍復追
八十餘里午刻及賊於蕭河壩官軍分路截殺
斃賊數百名餘衆棄械乞降其蔡三蔡四均已
帶傷率其餘黨向草川子一帶奔逃復被黃鼎
林之望等截殺餘衆亦皆乞降此股竄匪二千
餘人無一倖脫臣已批飭各營將收降之衆分

聖朝聖略卷四十三

三

別訊明如係被脅者卽行遣散儻係老賊卽予
正法以絕後患二十二日周達武派隊掘坑引
洩濠水城內出賊數百人來爭立被擊退奪獲
器械多件現在蔡啟兩逆困踞孤城已同釜魚
檻獸臣惟有嚴飭諸軍迅速圍攻以期擒穴擒
渠掃除三省邊患奏入報

聞

欽定剿平粵匪方略卷四百三 乙丑年

三月初三日 戊戌 左宗棠徐宗幹奏言據汀州鎮

總兵關鎮國汀州府知府朱以鑑及選用道張

恆祥稟報現有武平難民李姓二人從賊中逃

出暨受傷兵丁數名所述臬司張運蘭被戕情

形甚悉據稱九月十一日該臬司擊賊於中赤

地方連獲勝仗忽另股繞撲武平縣城該臬司

帶隊馳援比到城已被陷逆眾徧野卽揮令副

將雷照雄等奮力迎剿斃賊無算詎後股悍賊

從閒道截出我軍首尾不能相顧總兵賀國楨

王明高等被傷陣亡後軍遂潰中赤之賊乘勢

夾攻雷照雄亦中矛陣亡該臬司見勢不支策

馬陷陣手刃悍逆多名中傷墜馬賊擁之入城

罵不絕口至十四日午刻遇害情形最爲慘烈

欽定剿平粵匪方略卷四百三

十一

欽定剿平粵匪方略卷四百三

十一

武平縣知縣沈田玉巡檢陶載坤典史雍德玉

等亦先後被戕迨武平旣復署知縣八十四偕

同隨侍該臬司多年之都司湯有德從亂屍中

檢獲忠骸一段穿有藍布小襖表裏一色認係

該臬司臨陣時所服復於學宮覓得其元面色

如生當卽如禮棺殮護送汀州由該鎮道等稟

請具奏前來查臬司張運蘭自咸豐三年隨同

已故道員王鑫帶勇殺賊轉戰楚粵江西皖南

福建諸省克復名城挫斬首逆謀勇兼優戰功

甚偉茲因所部兵分力薄失利被圍裏創血戰

卒以力盡罵賊捐軀忠義凜然足光簡冊應請

旨照布政使例從優

賜卹

子諡於死事地方建立專祠附祀湖南王鑫專祠並

子諡於死事地方建立專祠附祀湖南王鑫專祠並

懇

飭下江西安徽湖南湖北廣東各督撫查明該臬司

戰績宣付史館立傳以慰忠魂同時殉難之總

兵賀國楨等三十員暨武平縣知縣沈田玉巡

檢陶載坤典史雍德玉相應開列懇請

飭部分別議卹並附祀張運蘭專祠用昭激勸其管

帶三旗遊擊易培駿當逆賊撲犯武平縣城時

聖祖聖訓卷之三

三

不能率眾固守致賊抄襲官軍後路實屬罪無

可道應請

旨革職拏問以肅軍律奏入

上諭內閣曰前因毛鴻賓等奏福建按察使張運蘭

在武平剿賊陣亡懇請優卹業經降旨將張運蘭

照巡撫例議卹並於湖南福建廣東各省建立專

祠其生平戰績宣付史館立傳茲據左宗棠等奏

稱查明該故員殉難詳細情形現復檢獲忠骸懇

請予諡等語張運蘭著再加恩予諡以慰忠魂其

同時殉難之總兵賀國楨等均著交部照例從優

議卹副將尹定友等均著交部照例議卹知縣沈

田玉等均著交部從優議卹以上三十三員均附

祀張運蘭專祠俾彰忠節遊擊易培駿當賊匪撲

犯武平縣城時不能率眾固守致賊抄襲官軍後

聖祖聖訓卷之三

四

路實屬罪無可道易培駿著卽革職拏問以肅軍

律

初十日乙沈葆楨奏言欽奉

諭旨沈葆楨著賞假三箇月回籍省親等因臣前因

濂逆竄至白沙奏明邊防喫緊乞假之請如蒙

俞允仍當暫緩回閩現據各路軍報均以白沙之賊

歸併漳郡直趨海隅去江甚遠雲慶已統所

部由會昌前進武平 臣檄劉勝祥移紮瑞金贛南一帶安堵如常 臣遵將江西巡撫關防於二月二十九日移交護撫 臣孫長紱接受 臣於三月初一日由江起程所有贛南防務應責成席寶田會商各軍相機辦理席寶田洞曉輜略慮事周詳江防可無他慮儘該逆仍圖回竄情形萬緊仍星馳來江不敢稍存推卸奏入

欽定剿平粵匪方略卷三

五

上命軍機大臣傳諭沈葆楨曰沈葆楨前以福建漳逆竄至白沙於給假之後仍暫緩起程現因白沙之賊歸併漳郡去江甚遠該撫已於三月初一日交卸由江起程如逆蹤回竄該撫仍擬星馳回江足見體國公忠能顧大局惟江省兵燹之餘一切軍事吏治需人整理如軍情稍緊該撫固須迅卽回江卽閩省逆勢日衰無虞回竄亦當毋庸拘泥

假滿早行回任以慰馳塵

十一日 丙午 李鴻章奏言郭松林楊鼎勳等十六營人數較衆行糧及輪船一切費用共需銀二十萬兩 臣督同司道竭力挪湊至二月杪甫克就緒郭松林所部八營已於二十八日登舟楊鼎勳所部八營因輪船稀少不敷裝載約三月初間當可接續開駛自上海放洋至廈門不過

欽定剿平粵匪方略卷四

六

數日可到茲准左宗棠函稱龍巖州克復後漳逆注海洋亦棄巢竄遁有歸併漳州之勢南面濱海一帶甚虞空虛等情是閩省沿海南路極形喫重 臣已飭令郭松林楊鼎勳等整肅軍規於到廈後察看賊情地勢妥籌會剿奏入 上諭曰著飭郭松林等迅速前往聽候左宗棠調遣李鴻章又奏言正繕摺開准兩廣督 臣毛鴻賓

廣東巡撫臣郭嵩燾咨稱漳州以西漳浦雲霄平和各城皆為賊踞賊眾現聚閩省而其出路則在粵省閩軍由東北漸次兜圍蘇軍再由廈門南面進攻則漳州三面被剿必由西路全股入粵請分軍由汕頭登岸會同粵軍由詔安規復雲霄平和等城以斷竄路等因查賊初入閩本自粵東邊界取道竄陷龍漳現在粵省方耀

聖諭軍方略卷四百三

七

等軍進紮永定上杭等處計與閩省龍巖州各營可以聯絡遮截似北路之防較固至左宗棠慮其勾結盜艘分擾沿海一帶郭嵩燾慮其被剿窮蹙西竄潮州皆在意料之中臣派郭松林楊鼎勳等由廈門進兵正當沿海一而且已議定赴閩更未便改赴汕頭惟有密飭郭松林等到廈後察酌賊勢穩慎進取先截其窺伺海濱

之路如將來賊股併趨入粵即就近跟蹤兜追以收夾擊之效奏入

上諭曰郭松林等既未便改赴汕頭即密飭於到廈後察酌賊勢進取先截其窺伺海濱之路如賊股竄粵即著奮力跟追與粵師會攻以收夾擊之效潮州一帶該撫即咨明廣東督撫厚集兵力水陸嚴防以期有備無患

聖諭軍方略卷四百三

八

十四日酉左宗棠徐宗幹奏旨劉典王德榜王開琳張恆祥等由汀連進剿南陽汪海洋老巢疊次獲勝賊勢日蹙劉典料賊竄必速二月初三日派楊芳桂張福齊會同王德榜所部戴奉聘等馳赴中村截擊初四夜間南陽之賊果棄巢竄走知縣陳鴻藻等由亨子嶺殺入斃賊數百名初五日楊芳桂等追至上杭所轄舊縣又

殺賊數百名劉典慮賊由龍巖內竄當飭李耀南等於初六日進駐華家亭適賊由舊縣竄踞白沙我軍分路夾擊殺賊五六百名生擒百餘名初七日劉典會同王德榜進剿白沙張福齊等率所部猛進殺賊三四百名賊退里許仍拌命回關後路之賊亦纒擁而來郭慶雲怒馬衝入賊陣直取汪逆中槍陣亡官軍因之稍卻適

欽定剿平粵匪方略卷四十三

九

王德榜將李塘伏賊擊敗乘勢追過田隴親督何秀清等抄出賊後康國器由龍巖飭所部營官羅洪標等同時馳至合力衝殺賊遂大奔官軍追十數里始還是役計共斃賊數千名生擒數百名拔出難民無算王開琳一軍聞南陽賊竄亦分路疾追甫抵茶樹下悍賊四五千來撲王開琳督各營力戰殺賊三四百名初六日復

躡蹤追擊逆賊且戰且退遂向永定縣屬坎市竄去汀州連城境內肅清其劉明珍趙均由漳平進紮南路永福里將和溪踞逆擊敗後二月初三日進攻板場後壩賊卡破之殺賊五六十名初四日和溪之賊糾添水潮悍賊數千來撲劉明珍趙均派隊馳往策應而自率所部繞攻和溪梁友武破卡直入斃賊數百名餘匪紛紛

欽定剿平粵匪方略卷四十三

十

潰竄立將和溪賊壘掃蕩初五日乘勢進攻水潮逆匪丁汰洋率眾數千抗拒劉明珍等督隊奮擊賊急棄水潮而遁計兩日共斃賊千餘名拔出難民無數竄注海洋經官軍痛剿圖擾江西因江西兵力厚集不能竄越又待逆已爲高連陞所敗漳逆呼援甚急圖與汪逆合股漳逆於正月二十日分黨窺犯漳浦二十一日竄陷

蘇城現復遺黨屯踞南路官田廟前一帶以
窺石碼並嗾龍巖敗逆由北路圍犯長泰臣左
宗棠於南陽逆賊未竄之先已飭張恆祥一軍
移紮漳平劉清亮一軍由同安相機前進現高
連陞黃少春分駐石碼以扼北溪而南陽肅清
後王德榜已赴龍巖劉典亦馳赴漳平漳州西
北一帶以刻下局勢論之北路應嚴扼華封司

欽定四庫全書

十一

朝天嶺諸隘由和溪水潮進剿南靖南路應嚴
扼石碼進窺漳浦李鴻章所派郭松林楊鼎勳
兩軍由上海赴閩臣等會商擬俟兩軍至廈即
由海澄進取漳浦先斷其入海之路然後由九
龍嶺木綿菴會攻漳城並杜其竄粵之路其王
開琳所部已飭移紮永定河邊兼顧上杭以扼
其奔竄江西能將汪海洋李侍賢兩大股於閩

境殲除則丁汰洋林政揚等賊亦無能為矣至
婁雲慶接統鮑超所部整理未曾就緒並未入
閩現賊既趨併南靖漳州汀防稍鬆即可仍留
江境臣左宗棠擬俟劉典抵漳平後將北路軍
事布置稍定再進省籌辦一切如須赴泉州同
安督剿再當出省辦理此次力戰陣亡之把總
康德修軍功郭慶雲計功應保守備可否仰懇

欽定四庫全書

十二

天恩飭部均照守備陣亡例議卹以慰忠魂奏入
上命軍機大臣傳諭瑞麟左宗棠徐宗幹郭嵩燾孫
長紱曰劉典等軍由汀連進剿南陽汪逆老巢賊
棄巢走白沙之賊亦經劉典會合王德榜等軍奮
力衝擊賊勢大潰由坎市竄去汀州連城一律肅
清劉明珍等由漳平南路進剿和溪掃蕩賊壘乘
勢進攻水潮丁逆潰遁侍逆亦為高連陞所敗圖

與汪逆合股漳州踞逆竄陷漳浦現復遣黨屯踞南路官田顏廟前一帶以窺石碼並嗾龍巖敗匪由北路圖犯長泰左宗棠已飭張恆祥一軍移紮漳平劉清亮一軍由同安前進高連陞等分軍駐石碼以扼北溪王德榜已赴龍巖劉典亦馳赴漳平漳州一帶布置均尚周密逆勢現已窮蹙惟當防其就近入海勾結洋盜各處竄擾郭松林等計

欽定剿平粵匪方略

三

可由滬抵閩著左宗棠徐宗幹卽飭由海澄取漳浦斷其入海之路吳全美已雇募紅單拖罾等船赴閩著飭令嚴扼海口遇賊卽擊毋稍疏懈該督撫務當檄飭南北兩路規取南靖漳浦將汪李等逆就地殲除勿任再行分竄該逆飛走技窮豈肯坐以待斃必將拚死出竄廣東江西邊境以圖一逞著瑞麟郭嵩燾飭令李福泰等軍已入閩者卽

歸左宗棠調遣儘粵邊有警仍令回顧沈葆楨已起程赴閩孫長紱責無旁貸當督飭防軍嚴扼本境如被闖入完善惟該著督撫等是問婁雲慶接統鮑超所部既未入閩卽著仍留江境協同防守左宗棠俟劉典到後布置定妥再行進省辦理一切事宜力戰陣亡之把總康德修軍功郭慶雲均著交部照守備陣亡例議卹

欽定剿平粵匪方略

十四

十八日癸丑毛鴻賓郭嵩燾奏言據臬司李福泰稟稱方耀於正月十九日行抵上杭探聞南陽賊匪有竄動之意卽督軍由上杭之千家村節節進剿該逆橫竄白沙石碼等處思抄我軍之後乘虛突入粵境方耀自上杭北門之水西渡河繞越草鞋嶺當風嶺截擊之二月初五夜開潛襲石碼逆寨獲匪數名遂飭守備方恭等帶

勇進攻白沙逆壘知府方勳等帶勇出草鞋嶺夾擊守備林材等帶勇策應初六日方耀進抵石碣逆匪萬餘出拒我軍奮勇直前鏖戰數時斃匪七百餘名賊衆稍卻適白沙之匪回援石碣我軍亦全隊趕至併力圍攻遂將石碣攻破賊匪奪路狂奔追殺三十餘里陣斬偽誦天福呂潮懇等四人僞先鋒十五人長髮老賊一百九十四人生擒賊目及落澗墜崖死者約五六千人其伏匿林麓間者復縱火焚斃無算餘匪越嶺而逸救出脅從難民千餘人當將官莊石碣等處賊巢一律平毀查方耀石碣之捷殺賊幾及萬人洵足以寒賊膽惟逆衆不下十餘萬其勢十倍於我尙難一鼓撲滅潮嘉邊界綿亙數百里仍有防不勝防之患當方耀在石碣大

勳軍方略卷四十三

十五

戰時有另股賊匪繞竄大埔縣屬之白垓幸李福泰布置周密當將該逆擊退是嘉應之防稍鬆而潮郡日形喫重臣等惟有嚴飭李福泰駐紮大埔居中調度翟國彥嚴防饒平鄭紹忠駐紮峯市以固潮嘉藩籬並飭方耀跟蹤追剿以杜紛竄

毛鴻賓郭嵩燾又奏言正繕摺開據臬司李福泰馳稟二月十二日逆匪萬餘由白垓直撲楓朗營盤遊擊戴朝佐千總梁仕光分路迎擊陣斬賊目汪愈城等三名斃斃數百名是夜該逆大股屬至十三日分五路來撲勢甚兇猛戴朝佐等一面飛稟請援一面潛派精銳繞出賊後大呼衝突適總兵翟國彥派來援兵遇賊於三峯亭兩面

勳軍方略卷四十三

十六

夾擊轟斃之賊屍橫遍野墜落山澗死者不可
數計敗匪折向平和逸去楓朗一帶現已無賊
等情查該逆由白沙坎市繞出湖坑等處竄至
白堊無非避兵而行希圖抄過方耀各軍之後
偷由楓朗僻路徑趨潮州逆謀甚狡戴朝佐梁
仕光以千餘之衆當萬餘強寇乃能攔頭截擊
以少勝多實屬異常出力遊擊戴朝佐可否以

聖
軍
聖
軍
聖
軍

七

參將留於廣東儘先補用千總梁仕光可否以
守備儘先補用並加都司銜以示鼓勵其餘出
力員弁可否彙入克復永定案內擇尤請獎出
自

天恩至傷亡弁勇容俟查明另行辦理奏入

上命軍機大臣傳諭瑞麟左宗棠徐宗幹郭嵩燾曰
閩省南陽賊匪橫竄白沙石碣等處圖入粵境經

方耀等軍併力分剿將石碣等賊巢焚燬殲除賊
匪幾及萬人另股逆匪由大埔屬之白堊直撲楓
朗營盤經戴朝佐等以少勝衆斃賊甚夥餘逆向
平和逸去勦辦均屬得手惟賊氛十倍兵勇潮嘉
邊界綿亙數百里路路可通該逆飛走技窮其欲
繞越方耀等軍後路圖竄粵疆自在意計之中現
在嘉應之防稍鬆而潮防日形緊急毛鴻賓等已

聖
軍
聖
軍
聖
軍

六

飭李福泰等分紮大埔饒平等處以固藩籬與前
次寄諭辦法脗合著卽嚴督各軍認真堵剿毋任
闖入潮州該處民情素稱犷悍賊蹤若至一經煽
惑必至燎原該署督等務當嚴密防範如後路兵
力尙單急須添調勁旅層層布置萬不可令賊擾
及潮防致勦辦愈形棘手並著左宗棠徐宗幹檄
飭規取南靖漳浦各軍將該逆就地殲除與粵省

八閩之方耀等軍聯絡聲勢妥籌夾擊毋令擾及
完善此次白堊剿賊出力之遊擊戴朝佐著以參
將儘先補用千總梁仕光著以守備儘先補用並
賞加都司銜其餘出力員弁准由瑞麟等彙案酌
獎

十九日 甲寅 惲世臨奏言准江西撫臣沈葆楨來

咨閩中李汪等逆因盜糧將罄漸有竄動之勢

欽定四庫全書

十九

欽定四庫全書

三

江省現已籌防等因查李侍賢汪海洋本屬兇
狡賊目在閩裏脅者不下二三十萬人湖南東
界各營兵不盈萬分布實覺不敷臣已飭趙煥
聯陳士杰劉德謙等酌量情形各添二營一面
稟報一面即行開招以期無誤戎機奏入

上命軍機大臣傳諭李瀚章石贊清曰據惲世臨奏
閩省汪李二逆因糧食將盡漸有竄動之勢東界

各營不敷分布已飭趙煥聯等添募勇丁嚴密防
範等語李瀚章自簡任巡撫屢經降旨嚴催想已
起程即著星速前赴新任妥籌調度東路防堵事
宜並飭趙煥聯等酌量添募勇丁嚴防閩省變逆
毋任竄越李瀚章未到任以前著石贊清嚴飭各
軍妥籌辦理

二十四日 己未 徐宗幹奏言江西巡撫沈葆楨親

欽定四庫全書

三

母林氏於同治四年二月二十七日在籍病故
並據該撫臣之父舉人沈廷楓遣丁具報前來
查江西雖係鄰省計報需時謹繕摺由驛奏
聞奏入

上命軍機大臣傳諭徐宗幹曰前據沈葆楨奏閩賊
去江已遠該撫於三月初一日交卸起程回籍如
逆蹤回竄仍即星馳回江當經諭令沈葆楨如軍

情稍緊該撫固應迅卽回江卽閩省逆勢日衰無虞回竄亦當毋庸拘泥假滿早行回任茲據徐宗幹奏稱沈葆楨之母林氏在籍病故沈葆楨例應丁憂本日已明降諭旨令沈葆楨穿孝百日准其回籍治喪俟孝滿後作爲署理江西巡撫並賞銀五百兩由福建藩庫給發經理喪事矣沈葆楨現在丁憂本應准其在籍守制以盡孝思惟江西毗

欽定剿平粵匪方略卷三

三

連閩境防務甚關緊要且該省當兵燹之餘一切軍情吏治在在需人非公忠夙著民情愛戴之人在彼整頓不足以資治理特命沈葆楨於百日孝滿後仍回江西署任實爲時事艱難起見卽著徐宗幹傳知沈葆楨於百日孝滿後迅卽馳回江省以慰廑念沈葆楨向來能顧大局必當仰體朝廷望治之苦衷勉抑哀思墨經從事也前據左宗棠

等奏汀連肅清漳州踞匪竄陷漳浦諭令左宗棠徐宗幹嚴飭官軍扼其入海之路並規取南靖漳浦勿令分竄現在軍情賊勢若何仍著會同左宗棠迅速馳奏省城防堵事宜並著該撫懍遵疊次諭旨嚴密布置毋稍疏虞

欽定剿平粵匪方略卷四

三

上諭內閣曰前因沈葆楨奏請賞假回籍省親當經降旨給假三月嗣據沈葆楨奏業於三月初一日起程回籍復經諭令該撫不必拘定假期早行回任茲據徐宗幹奏稱沈葆楨之母林氏在籍病故沈葆楨諒必懇請終制惟江西地方雖就廓清而福建漳州等逆未平防務甚關緊要沈葆楨自簡任江西巡撫以來籌辦勦撫整飭地方悉合機宜當此邊防喫重之時勢難遽令離任沈葆楨著賞假百日在籍穿孝加恩賞銀五百兩由福建藩庫

給發經理其母喪事俟假期滿後改為署理江西巡撫卽行馳赴署任該撫當仰體朝廷破格奪情之意移孝作忠以副委任毋許固辭

二十九日甲子駱秉章奏言欽奉

諭旨飭將蕭慶高等援師暨甘省會剿各軍均歸胡中和節制調遣並接胡中和函稱現在階州各軍均能聯絡聲勢互相策應並未各分界限彼此

聖諭

三

推諉其能與胡中和和衷共濟者亦以事權出自督臣無不相率效命若以胡中和統之不特才力不足恐貽隕越之羞且恐心志未孚反啟參商之漸蓋以素相等夷之人一旦節制調遣於事誠難有濟惟有暫行會商各軍迅拔堅城所有統率三路援兵實難勝任應請代為具奏

頌懇

天恩免其總統庶不致貽誤大局以後勦辦情形仍由督臣隨時奏報以一事權等情查胡中和來函情詞懇切均係實在情形且諸軍攻勦階州之賊不遺餘力現已四面合圍據逃出難民供稱該逆糧食將罄現造木筏圖由河道逃竄臣已檄飭各軍水陸嚴防以期聚而殲旃奏入

聖諭

三

上命軍機大臣傳諭駱秉章曰胡中和未便總統諸軍卽照所請辦理階州踞逆為諸軍四面圍剿其勢已蹙現因糧食將罄偷造木筏圖由河道逃竄正宜檄飭各軍乘賊勢困乏聚而殲旃並著駱秉章檄飭階州諸軍協力齊心將階城踞匪悉數就地殄除毋任分竄以靖地方

同日湖南巡撫李瀚章奏旨湘省防務緊要應卽遵

旨迅赴湖南巡撫新任 臣現已交卸廣東布政使篆
務卽於三月十四日起程由粵入楚約計月餘
當可抵省所有奉

諭督飭防剿事宜惟有實力實心認真籌辦以期仰
副

委任誥誡之至意

同日護理湖南巡撫布政使石贊清奏言欽奉

欽定剿平粵匪方略卷四十三

三

諭旨以該匪圖襲賴南窺伺兩楚飭 臣妥籌防剿查

閩中李汪等逆因糧食將罄漸有竄動之勢前

撫 臣 惲世臨當飭趙煥聯陳士杰劉德謙等酌

量情形各添兩營以赴戎機 臣接篆後連日報

悉劉典王德榜等軍大獲勝仗上杭諸逆殘敗

之餘盡趨漳州李侍賢汪海洋均係兇狡賊目

茲復歸併一處鋌而走險自在意中湖南東防

未可稍形鬆懈 臣惟有督飭趙煥聯等簡練精
銳嚴密設防以期有備無患均奏入

上命軍機大臣傳諭瑞麟左宗棠徐宗幹李瀚章郭
嵩燾石贊清孫長絨曰上杭諸逆經劉典等軍擊
敗後盡趨漳州李侍賢汪海洋均係兇狡賊目茲
復歸併一處難保不爲因獸之鬪紛擾旁趨另謀
生路湖南東路防務自未可稍形鬆勁著石贊清

欽定剿平粵匪方略卷四十三

三

檄飭趙煥聯等軍扼要駐守實力嚴防李瀚章業

已於三月十四日起程卽著迅速遄行馳赴新任

將該省防剿事宜妥爲辦理汪李等逆現聚一隅

正可設法兜圍爲一鼓聚殲之計著左宗棠徐宗

幹激勵將弁會同粵東官軍將該逆等就地殄除

毋令擾及他處或潛逃入海致窮蹙之寇又肆狹

猖瑞麟郭嵩燾卽飭李福泰等嚴密布置力固潮

州之防並令由粵援閩之方耀等軍會合進攻協力掃蕩迅殄逆氛孫長紱督飭派出官軍嚴扼本境毋令賊蹤再行回竄

聖學匯方略卷四百三

三

欽定勦平粵匪方略卷四百四 乙丑年

四月初三日 丁卯 曾國藩奏言接奉三月十七日

諭旨令催彭玉麟速赴漕督署任查彭玉麟自咸豐

三年初入 臣營堅與 臣約不願服官嗣後屢經

奏保無不力辭每除一官即稟請開缺 臣以其

本在營中無須赴任未為奏達彭玉麟深以為

歉咸豐十一年播任安徽巡撫三次疏辭 臣亦

聖學匯方略卷四百四

一

代為陳情仰邀

聖慈允准此次欽奉

批諭仍飭迅赴署任該侍郎具述積疾已深再申開

缺之請 臣相處日久深知其勇於大義淡於浮

榮未便強為阻止且該侍郎久領水師於陸師

不甚諳習而失血舊病亦不宜更膺重任可否

仰懇

天恩俯准另行簡員署理漕運總督免致彭玉麟再
四固辭貽誤清淮廣東兩處防務出自

聖裁奏入

上諭曰本日彭玉麟奏請開漕運總督署缺已於該
侍郎摺內批示矣

同日彭玉麟奏言臣於三月初二日具摺力辭
署理漕運總督之

欽定剿平粵匪方略

二

命並請開兵部侍郎本缺茲於十八日欽奉

諭旨仍著迅赴署任毋庸固辭跪誦之下罔知所措

臣自江甯馳回裕溪口營次舊時失血之證感
觸復發以嬰疾未愈之身蒙

君父期望之切旁皇惴慄有不得不再行瀝陳者臣

本寒儒備書養母咸豐三年丁母憂當粵逆之
亂曾國藩謬采虛譽寓書強令入營臣自誓不

求保舉不受官職曾國藩察臣語出至誠矜而

許之乃十餘年來不求保舉而膺破格之獎者

已非一次然臣能有以自處者分職雖已居卿

貳而辦事尙不離水營自知府而擢至巡撫而

改補侍郎始終不敢以實缺人員自居應領養

廉俸銀從未具領絲毫誠以

恩雖實受而官猶虛寄也此次復奉

欽定剿平粵匪方略

三

恩命署理漕運總督並飭迅赴署任臣自度羸病之

軀斷難勝此鉅任伏乞

皇上天恩另行簡員署理漕運總督仍准並開兵部

侍郎本缺俾臣以閒員效力軍中料理長江水

師善後應辦事宜實爲至幸抑臣更有請者現

在粵東淮北防堵均極緊要臣未能迅速赴淮

吳棠卽未能交卸赴粵前次具摺請辭往返已

逾半月此次重申前請若

皇上責臣以必行臣惟有負罪再辭在臣因辭官而獲

嚴譴固屬咎有應得而兩處軍務未免耽延貽誤惟
有仰求

聖慈曲諒允臣所請庶幾臣一身幸免隕越之咎而
粵淮兩地速得主持之人不勝戰慄屏營之至

聖學聖略卷四

四

聖學聖略卷四

五

奏八

上諭曰覽奏情辭懇摯出於至誠彭玉麟著准其開
漕運總督署缺所有長江水師善後應辦事宜仍
著該侍郎妥為料理

初五日已廣州將軍兼署兩廣總督瑞麟署廣

東巡撫郭嵩燾奏言據藩司李福泰副將方耀

稟稱南陽之逆全股竄併白沙營巢林立方耀

慮其下竄即調水鋪弁勇馳回並飛咨駐紮峯

市之鄭紹忠蚡蛇渡之周陞堅營嚴扼二月初
八日派守備方鼐知府方勳等分投進攻斃匪

四百餘名陣斬偽官鈕天安等多名該匪四路
狂奔我軍追殺十餘里始行收隊十八日逆首

丁汰洋率匪萬餘由朱家山後來撲大埔縣屬
之柏嵩關守備李瑄芳等督率兵練迎剿斃匪

不計其數該匪由三斷嶺下而逃其花旗股匪

繞由小路竄入大埔縣境縣城岌岌可危守備
蘇鎮超等會督兵勇分投截剿副將方耀等亦

由閩界跟蹤馳援同時齊抵大埔賊由湖寮白
堠竄走先後斃匪甚多臣等查閩省龍巖股匪

經康國器等軍攻克餘匪竄歸南靖南陽股匪
經劉典王開琳等軍攻克餘匪竄偏大埔縣城

分股襲攻楓期營盤爲戴朝佐等軍擊敗徑撲
詔安繞至雲霄之後直窺粵境幸惠潮道鳳安
商同總兵黃朝恩等分率團勇先期堵剿藩司
李福泰亦由三河壩趕至潮州派鄧安邦等馳
援詔安通何雲章一軍之氣以固潮南門戶臣
等並飭李福泰等將南澳澄海各海口妥爲布
置潮境防務稍臻周妥而沿邊滋擾各匪其人

聖朝聖略卷四

六

數之多與汪海洋一股相等漳州李侍賢一股
至今未有蠢動之信閩軍高連陞黃少春等合
攻漳州江蘇撫臣李鴻章又由海道派郭松林
楊鼎勳兩軍從廈門進攻是漳州南路已有大
枝勁旅惟西路與粵毗連兵力單絀臣等接據
李鴻章來函卽商令各軍由海道分路一由廈
門會合閩軍直搗漳州一由汕頭東出黃岡規

雲霄平和各城出漳州之西與習國彥等軍分
路並出庶可蹙之漳州一城且斷其入海之路
但恐郭松林等已航海入閩商辦不及則閩軍
直成長驅之勢粵東防務尤費支持臣等現催
卓興一軍由恩平赴省剋期馳往東江並督飭
司道竭力籌餉以利師行殲此大憝其李元順
赴援詔安吳國泰防守隘口未能實力抵禦爲

聖朝聖略卷四

七

賊所乘均屬咎有應得相應請
旨將遊擊李元順等先行摘去頂戴有無聞警先逃
情弊容札飭李福泰鳳安查明彙辦奏入
上命軍機大臣傳諭瑞麟左宗棠徐宗幹郭嵩燾曰
南陽竄賊占踞白沙肆擾粵邊雖經官軍疊次斬
擒而賊勢尙未十分窮蹙瑞麟郭嵩燾仍嚴飭方
耀等軍奮力剿洗並飭李福泰嚴防大埔饒平等

處以固潮州門戶花旗股匪於粵東地勢情形皆所熟悉尤應防其勾結為賊引導瑞麟等當嚴飭各軍將此股匪徒先行殄盡龍巖南靖等處敗匪遠撲詔安李元順各營皆為所襲是黃岡饒平皆喫緊著瑞麟等迅飭黃朝恩等防勦兼施與何章聯絡進取前據李鴻章奏郭松林等軍已飭由廈門前進未便改赴汕頭已照所請辦理東江

聖朝聖方略卷四

八

一帶仍著瑞麟等責成李福泰方耀等軍扼要紮守如兵力較單即先將各處海口及本境要隘布置完密毋庸越境協勦左宗棠徐宗幹於郭松林楊鼎勳等軍到後妥為調遣密防該逆入海之路仍分飭各軍環攻漳郡務將逆匪就地殄除如西路兵單亦宜酌量分撥無使大股竄入東境遊擊李元順縣丞吳國泰均先行摘去頂戴仍著瑞麟

等查明有無聞警先逃情弊據實奏

十一日 乙亥 瑞麟郭嵩燾奏言據布政使李福泰

等稟稱賊匪圍攻詔安知縣趙人成竭力拒守

潮州府知府陳毓書等現赴黃岡圖解詔安之

圍副將何雲章進攻雲霄為賊所包固守營盤

大勢均屬岌岌平和之賊日聚日眾於通柏嵩

關等處鑿平道路意圖大舉入粵饒平黃岡一

聖朝聖方略卷四

九

帶日形喫緊查注海洋李侍賢朱恩濫丁汰洋

各股合計不下二十餘萬雖閩省各軍屢獲勝

仗粵省方耀各軍疊有擒斬所殺不過十分之

一賊勢並不窮蹙左宗棠所部浙軍一二萬人

高連陞黃少春劉清亮等又皆一時名將合之

閩省曾玉明等所部及江西劉典等軍並李鴻

章所派楊鼎勳兩軍進攻漳州東南北三面漸

成合圍之勢而賊所踞南靖漳浦雲霄平和各城皆在漳州西南從前尙踞有龍巖二城此有出路今併集於偏近大埔之歸陽苦竹等處是賊之去路僅廣東一面現據李福泰稟稱探聞詔安縣城已爲賊陷是潮郡又失一重外蔽又據翟國彥報稱漳州逆匪數萬竄至平和屬溪地方並屯駐上下坪等處其勢必謀竄饒平大

欽定剿平粵匪方略

十一

埔等縣漸及腹地統計粵東邊防各軍翟國彥三千餘人方耀六千餘人鄭紹忠三千餘人其餘林保鄧安邦等或數千人或數百人卓興一軍六千餘人尙未到防合共三萬餘人縱橫數百里隨處設防兵力幾不能支臣等惟有督飭在事文武各軍殲除大憝以靖邊疆奏入

上命軍機大臣傳諭瑞麟左宗棠徐宗幹郭嵩燾曰

現在詔安被陷潮州屏蔽已失饒平大埔等處均形喫重前諭瑞麟郭嵩燾責成李福泰等軍扼要紮守如兵力尙單卽將本境布置完密毋庸越境協剿此時賊氛日偏亟須加意嚴防仍著督飭李福泰方耀等軍於閩粵交界賊勢趨重之處擇要扼紮迎頭截擊並催令卓興一軍迅速到防認真扼守毋令賊匪乘虛竄入吳棠現因清淮防務緊

欽定剿平粵匪方略

十一

要未能赴粵瑞麟不得存五日京兆之見務當與郭嵩燾妥籌布置固守巖疆詔安失守情形尙未據閩省奏報著左宗棠徐宗幹查明具奏汪李等逆均係粵賊渠魁雖經官軍圍偏而匪黨尙衆困鬪挺走自在意中閩省此時兵力不爲不厚左宗棠老於戎事自必成算在胸務將此股逆匪就地殲除斷不可縱入粵境或遁入海道致剿辦復形

棘手賊勢既趨重西面左宗棠徐宗幹即當調派勁旅嚴密分布截其西竄之路以便方耀等軍專顧粵邊力保完善均著妥速籌辦近日勦辦情形並著左宗棠等迅速馳奏

十五日卯已左宗棠徐宗幹奏言李逆侍賢於漳

州東北浦南金沙烏頭門社一帶添築賊壘以圖繞襲官軍後路總兵劉清亮馳抵江東橋見

聖軍方略卷四

三

賊勢方趨重漳北即率所部進駐北溪黃少春

進紮北尾橋高連陞進紮東路好景山以相聯

絡二月二十五日黃少春復飭副將周紹濂等

移紮北尾橋對港翰林洲賊首偽天將譚姓率

悍黨千餘來撲周紹濂等營壘當經官軍擊退

黃少春見賊憑橋抗拒復與謝復雲分路抄擊

賊即敗潰官軍追殺過橋斃賊二百餘名三月

初二日城賊復出數萬來犯黃少春率周紹濂等各營從右路迎擊賊即敗竄追至田東社伏賊突起周紹濂挺矛衝入賊陣謝復雲督各哨突前猛擊賊不能支時高連陞亦將崎下橋之賊擊敗衝殺而前該逆恐官軍過港截殺悉向

樓內遁去計是役共斃悍賊三百餘名初七日

高連陞率所部進紮橋水橋復飭副將丁賢發

聖軍方略卷四

三

軍功錢桂仁兩營過河築壘偪之黃少春飭各

營伏於北尾橋河邊自率馬隊與高連陞從東

關大路而進突遇賊一二千人高連陞率隊衝

殺黃少春繼之賊且戰且走追至東關斃賊百

餘名忽南門壘賊數千從河邊抄至城賊與東

門壘賊擁擁而出高連陞飭張志公等扼堵河

邊自率洋槍隊與黃少春分路猛戰擊斃悍賊

十數名麾軍奮力齊進賊退入卡程學明等將河邊之賊擊敗亦率隊環攻賊卡忽西門外賊七八千人繞至對港排列高連陞黃少春飭各營槍礮環擊斃賊數百名當賊由東路來犯北門及樓內亦各出賊數千向北尾橋衝來周紹濂等督隊迎擊黃少春率謝復雲等從左路橫出截之賊衆敗走計是役斃賊共千餘名該逆

欽定剿平粵匪方略卷四

十四

復糾添汪逆悍黨五六萬人於十三日一撲竊水橋一撲北尾橋營壘其由竊水橋一路來者經高連陞張志公等先後擊敗逆首李侍賢偽天將李學金復喉各賊回關官軍乘勝猛進馬隊繼之羣賊退入村後程學明等各率親兵疾追高連陞督隊壓擊賊勢不支紛向東關逃竄其由北尾橋一路來者黃少春率副將李良平

等迎敵相拒半時樓內伏賊數千從留岡山突出官軍奮力衝殺賊仍死拒不退黃少春親督各哨向前衝突陣斬悍賊百餘名適魏光祿從崎下橋橫截而來兩路夾擊賊遂大敗其樓內來援之賊經總兵劉端冕等截殺斃賊二百餘名計是役共斃賊二千餘名傷賊不計其數十四日城賊分撲北尾橋營壘黃少春當飭周紹

欽定剿平粵匪方略卷四

十五

濂等三路奮擊斃賊數百名東路之賊圖撲高連陞營壘高連陞一面飭各營嚴陣以待一面亟商提督郭松林等俟賊來撲卽各率所部合勦李逆侍賢以兩次猛撲皆不得逞復喉南靖來援之賊並城壘各逆四路抄來適郭松林所部蘇軍馳至卽與高連陞踰嶺迎擊黃少春率同各隊過北尾橋助勦郭松林親督小隊直搗

中堅羣賊辟易官軍乘勝急進各路之賊俱敗
李侍賢復督各賊回撲洋槍隊斜出轟擊賊衆
自相蹂藉及轟斃溺斃者不可勝數計是役共
斃賊三四千名帶傷以萬計王德榜一軍由龍
巖馳赴漳北華封見逆賊麴聚金沙一帶遂分
兩營留駐豐山自率所部進紮潭口與劉清亮
各營互相聯絡正擬過河痛擊詎該逆見官軍

聖朝方略卷四

七

偏近於吳倉烏頭添築兩壘對岸河邊添築四
壘阻官軍進攻之路王德榜飭遊擊戴清輝等
從下游過河排礮轟擊逆賊棄壘而遁劉典一
軍馳抵龍巖後卽率所部進駐州南飭副將張
福齊等紮上坪總兵楊芳桂紮水尾道員李耀
南紮林東偵知汪逆分踞上下奎洋等處縱橫
數十里十五日飭張福齊楊鼎勳等前進甫抵

白石凹大霧彌漫賊不意官軍驟至誤以爲其
黨也就之官軍突起奮殺斃賊二百餘名劉典
由嶺頭翻山至奎洋山頭見賊併趨右路卽飭
各營截之該逆見官軍突出其後改向奎洋山
頭撲來適張福齊楊鼎勳等由左右兩路殺出
劉典復飭親兵繞出賊後斃賊數百名賊敗走
下奎洋援賊又分路來撲劉典督飭各營迎擊

聖朝方略卷四

七

賊仍敗歸下奎洋壘中其梅林之賊亦經張福
齊楊鼎勳派隊擊退計是役共斃悍賊千餘名
總兵王開琳一軍馳抵永定後分所部八營扼
紮湖雷鄉偵知僞天將周旺幅僞佐將譚如春
等圍撲永定縣城並分犯湖雷營壘十六日王
開琳飭各營分路迎剿羅瑞山等行至跌馬寨
遇賊接仗斃賊多名乘勢追過岐嶺王開琳恐

爲賊所抄襲飭莫坤和等伏於跌馬寨自率中營各隊緊追忽賊從山後突至莫坤和等督隊迎擊賊亦拼死抵拒曾桂堂等先截其歸路各營四面蹙之除生擒及收降外圍剿殆盡羅瑞山等卽躡蹤緊追適湖雷各營亦從東坑馳至夾擊擒斬甚衆計是役共斃賊二千餘名生擒僞佐將譚如春僞指揮周怔南等七十餘名查

欽定剿平粵匪方略

卷四

賊匪自汀連肅清後汪逆竄踞龍巖永定南靖交界地方與李侍賢相爲首尾其地可由永定武平竄江西廣東侍逆緊踞漳城其黨分踞雲霄平和近日漳浦失守後丁逆汰洋復由平和陷詔安其地緊連潮嘉濱海之區以賊情言之汪逆志在竄江李逆志在入海然閩軍攻急則必以粵東爲步論防賊下海之路在粵則潮

屬之汕頭在閩則詔安之銅山漳浦之碇口爲要就現在賊勢言之則閩之銅山碇口爲尤急臣宗幹於漳浦失守時已調蕭瑞芳紅單船六號駛赴碇口臣宗棠現又飛催提督吳全美速帶所雇紅單船二十號拖帶二十號駛赴銅山其未到防之先已由曾憲德鄧廷枏就近派撥師船前往防守論防賊入粵之路惟饒平大埔

欽定剿平粵匪方略

卷四

最爲衝要粵省防邊聞尙周密方耀一軍亦已調回兵力似不爲薄然臣等接閱署撫臣郭嵩燾來書仍以驅賊入粵爲疑而閩軍方由東而西由北而南雲霄平和漳浦詔安中隔賊氛實無兵力兼顧細思江西防兵尙厚賊之竄江惟永定一路臣等現調總兵王開琳之新老湘營七千餘人及康國器等所部五千餘人嚴防永

定足以遏賊奔衝婁雲慶一軍近始由江西赴武平尙在王開琳康國器之後於援閩防江均屬不急之著武平距粵咫尺似可移緩就急爲江西助粵之軍庶廣東固而由粵竄江西之路亦可無虞伏乞

皇上飭下江西撫臣廣東撫臣爲該軍妥籌接濟以收聚殲之效漳州東路有高連陞黃少春兩軍

聖學聖方略卷四

三

連日賊衆猛撲均經擊敗臣等現飭王德榜劉清亮等迅將漳北各賊掃除其漳南一路蘇軍已到十營十六日郭松林率洋槍隊助戰甚爲得力楊鼎勳一軍亦於十七日到廈足扼石碼海澄並截侍逆南竄漳浦之路臣等自當隨時商調慎以圖之此次各路官軍以寡勝衆實屬異常奮勇請將尤爲出力及陣亡各員弁先行

開列懇請分別獎卹其餘出力員弁甚多可否由臣存記彙案請保奏入

上命軍機大臣傳諭瑞麟左宗棠徐宗幹郭嵩燾孫長紱曰據左宗棠等奏漳州東路有高連陞黃少春兩軍連日將賊擊敗漳南一路有郭松林等軍扼截王開琳等軍嚴扼永定是東南北三面布置均尙周密惟西面之雲霄平和漳浦詔安等處賊

聖學聖方略卷四

三

氛甚熾左宗棠等亦慮及閩軍攻急該逆必以粵東爲退步徐逞其竄江下海之謀王開琳等現紮永定卽著飭令嚴防以遏奔竄婁雲慶一軍現在武平距粵較近正可移緩就急爲江西助粵之軍著孫長紱卽飭婁雲慶統帶所部迅速前進瑞麟郭嵩燾一面迎提相機調撥所有該軍餉需卽由江西廣東兩省源源接濟饒平大埔爲粵省衝要

之路方耀一軍已經調回本境粵邊防軍亦不爲
薄瑞麟郭嵩燾務當督飭李福泰等實力防守如
遇賊蹤竄近卽飭各軍迎頭截擊毋得專待客兵
永定一帶現有重兵屯紮江防尙可無虞惟汪逆
既有竄江之意孫長紱亦當先事防維現在漳州
之賊疊經官軍痛勦其勢漸蹙左宗棠等仍當督
飭高連陞王德榜劉典等軍乘勝進勦力拔漳城

欽定剿平粵匪方略卷四

三

並將雲霄平和等處次第蕩平毋稍延緩磔口銅
山均係海邊要口徐宗幹已調蕭瑞芳紅單船駛
赴磔口左宗棠又調吳全美拖罾等船駛赴銅山
卽著催令星速到防並飭該提督等嚴密梭巡不
得稍有疏失石碼海澄等處卽飭楊鼎勳嚴密扼
守以截侍逆南竄之路粵省之汕頭海口瑞麟等
亦當加意嚴防俾臻周密

上諭內閣曰此次官軍進勦髮逆李侍賢等股疊獲
大勝勦辦洵屬得手著左宗棠督飭各軍迅將漳
州等城克復殲除巨憝所有在事出力之知府魏
光邴著賞加道銜都司曹光德著以參將留於福
建補用通判龍朝翼著賞加知府銜都司張藝勝
著以遊擊補用守備李松林著以都司補用其餘
出力員弁著准其存記彙案請獎陣亡之擬保遊

欽定剿平粵匪方略卷四

三

擊銜花翎都司陳道政擬保都司銜守備羅福清
均著交部照擬保官階議卹

欽定剿平粵匪方略卷四百五 乙丑年

四月十八日 壬午 官文奏旨據總兵左光培副將

丁長春稟稱霆軍於三月二十八日行抵金口

不肯前進聲言欲回武漢滋事 臣當飭清勝四

營拔隊跟追並飛咨江西安徽湖南等省派兵

迎截該勇行走甚急四月初七日已至咸甯查

此項勇丁類多桀驁不馴之徒此次由江入川

聖諭軍機處

十一

中途忽萌異志不能不防其變 臣雖派有清勝

四營跟追仍慮兵力太單適成大吉統帶六營

到省當令迅即前進初八日飛虎四營趕到亦

令星夜繞前攔截儘該散勇等一經滋事即與

成大吉等兩面夾擊以期就地殄除如其開兵

追襲奔竄江省 臣亦令楚軍出境會合江皖派

山之兵併力兜剿其偏脅之衆陸續逃回者不

下二三千人 臣已設局招徠量程遠近酌給川

資分起護解回籍所有代理霆軍統帶官直隸

宣化鎮總兵宋國永甘肅涼州鎮總兵馮標於

霆軍潰散未能設法約束應請

旨將該二員撤去

記名提督即行革職仍飭往鮑超軍營效力贖罪其

首先煽眾潰散之參將歐陽輝遊擊羅三元都

聖諭軍機處

二

司李守澤李受春千總梅里光等請

旨先行革職 臣已派成大吉等各營追緝嚴拏務獲

就地正法以肅戎行奏入

上命軍機大臣傳諭官文曾國藩駱秉章喬松年李

鴻章鮑超石贊清孫長紱日總兵宋國永等統帶

鮑超舊部由江西行抵漢陽經官文派員護送前

進師次金口該勇丁等全行潰散覽奏實堪駭異

直隸宣化鎮總兵宋國永甘肅涼州鎮總兵馮標
於全軍潰散毫無約束實屬咎無可辭姑念從前
尚有戰功均著卽行革職並撤銷記名提督仍飭
前往鮑超軍營效力贖罪首先煽惑之參將歐陽
輝遊擊羅三元都司李守澤李受春千總梅里光
均著先行革職嚴拏務獲就地正法此起勇丁叛
卒降衆雜出其中雖投回有二三千人而結隊上

欽定剿平粵匪方略卷五

三

行者爲數尙多現由咸甯一路竄去行走甚急著
官文卽飛催成大吉等拔隊跟追繞前攔截如該
勇丁尙遵約束除將爲首之犯擒治外其餘脅從
卽著妥爲彈壓分別安插儻敢恃衆抗拒卽當就
地殲除毋令逸入鄰境其業經投回勇丁並著官
文分別遣散以息事端該勇丁等聞風急竄趨向
靡定江西安徽湖南等省路路可通著曾國藩孫

長紱喬松年李鴻章石贊清各派兵勇於湖北交
界地方探蹤攔截並飭各該地方官一體嚴防免
致蔓延爲患鮑超所部之勇旣多潰散是出關一
節勢難成行該提督於勦辦粵匪素著聲威現在
福建漳州之賊尙在負嵎並有西竄粵東之意前
已飭令婁雲慶等由武平赴粵援應若得鮑超前
往督帶必更得力著駱秉章傳知該提督趕緊起

欽定剿平粵匪方略卷五

四

程取道湖北一帶順便將已散勇丁招集申明紀
律統帶赴閩勦賊以贖前愆

二十三日丁亥曾國藩奏言查皖南鎮總兵唐義

訓回籍後舊病增劇迄今四月之久尙未來皖
銷假自未可仍飭回任應請

旨飭下兵部將唐義訓皖南鎮總兵開缺另行辦理
目下甯防僅劉松山一人徽防僅金國琛一人

而金國琛蒙

恩簡授鞏秦階道劉松山蒙

恩簡授肅州鎮總兵均奉

旨飭催赴甘 臣查福建李汪兩股悍黨尙多據探該

逆屢欲回竄江西皖南徽甯兩防不可懈弛所

有金國琛一員應請暫緩赴甘俟閩浙江皖軍

事大定徽州撤防再請飭赴新任至劉松山一

聖聖聖聖聖聖

五

員久駐甯國深得民心近署皖南鎮篆務整頓

營伍綽有條理 臣欲另派妥員接辦甯防一時

實難其選合無仰懇

天恩卽以劉松山調補皖南鎮總兵所遺甘肅肅州

鎮總兵一缺並請

旨另賜簡放以重職守奏入

上命軍機大臣傳諭曾國藩曰唐義訓帶病離營久

未到皖銷假卽著開皖南鎮總兵之缺所遺員缺

已將劉松山調補矣金國琛劉松山均係甘省實

任人員是以催令各赴本任現在汪李兩逆悍黨

尙多設回竄江境皖南徽甯之防關繫甚要金國

琛一員卽著暫緩赴甘俟閩省軍務底定皖防稍

鬆仍卽飭赴本任

二十六日

庚寅

左宗棠徐宗幹奏言劉典等軍由

聖聖聖聖聖聖

六

龍巖進剿奎洋獲勝後汪逆海洋仍率死黨屯

踞龍巖南靖永定交界之金豐苦竹梅林山城

場校上下奎洋一帶三月二十日康國器馳抵

龍巖撫溪親督知府康熊飛等分路前進行至

東安遇賊急擊擒斬共七十餘名茅畚踞逆傾

巢來援康熊飛等更番疊戰吳光亮詹惠從小

路抄出攻破山腰賊壘康熊飛等乘勢急進賊

悉棄壘狂竄立將茅畚賊壘三座踏毀適官軍
進徧漳州侍逆將上下奎洋各處山徑悉行掘
塞僅留由南靖赴漳郡一路十四日劉典率副
將張福齊等分路進剿該逆傾巢出拒張恆祥
張福齊親督各營衝殺攻破賊卡兩處見嶺巔
尙有二壘守賊約四五百人參將李大有等率
隊蹂援而上賊勢不支殺斃及墜崖死者無算

欽定剿平粵匪方略卷四十五

七

立將下奎洋賊壘五座賊館五十餘處賊卡十
餘處一律平毀殺賊二千餘名中奎洋踞逆來
援劉典飭參將陳集賢等由下奎洋轉戰而來
與劉大謨等三路進攻將賊擊敗乘勝追殺數
百名餘賊逃入對岸壘中官軍徧攻正急注逆
由梅林場校突出劉典督勇猛戰十餘合將賊
擊退上奎洋來援之賊亦爲楊芳桂所敗計共

斃賊二千餘名陣斬僞天將翟玉山陳光明及
曾姓等賊目數十名生擒老賊七十餘名其康
國器一軍進剿苦竹與賊遇於際下該逆不意
官軍驟至退入卡中吳光亮等併力圍攻立將
際下賊壘焚燬三路躡追適苦竹之賊率股前
來吳光亮等奮勇衝殺斬賊數百名賊即敗走
官軍追至苦竹羣賊退入山頂壘中吳光亮等

欽定剿平粵匪方略卷四十五

八

乘勢急攻山頂各逆不出康熙飛等行至大坪
遙見場校梅林援賊翻山竄至卽飭羅洪彪等
分路埋伏自率輕騎挑之賊入伏中兩路突起
奮擊斃三百餘名賊衆大潰後股援賊亦經官
軍擒斬多名劉清亮王德榜兩軍過河築壘復
將河邊悍賊殲斃無數查侍逆經官軍屢次痛
剿其伺隙狂竄固在意中漳州東北及正北一

帶兵力尙單臣宗棠以西路龍巖永定一帶屢獲勝仗汪逆勢難由此北竄現飭總兵劉明燧等五營取道省城由興泉口赴安溪邊界相機進剿臣宗棠卽帶親兵馳赴前途就近督辦其郭松林楊鼎勳所部本擬進攻漳浦因賊勢趨重漳州郭松林一軍抵廈門後分紮海澄鎮門與高連陞各營聯絡未便遽行他調現楊鼎勳

聖朝聖訓卷五

九

一軍亦至廈門而漳浦之賊又多折回漳郡蘇軍暫由漳南攻剿可斷漳州漳浦踞賊往來於局勢深有裨益此次尤爲出力及陣亡各員弁分別開列可否懇

恩給予獎卹奏入

上命軍機大臣傳諭瑞麟左宗棠徐宗幹郭嵩燾孫長紱曰逆首汪海洋盤踞龍巖南靖永定交界之

金豐等處經官軍分路進攻屢破茅畚寮下及下奎洋苦竹賊壘其漳州東北兩面撲營之賊復爲官軍擊退賊勢漸形窮蹙左宗棠以漳城東北一帶兵力尙單添調總兵劉明燧等由安溪邊界進剿該督亦帶親兵由省城趨赴前途督辦著卽親督各營將士將漳郡踞賊實力掃蕩郭松林楊鼎勳等軍與高連陞等各營聯絡聲勢當可斷賊竄

聖朝聖訓卷五

十

海之路惟賊情詭譎異常左宗棠須嚴檄郭松林等加意巡防漳浦之賊旣多轉入漳郡正可令郭松林等襲取漳浦以清漳郡南路此股逆匪俱係積年悍賊乘隙紛竄是其慣技左宗棠務當分兵布置四面圍剿將漳郡之賊就地殲盡毋令逸出鄰境又成燎原之勢漳州西路官軍雖屢獲勝仗而地廣兵單深虞旁竄左宗棠前調江軍援剿未

知曾否到防現在金豐及上中奎洋賊巢尙未盡
掃苦竹山頂尙爲賊踞卽著左宗棠等檄飭各軍
乘勝攻拔並著瑞麟郭嵩燾飭令李福泰方耀統
帶所部會合閩省西路各軍先將雲霄平和詔安
等處攻克斷賊西竄之路俾李汪等逆就地聚殲
現駐武平之婁雲慶一軍尙有萬餘人卽著孫長
紱仍遵前旨檄飭進赴粵境由瑞麟郭嵩燾迎提

欽定剿平粵匪方略卷四十五

十一

調撥迅克雲霄等處以固邊防汪逆屢有竄江之
意孫長紱務當嚴密布置毋令竄入本境

上諭內閣曰此次官軍分剿汪李等逆屢獲大勝剿
辦甚屬得力著卽督飭各軍乘勝奮擊迅掃賊氛
其尤爲出力之副將張福齊著賞給揚勇巴圖魯
名號候選道張恆祥著以道員留於福建補用並
賞加鹽運使銜知府康熊飛著賞加道銜其力戰

陣亡之擬保總兵遊擊鍾元興都司陳育訢擬保
都司周有元守備周振源陳士秀擬保守備銜千
總藍翎把總劉吉祥千總彭連陞王繼藩擬保千
總藍翎外委張桂松擬保把總鍾寶齡毛義方擬
保藍翎把總徐得勝擬保外委馬日友張元茂均
著各照擬保官階從優議卹

欽定剿平粵匪方略卷四十五

十二

叛在湖北咸甯縣地方搶掠與岳州府營稟報
相同查岳州緊接鄂界水陸交衝爲南北門戶
亟宜先事豫防該郡本有副將劉國斌所部水
師戰船分哨巡護平江團勇亦稱得力臣卽經
分飭防範一面檄令前雲南按察使趙煥聯抽
撥和字營勇一千餘名馳赴岳州鳳凰山駐紮
以資控扼奏入

上命軍機大臣傳諭官文李瀚章曰霆營前收降衆復叛在湖北咸甯縣地方劫掠勢甚猖獗是此起潰卒已有聚而難散之勢亟應乘其初起迅速撲滅官文前派追截之兵是否足敷分布著嚴飭派出將弁認真妥辦將爲首逆犯擒治設法分散餘黨岳州地控南北李瀚章已飭趙煥聯抽帶營勇馳赴岳州駐紮卽著督飭該臬司會同劉國斌等水師分巡控扼仍察看緩急隨時增兵助守毋稍疏虞

聖學聖略卷四十五

十一

聖學聖略卷四十五

十四

二十七日^{辛卯}護理江西巡撫布政使孫長紱奏言據湖廣督^臣官文飛咨霆軍各營勇丁行抵金口忽萌叛志聲稱赴江西安徽等處索餉已由金口起岸向咸甯汀泗橋一帶逃竄恐自通山竄往江西義甯已派馬步各營跟追^臣查咸甯地近興國通山而江西之義甯武甯等州縣又與興國毗連亟應嚴防^臣現飭令總兵萬泰率領弁兵七百餘名添調南湖營弁兵二百名並令總兵普承忠率領標各營弁兵一千餘名先赴義武扼堵並檄提督孫昌國率領礮船三十隻駛赴義武河而巡防仍分撥各營戰艇防守鄱湖堵其竄皖之路並令前任甘肅臬司劉于濬臬司席寶田帶兵取道贛州吉安臨江瑞州徑趨義甯一帶會同堵剿截其竄閩之路密致提督婁雲慶妥爲撫馭援閩霆字各營鎮定軍心勿爲奸徒煽惑至福建逆匪尙踞漳郡及南靖平和等處臬司王德榜約會高連陞等各軍進逼總兵王開琳截擊苦竹竄賊織斃二千餘人江蘇援師已抵廈門廣東潮郡亦防守

加嚴長圍之勢已成逆眾若圖竄江境則王開琳婁雲慶層層截擊勢難偷越儻自潮郡繞竄而來不但王開琳等可由大埔鎮平地勦即會昌長甯等縣亦有韓字平江銓字各營防守均堪遏擊是此時抽調精毅祥字二營於贛甯防務尙無妨礙

孫長紱又奏言查江省地方應以力防閩匪回

欽定剿平粵匪方略卷四十五

十五

竄爲第一要務他如籌辦善後整飭吏治亦屬刻不可緩况霆營叛勇近在楚疆江省西北又須籌備防堵沈葆楨現丁母憂蒙

恩賞假百日改爲署理當此防務喫緊之時可否

飭下撫臣沈葆楨不俟假滿迅速來江督同臣籌辦防勦以重地方之處出自

天恩奏入

上命軍機大臣傳諭左宗棠徐宗幹孫長紱曰霆營勇眾潰散孫長紱已派總兵萬泰等帶兵先扼義甯武甯並檄提督孫昌國率領礮船巡防義武河道又於鄱湖贛河分路布置截其竄皖竄閩之路所籌尙屬周妥第武義逼近興國通山難保該叛勇不乘虛急竄本日已傳諭鮑超飛速來楚招致此起叛勇管帶入閩勦賊究恐緩不濟急孫長紱

欽定剿平粵匪方略卷四十五

未

派出各軍務當檄令迅速到防遇賊即擊至接閩霆字各營尤應防其煽惑著左宗棠等飭令婁雲慶妥爲駕馭鎮定軍心閩省賊氛經各路官軍兜勦長圍之勢漸成左宗棠等務當嚴檄各軍合力勦洗毋令回竄鄰疆此時叛勇在楚江省籌防尤急沈葆楨撫江數載深得兵民之心自應迅速回江籌辦防勦事宜著左宗棠徐宗幹傳知沈葆楨

毋庸俟百日假滿卽行前赴江西視事以副厚望
上又命軍機大臣傳諭駱秉章鮑超曰前因官文奏
稱霆營勇衆行至湖北金口地方潰散竄往咸甯
當諭駱秉章傳知鮑超趕赴湖北招集散勇統帶
赴閩剿賊毋庸出關近日疊據李瀚章孫長紱奏
報霆營降衆復叛在湖北咸甯地方劫掠聲稱赴
江索餉實欲赴閩投賊並勾結援閩霆軍是該叛

聖朝聖略卷四十五

七

勇逆跡昭彰亟應趕緊籌辦此股叛黨係屬鮑超
舊部該提督雖已先行回川究不能辭其責湖北
湖南江西等省前派成大吉等軍分路扼截難保
該叛勇不恃衆抗拒鮑超統領霆營素爲勇丁所
懾服卽著駱秉章傳知該提督懍遵前旨馳赴湖
北咸甯一帶會同成大吉等軍協力兜拏其自拔
來歸者卽著分別招集與前次投回勇丁或酌留

管帶赴閩或資遣回籍均由鮑超相機妥辦鮑超
俟辦理叛勇事竣卽著督軍入閩毋稍延緩婁雲
慶等軍由武平赴粵援應並著該提督飛速知照
婁雲慶嚴密防範毋令所帶勇丁爲叛勇煽惑勾
結以杜亂萌

三十日 甲午 瑞麟郭嵩燾奏言三月初六日閩省

詔安城池被賊攻破當卽飭令參將林保等各

聖朝聖略卷四十五

八

率所部攻剿又因賊匪繞陷詔城與粵軍聲勢
隔絕將全軍撤回黃岡駐紮蟒蛇嶺湖坑等處
隘口以扼由柘林入黃之路初九日詔城逆匪
往撲章朗鄉鄧安邦等分路抄擊殲斃數十名
十五日黃朝恩督率方文方吉等軍分路前進
直抵龍岔賊匪衝出接仗我軍奮勇追剿至詔
安城下殺賊無數十九日復集諸軍協力猛攻

賊衆披靡悉退入城臣查賊勢趨併漳州一帶南靖漳浦雲霄平和各城皆偏近粵邊詔安失陷以後潮州防務尤緊而漳州大股賊匪尙與官軍相持濂逆盤踞苦竹將陽等處近聞赴漳乞援移紮洪坑李侍賢分撥僞西王悍匪二三十萬人進駐平和屬之羅溪直逼金豐鄉饒平大埔兩城均形喫緊潮屬邊防本分南北兩路李

聖聖聖

九

福泰陸續添募三萬餘人分防各隘口兵力猶嫌單薄臣等屢催卓興一軍抵省雇船由海道前赴潮州一面札飭李福泰將各軍挑選精銳酌量歸併約分三路饒平柏嵩關爲中路正當漳州之衝必將大軍駐紮大埔界內至楓朗爲北路以當濂逆大股老虎關以南爲南路以當詔安雲霄各股責成卓興翟國彥方耀三軍各

當一路其餘各起勇目挑選得力之軍分隸三營以厚兵力其水路則澄海縣屬之南港北港由海直趨潮郡大埔縣屬之三河壩南趨潮郡西連嘉應均經李福泰調派緝私巡船並雇募船隻分別駐守但使該逆不遽闖入粵境俟卓興一軍到防歸併各軍擇要穩紮當與閩軍會殲此匪以靖海疆奏入

聖聖聖

五

上命軍機大臣傳諭瑞麟左宗棠徐宗幹郭嵩燾曰福建賊匪自攻陷詔安偏近粵境經李福泰督率總兵黃朝恩等分路進剿追至詔安城下殺賊無數現在濂逆盤踞苦竹將陽等處並分黨進駐羅溪直逼金豐鄉饒平大埔兩城勢均喫緊李福泰現擬兵分三路責成卓興等防守柏嵩關楓朗老虎關等處卽著瑞麟郭嵩燾迅催卓興馳赴潮防

與翟國彥方耀聯絡聲勢互相策應粵省邊防既固婁雲慶一軍即可為游擊之師仍著催提前進視賊勢趨重何處即飭迎頭截擊遏其西竄之路詔安雲霄平和等城均與粵省毗連瑞麟郭嵩燾仍當督飭李福泰等酌度情形如兵力有餘即行分軍越勦相機規復不得以株守本境為事閩省防兵尚厚左宗棠前調劉明燈等馳赴安溪該督

聖朝聖訓卷五

三

督帶親兵由省進勦諒已星速前進著即督飭諸軍實力痛勦惟該逆被官軍兜圍勢必急思挺走一經竄入他處又成不了之局正宜乘賊未動之際一面嚴飭各軍圍逼漳郡牽綴賊勢一面將平和雲霄詔安等城設法規復翦其羽翼然後將漳州之賊合力兜勦必可聚而殲旃均著左宗棠徐宗幹妥籌辦理

欽定勦平粵匪方略卷四百六 乙丑年

五月初一日 乙未 孫長絨奏言霆營叛勇於四月

初十日竄至崇陽旋竄通城義甯十七日已至新昌縣境圖由袁吉等郡竄閩席寶田所部已自石城起程當檄令會合普承忠等各營沿途探擊飭令劉于濤督飭水師嚴防贛河探聞接閩霆營因米糧缺乏忽於四月初九日夜間鼓

聖朝聖訓卷六

一

謀搶劫臣以西征一軍業已變叛誠恐援閩一軍意在效尤當函商曾國藩彭玉麟派兵來江協力籌防續探援閩霆營業經婁雲慶撫定因轉運不易現已拔營回江擬由省局寬籌銀米解往接濟令其駐守白埠不得退回腹地查霆營人數眾多全仗鮑超約束得宜用能衆心帖服合無仰懇

天恩飭令鮑超暫緩赴甘星馳來江將婁雲慶所統
霆營選帶西征餘皆遣散回籍江閩等省亦可
消患未萌奏入

上命軍機大臣傳諭官文左宗棠駱秉章鮑超孫長
紱曰霆營叛勇已至新昌圖由袁吉竄閩著孫長
紱飭令普承忠等乘其喘息未定併力迎擊並飭
劉于濬督飭水師嚴防贛河勿任偷渡左宗棠亦

欽定剿平粵匪方略

二

當豫籌布置毋令此起彼卒由江入閩致滋蔓延
接閩霆營因米糧缺乏譁譟劫餉雖經婁雲慶卽
時撫定若非江省迅籌接濟亦無以救定軍心孫
長紱當督飭省局寬籌銀米陸續接濟現在咸甯
叛卒一意南趨婁雲慶所部各營退駐會昌白埠
地方著駱秉章傳知鮑超剋日馳赴鄂省探明潰
勇趨向分別招集遣散並迅赴江西統領婁雲慶

所部霆營入閩會剿力贖前愆至鮑超帶兵出關
剿賊之命疊經有旨停止孫長紱可卽傳知婁雲
慶宣布各營俾軍心得以綏定不致別滋事端官
文前派成大吉等進剿潰勇此時該勇已竄江境
並著督飭成大吉等越境跟追會合江省官兵前
後夾擊毋得稍分畛域現在湖北境內是否尙有
叛勇滋擾並著查明具奏

欽定剿平粵匪方略

三

十二日丙午李鴻章奏言接閩蘇軍自擊敗赤嶺
援賊後四月初十日郭松林所部由漳州城南
進紮東山城中悍逆悉數出撲楊鼎勳派隊鏖
戰獲勝城逆不敢復出東山在漳州城南十里
係通漳浦大路郭松林以八營扼之又十里爲
鎮門係東山海澄石碼適中之地楊鼎勳以五
營扼之海澄縣爲兩軍後路有山徑可通漳浦

復派三營分布防賊抄擊適獲賊書知侍逆求
救於濂逆約由龍巖漳平來援時總兵劉連捷
臬司王德榜各軍皆在西北提督高連陞黃少
春等軍在東路自蘇軍扼紮東山南路已斷惟
北路之樓內寨烏頭門及東路教子橋東岳廟
等處該逆築壘數十座皆有悍逆主之以爲犄
角郭松林豫派各營由石亭仔小浦南前進使

聖朝聖略卷四

四

賊首尾莫顧復挑槍隊五百名會同勦字五營
五成隊親督至翰林洲地方駐宿是夜直抵烏
頭門左偏適東路高連陞等之軍亦至楊鼎勳
卽派副將張遵道提督黃中元直搗賊前總兵
王萬釗等出通城大路掩襲賊後郭松林派總
兵宋德鴻等從旁夾擊該逆面而受敵仍死拒
不退我軍愈攻愈猛將侍逆之叔僞老王宗主

營踏破餘賊俱潰郭松林楊鼎勳揮軍截殺斃
賊極多其樓內寨之賊亦驚潰敗遁悉向南靖
紛竄各營追剿數里會同高連陞等軍折回東
南將東關外教子橋東岳廟及附近南門新橋
各賊壘一律蕩平維時郭松林所派之提督易
用剛總兵李長樂等乘勝直抵城根楊鼎勳又
飛調總兵高占彪副將朱興榮等及該處之紳

聖朝聖略卷四

幸

練礮船水陸齊攻倭賊益急各軍乘勢登城侍
逆潛開西門而遁遂於四月二十一日夜克復
漳州府城郭松林楊鼎勳隨派各營疾趨漳浦
沿海兜剿並規復漳浦雲霄詔安各城此次蘇
軍遠涉重洋連番血戰迅拔堅城實爲奮勇所
有出力陣亡各員弁謹分別開列懇請獎卹奏

八

上諭曰著俟左宗棠奏到時再降諭旨

十三日丁未左宗棠徐宗幹奏言漳州踞逆勢尙

負嶠連日郭松林楊鼎勳等軍偪紮漳南大獲
勝仗其王德榜一軍扼紮漳北擊退撲營悍賊
擒斬甚多李逆侍賢經官軍疊次擊敗勢日窮
蹙圖由漳北小路繞犯安溪以抄官軍後路其
計未成又圖勾結同安土匪內訌滋事經郭松

聖軍方略卷四十六

六

林等將各鄉匪巢洗蕩其灣泊海面匪船百餘
隻亦經候選知府葉文瀾焚燬狡謀益無所施
現汪逆亦由奎洋敗竄梅林各逆屬聚一隅其
勢斷難久踞必仍思乘閒突出爲苟延殘喘之
計漳州東南兩路局勢漸臻穩固東北一路兵
力稍單臣等已飭福甯鎮總兵劉明燈等五營
馳赴安溪華封一帶防剿當可與劉清亮王德

榜兩軍就近聯絡惟西路及西南一路遠防之

師有王開琳湘營七千餘人駐紮永定廣東方
耀等軍駐紮饒平大埔近剿之師則必須俟龍
巖永定邊界肅清南靖攻克始可移軍進偪臣
宗棠卽出省親赴泉州一帶相機督剿以冀迅
掃餘氛奏入

聖軍方略卷四十六

七

上命軍機大臣傳諭左宗棠徐宗幹曰昨據李鴻章
奏援閩蘇軍會合浙軍分路進偪於四月二十一
日克復漳州府城此次左宗棠等所奏尙是漳州
未克以前攻剿情形諒已續有奏報漳州之賊經
官軍分路兜擊朝廷早慮其乘閒奔逃李鴻章摺
內有侍逆潛開西門而遁之語是漳州雖經克復
而渠魁仍未授首必將與汪逆合謀復逞現在東
南兩路局勢旣尙穩固東北一路亦有劉明燈等

聯絡扼守而西面之漳浦雲霄詔安平和等城均
為賊踞該逆必思由此路竄走已無疑義粵省饒
平大埔一帶雖有方耀等軍防守尙恐兵力不敷
分布左宗棠等仍當分撥勁旅繞赴西路會同粵
軍迎頭攔擊杜其竄越之路永定一帶王開琳
所部七千餘人防守自尙周密惟婁雲慶一軍業
因索餉譁諫旋經折回江西是上杭武平一路未

聖朝聖考卷四十六

八

免空虛著左宗棠酌量分兵聯絡王開琳一軍嚴
密布置毋令賊蹤偷越總須將此股賊匪就地殲
除不得以驅賊出境為了事仍一面飛咨廣東江
西督撫嚴飭派出防軍實力遏截毋稍鬆勁

十五日 己酉 李鴻章奏言查閩賊李侍賢汪海洋

兩股人數尙眾現分竄粵東邊界並有另股由
福建永定上杭回竄江西之謠鮑超霆營潰勇

已竄至義甯新昌境內難保不勾結賊股乘虛
內犯江楚邊界須有重兵堵剿若稍大意縱令
該逆由建昌廣信邊境舊路竄入皖南則蘇浙
餉源重地防不勝防 臣擬俟潘鼎新拔營事宜
部置略定即交卸撫篆起程出江陰口乘輪船
馳赴金陵會國藩欲俟 臣到江甯始克放心啟
行亦為慎重南路大局起見蘇松防務擬派翰

聖朝聖考卷四十六

九

林院侍講學士劉秉璋統所部水陸十二營並
鼎字水師一營會同江南提督 臣李朝斌護撫
臣劉卹膏妥為籌辦 臣即調副將張紹棠暨羅
榮光劉玉龍各隊赴江甯接防改派南鎮鎮總
兵王永勝十營移紮東壩建平一帶並遵

旨飭令皖南防軍認真扼堵毋任敗匪內竄但徽甯
江浙交界徑路紛歧防軍無多戰守殊無把握

不若厚集兵力在江西建昌贛甯一帶嚴扼境
勦勿使一賊內窺腹地則蘇浙後路自可無虞
查漳州克復所有漳浦南靖平和雲霄各城斷
難久踞閩事當大有轉機該省主客各軍近四
萬人似應酌調出省兼顧江西左宗棠洞悉賊
情素顧大局可否請

欽定剿平粵匪方略卷四十六

十一

旨飭下該督迅撥健將勁兵繞出江西邊界以資控
勦至前派援閩之提督郭松林楊鼎勳兩軍應
令由閩繞赴江西湖南邊境相機迎堵兼爲江
蘇遠固門戶該軍與蘇省隔絕行蹤莫定籌濟
爲難已函商湖南撫臣李瀚章如該軍將抵楚
境酌量解濟餉需並妥爲調度以期得力奏入
上命軍機大臣傳諭左宗棠李鴻章孫長紱曰閩賊
李汪兩逆人數衆多現分竄粵東邊界並有另股

由福建永定上杭回竄江西之謠難保不勾結
營潰勇乘虛內犯江楚邊界須有重兵堵勦儘該
逆或由建昌廣信一帶舊路竄入皖南則蘇浙餉
源重地防不勝防現在漳州克復其漳浦南靖平
和雲霄各城該逆亦斷難久踞勢必西竄江境希
圖苟延且霆營潰勇尙在銅鼓營一帶會昌縣駐
紮之婁雲慶一軍前亦索餉思潰雖經孫長紱籌

欽定剿平粵匪方略卷四十六

十二

解銀米勉強拊循此軍究未可深恃目下江省防
務最關緊要左宗棠洞悉賊情素顧大局著卽迅
撥得力勁兵繞出江西邊界合力兜圍務將李汪
逆股就地殲除毋令闖入鄰疆李鴻章派援閩省
之郭松林楊鼎勳兩軍並著左宗棠飭赴江西湖
南邊境以備迎勦而固腹地門戶李瀚章所調之
趙煥聯等計已到防卽著嚴飭該員會同江軍將

銅鼓營一帶叛勇殄除淨盡仍隨時確探聞賊消息嚴密防範孫長紱亦卽督飭諸軍迅將寔營叛勇剋日剿除廓清腹地仍選派勁旅協同左宗棠派出之軍併力嚴防聞賊西竄毋稍遲延

十八日壬子左宗棠徐宗幹奏言漳州踞逆經官

軍屢次擊敗後四月二十日王德榜劉清亮會同郭松林楊鼎勳等軍進攻北路烏頭門先將

聖學聖略卷四十六

十三

壘外花椿木城拔取殆盡賊猶死拒高連陞所部守備何世載首先攻破一壘各壘之賊羣相駭愕官軍乘勢齊上立將賊壘十四座次第攻克殺賊萬餘名餘逆悉向南靖逃竄王德榜追至天寶寨該處踞逆亦聞風潰竄時高連陞黃少春等所部遙見烏頭門一帶煙燄蔽天卽各率隊肉薄寨垣蟻附而上逆衆敗潰官軍追至

聖學聖略卷四十六

十三

東關將附城各賊壘焚燒餘匪棄壘望城而竄高連陞黃少春率各營躡蹤追殺奪門而入署水師提督曾玉明率臺勇亦將石亭賊卡攻破由南門殺入侍逆率其死黨由西門逃竄當於二十一日亥刻將漳州府攻克劉清亮見高連陞黃少春兩軍進攻東門慮賊由南靖竄走當率所部由北門繞赴西路截擊斃賊千餘名生擒偽朝將偽天義等賊目數十名王德榜又率各營於南靖大路河邊截之殺賊四五千名溺斃不計其數其康國器一軍將陳東坑竄賊擊敗後劉典復於初十十一等日飭各營將奎洋梅林等賊壘掃蕩斬悍賊近千拔出難民數千汪逆遂折向大埔一路逃竄劉典移軍進攻南靖適漳州已復王德榜率軍追至距城五里地

方見該逆正與劉典一軍接戰王德榜卽麾隊
猛進該逆爲敗賊牽動勢不能支紛紛奪路狂
竄劉典王德榜各軍衝殺而入二十二日立將
南靖縣城攻克餘賊分數路而遁此次攻克府
縣兩城破賊壘三十餘座賊目伏誅者必多侍
逆由南靖鼠竄未卜能否成擒 臣等惟督飭諸
軍盡力追剿斷不敢爲畫疆自守之計現在蘇

欽定剿平粵匪方略卷四十六

十四

軍由漳州進攻漳浦以達雲霄詔安與粵東黃
岡守軍聯絡可杜該逆入海之謀浙軍由南靖
漳州追賊以向平和可與粵東饒平守軍聯絡
其緊連粵東大埔一帶則總兵王開琳延建邵
道康國器及都司關鎮邦各軍扼永定之撫溪
湖雷及上杭等處查汀州至潮州一水可通溪
溜湍急粵軍若能憑河遏截則待凍兩逆圖竄

亦難 臣宗棠卽由興化赴漳察看賊蹤趨向督
率各軍相機追剿務期迅掃餘氛此次各軍異
常奮勇除江蘇援軍郭松林楊鼎勳兩營應由
江蘇撫 臣奏報外其餘尤爲出力及陣亡各員
弁謹先行開列奏請分別獎卹

欽定剿平粵匪方略卷四十六

十五

左宗棠又奏言李侍賢汪海洋上年由江西竄
粵由粵東竄閩其時江西追兵不入粵粵東追
兵不入閩逆賊得以壹意狂奔闖入閩境腹地
而江西粵東專顧本省藩籬仍屯兵邊界 臣宗
棠於兩省援閩之兵並未嘗調其深入也計江
西兵之援閩者僅王文瑞新湘營四千本係 臣
宗棠舊部而食江西之餉此外食江西餉者惟
王德榜所部長左營合計不過五千五百人而
新湘營現在仍隨王開琳老湘全軍分扼永定

上杭冀其能固守江西藩籬已為幸事至論閩
之用兵則由內而外由東北而西南實局勢自
然之理必得本省腹地漸清方可與鄰省共謀
夾擊之效

左宗棠又奏言據延建邵道康國器稟稱四月
初十日知府康熊飛參將詹惠等進剿苦竹將
附近賊壘賊館悉行踏毀汪逆海洋親率悍黨

聖朝聖略卷六

七

數千由大溪馳援適與康熊飛詹惠等遇於東
坑官軍奮勇直前該逆亦拚死格鬪康熊飛飭
哨弁陳羅魁率隊從山後繞出奪據嶺巔賊眾
譁潰官軍一擁齊上殺斃及墮崖死者無算餘
逆退踞湖坑大溪一帶十四日康國器飭各軍
分路追剿將湖坑大溪賊壘掃除直抵大埔所
轄三角塘太平寨始收隊還計是役共斃賊一

千餘名生擒百餘名拔出難民三千餘查該逆
竄踞苦竹奎洋一帶與南靖漳州互相犄角茲
幸先將苦竹等處賊壘掃蕩所有最為出力之
帶勇文武從前克復龍巖州城未及隨摺請獎
茲復攻破賊巢補行開列懇請獎勵奏入

上命軍機大臣傳諭瑞麟左宗棠徐宗幹郭嵩燾孫
長紱曰現在官軍收復漳州南靖府縣兩城及攻

聖朝聖略卷六

七

克苦竹等處賊壘侍逆由南靖鼠竄已否成擒仍
著左宗棠查明具奏漳州南靖克後該逆分路逃
逸必將圖竄粵東現在蘇軍由漳州進攻漳浦以
達雲霄詔安與粵東黃岡等軍聯絡浙軍由南靖
漳州追賊以向平和與粵東饒平守軍聯絡自不
難乘此聲威掃蕩而前左宗棠現赴漳城著即督
飭諸軍乘勝兜剿如侍逆業經挺走務當盡力追

躡一鼓殄除其王開琳康國器各軍扼守永定上杭一帶並著飭令將大埔等處之賊嚴密截剿斷汪侍兩逆合併之路此時閩省腹地漸清左宗棠素能不分畛域必能與粵東官軍共謀夾擊不至貽患鄰封廣東方耀李福泰等軍均已調回本境此時賊勢西竄潮州大埔之防極爲緊要瑞麟郭嵩燾務飭防邊諸軍嚴陣以待賊蹤竄及卽與閩

欽定剿平粵匪方略卷六

六

省官軍聯絡截剿毋得任令闖入滋蔓賊不得逞志於粵恐尋熟路復趨江西王文瑞等軍分扼永定上杭諒能固守江西藩籬仍著孫長絨將毗連閩粵邊界層層布置無少疏虞左宗棠仍懷遵十五日寄諭揀派勁兵繞出江西邊境合力兜圍以免旁竄其郭松林楊鼎勳兩軍前據李鴻章奏請飭令駐紮江西湖南邊境以備迎剿而固腹地門

戶現在該軍進趨漳霄一路能否調赴江楚邊境或另派一軍前往顧全腹地之處著左宗棠就近斟酌妥爲調派

上諭內閣曰前據李鴻章奏援閩官軍會克漳州府城本日左宗棠等奏官軍攻克漳州南靖兩城與李鴻章所奏大略相同著左宗棠李鴻章等督飭諸軍盡力搜剿殲擒巨逆左宗棠摺內請獎尤爲

欽定剿平粵匪方略卷六

九

出力之署浙江提督高連陞署福建陸路提督郭松林著各賞給白玉四喜徽指一箇白玉翎管一枝大荷包一對小荷包二箇火鐮一把記名提督黃少春楊鼎勳均著遇有提督缺出儘先提奏並交部從優議敘劉清亮著賞給該員三代從一品封典福建按察使王德榜著賞換達冲阿巴圖魯名號知府魏光邴著以道員留於福建浙江遇缺

提奏副將丁賢發著以總兵留於福建浙江補用
參將曹光德著以副將留於福建浙江補用並賞
加總兵銜遊擊張志公著以副將留於浙江遇缺
卽補參將黃北海著賞給剛勇巴圖魯名號守備
何世載著以參將補用並賞戴花翎守備朱體盛
程學明均著以遊擊留於福建浙江補用軍功錢
桂仁著以都司留於福建浙江卽補並賞加遊擊

聖朝聖略卷四十六

三

銜總兵劉端冕著賞給該員三代二品封典副將
周紹濂著以總兵留於福建浙江補用都司李春
華著以參將留於浙江補用副將李運榮著以總
兵留於福建浙江補用參將向正泰著以副將留
於福建補用遊擊李世祥著賞加副將銜守備孫
永忠著以遊擊留於福建補用康國器所部前克
龍巖州此次攻拔苦竹等處賊壘尤爲出力之知

府康熊飛著賞給強勇巴圖魯名號副將吳光亮
著以總兵留於福建補用參將林本著以副將留
於福建遇缺卽補遊擊羅洪標著以參將留於福
建補用熊應烈林檳均著以參將留於福建卽補
參將詹惠林福喜均著以副將留於福建遇缺卽
補李鴻章摺內請獎尤爲出力之提督黃中元著
遇有提督缺出儘先提奏並交部從優議敘總兵

聖朝聖略卷四十六

三

高占彪曹仁美均著以提督記名簡放王萬釗等
五員均著賞加提督銜副將張遵道著免補副將
以總兵記名簡放洪寶林著賞給勝勇巴圖魯名
號王興明著賞給壯勇巴圖魯名號王德駿著賞
給利勇巴圖魯名號朱興榮著賞給烈勇巴圖魯
名號遊擊馬宗駿著免補參將以副將仍留四川
儘先推補並賞給堅勇巴圖魯名號已革道員段

詰著開復原官仍留廣東儘先補用並免繳捐復
銀兩知府葉文瀾著賞加鹽運使銜補用同知直
隸州知州楊嘉善著賞給豪勇巴圖魯名號選用
同知直隸州知州包國挺著賞換花翎並賞給三
品封典道員丁日昌著賞加三品頂戴並賞給該
員三代封典至力戰陣亡之參將鄭金麟都司擬
保遊擊張大勝守備周有泉均著交部照陣亡例

欽定剿平粵匪方略卷六

三

從優議卹五品軍功李金信著交部照守備例議
卹其餘出力員弁兵勇著左宗棠李鴻章等查明
彙案請獎

十九日癸丑孫長紱奏言霆營叛勇脅從愈衆多
至萬人四月二十六日直撲袁州府城知府朱
振棻等率領兵勇登城守禦轟斃叛勇六七十
人二十七日復分三路攻城朱振棻等激勵員

弁士卒分投堵禦又令江清等率勇出城抄襲
其後該叛勇撤隊回救我軍乘勝衝殺斃五
百餘人悉由萍鄉竄逸城圍遂解查萍鄉毗連
吉安府屬安福蓮花二廳縣該叛勇志在赴閩
投賊必由吉贛以竄粵閩臣前調臬司席寶田
參將劉勝祥兩營據報已赴蓮花安福迎頭堵
截護理贛州鎮總兵普承忠九江鎮總兵黃開

欽定剿平粵匪方略卷六

三

榜所部兵勇亦已由瑞臨二郡馳赴萍鄉兜剿
湖廣督臣官文所派提督成大吉等各軍現自
袁郡前進朱振棻復調到分宜萬載紳團與郡
城團勇馳往夾擊以期盡殲羣醜至提督婁雲
慶所帶霆營由閩赴贛經吉南贛甯道王文瑞
等發餉銀七萬四千餘兩軍心已定臣當卽咨
照婁雲慶力圖整頓以期仍資捍禦又據王文

瑞稟稱閩省金豐地方踞匪汪海洋等圖竄大埔因粵防嚴密未能得逞四月二十一日回竄永定與李侍賢等股合圍駐防永城之老湘營已歷七八日城內糧米缺乏外無援師其分紮離城二十里之湘軍八營亦被該逆圍撲情形危急王文瑞現與婁雲慶商定選派霆營奮勇大隊馳赴永定解圍以固江省門戶惟婁雲慶

聖朝軍略卷四十六

五

一軍祇能堵截贛州一面甯都勢難兼顧撫建甯三府州均屬空虛臣已飭前任甘肅臬司劉于潯水陸各軍先赴撫建巡防並令席寶田等將叛勇撲滅率勇馳回瑞金防守飛咨閩浙督臣左宗棠速派勁旅分赴永定上杭救援截擊並准督臣曾國藩咨以叛勇竄江恐與贛郡霆營勾結為害飛調藩司劉連捷永州鎮總兵朱

聖朝軍略卷四十六

五

南桂等軍共萬餘人馳赴瑞州臨江防剿咨會兵部右侍郎臣彭玉麟派撥外江水師巡防鄧湖以上水陸各軍到江亦可藉資戰守奏入上命軍機大臣傳諭瑞麟左宗棠徐宗幹郭嵩燾孫長紱曰霆營叛勇攻撲袁州府城經官軍擊敗由萍鄉竄逸該逆裹脅已至萬人若由吉贛以趨閩粵恐與閩賊勾為一氣勦辦更為棘手著孫長紱督飭派出之席寶田等軍會合成大吉等協力兜剿婁雲慶所帶霆軍由閩退回經王文瑞等接濟餉糈始行撫定而汪海洋等逆復回竄永定與李侍賢等股合圍老湘營城內米糧缺乏外無援師其分紮城外之湘軍八營亦被圍撲情形喫緊婁雲慶赴援之軍能否得手尙無把握該逆擁眾西趨則由閩竄江又將不可收拾著左宗棠迅飭

漳州得勝之師馳赴永定上杭救援截擊力解城圍仍遵昨日諭旨繞赴江西邊境盡力兜圍毋任擾及完善孫長紱並飭席寶田迅將叛勇撲滅回紮瑞金一帶以資扼守撫建防兵關繫至要並飭劉于濬水陸各軍嚴密布置其曾國藩派往江西之劉連捷等軍並即趕緊迎提藉資戰守賊既由大埔回竄粵東方耀等軍能否分援永定以勦爲

欽定剿平粵匪方略卷四十六

五

防著瑞麟郭嵩燾妥籌調度仍當慎固封守方爲妥善

二十一日乙卯李鴻章奏言郭松林楊鼎勳兩軍

馳抵漳浦之博孝嶺該處適有賊卡正當衝途各營併力破之即乘勝直逼城下雲霄援賊大至城逆亦開門出應郭松林等派四成隊守營以六成接仗布置方定賊已大至郭松林等即

派周河清易用剛朱興榮等分路進剿該逆蒼黃失措遂由南門出竄經我軍追擊殺斃數千人餘賊向雲霄遁去遂於五月二十七日克復漳浦縣城續據馳報雲霄賊亦於二十七日竄去其南靖踞賊先於二十二日經楚軍擊遁近聞詔安已復敗賊由閩粵邊界竄入江西贛州日內當有確報郭松林楊鼎勳二軍前經奏

欽定剿平粵匪方略卷四十六

五

請繞赴江西湖南邊境迎堵實於大局有裨已飛催該提督等相機前進奏入

上命軍機大臣傳諭左宗棠李鴻章徐宗幹劉坤一孫長紱曰漳浦縣城既經郭松林楊鼎勳等督兵攻克逆勢益衰勦辦較易得手惟該逆窮而思竄勢必折趨鄰省另圖生計現既有竄擾江西之信則甯都瑞金一帶防務最關緊要孫長紱務當飭

令婁雲慶一軍嚴扼本境毋令賊蹤關入左宗棠素顧大局自應派兵四面兜剿就地殲除不得畫疆自守如賊蹤已入江西卽著親督全軍越境窮追務期與孫長絨派出各軍會合夾擊總當殄滅淨盡不可稍分畛域致令垂燼餘匪又成燎原之勢徐宗幹亦當督飭地方文武聯絡紳團以助兵力所不及本日已明降諭旨令劉坤一補授江西

聖朝聖方略卷百六

天

巡撫現值該省防勦喫緊之際該撫卽著速赴新任俟抵江西後卽督飭將士嚴密布置以期速殄賊氛郭松林楊鼎勳兩軍卽著左宗棠李鴻章迅飭繞赴江西楚南邊界杜截竄擾湘省之路

二十四日 戊午 瑞麟郭嵩燾奏言濼逆大股屯踞

距大埔城八十里當經飛飭副將方耀遊擊鄭紹忠等分兩路迎勦賊衆前敵俱薙髮穿忠勇

二字號衣欲潛入鄭營以襲鄭軍鄭紹忠知其假冒官軍卽派徐桂祖等三隊向前衝殺自督馬隊並鄭閏材等折回迎擊槍斃賊目甚多賊遂由演上演下竄去鄭軍乃得與方軍會合齊抵五通廟知賊北遁遂抽派勁旅協守五通廟營盤正擬前進偽濼王偽東平王復率大隊來撲我軍槍聲颺發擊斃悍賊千計方隘方恭等

聖朝聖方略卷百六

天

復分路邀擊匪衆死傷如積猶併力抗拒並分股繞山黃沙下馬湖僻路突薄縣城被營弁劉順昌擊退逆衆乃紛竄三層嶺等處屯紮濼逆退紮忠坑此次方耀鄭紹忠兩軍扼守大埔力拒濼逆十餘萬之衆屢挫賊勢使不得長驅直入 臣等未敢沒其微勞合無仰懇

天恩可否將副將方耀交軍機處記名遇有總兵缺

出請

旨簡放候補都司鄭紹忠免補都司以遊擊留粵儘先補用其餘在事出力員弁由臣等查明保奏以昭激勸出自

逾格鴻施奏入

上諭內閣曰此次逆首汪海洋分股竄偏大埔經副將方耀等接仗獲勝勦辦尚爲得手著瑞麟等仍

欽定剿平粵匪方略卷六

三

飭方耀等督率兵勇實力堵勦務將此股賊匪悉數殄除毋留餘孽所有出力之副將方耀著交軍機處記名遇有總兵缺出請旨簡放都司鄭紹忠著免補都司以遊擊留於廣東儘先補用其餘在事出力員弁著瑞麟等擇尤保奏毋許冒濫

同日左宗棠徐宗幹奏言侍逆由漳州南靖敗竄與先踞小溪漳浦詔安各股逆黨俱至平和

會合意圖覓路他竄二十七日高連陞黃少春劉端冕等分路追勦侍逆等共挑死黨數萬迎敵高連陞黃少春劉清亮各飭所部分路猛撲往來衝擊三十餘次賊仍拌命相持高連陞等各率親兵急從山頂繞出賊後擊之賊大奔潰追至城邊侍逆又令城逆開礮助勢官軍轉戰而前無不以一當十侍逆蒼黃失措繞城而走

欽定剿平粵匪方略卷六

三

城逆亦急開西門狂竄高連陞等率各營衝殺入城斃賊數千當將平和縣城克復侍逆亦身受重創各營躡追二十餘里直至廣東大埔所轄赤石地方始行收隊計是役共斃賊萬餘名生擒三十餘名其郭松林楊鼎勳兩軍直抵漳浦城外先將附城賊壘一律掃平緊偏城下賊衆悉退入城內閉門死拒我軍卽就東西北三

門分道環攻羣逆驚駭力不能支由南門奪路竄走郭松林楊鼎勳督隊分門殺入當將漳浦縣城攻克其雲霄踞逆知漳浦克復其勢已孤已革總兵吳鴻源復駕輪船駛赴白塔內港正擬攻勦詎該逆於二十七日已由南門向平和一路竄走吳鴻源等當將雲霄廳城收復所有此次在事出力員弁可否歸入克復漳州案內

聖朝聖略卷六

三

擇尤彙獎山自

天恩奏入

上諭內閣曰此次官軍追剿竄賊連克平和漳浦雲霄各城剿辦甚為得力即著左宗棠等嚴飭各軍將逃竄各匪奮力搜剿毋留餘孽所有克復平和漳浦雲霄出力員弁著准其彙入漳州案內擇尤保奏

二十六日庚申瑞麟郭嵩燾奏言查汪海洋一股疊經方耀鄭紹忠等軍邀擊繞出大埔以北關入永定上杭縣各屬李侍賢一股陸續屯踞大埔縣屬之漳溪黃沙一帶賊勢如由高陂風朗屯踞粵境使潮嘉兩屬承其害其禍猶輕儘出摺灘蟒蛇渡兼窺江西湖南則所在蔓延不可收拾是以此時江閩各軍不宜急於助粵而宜

聖朝聖略卷六

三

急防江西之邊境應懇

天恩飭下左宗棠將粵雲慶一軍專防江境毋庸赴粵助剿貽誤事機至海口之防誠為急務臣等前准左宗棠來咨飭令福建水師提臣吳全美在粵洋雇募紅單船二十號拖舂船二十號駛往福建銅山海口已於四月二十一日催趨開行並飛咨吳全美分派四五船駐紮大埕柘林

一帶兼顧閩粵而嚴海防奏入

上諭曰婁雲慶一軍前已諭令左宗棠孫長紱飭令駐紮由閩入江要路並諭左宗棠親督全軍與江西防軍會合越境追剿瑞麟等惟當檄飭吳全美等師船嚴密扼剿毋任竄逸

二十九日癸亥劉蓉奏言湘軍疊次出隊攻剿俱有斬馘龍王廟賊目李國厚率眾來降於是胡

欽定剿平粵匪方略卷四十六

三

中和蕭慶高督飭各營於階州舊城山河壩等處築營開濠以扼之三月初九至十六等日該逆屢次衝突均被我軍擊退二十七日復進攻三官殿以上兩壘該處匪徒與舊城山賊眾均情急乞降其龍王廟下坡逆匪亦被我軍格殺殆盡四月初十一等日蔡逆以四面環圍無隙可竄旋於城中東西兩面開挖地道數處希

圖穿越官軍營盤即由隧道潛遁亦經胡中和

蕭慶高探悉情形即時截阻由是逆計益窘二

十一日周達武約會胡中和蕭慶高劉鶴齡黃

鼎等派隊齊抵城下不意玉皇觀三官殿逆壘

槍礮環施城上亦礮石紛飛弁兵傷亡甚多胡

中和偵知三官殿逆與城賊不睦草檄招降

五月初二夜賊目偽監軍何仕愚等來營投誠

欽定剿平粵匪方略卷四十六

三

賊援已絕五月十三日胡中和蕭慶高周達武等舉火轟城時甫黎明地雷響發轟倒城垣數丈北路各將士肉薄先登其餘各軍相繼而上火器延燒城內木柵房屋火光燭天賊勢慌亂奪路逸出各軍扼巷截擊賊屍山積陣斬偽招武王蔡滄榮並生擒偽王將陳姓及偽官曹儒典等首逆多名惟偽啟王梁城富尙無下落或

云被武字營擒獲其玉皇觀賊壘及西南兩面
礮臺亦經我軍踏破階城內外之賊悉數殲除
無一名漏網卽將階州克復洵足以伸

天討而快人心此次出力陣亡各員弁謹分別開列
懇

恩獎卹奏入

上命軍機大臣傳諭駱秉章劉蓉曰蔡啟兩逆竄踞

聖朝聖考略卷六

果

階州負嶠死守經胡中和蕭慶高等督率兵勇四
而合圍攻克城池將蔡逆及全股悉數殲除至啟
逆梁城富是否被武字營擒獲抑已乘閒逸出仍
著駱秉章劉蓉督飭在事員弁查明實在下落據
實具奏川陝甘三省兵力爲階城一隅牽掣已久
今旣擒渠埽穴卽可分路移兵俾資得力胡中和
一軍前據駱秉章奏俟階州克復移防敘南一帶

現在應如何調遣之處著駱秉章酌量川省情形
妥籌辦理

上諭內閣曰官軍攻克階州城池殲除首逆階城內
外之賊悉數殄除無一漏網洵足以伸國法而快
人心四川提督胡中和漢中鎮總兵蕭慶高謀畫
周詳不避艱險卒能殲除首逆克復堅城洵堪嘉
尙均著加恩賞給白玉翎管各一枝玉柄小刀各

聖朝聖考略卷六

毛

一把火鑷各一件大荷包各一對小荷包各二對
胡中和並交部從優議敘總兵彭義益蕭集山均
著以提督記名簡放叅將劉鶴齡著以副將留於
陝西儘先補用並賞加總兵銜候補同知直隸州
知州黃鼎著以知府儘先補用並賞給果勇巴圖
魯名號陣亡之參將盧勝祥都司王興發陳得勝
守備蕭大光羅本立千總袁泰興把總彭才勝均

著交部從優議卹其餘出力各員弁兵勇著劉蓉查明請獎周達武江忠淑等各統將並該營等出力員弁兵勇均著略秉章查明保奏

欽定剿平粵匪方略卷四百七 乙丑年

閏五月初一日甲子曾國藩奏言查已故兩江總

督陸建瀛於咸豐三年退守江甯城陷後被賊殺害經伊家人和祥照料棺殮瘞於水月菴側菜圃中現在該故督之子陸式毅帶同和祥前來江甯臣復派遣道員陳慶長等眼同啟視遺骸猶存該故督實係當時在城殉難克全大節毫無疑義奏入報

聞

曾國藩又奏言湖南東征一局係於本省釐金外加抽半釐每貨至卡如本省抽一兩者另抽東征局五錢本省抽百文者另抽東征局五十文爲各省所未有自設局至今已滿五年商民不無疲累臣危困時所重有賴者在此而數年

來所最疚心者亦在此臣現將移師山東斷不敢再留東征局名目以重困商民理合奏明一面札飭局員李明輝等將東征局卡概行停止一面函商撫臣李瀚章於向抽東征貨釐之中酌擇貨物數種仍留釐金數成增寫本省釐票之內作為協濟甘肅之餉奏入

聖學聖考卷七

二

初二日乙丑孫長紱奏言探聞賊竄福建永定縣經官軍擊退後逆渠李侍賢汪海洋竄上杭武平一帶前隊逆眾已至廣東嘉應州境逼近江西會昌長甯兩縣邊界定南龍南亦相去不遠臣已咨商婁雲慶率霆字全軍視賊所向迎頭兜剿並令席寶田由雩都進紮甯都飛咨湖南提臣周寬世嚴守長甯普承忠所部弁兵移紮

建昌府與前任甘肅臬司劉于溥駐撫水陸各營聯絡聲勢以保腹地

孫長紱又奏言據在籍紳士前任禮部左侍郎李道生等呈稱江西巡撫沈葆楨蒞江數載調度有方現丁母憂奉

旨改為署理百日假滿即令馳赴署任此時江省軍情孔棘亟盼沈葆楨來江督辦防勦懇請代奏

聖學聖考卷七

三

等情臣查聞逆現偏賴甯江省軍情誠屬喫緊撫臣沈葆楨撫江有年民心愛戴如令迅速來江則羣情鼓舞必能踴躍用命合無仰懇

天恩飭下沈葆楨剋日來江任事實於軍務有裨奏

上命軍機大臣傳諭瑞麟左宗棠徐宗幹郭嵩焘孫長紱曰此次嘉應州境被匪竄入何以未據瑞麟

郭嵩燾奏報卽著瑞麟等督飭官軍迅速掃蕩該
逆現竄何處並著隨時奏報賊氛逼近贛甯江省
東路之防倍形喫緊著左宗棠仍遵前旨不分畛
域督飭官軍越境追剿迅殲醜類蘇省援閩之郭
松林楊鼎勳二軍仍遵前旨飭赴江閩交界處所
駐紮以遏賊氛江西紳士呈請飭沈葆楨仍赴江
西督辦防剿著左宗棠徐宗幹卽行傳知該撫務
須移孝作忠毋再固辭

欽定剿平粵匪方略卷四十七

四

初五日戊辰瑞麟郭嵩燾奏言據布政使李福泰
稟稱自閩軍收復漳州後各逆奔聚平和境內
潮屬饒平縣與平和毗連正當漳州之衝濂逆
大股方與官兵相持侍逆一股已由平和直犯
饒平二十六日副將林保探聞閩軍逼近派隊
策應適提督高連陞統兵趕到併力夾擊二十

七日將平和縣城收復該逆敗竄永定一路與
濂逆合股疊次攻撲大埔縣城均爲方耀鄭紹
忠等軍擊退四月十六二十等日鄭紹忠等將
撲城之匪連擊獲勝二十四日濂逆分竄虎頭
沙等處均經官兵邀截殺傷甚多侍逆等自漳
溪竄撲方耀等橫衝突擊我軍勇氣百倍斃賊
二三千名墜崖死者以萬計其雲霄踞逆竄越

欽定剿平粵匪方略卷四十七

五

平和又經林保伏兵截擊五月初一日將詔安
縣城克復該逆盡撤永定之圍直趨上杭查該
逆糾黨二十餘萬意圖趨犯嘉應經方耀鄭紹
忠以少擊衆血戰數十里誅賊萬餘人俾積年
巨寇技窮力竭繞道潛逃惟賊蹤飄忽靡常上
杭連城等縣皆與嘉屬之鎮平平遠接壤又可
由會昌瑞金上竄南雄下走甯贛臣等已派卓

與駐紮嘉應並飭林保等移紮平鎮一帶扼要
 嚴守任星元專防北路兵力較單已飭察看緩
 急再行抽撥一面飛咨江閩各省乘賊奔敗之
 初設法堯圍方耀鄭紹忠兩軍仍飭跟蹤追剿
 會同江閩各軍協力掩擊淨掃賊氛所有尤為
 出力之總兵方耀等可否分別給予獎勵出自
 天恩奏入

聖朝聖略卷四十七

六

上命軍機大臣傳諭瑞麟左宗棠徐宗幹郭嵩燾曰
 前據左宗棠奏攻克平和皆敘閩軍戰狀並未敘
 及粵軍並云僅有詔安一城擬即派郭松林楊鼎
 勳等軍前往規取此次瑞麟等所奏攻克平和詔
 安兩城與左宗棠所奏互異且云逆賊有二十餘
 萬之多方耀等血戰數十里誅賊萬餘人語近鋪
 張著左宗棠迅將平和詔安如何攻克是否會同

粵軍之處詳細查明具奏瑞麟等所保出力之方
 耀等著俟左宗棠奏到再降諭旨瑞麟等所稱已
 派卓興專駐嘉應並飭林保等移紮平鎮一帶扼
 守著即督飭各軍嚴密防剿並著左宗棠仍遵前
 旨不分畛域越境追剿迅殲醜類俾江粵諸境一
 律廓清以副委任

聖朝聖略卷四十七

七

以來流毒各省偽元帥蔡滄榮係滇逆李泳和
 餘黨尤為狡悍擾川擾陝復自漢南竄犯楚疆
 遂與梁城富合股回竄陝西整鄂一帶經陝西
 撫臣劉蓉督師追擊該逆等仍由陝南奔竄沿
 途裹脅聚至三萬餘人因川北防堵嚴密遂竄
 陷甘肅階州經臣與陝西撫臣分派諸軍越境
 剿辦城外各壘以次攻拔並經四川提督胡中

和甘肅臬司林之望督師合圍遂將州城攻拔
除蔡逆已經陣斬外其偽啟王梁城富暨偽官
蔡潮俸偽國舅曹汝玉等由總兵周達武押解
赴省臣於訊明後已將該逆等處以極刑用彰
國憲而昭炯戒奏入報

聞

十四日丁丑左宗棠徐宗幹奏言官軍克復漳浦

聖學方略卷七

八

後臣等飭提督黃中元等進圖詔安行抵梅村
疊次獲勝比至城下該逆已向烏山一路竄走
當會同廣東官兵將縣城收復雲霄漳浦敗賊
二萬餘人竄近平和經高連陞等迎擊生擒偽
詳王黃隆芸餘賊殲除淨盡其偽利王朱逆偽
來王陸逆兩股亦經王德榜殲斃無數餘賊投
械乞降逆首丁沐洋竄至白土王德榜率軍夾

擊斃賊四千餘名丁沐洋勢窮力蹙率眾赴劉
典軍前乞降劉典當令丁沐洋挑選千人隨同
剿賊立功其汪海洋一股自大埔回竄永定總
兵王開琳飭丁長勝分軍扼紮距城三十五里
之獵射凹屢戰皆捷詎汪逆以一股撲永定縣
城一股分犯獵射凹營壘先於要隘分築四壘
以絕永定赴援之路復添築數壘困之丁長勝
忍飢力戰相持兩晝夜逆賊愈裹愈厚破壘而
入丁長勝力竭陣亡各營隨陷劉典飛飭已革
參將劉大謨等會同延建邵道康國器馳援斃
賊數千名賊勢不支向永定西北竄走待逆敗
股續竄永定獵射凹等處楊鼎勳等分路追殺
斃賊極多張福齊等收降約萬餘名據降人何
春貴等供侍逆於初二日夜帶傷從十數賊策

聖學方略卷七

九

馬過河擬奔汪海洋賊營惟時中流溜急多被溺死侍逆溺斃與否尙無確據現在該逆餘黨所贖不過數千林振揚夥黨亦捨斬殆盡惟汪海洋一股尙有數萬經各軍疊次剿辦兇殘仍張現在閩省沿邊節節皆有布置如江粵防軍能於邊境兜剿則逆賊無隙可乘自可收聚殲之效江西贛甯一帶空虛劉典已咨商王開琳

聖聖聖聖聖聖聖

十

聖聖聖聖聖聖聖

十

收集各營率赴贛州防剿 臣於初十日馳抵漳郡一面趕籌糧運一面督軍躡追以冀迅掃餘氛仰紓

宸廑永定獵射四各營失陷王開琳咎有應得應請旨將候補總兵王開琳革職留營以觀後效其力戰陣亡之總兵丁長勝懇

恩准照提督例

賜卹

予諡並附祀湖南已故道員王鑫專祠遊擊陳觀光請照參將例從優議卹投誠之丁汰洋可否賞給守備銜令其立功自贖之處出自

天恩

左宗棠又奏言劉典一軍於四月十九日進規南靖適南靖上社小溪山等處之賊分路來援

聖聖聖聖聖聖聖

十

經我軍奮勇迎剿斃賊千餘名生擒百餘名該逆遂向小溪遁去劉典約會各軍於二十二日進攻縣城大隊奪門而入羣賊或伏地乞降或拚死衝竄李耀南楊芳桂等收降四千餘人其奪路竄走之賊截殺殆盡當將南靖縣城克復此次劉典督軍勦辦盡瘁馳驅勳績卓著惟係幫辦大員應否

加恩之處臣等未敢妄擬所有出力之副將張福齊等懇請獎勵伏候

恩施奏入

上命軍機大臣傳諭瑞麟左宗棠徐宗幹郭嵩燾孫長紱曰丁汰洋投誠已照左宗棠所請賞給守備銜著卽令其督率挑留悍卒隨隊攻剿如不得力仍當嚴行懲辦遣散降人沿途能否安靜著咨明

聖軍方略卷四十七



各督撫督同地方官嚴加約束以免復行勾結李侍賢是否被水衝沒仍著查明實在下落具奏注海洋一股人數尙衆現在上杭一帶盤踞高連陞等軍已駐廬峯劉清亮軍亦剋日繼進著該督卽飭諸軍設法進剿並杜其旁竄之路毋令再擾完善上杭距粵東之大埔饒平江西之會昌長甯等處均屬切近著瑞麟等督同李福泰將潮防各軍

實力整頓方耀等軍如能出境會剿卽飭該總兵等奮勉圖功爲一勞永逸之計賊氛逼近贛甯江省東路之防倍緊前諭調郭松林楊鼎勳二軍赴江閩交界處所駐紮該督會否調派席寶田等軍現紮何處著孫長紱酌度情形趕緊調赴贛甯一帶扼防左宗棠仍遵前旨不分畛域派兵赴江迎前堵截勿任闖入完善南靖克復劉典一軍聲威

聖軍方略卷四十七



甚壯應如何調派之處著該督妥爲調度以期速竟全功同膺懋賞永定獵射四各營失陷詳細情形仍著查明具奏王開琳已革職留營著卽飭令收集各營迅赴江西贛州防剿立功自贖儘再有疏虞定卽從重治罪

上諭內閣曰前據瑞麟郭嵩燾奏粵軍越境攻克平和詔安兩縣城大埔防兵獲勝本日左宗棠徐宗

幹奏閩軍收復詔安首逆乞降截剿逸賊疊勝情形大略相同瑞麟等摺內所保尤爲出力之候補總兵方耀著賞加提督銜都司鄭紹忠著以副將留於廣東補用遊擊林詩成著以遊擊儘先補用並賞加參將銜都司陳乳著以遊擊補用守備方鼐等六員均著免補守備以都司補用並賞換花翎千總侯玉等六員均著免補千總以守備補用

聖朝聖略卷四十七

十四

雲騎尉方傑著以守備補用以上七員並賞加都司銜把總林材著以千總儘先拔補並賞加守備銜軍功徐桂祖等七名均著以千總儘先拔補並賞戴藍翎徐桂祖劉順昌並賞加守備銜左宗棠等摺內所開陣亡總兵丁長勝著照提督陣亡例議卹並加恩予諡准其附祀湖南道員王鑫專祠遊擊陳觀光著照參將例從優議卹候補總兵王

開琳於所部獵射四營盤失陷丁長勝戰歿未能救援實難辭咎著革職留營以觀後效此次出力各將弁兵勇著左宗棠查明彙案請獎投誠之丁次洋著賞給守備銜責令立功贖罪劉典一軍將南靖縣城克復尤爲出力之副將張福齊著賞換花翎浙江補用道李耀南著賞加按察使銜並賞給該員祖父母父母正三品封典同知楊鼎勳著

聖朝聖略卷四十七

十五

賞換花翎並賞給知府銜副將齊蘭禮著以總兵記名簡放文繼昌著賞加總兵銜參將宋定元等二員著以副將留於閩浙補用已革副將銜參將劉大謨著開復原官並免繳捐復銀兩都司張星元等五員均著以遊擊留於福建補用軍功蕭雅泗等二名均著以都司留於福建補用並賞戴花翎直隸州知州喻步蓮著俟補缺後以知府補用

先換頂戴候補按察使劉典督軍入閩唐公壘奏
深堪嘉尚著賞給白玉柄小刀一把白玉搬指一
箇大荷包一對小荷包二箇火鑰一把以示優異

十七日庚辰瑞麟郭嵩燾奏言福建漳州等處敗

匪由永定屯聚上杭經副將林保等疊次截剿
於大溪下河茂芝鄉等處擒斬數千名生擒逆
首朱得愚等逆匪復屬集東船鄉總兵翟國彥

欽定剿平粵匪方略卷七

七

等追至河邊賊爭泅水溺斃二三千名生擒三
百二十三名救出難民五六百名餘匪竄至漳
溪總兵方耀分軍追殺二千餘名該匪闖入鎮
平縣境都司鄭紹忠復邀擊於謝村地方三路
夾擊殲斃逆匪無算將數十里賊壘一律焚燬
訊據獲賊供稱侍逆李侍賢已於大埔敗潰時
自刎身死其餘匪歸漳逆管帶現屯上都象洞

等情查髮逆入閩以來號稱二三十萬其兇悍
桀黠以侍濂二逆爲最經閩粵官軍痛加剿戮
逆醜已衰李侍賢之果否自刎尙未可知濂逆

猶擁死黨十餘萬臣等前議派卓興駐守嘉應
現在藩司李福泰已由潮州移紮嘉城卽飭卓
興嚴堵龍川縣之老隆以固惠韶之防令林保
等分守隘口杜賊走興長嘉應之路方耀鄭紹

欽定剿平粵匪方略卷七

七

忠兩軍飭赴鎮平協攻務合江閩兩省兵力共
清餘孽所有出力之潮州鎮總兵翟國彥等分
別開列懇請獎勵伏候

恩施奏八

上命軍機大臣傳諭瑞麟郭嵩燾曰濂逆由永定屯
聚上杭經副將林保等節節進擊賊勢不支竄至
鎮平現屯上都象洞等處該著督撫現飭李福泰

移紫嘉應飭卓興嚴堵龍川縣之老隆以固惠韶
令林保等分守隘口杜賊走興長嘉應之路方耀
等軍飭赴鎮平協攻所籌均尚周妥著卽督飭在
事各員弁實力勦辦務期與江閩各軍會合痛殄
餘氛無留遺孽逆首李侍賢前據左宗棠等奏有
被水衝沒之說茲據瑞麟等奏在永定自勿究竟
已否身死仍著查明實在下落具奏該署督撫每

勦平粵匪方略卷四十七

六

於具報勝仗一次必隨摺保舉多員此次姑念該
員弁出境勦賊有功從寬照准逆衆由閩入粵粵
省各軍何以不能堵截入境之路著責令方耀等
認真防勦勿令旁竄嗣後保舉務須覈實遇有小
勝暫行存記俟此股賊匪殄盡方准彙案保獎

上諭內閣曰髮逆由閩省敗竄廣東邊界經副將林
保等疊次截勦於大溪下河茂芝鄉等處擒斬數

千名將數十里賊壘一律焚燬防勦尙爲得手所
有尤爲出力之總兵翟國彥著賞加提督銜副將
林保著賞加總兵銜參將戴朝佐著賞加副將銜
遊擊黃相奎著免補遊擊以參將補用並賞換花
翎守備梁仕光著免補守備以都司補用並賞換
花翎千總鄧安邦著以都司儘先補用並賞給銳
勇巴圖魯名號守備周升著以都司儘先補用黃

勦平粵匪方略卷四十七

十九

添元鄧奮鵬均著以都司補用千總楊浮著以守
備儘先補用並賞加都司銜顏金鄭潤材均著免
補千總以守備補用並賞換花翎同知銜張權著
以同知選用從九品陳瑞燾著免選本班以縣丞
卽選

同日勞崇光張亮基奏言粵黔各軍由永從縣
進勦髮匪疊獲勝仗該逆陳輝良等窮蹙乞降

經副將楊廷桂等予限五日令將首逆吳華首級割獻各降衆按名薙髮分別資遣臣等查上年髮匪由川至楚繞粵入黔前在古州一帶被官軍殲除過半猶復輾轉經年重煩三省兵力今經粵黔官軍痛加懲創該匪等悔過投誠仰懇我

皇上施法外之仁以安反側所有在事出力之副將

聖學聖略卷四十七

三

楊廷桂等先行開列可否分別獎勵之處出自

天恩奏入

上諭內閣曰貴州黎平府髮匪被剿窮蹙悔罪投誠自應准予免罪以示法外之仁所有此次在事出力之副將楊廷桂著交軍機處記名遇有總兵缺出請旨簡放並賞加提督銜賞給該員祖父母父母一品封典總兵劉元勳著賞給該員祖父母父

母二品封典提督銜候補總兵金太文著賞還原官原銜並賞還花翎副將會玉龍著賞加總兵銜遊擊孔憲隆著免升參將以副將補用並賞給強勇巴圖魯名號都司馬榮升劉揚均著免升遊擊以參將補用候補同知直隸州知州徐達邦著免補本班以知府補用守備張超著免補守備以都司儘先補用並賞加遊擊銜把總潘昇著免升千

聖學聖略卷四十七

三

總以守備儘先補用並賞加都司銜賞換花翎降人陳輝良著准其更名陳朝綱賞給六品翎頂

十九日壬午孫長紱奏言據各營報稱霆營叛勇

已由興甯桂陽入粵五月十六日至樂昌十七日至仁化偏近江西南安府邊境福建上杭武平髮逆悉竄廣東嘉應州屬之鎮平縣現復竄往平遠和平一帶圖犯南雄州江省贛州府屬

邊界均極喫緊閩省已無賊蹤閩師分紮上杭等處杜賊回竄臣查叛勇自抵仁化近日又有回竄桂陽之說髮逆一入粵境即由平遠和平西趨將及南雄意在彼此會合另圖衝突此時閩省肅清贛河以東防務稍緩惟贛南二郡最為喫重吉安一府壤連南贛亦當衝要臣已飭參將劉勝祥率祥字營席寶田率精毅營馳往

聖朝聖略卷七

三

聖朝聖略卷七

三

南安堵禦並令婁雲慶率霆字各營馳防信豐銓字平江各營扼守會昌長甯等縣並據吉南贛甯道王文瑞稟老湘營自閩拔回不日即可到贛協防前經督臣調來候補藩司劉連捷總兵朱南桂朱洪章三軍來江防剿現紮瑞州臨江等府臣以吉安防兵較單即令劉連捷朱洪章各率所部進紮吉安以固要郡朱南桂一軍

留駐臨江以備策應似此層層設防或可力固疆圉仍策邊防各軍視賊趨向與閩粵追師相機夾擊毋任竄越蔓延奏入

上諭曰著即嚴飭劉連捷等軍慎固邊防相機夾擊毋稍鬆懈

二十六日 己丑 左宗棠徐宗幹奏冒高連陞等駐

軍平和將漳浦雲霄竄賊殲除後比抵永定汪

逆已向上杭中都竄走侍逆餘黨亦續由大姑

灘逃逸高連陞等躡蹤緊追五月初十二等

日出隊至大姑灘對岸該逆率眾渡河回撲經

官軍擊敗高連陞等遂率各營進紮大姑灘上

下沿河密布營壘時悍賊數千將所紮木簿千

餘架搬至河邊正圖搭架浮橋官軍突至槍礮

齊發汪逆亦令悍黨拌死抗拒官軍縱擊應三

時之久斃悍賊數百名賊猶死拒不退高連陞等各挑洋槍隊百人潛從大姑灘躍淺過河瞥見山頭號火齊起知汪逆嗾羣賊來援高連陞等麾洋槍隊遽前薄之轟斃頭旗悍賊一名羣賊驚駭乃棄馬翻山而遁河邊搭橋之賊同時竄走官軍乘勢壓擊斃悍賊三百名生擒二十六名墮巖落水死者千計時劉清亮留駐湖雷

聖朝聖略卷四十七

三

各營會同追剿斃賊無算黃少春等擊賊於中赤地方該逆已向下壩逃竄官軍追及斬賊二百餘名高連陞等進駐下壩計各戰擒斬逆賊實不下三四千名竊維李侍賢汪海洋等逆由江粵竄閩連陷府廳州縣幸賴

聖謨廣運飭浙軍迅赴戎機資以浙餉復飭蘇軍赴閩助剿數月之間得將各城次第克復全境一

律肅清李侍賢林振揚兩股擒斬殆盡丁汝洋

一股窘蹙投誠僅餘汪逆一股夥黨數萬偏聚

江閩粵三省之交直趨嘉應州臣等已飭康國

器及關鎮邦所部粵勇五千餘人由峯市追剿

冀與粵東嘉應官軍共收夾擊之效惟汪逆本

謀竄江似不久留粵境臣等已飭王開琳率所

部老湘營由汀赴贛其高連陞黃少春劉清亮

三軍轉戰千里實形勞瘁應暫留武平休息劉

典一軍俟整理就緒後亦即由汀贛或徑赴南

安截其由江西竄湖南之路期將此股殲除稍

紓

宸廑

左宗棠徐宗幹又奏言逆首李侍賢自平和帶

傷後五月初二夜偕十數賊在永定過河淹斃

業經前奏聲敘及之茲據各路軍營稟報訊之
生擒賊目及各降人所供侍逆溺斃係五月初
二夜事均無異詞而漳州逃出難民則言侍逆
於初二夜同數賊棄馬逃走因不識路徑繞山
奔竄天明仍在原處鄉民獲住搜出隨身金葉
五十餘兩旋爲官軍揪去一時喧傳侍逆業已
就擒又似侍逆未及過河已就擒者未據各軍

聖朝聖曆卷七

七

稟及殊難憑信惟續獲汪海洋股內夥黨及逃
出難民均供汪逆在上杭中都時久候侍逆不
至一日傳集各賊目將奔投之僞王宗李逆等
械繫稱侍逆已死於下洋僞王宗救護不力應
卽議罪是侍逆之已經伏誅確無可疑惟溺死
永定河中與獲斬於下洋則尙難確指也 臣等
仍當留心訪察以期覈實

左宗棠又奏言 臣接署兩江督 臣李鴻章咨飭
前派援閩之提督郭松林楊鼎勳兩軍由閩繞
赴江西湖南邊界相機迎堵其洞燭賊情謀慮
深遠實非 臣愚陋所及惟李鴻章入奏時尙未
知逆首李侍賢丁汰洋林振揚各股或降或散
或勦除殆盡故擬以此軍爲馳援數省之師茲
查由閩竄粵之賊實祇汪海洋夥黨數萬 臣檄

聖朝聖曆卷七

七

康國器率軍及關鎮邦所部共五千餘人由永
定盧峯取道入粵冀以粵人援粵戰於其鄉以
收夾擊之功又竊以汪逆志在竄江官軍入粵
祇是尾追益援粵之師恐徒速其竄江之勢似
不如伺其竄入江西迎頭截擊較爲得之現飭
王開琳率所部入江西贛州高連陞黃少春劉
清亮暫駐武平劉典將各軍整理後卽馳赴汀

州駐武平者將趨長甯安遠以固贛東駐汀州者將由贛州趨南安以固贛西而兼爲固湘之計也如天之福三省合力或可將此股就地殲除不致久稽

天討是蘇軍不入江西湖南於局勢尙似無損臣前聞直東軍務喫緊並准李鴻章來咨始知曾國藩將赴山東李鴻章暫署兩江督篆捻逆狡獪

欽定剿平粵匪方略卷四十七

壬

特甚時事方殷似兩省兵力宜厚而不宜薄郭松林楊鼎勳所部多勇敢之士所習洋槍礮隊必非捻逆所能當且淮北皖北之人實居大半用之北方服水土而少疾病得力無疑臣愚以爲就天下大局而論直東爲重閩粵江西爲輕就此時賊勢而論閩粵江西爲緩而直東較急是蘇省援閩之軍仍應調回蘇州以備會國藩

李鴻章調度明矣至兩軍回蘇或應由海道抵滬或取道江西水陸入皖臣已一面緘商郭松林楊鼎勳自行酌度臣當籌畫資遣奏入

上命軍機大臣傳諭瑞麟崑壽左宗棠徐宗幹郭嵩燾孫長紱曰汪逆由上杭中都敗走經高連陞等追至武平該逆由下塌先竄鎮平復由粵東邊界竄去有直趨嘉應州之勢左宗棠已飭康國器及

欽定剿平粵匪方略卷四十七

壬

關鎮邦各部粵勇五千人由峯市追剿著瑞麟郭嵩燾督飭方耀等會同閩軍認真擊剿李福泰已移紮嘉應卽著飭令該藩司等三面兜擊高連陞黃少春劉清亮等軍暫駐武平稍爲休息仍著左宗棠飭令規賊所向實力遏截汪逆本謀竄江未必久留粵境孫長紱務當懷遵疊次寄諭將贛防密爲布置督飭派出諸軍與左宗棠所派之王開

琳一軍實力防剿劉典一軍或由汀赴贛或徑赴南安截其由江西竄湖南之路著左宗棠斟酌軍情緩急調派此次追賊出力各軍及防守轉運各員弁著該督查明彙案擇尤保奏李侍賢一犯或云衝沒或云被擒或云自刎尙無實在下落仍著查明具奏郭松林楊鼎勳二軍卽照左宗棠所請飭令迅速回蘇聽候李鴻章調遣

欽定四庫全書

三

欽定四庫全書

三

上又命軍機大臣傳諭曾國藩李鴻章曰本日據左宗棠奏閩境肅清請將援閩之郭松林楊鼎勳兩軍回蘇候調業已降旨照准如皖省兵力不敷兪勦卽著曾國藩李鴻章酌量調派以資得力
左宗棠徐宗幹又奏言福建雲霄廳岳坑地方匪首朱起運等於賊陷漳州時導賊攻陷廳城迫廳城踞逆竄逸該鄉尙窩留偽天將陳仔及

逆賊三百餘人經臣飭令署福建陸路提督郭松林候補提督楊鼎勳就近前往剿辦五月十八夜郭松林楊鼎勳飭提督黃中元等分路進剿十九日黎明行近岳坑將助逆朱姓各小村掃蕩殺斃匪徒數百名旋卽進攻岳坑副將黃璧首先踰濠而進被槍子貫胸殞命郭松林等憤甚麾軍急攻遊擊楊玉書乘勢躍上石垣大隊一齊衝入當將岳坑匪巢攻毀逆衆殲斃無遺維時分攻大洞樓寨官軍直逼寨腳鑿穴填入火藥轟開寨牆各軍一擁齊進生擒偽天將陳仔餘逆悉誅乘勝進薄溪坪寨一鼓克之所有最爲出力之江蘇補用遊擊楊玉書可否賞加勇號以示鼓勵其力戰陣亡之擬保副將黃璧擬保藍翎守備陳家晉應請

飭部從優議卹以慰忠魂奏入

上諭內閣曰此次官軍攻毀雲霄廳岳坑匪巢勦辦
尙爲得手在事尤爲出力之遊擊楊玉書著賞給
壯勇巴圖魯名號力戰陣亡之擬保副將黃璧擬
保守備陳家晉均著交部從優議卹

左宗棠徐宗幹又奏言延建邵道康國器一軍
於四月二十九日從永定劍灘截勦獲勝五月

欽定剿平粵匪方略卷四十七



初二日復親督各營將該逆浮橋三座一齊拆
毀各賊同時潰退官軍分路兜勦生擒千餘名
殺斃二千餘名各逆號哭之聲震動山谷康國
器傳令棄械投誠者免死同時跪伏道旁者約
萬餘人康國器受之初三日又飭各軍追勦收
降餘黨三千餘人訊供侍逆實已受傷落河身
死查五月初二之戰康國器一軍實爲出力臣

等前次奏報其時未接康國器稟牘漏未詳敘

茲合補陳以彰戰績按察使銜延建邵道康國

器懇請

賞加布政使銜其力戰捐軀之花翎補用都司劉振

伍請

旨照參將例議卹以慰忠魂奏入

上諭內閣曰此次官軍在永定劍灘等處勦賊大勝

欽定剿平粵匪方略卷四十七



殲除要逆勦辦甚屬得手所有尤爲出力之福建
延建邵道康國器著賞加布政使銜陣亡之都司
劉振伍著交部照參將例議卹

欽定勦平粵匪方略卷四百八 乙丑年

中央民族
學院圖書

六月初六日 己亥 瑞麟郭嵩燾奏言漳逆

撲鎮平縣城經鄭紹忠等督率兵練會合進勦
立解城圍該逆向平遠武平一帶竄去共斃賊
數千名生擒二百八十三名奪獲旗械騾馬無
算鄭紹忠等分紮城外正擬跟蹤追勦漳逆復
率中都等處踞匪傾巢出犯分撲我軍營盤擬

勦平粵匪方略卷四百八

一

保都司徐桂祖梁五全等血戰陣亡鄭紹忠見
勢不能支帶勇衝出回紮新鋪等處以扼要隘
該逆遂闖入鎮平縣城復分黨圖犯嘉應州城
藩司李福泰駐紮嘉應催調各路防軍嚴密布
置五月二十二日賊自鎮平分擾平遠縣城經
都司鄧安邦等擊退連獲勝仗現在各軍陸續
雲集力圖扼要拒守查漳逆大股前踞中都象

洞 臣等飛調方耀鄭紹忠督勇抵鎮以遏其前
飭卓興駐老隆以杜旁竄李福泰復派鄧安邦
梁仕光等分紮平遠等處防賊走龍和入江西
之徑閩軍扼守上杭邀截後路原期節節偏緊
蹙之一隅得以迅殲醜類乃各軍因溪漲道阻
未能應期畢集鄭紹忠等五六千人難資抵禦
致被該匪闖入鎮平賊勢稍張辦理復費周折

勦平粵匪方略卷四百八

二

臣等再四熟商目前宜內顧腹地外籌全局不
必以克復鎮平為急務蓋鎮平居閩粵江楚四
省之交霆營叛勇尙擾南雄信豐等處一經勾
結數省皆將震動現派黃添元鄧奮鵬兩軍紮
巖下黃見嶺扼守龍和門戶令卓興進紮長樂
俾賊不得犯興長而窺惠郡李福泰駐嘉策應
督飭方耀鄭紹忠等軍聯絡進取徐圖恢復鎮

邑臣等一面飛咨江楚各省防賊竄越並請

飭令郭松林一軍由鎮平平遠一路進擊移紮江楚
交錯之區與粵省官兵就近聯絡如賊北竄則
粵閩各軍擊其後江軍扼其前郭松林累勝之
師橫據要路得以乘其敝而制其死命務期四
面兜圍淨掃逆氛而後已至勦賊捐軀之擬保
都司徐桂祖梁五全擬請

欽定剿平粵匪方略

三

飭部照都司陣亡例從優議卹鎮平文武下落容臣
等查明分別辦理

瑞麟郭嵩燾又奏言臣等查郭松林楊鼎勳兩
軍駐紮雲霄距粵邊甚近濼逆現竄鎮平閩軍
進紮中都象洞一帶東北兩面已可合圍是該
逆竄擾江楚僅有長甯安遠一路郭松林楊鼎
勳兩軍應急由潮嘉以西取道平遠以山長甯

乃可顧及江楚藩籬臣等現經移咨左宗棠迅
調郭松林等軍自雲霄移赴潮州以達嘉應如
可合圍進攻卽會合粵軍遮擊以期一鼓蕩平
如賊勢蔓延有關入江楚之勢則由長甯安遠
與江西會昌之軍聯絡取徑旣捷遮遏賊勢亦
稍能得其要領

欽定剿平粵匪方略

四

瑞麟郭嵩燾又奏言霆營叛勇由樂昌仁化一
帶竄至南雄信豐等處若裹脅日衆恐更難於
收拾伏乞

飭令鮑超星速抵江設法辦理以杜延蔓臣等現飭
參將朱國雄等募勇二千名分赴南雄韶州聽
候衛佐邦任星元調遣檄飭認真堵剿以靖地
方
同日孫長紱奏言大股逆匪現聚廣東鎮平等

縣閩境肅清甯都防務較鬆贛州屬境最爲喫緊查臬司席寶田所部精毅營業已調赴贛郡已革總兵王開琳亦率新老湘營抵贛臣現令該二軍於長甯定南二處擇要分紮參將劉勝祥之勇仍令留防南安至郭松林楊鼎勳兩軍現准李鴻章咨左宗棠以該二軍或應回蘇或令跟蹤追剿未能臆斷業經行令暫赴江西建

聖事略卷四十八

五

昌南豐扼紮如賊竄江境會合各軍攔截如賊由江粵邊界竄往楚南該兩軍卽赴湘追剿俟抵江境時臣當隨時咨商左宗棠調撥一面諄屬贛南各營嚴密籌防力固疆圉均奏入

上命軍機大臣傳諭瑞麟左宗棠李鴻章劉坤一郭嵩燾孫長紱曰鎮平解圍復被濂逆等股闖入賊勢驟張瑞麟等現派黃添元鄧奮鵬及卓興等軍

聖事略卷四十八

六

扼紮龍和長樂要隘飭李福泰駐紮嘉應策應方耀等聯軍進取徐圖恢復鎮邑所籌尙妥卽著督飭各軍實力防剿截其旁竄之路一俟援兵到齊卽行會同進擊聚而殲旃左宗棠當迅催閩軍入粵會合粵省兵勇兩面夾擊盡掃賊氛不得以賊已出境遂置粵事於不顧孫長紱所派之席寶田王開琳兩軍均已到贛卽著飭令整頓隊伍擇要嚴防如粵賊竄近邊境卽行迎頭截擊不准稍有疏虞鎮平文武下落著瑞麟郭嵩燾查明具奏力戰捐軀之擬保都司徐桂祖梁五全均著交部照都司陣亡例從優議卹以慰忠魂至郭松林楊鼎勳兩軍前因左宗棠奏閩省肅清請飭回蘇候調當經降旨允准並令李鴻章酌量情形調派赴皖現在該兩軍行抵何處抑尙在閩境瑞麟等所奏

咨調蘇軍由潮嘉一路進防江楚及孫長紱奏請
俟該兩軍到江咨商左宗棠調撥之處是否可行
著左宗棠李鴻章斟酌調派毋失機宜如郭松林
等業已赴蘇應如何添派勁兵赴粵赴江防剿即
著左宗棠妥籌兼顧不得稍分畛域違營叛勇竄
至南雄信豐地方萬一與濂逆等股合併一處為
患甚鉅鮑超尚未奏報起程瑞麟等惟當督飭朱

欽定剿平粵匪方略

七

國雄等就現有兵力視賊所向跟蹤追剿以靖地
方

十五日戊申瑞麟郭嵩燾奏言濂逆自陷鎮平盤

踞城內並於白泥湖三訓墟及平遠屬大柘石
正一帶分紮賊卡五月二十八閏五月初五等
日總兵翟國彥等將五星橋等處賊匪擊退並
將九嶺茶園一帶賊巢掃蕩淨盡查該逆分黨

肆擾原為牽掣官軍起見從前賊在閩疆我軍
以剿為堵現在賊入本境我軍又當以堵為剿
毗連鎮平各要隘現經密飭各軍節節兜圍江
閩諸軍亦分紮交界地方互相聯絡擬將大柘
石正之賊先行掃除免被牽掣然後以全力進
攻濂逆較為得勢惟潮防各隊陸續裁撤現留
嘉應兵勇祇三萬餘人分守隘口則有餘進掃

欽定剿平粵匪方略

八

巨懸則不足臣等再四思維惟有仍照前議飛
催郭松林楊鼎勳二軍速自雲霄取道嘉應並
由李福泰與補用道吳贊誠就近移會康國器
劉典等約期前進併力合剿或可冀聚而殲旃
瑞麟郭嵩燾又奏言寔營叛勇經總兵任星元
擊敗後遁入江西信豐龍南各縣境閏五月初
七日竄至安遠擾及定南潛入廣東和平龍川

之江廣亭初十日已抵興甯縣之十三都司等處數不盈萬時思依附髮逆大股暫延喘息現在黃添元鄧奮鵬兩軍駐紮龍川鄭紹忠移紮老隆卓興駐軍興甯縣城可絕其內犯及回竄之路又經李福泰抽撥勁旅令方耀帶赴龍虎墟會商吳贊誠等乘該匪初至亟圖撲滅臣等仍檄飭在事文武妥密辦理奏入

聖朝聖略卷四十八

九

上命軍機大臣傳諭瑞麟左宗棠徐宗幹郭嵩燾孫長紱曰濂逆盤踞鎮平官軍屢次獲勝並將九嶺茶園一帶賊巢掃蕩辦理尚為得手惟該逆以敗殘之餘欲為困獸之鬪出其悍黨四路牽掣非厚集兵力不足制其死命瑞麟等現將毗連鎮平各要隘密布兜圍江閩諸軍亦分紮交界地方著卽督飭諸軍迅將大柘石正之賊先行掃除然後以

全力進攻濂逆郭松林楊鼎勳二軍前已諭令斟酌調派該軍如尚未回蘇卽著飛調由雲霄取道嘉應進剿康國器等軍著左宗棠飭令會合攻剿毋任再有竄逸霆營叛勇復由江西邊界竄入廣東和平龍川之江廣亭並擾及興甯屬之十三都司等處數不盈萬時思歸入逆股現經該督撫飭令黃添元等移紮老隆等處絕其內犯及回竄之

聖朝聖略卷四十八

十

路又令方耀抽撥勁旅親赴龍虎墟會商吳贊誠等乘該匪初至亟圖撲滅匪數無多諒不難一鼓殄除斷不可令其勾結濂逆大股致成不了之局現在江境是否肅清如有遺孽著孫長紱飭令地方文武搜剿並令席寶田等軍出境防剿無任回竄

十八日 辛亥 瑞麟郭嵩燾奏言濂逆盤踞鎮平縣

城分擾平遠屬之大柘等處總兵方耀帶兵進
剿偏近賊營逆日朱恩濬率親黨一百餘人潛
赴鄧安邦營盤求撫吳贊誠等受之並詢知石
正踞逆自安仁至老墟連營十餘座在坑口堅
築大巢豎柵挑濠賊氣已餒利在速攻閏五月
十五日約會各營出隊分路進攻賊勢敗退我
軍追擊三十餘里斃匪二千餘名落崖墜澗者

欽定剿平粵匪方略

十一

無數乘勝將超竹大柘兩處賊壘平毀斬馘甚
多平遠縣境業已肅清鎮平濠逆大股勢成孤
立亟應乘此聲勢四面會剿此時郭松林楊鼎
勳兩軍雖經咨調亦無到粵確期而事機緊急
深慮稍涉延宕致長寇心現飭李福泰迅籌規
復鎮平至嘉應東路有翟國彥二千餘人駐紮
輔以康國器一軍可以由東路進攻方耀鄧安

邦等軍漸由石正大柘等處出鎮平之西相機
會剿臣等一面飛咨江省迅飭防軍堵截扼其
西竄長甯安遠之路以免繞越延蔓至寔營叛
勇困守十三都司築圍自固卓興現駐興甯縣
城卽責令勦辦此股鄭紹忠近在長樂亦可遙
爲聲援杜其回竄朱恩濬尙知順逆應卽准其
投誠改名朱朝安留營效力奏入

欽定剿平粵匪方略

十二

上命軍機大臣傳諭瑞麟左宗棠徐宗幹郭嵩燾孫
長紱曰濠逆分黨擾及平遠縣屬之大柘等處經
方耀帶兵進剿連將石正超竹大柘等處賊壘掃
蕩淨盡平遠縣境一律肅清勦辦甚爲得手現在
濠逆雖踞鎮平其勢已孤亟應乘此聲威盡殲醜
類著瑞麟等飭令李福泰迅籌規復毋失事機惟
該逆死黨尙衆必須四面兜剿方能一鼓蕩平康

國器等軍前經左宗棠派赴嘉應進剿著卽會同
翟國彥一軍由東路進攻與方耀等西路之軍同
時並進自可聚而殲旃其長甯安遠一帶尤恐該
逆繞越著孫長紱飭令劉典王開琳兩軍由贛州
一路移軍前進以剿爲防期與粵軍併力夾擊高
連陞等軍卽著左宗棠檄令由武平赴粵會剿其
郭松林楊鼎勳兩軍如尙未回蘇瑞麟左宗棠等

聖軍方略卷八

三

卽可遵照前旨飛調該軍由雲霄取道前進以期
厚集兵力該督撫等務當不分畛域迅奏膚公投
誠之朱懋濬准其更名朱朝安留營效力仍著瑞
麟等隨時防範毋稍大意霆營叛勇固守十三都
司築圍自固瑞麟等現已責成卓興勦辦此股並
有鄭紹忠遙爲聲援檻獸釜魚不難撲滅儻任其
竄逸或煽惑土匪再肆鴟張卽惟卓興等是問

二十一日甲寅孫長紱奏旨與甯逆匪竄入江西
長甯縣境之留車墟經提督周寬世等分路進
剿該逆敗走篁鄉及廣東龍川縣之吉祥墟與
霆營叛勇合股復經我軍追擊陣斬悍賊多名
餘匪悉向上坪墟一帶竄去長甯境內一律肅
清查汪逆大股尙踞平遠鎮平偏近長邑臣現
飭臬司席寶田率隊馳赴長甯與周寬世合力

聖軍方略卷八

南

堵禦並兼顧賊由安遠內竄之路提督婁雲慶
分紮信豐縣之大塘鋪等處左右策應王開琳
一軍自挫敗後新湘營帳棚軍械均未齊全非
大加整頓勢難應敵老湘營又以欠餉太多聚
衆爭鬧昨經咨商左宗棠籌發鉅餉須俟解到
料理妥帖再候調遣臣現飭總局司道籌撥軍
裝餉需趕解協濟並囑王開琳上緊整飭隊伍

以期剋日成軍出防一面激勵本省防師力固疆圉此次銓字營隨同周寬世力戰卻賊可否容臣擇尤保獎出自

天恩奏入

上命軍機大臣傳諭瑞麟左宗棠徐宗幹郭嵩燾孫長紱曰興甯逆匪竄入江西長甯縣境之留車墟經江軍擊退賊向廣東龍川縣上坪墟一帶竄去

欽定剿平粵匪方略

卷四〇八

銓字營隨同周寬世等力戰卻賊不無微勞足錄

著孫長紱擇尤保獎毋許冒濫前因瑞麟等奏平

遠肅清濂逆仍踞鎮平當經諭令調集各軍分路

進剿現在賊眾數萬屬聚龍川毗連鎮平與定南

龍南相距均不甚遠霆營叛勇若與合股賊益

張設被往來竄越則剿辦更形棘手孫長紱已飭

席寶田周寬世等軍合力堵禦卽著督飭該臬司

等以剿爲防毋任該逆繞越王開琳一軍新湘營

既須整頓老湘營何以亦有索餉爭鬪情事著左

宗棠等迅速籌發該營餉項以固軍心孫長紱卽

飭王開琳趕緊整飭隊伍剋日到防由贛州一路

督軍前進與粵軍併力夾擊共殄窮寇粵境賊氛

正熾著瑞麟郭嵩燾遵前旨催調各省援軍會

合本省之兵四面兜擊迅拔鎮平縣城肅除巨寇

欽定剿平粵匪方略

卷四〇八

毋令賊蹤紛竄更益蔓延

二十九日壬戌瑞麟郭嵩燾奏言濂逆大股屬聚

鎮平探知嘉應防軍稍單傾巢出擾分撲白渡

石峯徑都司周升以五百人守白渡副將林保

以二千人守石峯徑賊圍攻白渡周升部勇無

幾以重賞激勵衆心堅壘固守齊力轟擊斃匪

甚多該逆敗退其撲石峯徑之賊約五六萬人

林保扼守前山花旗股匪首先衝突紅旗賊匪
續至千總鄭紀勳中槍陣歿黃旗股匪由石扇
翻山抄襲我軍後營直薄濠邊都司楊仁守備
王熊彪千總林恩黃點俱受傷殞命各營兵勇
盡力血戰林保退紮象村路口以扼州城之路
賊仍紛紛踵至適方耀自龍虎墟折回州城督
勇援勦林保亦揮軍合攻賊向新鋪墟逃走方

聖朝方略卷四十八

七

耀等追殺二十餘里斃賊二百餘名該逆復分
三路攻撲象村營盤眾軍分投追殺賊勢披靡
俱遁回鎮平縣城現在寔營叛卒尙踞興甯羅
浮司勾結花旗股匪擾及長甯龍川接壤之平
越汶水等處當調副將鄭紹忠一軍駐紮龍川
以資堵禦並飭李福泰督令鄭紹忠勦辦花旗
股匪毋留餘孽另調黃添元鄧奮鵬移紮長樂

縣城卓興仍駐興甯固守惠詔門戶與鄭紹忠
互爲聲援方耀全軍進紮新鋪墟漸薄鎮城道
員康國器率閩軍自松源移赴嵩山派鄧安邦
等軍徑抵嵩山爲閩軍嚮導節節緊逼以收聚
殲之效惟濂逆黨與尙眾粵軍祇此數營戰守
兼籌時形拮据屢經咨催蘇軍郭松林楊鼎勳
速赴嘉應合勦若獲及時畢至辦理較易得手

聖朝方略卷四十八

八

至總兵銜副將林保此次派守石峯徑係屬嘉
應要區關繫甚重輒爲逆匪所乘所部員弁丁
勇傷亡多名雖因眾寡懸殊疏忽之咎究無可
辭應請

旨將林保暫行革職責令帶罪立功以贖前愆都司
楊仁守備王熊彪守備銜儘先千總鄭紀勳千
總林恩黃點力戰捐軀請

飭部照例議卹其餘陣亡營弁兵勇容臣查明咨部
請卹奏入

上命軍機大臣傳諭瑞麟左宗棠徐宗幹劉坤一郭
嵩燾孫長紱曰濂逆大股麕聚鎮平乘虛竄擾嘉
應分撲白渡石峯徑兩處營盤經方耀等軍馳往
援剿連獲勝仗該逆全數退回鎮平方耀等軍現
已進紮新鋪墟漸薄鎮城力圖攻剿卽著瑞麟郭
嵩燾督飭該總兵等統兵進剿迅拔堅城盡殲醜
類毋任闖入腹地致貽後患康國器所部閩軍自
松源移赴嵩山瑞麟等已派鄧安邦等軍徑抵嵩
山以爲閩軍嚮導卽著左宗棠徐宗幹檄飭康國
器會合粵軍節節進逼將鎮城踞匪悉數掃蕩以
清餘孽郭松林楊鼎勳所部蘇軍如尙在閩境並
著左宗棠飭令速赴嘉應會合進剿不可稍分畛

聖
軍
方略
卷
四
八

七

域致誤戎機前據瑞麟等奏霆營叛勇已困守十
三都司何以此次又與花旗合股擾及平越汝水
等處可見卓興等勦辦不力致被賊匪竄突瑞麟
等務當嚴飭卓興鄭紹忠等軍實力兜剿毋稍鬆
勁並著孫長紱嚴飭在防各軍併力堵剿勿任竄
越副將林保駐守石峯徑地方雖因衆寡不敵爲
賊所乘究難辭咎卽著暫行革職仍責令帶罪立

聖
軍
方略
卷
四
八

三

功以觀後效陣亡都司楊仁守備王熊彪守備銜
千總鄭紀勳千總林恩黃點均著交部照例議卹
霆營叛勇尙在長甯龍川一帶江西軍務喫緊劉
坤一著卽迅速赴任以資調度

七月初三日 乙丑 李鴻章奏言福建陸路提督郭

松林蘇松鎮總兵楊鼎勳等援閩之十六營臣
曾奏調由閩繞越江楚邊境攔頭扼剿續據閩

浙督臣左宗棠以閩中潰匪止存汪海洋一股

該督已分派所部入贛州等處兼顧江楚應令

郭松林楊鼎勳二軍回蘇聽候調遣並經左宗

棠飭委廈門官紳豫備輪船資送該兩軍於六

月初開陸續由海抵滬查此次援閩各營崎嶇

轉戰遠涉重洋兵勇疲憊異常臣因檄令由滬

拔隊暫紮鎮江城外加意休養俾軍士元氣漸

聖學聖考卷八

三

復再會商會國藩相機調遣

李鴻章又奏言據署福建陸路提督郭松林咨

稱該提督於同治二年五月閒聞計丁生父憂

三年三月閒聞計接丁祖母劉氏承重憂皆因

蘇省軍務喫緊未得回籍守制現在軍務已鬆

閩疆亦已戡事懇請代額

恩施准其開缺回籍終制所部松字等八營並請派

交蘇松鎮總兵楊鼎勳兼統等情該提督陳情

迫切出於至誠合無仰懇

天恩俯准開缺回籍終制俾遂孝思所遺福建陸路

提督員缺可否請

旨迅賜簡放以重職守至遇缺題奏提督楊鼎勳紀

律精嚴謀勇兼備與郭松林共事最久軍士均

所悅服以之兼統松字八營洵為妥協當由臣

聖學聖考卷八

三

檄飭遵照奏入

上命軍機大臣傳諭會國藩李鴻章曰郭松林楊鼎

勳等援閩之十六營崎嶇轉戰疲憊異常業經凱

撤回蘇自應暫行休養郭松林謀勇夙優受恩深

重自必以國事為急現已降旨賞假四箇月回籍

料理葬事屆期即著銷假以副委任所有松字營

兵勇著暫交楊鼎勳兼統前赴鎮江駐紮聽候會

國藩會商李鴻章相機調遣

上諭內閣曰丁憂署福建陸路提督郭松林帶兵素能得力在江浙等省屢著戰功著毋庸開缺賞假四箇月回籍一俟假滿卽前赴江蘇軍營聽候調遣

初八日庚午署浙江提督鮑超奏言臣前患寒疾已愈舊傷亦漸平復惟怔忡時止時作擬靜攝

聖旨

三

數日心氣略定卽力疾登舟現定於六月二十八日起程赴鄂就商督臣速撥餉項量募新軍並統率舊部將叛勇髮逆次第殄除惟期各省協餉接濟如期庶鞫辦不致棘手奏入

上命軍機大臣傳諭官文左宗棠鄭敦謹李瀚章鮑超孫長紱曰霆營叛勇現與花旗股匪合併竄擾興甯一帶大爲江粵邊境之患鮑超擬於六月二

十八日力疾起程赴鄂募勇往勦具見以國事爲

重惟兵在精不在多鮑超此次召募新勇尤當慎重簡選嚴明約束總以三四營爲率不准再多尤不准以無賴之人雜廁其間致貽後患所有該營一切應用餉項卽著官文鄭敦謹李瀚章孫長紱妥爲籌畫設法協濟俾利進行濼逆大股尙踞鎮平叛勇又於江粵交界出沒無常鮑超一軍應由

聖旨

三

何處先行進兵並著與左宗棠等妥商辦理鮑超到江西後一切進止機宜卽著歸左宗棠節制以一事權

初十日壬申孫長紱奏言髮逆敗竄龍川後叛勇

亦至龍川之龍池地方在吉祥墟與逆衆搜括糧食分派不均互相鬪殺是以旣合復分髮逆竄往老龍街有圖犯惠州之意叛勇於六月初

二日由興甯之羅浮司竄入江省長甯縣留車
墟等處初三日周寬世親率隊伍堵剿該匪聞
風奔逸仍由原路遁往平遠縣中坑周寬世追
至粵界而還該叛勇進退失據遂赴大柘向粵
軍乞降業經總兵方耀收受查點降眾連沿途
附從者共計七千餘人飭令前赴嘉應州石灰
港聽候處置其濶逆一股竄撲嘉應州被粵軍

粵軍略卷四十八

三

擊敗回踞鎮平添造木柵望臺意在伺隙而動
查叛眾已赴粵軍投誠可免勾結之患前股髮
逆竄往老龍街距江省邊境稍遠惟濶逆汪海
洋一股仍踞鎮平偏近會昌長甯臣已飭令席
寶田一軍於會昌邊隘擇要扼紮會同各軍力
防衝突並令提督婁雲慶等軍嚴防龍定南安
以備龍川股匪西竄已革總兵王開琳一軍催

令趕緊出紮會長協力守禦奏入

上命軍機大臣傳諭瑞麟左宗棠徐宗幹郭嵩燾孫
長紱曰叛勇與髮逆在吉祥墟搜括糧食分派不
均互相關殺既合復分叛勇竄長甯被剿遁往平
遠進退失據遂向粵軍乞降經方耀收受計七千
餘人現今前赴嘉應州聽候處置著瑞麟郭嵩燾
督飭方耀妥為區畫其有家可歸者酌量遣撤如

粵軍略卷四十八

三

係無業游民遣散恐復為賊須分營安插令與官
兵相輔而行不可稍涉疏虞致貽後患汪逆仍踞
鎮平添造木柵望臺意在伺隙而動著飭在事各
軍設法攻剿務須四面兜圍勿令再有竄逸髮逆
竄往老龍街有圖犯惠州之意此股現係何人勦
辦卓興現在何處能否跟擊著該署督撫責令迅
速勦辦左宗棠等當懷遵疊次諭旨飭令康國器

等會同粵軍實力攻勦將鎮平踞逆悉數殄除勿
留遺孽鎮平偏近江西之會昌長甯孫長紱已令
席寶田扼紮會長邊界婁雲慶等嚴防龍定南安
王開琳迅紮會長著卽督令席寶田等扼要駐守
遇賊卽擊毋稍大意

十六日戊寅瑞麟郭嵩燾奏言據藩司李福泰稟
稱來逆花旗一股近與濂逆離而爲二踰伏龍

欽定剿平粵匪方略卷四十八

七

川長樂交界地方意圖乞撫仍懷疑懼已派員
馳赴龍川相機辦理仍飭副將鄭紹忠等嚴軍
以待毋稍疏虞濂逆汪海洋盤踞鎮平勾結寇
營叛卒爲輔翼分築三十餘壘百數十里內賊
卡相望增堞濬濠收穫稻穀謀積儲以自固官
軍屢次誘之不出攻之未下現在設法勦辦等
因竊思賊勢利在分不利在合兵勢利於台不

利於分兵分則力薄難支賊合則撓勦易盡此
賊羣踞鎮邑百數十里之地乘此時會集三省
兵力四面合圍或可望其勦滅現在江閩兩省
祇康國器一軍移紮稍近其餘防軍多在贛南
會昌信豐龍南武平等處或百餘里或數百里
桴鼓皆不相聞與其各守門戶有曠日持久之
勞何如共搗腹心奏埽穴擒渠之效合無仰懇

欽定剿平粵匪方略卷四十八

七

聖恩飭下閩浙兩省各令防軍進偏賊巢與粵軍會
合環攻新放廣東提臣高連陞現駐武平與平
遠相距百餘里臣等已咨請督率所部移紮平
遠藉資聯絡亦可扼截該逆西竄之路臣等仍
一面咨商江閩督撫臣會合各軍設法進取以
赴事機奏入

上命軍機大臣傳諭瑞麟左宗棠徐宗幹郭嵩燾孫

長紱曰濂逆汪海洋盤踞鎮平分築賊壘積糧自固爲堅守之計瑞麟等以賊勢合則堯勛易盡兵勢分則力薄難支所見甚是該逆自江閩遁入粵東其勢本已窮蹙若不合力會剿迅圖撲滅疑走固屬可虞且此股一日不除則江閩防軍卽一日不能遣撤老師糜餉東南軍務終無了局左宗棠前僅派康國器一軍進紮粵境兵力究嫌單薄卽

聖朝軍略卷四十八

三

著添派後路防軍剋日進發會同粵軍進規鎮平孫長紱亦卽飭令席寶田等軍前赴粵境與閩粵官軍三面圍逼使該逆無路可竄以期一鼓殲除左宗棠徐宗幹孫長紱接奉此旨卽當迅速調派督飭各軍同時並進不得存此疆彼界之見意存觀望貽誤事機瑞麟郭嵩燾仍著督飭李福泰方耀等軍併力進攻務將此股賊匪就地殄除毋任

再行他竄花旗賊匪與濂逆分股踰伏龍川長樂交界地方如果真心就撫亦須相機妥辦不可稍涉大意致貽後患寔營叛勇前據孫長紱奏稱已向粵軍乞降此次瑞麟摺內則稱汪海洋勾結寔營叛卒爲輔翼等語究竟寔營叛勇是否就撫仍著瑞麟郭嵩燾查明具奏

二十二日甲左宗棠徐宗幹奏言康國器一軍

聖朝軍略卷四十八

三

進駐嘉應所轄松源地方擬會合高連陞等軍由巖前進規鎮平汪海洋老巢謀報賊將取道武平以竄江西康國器改由三溪口以進高連陞遂率五營扼紮中赤飭魏光邴等四營與黃少春所部扼紮巖前劉清亮所部扼紮下壩閩五月二十日各出隊至分水坳見有賊數百築卡踞守高連陞黃少春當飭各營分左右兩路

抄擊自率魏光祚等由中路進擊該逆見閩軍驟至蒼黃遁走官軍乘勢追殺行至坳口因山徑險仄不便窮追將賊卡踏毀收隊而還賊仍回竄鎮平各營正擬進剿忽探汪逆分撲嘉應州城石峯徑之保字營白渡之升字營均被賊圍攻營官林保等僅以身免官軍退紮嘉應賊氛遂蔓延白渡新鋪墟一帶州城岌岌二十一日

欽定剿平粵匪方略卷四十八

三十一

日康國器改赴龍牙二十二日派隊由嵩山一路哨探正與賊遇小有斬擒二十三日康國器督飭各軍分路迎擊擒斬二百餘名該逆棄壘竄回鎮平立將白渡新鋪墟一帶賊壘賊卡悉數平毀汪逆詢知江西粵東邊界防兵甚多慮難竄越仍思由閩邊偷竄江西六月初三四五等日賊由鎮平逾分水坳初六日出撲巖前官

軍營盤賊衆約三萬餘分股撲豬股坳官軍營盤賊衆約二萬餘高連陞黃少春等軍分路迎擊陣斬無算賊衆見兩路皆敗無心戀戰亦即卻退高連陞追至分水坳撤隊初七日賊伏踞不出初八日汪逆復糾僞佑王僞揚王僞東平王等各賊黨及由江楚在粵新附之叛卒仍踞分水坳而來人數尤多謀報各賊裏兩日糧以

欽定剿平粵匪方略卷四十八

三十一

隨僅留僞陪王譚富守鎮平城誓必破此關卡取道武平汀州以竄江西高連陞黃少春登高望之見汪逆出分水坳即揚旗列布嶺口令各賊分起排列或隱或見官軍知其將誘我窮追逞彼抄截之計也偃旗息鼓佯若不知比賊偏近遠令排礮轟之賊即駭奔高連陞黃少春傳令躡蹤追擊僅擒斬落後賊百數十名該逆敗

八分水坳即竄回鎮平縣城先後斃悍賊一千數百名生擒百餘名查鎮平險瘠異常賊難久踞汪逆敗竄之餘猜狠日甚前殺侍逆之黨李元茂等自是賊中益相猜貳賊日向附侍逆者多不直之偽陪王譚富等陰遣其黨赴康國器營輸誠其機頗有可乘惟此賊既未能就廣東境內殲滅終恐遂其竄越江西本謀現在高連

聖學方略卷四十八



陸黃少春駐營巖前中赤劉德亮駐營武平下壩均距鎮平數十里聲勢尚為聯絡道員張恆祥帶所部由上杭移紮高梧遊擊賴長帶所部移紮永定互為犄角而劉典一軍則仍駐汀州濯田一帶相機應之臣等自當隨時調度以期兼顧至力戰陣亡之副將湯復春等相應開列

懇

恩飭部分別議卹奏入

上命軍機大臣傳諭瑞麟左宗棠徐宗幹郭嵩燾孫長紱曰汪逆盤踞鎮平分撲嘉應州經康國器督軍援勦將白渡新鋪墟一帶賊壘賊卡平毀該逆復以江西粵東邊界防兵甚多圖由閩邊分竄江西遂分兩大股出撲巖前豬股坳官軍營壘連日高連陸等軍奮勇血戰該逆仍退回鎮平盤踞鎮

聖學方略卷四十八



平地方險瘠該逆勢難久踞終必遂其竄越江西之謀康國器一軍由嘉應州一路進勦本嫌單薄此時賊既擬由武平竄江高連陸黃少春駐紮巖前中赤之師劉清亮駐紮武平下壩之師均距鎮平僅數十里正可迎頭進擊就地殲勦以杜其紛竄之計汪逆猜狠日甚賊目多不附之其勢自將內訌正可乘機就其輸誠者使之內應尤易得手

著左宗棠卽飭高連陞等得勝之師移營進偏鎮平與康國器軍及粵省官軍兩路夾擊毋失事機其武平上杭各路應防處所仍著該督厚集兵力節節布置並著瑞麟郭嵩燾令李福泰督方耀等軍併力進攻以成合圍之勢其江西之會昌長甯等處孫長絃已飭席寶田等扼要嚴防著仍遵前旨飭令越境與閩粵官軍三面圍逼以期一鼓殲

欽定剿平粵匪方略卷四十八

三

除其巖前豬股坳等處勦賊陣亡之副將湯復春著交部照總兵例議卹通判龍朝翼著照同知例從優議卹擬保副將黃春田擬保都司王朝先徐正魁擬保守備袁金榜均著照擬保官階議卹千總何亨全著照守備例議卹朱得福等均著交部照例議卹

二十七日己丑孫長絃奏言叛勇行抵嘉應州仍

不就撫於六月初六日還屯平遠縣之中坑當該叛勇乞降時正值濂逆汪海洋猛撲武平邊界顯係濂逆喉令詐降牽綴粵師以遂其專力犯閩之計臣現囑江防各軍一意主剿庶免墮其奸謀至前股髮逆竄擾老龍街經粵軍擊敗退回龍川縣巖下一帶盤踞濂逆仍踞鎮平並於城外添築賊壘東北兩門均搭造浮橋叛勇

欽定剿平粵匪方略卷四十八

三

近亦移踞鎮平距城八里地面臣查鎮平東北兩門係通武平及潮州屬境之路賊情詭譎安知非意在竄犯江西故作欲趨閩潮之勢懈我軍心臣現今席寶田駐軍澄心墟係會昌長甯適中之所如賊犯會昌邊境卽令會合張岳齡平江營聯絡閩師兜勦如賊犯長甯卽與周寬世一軍合力迎擊王開琳所部已出紫安遠與

婁雲慶分防龍南定南後路各營互相策應力
堵龍川縣巖下股匪竄江之路劉典一軍尚駐
汀州以爲武平上杭兩路防師聲援並酌派數
營分紮江面以通江閩各軍聲勢奏入

上諭曰賊踞鎮平席寶田周寬世王開琳等軍遠防
不如近剿著仍遵前旨嚴飭前赴粵境與閩粵官
軍四面圍逼以期一鼓殲除克竟前功毋稍觀望

欽定平粵方略卷四十九

七

欽定平粵方略卷四百九 乙丑年

八月初七日 己亥瑞麟郭嵩燾奏言花旗股匪自

平遠被剿潰走江西長甯復被江軍截擊回竄

龍長交界之雉雞籠鐵場等處當飭總兵卓興

副將鄭紹忠戴朝佐等移營進剿六月二十日

鐵場踞匪竄至長樂縣屬之羅龜凹經官軍截

剿斃匪甚衆賊遁回鐵場七月初一日戴朝佐

欽定平粵方略卷四百九

十一

會同各營出隊進攻奮力夾擊賊衆敗潰我軍

乘勝追殺將鐵場鯉魚嶺竹園圍澆坑逆巢一

律掃平賊盡回雉雞籠屯聚初二日鄭紹忠卓

興兩軍合攻雉雞籠均獲勝仗該逆分竄長樂

縣境現飭跟蹤追剿漳逆汪海洋被我軍擊退

後疊犯武平巖前一帶閩軍屢剿獲勝逆匪仍

回鎮平寔營叛卒竄慈溪鄉高田等處恃漳逆

中央民族
學院圖書
館藏書

爲援近獲奸細供稱濂逆有由嘉應出竄之意
李福泰派都司鄧安邦等軍扼守要隘方耀與
道員康國器進紮新鋪及高思地方偏近鎮城
約同進取六月二十一日僞天將譚富率衆千
餘人赴大營投誠薙髮繳械李福泰挑選精銳
八百名留營效用餘俱分別遣散查濂逆各股
匪兇狡異常花旗逸入長甯原欲爲逆衆先導
遂其全股竄江之志迨被勦折回潛伏龍川邊
境實踞嘉應大兵之後牽綴我軍不能兼顧備
勦辦日迫則與濂逆由連和同走南雄信豐勢
將再擾江楚臣等飛調副將朱國雄參將梁瓊
兩軍自南雄移紮連和以扼竄江要路同知曾
紀鳳添募楚勇一千馳赴南雄會同總兵任星
元全隊擇險固守戴朝佐駐兵岐嶺以防賊入

欽定剿平粵匪方略

十一

欽定剿平粵匪方略

三

永安兼顧惠州並飭卓興鄭紹忠等併力合勦
花旗先將此股撲滅以孤濂逆之勢惟東路勁
旅祇有卓興方耀鄭紹忠三軍卓鄭兩軍會勦
花旗股匪已形單薄方耀一軍專顧嘉應兵力
尤單臣等仍當嚴飭方耀會商康國器等節節
偏緊相機圖克鎮平一面移催提臣高連陞速
紮平遠以資聯絡至譚富自拔來歸應請准其
更名譚德恩隨營效力仍察看能否立功再行
分別辦理奏入
上命軍機大臣傳諭瑞麟左宗棠徐宗幹劉坤一郭
嵩燾孫長絨曰花旗股匪被江西截擊回竄龍川
等處經瑞麟等飭卓興等移營進勦斃賊多名現
令該將弁跟蹤追勦所辦尙合機宜惟濂逆在鎮
平與霆營叛卒互相接應並有由嘉應出竄之意

設與花旗合股同竄南雄信豐勢必再擾江楚瑞麟等雖派副將朱國雄等移紮連和並添募楚勇馳赴南雄扼守而進偏鎮平祇有方耀康國器兩軍尙形單薄高連陞等軍何以日久未到著左宗棠等嚴飭速赴粵省會同進剿以期速復鎮平前諭孫長紱飭令席寶田等軍越境會剿劉坤一計程當抵新任著迅催贛州防軍入粵以厚兵力花

聖朝聖略卷九

四

旗剿敗之餘易於殄滅著瑞麟等嚴飭卓興等軍奮勉攻剿不得稍涉鬆懈偽天將譚當自拔來歸著准其更名隨營效力儘能殺賊立功著瑞麟等奏請獎敘

十三日 乙巳 孫長紱奏言據報廣東龍川縣之賊

偽天將林政揚於七月初九日率大股竄往長樂翟逆一股尙踞龍川興甯交界地面漶逆注

海洋近日亦由鎮平移糧至東石地方等情該處路通嘉應平遠似有他竄之意該逆自瑞麟平與粵師抗持累月而林翟兩逆分擾長樂龍川滋蔓漸廣江閩邊防殊無了日宜合三省兵力速行掃蕩惟越境會剿必須大隊勁旅方能得力臣現令提督婁雲慶之霆字營臬司席寶田之精毅營共籌援粵惟霆營原駐鐵石墟現

聖朝聖略卷九

五

又分隊進紮鵝公墟兼防龍川逆匪竄江之路精毅營原駐澄江墟現又分隊進紮珠村墟兼防鎮平逆匪竄江之路今均調派出境邊防頓覺空虛兵力甚單此外無可調派填紮惟有諄囑婁雲慶席寶田與閩粵各軍定期進取步步爲營以剿爲堵力杜該逆繞越江境至會合三省兵力進剿殘寇主客各軍營數旣多職分又

各不相下指揮調度未必相符亟須威望素著
之大員駐軍督勦方足嚴號令而一事權合無
仰懇

天恩特派重臣進駐粵境節制三省官軍督率攻勦
以期將士用命迅掃賊氛奏入

上命軍機大臣傳諭左宗棠瑞麟劉坤一郭嵩燾孫
長紱曰據孫長紱奏稱林逆竄往長樂舊逆尙踞

欽定剿平粵匪方略卷四十九

六

龍川興甯交界地面濼逆由鎮平移糧東石地方
似有他竄之意現飭令婁雲慶等會籌援勦而兵
力甚單且須兼顧江境惟有步步爲營以勦爲堵
請特派重臣進駐粵境督勦等語濼逆一日不除
粵境一日不靖江閩邊防迄無了期自應合三省
兵力迅圖殄滅第主客各軍營數旣多職分又各
不相下且該將領進止機宜須俟各該省督撫指

揮調度勢必遷延觀望坐失事機左宗棠廓清浙
閩威望素著著卽督率高連陞等軍馳赴粵境調
遣三省之軍合力攻勦所有江西廣東援勦各軍
均著歸左宗棠節制以一事權務將鎮平踞匪剋
日殲除林翟諸逆次第掃蕩俾粵省一律肅清汪
海洋以殘敗餘孽竄踞鎮平粵軍進攻數月迄未
得手殊屬疲玩著瑞麟等嚴飭李福泰方耀等認

欽定剿平粵匪方略卷四十九

七

眞攻勦迅拔堅城如敢再事因循卽著左宗棠從
嚴叅辦劉坤一計期應已抵任著恪遵前旨檄飭
江境防軍入粵會勦聽候左宗棠調遣以期迅速
戴功

十五日丁未左宗棠徐宗幹奏言康國器一軍在

嘉應嵩山擊賊獲勝後六月初九日汪逆遣黨
五六百人於棠梅亭地方築卡冀阻官軍進攻

之路康國器即飭吳光亮等乘夜進攻施放火器斃賊百餘名餘匪遁回鎮平二十七日康國器親督各營由高思前進七月初二日飭羅洪標等各率所部進紮距鎮平二十里之程官埠初六日康熊飛林本羅洪標等分三路進攻石坑排藍坊南坑頭各賊壘均破之賊匪棄械狂竄共斃賊一千數百名初八日康國器復督各

黎軍陣略卷四十九

八

營分路進剿康熊飛等行抵南坑頭逆首胡瞎子率悍黨三萬餘結陣抗拒康熊飛等督勇奮擊關鎮邦等繼之逆首胡瞎子被創遁走為兵勇所殺官軍追至距鎮平南門八里始行收隊是役共斃賊二千餘名查汪海洋竄伏鎮平該處居粵閩深山之中巖谷幽險掠食維艱勢難久踞現在康國器關鎮邦兩軍攻其東南距鎮

平縣城不過二十里高連陞黃少春劉清亮分紮武平邊境在鎮平之北距鎮平縣城亦祇四十餘里又飭張恆祥率所部由上杭赴巖前替出高連陞軍回紮中赤以助下壩之防王德榜率所部由上杭趨象洞劉清亮率所部移紮盤龍岡劉典赴援江西之軍暫行移紮濯田以助武平現在鎮平東南及東面北面閩軍已互相

黎軍陣略卷四十九

九

聯絡長圍感賊之勢已成惟西路西南路可通興甯長樂龍川其地距閩較遠必須粵軍自為截剿非閩軍所能代謀據李福泰函稱花旗各賊竄擾龍川現催卓興先將花旗撲滅而後集龍長之師全力以攻鎮平若如所擬則鎮平西路西南路竄蹤盡斷不難剋期剿除左宗棠又奏言查老湘營自咸豐十年隨臣剿

賊陸續增至三千餘人歸總兵王開琳管帶復經江西撫臣沈葆楨增募勇丁四千名編爲新湘九營餉由江西籌給管官哨長均由老營分撥併歸王開琳統帶四月二十二日進剿永定獮射四之賊新湘六營老湘兩營俱陷宿將丁長勝死之究其致敗之由實因米糧匱乏軍士飢疲所致臣當飭解月餉令王開琳加意整理

欽定剿平粵匪方略卷四十九

十一

拔赴贛州以助江西之防王開琳抵贛後稟稱老湘左營忽有索餉聚鬧情事並稱積欠口糧甚多臣查老湘營自成軍以來舊餉止欠發銀八萬六千餘兩新餉止欠發銀二萬四千餘兩臣因聞餉罄竭諭各軍以浙省月協閩餉十四萬兩新餉可源源而來其舊餉均截至同治三年年底止暫緩清給各軍知新餉旋來舊餉有著

並無異詞何以老湘一軍忽敢謀索並稱積欠甚多旋查新湘各營月餉須二萬三四千兩入閩以來江省每月多則僅解銀七千兩少則僅解銀五六千兩較之老湘短絀懸殊王開琳因新勇立形飢潰不得不於老勇浙餉內挪墊勻給而老勇以分所應得之浙餉爲新勇所分心懷不服謀索隨之臣宗棠當卽嚴飭清釐旋據

欽定剿平粵匪方略卷四十九

十一

王開琳稟斬其倡首者六人而事已定已由贛州前赴安遠扼紮未聞有他大約江西續發新湘之餉其事始息也惟是謀索之端一開士氣已囂然不靖如江西之餉必謀索而後可得則各軍難免效尤寔營叛勇何嘗非有功江西之人祇因積欠過多有所藉口遂致決裂厥後雲慶一軍入閩數月僅得餉二萬兩並向領食

米亦概不發給迨軍中大譁擁至贛州江西始發餉銀七萬兩是士卒飢譟之由皆因餉項不能勻給不得不據實瀝陳奏入

上命軍機大臣傳諭左宗棠瑞麟徐宗幹劉坤一郭嵩燾孫長紱曰汪逆竄伏鎮平疊經閩粵各軍圍逼勢孤力竭斷難久踞惟窮極思竄自在意中現在康國器關鎮邦兩軍攻其東南距鎮城僅十餘

聖朝聖略卷四十九

十一

里高連陞黃少春等軍分布鎮城之北皆相距數十里是東南北三面已成長圍之勢惟鎮平西路西南路可通輿甯長樂龍川閩軍尙難兼顧自係實在情形本月十三日已有旨令左宗棠馳赴粵境調遣三省之兵合力攻勦卽著左宗棠剋期進紮將江粵各軍應如何布置務臻周密之處相機妥辦迅奏膚公左宗棠起程後閩省邊防事宜徐

宗幹當隨時咨商左宗棠認真籌辦卓興一軍勦辦花旗股匪情形若何著瑞麟郭嵩燾嚴飭實力進剿迅圖撲滅以便騰出兵力合攻鎮平毋得曠日持久顧此失彼劉坤一孫長紱當恪遵疊次諭旨檄令江省防軍進紮粵境合力圍攻鎮平以竟全功左宗棠奏王開琳等所部各營餉絀爭鬧情形江省於該軍應發之餉何以任意遲延直至該

聖朝聖略卷四十九

十三

營滋鬧始行發給孫長紱於此事辦理實屬不善嗣後新老湘營及婁雲慶所部各營餉銀著劉坤一等源源撥解毋令缺乏

二十一日 癸丑 郭嵩燾奏言 臣渥邀

恩命權撫粵東蚤作夜思原期補救萬一無如年來疾病侵尋漸至增劇伏念粵東尙屬有爲之地巡撫又兼得爲之權 臣以疾病餘生深恐貽誤

地方惟有仰懇

天恩准予開缺

特簡賢員巡撫粵東實於地方有神

郭嵩燾又奏言廣東軍務約有數誤本年五月

賊勢沿潮州北竄由武平以趨鎮平其時郭松

林楊鼎勳兩軍駐紮雲霄屢與臣約由閩赴粵

而鎮平失守二十餘日李福泰並未稟報迨臣

欽定剿平粵匪方略卷四十九

十四

得楊鼎勳函始商之兼署督臣瑞麟委員運糧

往迎已由左宗棠奏飭回蘇坐令窮賊入粵不

得大支勁旅勦辦此一誤也馮子材自江南回

粵臣與接談軍務具有條理其將弁若楊武賢

關松志楊青山湛恩榮大率樸幹椎魯深堪倚

恃曾言於前督臣毛鴻賓以李福泰本非知兵

又素性慈柔過於粉飾宜令馮子材接辦東江

軍務毛鴻賓具奏後又將卓興調赴東江改奏

馮子材辦理羅定股匪迨羅定事竣霆營叛卒

適偏樂昌臣又屢商瑞麟飭馮子材督辦均未

允從用兵至四萬餘僅恃李福泰輾轉周旋不

諳調度此又一誤也湘淮各軍由曾國藩定立

營制以五百人爲一營整齊約束東粵民強悍甚

於湘淮而自來募勇章程極爲廢弛臣前與毛

欽定剿平粵匪方略卷四十九

十五

鴻賓商定營制仍以五百人爲一營乃方耀始

留三千人爲六營漸增至九千餘人鄭紹忠五

百人爲一營漸增至五千人迄未依照辦理方

耀防堵平遠數月聞賊至而先避全軍潰散鎮

平賊退鄭紹忠跟蹤收復數日而賊返撲至損

銳氣卓興住省兩月索舊欠二十萬以行由老

隆調赴興甯徑報率勇歸家已而復稱各勇均

經招回瑞麟概不查問此又一誤也查粵東軍務未嘗講求實際從前額餉之外動懸賞號數萬浪費營私不知所紀近年用兵至四五萬人餉需稍缺即驕蹇不服調度加以幕客門丁書吏扶同罔利惟懼事權旁假聳弄督臣防臣干預前因長樂失守惠州戒嚴經司道等會商請臣駐紮惠州藉資鎮壓乃督臣面斥司道責臣

聖朝聖略卷四九

七

越職侵權臣以惠州為省垣屏蔽瑞麟兼任將軍職在居守臣躬親禦賊仍請瑞麟具奏似非越職而以此大觸忌諱遂至宣言於眾謂撫臣欲加整頓一系卓興而卓興反一系方耀而方耀反此二人憾撫臣方深一出省且舉兵圍之索餉臣於卓興方耀惟公事交涉稍加勸誠瑞麟專與交歡一時負氣昌言於眾萬一興亂咎

將誰歸臣查瑞麟慈柔寬裕狃於見好如去年九月旗營因積欠譁謀立時籌放數千金本年五月譁謀又籌放數千金始終不懲儆一人以粵東曠悍之區人心浮動之日又當軍務繁興庫儲空乏竊憂其難以持久如臣愚弱因循徒滋怨謗實無可為自效之術非有剛強嚴毅之員接任巡撫幫同瑞麟經理恐隱憂日深不可

聖朝聖略卷四九

七

收拾仍乞嚴飭瑞麟先將該署幕友徐灝檳退稍清其流無任盤踞把持敗壞風氣實於粵東大局有裨奏入上命軍機大臣傳諭左宗棠曰郭嵩燾與瑞麟意見不合致多掣肘何妨據實陳奏乃竟稱疾乞退殊失和衷之道其所陳廣東軍務致誤之由如李福泰粉飾軍情鎮平失守二十餘日李福泰並未稟

報方耀防堵平遠數月聞賊至而先期避去致令全軍潰散卓興駐省兩月索餉二十萬由老隆調赴興甯徑報率勇歸家已而復稱各勇均經招回瑞麟概不查問長樂失守惠州戒嚴郭嵩燾欲駐紮惠州瑞麟將會商之司道面斥且對眾宣言巡撫欲加整頓卓興方耀將反如果實有其事實屬有意掣肘幕友徐灝係屬何人郭嵩燾但請撥退

欽定剿平粵匪方略卷四十九

十九

而未明言其如何盤踞把持敗壞風氣前有旨諭令左宗棠馳赴鎮平督辦軍務將廣東江西福建三省兵勇節制調遣刻下諒已接奉此旨即著就近將郭嵩燾所奏各節確切訪查該署督撫因何不協究竟爲公爲私據實覆奏請旨遵行粵省軍務方殷若疆臣各存意見將士復粉飾軍情不肯盡力大局何堪設想左宗棠秉心公正諒不肯稍

涉徇徇代人受過本日孫長紱奏粵席兩軍現議取道赴粵並探聞李侍賢爲汪逆刺斃兼殺其舊黨僞王宗天將等五人現在李逆舊黨猜忌益甚機有可乘等語已諭劉坤一等飭派出各軍合力圍剿左宗棠當懷遵屢次諭旨迅速赴粵將江西閩粵各軍妥爲調度以期早日竣事李逆是否被殺並著查明具奏

欽定剿平粵匪方略卷四十九

十九

同日孫長紱奏言據婁雲慶咨稱逆首汪海洋盤踞鎮平伺隙思逞婁雲慶已親率馬步各營赴定南長甯交界之鵝公墟並會商席寶田率軍由澄江墟出粵東平遠縣之東石婁雲慶率霆字營由長甯八尺墟出平遠縣之大柘分路並進聯絡閩省武平防師爲合力圍逼之計兼截逆匪圖竄江省會昌瑞金之路並擬令周寬

世統銓字營進扼篁鄉堡王開琳統新老湘營
移守鵝公墟以固長甯安遠藩籬惟定南一口
與粵之和平龍川興甯等縣毗連須防長樂股
匪乘虛竄入擬將防守南安之祥字營移扼定
南另撥一軍填紮南安又據吉南賴甯道王文
瑞稟稱侍逆李侍賢自永定潰後薙髮逃至鎮
平黃坑地方爲叛勇所獲疑係官軍探卒送至

聖朝聖略卷四十九

三

僞天將黃添元館內李侍賢當以實告黃添元
卽報知汪海洋迎往鎮平其初相待甚優嗣李
侍賢舊夥各頭目聞李逆至紛紛往見李逆復
屢次索還舊黨汪逆不許始懷疑忌李逆與舊
黨以汪逆不肯分兵必懷不善又畏其很鷲密
謀刺害爲汪逆所覺於七月初三夜閒飭令心
腹將李逆刺斃並殺其舊黨僞王宗天將朝將

五人復將李黨分隸各館猜防益甚等情臣查
侍逆李侍賢流毒數省罪難擢髮永定之役竟
被漏網今爲汪逆所殺從此除一兇渠其舊黨
遂與汪逆互相猜嫌機有可乘應易奏功婁雲
慶與席寶田議定分道並進堪以兼顧會瑞邊
防臣現咨湖南提督周寬世已革總兵王開琳
各率所部剋日分路前進惟所稱以防守南安

聖朝聖略卷四十九

三

之祥字營移防定南查南安地處江粵咽喉亦
爲粵逆竄楚要道臣現與湖南撫臣函商另撥
一軍填紮南安卽令祥字營馳駐定南庶後路
悉臻周密奏入

上命軍機大臣傳諭劉坤一孫長紱曰濂逆汪海洋
久踞鎮平伺隙圖逞近因侍逆李侍賢窮蹙往投
索還舊黨互相猜忌汪海洋於七月初三夜閒將

李逆殺斃其黨與多懷疑貳機事大有可乘亟應
撥調重兵合力兜剿前已諭令左宗棠督率高連
陞等軍馳赴粵境督剿江廣援軍均歸節制現在
席寶田所部精捷營議由澄江墟出平遠縣之東
石婁雲慶所部霆字營議由長甯八尺墟出平遠
縣之大柘分道並進會合閩省防師實力圍偏兼
截該匪圖竄江省會昌瑞金之路卽著劉坤一孫

欽定剿平粵匪方略卷九

三

長紱飛檄該兩軍迅卽取道入粵歸左宗棠調度
相機合剿孫長紱現咨行周寬世進扼篁鄉堡王
開琳移守鵝公墟以固長甯安遠藩籬並防守定
南南安著照所議會籌妥辦劉坤一計已抵任著
卽將邊境防守情形隨時確查具奏

二十三日乙卯左宗棠徐宗幹奏言康國器一軍
進駐鎮平將石排坑等處賊壘掃蕩後七月十

三日汪海洋復率悍黨二萬餘分路直撲程官
埠營壘營官林木等督隊猛戰殺賊二百餘名
康國器復飭康熊飛等各率兵勇橫截又斃悍
賊五百餘名擒斬偽神將朱三元等多名賊遂
敗竄十四日汪逆復糾逆黨萬餘來犯康國器
料賊詭謀必虛攻程官埠待高思各軍出援卽
圖襲我後路當飭林木等率軍往程官埠助剿

欽定剿平粵匪方略卷九

三

一面飭康熊飛等嚴守營壘挑選銳卒伏於石
灰岡烏泥嶺兩山之閒伺賊竄入擊之汪逆果
嗾胡瞎子何明亮等率眾撲程官埠營壘林木
等俟賊撲近排槍轟擊斃賊甚多汪逆令胡瞎
子等牽掣程官埠各營親率偽奉王黃十四偽
王宗汪大力等二萬餘人徑撲高思官軍營壘
康熊飛率隊佯退誘賊入伏吳光亮等從山坳

突出伏兵盡起僞王宗汪大力中槍立斃僞奉
王黃十四擊傷右髀墜馬落澗而遁官軍縱擊
陣斃僞參護汪得勝等悍賊六百餘名賊敗退
山巔汪逆勒令諸賊拌死回關康熊飛吳光亭
等各率所部前後夾擊槍傷汪逆左腕羣逆急
昇之走賊隊大亂立斃悍賊四百餘名吳光亮
等分路抄截賊墮巖落澗死者不下數千林木
等同時將胡瞎子何明亮兩逆擊敗斬賊四百
餘名汪海洋胡瞎子等遁回鎮平共陣斃悍賊
二千餘名是日張恆祥亦率隊至分水坳一帶
察看地勢遇賊數百擊走查竄粵餘逆惟汪海
洋一股兇狡最著此次經康國器督軍勦敗殲
斃悍賊甚多兇燄頓衰據獲賊供鎮平之賊久
思由武平竄江西因汪逆新被重創一時猝難

遠竄現在劉典所派總兵劉明燧等已抵武平
臣等卽飭高連陞黃少春兩軍由巖前中赤進
駐廣福鄉以攻鎮平之北劉典所部填紮下壩
盤龍岡爲各軍聲援兼顧江西其王德榜一軍
由上杭象洞前進與高連陞黃少春康國器各
軍互相聯絡粵軍如能嚴扼鎮平西南不任賊
蹤紛竄閩浙各軍由鎮平東路北路東南路節
節偏勦自可漸合長圍以期聚殲頃據廣東藩
司李福泰稟報長樂縣城又被花旗賊匪竄陷
現催卓興鄭紹忠等軍往勦是該藩司前議先
將花旗撲滅再行會規鎮平旣勢有未能閩軍
亦迫不及待而方耀鄧安邦兩軍現雖駐鎮平
之南能否力扼西南尙未可知此次康國器一
軍勦賊出力弁勇可否由臣等查明擇尤請

旨獎勵陣亡之擬保守備把總區昌應請

飭部照守備陣亡例議卹

同日瑞麟郭嵩燾奏言花旗全股匪聚雒雞籠
總兵卓興參將戴朝佐同紮鐵場副將鄭紹忠
駐紮十二排黃花口約期合攻七月初五初七
初八等日疊次進剿均有斬擒初九日該逆繞
道突撲長樂縣城知縣粟資源督同文武兵團

欽定剿平粵匪方略

卷四〇九

登陴守禦開礮轟斃悍賊數名逆勢稍卻忽後
股踵至冒死圍攻守城兵力不支是日酉刻被
匪闖入縣城粟資源督勇巷戰身受叢傷不知
下落戴朝佐中途聞報即派都司黃添元等兩
營赴援因山路泥濘難行比黃昏抵縣而城已
先陷卓興親督全軍由青溪渡河十三日抵長
樂之五里亭該逆大隊出城迎敵我軍分路進

剿斃匪千餘名是日鄭紹忠由隔河繞出塔岡

以攻其東南前隊劉順昌等從水西壩過河該

匪一股於南路三里之高排坊迎敵一股從南

門湧出我軍兩路夾攻將高排坊之匪首尾截

斷殺賊五十餘人掃除賊營五座各匪仍抵死

不退兵勇奮力衝殺又斃匪百餘名賊由南門

敗入城內十四十五十六等日官軍偏城環攻

欽定剿平粵匪方略

卷四〇九

賊閉門不出花旗股匪之竄擾龍川也與濂逆
暗約牽綴官軍使前後不能兼顧是以七月初
五日卓興合剿雒雞籠濂逆即於是日率黨五
六千人赴黃沙坑山嶺築營爲掩襲我營之計
總兵方耀於初六日率軍直抵黃沙坑潛登山
巔壓賊壘而陣該逆不料我軍猝至蒼黃出拒
我軍槍礮齊施斬斃數百名生擒偽天將黃培

陞等二十二名賊由山北遁入鎮平十三日方
耀親督大隊進擊斃匪甚夥十七日賊由鎮平
擁眾數萬會齊三圳墟之匪欲搭浮橋過河以
犯我營方耀督勇出戰遇賊於鴨麻渡口我軍
分隊迎擊槍斃悍匪多名賊始遁回三圳墟連
日閩軍康國器亦屢獲勝仗查濂逆與花旗股
匪狼狽為奸以長樂處惠州嘉應之中為餉道

聖朝聖略卷四十九

天

所經攻我所必顧期分兵力故濂逆同時蠢動
思與花旗遙相呼應進可擾粵退可竄江其謀
甚狡自卓興等圍攻長樂而賊已入諸陷阱果
從此先將花旗殄滅可絕惠郡腹心之患惟惠
州為省會藩籬永安毗連長樂又為惠州門戶
臣等現飭卓興等剋期先復長樂方可移軍赴
嘉以全力規取鎮邑復飭衛佐邦速赴惠郡布

置防堵事宜朱國雄梁瓊兩軍馳抵永安以扼
東江要隘鄧安邦一軍移紮興甯以剿竄匪仍
飭方耀會商閩軍康國器等設法進取以杜濂
逆旁竄至黃添元鄧奮鵬馳援長樂輒因溪漲
路阻未克迅速赴援以致縣城被陷實屬咎無
可辭應請

聖朝聖略卷四十九

天

旨將都司黃添元鄧奮鵬即行革職仍隨營效力以
觀後效長樂文武下落容俟查明分別辦理均
奏入

上命軍機大臣傳諭左宗棠瑞麟徐宗幹劉坤一郭
嵩勳孫長紱曰竄粵餘逆惟汪海洋一股兇狡最
著此次經康國器督軍痛剿殲斃悍賊甚多汪逆
身受重創一時猝難遠竄自應以剿為防步步圍
逼方能聚而殲旃左宗棠現飭高連陞等進逼鎮

平之北令劉典王德榜等分屯要隘聯絡聲援惟鎮平西南一路必須粵軍嚴扼其衝而花旗股匪竄陷長樂卓興等軍爲所牽綴僅餘方耀邵安邦兩軍恐不足以遏賊奔突著瑞麟郭嵩燾督飭方耀等實力扼守一面嚴飭卓興等將長樂縣城迅圖攻克殄滅花旗一股庶得早日合兵戡除汪逆席寶田婁雲慶等軍前已有旨令其馳赴鎮平左

欽定剿平粵匪方略卷四十九

三十一

宗棠督辦軍務廣東福建江西三省兵勇均歸節制著懷遵前旨迅速前進妥籌一切如有不遵調遣及遲玩軍務者並著查明參奏康國器一軍越境勦賊以寡勝衆准由左宗棠等查明出力員弁擇尤保奏陣亡之把總區昌著照守備陣亡例議卹長樂文武下落著瑞麟等查明具奏都司黃添元鄧奮鵬馳援長樂輒因溪漲路阻未克迅速赴

援以致被匪攻陷實屬咎無可辭均著卽行革職仍令隨營效力贖罪

二十八日庚申大學士湖廣總督官文湖北巡撫

鄭敦謹奏旨欽奉

諭旨飭將鮑超一軍餉項設法接濟該提督已於八月初二日到鄂適接江西撫臣杏稱霆營潰勇自竄至龍川地方與髮逆先合後分遂赴大柘

欽定剿平粵匪方略卷四十九

三十一

向粵軍乞降行至嘉應仍不肯就撫還屯鎮平平遠長樂與髮逆汪海洋互相犄角其霆軍之留上杭者雖經婁雲慶設法拊循然亦須該提督親往料理方可復成勁旅是江粵軍情正在喫緊自應促其趕緊四營馳赴江西辦理江粵軍務所需軍火等項卽由鄂省酌給其應支月餉並飭糧臺籌給兩月全餉以利進征將來鮑

超抵江後該軍月餉卽由江西就近籌撥奏入
上命軍機大臣傳諭官文左宗棠劉坤一鄭敦謹鮑

超孫長紱日官文等奏提督鮑超現已抵鄂募勇
赴江助剿前次霆軍叛勇已與汪逆勾合抗拒官

兵其妻雲慶所帶部勇前亦因索餉譁謀必須鮑
超親往整頓方可復成勁旅著傳諭該提督趕募

四營馳赴江粵邊境聽候左宗棠調遣汪逆身受
重傷困守鎮平鮑超打仗素能得力左宗棠得此

生力一軍會督閩粵諸將鼓勇前進諒不難剋日
殲除鮑超一軍應支月餉現已由湖北籌給兩月

以利進征該提督抵江後卽著劉坤一孫長紱就
近籌撥毋令缺乏

聖朝聖略卷四十九

三

欽定剿平粵匪方略卷四百十 乙丑年

九月初二日甲子瑞麟郭嵩燾奏言花旗

入長樂縣城各軍合力圍攻該匪閉城不出七

月十七日總兵卓興督率親軍移紮城北該逆

率黨三千餘人憑擁來犯卓興與都司莫華喜

等帶勇前後夾攻斃匪多名是夜卓興派莫華

喜在附城山嶺潛築礮樓悍賊千餘復行出撲

聖朝聖略卷四百十

一

莫華喜督勇放槍轟擊卓興繞出賊後奮攻賊

眾駭潰十八日卓興復令守備林進陞於城北

山上添築礮樓一座用炸礮轟入城內斃賊不

少二十五日該逆大隊從東門擁出掩襲官軍

營盤副將鄭紹忠等奮力衝擊殺賊數十名賊

趨東門遁去是夜偽列王黃棕保遣人赴鄭紹

忠營前投誠鄭紹忠飭令立功自效二十七日

中央民族
學院圖書

陡聞城內殺聲鼎沸我軍嚴列以待黃棕保率其黨二百餘人從南門奔出各匪從後跟追鄭紹忠以擡槍隊接應黃棕保到營薙髮繳械卓興飭交鄭紹忠安插是夜卓興設伏東門外分隊伴攻逆匪礮臺該逆驟開東門赴援伏兵突起殺賊無算生擒偽列王洪桂芳一名卓興料匪已膽寒乘夜約鄭紹忠等同時進攻將礮臺

聖皇聖略卷四十一

二

內屯匪千餘人聚礮無遺賊閉門拒守我軍愈攻愈猛偽天將林政揚等縋城乞降將首先倡亂之偽來王陸瞬得細縛送出並殺來逆親隨死黨百餘名三十至八月初一等日逆眾全行薙髮繳械當卽酌選精銳充當頭敵擬帶赴鎮平勦辦濂逆餘眾遣散立將縣城收復惟汪海洋屯聚鎮平久思狂竄方耀一軍較單未能深

入幸花旗已經剿滅尙餘零星小股散漫於興甯龍川交界之赤岡等處祇須酌留一軍勦撫兼施或不難於蕝事現飭卓興鄭紹忠等卽日移紮鎮平會同方耀及康國器等合力勦辦以清餘孽再將總兵曾敏行一軍調紮南雄參將朱國雄遊擊梁瓊兩營移赴連和一帶擇要扼守江西邊境所獲來逆陸瞬得列逆洪桂芳均

聖皇聖略卷四十一

三

令解省審辦以正典刑總兵卓興擒獲首逆招撫花旗全股收復縣城尙屬出力應如何量予獎勵出自天恩其餘在事出力人員容臣等查明擇尤保奏署長樂縣知縣粟資源失守後隨同卓興等恢復城池可否免其治罪革職留營效力以觀後效林政揚等擒獻首逆率眾出降尙知自新應請

准其改名林英彪給予守備銜仍令充當前敵立功報效奏入

上命軍機大臣傳諭左宗棠瑞麟徐宗幹劉坤一郭嵩燾孫長紱曰花旗股匪闖入長樂經卓興等設法圍攻偽列王黃棕保額請投誠偽天將林政揚等縋城乞降將偽來王陸瞬得細縛送出並殺來逆親黨百餘名當將長樂縣城收復卓興等現於

勦平匪方略卷四十一

四

降人中酌選精銳率赴鎮平勦辦濂逆著瑞麟郭嵩燾飭令卓興等嚴密防維妥為駕馭不可稍涉大意致為該降人所紿汪海洋屯踞鎮平兇燄日衰現在卓興鄭紹忠等軍已移紮該處是鎮平西南面已有粵軍兜圍著左宗棠檄飭閩粵江西各軍協力進攻務將此股迅速殄除瑞麟等現調會敏行一軍駐紮南雄派朱國雄等兩營移赴連和

一帶即著飭令該員等扼要嚴防毋令逆匪蔓延及江境劉坤一孫長紱即飭席寶田婁雲慶等懷遵前旨迅速前進聽候左宗棠調遣

上諭內閣曰花旗匪黨乞降收復長樂縣城勦辦尙為迅速總兵卓興著以提督儘先提奏其餘在事出力人員著瑞麟郭嵩燾擇尤保奏署長樂縣知縣粟資源被匪闖入縣城本有應得之咎惟該員

勦平匪方略卷四十一

五

於失守後隨同卓興等克復城池著免其治罪仍革職留營效力以觀後效降人林政揚著准其改名林英彪並賞給守備銜以為自拔來歸者勸初六日_{戊辰}左宗棠徐宗幹奏冒汪海洋伏匿鎮平時遣賊黨至分水坳一帶窺犯閩邊希由武平以竄江西副將張福齊等已抵武平進紮下壩嚴防後路高連陞黃少春等進紮鎮平北路

廣福鄉羅岡等處賊於縣城東北路亭下修築
堅壘外開長濠踞險固守八月初一日高連陞
督兵分路進剿該逆突出數千人拚死來撲副
將曹光德等督隊馳擊斃賊甚多適黃少春率
親兵馳至賊仍退入卡內初二日汪逆親率悍
黨數萬分三路直撲分水坳新壘高連陞督飭
官軍奮勇衝擊該逆紛紛敗走我軍乘勢掩殺

欽定剿平粵匪方略卷四十一

六

汪逆復率同祐逆李遠繼等分左右兩路翻山
而下將抄出分水坳各營之後高連陞飭曹光
德等分隊迎擊賊匪退聚山巔李大有立斃悍
賊多名李士順在右路迎敵先已將賊擊敗旋
因中路之賊漸趨右路愈聚愈多李士順衝入
賊中勢幾不支適黃少春督隊繼進祐逆李遠
繼復偪諸賊回撲劉甫田大呼陷陣劉端冕等

各下馬奮擊血戰而前賊衆披靡奪路狂竄官
軍追過山坡高連陞等復截殺無算汪逆見兩
路之賊俱敗逃回鎮平我軍追殺數里統計殺
斃悍賊三千餘名生擒百數十名內有偽天將
等賊目十餘名其自相蹂躪墮崖落澗死者不
下數千名康國器一軍於七月三十日進攻鎮
平城東南九曲炭腳石古排賊壘逆首胡瞎子

欽定剿平粵匪方略卷四十一

七

率黨分三路來援康熊飛等分投迎敵鏖戰逾
時斃先鋒悍賊二十餘名賊衆翻山逃遁官軍
轉戰而前斃賊無數追抵石古排賊壘濠邊偽
天將張詳瞬周建榜及賊目楊潰雲李拮寬盧
東芳等率黨千餘赴康國器營乞降康國器受
之分別挑留遣散查汪逆經官軍疊次剿敗勢
本窮蹙意思覓路逃竄又恐聞軍躡其後不能

免脫妄圖衝犯閩邊各壘蓋欲由間道以竄江西邊界也據康國器稟報長樂逆首林政揚已將偽來王陸瞬得擒獻到營驗誠自首即日可期歲事廣東騰山龍長兵力自可速進鎮平西南以相犄角現在王德榜一軍由象洞前進高連陞黃少春康國器等軍距鎮平縣城均不過二三十里臣等本擬飭高連陞西出平遠會同

聖學聖考卷第十

八

劉清亮盤龍岡之師退賊奔衝昨據江西撫臣劉坤一函稱現派席寶田等軍出平遠分駐大柘東石會師進剿是鎮平西路亦有重兵與閩粵聲勢皆可聯絡高連陞等軍即可由鎮平北路東路東南路併力偪攻免致顧此失彼臣等惟當慎以圖之此次剿賊尤為出力之總兵劉端冕等謹先行開列仰懇

天恩分別獎勵

同日江西巡撫劉坤一奏言臣於八月十八日馳抵江西省城因南路防務甚急當檄劉連捷朱洪章移營南安並令朱南桂填紮吉安適接婁雲慶席寶田稟報本月初九日該提督等以兩營留守平遠親督八營進扼東石其餘八營次日繼進是夜汪逆欲乘我立營未定傾巢而

聖學聖考卷第十

九

出並令叛卒從茅寮坪鐵山障梅子畚數路來攻席寶田當令各營嚴陣以待初十日賊果大至眾約五六萬人席寶田令道員謝蘭階等迎擊自率親兵督戰以總兵魏玉彩韓進春等分扼左右兩路之賊中路各營如牆而進賊匪悉眾來迎我軍環開槍礮斃賊甚多劉建業等先率兩營陷陣謝蘭階等抄出陣後賊遂不支我

軍縱橫淹殺斃賊無算時右路之賊正與我軍相持見中路賊敗歸路已斷亦遂驚潰其田壘之賊數千人擒斬殆盡我軍萃於右路賊匪堅踞嶺上席寶田令謝蘭階等迎擊之賊且戰且退我軍追斬百餘名是日統計殺賊六七千名生擒二三千名其左路高嶺之賊被我軍擊敗後潛伏山谷是夜翻山欲竄茅寮坪與汪逆合

欽定剿平粵匪方略卷四十一

十一

股席寶田派黃元果等馳往襲擊斃賊不少餘黨數千人皆棄械就撫十一日偽東平王擁眾繼至汪逆亦從茅寮坪率黨七八萬復來奪路席寶田令魏玉彩等截擊偽東平王一股自督各營迎剿汪逆大股賊分數路猛撲我軍槍礮環施斃匪二千餘人賊猶悍死衝突劉建業躍馬入陣斬黃衣賊目一名榮維善率隊繼進橫

截賊陣賊乃披靡汪逆憤甚欲督羣賊轉關我軍乘勝驅逐賊遂敗潰翻山而走是日約斃賊三四千人內有偽小王宗汪林偽天將胡春幅郭安和偽朝將范秀魁及天安天燕等賊目十餘名魏玉彩等復將偽東平王一股擊散招降七八千人並有赴粵軍就撫者統計兩日共招降一萬三四千人婁雲慶知賊爲席軍所挫折

欽定剿平粵匪方略卷四十一

十一

竄大柘當飭總兵劉順隆馳往邀擊十二日行至良畬卽與賊遇劉順隆令洋礮隊直前擊之斃賊三千餘人婁雲慶恐賊由大柘出中坑以犯長甯之篁鄉堡卽於十三日飭劉順隆徑趨大柘自率各營由開道馳赴中坑行至要馬岌適鳳祐兩會胡瞎子李遠繼領羣賊擁至瞥見官軍登時驚走退至亂石徑地方我軍追至賊

衆擁擠落澗死者無數婁雲慶派隊由小路繞出邀賊劉順隆由大柘會合閩粵之師追擊賊腹背受敵分股向西南竄去我軍追至南極地方又斃賊二千餘人生擒一百四十餘名訊據賊供有汪逆因鎮平乏食欲乘江西防軍移動意圖伺隙回竄之語今雖在東石大柘疊次大挫然其人數尚多難免橫流旁溢現在席寶田

聖諭

十三

婁雲慶飛商駐防篁鄉堡鵝公墟各軍嚴爲之備合力聚殲各等情 臣尙恐賊繞出定南以及南安當飭令席寶田婁雲慶確探賊蹤所向派隊力追並取捷徑攔頭截擊如得劉連捷朱洪章等速抵南安祥字營速抵定南可衛江西卽可兼顧湖南 臣復嚴檄南贛吉臨袁瑞各郡縣實力防範使賊無隙可乘仍隨時察看情形儻

賊氛偏近江境 臣卽親往督勦其力戰陣亡之參將許貴元等相應請

旨飭部從優議卹均奏入

上命軍機大臣傳諭左宗棠瑞麟劉坤一徐宗幹郭嵩燾曰汪逆盤踞鎮平疊經官軍勦敗圖由閩邊竄犯江西經高連陞黃少春席寶田婁雲慶等分路縱擊連獲大捷斬馘及招降者甚衆賊勢已蹙

聖諭

十三

惟人數尚多難免橫流旁溢之患左宗棠現飭高連陞等由鎮平北路東路東南路進逼而席寶田婁雲慶與駐防篁鄉堡等處之兵皆嚴爲之備著左宗棠劉坤一卽檄飭各軍實力進攻無任竄逸左宗棠當懷遵疊次諭旨迅赴粵境調度各軍以一事權劉坤一仍檄催劉連捷等速抵南安定南以固江省門戶一面嚴催席寶田婁雲慶會合閩

粵各軍協力圍剿投誠一股人數甚衆著妥爲安插勿稍大意長樂逆首林政揚已將僞來王陸瞬得擒獻到營輸誠粵東騰出龍長兵力自可速進鎮平西南與各路援軍互爲犄角著瑞麟郭嵩燾檄令卓興等移紮鎮平聽候左宗棠調遣以資得力

上諭內閣曰左宗棠徐宗幹奏髮逆汪海洋伏匿鎮

聖皇朝方略卷四十一

十四

平經高連陞等分路進擊統計斃悍賊三千餘名康國器一軍由鎮平東南進攻斃賊甚多匪黨翻山遁竄追至石古排賊壘僞天將張詳瞬等赴營乞降此次尤爲出力之總兵劉端冕著賞換格洪額巴圖魯名號副將馬駿發李大有均著賞加總兵銜遊擊謝復雲著以參將留於福建補用並賞加副將銜守備劉甫田著以都司留於福建補用

並賞換花翎其餘出力將弁等准左宗棠彙案保奏本日復據劉坤一奏席寶田一軍由平遠進逼鎮平殺賊六七千人生擒二三千人前後招降一萬三四千人婁雲慶一軍在大柘地方擊斃竄賊擒斬尤多援剿均屬得力卽著左宗棠劉坤一飭令江西閩粵各軍乘此聲威掃穴擒渠盡殲醜類陣亡參將許貴元都司楊興元守備劉得芳把總張萬明均著交部從優議卹

聖皇朝方略卷四十一

十五

十二日甲戌瑞麟郭嵩燾奏言林英彪縛獻來逆出降後漳逆自知黨與日孤陸續分股移紮鎮平城外要口城內之匪日赴四鄉搶掠八月初二三四等日總兵方耀派都司方鼇等由熱水進擊斃匪百餘名將黃沙坑匪積米糧盡行焚燬該逆撤回賊卡退聚慈溪初五夜聞方耀令

遊擊方彩等由新鋪墟渡河直抵負墩賊營槍礮齊施逆眾驚惶失措方耀親督後隊馳入平毀逆營兩座斃賊二百餘名斬偽天將劉添保偽天燕張人桂二名餘匪遁走初九日派都司方豐等往攻慈溪該逆分三路來犯我軍分投迎勦鏖戰四時踏平慈溪賊巢逆匪敗退乘夜率馬隊數千突向新鋪一帶西竄方耀派各軍

聖朝聖略卷四十一

十一

飛追截擊並飭都司鄧安邦等速赴鎮平會同閩軍收復縣城親督洋槍馬隊繞道兜勦逆黨漸由慈溪南下我軍排槍轟擊梁國權等首先陷陣斬首三十二級生擒一百二十三名該逆疊次衝突不能越過遂折向長潭東石又經江軍席寶田迎頭痛勦擒斬無數該逆復走石正大柘及樓車等處經道員康國器提督高連陞

黃少春各督閩軍會同粵軍分路截擊查獲逆汪海洋因守一隅久思他遁初猶冀花旗得逞可以死灰復燃迨長樂收復彼已失其黨援方耀扼守要衝遏其侵掠更形飢困加以高連陞黃少春二軍進紮分水坳劉清亮一軍徑赴差干王德榜與席寶田等軍先後馳抵平遠東石各處官軍碁布星羅愈偏愈緊已成長圍之勢

聖朝聖略卷四十一

十一

惟是石正樓車地方四通八達與江西長甯接壤可抵連和亦可橫入江楚誠恐復被蔓延現在江閩粵三省官軍業經星馳追下臣等飛飭方耀鄭紹忠兩軍隨賊所向盡力窮追不得稍分畛域並飭李福泰移赴龍川居中調度任星元嚴守南雄卓興辦理惠屬餘匪兼顧南韶門戶奏入

上命軍機大臣傳諭左宗棠瑞麟劉坤一徐宗幹郭嵩燾曰濂逆困守鎮平經方耀等分路進攻立將縣城收復逃賊被官軍沿途追殺精銳漸就散亡正宜乘其潰散之際奮力痛剿將全股悉數殲滅以除後患現在席寶田已向長潭東石迎頭擊賊其石正大柘及樓車等處亦有康國器高連陞黃少春等各督閩兵分路追截著左宗棠劉坤一嚴

欽定剿平粵匪方略

六

飭各軍遇賊卽擊務須合力痛剿掃除淨盡不得以賊勢已窮稍涉大意石正樓車地方與江西接壤劉坤一仍當督飭江省各軍嚴密防範毋令逸賊闖入江楚徐宗幹亦當飭閩邊防兵一體嚴備以資堵遏粵省方耀鄭紹忠兩軍現已隨賊所向盡力窮追李福泰移赴龍川相機剿辦任星元等嚴守南雄等處布置尙屬周密著瑞麟郭嵩燾等

迅飭該員等乘勝追殺不准一名網漏

十五日_丁左宗棠徐宗幹奏言高連陞等於分水坳擊賊獲勝後各軍分三路紮營進逼該逆洵懼八月初七八等日康國器等督隊分攻石古排對門營白果山各賊壘官軍行抵長旗嶺逆首胡瞎子列隊九曲岌頂另有騎馬悍賊數千飛奔而來康熊飛吳光亮督隊奮擊斃賊五

欽定剿平粵匪方略

七

十餘名賊死拒不退林本等左右夾擊斃賊數百名賊始潰走康熊飛等追抵賊壘濠邊槍礮環攻逆首胡泳詳卽胡瞎子遞稟詐降康國器飭各營乘夜急進直薄壘下守備李如奮勇先登中槍陣亡康熊飛督各營繼進噴筒火箭迸注賊壘頃刻煙燄飛騰官軍乘勢破柵而入立將石古排賊壘焚燬各壘之賊亦同時驚潰康

國器令各營乘勝急攻鎮平縣城比抵城邊汪逆已率黨開西門逃竄是時高連陞黃少春等軍已將白泥湖賊壘掃蕩銜枚疾至各軍奪門而入搜斬逆賊千餘當於初十日將鎮平縣城克復官軍躡蹤追擊至城外河邊汪逆猶驅各賊於橋頭力堵高連陞等分路抄擊立斃賊目四名悍賊數十名賊大披靡爭搶過橋各軍乘

聖朝方略卷四十一

三

聖朝方略卷四十一

三

勢偏近陣斬悍賊千餘名擁擠落水死者二三千名該逆分路由梅子畚大寨東石等處向平遠而遁官軍復追斬無數十一日黃少春高連陞由閒道直趨東石鄉見逆賊萬餘向平遠而來黃少春等奮勇衝殺各營從左右抄出截賊數段賊眾翻山狂竄官軍四圍勦殺斃賊千餘另有賊股四千餘人為官軍圍住伏地乞降黃

少春受之訊據賊供偽東平王何逆隻身逃走餘黨已殲殺殆盡康國器所部追賊至竹子澳賊方設伏圖陷官軍龔長春等鼓噪而進伏賊齊起康熊飛忽從山前殺出林木等左右抄來伏賊奪路分竄吳光亮從後截殺合力痛勦斃賊一千餘名將沿途賊館二十餘處一律踏毀十二日追至茅寮坪適先犯東石之賊經江軍席寶田截擊大敗折回康熊飛等復揮軍截殺斃賊甚多該逆急向大柘而竄官軍追至大柘又斃賊七百餘名計克復鎮平沿途追勦前後殺悍賊計萬餘名收降數千名現高連陞等軍仍躡蹤緊追劉典所部亦由平遠出八尺攔截查汪海洋負踞鎮平疊思由閩竄江迄不得逞遂由平遠覓路而竄經各軍連日痛勦斃極

多兇鋒大挫據報賊蹤又改由石正龍虎墟一帶分路竄走如江粵各軍能嚴扼其前聞軍復緊躡其後此股可冀盡殲此次各軍克復鎮平連日追勦勞瘁異常可否由臣等彙案保獎以示激勵其力戰陣亡之擬保都司守備李如應請

欽定剿平粵匪方略卷四十一

三

上命軍機大臣傳諭左宗棠瑞麟徐宗幹劉坤一郭嵩燾曰汪逆負固鎮平經康國器高連陞等督軍援勦連克堅壘直薄城下汪逆開西門逃竄復經高連陞追勦斃賊甚多該逆現由石正龍虎墟一帶分路竄走如江粵各軍嚴扼其前聞軍緊躡其後自可漸就殄除著左宗棠卽飭入粵各軍跟蹤追勦不可稍涉鬆勁劉坤一卽飭婁雲慶席寶田

等軍迎頭截擊勿任闖入江境如由廣東興甯和平竄至南雄終爲江西湖南邊患著瑞麟郭嵩燾督飭方耀等軍認真截勦如有趨南雄信息左宗棠卽飭劉典一軍由武平出江西安遠信豐急移南安兼顧湖南邊境該督撫等總宜通力合作將此股逆眾勦盡勿留遺孽此次出力各員弁著左宗棠等彙案擇尤保獎陣亡之守備李如著照都

欽定剿平粵匪方略卷四十一

三

司陣亡例從優議卹前因粵省賊勢漸衰已有旨令鮑超募勇成軍後帶赴楚豫交界勦辦張總愚股匪仍歸曾國藩節制婁雲慶軍本係鮑超舊部仍准該提督酌量檄調著左宗棠傳知該員懍遵前旨赴裕州泌陽地方勦賊如汪逆一股辦竣並著飭令婁雲慶一軍亦赴南裕一帶交鮑超調遣以資得力

左宗棠又奏言前經各軍稟報李侍賢自永定
敗潰後夜半偷渡隨行者溺斃數人復虜水土
岸割去鬚髮逃匿山中以其能操漳州土音遂
捏稱漳州難民人無知者夜行晝伏至六月二
十八日隻身逃至鎮平縣令民人送信汪逆率
黨郊迎並馬同入縣城因其舊黨百餘人泣訴
汪逆猜恨之狀心不善之汪逆前曾藉詞不救

聖朝聖考略卷四十一

汪

侍逆殺其舊黨李元茂等茲見李侍賢至亦不
自安遂於七月初三日夜密遣賊黨四人乘李
侍賢酣臥時殺之並殺其舊黨偽王宗偽天將
偽朝將等五人傳示各賊館揚言侍逆已降官
軍茲入鎮平復結黨圖為內應也臣等猶恐所
聞不確未敢遽以入奏茲鎮平克復後詢之降
人難民所言皆同並見汪逆所貼偽示有侍逆

心懷險毒不得已而行此法等語則侍逆之輾
轉求生而卒遭汪逆毒手已屬無疑此賊與李
秀城同為金陵巨逆屢經官軍痛剿將欲就擒
輒復逸去本年正月二十四日高連陞鎮門大
捷已獲其馬徧覓侍逆不得後乃知土民顏魁
以破舟載之回漳也此次敗後潛投汪逆而卒
為汪逆所殺足見天網恢恢疏而不漏奏入報

聖朝聖考略卷四十一

汪

聞

學
院
書
館

欽定剿平粵匪方略卷四百十一 乙丑年

九月十七日 卯 劉坤一奏言 漳逆汪海洋因聞粵官兵堵截仍圖竄越江西冀犯兩湖以延殘喘自平遠敗後晝夜西竄旋入興甯之龍虎墟直趨羅浮司圖犯長甯篁鄉堡席寶田等當卽知會提督周寬世等嚴防篁鄉雞公兩口一面各取捷徑疾馳剿捕八月十四日周寬世進紮

剿平粵匪方略卷四百十一

篁鄉堡前五里之葛蒲塘以扼長甯門戶探知汪逆大股盤踞羅浮司等處分股千餘人至蕉坑擄掠十五日周寬世出隊往擊賊見官軍登時驚逸是日婁雲慶派吳雲集等馳抵篁鄉助剿十六日逆眾由羅浮司竄龍川之赤石渡等處偪近江境十七日周寬世出龍川之上坪迎擊大埔墟之賊吳雲集等出龍川之牛形岡兜

剿湖背之賊周寬世行至下村地方僞祐王李逆率黨四五萬人擁擁來撲周寬世督軍等槍礮連施斃匪三百餘名賊漸不支熊恩堂等兩路包抄周寬世率親兵直搗中堅復斬僞天將陳逆及匪黨六百餘人賊始大潰狂奔我軍追至石窖地方賊墮崖落水死者甚眾吳雲集等行至湖背遇汪逆前隊僞周王汪麻子僞天將李逆率眾分左右兩路拒敵吳雲集等亦分路進擊斃匪無數汪麻子負創而走賊隊遂亂官軍乘勢衝突陳慶福中槍陣亡各營憤甚縱橫盪決陣斬僞朝將等賊目多名斃賊千餘名生擒百餘名餘匪四散逃竄該逆遭此巨創不復再窺長甯全股竄過黃貝嶺直趨小山背蘇毛坪窺伺定南信豐十九日王開琳率隊往剿

剿平粵匪方略卷四百十一

行抵細坳遇汪逆頭隊四五千人由蘇毛坪而來王開琳等迎頭轟擊羅瑞山等兩路包抄賊衆驚潰我軍追過細坳斃賊無算該逆後隊踵至王開琳斷其歸路該逆拚死惡戰我軍四面衝殺後隊之賊翻山而遁沿途追殺數百名生擒三十餘名二十一日逆衆由小山墟青龍墟竄至瑞田地方距鵝公墟僅十餘里汪逆大股尙踞青龍等墟二十二日王開琳督率各營進剿甫過烏鴉寨見匪衆六七千人排列山岡田隴王開琳飭鄧仕商等張兩翼以進包抄賊後自率方友才繼進以劈山礮擡槍連環轟擊陣斬騎馬賊目十餘人斃匪五六百人我軍乘勝急進山谷伏賊突起敗賊亦回頭死戰適鄧仕商等由旁橫衝賊陣該逆大敗奔潰我軍併力

聖朝聖考卷四十一

三

聖朝聖考卷四十一

四

掩殺復斃匪千餘人追逐二十餘里小山墟另出逆衆來撲王開琳揮軍奮擊賊皆披靡屍相枕藉餘匪奪路狂奔我軍追過小山墟沿途復斃斃多名共計斃賊六千餘名生擒七八百名汪逆因鵝公墟未能衝入遂改竄定南廳之花寺下厯司一帶二十三日股已至龍南縣城下攻撲東門經該縣知縣王家傑率同官兵守禦各鄉團勇聞警馳援殺賊多名逆匪退紮南門外之河東查汪逆冒死出竄屢爲我軍截殺斬擒收降逾數萬人賊勢業已大挫祇因江粵毗連地面遼闊防不勝防該逆現山定南竄犯龍南幸席寶田周寬世已抵信豐攔截婁雲慶亦經繼進王開琳復至定南跟追臣已飛檄各營前後夾擊並催劉連捷朱洪章兩軍速赴

南安堵禦卽令兼顧湖南惟聞該逆分股狂竄
晝夜兼馳萬一闖入江楚腹地關係匪輕臣於
初八日隨帶親兵一百名馳赴贛州妥籌戡守
並與督臣左宗棠就近會商聯絡三省官軍共
圖剿滅此次席寶田等軍沿邊堵剿屢獲勝仗
均屬異常出力可否容臣擇尤併案保獎陣亡
之擬保遊擊銜都司陳慶福等相應開列請

欽定剿平粵匪方略卷四十一

五

旨飭部分別議卹奏入

上命軍機大臣傳諭左宗棠瑞麟劉坤一郭嵩焘曰
汪逆大股由鎮平竄出盤踞羅浮司繞入江西長
甯縣之篁鄉堡經周寬世等迎擊獲勝賊蹤改竄
定南復經婁雲慶等擊敗現撲龍南勢尙颯張劉
坤一已帶親兵馳往贛州督剿卽著督飭將士迅
籌掃蕩毋令闖入江西腹地左宗棠有節制三省

之責務令派兵越境夾擊不可稍涉延緩鎮平一
帶是否尙有餘匪著瑞麟郭嵩焘實力搜捕毋留
餘孽南韶一帶兼須嚴防回竄賊蹤飄忽異常恐
其西竄湘省著劉坤一咨照李瀚章一體嚴防出
力將弁准其併案保奏陣亡之都司陳慶福著照
遊擊銜議卹都司謝登科張坤能把總瞿明東劉
大發均著交部從優議卹

欽定剿平粵匪方略卷四十一

六

十九日辛巳瑞麟郭嵩焘奏言漵逆逃至石正大

柘官紳兵團沿途追剿八月十二日賊至洋商
湖我軍從旁突擊斃匪二百餘名槍斃偽天將
陳義洸於馬下賊棄營狂奔十三日已革副將
林保等伏兵山坳另分兩路包裹該逆行抵大
坪伏兵齊起各軍聞聲抄截斬偽朝將洪瞬偽
先鋒蕭凱騰斃匪五六百名該逆大股夜竄黃

陂提督高連陞等追斬無數復竄至黃貝嶺巖
 下該處緊接江境時花旗餘匪勦撫幾盡該逆
 失其內援遂於十九二十等日由江廣亭趨江
 西之定南龍南等處而逸先是花旗股匪關入
 長樂縣城總兵卓興等圍攻城下截斷逆黨趙
 金幅李新有等數千人不能入城初走甯屬中
 道亭繼回龍川屬赤岡地方經兵勇疊次擊敗
 逸入巖下屯聚招誘土匪共萬餘人勢將復振
 自長樂克復後副將鄭紹忠等前往督辦進扼
 牛皮潭副將朱國雄等由四都過河馳至上游
 堵截斃匪百餘名焚燬路口賊卡六座賊退守
 巖下鄭紹忠揮軍四面圍困該逆勢窮力竭十
 一日賊目李新有翟明海等將偽天將趙金幅
 縛送鄭紹忠大營乞降李福泰斬趙金幅於軍

前餘黨七千餘人薙髮繳械陸續遣散至髮匪
 屬聚鎮平數月以來且勦且撫祇存濂逆汪海
 洋來逆陸瞬得兩股而濂逆又以來逆為前驅
 自來逆被誅鎮平屢經攻勦濂逆乃傾巢而出
 由江廣亭遁入定南龍南該處與粵境交錯可
 以直達南雄粵省東路稍鬆北江又形喫緊臣
 等已飭李福泰由嘉應移紮龍川居中調度令
 鄧安邦一軍專守巖下防賊回竄吳贊誠與方
 耀由羅浮司跟蹤馳勦鄭紹忠全軍速赴南雄
 備賊已深入江境卽商同方耀齊赴會勦會紀
 鳳曾敏行兩軍計程將抵南雄北路防軍尙敷
 守禦高連陞暫駐興甯臣等酌撥洋槍三百桿
 及軍火餉銀委員解往以備要需奏入
 上諭日前據劉坤一馳奏已諭令瑞麟等嚴防回竄

著懷遵前旨勿令關入南韶其花旗餘匪迅速搜捕淨盡

二十三日 乙酉 李瀚章奏言汪海洋賊股屢爲江

閩官軍所敗押死狂奔 臣當飭將領嚴陣以待

一面咨請廣東督撫 臣迅飭水師將弁嚴扼北

江一帶水道並將韶河下游淺澗可涉之處加

意攔截以杜竄越復飭按察使陳士杰所部進

欽定剿平粵匪方略卷十一

九

扼蠟嶺楓木坳參將彭炳武等馳赴桂東總兵

王永豐派兵進紮望嶺按察使趙煥聯派總兵

張文貴等由軍堡坳文明司先赴風門坳等處

扼駐該司親督各營由野豬坳鵝頸坳偵賊所

向東顧桂陽西援宜章臨武連日據報逆衆圍

攻江西之定南龍南兩城經官軍擊退竄至龍

定之交其勢左可出始興以達仁化右可

走信豐以窺江西中可從龍南以趨南雄該逆

死黨尙有數萬慮其逸入西路則陽山連州連

山及廣西邊境在在空虛楚省南界亦與兩粵

接壤千有數里防不勝防 臣現飭各將領審機

進擊如賊竄向乳源出梅花塘則右通平石宜

章左通臨武地勢平衍處處戒嚴在防各軍卽

宜星夜繞赴三堡鳳頭嶺四喜水東牛市一帶

欽定剿平粵匪方略卷十一

十

以遏竄突惟楚軍備多力分實形單薄查藩司

劉連捷總兵朱洪章朱南桂三軍自金陵克復

本應凱撤經督 臣曾國藩撫 臣劉坤一先後調

赴江西前准曾國藩咨稱該三軍應撤應留由

臣酌量調遣如果賊蹤西竄則江西情形自鬆

臣當調令來楚以助兵力又與劉坤一豫商儘

逆氛竄近湖南卽請飛飭臬司席寶田一軍兼

程回援奏八

上命軍機大臣傳諭左宗棠瑞麟劉坤一李瀚章張凱嵩郭嵩燾曰汪逆大股經江西官軍擊敗後退竄龍定之交勢將鉅而走險江閩粵兵力萃集似不敢回向東竄惟慮逸入西路則陽山連州連山及廣西邊境在在空虛恐致死灰復然仍成燎原之勢著李瀚章激勵邊防將士審機遮擊以挫賊

聖朝聖訓卷四十一

十一

十一

鋒瑞麟郭嵩燾當飭水師將弁嚴扼北江一帶水道其韶河下游並著加意攔截嚴遏竄越張凱嵩尤須迅調勁兵將粵西邊境扼要防守毋令賊蹤竄入現在賊勢敗挫奔突靡常亟應乘勝剿滅如果賊向西趨劉坤一務當迅令席寶田一軍馳赴楚省併力會剿湖南備多力分實形單薄劉連捷朱洪章等軍如能赴楚追剿自可稍助兵力著左

宗棠劉坤一會商調派毋失機宜

二十四日丙戌左宗棠徐宗幹奏言高連陞等軍

克復鎮平後汪逆圖竄平遠八尺地方適雲慶劉典等軍馳至遂折向大柘竄走後隊尙踞河頭鄉劉典所部副將張福齊等於八月十三夜分道疾進擒斬千餘名都司蕭雅泗等收降賊目偽朝將何人侯等六百餘人高連陞康國

聖朝聖訓卷四十一

十二

十二

器等軍追剿敗賊至東石鄉楓葉坑等處斬賊四五千名餘匪分竄黃陂墟羅浮司十四日高連陞等復追至黃陂墟之高坳斃匪約七八千人汪逆奪路狂竄乘夜向羅浮司遁去總兵劉清亮跟蹤追擊十六日殲斃後隊悍賊無算該逆狂奔赤石司前隊由閒道出黃貝嶺竄至絲毛坪距江西長甯鵝公墟五十里十九日經已

革總兵王開琳等前後夾擊賊大敗潰官軍沿途追殺數百名生擒長髮老賊三十餘名連日共計斃賊一萬數千名解散不計其數據獲賊供稱汪逆悍黨已殲除及半其僞東平王等及霆營叛勇黃矮子各股則已殲除逃散殆盡頃據各路稟報賊蹤已竄至長甯交界之小山墟青龍墟洋坑一帶賊黨無多江軍席寶田婁雲

欽定剿平粵匪方略卷四十一

十三

慶兩軍已由平遠折回長甯王開琳周寬世兩軍分扼長甯之篁鄉堡鵝公墟等處賊如由此路竄江西則江軍截其前閩軍躡其後自可共收夾擊之效惟高連陞所部兵力尙單臣左宗棠已飭劉清亮康國器關鎮邦各軍統歸高連陞節制調遣由粵東躡蹤前進爲追剿之師劉典所部由江西會昌安遠信豐直趨南安黃少

春一軍由平遠信豐繼進冀助江西之防而扼湖南之隘爲攔擊之師計兩路出境及先駐江境王開琳一軍已近三萬人福建得勝之軍除蘇軍八千遣回江蘇王德榜一軍回駐閩境外餘悉資遣以行矣臣宗棠俟各路軍事及轉運事宜布置就緒再旋省署其王德榜一軍凱旋後應暫留清泉一帶搜剿餘匪以資鎮壓

欽定剿平粵匪方略卷四十一

十四

左宗棠徐宗幹又奏言正拜摺聞據延建邵道康國器稟報八月十四日康熊飛吳光亮等隨同高連陞追賊至黃陂墟獲勝後十五日高連陞仍率隊先進康熊飛等繼之連發偵探不見一賊詢之士人僉稱賊衆連夜狂奔已至巖下相隔六十餘里康熊飛等急馳十餘里逆賊數千從兩邊山坳突出高連陞揮軍迎敵康熊飛

等亦從後殺入斃賊多名汪逆復率黃衣紅衣悍賊層層偏裏都司關鎮邦匹馬直取汪逆胸受矛傷猶裏創力戰中槍殞命親兵從死者五十餘人各軍憤極康熊飛等大呼陷陣與高連陞併力衝殺縱橫決盪賊漸不支詎白水寨及沿途各土堡伏賊盡起土匪亦齊出助勢直抄官軍之後康熊飛吳光亮等與高連陞四面攻

聖朝聖德

十五

聖朝聖德

十六

擊傷賊甚多賊圍始解官軍乘勢殺出復整隊分投接戰土匪四散奔逃汪逆亦同時竄走據被擄逃出之勇丁聲稱十四日行抵黃陂墟隔大隊不過數里忽遇土匪將輜重軍火盡行搶去勇丁被害百餘名高連陞營中落後勇夫概被戕害並訪悉汪逆自關入粵境後黃陂墟羅岡白水寨一帶土匪皆與勾結汪逆因連日受

挫恐不得脫以重金賂該處土匪先給官軍入伏而後截奪輜重軍火十六日高連陞康熊飛仍整隊往追午刻馳抵羅浮賊已由羅浮過河拆斷浮橋竄走查汪逆經官軍疊次剿敗其勢已窮詎又勾結土匪乘官軍遠道窮追潛行設伏致有此挫現據探報賊已盡入江西邊境兇燄復張康國器一軍暫回興甯高連陞劉清亮兩軍仍跟蹤追剿所望江西各軍能竭力堵遏不任闖入或尚可收夾擊之效並請

飭下廣東督撫臣嚴辦土匪以弭後釁力戰陣亡之擬保參將都司關鎮邦等相應開列請旨飭部分別從優議卹奏入

上命軍機大臣傳諭左宗棠瑞麟劉坤一郭嵩燾曰汪逆由鎮平竄出經左宗棠督兵追擊屢獲大勝

斃賊一萬數千名甚屬得手前據劉坤一瑞麟等各奏稱賊已由江西竄出定南一路直撲龍南已屢諭左宗棠盡力窮追並令廣東江西等省各督撫會剿堵截著左宗棠仍遵前旨嚴檄各省之軍實力追擊瑞麟劉坤一郭嵩燾分路堵截毋任紛竄至汪逆由鎮平逃出勢本窮蹙不難立時殄盡乃該處土匪竟敢貪受汪逆金帛暗伏要路於高

欽定剿平粵匪方略卷四十一

七

連陞等追至黃陂墟時突出橫截奪去輜重軍火兵勇員弁被戕甚眾以致汪逆得以從容遁去實堪痛恨若不趕緊剿滅勢必釀成巨股瑞麟郭嵩燾責無旁貸著迅派兵勇將此起土匪會同閩軍實力剿洗務須掃除淨盡不准一名漏網力戰陣亡之擬保參將都司關鎮邦著交部照副將例從優議卹擬保都司外委康達本擬保遊擊守備李

恆王興寶擬保守備把總梁材擬保千總軍功吳世欽均著交部各照擬保官階從優議卹

二十八日庚寅左宗棠徐宗幹奏言汪逆全股竄

至小山墟青龍墟洋坑等處分股擾及瑤田距鵝公墟十餘里仍圖由長甯竄江西八月二十一日經王開琳在瑤田擊敗賊知北路不能偷越急欲改道向天花寺旁竄二十二日王開琳

欽定剿平粵匪方略卷四十一

本

率隊由瑤田進剿賊於嶺路險窄處橫築兩卡以阻官軍王開琳常奮勇當先突入前卡立斬守賊十餘名餘賊驚潰官軍追過烏龍寨賊又砌石卡一座王開琳飭所部三路環擊立將石卡平毀賊眾六七千人排列山岡及田隴一帶蠶擁而來王開琳督各營分路齊進該逆拚死猛撲鏖戰兩時陣斬悍賊五六百名官軍

乘勢追至青龍墟伏賊由兩邊山谷中突出敗賊亦折回死拒適鄧仕高等由右路抄至該逆猝不及防紛紛潰走墮崖死者無數王開琳等由中路追殺亦斃賊千餘名忽小山墟出賊來援方友才督隊力戰王開琳率親兵從後策應羅瑞山等左右兜剿立將後股援賊擊敗追過小山墟里許始行收隊計是役斃賊約數千名

聖朝聖略卷二十一

十九

生擒七八百名餘逆悉向天花寺一路逃竄是夜王開琳率隊急追行抵白水渡沿途疊有斬殺復馳十餘里追及賊之尾隊該逆尙於田隴列隊回撲王開琳飭各營分路縱擊斬賊千餘追至下厓司羣賊翻山越嶺而遁查汪逆本謀竄江因平遠未能竄越遂圖竄長甯茲聞席寶田婁雲慶兩軍已折赴南安如能扼其奔衝賊

必伺隙橫出圖擾江粵湘三省邊境劉典一軍臣飭其由安遠信豐前進本擬爲攔頭之師詎劉典甫抵會昌賊蹤已入龍南刻下局勢惟望江粵各軍能分守邊隘截賊出路俟劉典黃少春等由南安趕到或可收夾擊之效其高連陞康國器兩軍自鎮平克復後窮追六晝夜未稍停趾正期得手爲土匪所紿深入伏中輜重軍火又爲土匪截搶淨盡停追一二日賊蹤業已遠颺不能追及矣如賊爲南安官軍所扼折竄南雄自當迅速馳剿就閩軍而論賊在江西湖南邊境當責劉典黃少春兩軍會合江楚防軍夾擊賊竄粵東當責高連陞劉清亮康國器等軍會合粵軍夾擊惟當竭力以圖相機進取此次剿賊出力之已革總兵王開琳可否請

旨開復革職處分已革參將熊常富可否免其拏問
軍功鄧仕高可否以守備補用並加都司銜以
示鼓勵

左宗棠又奏言鎮平克復汪逆已竄江西粵境
業已無賊臣自毋庸入粵調遣各軍以現在局
勢而言南安有江軍攔頭席寶田婁雲慶王開
琳三軍躡擊劉典一軍復從會昌安遠信豐以

欽定剿平粵匪方略卷十一

三

向南安而扼湖南桂陽邊隘似大局尙可收夾
擊之效然山路處處可通終慮逆賊乘虛突竄
官軍皆成尾追之局刻下賊竄江西意圖別覓
生路其勢必於江粵湘三省邊界奪路狂奔臣
所部各軍均已分道入粵入江其駐漳州者僅
祇親兵八百人去賊已千數百里勢不相及文
報往還徒滋曠誤兵機最忌遙制臣非敢有意

推諉伏懇

收回節制三省各軍成命俾各將領得免觀望遷延
實於大局有益

左宗棠又奏言據高連陞稟報八月十五日馳
赴羅岡督軍先進康熊飛繼之沿途詢之士民
均稱賊已連夜竄走六十里不在羅浮司而羅
岡去羅浮司尙有四十餘里嶺谷深幽樹木叢

欽定剿平粵匪方略卷十一

三

雜官軍行二十餘里見山徑愈窄疑其有伏詢
之士人猶以賊蹤去遠爲辭比高連陞派弁勇
數十人搜山而進瞥見兩邊山坳伏賊突起卽
飭張志公曹先德上山搜殺甫將伏賊擊退汪
逆又親率悍黨數千撲來敗賊亦卽回拒高連
陞飭錢桂仁所部突前衝殺自督親兵策應逆
賊愈裹愈厚官軍猛戰斃賊甚多賊勢稍卻適

康熊飛督隊馳至正欲乘勢痛勦詎白水寨及沿途各土堡伏賊盡起從後抄來高連陞以地勢險窄不能展步遂與康熊飛等將前後隊互易且戰且退殺透重圍至地勢稍寬之處排齊隊伍分路向前衝擊該處土匪復糾聚一二萬人四面撲來沿途從逆各土堡亦助施槍礮高連陞與康熊飛等分投迎敵血戰兩時將汪逆

聖朝聖考卷十一

三

擊敗土匪四散奔逃始收隊回至羅岡該處土匪又出攔路槍殺弁員多傷斃者先是十四日高連陞追賊過大柘石正黃陂墟等處輜重軍火在後相距十餘里被該處匪徒將弁勇盡行殺害輜重軍火搶劫一空高連陞急飭參將鄒朝瑞等馳往查探甫抵黃陂墟復被土匪戕殺羅岡白水寨一帶匪徒又與賊通阻截官軍高

連陞等急於追賊未暇過問十六日仍與康熊飛督隊追勦馳抵羅浮司賊早已連夜遁去復追二十餘里至樟樹坪河邊浮橋被賊拆斷欲渡無舟高連陞率隊回至羅浮該處土民又復閉糴後路土匪充塞軍火糧餉不能轉運不得已回駐興甯縣城查高連陞一軍被土匪戕害竟至三百餘名之多昨已請

聖朝聖考卷十一

三

旨飭下廣東督撫臣嚴辦土匪合再據實陳明此次力戰陣亡之參將王得盛等相應開列請

旨飭部照陣亡例從優議卹奏入

上命軍機大臣傳諭左宗棠瑞麟劉坤一李瀚章郭嵩燾曰賊由粵境竄擾江西定南龍南之交疊經諭令左宗棠瑞麟郭嵩燾劉坤一等派兵會勦並令李瀚章嚴防楚境茲據左宗棠奏賊竄江西勢

將於江粵湘三省邊界奪路狂奔該督現駐漳州去賊甚遠兵機最忌遙制請收回節制三省各軍成命等語賊蹤距閩粵較遠左宗棠即可不必入粵惟各路將領必須有威望重臣節制統轄方足以一事權不致各懷觀望左宗棠惟當視賊所向前往江西居中調度相機勦辦以期迅殄狂氛俟此股賊匪殄滅淨盡方能卸此重任所請收回成

聖皇聖德皇帝

奉

命之處著毋庸議劉坤一當飭席寶田等軍乘勝痛勦瑞麟郭嵩燾懷遵屢次諭旨督率粵軍跟蹤夾擊儘任令該將領遲延觀望縱賊不勦必惟該督撫等是問李瀚章仍飭防邊各軍實力扼截不得任賊竄突王開琳一軍進駐江西長甯勦賊獲勝尙知愧奮已革總兵王開琳著開復革職處分已革參將熊常富著免其挈問軍功鄧仕高著以

守備補用並賞加都司銜以示鼓勵高連陞等軍奮勇追賊爲粵東土匪截殺戕害竟至三百餘名之多實屬形同叛逆著瑞麟郭嵩燾懷遵前旨趕緊嚴拏盡法懲治力戰陣亡之參將王得盛守備李鳳翔都司周興義於長林守備王汝洪千總朱傳孝李光斗及被匪戕害之參將鄒朝瑞千總胡得貴李起生均著交部照陣亡例從優議卹

聖皇聖德皇帝

奉

欽定勦平粵匪方略卷四百十二 乙丑年

十月初一日壬辰劉坤一奏言總兵王開琳於八

月二十二日擊走青龍等墟逆衆之後二十三

日追及賊匪於白水渡悍賊四五千人列陳以

拒王開琳等分路進擊斷賊陣爲兩該逆登時

大潰我軍奮勇掩殺斬馘千計餘匪翻山而逃

先是該逆前股竄撲定南聽城經該廳同知王

聖軍方略卷四百十二

一

大枚等登陴守禦礮斃逆衆多人該逆退歸下

厯墟圍攻橫岡營甚急王大枚復派團勇馳援

密約橫岡營都司姚元盛內外夾擊賊解圍遁

去被我軍擒殺百餘人適王開琳追勦後股敗

匪至下厯墟各鄉團勇截其去路復斃多賊該

逆悉由八十岡一帶竄往龍南徑赴城下當經

該縣知縣王家傑督率兵團擊退二十四五兩

日賊更番進攻王家傑等力戰禦之二十五夜

王家傑挑銳卒數百人縋城而下潛將東門外

賊營悉數焚燬斬獲甚衆餘悉退往西南終夜

洶洶有聲王家傑知賊衆已亂於二十六日會

合團總王文錦帶勇馳擊賊卽敗潰追至里仁

堡生擒三百三十餘名斬首五百餘級是日賊

竄至信豐縣屬之小江墟隨於墟前築六大壘

聖軍方略卷四百十二

二

餘衆屯聚三十里內欲俟喘息稍定從鐵石口

入犯贛南而席寶田已先一日馳抵該處二十

七日席寶田率師進勦汪逆亦悉衆來迎遇之

於蓮塘坳賊陣分布五六里席寶田令唐本有

等分路包抄而令榮維善等踰山直襲小江墟

巢穴部署甫定賊遽擁來撲我軍奮力衝擊聲

戰逾時賊衆驚潰我軍乘勢掩殺殲戮無數汪

逆奔回小江墟依壘結陣以抗我軍榮維善等復從墟背襲破賊壘汪逆不知所措率眾奪路以走我軍前後夾擊擒斬不可勝計自小江墟至羅吉墟數十里賊館盡行踢毀汪逆竄向冬坑墟席寶田率隊力追賊屍枕藉汪逆背受矛傷幾爲我軍所擒是役計殲悍賊萬餘人生擒千餘名二十八日汪逆復竄龍南圍攻縣城幸

欽定剿平粵匪方略卷四十二

三

王家傑尙未解嚴又通判汪承諾等帶勇一千五百名適於二十七日入城聲威頗壯城守嚴密該逆無法可施王家傑等以內外隔絕誠恐餉竭兵譁遂於三十日酌留勇丁守城其餘悉出決戰冬勇亦知賊勢已蹙無不踴躍爭先賊眾披靡半日之間連破各門之賊鄉團競出邀擊共計殺賊七百餘名生擒五百餘人餘匪悉

由上蒙堡狂竄出境而去現聞賊眾不過三萬能戰者不滿萬人復由江西敗回粵東輾轉於和平連平境上勢已窮蹙臣一面飭催各軍越境會剿仍聽左宗棠調遣一面馳抵邊防會商辦理所有此次尤爲出力各員相應開列仰懇天恩給予獎勵陣亡各員並請旨飭部從優議卹奏入

欽定剿平粵匪方略卷四十二

四

上命軍機大臣傳諭左宗棠瑞麟劉坤一郭嵩燾曰逆匪由青龍等墟敗竄後王開琳一軍追及於白水渡斬敵千餘其前股竄撲定南龍南復經擊退席寶田馳抵贛南鐵石口一帶扼剿殲除悍賊萬餘該逆由江西敗回粵境輾轉於和平連平境上勢已窮蹙亟應會集諸軍實力兜剿爲一鼓聚殲之計著左宗棠迅赴江西擇要駐紮居中調度檄

飭各軍剋期會剿並著劉坤一飛檄席寶田王開琳等軍越境進攻乘勝痛擊迅殲醜黨該逆自鎮平克復從西南折竄長甯閩軍窮追數晝夜而粵東曾未聞有一騎一卒躡蹤追剿殊屬玩延此次該逆被擊勢窮復由江竄入粵境餘眾尙有三萬餘人難保不鋌而走險復逞狡謀瑞麟郭嵩燾既無會剿之師嚴扼邊境豈得復以驅賊入粵爲解

聖朝聖考卷四十二

五

誘過鄰封著瑞麟郭嵩燾嚴飭粵東在防諸軍與江閩官軍相機聯絡協力夾擊務將此股竄匪悉數殲除以靖地方儘不能實力堵截致該逆深入腹地復形蔓延瑞麟等自問當得何罪

上諭內閣曰逆匪由青龍等墟敗竄後經總兵王開琳督隊進攻追及於白水渡斬馘千計餘匪翻山而逃該逆前股竄至定南龍南均經擊退斬獲甚

衆旋竄至信豐縣屬之小江墟從鐵石口入犯賴南經臬司席寶田率師扼剿屢獲大勝汪逆受傷敗遁計殲除悍賊萬餘人生擒千餘人剿辦尙屬得手所有尤爲出力之貴州按察使席寶田著加恩遇有布政使缺出提奏花翎江西知府補缺後補用道謝蘭階著該部仍照原保註冊並賞給固勇巴圖魯名號總兵唐本有著賞給赫勇巴圖魯

聖朝聖考卷四十二

六

名號並賞加提督銜已革總兵韓進春著開復原官仍交軍機處記名遇有總兵缺出請旨簡放總兵龔繼昌著賞戴花翎並賞給該員三代一品封典周家良著賞給提督銜副將蔣懷清著賞給起勇巴圖魯名號王學開著賞給長勇巴圖魯名號參將劉建業著賞給制勇巴圖魯名號韓孝忠著賞給克勇巴圖魯名號遊擊榮維善著免補遊擊

以參將儘先補用並賞給武勇巴圖魯名號卽選
同知直隸州知州陳寶箴著免選本班以知府不
論雙單月卽選已革知縣劉長景著免其前案擊
問罪名仍留營效力開復總兵王開琳著仍交軍
機處記名遇有總兵缺出請旨簡放副將羅瑞山
著賞給格洪額巴圖魯名號遊擊王開氣著賞給
彥勇巴圖魯名號都司湯有光著賞給勛勇巴圖
魯名號參將會桂堂著以副將補用已革參將熊
常富仍留營效力以示鼓勵其餘出力各員著劉
坤一查明彙案請獎陣亡之參將榮光貴都司李
仲衍把總姚三勝唐寶林外委唐士戎監生廖爲
儀軍功李道秀均著交部從優議卹以慰忠魂
初四日乙未官文奏言欽奉

專以游勇爲事軍中漫無紀律金口之變覆轍
不遠震軍之留上杭者雖目前敷衍無事奈其
中降衆太多心志不一並未帖然畏服儘聞鮑
超留楚赴豫之信卽引羣呼類紛紛而來諸多
窒礙臣愚昧之見該提督旣已於本月初十日
由楚起程卽催令迅速前進一面請
旨飭下該提督於抵防後如粵省軍務稍鬆迅將
雲慶等所部之營由江省籌給欠餉妥爲遣散
再令單騎赴豫屆時另募新勇痛除積習訓練
成軍庶資得力奏入
上命軍機大臣傳諭官文劉坤一曰前因豫南軍情
緊要是以改調鮑超一軍就近由楚赴豫茲覽官
文所奏以上杭震軍降衆太多心志不一儘聞鮑
超留楚赴豫之信紛紛而來諸多窒礙所見亦是

卽著官文傳知鮑超卽馳赴江西將所部新舊各軍妥爲部勒相機進兵仍聽左宗棠節制所有該軍餉需仍著劉坤一源源撥解毋令缺乏

十一日 壬寅 瑞麟郭嵩燾奏言查漵逆大股遁入

江西龍南定南等處是時東路逆蹤稍遠而南雄始興各州縣與江省龍定信豐在在毗連北江防剿又復喫緊當飭副將鄭紹忠等軍馳赴

欽定四庫全書

九

南雄都司鄧安邦扼紮巖下以固邊陲令總兵卓興駐紮興甯扼賊由羅浮司出入之路專責總兵方耀跟蹤出境與江軍會剿八月二十三至二十九等日臬司席寶田提督婁雲慶總兵王開琳等合數軍全力扼賊去路屢獲大勝漵逆攻龍南未下走信豐鐵石墟復敗回龍南再走定南之凌江該逆知南安南雄防兵林立遂

欽定四庫全書

十

於九月初一日乘夜潛越山徑小路突至和平圍撲縣城賊衆兵單初三日致被闖入藩司李福泰時駐興甯查辦匪案聞警馳回龍川飛札方耀等軍迅速援剿知縣錢廷燾等集團進攻斃賊甚夥該逆知大兵踵至初五日盡竄連平州屬忠信司初六日直犯州城圍築土牆晝夜環攻署知州福多與留防該州之參將朱國雄登陴堵禦施放大礮轟斃逆匪無算賊始暫退初七日夜朱國雄等挑選敢死士三百名銜枚出城分三路掩襲賊營破柵而入賊出不意蒼黃宵遁生擒二十餘名斬馘甚多初八日該逆以馬隊衝至復經我軍擊斃百餘名賊不得逞乃由麻坡上坪九連山等處陸續退出並蔓及長甯翁源邊界 臣等悉心籌畫賊窺長甯則應

防腹地現派鄧安邦等軍一萬餘人赴連平追
剿兼可顧河源長甯內犯之路賊窺翁源則韶
州喫重現派總兵王朝治等統帶水師沿江扼
守阻其西渡並飭總兵任星元等擇隘駐紮以
杜奔越惟逆匪雖殘敗之餘而黨類尙衆粵省
兵力稍單戰守兼籌實不足以制其死命臣等
飛移提臣高連陞等會合閩粵各軍由龍川橫

欽定剿平粵匪方略卷十二

十一

山連長扼賊四竄之路痛加剿洗另札李福泰
再派得力數營前往應援務期就地撲滅不留
餘孽提督銜候補總兵方耀於賊抵龍南追剿
迄未出境及賊回連和又不馳往截擊觀望遷
延無可辭咎應請

旨撤銷提督銜暫行革職仍令帶兵剿賊俾贖前愆
和平縣文武失守詳細情形容俟另行分別查

辦奏八

上命軍機大臣傳諭左宗棠瑞麟劉坤一郭嵩燾曰
滇逆被江西官軍擊敗回竄粵東闖入和平縣城
經兵團擊退遂竄入連平州屬之忠信司復擾及
長甯翁源邊界賊蹤飄忽異常粵省官軍總未能
實力堵剿力遏兇鋒瑞麟等現派鄧安邦等萬餘
人赴連平追剿王朝治等沿江扼守以顧韶州並

欽定剿平粵匪方略卷十二

十二

飭任星元等擇隘駐紮卽著嚴飭派出各員分投
防剿毋令賊匪得以深入又形滋蔓賊雖殘敗之
餘醜類尙衆粵省兵力較單必須江閩援軍合剿
方可聚而殲旃左宗棠當飭高連陞等軍由龍川
橫山連長會合粵軍痛加剿洗並著左宗棠察看
軍情緊要卽親自赴粵節制各省之軍以期事權
歸一劉坤一卽督令席寶田王開琳等軍越境會

勦不得稍分畛域方耀奉派勦賊於賊抵龍南時並未出境追勦迫賊回連和又不馳往截擊實屬觀望遷延咎有應得方耀著撤銷提督銜暫行革職仍飭該員奮勇勦賊以贖前愆和平縣文武失守詳細情形著瑞麟等查明具奏

十二日 癸卯 左宗棠奏言欽奉

諭旨飭查廣東軍務貽誤情形 臣查汪逆之竄踞鎮

聖軍方略卷四十二

十三

平水因計無復之姑假息於此為賒死之計其必不欲久留粵省者緣汪逆籍隸安徽全椒其死黨多江北江西湖廣劇賊而與廣東股匪氣類攸分也 臣之遣康國器關鎮邦兩軍入粵以助粵軍而分布各軍以助江西保湖南邊隘者蓋謂制流寇之要在審其必出之途伺其竄動而要擊之庶可省兵力而策全效閩軍駐武平

聖軍方略卷四十二

十四

邊隘距鎮平縣城四十五里扼賊由閩竄江要衝廣東必欲催其入粵而粵軍之分攻鎮平者僅方耀一支又距鎮平百餘里迫閩軍分紮鎮平之東南北三而江軍進平遠遙扼其西北一面粵東所宜防者僅西南一面耳八月初五日長樂之賊既已獻城則粵軍卓興一支正可進扼興甯乃閩軍於八月初九夜復鎮平縣城即踞蹤猛追六晝夜至羅岡已越興甯而前並未見方耀卓興之軍而龍川之賊反得與汪逆會合並趨江西長甯地界是粵軍徒有會勦之名而無會勦之實不圖方耀卓興之貽誤一至於此郭嵩燾所陳數誤自係實在情形瑞麟於方耀卓興不諉實奏奈又從而徇縱之此不能為瑞麟解者也郭嵩燾廉謹有餘而應變之略非

其所長

諭旨責其負氣責其不據實陳奏而稱疾乞退是郭嵩燾谷由自取早在

聖明洞鑒之中至幕友徐灝劣蹟臣無從查知自古用兵之際主兵者每因軍務繁重不得不廣辟幕僚相助為理然不得其人亦足誤事瑞麟信任徐灝而專事之誤如此則其不能得力亦可

欽定剿平粵匪方略卷四十二

十五

知矣再據高連陞函報八月二十五六等日汪逆全股竄至江西定南信豐連界小江墟一帶經席寶田婁雲慶等擊敗二十八日退竄龍南境內察度賊情又將假道廣東南韶以犯湖南而入廣西臣仍當督飭各軍探蹤截剿以期早殄逆氛
左宗棠又奏言各軍近以疾疫繁興紛紛具報

蓋師行山谷之間飽受煙瘴又時冒雨忍飢枕

戈露宿有以致之高連陞劉清亮劉典等軍中

患疫過半弁勇傳染物故頗多而康國器一軍

為尤甚王德榜一軍拔赴汀州後亦患病不少

惟黃少春一軍尙未據呈報康國器因病勇過

多懇請暫撤臣以軍事喫緊勉諭其將精銳挑

留好為調養高連陞已由興甯前進劉典一軍

欽定剿平粵匪方略卷四十二

十六

已於九月初一日由會昌取道贛州赴南安黃少春一軍亦由武平會昌續進劉清亮則尙駐江西長甯未能拔行病勇既須人舁行軍火輜重累贅尤甚軍行極為艱苦然局勢所在又不得不疾起赴之臣惟有勉其盡瘁馳驅冀竟全功奏入

上命軍機大臣傳諭左宗棠瑞麟郭嵩燾曰粵東軍

務正當防勦喫緊之時瑞麟於布置調度機宜自當虛衷延訪共濟時艱郭嵩燾亦當和衷商酌務求至當不得偏執己見此後該督撫遇有公商事件總當以國事爲重毋許各懷私見再蹈前非方耀於軍務喫緊之際竟敢逗留不進縱賊竄逸實屬玩誤業據瑞麟等奏叅撤銷提督銜革職留營著瑞麟等卽飭令該總兵奮勉圖功以贖前愆儘

聖朝聖略卷四十二

七

再畏葸貽誤卽著嚴叅治罪卓興如不實力勦賊亦著從嚴叅辦勿稍姑息賊蹤現又回竄粵東該省兵力本不如閩軍之精銳且卓興方耀不善駕馭仍恐不能得力必須左宗棠親往督勦方可盡掃狂氛著左宗棠懷遵前旨迅行前往認真勦辦李福泰是否可用有無粉飾貽誤之處左宗棠此次摺內並未提及仍著查明具奏高連陞劉清亮

劉典等軍患疫過半而康國器一軍尤甚該將士等爲國勦賊馳驅况瘁近因師行山谷枕戈露宿飽受煙瘴以致傳染疫氣物故頗多覽奏之餘曷勝憫惻著左宗棠宣布朝廷德意多方拊循妥籌醫治給發餉需俾得迅消疹癘益資飽騰以副軫恤戎行至意

聖朝聖略卷四十二

六

上諭內閣曰前因郭嵩燾奏廣東軍務約有數誤請將督署幕友徐灝擯退當經降旨交左宗棠查辦茲據奏稱卓興方耀於賊匪退竄之後屢次追勦遲誤各情總兵卓興方耀屢以攻勦得力擢至專閩宜如何激發天良力圖報稱乃竟恃功而驕而瑞麟仍復遷就優容並不早加叅劾殊屬非是著瑞麟郭嵩燾隨時察看如該總兵等始勤終怠卽著嚴行叅辦不得稍涉姑息瑞麟郭嵩燾以督撫

大員同城辦事自當和衷商酌乃瑞麟於郭嵩燾商辦之事未能虛心體察郭嵩燾因瑞麟未經允從負氣上陳所見殊小均著傳旨嚴行申飭儘經此次訓誡後不思公忠爲國力改前非必將瑞麟郭嵩燾重治其罪瑞麟幕友徐灝旣不得力卽著驅逐出署不准在廣東逗留

十四日乙巳劉坤一奏言臣於九月二十一日行

欽定剿平粵匪方略卷四十二

十九

抵贛州府城據報濂逆等由龍南縣潰退出境路經定南廳之佛子坳經該廳紳團邀斬數十名賊衆悉趨粵東和平縣往攻連平州爲粵師所敗九月初五日回竄龍南縣太平堡一帶復經該縣紳團擒斬百餘人席寶田聞警急率精銳營馳抵該縣賊乃退踞連平之上坪下坪等處分股蔓延始興之清化司翁源之龍仙墟等

處查汪逆狡悍異常聞在連平築壘聚糧以爲負固之計實欲懈我軍心伺閒狂竄現楚粵各軍旣經過其去路則江西東南各處必須嚴密設防臣一面飭席寶田由龍南剋期進剿與閩

粵各軍分道夾攻一面咨調總兵婁雲慶一軍進紮龍南之新興堡提督周寬世一軍進紮定南之下厯司與新老湘營互爲聯絡以固邊陲

欽定剿平粵匪方略卷四十二

二十

又因會昌僅平江勇千數百人長甯瑞金石城各縣均屬空虛復留浙江提督黃少春所部暫駐信豐藉資策應儘賊仍西竄犯楚臣已與湖南撫臣李瀚章豫商卽令候補藩司劉連捷總兵朱洪章兩軍由南安馳赴郴桂總兵朱南桂一軍由袁州疾趨茶攸併力邀擊其劉典黃少春兩軍亦卽相機繼進臣並擬派婁雲慶席寶

田等率師窮追以期殄此餘氛如能在連平境內四面圍攻掃除淨盡尤策之善者也奏入上諭曰昨據瑞麟等奏賊竄和平等處現約閩軍會剿已寄諭該撫督軍越境會剿茲據奏布置各情並擬派婁雲慶等軍率師窮追與諭旨正相吻合著卽會商左宗棠瑞麟李瀚章等分道夾剿以期殄滅無遺一勞永逸

勦平粵匪方略卷四十二

三十一

勦平粵匪方略卷四十二

三十一

二十九日庚申劉坤一奏言臣行抵贛州後卽籌調各軍赴粵會剿並嚴防江楚各境嗣以信豐九渡水實扼贛南各屬之衝復調祥字營三千人填紮該處杜賊西竄又以賊若東竄必經和平龍川咨商廣東督撫務以重兵嚴行防範旋據各營稟報席寶田及王開琳擬率精毅營新老湘營出境進攻上坪婁雲慶亦由墩頭前進

夾擊賊見諸軍日逼誠恐困於長圍於初九日先竄龍南之分水坳當爲團練擊退該逆知此路難越於初九夜悉衆由洲頭竄往和平臣飛檄各軍確加偵探如該逆已爲和平防師所遏卽以席寶田王開琳劉勝祥三軍越境會剿乘其徘徊莫定之時一鼓殲滅僞賊越和平以犯定南則王開琳率新老湘營馳赴定南下厯司與周寬世一軍併力迎擊若賊由和平過龍川以犯長甯則王開琳等合趨鵝公墟羣鄉堡邀之精毅祥字兩軍亦卽繼進現已飛咨浙江提督黃少春一軍迅赴長甯如能馳出賊前不惟江省邊防可固卽閩省有警亦易回援僞賊已入長甯則地方遼闊甯撫建饒廣各府屬處處可通精毅祥字兩軍應由定南徑趨安遠會昌

冀得截其去路霆字一軍則循定南以向長甯
驕賊之後兼顧邊防如賊由平遠鎮平以犯汀
州則閩省目下兵單可慮江西下游亦在在與
之毗連當卽派兵由瑞金一帶入閩會攻臣已
分咨閩粵兩省督撫迅籌堵禦並飭甯都等處
水陸嚴防以壯聲威

劉坤一又奏言鮑超督率新募勇丁四營自鄂

欽定剿平粵匪方略卷四十一

三

來江已抵吉安不日卽可到贛茲值汪海洋股
匪自廣東連平州東竄和平江省定南長甯會
昌等廳縣堵剿喫緊鮑超長於戰陣聲威素著
爲汪逆所憚且婁雲慶所部仍歸鮑超統領婁
雲慶循照舊章管理全軍營務行閒將士必能
勇氣百倍爭先效命臣現已飛咨鮑超星速前
進視賊所向疾馳痛剿務必窮其所之悉數撲

滅庶免蔓延江閩藉以保衛浙江俟剿辦此股
事竣應否仍赴兩江督臣會國藩軍營聽候調
遣屆時請

旨飭遵至婁雲慶所部餉項向來每月籌給銀五萬
兩今鮑超又添新募四營應需餉項臣仍當督
飭藩司勉力籌撥俾資接濟第該營所開薪糧
公費等項覈與湘楚各軍月餉數日多有參差
該營前在湖北江南征剿有年曾否定有畫一
章程尙須咨商會國藩覈覆辦理奏入

欽定剿平粵匪方略卷四十一

三

上命軍機大臣傳諭左宗棠瑞麟劉坤一徐宗幹郭
嵩燾曰汪逆敗回連平州之上坪等處經席寶田
等軍分路夾擊該逆始竄龍南之分水坳爲團練
擊退遂於十月初九日夜紆黨由荆頭竄往和平
劉坤一現飭席寶田王開琳劉勝祥越境會剿並

令黃少春一軍迅赴長甯節節設備力扼該逆紛竄之路所籌均尙周妥著劉坤一就近嚴檄各軍會同閩粵官軍分路進剿協力兜拏爲一鼓聚殲之計瑞麟郭嵩燾務當督飭在防將士嚴密堵禦遇賊卽擊迅殄逆氛毋得專待客兵致誤戎事該逆奔突無定難保不由平遠鎮平以犯汀州應如何扼要設防杜賊回竄著左宗棠徐宗幹妥籌辦

欽定四庫全書

三

理鮑超不日卽可到贛現在汪逆東竄和平江省定南長甯會昌等處正在堵剿喫緊之際卽著劉坤一知會鮑超統率婁雲慶等軍星速前進視賊所向疾馳痛剿鮑超新募四營應需餉項並著劉坤一督飭藩司力籌撥俾資接濟至該營所開薪糧公費等項與湘楚各軍月餉數目多有參差如何覈實支放以歸畫一之處著咨明曾國藩妥

商辦理

欽定四庫全書

三

欽定剿平粵匪方略卷四百十三 乙丑年

十一月十一日 壬 瑞麟郭嵩燾奏言自官軍收

復和平後逆匪敗走連平州屬之上坪等處其地萬山環繞途徑紆曲賊深溝高壘爲踞險負嶮之計並於我軍必由之下坪煖水總口密布礮臺層層固守十月初九日李福泰派都司鄧安邦等分路前進並令都司方鼈等備帶火器

聖朝聖略卷四百十三

一

以降人賴侍龍爲前導由赫陂翻過山巔繞出大水口之後是日巳刻各軍先攻煖水口礮臺守臺匪黨併力抗拒正酣戰間忽礮臺內煙燄蔽天知方鼈等已經攻入方耀與鄧安邦等率親軍向前奮擊逆勢不支由後衝出傷斃甚多遂將煖水口礮臺盡行平毀賊向上坪狂奔方耀等分路追剿槍斃及墜澗死者不計其數是

夜四鼓該逆放火燒上坪山寨分股逃向江省

龍南縣屬之楊村白沙初十日復竄至和平縣屬大利壩查該處均屬江粵邊境逆匪自知窮蹙志在逃死有隙可乘卽隨時奔突冀延喘息現在席寶田婁雲慶王開琳等軍分紮龍定信豐一帶劉典李耀南等軍進紮南雄始興境內江防林立逆蹤諒難竄出 臣等惟有嚴飭方耀

聖朝聖略卷四百十三

二

等會同高連陞趕緊截擊總期就地撲滅以杜蔓延

同日劉坤一奏言臬司席寶田率精銳營於十月十二日馳抵定南提督周寬世等率各營繼至探知逆衆已竄和平之下車地方十三日王開琳進扼天花等處該逆旋竄龍川之小山墟王開琳追至下車捕斬落後賊數十人該逆遂

由粵境繞道而走十七日竄龍川之白泥田十八日竄興甯之羅浮司十九日向平遠鎮平長驅而去並據諜報已竄福建武平席寶田一軍因恐尾追不及即日拔赴會昌臣復檄調總兵劉勝祥等營前往並令總兵婁雲慶進紮安遠而留王開琳周寬世兩軍暫屯長甯杜賊回竄惟查閩省健將精兵均已赴粵邊防頗單現在

聖朝聖考卷十三

三

幫辦福建軍務劉典署浙江提督黃少春雖帶所部星馳回閩能否繞出賊前難以計料萬一該逆自武平犯汀州則江西甯都州屬在在可虞再由汀州走邵武則撫建廣饒更有防不勝防之勢並可由江閩交界山內直趨浙之三衢以入皖南一經滋蔓勢又燎原極爲可慮適浙江提督鮑超於二十三日抵贛臣當與面商卽

聖朝聖考卷十三

四

率新募生力之兵於本月二十八日起程馳赴婁雲慶行營察看事勢如賊尙在武平等處當舉全軍迎擊或出汀州會同福建藩司王德榜一軍併力邀賊如賊已至汀州則該提督取道建昌府屬之新城縣出杉關至邵武一帶扼賊去路屏蔽浙皖席寶田等各軍循贛甯而東以衛江西腹地相機出境與鮑超等前後夾攻仍聽閩浙督臣左宗棠節制調遣贛郡防務責成道員王文瑞妥辦臣率親兵馳回省城就近籌防省東各郡事宜以重根本

劉坤一又奏言再查席寶田補授貴州臬司自應卽赴新任惟該員現帶精毅營勇最爲江省得力之師現值逆衆擾及閩省分派各營出境兜剿沿邊設防戰事方殷席寶田實難遽去合

無仰懇

天恩俯准將席寶田暫行留營俟此股髮逆撲滅後再飭赴任均奏入

上命軍機大臣傳諭左宗棠瑞麟劉坤一徐宗幹郭嵩燾曰逆蹤剽疾旬餘之內已竄擾三省邊境倏忽東趨江粵各軍並未大加懲創扼其奔突何能制賊死命劉典黃少春兩軍現率所部星馳回閩

欽定剿平粵匪方略卷四十三

五

席寶田劉勝祥等軍復馳赴會昌扼剿著左宗棠劉坤一迅卽檄飭各軍繞出賊前迎頭截擊不得徒事尾追致令著著落後並著瑞麟郭嵩燾飛飭李福泰方耀等緊躡賊蹤實力追剿不准以驅賊出境爲了事鮑超現已抵贛卽著迅由安遠一路規賊所向扼其去路毋任蔓延賊蹤已近閩邊左宗棠有節制三省之責務當一面嚴飭沿邊將士

扼防本境杜其深入一面將江閩粵各路官軍妥籌調遣總期四面兜圍爲一鼓聚殲之計其江粵各軍更不得藉口本省邊防徒事株守致令賊勢縱橫驟難戡事席寶田現飭精毅等營勦賊戰事方殷著准其暫行留營俟此股髮逆撲滅卽行馳赴貴州臬司新任

十九日庚辰左宗棠奏言渡逆汪海洋一股由江

欽定剿平粵匪方略卷四十三

六

西定南敗竄廣東連平所轄上下坪一帶時遣賊黨擾及龍南始興邊境意在由南韶奪路竄江西湖南邊界劉典全軍由南康進駐廣東南雄高連陞一軍由河源進駐長甯扼賊內犯廣東之路黃少春一軍由贛州進駐信豐扼賊旁竄江西之路賊知去路已斷忽由連平翻山繞竄和平興甯各境所過城邑皆繞道急趨突犯

嘉應州城已於十月二十一日失守旬日之間狂竄數百里將由閩邊以犯江西閩軍悉數入江入粵原為截賊去路去閩日遠此次逆賊乘虛回竄一無阻遏閩軍為賊所隔回剿不能迅速已在意中查嘉應入閩約有三道一入永定一由鎮平入武平一由大埔入平和均不過百數十里而永定尤為衝要臣現飭賴長率所

欽定四庫全書

七

部勇丁一千嚴扼之復檄藩司王德榜速率所部二千五百人由汀州拔營馳往截剿飛調黃少春由江西信豐過安遠以扼武平並咨劉坤一嚴扼會昌瑞平臣擬即日率親兵八百人並調總兵楊和貴一營出屯瑄溪以扼漳州之衝而兼顧平和一路俟各軍到齊再行前進督剿如賊竄江西臣自當遵

旨赴江西視賊所向會同江西撫臣檄飭各軍相機妥辦奏入

上命軍機大臣傳諭左宗棠瑞麟劉坤一郭嵩燾曰該匪旬日之間狂竄數百里其欲由閩邊以犯江西已可概見著左宗棠檄飭派出各軍將由嘉應入閩之路分投堵截遇賊即擊以剿為防務將此股賊匪迅速掃除肅清疆圉以竟全功該逆既有

欽定四庫全書

八

圖竄江西之勢亟應實力嚴防以扼其紛擾之路著劉坤一督飭防軍認真堵禦並嚴扼會昌瑞金一帶與汀州鎮沈俊德一軍聯絡聲援會籌剿洗為一鼓聚殲之計嘉應州城被陷著瑞麟郭嵩燾將失事情形並文武下落查明具奏並著嚴飭卓興方耀等軍迅圖克復州城一面將此股竄匪痛加剿洗就地殄滅毋令再竄福建江西等省又成

不了之局平和一路兵力較單該督擬出屯瓊溪以扼漳州之衝兼顧平和一路卽著移營前進相機布置如賊竄江西並著左宗棠擇要駐紮會同劉坤一督飭各軍視賊所向力圖掃蕩

二十日辛巳劉坤一奏言汪海洋股匪偵知福建

武平駐有防兵折向嘉應於十月二十一日襲

陷州城臣查汪逆於敗殘之後猶敢占踞城池

欽定剿平粵匪方略卷四十三

九

實屬兇狡已極該逆若乘閩師未經厚集衝過

汀邵橫出撫建則地方平行路徑紛歧我軍轉

難兜剿今該逆聚處一城三省官軍連營而進

四面深溝高壘必可悉數殄除惟是嘉應民情

犷悍異常匪徒充斥卽江閩邊境伏莽亦多若

任該逆出沒往來脅誘各處村寨誠恐蟻附日

衆其勢益張宜急束之於嘉應城中使之坐困

庶可制其死命則合圍未可稍緩也就合圍而

論江軍出會昌長甯取道平遠以偏嘉應州城

之北而不能兼顧東西一路防範稍鬆賊或乘

隙而遁東竄汀郡則江省之撫建堪虞西走惠

韶卽江省之賴南受敵回軍轉鬪勢必後期是

欲救鄰省之災而轉貽本省之患必須三省官

軍同時壓境庶免橫溢旁流閩師當力任東面

欽定剿平粵匪方略卷四十三

十

粵師當力任西面與南面各據形勝互爲聲援

使賊無瑕可蹈方能聚而殲旃則進兵不容參

差也顧進兵以後則愈去愈遙旣抵嘉應州城

離江西邊境數百里軍情瞬息千變臣已遙制

爲難況與閩粵之師彼此不相節制或前或卻

不免坐失事機必得威望素著重臣就近爲之

提挈庶攻守不至失策則督辦必在得人也臣

現在咨行浙江提督鮑超一軍及貴州臬司席寶田一軍並候補總兵劉勝祥一軍共計近三萬人簡卒嚴裝分途出境仰懇

天恩飭催閩浙督臣左宗棠迅速赴粵調度俾將領有所稟承至提督周寬世總兵王開琳道員張岳齡所部各營仍分駐會昌長甯以固邊防而作後勁其藩司劉連捷總兵朱鴻章兩軍應暫

聖軍方略卷四十三

十一

留駐南安原處以備不虞奏入

上諭曰據奏賊竄嘉應情形與昨日左宗棠奏報相同當經寄諭該督相機擇要扼紮矣即著劉坤一懷遵昨日寄諭督飭防軍認真堵禦並嚴扼會昌瑞金一帶與汀軍聯絡會剿所派鮑超席寶田劉勝祥等軍即著飭令迅速分途出境協擊並咨會左宗棠就近調遣

聖軍方略卷四十三

十二

二十六日丁亥瑞麟郭嵩燾奏言漳逆汪海洋自大利壩抵興隆壩窺犯和平十月十一日逆黨數千徑撲東南北三門總兵劉清亮等分路出城夾擊賊紛紛倒退殲斃甚多當將興隆壩一帶賊壘全行平毀該逆恐大兵追及一晝夜疾走三百里自蘇布岡突抵嘉應州城二十一日賊率馬步死黨攜帶竹梯四面撲城城上施放礮斃賊無數賊拚死直抵城根屢墮屢登接梯蟻附而上兵勇力竭遂被闖入署知州程培霖督勇巷戰受傷倒地團勇將其掖出其餘文武各官不知下落現在方耀鄧安邦等已進紮嘉應州屬即日約齊合攻臣等查汪海洋潰敗之餘逆燄已衰有隙即乘志在逃死論目前事勢不患賊之屯聚而患其輕窺聚則可殲於一

隅竄則恐延及四境粵兵防多力分卓興一軍因欠餉過鉅已於九月間裁撤回潮東路祇有方耀等與提臣高連陞劉清亮康國器數軍事事追勦高連陞等已趕抵興甯力圖會攻而各營皆疾疫過多日馳逐於山嵐瘴中每行百十里曠無人煙糧食俱斷飢病交侵情形實多拮据嘉應東接潮州可以順流徑下西界惠郡

欽定剿平粵匪方略卷四十三

十三

東北則江閩邊境均屬犬牙交錯在在可通僞被逆匪竄出蔓延辦理更形棘手昨接左宗棠咨稱卽日起程赴粵居中調度臣等一面飛飭李福泰移紮龍川控扼惠韶門戶飭張銑與總兵翟國彥等多募勁勇固守全潮調鄭紹忠督帶全隊由南雄馳赴東江以厚兵力一面移會劉坤一飭令邊防一二軍越境會辦署嘉應州

知州程培霖身任地方被匪闖入實屬疏於防範惟因倉猝賊至衆寡不敵且巷戰時身受槍傷經百姓救出號召鄉團亟圖克復合無仰懇

天恩免其治罪仍革職留營效力以贖前愆奏入上命軍機大臣傳諭左宗棠瑞麟劉坤一郭嵩燾曰該逆由蘇布阿突抵嘉應州城兵勇力竭致被闖

欽定剿平粵匪方略卷四十三

十四

入現在方耀鄧安邦等軍已進紮嘉應州屬卽著飭令約會各軍同時進取並著督飭李福泰張銑翟國彥鄧紹忠等屯紮要隘力籌堵勦至卓興一軍因欠餉過鉅裁撤回潮不知瑞麟郭嵩燾平日所籌畫者何事此時方耀等軍勦賊正當契緊該督撫等務當寬籌餉項源源接濟毋得再有貽誤左宗棠如能迅速赴粵督勦不特調度靈通且可

堵賊入關之路於大局最有裨益該督素稱知兵想必能通盤畫定賊氛也賊匪聚於一隅利在會剿著劉坤一督飭防軍認真堵禦並酌派勁旅越境會合閩粵之軍四面圍攻迅圖剿洗署知州程培霖疏於防範咎無可辭惟因倉猝賊至眾寡不敵且巷戰踰時身受槍傷情尚可原著加恩免其治罪仍革職留營效力以贖前愆

聖朝聖略卷四十三

主

二十九日 庚寅 鮑超奏言濠逆竄踞嘉應州城並

分股在城外四五十里一帶擄掠盤踞悍賊猶復不少非三省實力合剿未易撲滅至進兵以會昌為後路會昌通贛河水運便於轉輸 臣於十一月十二日移紮會昌至由會昌達嘉應三百餘里江粵交界山路崎嶇不通水道轉運為難 臣一面函商劉坤一瑞麟郭嵩燾轉飭就近

地方官設法轉運藉資軍食並函商左宗棠暨江粵各帶兵大員剋期會剿務殄餘氛惟辦理軍務貴因時變通從前賊勢蔓延自應分防以固門戶今汪逆雖悍孤注無援合三省兵力不下百十餘營若處處分防實形單弱况賊蹤靡定東防西竄顧此失彼轉有防不勝防之勢不如以剿為防或少防多剿會合各軍直逼賊壘

聖朝聖略卷四十三

主

為得地勢儘該逆勢蹙負固即可四面兜圍空濠增壘俾濫獸釜魚一律殲除至各軍越境會剿利固百倍弊亦無窮未進之先各存意見臨敵之際牽制堪虞勝則爭功敗則諉過窒礙多端難逃

聖鑒非督師大臣親臨前敵日親實情驅策羣力恐不免耽延時日虛糜軍餉 臣自奉浙閩督 臣左

宗棠節制之

命到江西後屢次函請其指授方略乃於途次疊接
咨函均以賊蹤千變勢遠不能遙制爲辭意涉
謙遜臣暨各軍靜候調遣無所適從深懼貽誤
事機可否催令左宗棠仍遵入粵前
旨迅臨前敵督飭諸路謀定而戰合力進攻俾事權
歸一藉收指臂之效奏入

欽定剿平粵匪方略卷四十三

七

上命軍機大臣傳諭左宗棠鮑超曰髮逆大股盤踞
嘉應州城非合三省兵四面圍鐵勢將復行滋蔓
尤須有督兵大員節制調度方足以一號令而齊
進止現據鮑超奏稱各軍越境會剿未進之先各
存意見臨敵之際牽制堪虞爭功誘過窒礙多端
非督師大臣親臨前敵驅策羣力不免耽延時日
虛糜軍餉等語該提督老於戎行洞悉軍情利弊

所奏深合機宜左宗棠前辭節制三省之命朝廷
未經允准疊經諭令視賊所向馳赴江粵督兵會
剿該督旋因賊陷嘉應奏明帶兵赴粵督剿著卽
調齊江閩粵三省官軍四路進徧務乘賊勢窮蹙
之餘就地殲除不可再令賊蹤他竄又成燎原之
勢並著該督親往嘉應視師以期呼應靈通鮑超
所部現已會齊駐紮會昌聽候左宗棠調遣著該

欽定剿平粵匪方略卷四十三

八

督卽約會閩粵各軍訂期前進並檄令鮑超所部
合力進攻毋得稍分畛域坐失機宜所有鮑超軍
營糧餉卽著該提督行知廣東江西各督撫嚴檄
地方官設法轉運毋許貽誤前經諭令曾國藩將
鮑超一軍酌調赴豫剿辦捻匪現當江粵軍務喫
緊之時鮑超駐軍會昌距嘉應甚近卽著該提督
暫緩赴豫俟髮逆蕩平後再行聽候曾國藩檄調

八豫助剿擒匪

上又命軍機大臣傳諭曾國藩曰前據曾國藩奏鮑超一軍赴豫有益當經諭令曾國藩酌量檄調本日據鮑超奏稱馳抵江粵邊界已於本月十二日移紮會昌現聞溘逆大股盤踞嘉應州城擬即由會昌前往嘉應會剿等語髮逆竄擾粵東勢尚猖獗鮑超就近由江赴粵剿辦此股必能得手此時

聖朝聖略卷四十三

九

若將該軍改調赴豫則舍近圖遠往返又需時日疲於奔走殊失機宜就目下軍情揆其緩急莫若即將鮑超一軍暫留江粵剿辦此股髮逆以期迅速戡事所有鮑超一軍即著該大臣暫緩檄調俟髮逆剿平後再行飭令赴豫助剿

十二月初一日

壬辰官文鄭敦謹奏言據探賊匪

大股竄至光羅一帶相距黃麻不遠成大吉一

軍已移紮小河溪黃麻一路甚屬空虛而賊勢忽分忽合奔竄無定襄陽係屬西路姜譚等軍駐紮進偏賊之大勢業已東趨情形較為喫緊擬請

旨飭令鮑超即就近取道黃麻迎頭截擊直搗中堅以寒賊膽其餘各路即令楚豫各軍四面兜剿同日曾國藩奏言臣接官文來函鮑超必欲統

聖朝聖略卷四十三

三

帶多兵鄂省實難供應又接李鴻章來函粵中賊氛尚熾汪逆悍黨數萬人以一隅遙為牽掣致數省不得解嚴須留鮑超在江方足支撐又聞汪逆近已竄陷嘉應州窺伺閩汀臣思目下鮑超一軍已由贛州進兵暫難更調應俟江粵全境肅清再檄該軍剿擒庶不至往返僕僕顧此失彼均奏入

上命軍機大臣傳諭官文會國藩曰汪逆竄踞嘉應州城昨據鮑超馳奏業由會昌赴粵勦辦當經諭令會國藩暫緩檄調著俟該提督將竄粵髮逆勦平後再行調赴豫省助勦以免往返奔馳鮑超一軍急切不能到豫官文急須另籌兵力扼紮黃麻豈可專待此軍致滋貽誤

初二日癸巳李瀚章奏言濂逆汪海洋盤踞上坪

欽定剿平粵匪方略卷十三

三

之時路通始興仁化東路諸軍嚴陣備戰嗣據探報賊已竄往鎮平嘉應武平永定查濂逆頻爲江閩各軍所敗自八月以來豕突狼奔初無定向輒南南雄各界官軍密布賊不得逞乃復折而東走惟由和平龍川興甯平遠鎮平以至武平永定卽從前由閩擾粵之熟徑往來倏忽遠則爲廣饒衢嚴之患近仍是江楚南境之憂

劉典黃少春之軍均已回顧閩疆江西撫臣劉坤一布置額防並令鮑超越境會合閩軍擱勦該逆如不得逞勢必西回未可以賊去稍遠遂弛邊防臣仍飭臬司趙煥聯陳士杰總兵王永章等嚴密設備無少疏懈惟藩司劉連捷總兵朱南桂朱洪章三軍克復金陵後會國藩本准凱撤本年因金口勇叛調至江西囑臣察看軍

欽定剿平粵匪方略卷十三

三

情酌定裁遣此三軍勞勩日久現值逆蹤稍遠自當遂其休息臣咨商劉坤一陸續撤遣由湖南江西督銷准鹽局補給欠餉咨會會國藩轉飭糧臺覈算報銷奏入

上命軍機大臣傳諭李瀚章曰汪逆竄至粵東嘉應失陷雖距湘境稍遠惟該逆紛擾靡定仍恐窺伺江楚湖南邊境防務未可稍鬆著李瀚章督飭趙

煥聯等嚴密防範無稍疏虞劉連捷等軍勞動日久卽著陸續裁撤俾資休息欠餉仍由湖南江西補給並著知照劉坤一妥爲辦理

初六日丁酉劉坤一奏言賊陷嘉應州城臣前經奏明鮑超席寶田劉勝祥三軍分途出境會攻現准左宗棠來咨已催其次第啟行並委營務處補用道何應祺及贛南道王文瑞沿途設局

欽定四庫全書

三

轉運米糧子藥俾免缺乏果能及時合圍可收聚殲之效查鮑超一軍已經左宗棠調赴武平上臣飭席寶田劉勝祥兩軍由平遠鎮平前進藉以屏蔽江西仍令湖南提督周寬世所統之銓字營三千餘人候補總兵王開琳所統之新老湘勇五千餘人候補道張岳齡所統之平江勇一千餘人駐守會長及龍定一帶與劉連

捷所統之副後等營四千餘人朱洪章所統之長勝等營一千餘人遙爲聯絡以固江西省西路遠防卽以扼楚北門戶奏入

上諭曰賊在嘉應州距江省甚爲切近該撫已派席寶田等軍由平遠鎮平前進著卽飭令各軍剋日會剿盡殲醜類如江西邊界軍情緊急該撫仍當酌度情形出省督剿毋稍疏忽

欽定四庫全書

三

初九日庚子左宗棠奏言臣自聞廣東嘉應州失守卽率親兵及候補總兵楊和貴新右營出屯平和縣瑄溪以固漳州南靖門戶遏賊內犯催調劉典全軍由廣東南雄州取道江西南安贛州入閩黃少春由南安贛州入閩而高連陞康國器劉清亮三軍皆隔在賊後無從檄調臣抵瑄溪後詢知賊蹤尙未竄動江西各軍尙無出

境確信適奉

諭旨鮑超一軍仍歸臣節制臣卽咨令鮑超率所部
新舊各營一萬二千人入閩分扼武平上杭劉
典率所部勇丁八千餘名入閩後徑趨永定其
黃少春一軍三千人王德榜一軍二千五百人
檄令隨臣進剿旋據高連陞康國器械報已尾
賊而來由興甯向東北疾趨高連陞已紮嘉應

欽定剿平粵匪方略卷十三

三

州東北三十里之葵嶺康國器已紮鎮平縣其
嘉應州城之西三十里藍口地方聞粵軍方耀
鄧安邦駐紮其東南一面賴長所部一千人已
進紮丙村對河之井塘與惠潮嘉道張銑所派
勇丁三千餘名夾河而守四面布置已有規模
臣現催鮑超由平遠東石徑趨嘉應西北相公
亭一帶俟其到防再令扼要紮營延至藍口舍

坑一帶以扼其西其藍口現紮之粵軍俟鮑軍

到防後當移紮對河之長沙墟一帶憑河而守

與丙村諸軍聯絡以扼其南劉典一軍由武平

上杭出松源一帶徑抵松口再與葵嶺高連陞

及賴長之軍聯絡進扼其東與南高連陞既進

葵嶺康國器一軍應卽由鎮平出三圳新埠墟

紮石峯徑東連高連陞軍西連鮑超軍以扼其

欽定剿平粵匪方略卷十三

三

北賊知東西北三面無路可竄必於南路潮州
及豐順揭陽一帶別覓生路而嘉應南濱支河
至三河壩而後入汀州幹河以趨潮州故由嘉
應以趨潮州水路之要在三河壩而由嘉應以
趨揭陽則言嶺關實當其衝粵軍三千餘分扼
兩處兵力尙單而帶勇之員弁一爲前署潮州
黃岡協副將遊擊何雲章一爲五品軍功容朝

章臣慮其不足深恃一面飭其深溝固壘嚴斷接濟一面飛咨廣東督撫飭局趕籌製造鐵船以扼水路復飭賴長於三河壩上游一帶河道水淺處密釘木椿深處雇船配槍礮手扼之暫濟目前之急飭潮州鎮翟國彥及惠潮嘉道張銑嚴備城守臣卽率所部由平和出大埔繞三河壩趨松口將水路形勢察看明白然後折而

聖祖實錄卷一百三十三

三

北趨駐營嘉應州北路將東西兩路各軍分勻派紮漸偏漸進迫地近兵多足敷防勦則分兵過河繞紮南路而四面鎖圍之勢可成矣現在署浙江提督黃少春已抵臣營劉典全軍已抵武平上杭可以漸次聯絡齊進惟鮑超一軍尙未得其行抵何處信息臣已四次飛催此軍入粵以後人地生疏必須廣東設立米局始免缺

乏臣已咨請廣東督撫臣委員辦理其月餉由江西籌解伏乞

皇上天恩飭下江西撫臣力籌按月接濟不致如從前新湘長左等營一入閩境卽推置不顧方於大局有益

左宗棠又奏旨查李福泰於粵東兵事向未兼稟臣無從測其虛實不敢妄有論列惟賊由連

聖祖實錄卷一百三十三

三

平上下坪竄走嘉應時李福泰覲然報攻克追勦之功實則並無其事卽此以觀則李福泰專務粉飾可知奏入

上命軍機大臣傳諭左宗棠瑞麟劉坤一郭嵩燾鮑超曰汪逆大股竄踞嘉應州城著左宗棠卽日入粵調度各軍聯絡聲勢務將汪逆全股及土匪叛勇盡數殄除勿任再行出竄鮑超一軍前已據奏

行抵會昌著該提督卽進兵嘉應會剿聽左宗棠
調遣左宗棠有節制三省之責著於入粵後妥籌
調度如江粵各省之兵有疲沓不能得力貽誤事
機者卽由該督嚴叅治罪瑞麟郭嵩燾卽飭方耀
等軍歸左宗棠節制與江閩諸軍聯爲一氣並檄
惠潮等郡文武員弁妥籌守禦以防該逆旁竄所
需礮船卽飭局趕造以遏水路要衝鮑超一軍入

欽定剿平粵匪方略卷四十三

三九

粵人地生疏著劉坤一按月籌餉解濟瑞麟等派
令委員設立米局均須寬爲籌備毋任缺乏劉坤
一仍當懷遵屢次諭旨催軍出境合剿不得稍存
畛域之見左宗棠另片奏李福泰於賊由連平上
下坪竄走嘉應時覲然報攻克追剿之功實在並
無其事實屬粉飾廣東布政使李福泰著先行交
部議處並著左宗棠察看如始終不能得力卽另

揀委員統帶將該藩司撤回叅辦

左宗棠又奏言臣既遵

旨節制廣東江西軍務現在賊踞嘉應州臣自應入
粵督剿現擬帶印出境所有臣署日行事件仍
照例委藩司代拆代行其尋常題咨事件臣既
出境尤難兼顧應卽咨請撫臣徐宗幹代辦奏
入報

欽定剿平粵匪方略卷四十三

三

聞

二十五日丙辰瑞麟郭嵩燾奏旨逆匪竄陷嘉應
四處擄搶屯聚州城又於城外四面建立土城
望臺暫圖偷生之計官兵稍集必將乘閒旁竄
滋擾惠潮嘉一帶伏莽繁多又近年降人散勇
甚衆乘勢附從隱憂方劇節次檄調候補總兵
曾敏行署羅定協副將鄭紹忠扼防南路已據

曾敏行一軍進紮水車林保梁仕光兩軍副之
鄭紹忠一軍已抵興甯現令趕緊到防江閩各
軍環集東北提督高連陞總兵劉清亮兩軍已
由新鋪白渡一帶進紮葵嶺延建邵道康國器
進紮鎮平之三圳墟總兵王開琳前抵丙村與
潮州遊擊何雲章三河壩各軍相爲犄角劉典
一軍分紮武平上杭爲北路後勁署浙江提督

聖朝聖略卷百十三

三

黃少春福建藩司王開榜隨同左宗棠進剿又
爲東路後勁其東南三河壩水路又飭由惠潮
嘉道張銑等添募巡船二十號以資防堵西北
一路平遠相公亭大坪石正一帶可以橫竄江
西之長甯又可由平遠北竄龍定西出南雄始
興以窺楚境此路專候鮑超一軍進紮臣等查
粵軍星羅碁布不可無統帶之員歸併整頓聽

候左宗棠調遣臣嵩燾擬卽馳赴各營相度形
勢以圖扼守已檄飭肇慶協副將楊青山馳赴
廉州招集馮子材舊部三千人分立選勝軍六
營由該副將統帶候鮑超一軍進紮相公亭卽
調駐防始興之知府銜曾紀鳳一軍陽江鎮任
星元一軍隨同臣嵩燾進剿一俟兩軍咸集臣
嵩燾卽由惠州馳赴言嶺關及興長一帶擇要

聖朝聖略卷百十三

三

扼紮就近與左宗棠商議進止機宜至鮑超一
軍萬二千人日需食米臣等前聞鮑超入粵之
信已飭軍需局籌解銀一萬兩由龍川一路向
前迎護兼爲採辦食米之計所行多山谷小徑
不通江路又屢遭兵燹商旅無至者各處村莊
頑穢散法公行劫掠不獨經費難籌亦且求一
完善地方設立轉運局而不可得准當竭力籌

維務使此軍食米不憂缺乏以資合圍掃蕩之
力嗣後一切軍情由左宗棠主稿會銜馳奏奏
入

上命軍機大臣傳諭左宗棠瑞麟劉坤一郭嵩燾曰
汪逆竄踞嘉應於城外四面建立土城望臺負嵎
抗拒瑞麟郭嵩燾現飭曾敏行等軍分紮各路杜
賊紛竄著卽檄飭各軍會同江閩官軍通力合作

欽定剿平粵匪方略卷四十三

三

步步爲營實力進剿爲四面合圍之計毋令乘閒
竄出復肆蔓延郭嵩燾現擬馳赴各營相度地勢
以圖扼守卽著由惠州前赴言嶺關及興長一帶
擇要駐紮就近與閩省官軍力籌進剿以期聚而
殲旃西北一路平遠相公亭大坪石正一帶可以
橫竄江西之長甯又可由平遠北竄龍定西出南
雄始興以窺楚境必須勁旅扼守以防該逆紛竄

之路著左宗棠等催令鮑超星速進紮相公亭等
處嚴密布置遇賊卽擊迅殄逆氛各營需用軍火
及鮑超一軍食米著瑞麟郭嵩燾竭力籌辦妥爲
接濟左宗棠有節制三省之責嗣後一切軍情著
左宗棠主稿會銜具奏劉坤一著懍遵屢次諭旨
迅派官軍出境會剿毋分畛域

欽定剿平粵匪方略卷四十三

三

欽定勦平粵匪方略卷四百十四 丙寅年

五年正月初二日 壬戌 劉坤一奏言賊匪自竄陷

嘉應州城勢益猖獗自應併力會勦以期悉數

殄除江西各營除鮑超一軍外惟席寶田一軍

萬餘人為最精 臣復以總兵劉勝祥三千餘人

隸之其力益厚頃據先後咨稟均遵左宗棠調

遣鮑超一軍於十二月初六七等日以次前進

廣東平遠縣之相公亭席寶田劉勝祥兩軍於

初九十等日以次前進平遠縣之東石大柘從

此漸偏漸近當可剋期合圍惟是濂逆狡悍異

常誠恐伺閒先竄嘉應拒江西僅二百四十餘

里不可不豫為之備南安祇有總兵朱洪章一

千五百餘人兵力甚單 臣已咨商提督周寬世

及總兵王開琳移紮定南聽之鵝公墟兼顧西

欽定勦平粵匪方略卷四百十四

一

路其道員張岳齡一軍留駐東路之會昌縣城

且屬鮑超席寶田劉勝祥三軍規賊所向馳往

邀擊藉以屏蔽江西令道員何應祺於長甯縣

督辦轉運並以照料邊防 臣仍當酌度情形出

省督辦以期掃蕩餘氛捍衛疆圉奏入

上諭曰所籌均合機宜仍著遵照前旨迅速出省督

率席寶田等軍會攻嘉應迅克堅城以清餘孽

初八日 戊辰 左宗棠奏言官軍漸偏嘉應經 臣籌

調提督鮑超等軍分路進勦十一月二十四日

提督高連陞總兵劉清亮由樟樹坪進紮葵嶺

前之鳳寨汪逆悍黨傾巢而出設伏黃竹洋雙

板橋一帶劉清亮甫將築壘賊即屬至賊騎四

五百直前衝突高連陞督各營四路迎敵遊擊

朱體盛當先陷陣斬騎馬賊目二人中槍陣亡

欽定勦平粵匪方略卷四百十四

二

副將張志公等向前接戰賊悉銳分撲我軍亦分路齊進縱橫盪決鏖戰四時之久約斃悍賊數百名賊始潰走我軍追至雙板橋始行收隊方高連陞分兵接戰時劉清亮見賊大至勢難分紮營壘因各列陣以待俟賊逼近排槍轟之賊復分兩路抄出遊擊李世祥等奮力迎敵斃賊多名賊來愈衆參將陳武職遊擊孫永忠均

欽定剿平粵匪方略卷十四

三

受重傷猶裹創力戰將賊擊動汪逆見我軍再厲嗾悍賊數千直前衝突我軍間有傷亡劉清亮與總兵李運榮下馬奮擊斃賊無算賊不能支亦從雙板橋遁去劉清亮與高連陞合隊追殺賊衆敗走遂收隊回樟樹坪老營是日道員康國器一軍進紮州城北之烏泥坪二十七日賊衆復出圍撲官軍營壘旋被擊回其藍口之

粵軍方耀營盤十六日夜被賊掩襲小挫西洋白宮市之粵軍何雲泰軍功容朝泰三營十一日遇賊敗潰容朝泰陣亡何雲泰退回丙村臣卽飭道員朱明亮帶所部由大埔馳至三河壩扼賊犯潮郡之路二十九日臣進大埔適幫辦軍務劉典由永定馳至臣卽商請飭其前隊由松口進州城東南之丙村並檄福建布政使王

欽定剿平粵匪方略卷十四

四

德榜向塔子坳扼正東佛子高賊來之路與劉典井塘丙村之營相接提督黃少春向金谷坑扼東北葵嶺賊來之路與高連陞樟樹坪之營相接高連陞樟樹坪之營與康國器烏泥坪之營相距不過十里亦可互相聯絡是嘉應州城東路北路及東南東北路長圍漸成然猶去賊二三十里也其所以不近逼者以州城西北之

相公亭大坪兩路急盼鮑超全軍及江西席寶田劉勝祥兩軍前來扼紮庶可杜其北竄平遠西竄興甯之路師行山谷之間購米極艱臣屢次飛咨廣東督撫臣委員設局廣為採辦並咨江西撫臣速籌餉銀三萬兩委員赴粵為席寶田劉勝祥採辦軍米臣亦勻撥閩餉一萬六千兩為鮑超採辦軍米如鮑超等軍日內馳至臣

聖朝聖略卷四十四

五

當率親兵及總兵楊和貴新右營由東南松口繞至東北一路親歷各營共商分布長圍之策一俟各路取齊剋期並進東西北三面偏緊賊必從西南及南面衝竄臣已飛調粵軍總兵鄭紹忠帶所部先扼長河墟如西路江軍延紮而南則粵軍方耀鄧安邦萬餘人可由藍口至畚坑長河墟進紮而東閩軍可由丙村進紮而西

互相聯絡四面鎖圍其嘉應通汀潮之梅江賊已先據民船希圖下竄潮郡臣前飛咨粵東督撫趕緊造船配礮並飭道員張銑趕調八槳船數十號交粵將黃聯開管帶以扼三河壩與朱明亮陸路之兵緊相依護全局布置周密可望聚殲此次陣亡之知縣汪遇元等相應開列仰懇

聖朝聖略卷四十四

六

飭部分別議卹奏入上命軍機大臣傳諭左宗棠瑞麟徐宗幹劉坤一郭嵩燾曰汪逆盤踞嘉應左宗棠籌調各軍分路進剿高連陞等於雙板橋一帶血戰數時雖將賊擊退而哨弁傷亡不少粵軍復被賊掩襲失去營壘是賊勢雖蹙而兇焰頗張該督現進大埔分布劉典王德榜黃少春高連陞康國器等軍互相聯絡

長圍之勢漸成正可力圖進取昨據劉坤一奏鮑超已於十二月初六七以次前進平遠之相公亭席寶田劉勝祥兩軍於初九十以次前進東石大柘兩路官軍計日業已到防自可扼其北竄平遠西竄興甯之路著左宗棠督飭各軍剋期齊進合力兜圍以收聚殲之效並著瑞麟郭嵩燾檄令鄭紹忠方耀等軍與江閩之兵聯絡布置儻粵省帶

欽定剿平粵匪方略卷四十四

七

兵員弁不能得力卽由左宗棠嚴參治罪鮑超及江西客軍八粵瑞麟等務須設局寬爲採辦軍米以期無誤兵食劉坤一迅遵前旨出省督飭各軍會攻一面嚴扼本境邊防毋稍疏懈賊見長圍勢合據船下竄潮郡必在意中左宗棠瑞麟等務當多備礮船飭令黃聯開朱明亮水陸各軍嚴備要隘毋令賊蹤倖脫又成不了之局此次陣亡之知

縣汪遇元縣丞晏際時都司劉永茂蕭勝文劉宜元王連斌趙玉林何文祿守備鄭秀章蕭煥武遊擊朱體盛都司錢桂仁守備鄭炳禮鍾洪霖千總鍾成魁遊擊鍾敏遂軍功客朝泰均著交部議卹同日

上諭內閣曰浙江布政使蔣益澧著馳赴廣東辦理軍務兼籌軍餉

欽定剿平粵匪方略卷四十四

八

十五日乙亥左宗棠瑞麟郭嵩燾奏言凍逆汪海洋知官軍漸次進紮屢率剽悍騎賊至州東佛子高分水鄉曹塘一帶窺探地勢冀圖設伏衝撲臣左宗棠商請劉典會同高連陞黃少春王德榜前往塔子坳分水鄉等處察看形勢剋期進紮並令細探曹塘小路以防該逆設伏包抄十二月十二日五鼓黃少春各軍齊進塔子坳

分路扼紮汪逆先喉悍黨夤夜由曹塘小路出指湖頂雙坑以抄橫徑一帶營盤之後自與胡瞎子等率悍賊數萬分四路擁擁而來勢極猖獗張福齊等分路迎勦自辰至未盪決數十合斃匪二三千名汪逆親率死黨力抗我軍再接再厲無不奮勇爭先適劉典親督官兵斜出迎擊見指湖頂伏賊抄出深坑與李耀南等疾駛

聖朝聖學聖書十四

九

上嶺黃少春王德榜塔子坳營壘已成皆出隊夾擊槍礮環轟斃賊甚夥伏賊遂敗去我軍乘勢追殺斬馘不可勝數汪逆大股尙在前抵死撐拒經張福齊等揮兵痛勦該逆亦殊死鬪正酣戰閒簡桂林等下馬持矛衝陣賊衆勢如山頽我軍奮威衝殺賊屍枕藉追至佛子高始行收隊其雙板橋另有一支抄後之賊經高連陞

督親兵橫出分水鄉以斷賊後令魏光邴等由葵嶺翻山斜趨分水之右俟賊退攔截飭丁賢發等直向雙板橋迎勦高連陞督親兵從分水鄉山徑出賊不意開槍轟擊賊見歸路已斷遂大驚亂適劉典黃少春王德榜各軍亦合兵衝殺賊衆奪路潰奔魏光邴等橫出擊之賊衆自相踐踏高連陞從後追殺斃賊數百名生擒二

聖朝聖學聖書十四

十

十九名雙板橋餘賊鼠竄回奔我軍沿途追殺轟斃不少據獲賊供首逆汪海洋被槍子從頭左偏穿出兩眉際立即墜馬昇回州城業已氣絕與各軍探報相符且各賊具稟赴營乞降者兩日之間已三四千人計是戰共斬悍賊數十名轟傷戮傷者無算墜崖死者約數百名生擒二百餘名現據賊中謀報賊黨因汪逆伏誅推

僞儲王壽體元爲首賊首如胡勝子汪麻子黃矮子何明亮等皆踞紮城內人數尙多必須速合長圍俾飛走絕跡然後誅其桀悍宥其脅從勦撫兼施乃可蕺事 臣宗棠卽率親兵及楊和貴營由松口前進檄高連陞由東北葵嶺進紮黃竹洋黃少春王德榜由正東分水鄉進駐佛子高延紮而北與高連陞黃竹洋之營相接鮑

欽定剿平粵匪方略卷十四

十一

超於十三日抵平遠日閒可進紮相公亭已飭康國器俟鮑超營盤紮定卽會期列隊徑由烏泥坪進扼正北洋門岌要隘與鮑超高連陞聯絡咨商鮑超進紮西北平成鋪等處並催席寶田劉勝祥兩軍速進西北大坪堡飭朱明亮進紮井塘使劉典全軍得由正東趨東南之白宮市龍津橋進紮黃坑渡再進至芹菜洋自東南

隅至西北隅各軍密布則正南西南正西各路更宜防賊衝竄粵軍方耀等扼西面藍口一處前調粵軍鄭紹忠及曾敏行兩軍疊飭會同進紮西南之長少墟尙未卽進 臣宗棠已飛檄督之飭其速紮以彌西南一隅罅隙更調新募八槳礮船駛抵南路水陸依護以成鎖圍此次尤爲出力之總兵簡桂林等謹先行開列仰懇

欽定剿平粵匪方略卷十四

十二

天恩獎敘其餘出力員弁可否由 臣左宗棠存記彙案保獎陣亡之擬保副將陽命伸等並請飭部分別議卹奏入

上命軍機大臣傳諭左宗棠瑞麟劉坤一郭嵩燾曰濂逆汪海洋知官軍漸次進紮率領全股悍賊猛力衝撲經劉典黃少春高連陞同心共濟謀勇兼資在事將士踴躍用命大獲勝仗殲除汪逆自應

乘賊勢新挫之時一鼓作氣聚而殲旃左宗棠現率親兵由松口前進飭令高連陞等軍分布各路四面兜剿布置甚合機宜卽著督飭各軍合力進逼嚴密堵剿其方耀鄧安邦鄭紹忠等軍並著瑞麟郭嵩燾飭令迅速進紮儻敢稍涉遲延致罅隙未彌被賊竄突必將該員等從重治罪鮑超已抵平遠著左宗棠調令進屯西北平成鋪一帶會師

欽定四庫全書

三

欽定四庫全書

十四

剿賊並著劉坤一迅檄席寶田等軍由西北步步進兵務令四面合圍使此股殘寇飛走路窮盡行殄滅

上諭內閣曰逆首汪海洋盤踞嘉應州城經左宗棠調派諸軍分路進剿斃賊無數訊據獲賊供稱首逆汪海洋頭被槍傷墜馬氣絕實足以伸天討而快人心著左宗棠迅督各路官軍四面合圍將餘

黨速行殄盡毋留餘孽尤爲出力之總兵簡桂林著賞換鏗僧額巴圖魯名號張福齊著賞換達桑阿巴圖魯名號以上二員均著遇有閩浙總兵缺出提奏劉端冕著交軍機處記名遇有總兵缺出請旨簡放道員李耀南著賞加二品頂戴副將馬駿發著以總兵補用樂連生著賞給力勇巴圖魯名號並賞加總兵銜甘大有著賞給武勇巴圖魯名號劉傳儀著賞給果勇巴圖魯名號高方吉著賞給效勇巴圖魯名號周玉堂著賞給協勇巴圖魯名號參將謝復雲宋成祥遊擊張佑廷均著以副將留於福建補用張佑廷並賞換花翎參將戴清輝鄒玉林杜登雲吳茂軒均著以副將留於閩浙遇缺卽補鄒正魁李銘新姚連陞均著賞加副將銜遊擊余宏亮著以參將留於閩浙卽補張金

榜黃復勝陳厚順均著以參將留於閩浙遇缺卽補都司蕭雅泗田向陽均著以參將仍留福建補用先換頂戴羅東城湯世成周繼世陳龍香均著以遊擊留於閩浙補用劉甫田著以遊擊仍留福建補用守備黃文光謝紅蛟均著以都司儘先補用余洪勝林三友秦添福江同恩陳殿立葉義秀均著以都司補用千總向明幹著以守備儘先補

欽定剿平粵匪方略卷十四

十五

用並賞加都司銜軍功鍾雲杰著以千總儘先拔補並賞戴藍翎苑乾元張興發均著以千總卽補並賞戴藍翎范振升著以千總卽補並賞加守備銜已革都司祝鑑嵩著開復原官並免繳捐復銀兩其餘在事出力員弁著由左宗棠存記彙案保獎陣亡之擬保副將陽命伸副將趙輝元均著照總兵例議卹副將銜參將周壽臣著照副將例議

卹都司歐隆勝施輝林章海輝均著照都司例議卹擬保守備蔡文蔚著照守備例議卹外委蔡名吉著照千總例議卹

二十三日癸未左宗棠瑞麟郭嵩燾奏言汪逆伏

誅後僞偕王譚體元代統其衆與胡瞎子等負嵎死拒圍撲東路官軍營壘十二月十八十九等日高連陞黃少春王德榜各軍環偪州城東

欽定剿平粵匪方略卷十四

十六

北之黃竹洋佛子高曹塘一帶紮營劉典劉明燈簡桂林李耀南等進紮西洋市副將賴長水陸三營進紮龍津橋各軍搭造浮橋夾河並進鮑超全軍於十七日抵州西北三十里之相公亭十九二十兩日在平成鋪山子下築壘廣東官軍李福泰亦至州西藍口令方耀鄧安邦至古塘坪列隊與鮑超爲犄角之勢十九日該逆

率眾來撲粵軍方耀鄧安邦扼金雞石坳口賊分三路猛攻方耀等分投迎擊鏖戰四時斃賊百餘名二十日鮑超出隊譚逆復率悍黨分投來迎鮑超令唐仁廉等分三路進剿先將中路之賊擊退左右路賊黨尙蠢擁而來譚勝達等奮力猛擊斃賊甚眾左路賊匪亦潰曾成武等復將右路賊匪擊敗乘勢追殺婁雲慶等橫截

勦平粵寇卷四十四

七

之賊益驚亂鮑超督各軍掩殺追至城下斃賊四千餘名生擒老賊二百餘名汪逆伏誅賊眾膽落又不得逞於西北臣宗棠料其必圖速竄飭令各軍迅速合圍自率親兵及楊和貴新右營前進二十三日行抵州東三十里之井塘據各軍稟報賊於二十二日夜間潛啟西南門由小密出黃砂嶂而遁胡瞎子當先譚逆及各賊

勦平粵寇卷四十四

八

斷後時劉明燈等立率所部疾趨黃砂嶂一路追截該處羣峯峭削一徑縈紆爲嘉應出新田大田右至豐順左至潮州之間道賊以數萬之眾冒死出險急不得前劉明燈簡桂林賴長馳抵泮坑斬尾賊數百名生擒三十餘名追過小密遇鄭紹忠所部遂向黃砂嶂併力追擊復斃賊二千餘名生擒五百餘名高連陞等率隊入東門搜剿餘賊僞佑將劉廷貴率三壘之賊赴黃少春軍前乞降另股千餘人赴劉典軍前乞降高連陞王德榜康國器各軍徑向黃砂嶂追剿鮑超督所部入城其過黃砂嶂之賊劉明燈等緣岸衝殺斬賊目二十餘名賊黨三千餘名生擒千餘名解散難民數千名高連陞劉清亮亦合兵縱擊斃賊極多直至分水坳劉明燈等

因將士夜半出隊窮追竟日飢疲特甚乃收隊
回營高連陞等整隊急追二十四日黎明及賊
於大田我兵奮勇掩殺又追二十餘里賊屍枕
藉賊黨乞降者萬餘人高連陞受之搜斬叛勇
頭目歐陽輝及逆首賴蘋新之母悍賊猶越嶺
狂竄我軍四路搜殺又斃賊二千餘名高連陞
劉清亮暫駐大田督隊搜捕餘賊丁賢發生擒

欽定剿平粵匪方略卷十四

十九

偽總統胡瞎子卽胡泳詳餘賊悉降始收隊回
王德榜一軍由黃砂嶂左路追殺二十三夜間
及賊於北溪僞先鋒眉天義曹玉科鈞天義楊
侍如會天福何玉青僞天將彭大貴馬有玉彭
大元劉得勝等率眾跪馬前泣求免死王德榜
受之約四萬人鮑超所部二十三十四兩日由黃
砂嶂左路追至北溪白沙壩何明亮黃矮子等

仍思抗拒唐仁廉等分路奮擊將賊截作數段
屍橫徧地共斃賊八千餘名逆眾見四面被圍
始羅拜求生當將二萬餘眾一律兜擒查出僞
忠誠天將何明亮僞大佐將何明輝暨叛勇頭
目黃矮子等二十餘名及大小頭目七百三十
四名訊明悉在軍前正法全股蕩平 臣宗棠自
可無須馳赴潮郡卽在松口暫駐將降眾分別

欽定剿平粵匪方略卷十四

二十

辦理查各首逆譚體元被圍軍於黃砂嶂北槍
傷墜馬落崖死胡瞎子爲高連陞所部生擒何
明亮黃矮子爲鮑超所部擒斬汪麻子亦中槍
殞命悉殲除無一漏網卽多年稽誅之積賊與
近時投誠之叛勇本地從賊之土匪亦皆撲滅
無遺此次尤爲出力之浙江提督一等子爵鮑
超等謹先行開列懇

恩從優獎勵其餘出力各員弁並請由 臣宗棠查明
擇尤彙案保獎傷亡陣亡之副將宋成祥等一
併開列請

旨飭部分別議卹

左宗棠又奏言幫辦福建軍務二品頂戴劉典
前在浙江按察使任內於同治二年九月十八
日皖南軍次聞計丁父憂時劉典帶兵獨當一

聖軍方略卷四十四

三

路奏請改為署浙江按察使俟軍務稍定准其
回籍治喪事畢赴浙仍領原部劉典於是年十
月由浙江嚴州營次請假奔喪回籍經 臣檄催
募勇剿賊於三年四月由籍起程帶勇入江助
剿旋奉

恩命幫辦江皖軍務轉戰數月江境肅清復奉
旨開缺仍以二品頂戴幫辦福建軍務該員盡瘁馳

驅忠勤卓著卒能殲除巨寇俾無遺種是劉典
之功不可沒也劉典每與 臣言及親喪未克終
制私懷耿耿聲與淚俱 臣察其至誠亦為悽愴
茲當大局戡定可否

賞給劉典三代一品封典俾慰孝思之處出自
恩施

同日劉坤一奏言臬司席寶田總兵劉勝祥在

聖軍方略卷四十四

三

平遠東石大柘各率所部由良畚龍虎墟前進
於四年十二月十九二十等日馳紮大坪堡鮑
超於二十日由平遠之相公亭率師至距嘉應
州城十餘里之平成鋪山子下一帶正在紮營
逆眾分三路來犯鮑超當令提督唐仁廉等督
率各營分路應之該逆漫山徧野而來猛撲我
軍唐仁廉等以洋礮隊連環轟擊會成武督率

蔡立成等大呼陷陣各手刃賊數人賊衆驚潰
我軍正擬分途馳逐適雲慶等兩旁抄出截
賊歸路賊益慌亂鮑超督催各軍縱橫掩殺追
抵城根沿途賊屍枕藉共殺斃四千餘名生擒
二百三十四名濂逆汪海洋於十二月十二日
猛攻塔子坳等處營壘與閩軍苦鬪汪逆受傷
回城至十三日夜斃命羣賊推僞借王譚體元

欽定剿平粵匪方略卷十四

三

爲首二十日復爲鮑超所挫衆心惶懼二十二
日席寶田劉勝祥進紮分水鄉等處賊見諸軍
日偪乃於二十二日夜竄去臣當咨行鮑超劉
勝祥兩軍窮賊所之力圖掃蕩擬留席寶田一
軍暫駐大坪堡以資兼顧並飭全字湘勇平江
長勝等軍勤加偵探嚴行防堵均奏入
上命軍機大臣傳諭曾國藩左宗棠瑞麟劉坤一郭

嵩燾曰逆匪盤踞嘉應州城屢思衝突經左宗棠
督飭江粵閩三省之軍面面兜剿遂使該逆無路
可竄一鼓殲除深堪嘉尚惟投降之人爲數過多
必須妥爲遣散分別安插方免後患閩粵地方向
多土匪積年爲患亦應搜捕淨盡永絕根株並飭
地方文武將應辦善後事宜認真妥辦毋稍大意
所部各軍自應由左宗棠會同瑞麟郭嵩燾劉坤

欽定剿平粵匪方略卷十四

三

一酌量分別遣留惟現在東南雖已肅清而捻匪
竄擾北路楚豫等省到處戒嚴防剿正當喫緊鮑
超一軍前本令其馳赴北路助剿此時粵賊業已
辦結卽著左宗棠飭令統帶所部迅赴楚豫之交
聽候曾國藩調遣其江閩各路得力將弁兵勇有
可調赴楚豫江皖助剿者並著曾國藩迅速函商
左宗棠等酌量調往以期厚集兵力早殄逆氛左

宗棠等仍當聽候會國藩函商調派分別遣留不得先將得力諸軍概行遣撤

上諭內閣曰粵逆由福建竄江西入廣東復有叛勇合併為一肆行兇悖各路將士踴躍用命一旬三捷將十餘年髮逆餘孽一鼓蕩平實足以伸天討而快人心閩浙總督左宗棠督辦軍務調度有方著賞戴雙眼花翎署兩廣總督廣州將軍瑞麟著

欽定四庫全書

三

賞還花翎三品頂戴署廣東巡撫郭嵩燾著賞給

二品頂戴江西巡撫劉坤一著賞給頭品頂戴浙江提督一等子爵鮑超著賞加一雲騎尉世職前浙江按察使劉典廣東提督高連陞均著賞給雲騎尉世職劉典並賞給三代一品封典記名提督婁雲慶著以提督遇缺儘先題奏仍交部從優議敘提督唐仁廉譚勝達曾成武黃少春福建布政

使王德榜均著賞穿黃馬褂總兵孫開華著交軍機處記名遇有提督總兵缺出請旨簡放鄧訓誥著以提督遇缺題奏提督蕭得龍著賞換博奇巴圖魯名號劉清亮著賞換西林巴圖魯名號李運勝著賞換法什尙阿巴圖魯名號總兵黎榮鈞著賞換愛星阿巴圖魯名號劉明燈著賞給斐凌阿巴圖魯名號簡桂林等六員均著賞加提督銜內

欽定四庫全書

三

丁賢發並賞給伊勒達蒙額巴圖魯名號齊蘭禮著賞給該員三代二品封典馬駿發著賞給直勇巴圖魯名號方耀著開復革職處分副將龔占鼐等三員均著以總兵記名請旨簡放龔占鼐並賞加提督銜張再勝等四員均著以總兵補用張再勝並賞給彥勇巴圖魯名號賴光斗並賞給俊勇巴圖魯名號喻名揚並賞給銜勇巴圖魯名號涂

祖昌並賞給確勇巴圖魯名號賴長著賞換剛安
巴圖魯名號並賞加總兵銜徐連陞等三員均著
免補副將以總兵補用徐連陞並賞給勳勇巴圖
魯名號江自康並賞給強勇巴圖魯名號易進春
並賞給勤勇巴圖魯名號宋定元著賞給果勇巴
圖魯名號陳集賢著賞給靖勇巴圖魯名號甘大
有等四員均著賞加總兵銜黃北海著賞給傑勇

聖朝聖略卷四十四

七

巴圖魯名號譚勝清著賞給信勇巴圖魯名號黃
喜光著賞給鋒勇巴圖魯名號謝復雲著賞給資
勇巴圖魯名號睦金城著賞給志勇巴圖魯名號
鄒玉林著賞給安勇巴圖魯名號戴清輝著賞給
佐勇巴圖魯名號杜登雲著賞給碩勇巴圖魯名
號吳茂軒著賞給綽勇巴圖魯名號參將唐得勝
著賞給勵勇巴圖魯名號柳玉清著賞給爽勇巴

圖魯名號葉善明著賞給制勇巴圖魯名號朱長
林著賞給勝勇巴圖魯名號陳道亨著賞給彰勇
巴圖魯名號戴榮陞著賞給敢勇巴圖魯名號鄧
榮佳著免補參將以副將儘先補用並賞加總兵
銜曾華國著以副將仍留福建儘先推補陳得林
等三員均著以副將留於浙江儘先補用張介和
等三員均著以副將仍留浙江補用黎東溪著以

聖朝聖略卷四十四

天

副將留於福建補用姜南全著以副將改留廣東
儘先補用蕭佑飛等四員均著以副將留於浙江
補用張金榜等四員均著以副將仍留福建浙江
補用遊擊張復順著以參將留於福建補用並賞
加副將銜劉甫田著以參將仍留福建補用並賞
加副將銜張逢春等四員均著以副將補用孫永
忠等二員均著以參將留於福建補用都司彭惟

貴等五員均著以參將補用彭錫芝著以遊擊仍留福建儘先補用並賞換花翎趙煥馳著以遊擊儘先補用並賞加參將銜喻經魁著以遊擊補用並賞換花翎江同恩等三員均著以遊擊即補守備吳起順等四員均著以遊擊即補都司鄧安邦著賞加遊擊銜守備朱芳遂著以遊擊留於福建儘先補用桂順傳著以都司留於福建儘先推補

聖朝聖考卷十四

三

守備銜丁泰洋著以都司留於福建儘先補用並賞戴花翎千總宛乾元著以都司仍留福建儘先補用聶章壽等四員均著以都司即補並賞換花翎把總黃承佐著以千總即補軍功王蓋臣等三名均著以千總儘先拔補並賞加守備銜賞戴藍翎陳順和著以千總留於福建儘先補用並賞戴藍翎道員李耀南著賞給奮勇巴圖魯名號朱明

亮著賞給二品頂戴魏光邴著賞加鹽運使銜知縣丁華先著免補知縣以同知直隸州知州留於福建遇缺儘先補用從九品譚成章著以府經歷縣丞仍留浙江遇缺先補並賞加鹽提舉銜其餘在事出力各員弁著左宗棠查明擇尤彙案保獎因傷殞命之副將宋成祥著交部照副將陣亡例從優議卹陣亡之守備鍾福春守備銜千總章邦

聖朝聖考卷十四

三

俊千總余勝才把總蕭大春方惠林外委王與志軍功王錫坤王金玉查成巷顧洪平汪心田朱福才何福興謝光輝汪炳林李桂方李正洪傅松亭梁大發梁英階張有登葉得勝劉亮順黃謙益桂明東李振義何上交蕭連陞李國才周泰和朱進達呂士三溫同勝潘文盛黃榮富蔣崇祺陳德貴劉炳榮戴雙福杜善功千總李賢連均著交部從

優議卹擬保守備願惟奇著照擬保官階從優議

卹

左宗棠又奏言正繕摺間高連陞將偽總統胡
瞎子卽胡泳詳解送來營訊供年三十三歲安
徽東流縣人咸豐三年九月在安慶被偽丞相
賴穎新擄至廬州歷隨賴穎新楊秀青陳玉城
石達開彭大暉童容海陳炳汶汪海洋竄擾三

欽定剿平粵匪方略卷十四

三十一

江兩湖閩廣各省地方攻陷瑞州吉安邵武東
安和平各府縣兩陷杭州汀州瑞金等城同治
二年隨汪海洋踞餘杭結爲死黨本年夏間在
閩粵交界輾轉竄突被官軍擊敗奔竄鎮平復
由大柘東石斜趨羅浮司至龍南旋由和平攻
連平回紮上坪折回原路竄陷嘉應州城因官
軍緊逼汪逆又死想衝粵軍營盤走黃砂嶂赴

潮州再尋生路二十二日夜首先開路走至北

溪正擬紮營官軍追及因逃至長崑山坳旋被

擒獲等語該逆與汪海洋在賊中最爲兇狡罪

大惡極死有餘辜當卽凌遲處決以彰

天討而快人心奏入報

聞

二月初二日壬辰劉坤一奏言嘉應收復後該逆

欽定剿平粵匪方略卷十四

三十一

遁向潮州府屬之豐順縣貴州臬司席寶田一
軍馳赴興甯杜其旁逸鮑超等軍會同閩師竟
日窮追及之於黃砂嶂斬獲無算偽偕王譚體
元偽奉王黃十四死於亂軍之中其餘頭目胡
泳詳等及溲逆奉逆妻子均爲我軍所擒招撫
匪黨六萬餘人髮逆全股撲滅從此東南無虞
風鶴臣惟有慎選廉明守令訓練綠營官兵務

遂民生而嚴武備以期長治久安目下江省甫
經解嚴地方游勇甚眾擬暫留總兵劉勝祥道
員張岳齡兩軍及提督孫昌國等礮船分布水
陸藉資彈壓其鮑超一軍前經兩江督臣曾國
藩湖廣督臣官文先後調赴湖北河南專辦擒
匪此時擒匪尙在黃安一帶應否卽令鮑超移
得勝之師以向鄂豫請

聖學聖略卷四十四

聖

旨遵行席寶田一軍應俟稍爲休息卽飭赴黔剿匪
總兵朱洪章一軍因出征日久欠餉過多業經
湖南撫臣李瀚章裁汰此外如提督周寬世總
兵王開琳兩軍臣卽以次撤遣惟各軍欠餉甚
多臣與司道多方計議無論何項悉行湊放但
使應撤各軍能早一日起程卽可節省一日經
費至各將士經年轉戰力竭狂氛各官紳等籌

辦接濟經營防務均屬著有微勞可否准臣擇
尤請獎之處出自

天恩奏入

上諭曰所陳將各軍分別遣留及籌補欠餉各事宜
均著照所擬辦理鮑超一軍已有旨令左宗棠飭
令統帶所部迅赴楚豫之交聽候曾國藩調遣江
西出力將士人等准劉坤一擇尤保奏

聖學聖略卷四十四

聖

十四日甲辰左宗棠奏言據福建延建邵道康國
器稟稱十二月二十三日追賊至豐順縣北白
水寨一帶擒斬無算生擒逆渠洪秀泉之婿偽
金王鍾英偽幼陪王譚標偽懷王周春之姪周
社幅偽朝將黃松偽佐將何滄勝黃蘇寶解營
經臣親訊明確軍前正法浙江提督鮑超續於
降人中盤獲首逆汪海洋養子汪長林偽王宗

汪起賢福建藩司王德榜續於降人中盤獲汪海洋之妻張氏訊明正法又獲偽列王李海青偽天將粟時之偽神將劉汝滄等賊目三百餘名粵軍副將鄭紹忠搜獲偽贊王賴阿養朝將劉必勝及悍賊一百九十六名粵軍副將鄧在倫等亦搜獲逆目王友才江德勝王亞剗等十數名均立予斬決此外兇惡素著者訊明從嚴

欽定剿平粵匪方略卷十四

三

懲辦其老弱及被脅日淺者委弁遞送各原籍安插婦女幼孩雇海船解送閩浙由各原籍紳商留養轉覓其親屬領歸其壯丁五千餘多江西安徽湖北各省民人督派各營安插給以口食帶出粵境陸續資遣此次搜捕餘匪出力各員弁謹分別開列奏請獎敘臣頻年效力戎行未遑安處精力日減左手左足常患麻木酸楚

艱於乘騎昨由平和趨程入粵嶺路墜馬左腕疼痛益劇自念犬馬之齒甫五十又五不應衰憊至此惟不及早調治恐漸成偏枯之證擬於本月二十四日班師回閩由水路至潮州取道詔安以就坦易到閩後急爲調理如能速痊不敢乞假瀆陳

欽定剿平粵匪方略卷十四

三

左宗棠又奏言偽奉王黃十四卽黃朋厚於上年十二月初間密遣人赴劉典軍前乞降劉典許之仍飭規汪逆動靜隨時稟知十二日之戰復能密約夥黨勿抗官軍自取誅戮指揮其衆棄械款營就撫是其歸誠在先於解散賊黨機宜頗資其力可否免罪並賞給守備銜之處出自

天恩

左宗棠又奏言准署兩廣督臣瑞麟來咨以東
路肅清催高連陞赴廣東陸路提督本任令其
將部曲交各將領接管聽臣檄飭凱旋臣維高
連陞一軍糧餉均歸閩浙糧臺給領廣東僅解
過該軍餉銀四萬兩茲因軍務告竣督臣催高
連陞赴任所部咨臣檄飭回閩其意不過以此
軍之餉始終推諉於閩耳如果此次軍務告竣

聖訓卷四十四

七

後廣東所收降卒各軍所散勇丁各屬通誅土
匪能保其不復滋生事端則臣之豫留高連陞
一軍誠爲過慮若令其隻身赴任責以驟難整
理之制兵治不可數計之匪寇勢恐不能計現
在高連陞所部除撤遣旋閩外僅留五千餘人
每月需餉不過三萬餘兩本年二月起始歸廣
東支應並非強以所難如謂仍應歸閩支領則

廣東應解協閩之餉約尙有三十餘萬兩卽以
此款悉數移充高連陞軍餉以閩餉濟閩軍約
足一軍之需一年之後諸患漸平陸續裁撤此
軍亦未爲晚合無請
旨飭下廣東督撫臣熟思審處仍飭高連陞帶所部
赴任之處出自
聖裁奏入

聖訓卷四十四

六

上命軍機大臣傳諭左宗棠瑞麟郭嵩燾曰粵東之
賊全股蕩平後復經康國器等追捕餘匪並於降
人中搜獲逆裔及悍賊數百名立予斬決老弱壯
丁分別資遣辦理甚爲妥協該督以壓馬致舊病
增劇現於本月二十四日班師回閩著於到閩後
安心調理期於速痊以慰廬繫左宗棠凱旋後粵
省安插降卒搜誅土匪善後之事方多正當留紮

勁兵以資鎮遏瑞麟卽咨催高連陞赴廣東提督
本任何以反令左宗棠將其部曲檄飭回閩該署
督徒爲推諉該軍餉需起見曾不爲地方計殊昧
事機該省民風著名刁悍平日所養制兵毫不得
力徒耗餉需儻閩軍凱撤而降卒土匪又復滋生
事端重煩兵力該署督其能當此重咎耶高連陞
所部五千餘人計每月需餉不過三萬餘兩卽著

欽定剿平粵匪方略卷四十四

三十九

左宗棠檄飭該提督帶所部赴任月餉由瑞麟郭
嵩燾按月籌給不准絲毫短欠俟該省伏莽淨盡
再議裁遣

上諭內閣曰此次官軍搜捕粵東餘匪淨盡軍務告
竣班師回閩所有出力之福建延建邵道康國器
著賞給該員三代二品封典遊擊李元順著俟補
副將後以總兵升用副將鄧在倫著賞加總兵銜

知縣錢誦清著以同知仍留廣東補用以示鼓勵
僞奉王黃十四卽黃朋厚自上年十二月乞撫後
密覘賊情隨時稟報復能解散賊黨棄械投誠尙
屬真心效順黃朋厚著免其治罪並賞給守備銜
臣等謹案粵匪邊徼莠民萑苻醜類倡亂之
始不過勢迫飢寒志圖剽掠耳當承平之已
久偶法網之倖逃遂至怙惡不悛流毒轉甚

欽定剿平粵匪方略卷四十四

四十一

煽邪詞以盡惑逞逆燄以鷓張自粵而湘由
鄂而皖竟至僭稱僞號久踞江甯擾亂十有
五年蹂躪十有六省負嶠自固滋蔓難圖於
此而欲氛祲全消奏掃穴擒渠之效方隅底
定戡亂致治之功自非聖武布昭安能大
勳懋集也我

皇上孝先繼志承

慈訓於

兩宮善則歸親告成功於

太廟謂蕩平之奏績皆者定之

貽謀爰

命儒臣纂修方略臣等公同編輯時共討論竊見夫

文宗顯皇帝默運淵衷廣咨羣策所以奠安寰宇垂裕

後昆者典則俱存篇章可考凡推轂以重將

聖學方略卷十四

望

權詰奸以遏亂略整軍則先明賞罰安眾則

互設國防兵餉兼籌祭民情而曲加軫恤勤

撫並用解賊勢而深中機宜惟智仁信勇之

俱全故常變經權之悉合大端可舉管見敬

陳夫委任不專無以威眾事權不一難以成

功或同官意少和衷或臨敵患多掣肘每因

牽制遂致乖方我

文宗顯皇帝特簡欽差大臣督辦軍務假之兵柄授以

成謀號令既專聲威乃振猶慮敵情不可以

懸揣而將略或壅於上聞也凡諸臣所奏請

先清上游之法進扼要隘之方苟可施行必

加采錄所由腹心與共指臂宣勞同深感奮

之忱胥效馳驅之力歟進勦大股事歸將臣

肅清地方責惟疆吏內訌不靖致表裏以爲

聖學方略卷十四

望

奸外侮忽來必應接之不暇我

文宗顯皇帝嚴飭臣工力加整頓遺藏者隨處獵緝竄

擾者先事隄防咎有攸歸責無旁貸由是賊

除務盡無分主客之兵師克在和存畛域

之見各督撫遂與帶兵大臣共成厥功矣治

軍之有勇知方責歸統帥御將之信賞必罰

斷自

宸衷

國家方久享昇平將士或未諳韜略整飭不亟隕越滋多我

文宗顯皇帝訓練戎方申明軍政其有素懷忠盡實著

戰功畀以恩榮加之懋賞或微員登為大吏

或偏裨擢至元戎如觀望而援勦不前退守

而堵禦不力或粉飾卸過或捏報邀功逮問

欽定剿平粵匪方略卷四十四

望

必加刑誅莫道斯福威並用功罪已極分明

亦懲勸兼施羣情愈徵翕服已夫馭將固需

長策而保民尤有要端從來流寇之患民皆

驅入賊黨穀易因為盜糧棄隴畝無以為生

遷城邑又猝難自至此民所以重困也我

文宗顯皇帝痾瘵在抱特飭文武大吏行堅壁清野之

法勸諭居民各修堡寨於是出資出力同澤

同袍消伏莽於萌芽與官軍為犄角法之盡

善尤在於此若夫兵不足而議練兵餉不足

而籌裕餉立法未善流弊實多惟怙旨有深

仁而權衡歸至當則救時之計尤足見恤民

之心我

文宗顯皇帝於御宇之初下蠲租之詔恩膏所沛薄海

同沾迨軍務洊興倉儲多罄發帑不足以饗

欽定剿平粵匪方略卷四十四

望

士加賦深恐於妨民舉凡釐稅之徵必俟再

三之請雖通商賈裕度支供飽騰省飛輓其

利甚溥而

朝廷體恤周至實不得已而用之也當軍事方殷

之時正供既優加豁免及賊患稍紓之日釐

局復大為減除其勤生聚而憫艱難者不已

至歛所以自軍興以迄歲事疆臣專案奏報

部臣有册可稽者用銀至二萬八千六百四十八萬三千餘兩鈔至七百六十六萬五千餘兩錢至八百十八萬八千餘貫需費甚鉅民無擾焉且於招募之徒更得撫馭之法當夫兵皆新集教豈素嫻鈴轄少疏見功尤虞見過遣散不用慮變難以處常我

文宗顯皇帝慎始圖終特命帶兵大臣募集鄉兵激其

聖學聖學卷十四

聖

忠義之心馴彼桀驁之氣使敵愾而從戎甚易即成功而釋甲不難效用者籍之武營樂業者歸其田里誠恩施共沐朕望全消者也至辦賊之法勦撫厥為大端相機而行張弛原無定局蓋勦所以行天罰而撫所以散賊羣也又况民性至愚始惑邪教從賊既久或生悔心知自首以投誠忍駢誅於乞命斯又

仁之至而義之盡矣欽惟

文宗顯皇帝臨御十有一年為國鋤奸為民去害屬凶頑之梗化爰

命將而興師撻伐所加聲威丕振首遏狂氛於河朔繼殲巨憝於江淮再定荆襄旋收武漢已得建瓴之勢安慶合圍期收破竹之功金陵直搗乃大勳未集而

聖學聖學卷十四

聖

龍馭上賓中外臣民莫不感涕我

皇上誕敷新政率由舊章亟思盡殄逆氛又安百姓

恭奉兩宮

皇太后親裁庶政指示機宜簡用勳臣而畀以重任激勵將士而加以拊循四海同仇三軍效命雨露之澤既洽人心雷霆之威足寒賊膽魚在釜而獸在檻殘喘僅延車則攻而馬則同腐

公迅奏遂於甲子六月克復江甯蕩平髮逆
橫海之鯨鯢並殄中澤之鴻雁胥安銘鐵券
以酬庸奠金甌而保泰良由我

文宗顯皇帝經營有素燭照無遺故能克敵三年收功
一戰稽之往訓總師致三苗之格命實出於
重華嗣位爲有扈之征道亦承夫大禹
廟謨昭著千載同符矣臣等考我

欽定剿平粵匪方略卷四十四

聖

朝武功之盛遠播遐荒茲就勦平粵匪論之近事
可紹

前徽寰中何殊域外蓋創業之盛見於拓土開疆而繼
世之隆徵諸安民禁暴豈有萬里金湯容狐
鼠之嘯聚中天日月任魑魅之橫行者哉我
皇上纘緒承麻揚茲大烈上慰

文宗顯皇帝在天之靈下孚溥海臣民之望永固萬萬

年有道之邦基則茲書之紀美也實與
列聖方略等編炳如日星矣茲編纂勦平粵匪方略四

百十四卷附以長江水師章程六卷進
呈謹誌大略於左

欽定剿平粵匪方略卷四十四

聖

欽定剿平粵匪方略卷四百十五

附設立長江水師章程

咸豐十一年十二月初三日掌山東道監察御

史薛春黎奏言安徽所屬八府南則徽甯池太

北則安廬鳳潁而安慶一府雄踞江口對瞰徽

池皖南諸郡足以控制前人於此建立省會意

至深遠自咸豐三年賊匪攻陷安慶後大股即

聖聖聖聖聖聖

一

全趨金陵安慶城池並無賊踞周天爵李嘉端

等奏請改建省會於廬州棄安慶而不顧至三

年七月間賊蹤游駛窺我無備漸圖占踞蠶食

各屬駭駭乎分陷舒廬旁擾徽甯全皖遂至糜

爛查安慶府城一面枕山三面濱江上有大小

孤下有東西梁貫扼中流關鍵且居吳楚之交

又為楚鄂江右門戶長江千里古稱天塹上游

若武昌九江下游若金陵鎮江均稱重鎮安慶

屹立其中首尾相應若省會改於廬州則僻處

皖北一隅非惟皖南一帶鞭長莫及且距江較

遠無從設防所以年來賊艘來往自如屢次上

竄以至武昌屢陷江右騷然唇亡齒寒均由自

撤藩籬未得形勝故也幸楊載福等舟師順流

直下扼要堵截故楚北漸次肅清安慶亦報克

聖聖聖聖聖聖

二

復軍威丕振此其明驗相應請

旨飭將安徽省城仍建於安慶府巡撫藩臬等官如

前駐紮以循舊制但地利固不可不講武備尤

不可不修安徽提督向係巡撫兼銜皖北僅設

壽春一鎮兵力較單或因

國家承平地處腹內無須重兵鎮守然以今視昔

迥乎不侔故皖南因軍務緊急已添設總兵一

員統籌全局似宜添設提督大員統轄水陸各營節制南北二鎮以資彈壓安徽江西向歸兩江總督兼轄而江西之九江府與安慶相爲犄角地勢切近請將九江一鎮就近歸安徽新設提督節制聲勢更爲聯絡江防更爲周密似此層層布置賊舟斷難沂流上竄不但保安徽亦以保江右楚北二省也至設官必須添兵添兵

欽定剿平粵匪方略卷四十五

三

必須增餉查福建廣東兩省均設水陸提督各一員所以重海防也但以時勢論之則今日江防較海防尤爲喫重可否於該二省內裁併一缺移設安慶則兵餉無須另籌而地方實大有裨益奏入

上命議政王軍機大臣傳諭曾國藩彭玉麟統科曰賊匪踞有長江之險以致江皖糜爛現在安慶克

復亟應整頓江防薛春黎所稱安徽省城仍應建於安慶巡撫蒞臬如前駐紮並設立提督統轄水陸官兵九江鎮併歸節制等語不爲無見卽著曾國藩彭玉麟統科就現在地方軍務情形悉心籌畫會同妥議具奏

欽定剿平粵匪方略卷四十五

四

同治元年二月二十四日協辦大學士兩江總督曾國藩奏旨查安徽一省跨乎大江江以北四府四州江以南四府一州安慶府城據濱江適中之地實爲形勢所必爭咸豐三年安慶城陷江面悉爲賊有千艘往來飄忽莫測官軍無一舟一筏可以應敵周天爵等請以省城改建廬州係屬一時權宜之策現在安慶已復江路疏通欲辦蘇浙之賊必自力圖皖南始欲辦皖南之賊必自守定安慶始是安徽省城仍應建

於安慶巡撫藩臬如前駐紮庶足以資控制而
一事權水師陸兵判然兩途安徽壽春鎮所轄
向係羣捻出沒之地皖南鎮所轄又係萬山叢
雜之區皆與江防毫不相涉應請仍歸安徽巡
撫節制江西九江鎮所轄如撫州建昌等處雖
大江六七百里亦係陸路專政應請仍歸江西
巡撫節制該兩省巡撫向兼提督銜均應遵守

聖朝聖考聖聖聖

五

聖朝聖考聖聖聖

舊章無庸更改至江防局面宏遠事理重大應
請專設長江水師提督一員目下大江水師歸
彭玉麟楊載福等統率者船隻至一千餘艘
位約二三千尊實賴逐年積累成此巨觀將來
事定之後利器不宜浪拋勁旅不宜裁撤必須
添設額缺若干安插此項水師以固江防其提
督衙門或立安慶或立蕪湖等處自提督而下

總兵應設幾缺副參以至千把各設幾缺暨分
汛修艦各事宜統候

諭旨允准之日再由吏兵等部詳覈議奏臣等如有
所見亦必續行奏咨略參末議至俸薪口糧修
補船廠等項當於長江酌留釐卡數處量入爲
出不必另由戶部籌款其福建廣東原設水師
提督似不必遽議裁缺轉致疏防奏入

聖朝聖考聖聖聖

六

聖朝聖考聖聖聖

上諭內閣曰會國藩奏遵議安徽省城仍建安慶專
設長江水師提督及總兵以下各官著議政王軍
機大臣會同該部議奏

五月二十三日議政王軍機大臣吏部戶部兵
部工部會奏言查安慶古之皖國西控楚鄂南
臨江表在昔季漢已爲吳魏必爭要地降及唐
宋下逮元明悉爲重鎮咸豐三年失陷後省城

暫建廬州並將甯池太廣道暫改爲徽甯池太
廣道加按察使銜專摺具奏稍重其權以爲權
宜之計今安慶克復江路疏通曾國藩請將省
城仍移建安慶查該處地據形勝實足以資控
制應如所請悉復舊制全省一切事務仍由該
督撫奏報庶事權得以歸一號令不致紛歧其
按察使銜徽甯池太廣道應否仍復舊制之處

欽定剿平粵匪方略卷四十五

七

由該督察看情形另行具奏安徽省所轄長江
上接江西之九江下連江南之江甯其開江而
遼闊地勢險要防守皆爲重地今該督奏請添
設長江水師提督一員深得古人欲固東南必
先守江之意應如所請准其添設其駐紮地方
安徽省城旣仍改建安慶巡撫藩臬如前駐紮
則采石等處之險亦須有重兵駐守方足以資

聯絡提督衙門自應設立蕪湖至總兵副參以
至千把應設幾缺暨分汛修艦各事宜請仍令
該督親歷沿江地方體察情形熟籌妥議此項
水師無事則泛舟長江往來巡察有事則東西
奮擊戰守兼資惟添設提鎮大員該督須爲經
久之計其將領應如何選擇兵丁應如何練習
須詳細籌畫勿因目前有彭玉麟楊載福統帶

欽定剿平粵匪方略卷四十五

八

楚勇數千卽定爲規制應令該督再行詳覈議
奏至酌添長江水師提鎮官弁需用俸薪口糧
若干長江酌留釐卡數處量入爲出一時權宜
則可若行之久遠旣非定制且釐卡所得贏絀
無定俸薪口糧卽從而隨多隨少亦於事理未
協應俟該督妥議添設後應支俸薪等項若干
報部覈定行文皖省由藩庫開支其長江應酌

留釐卡幾處應收釐金若干隨時報部備查所
收銀兩儘數解交藩庫備撥庶事歸畫一以符
定制至統率船隻千餘號之多現當多事之秋
實爲水師所必需應令該督等俟軍務平後將
前項船隻數目如何分隸管轄及何年製造每
船需銀若干有無編列字號分別造冊送部以
憑查覈職位一項尤係行軍利器現已約有二
三千尊足資攻勦亦應令事定後將職位名目
並斤重若干及分撥何營存留備用之處分別
造冊報部備案奏入

上從之

五年正月初四日大學士湖廣總督官文協辦
大學士兩江總督曾國藩署兩江總督江蘇巡
撫李鴻章兵部右侍郎彭玉麟奏言臣國藩於

聖朝聖學略卷四十五

九

聖朝聖學略卷四十五

十

同治元年二月請專設長江水師提督及總兵
以下各官奉
旨交軍機大臣會同該部議奏旋經吏部等議准設
立長江水師而於總兵副參以至千把應設幾
缺暨分汛修艦各事宜令臣等體察情形再行
詳覈議奏三年四月奉

旨以淮揚鎮總兵黃翼升補授長江提督之缺六月
克復金陵濱江五省戰事大定卽應將前募之
水勇改爲經制之水兵覈定章程會議具奏特
以勇丁之口糧較多額兵之口糧極少相去懸
絕難於酌中定議輾轉籌思是以覆奏稍遲臣
國藩於咸豐二年臘月初招湘勇維時長沙甫
經解圍各路兵勇往來湖南絡繹不絕查發餉
章程參差不齊惟張國樑之勇每月五兩四錢

江忠濬之勇每月四兩五錢該兩軍最爲著名於時迨三年夏閒勝保奏請招募陸勇月餉四兩五錢戶部議准江南大營循而行之遂定爲報銷之常例臣於三年冬閒招募水陸兩軍陸勇酌減爲每月四兩二錢而親兵什長稍有增加水勇酌減爲每月三兩六錢而礮手花工稍有增加厥後銀價日賤米價日昂咸豐十一年

欽定剿平粵匪方略卷四十五

十一

楊載福等請將水勇加爲每月三兩九錢至今未改臣復詳加詢訪除山東河南餉章微少外其餘江楚閩浙等十餘省勇餉均係四兩有奇目下各路招集陸勇紛紛未已若水軍驟爲大減則人皆去爲陸勇誰復願充水兵故臣所議章程於兵餉一條暫從其優俟軍務告竣再行酌量覈減審時度勢有不能不出於此者非敢

與陸勇戰守糧額故示懸殊也我

朝綠營兵丁五十餘萬乾隆四十六年議增缺額名糧大學士阿桂會上疏力爭臣國藩亦於咸豐元年疏請裁兵五萬戶部初未議准後乃通行各省酌辦溯自洪楊倡亂捻回繼變軍興十餘年惟向榮和春大營用兵稍多其餘皆倚勇丁以集事

欽定剿平粵匪方略卷四十五

十二

國家養兵之費歲逾二千萬當此多事之秋未聞綠營立一奇功出一良將今各省勇丁合計約在三十萬以外而昔年經制之兵仍未能議裁議減且守戰各兵在營之坐糧雖少而出征外省加以鹽折夫價餘丁等款每兵一名月支亦在五兩統籌全局殊非長策臣愚以爲軍務全竣後仍當綜覈名實裁減陸兵其必不可裁者

卽當增加口糧此又因今日設立水營而卽豫
爲異日陸營之地者也謹擬事宜三十條營制
二十四條恭呈

御覽計戰船七百七十四號除提督已頒關防外新
設總兵四員撥出兼隸之總兵一員副參遊三
項營官二十四員都守千把外委等哨官七百
七十四員兵數一萬二千餘人兵餉船價廉俸

欽定四庫全書

十三

雜費修艦之資約計每月五萬有餘又選將練
兵餉項捕務暨考覈教演之法莫不嚴定章程
冀垂令典請

旨飭下軍機大臣會同吏戶兵工等部暨總理衙門
覈議施行

長江水師事宜三十條

第一條長江水師提督駐紮原議在於蕪湖建

立衙署但蕪湖內河甚小冬令水涸不能安
泊戰艦若泊大江之中則洪濤巨浸其患莫
測查江南太平府河外通江內通湖可紮戰
船數十營右達皖南甯國府南漪固城諸湖
左達江蘇高淳溧水兩縣石白丹陽諸湖兼
可扼東壩之要隘擬以提督駐紮太平府設
立衙署

欽定四庫全書

十四

第二條提督管轄之地自荊州岳州下至江
蘇崇明兩岸支河內湖均歸統轄計程近五
千餘里分防五省若僅駐紮太平府恐其照
料難周擬於岳州府設立行署該提督分月
輪駐以半年駐下江太平府以半年駐上江
岳州府每年周歷巡查駐上江則巡閱至洞
庭湖荊州止下江則巡閱至狼山止

第三條提督統轄較遠責任甚重擬請單銜奏事以專責成如遇有與各省地方公事及陸營交涉之件則會商該省督撫分別奏咨辦理如地方公事及陸營有與水師交涉之件該省督撫亦會商長江提督分別奏咨辦理提督之官其初本係文職明末李如松始以武臣而為提督初尚文武兼用後乃專用武

欽定剿平粵匪方略卷四十五

十五

職惟九門提督一缺尚是文臣兼領江皖晉豫等省提督之缺尚以巡撫兼領略存舊制今長江提督一缺擬請文武兼用仍歸兩江總督湖廣總督節制

第四條長江水師共立六標提督駐紮太平府所轄提標五營岳州設一總兵所轄鎮標四營漢陽設一總兵所轄鎮標四營湖口設一

總兵所轄鎮標五營瓜州設一總兵所轄鎮標四營狼山鎮總兵兼隸長江所轄鎮標二營通共二十四營

第五條長江水師與各省河湖交界之處應即畫分界限各有汛地以專責成湖北除江面千餘里全歸長江提督外其自荊州以上泝江至宜昌巴東漢陽以上泝漢至襄陽鄖陽

欽定剿平粵匪方略卷四十五

十六

及各支河湖汊應由湖北另行設防歸湖廣總督湖北提督統轄湖南除江面及洞庭湖歸長江提督外其湘沅二水應由湖南另行設防歸湖南巡撫湖南提督統轄江西除江面及鄱陽湖歸長江提督外其吳城以上省河及東西支河應由江西另行設防歸江西巡撫統轄安徽除江面與傍江之湖歸長江

提督外其淮河自正陽關以下至洪澤湖止
並接連蘇屬之支河湖蕩應另設淮揚水師
歸淮揚鎮總兵統帶兩江總督清運總督安
徽巡撫兼轄江蘇除江而歸長江提督外其
自鎮江以東凡江南之支河湖蕩應另設太
湖水師歸兩江總督江蘇巡撫江南提督統
轄其舊設海口之狼山福山蘇松三鎮除福

聖朝聖考卷四十五

七

山蘇松二鎮悉仍其舊外擬以狼山鎮兼隸
長江提督標下仍聽兩江總督江南提督節
制

第六條副將參將遊擊各有專營自應設立衙
署惟長江水師營汛其責任專重在水面並
無防守城池彈壓市鎮之責其立汛建署須
擇有港汊內河可收泊戰艦者庶免風濤覆

溺之患雖孤洲野岸亦可修造衙署宜距城
市稍遠乃為妥善

第七條水師官兵皆宜以船為家不准登岸居
住如違例住岸上者官即革職兵即革糧自
都司以下皆係哨官即以哨船為辦公之所
不准建署陸居至長江提鎮除例給坐船外
各給督陣三板二號每船額設守備哨官一

聖朝聖考卷四十五

八

員兵二十名內舵兵一名頭兵一名礮兵二
名礮兵十六名凡提鎮衙門巡捕跟丁執事
人等皆輪流派此船之人值班聽差下班仍
以船為家不准在岸居住副參遊督陣三板
各一號悉如之

第八條副將營制戰船四十三號內長龍船二
號三板船四十號督陣大三板船一號參將

管制戰船三十三號內長龍船二號三板船三十號督陣大三板船一號遊擊管制戰船二十三號內長龍船二號三板船二十號督陣大三板船一號其雖係遊擊管制而用船三十三號者惟岳州漢陽二營凡專立之營皆以都司二員管駕長龍爲領哨其各散哨員弁均受約束左領哨專管本營錢糧右領哨專管本營船廠軍裝及一切差遣巡查諸務其三板之以守備充哨官者爲副領哨每守備率領船十號

第九條副將管督陣三板船一號兵二十名長龍船二號每船二十五人共兵五十名三板船四十號每船十四人共兵五百六十名彙書書識十四名共額兵六百三十名共哨官

四十三員參將管督陣三板船一號兵二十名長龍船二號每船二十五人共兵五十名三板船三十號每船十四人共兵四百二十名共額兵四百九十名共哨官三十三員遊擊管督陣三板船一號兵二十名長龍船二號每船二十五人共兵五十名三板船二十號每船十四人共兵二百八十名共額兵二百五十三名共哨官二十三員其遊擊管亦有均不在內

第十條領哨都司除長龍戰船一號有兵外另給無兵之三板船一號如遇出兵入小河港汊恐長龍遲滯則由長龍撥兵歸此三板乘坐領哨出隊以期便捷

第十一條提督用稟書四名書識八名總兵用稟書二名書識六名副參遊皆用稟書二名書識四名都司用稟書一名書識二名守備用書識二名千把各用書識一名

第十二條咸豐四年初立水師之時較陸軍勇糧稍減槳手每月三兩六錢柁工四兩五錢頭工四兩二錢不等厥後因銀價日賤米價

聖朝聖訓卷之五

三十一

日貴槳手加為三兩九錢今將水勇改為額兵而各處陸營紛紛招勇若遽將水兵口糧大減則人皆去為陸勇誰復肯當水兵自應酌量暫從其優長龍戰船額設兵二十五名內柁工兵一名每月給銀三兩六錢每日一錢二分管艙兵一名頭工兵一名礮手兵四名每月給銀三兩每日一錢槳手兵十八名

聖朝聖訓卷之五

三十一

每月給銀二兩七錢每日九分三板戰船額設兵十四名內柁工兵一名頭工兵一名礮手兵二名槳手兵十名督陣大三板額設兵二十名柁工兵一名頭工兵一名礮手兵二名槳手兵十六名月餉均與長龍戰船同稟書與柁糧同月支三兩六錢書識與槳糧同月支二兩七錢俟軍務大定各路並無招勇之事再由長江提督江楚總督專案具奏議將口糧酌減乃為定額亦須優於陸兵庶不至似綠營之廢弛

第十三條長江水師副將營協標哨官額缺應設都司二缺守備三缺千總十缺把總十二缺外委十六缺參將營哨官額缺應設都司二缺守備二缺千總八缺把總九缺外委十

二缺遊擊營哨官額缺應設都司二缺守備
一缺千總四缺把總六缺外委十缺以上各
營哨官皆以各員所管之船爲缺不設衙署
第十四條提督給坐船四號總兵給坐船三號
副參遊給坐船二號各營哨官都司守備以
下直至外委皆無衙署每哨各給坐船一號
以抵陸營衙署馬匹之費提督每坐船月支
價銀十六兩總兵副參遊每坐船月支價銀
十四兩都守以下每坐船月支價銀十二兩
第十五條哨官缺出都守千把外委五項應全
歸長江提督主政卽就長江水師中選員題
補其營官缺出副參遊三項擬以七成歸長
江水師中題補以三成由兵部就各省水師
中推補至總兵缺出由長江提督兩江總督

欽定剿平粵匪方略

卷四一五

湖廣總督三人各保堪勝人員平日開單保
奏屆時恭候
特旨簡放

第十六條長江水師上下五千里分防五省若
向五處藩庫領餉分歸五省報銷殊覺散漫
無紀戶部難於稽考而各省入款出款俱有
常額若添此項兵餉殊覺籌畫維艱查沿江
釐卡皆係水師恢復之地水軍歷年口糧多
取諸此今長江旣立經制水師酌定永遠章
程凡俸廉糧餉船廠子藥一切費用應酌留
釐卡數處在兩江境內者歸江甯鹽道經收
在兩湖境內者歸武昌鹽道經收每年屆發
餉之時其在楚境各營造冊呈明湖廣總督
長江提督赴武昌鹽道庫支領其在江境各

欽定剿平粵匪方略

卷四一五

營造冊呈明兩江總督長江提督赴江甯鹽道庫支領江楚兩總督每年各自具本題銷不彙入各省藩庫奏銷案內以免牽混

第十七條長江水師礮位大者千餘斤次者亦數百斤所需子藥最多須常設子藥局以資操演而備不虞查湖北省城安徽省城造藥均有牛碾最爲穩便該二省應各設火藥局

聖朝聖略卷四十五

三

常川製造江蘇江西應辦硝斤協濟安徽藥局湖南應辦硝斤協濟湖北藥局至生鐵產於湖南應在長沙設立子彈局常川製造封門大子熟鐵羣子分解湖北安徽兩省所有楚境各營均赴武昌請領子藥江境各營均赴安慶請領子藥至三局造辦子藥之費由武昌江甯兩鹽道庫於釐金項下撥給

聖朝聖略卷四十五

三

第十八條長江戰船大礮震驚最易朽壞議定每屆三年修理一次十二年卽行更換應於湖北之漢陽江西之吳城江南之草駮夾三處各設船廠排定子丑寅卯年分某年應修整某營某哨之船某年應更換某營某哨之船輪流興工江境兩廠由兩江總督暨長江提督委員監修楚境一廠由湖廣總督暨長江提督委員監修所有船廠經費亦由江甯鹽道武昌鹽道兩庫撥給其風篷一件三年卽須更換一次桿索纜緯等物每屆修整之年亦須酌量添換均在船廠請領

第十九條長江戰船並無竹篷木舳惟以布棚遮避雨露霜雪名曰雨棚最易朽腐又如鋪木腦索礮繩旗幟紅油白油等項均須時常

修換不能待三年之期亦不能赴船廠請領此五者名曰雜費酌定長龍戰船每年發銀六十兩三板戰船每年發銀四十兩交該哨官採辦修飭以壯軍容江境之船由江甯鹽道發給楚境之船由武昌鹽道發給

第二十條提督現擬文武兼用其養廉應卽加重每年支銀八千兩其餘俸薪蔬菜燭炭心

欽定剿平粵匪方略卷十五

三

毛

紅紙張等項均照陸營提督之例支給自總兵以下直至千把凡養廉俸薪蔬菜燭炭心紅紙張等項均照陸營之例發給外委准食柁糧雙分仍每年支養廉銀十八兩惟陸營之例馬改爲水師之坐船其水師官兵應領之米照各省綠營陸兵定例每人日支八合亦由江甯鹽道武昌鹽道兩衙門於釐卡項

下購米按季支發以上子藥局船廠雜費廉俸兵米四條均彙入正餉案內題銷

第二十一條長江水師舊日營規甚嚴近來日就鬆懈今立爲經制水師應申明定規三條決不可犯者一曰不許登岸居住二曰不許吸食洋煙三日不許賭博如有登岸居住吸食洋煙者官則革職兵則革糧有犯賭者由

欽定剿平粵匪方略卷十五

三

毛

該管將領察覈情形稟明嚴辦

第二十二條現在髮逆肅清長江水師各分汛地專以驅逐游匪嚴防劫盜爲重儘有水盜划船劫搶巨案逾限不獲由長江提督專案奏劾不得以陸營尙未開案文員尙未開案稍涉推諉遲延以重江防而絕盜風

第二十三條長江水師旣設立營汛待部議覆

准後卽須補放實缺查軍興十餘載水師員弁所保官階提鎮居多副參遊亦不少所設營缺有限應以保舉較大之階借補較小之缺由臣等會同長江提督開單奏補其現在勇丁營制俟部議覆准後應卽陸續遣撤一俟勇營撤畢卽照新定兵丁餉章發給

第二十四條長江水師各有汎地不得私離且

聖朝聖略卷四十五

无

長龍三板均係官物非同私物可以借用凡各省文武出差人員雖有緊急公務非奉有長江提督及五省督撫專札派坐戰船者不得私借戰船乘坐以圖便易違者照不應馳驛妄行馳驛例議處各營哨官非奉有專札而以戰船私借客官及朋友乘坐者照私離汎地例議處

第二十五條修造戰船式樣長龍底長四丈一尺底中寬五尺四寸三板底長二丈九尺底中寬三尺二寸督陣三板略加長大長龍設大礮前後左右六位三板設大礮前後兩位左右設車轉小礮兩位小槍短刀長矛噴筒隨宜配用

第二十六條狼山鎮總兵改歸長江提督管轄

聖朝聖略卷四十五

三

該處江寬百餘里洪濤浩瀚海風不測長龍三板船身太小有風卽不能出港狼鎮所轄均係洋面近來甯鈞沙船帶有礮位槍械每以捕盜爲名趁風行劫擬每營造大三板二十號並造大船數號如紅單拖畧式樣多安礮位巡緝內洋以壯聲威又擬造輪船數號分布狼山崇明等處於江海防務更資得力

第二十七條礮船爲江中利器可以禦暴亦可
以爲暴如准商民私造礮船則強盜亦可造
礮船以行劫鹽梟亦可造礮船以護私假名
僞託萬難稽查此後旣立長江經制水師應
將民間私造礮船一概禁革雖文武官員亦
不准私設礮船以杜奸民影射難於稽查如
有私立礮船不立時稟報者惟該汛之水師

欽定剿平粵匪方略卷四十五

三十一

是問至巡緝私鹽本以礮船爲最便然亦祇
准於瓜州漢陽兩鎮標下奏派戰船若干號
巡緝某處其未經奏派之戰船概不准干預
鹽務尤不准包庇私鹽如有包庇者由兩江
總督湖廣總督嚴行叅辦

第二十八條提鎮暨副參遊駐紮之處均須設
立衙署軍裝局其經費卽取諸酌留釐卡一

俟部議覆准卽由臣等會同江楚總督長江
提督派員勘估次第建造事竣覈實報銷

第二十九條江南之京口狼山等營江西之湖
口營湖北之漢陽營湖南之岳州等營凡向
有水師之名而無礮船之實者今各該處均
立標營改從新章應悉歸長江水師提督節
制以昭畫一其向無水師名目者不必更改

欽定剿平粵匪方略卷四十五

三十二

第三十條水師以使船爲第一義善放礮次之
凡考礮糧須令一人駕一小划渡江一兩次
凡考礮糧須令連放五礮無走火遲鈍等弊
凡考應升應補之缺須令數船於無風之日
盪槳逆行三十里驗其遲速其哨官仍考試
技藝以定等差至校各鎮之優劣每年春季
長江提督會同兩湖總督調集岳州漢陽二

標在於武昌江面或武漢各湖簡閱一次秋季會同兩江總督調集湖口太平瓜州狼山四標在於黃天蕩等處簡閱一次閱畢會摺具奏優者酌量保獎劣者分別叅辦

長江水師營制二十四條

第一條岳州設立總兵設中軍中營遊擊用船

三十三號做參將營之例分防自陳陵磯起

至鹿角壘石澗陵潭湘陰一帶

第二條沅江設立參將屬岳州鎮左營分防君

山西湖及常德龍陽華容等河出湖之處但不進防內河其沅湘等水應由湖南另行設

防

第三條荊州設立副將屬岳州鎮後營分防自

荊州以下江面石首監利一帶至荆河口止

第四條陸溪口設立遊擊屬岳州鎮前營分防自荆河口以下江面螺山新隄及倒口以內之黃蓋湖

第五條彝洲設立參將屬漢陽鎮後營分防自

倒口以下江面至沌口止兼防金口以內之

斧頭湖

第六條漢陽設立總兵設中軍中營遊擊用船

三十三號做參將營之例分防自沌口以下

江面至團風止並防省城兩岸後湖青林等

湖其漢水上通樊城一千餘里及各支河汊

湖應由湖北另行設防

第七條巴河設立遊擊屬漢陽鎮右營分防自

團風以下江面黃州蘭溪至道士汊止並防

樊口以內之梁子湖

第八條田家鎮設立副將屬漢陽鎮前營分防

自道士汛以下江面津源口斬州武穴至陸

家嘴止並防津源口及隆坪以內之湖

第九條湖口設立總兵設中軍中營遊擊分防

自陸家嘴以下江面九江十八號至老洲頭

止

第十條吳城設立參將屬湖口鎮左營分防自

欽定剿平粵匪方略卷四十五

三

湖口以內姑塘南康清磯一帶

第十一條饒州設立參將屬湖口鎮後營分防

都昌鄱陽康山一帶其彭蠡湖東通廣信樂

平浮梁各河南通省城贛江均由江西另行

設防

第十二條華陽鎮設立遊擊屬湖口鎮右營分

防自老洲頭以下彭澤香口至東流止並防

吉水溝以內各湖

第十三條安慶府設立副將屬湖口鎮前營分

防自東流以下江面黃石磯李陽河一帶至

縱陽止並防北岸鹽河及縱陽以內之湖南

岸通殷家匯之河

第十四條大通設立參將屬提標後營分防自

縱陽以下江面池州土橋一帶至荻港止

欽定剿平粵匪方略卷四十五

三

第十五條蕪湖設立遊擊屬提標右營分防自

荻港以下江面至裕溪口止並防灣沚青弋

江等內河

第十六條裕溪口設立參將屬提標左營分防

江面東西梁山至金柱關止並防運漕巢縣

無為州各內河及巢湖百餘里

第十七條太平府設立提督衙署設中軍中營

副將分防金柱關以下江而至烏江止

第十八條金陵草嶼夾設立參將屬提標前營

分防自烏江以下江面至通江集止並防江

浦六合之內河

第十九條瓜州設立總兵設中軍中營遊擊分

防自通江集以下江面至焦山止並防內河

至揚州止自揚州以上高郵寶應諸湖應由

聖軍方略卷四十五

三

淮揚鎮總兵另行設防

第二十條孟河口設立遊擊屬瓜州鎮右營分

防南岸各夾江自焦山起至江陰口止其南

岸各內河應由松江提標另行設防

第二十一條三江營設立遊擊屬瓜州鎮左營

分防北岸各夾江自焦山起至靖江口止其

北岸各內河應由淮揚鎮標另行設防

第二十二條江陰設立副將屬瓜州鎮前營分

防自江陰口以下江面至鹿苑港止及常陰

壽星等沙其鹿苑港以下由福山鎮標接防

第二十三條狼山鎮總兵即舊日所設者應添

設兩營水師兼隸長江水師提督管轄查狼

山鎮原統中左右三營鹽捕揚州三江泰州

泰興掘港六營共九營今擬一切悉仍其舊

聖軍方略卷四十五

三

惟於通州設一遊擊名曰綏通營分防自靖

江八圍港以下江面至通州止其船用長龍

二號督陣三板一號二十人之大三板十號

十四人之三板十號仍酌添紅單拖罟等船

第二十四條海門廳設立副將名曰綏海營分

防由狼山至海門一帶北岸江口海汊其船

隻用長龍二號督陣三板二號大三板二十

號仍酌添火輪船並紅單拖罟等船至崇明

一帶南岸海汊則歸江南提督分防

以上新設岳州鎮標四營漢陽鎮標四營湖

口鎮標五營提標五營瓜州鎮標四營添設

狼山鎮標二營共二十四營內副將六營參

將七營遊擊十一營奏入

上諭內閣曰官文曾國藩等奏會議長江水師營制

欽定剿平粵匪方略卷五

三

事宜著軍機大臣會同該衙門妥議具奏

欽定剿平粵匪方略卷四百十六

附設立長江水師章程

五年六月十四日軍機大臣吏部戶部兵部工

部總理各國事務衙門會奏言臣等查江南等

省水師向祇內河外海至長江一帶向無水師

今濱江五省戰事大定官文曾國藩等設官分

兵添設營汛誠因時制宜之舉不惟與原設之

欽定剿平粵匪方略卷五

十

內河外海各水師相為聯絡實可永固江防補

綠營之所不及所有添設總兵四員撥出兼隸

總兵一員副參遊三項營官二十四員都守千

把總外委等哨官七百七十四員請照原擬數

目分別添設其原擬營制二十四條均極周密

應擬即照所請分別管轄其另行設防及接防

等處應令該督等分別知照辦理惟事屬創始

辦理稍有未善卽恐易滋流弊是在該督等籌畫周妥嚴定章程尤須加意訓練隨時整頓以期有利無弊庶不致蹈綠營積習至添兵一萬二千餘人自係爲長江遼遠往來巡緝彈壓而設應如所奏辦理惟此項兵丁是否新添抑或由各營抽撥並分隸何營汛兵丁若干名應令一併詳細分晰造冊報部查覈嗣後仍於年終

聖朝聖學聖書卷之六

二

聖朝聖學聖書卷之六

三

造入兵馬彙題冊內送部覈題其兵餉船價廉俸雜費修艦之資約計每月五萬有餘旣據該督等於條款內聲請在於江甯湖廣境內酌留釐卡數處分屬江甯武昌兩鹽道經收是此後酌留釐金一項卽爲水師經費專款應卽將所需銀兩按年在於江甯武昌兩鹽道庫分別支領年終分晰細數彙冊奏銷以歸覈實應用各

項船隻數目工料銀兩詳細造報覈銷並督飭承辦各員認真經理毋得草率偷減所有建設提督等官衙署軍裝局各工應令該督遴委妥員據實查勘一俟勘明基址估定銀數卽行專案報部查覈工竣隨時照例造具工料做法分晰清冊送部覈銷各項船隻應行配帶一切軍械數目及工料銀兩亦詳細造報覈銷並督飭承辦之員認真製造必須工料堅實以資利用而重江防所有總兵以下各員弁俟命下之日令該督等造具營制清冊咨部鑄造關防再行頒發至長江水師事宜臣等按照原擬條款分別覈議恭呈御覽其一切未盡各項事宜仍令該督等妥議具奏並分別題咨辦理

會議長江水師事宜三十條

第一條提督駐紮太平府查太平府爲水路適中之地較之蕪湖尤爲扼要應准其以長江提督駐紮太平府以資控制

第二條提督立行署於岳州查長江提督管轄遼遠若專駐太平府恐巡歷未周上江各處水師不無廢弛之弊應准其於岳州建立行

欽定剿平粵匪方略卷四一六

四

署分月輪駐以重江防仍將巡歷各處按季

造册送部

第三條提督單銜奏事查長江提督統轄遼闊責任甚重遇有緊要事件自應准其單銜具奏如遇有公事交涉之件卽會商該省督撫分別奏咨辦理如陸營有與水師交涉之處該省督撫亦會同長江提督分別奏咨辦理

至提督擬文武兼用係爲因時制宜起見應

如所請准其文武兼用仍歸兩江總督湖廣總督節制長江提督統轄江面遇有中外交涉事件應隨時會商上海通商大臣及沿江各督撫奏咨辦理

第四條長江共立六標查長江水師添設各標共立二十四營布置尙屬周妥應如所奏並

欽定剿平粵匪方略卷四一六

五

將狼山鎮總兵兼隸長江

第五條長江水面分界查長江地面遼遠必須與各省水師分清疆界方足以專責成而免推諉應准其各按汛地分界統轄各歸節制其應另行設防之處俟具奏到日再行覈辦第六條副參遊沿江建立衙署查副參遊各有專營自應設立衙署遇有失事案件卽行按

照汎地分別開彙以重職守

第七條都司以下不立衙署查水師官兵以船爲家不准登岸居住都司以下皆係哨官卽以哨船爲辦公之所不准建衙陸居如有違例住岸者應照所擬懲辦該管上司照失察私離汎守之例議處以肅營伍船隻內應配旗幟職位等項應令該督等查明各船應配何項職位旗幟軍械若干卽將名目件數造冊送部查覈

聖朝聖考卷四十六

六

第八條營制船數查長江水師新立二十四營營制大者兵弁六七百名最小者亦三百數十名人數旣多出入錢糧最爲緊要自應責令營員專司其事該督等請各營以都司二員管駕長龍戰船爲領哨左領哨專管本營

錢糧原以重糧餉而專責成應如所議辦理仍令該督等明定章程勾稽出入以杜侵扣浮冒等弊至右領哨專管本營戰船軍裝應令該督等責令營員隨時稽察備有應修應製卽行呈明修製以重防務

聖朝聖考卷四十六

七

第九條戰船人數查長江水師戰船內應用彙書書識該督等原奏內祇稱用彙書書識十四名並未將此項彙書書識各若干名分晰敘明應令依照綠營之例擬定額數造冊送部以免參差其設立督陣三板長龍戰船應令該督撫將大小修拆年限報部查覈第十條都司於本船之外另有打仗三板查領哨都司如遇出兵入小河港汎另給三板查領一號以期便捷應如所議辦理

第十一條設立書吏查長江水師各標並營哨等官設立稟書書識既據該督等擬定額數應如所奏辦理其餘一切事宜應做照兩江湖廣之例酌辦以歸畫一至該稟書等如五年役滿仍令照例考職送部以便給發執照

第十二條兵丁糧額查直省綠營兵丁月餉每名月支銀二兩至一兩不等其柁工水手月糧江廣水師章程每名月支一兩五錢至五錢不等係於兵丁之外另設柁工副工名目是以另冊報銷此次新設長江水師船工即以兵丁爲之自應一併議給口糧軍興以來銀價日賤糧價日貴各路勇糧逐漸加增現在江南雖已大定而兗豫等省軍務未平招集陸勇紛紛未已今將水勇改爲額兵若口

糧仍照陸營例支給則糧數驟減人皆去爲陸勇水師恐難足額應請如該督等所議優給口糧將柁工兵每名月給銀三兩六錢管艙兵頭工兵礮手兵每名月給銀三兩柴手兵每名月給銀二兩七錢並將各營稟書比照柁糧書識比照柴糧均分別兩江兩湖所轄之境按季在於江甯武昌兩鹽道庫支領給發年終覈實報銷至此次酌給口糧係因營制初立各省軍務未戢不得不暫從其優將來軍務大定應由長江提督會同江楚總督酌擬奏減著爲定額仍令比照陸營稍示優異使兵丁不致苦累庶可以勤操演而垂久遠

第十三條哨官額缺查長江水師副將參將遊

擊各標下添設都司守備千總把總外委各缺均屬妥協應俱照原擬辦理水師關繫緊要所設各缺應均作為題補之缺

第十四條另給坐船查陸營章程營汛官弁均立衙署即各有衙署費用例給馬匹草乾等項經費尤多此次設立長江水師提督以下所省馬匹之費甚鉅都司備弁以船為家並

聖朝聖考卷四十六

十



無衙署費用所有各官弁坐船自應酌量月支船價以抵陸營衙署馬匹之費仍分別兩江兩湖所轄之境在於江甯武昌兩鹽道庫釐金項下支領給發年終覈實報銷至所定船價數目查水師將弁各給坐船既按官階之大小以分船隻之多寡應如所奏分給以便按月支領價銀

第十五條出缺選補查長江提督既仍歸總督節制除千把總外委應由提督主政外守備

以上自應由提督主稿會同總督辦理以符體制至副參遊三項各省內河閒有推缺外海俱係題缺誠以水師人材難得非實在出色人員不足以期得力所有副參遊三項應均照外海之例作為題缺無庸分成補用其

聖朝聖考卷四十六

十一



長江水師缺出亦不得撥用別項水師人員以昭畫一至總兵缺出應由長江提督兩江兩湖總督平日各保堪勝人員照例送部引見俟奉旨記名後仍回原營恭候簡放軍營保舉人員不照此例

第十六條餉項出入報銷查長江既立經制水

師須定永遠章程凡俸廉糧餉船廠子藥一切費用難以另籌該督等所請在兩江兩湖境內酌留釐卡數處分歸各該鹽道徵收及由江楚兩總督每年各自具本題銷之處應如所奏辦理惟查釐卡分設各處其土產之豐歉商貨之暢滯時地各有不同即經收數目礙難懸定甚至徵多則徒供中飽徵少則貽誤餉需不可不豫杜其弊應如何酌盈劑虛俾垂久遠均宜由各該督撫籌定章程奏明辦理

第十七條三處設藥彈局查長江水師營操演礮位需用藥鉛應如所奏辦理至一切經費既據該督等奏請於兩江兩湖境內酌留釐卡數處歸江甯武昌兩鹽道經收分別開放

所有安徽湖北長沙三局造辦子藥之費自應准其由江甯武昌兩鹽道庫釐金項下撥給應用礮位所需子藥最多須常設子藥局以資操演該督等擬在安徽湖北長沙三處設局造辦應如所議辦理

第十八條三處設立船廠查此次新設長江水師戰船最關緊要修造戰船經費亦最爲鉅款該督等請三年修理一次十二年更換一次並請於漢陽吳城草嶽夾三處設立船廠排定子丑寅卯等年將各營各哨船隻輪流興工江境兩廠由兩江總督會同長江提督委員監修楚境一廠由湖廣總督會同長江提督委員監修是有一定年限且又挨次輪造既無積久廢壞之虞亦無機越不均之弊

章程最為妥洽自應准如所請辦理所需船廠經費即由江甯武昌兩鹽道庫釐金項下撥放其添換風篷桿索纜緯等物銀兩亦即在於船廠經費內支給以資應用至戰船每居三年修理十二年更換應令將某年應修應換某項船隻應需工料若干先期派員勘驗報部

欽定四庫全書

十六

第十九條兩篷旗幟等費查長江水師船隻所用旗幟隨時修換應如所奏辦理所需兩篷一項及鋪本腦索礮繩旗幟紅油白油等物既須時常修換其應領各費不能待三年之期亦不能赴船廠請領自應將各費覈計每年酌給總數以便零星支取該督等請分別長龍三板船隻覈給雜費銀兩交哨官採辦

修飾江境之船由江甯鹽道發給楚境之船由武昌鹽道發給應准如所請辦理其酌給兩篷等費數目長龍船每年給銀六十兩三板船每年給銀四十兩

欽定四庫全書

十七

第二十條廉俸兵米查定例提督養廉歲給銀二千兩此次新設長江水師提督係文武兼用且統轄江面數千里責任非輕養廉一項自應從重加給以示優異該督等請每年支養廉銀八千兩其餘俸薪蔬菜燭炭心紅紙張等項均照陸營提督之例支給應即准如所請自總兵以下直至千把凡養廉俸薪等項仍令照陸營之例辦理惟外委無俸薪可支所請食柁糧雙分仍給予養廉銀十八兩之處亦應照准至陸營兵米定例每名日給

八合水師官兵自應照陸營例支領應令江甯鹽道武昌鹽道兩衙門即在釐金項下動款購米按季撥放

第二十一條禁約三事查水師官兵如有登岸居住吸食洋煙及犯賭者均如所擬懲辦失察之該管上司照例分別覈議以肅營伍

第二十二條疏防處分應如所奏辦理

第二十三條已保官階大者借補小缺查大銜借補小缺例無專條今長江水師員弁所保官階提鎮副參遊各項均屬不少該員弁等均係打仗出力之員自應准其借補以示鼓勵惟保舉各項官職較大尙未補授實缺者准其量功借補較小之缺其已補有實缺者概不准其借補並將來此項人員用竣亦不

准再行借補以示限制江南軍務雖已大定而各營勇糧尙未按額支領現在既覈定章程所有各營勇丁自當陸續遣撤酌留水勇改爲經制水師即可照新定餉章發給應令該督等將遣撤勇丁數目及勇丁何時撤盡糧額何時起支一併專案奏報

第二十四條不准私借戰船查長江水師戰船不得私離汛地如有私借戰船本官及該營上司均照所擬分別叅處凡各省出差人員雖事務緊急非奉該省督撫專札派坐不得私借乘坐違者照例議處

第二十五條船式礮數查長江水師船隻所需槍礮刀矛等項應令酌定每船應需數目分晰造冊送部修造長龍等船丈尺務須因地

制宜堅固合式應設礮位軍械等項亦須製
造堅實以資利用

第二十六條海口添造大船查江面寬闊風濤
不測每營造大三板船二十號並造紅單拖
罟式樣大船數號輪船數號以資巡緝應如
所議辦理

第二十七條不准私設礮船亦不許水師干預

欽定大清會典事例

卷六

鹽務查礮船爲長江利器以之巡緝私鹽固
最便利以之包庇私鹽實難稽察若不嚴定
章程將來弊竇叢生釐政因此而壞卽營制
因此而弛所關實非淺鮮應令該提督會同
江楚總督公同遴選師船奏派若干隻另立
旗幟字號准其巡緝私鹽仍令兩淮鹽運使
及湖北鹽道會同各該營官嚴密訪查其未

經奏派之船概不准干預鹽務如有藉端包
庇私鹽者官則嚴行叅辦兵則比照尋常私
梟加等治罪其如何明定官兵處分罪名之
處仍令該督等悉心酌擬奏明立案

第二十八條建衙經費查此次新設長江水師
規模特創提督及副參遊駐紮之處所有衙
署軍裝局均應擇地營造需費甚多自應如
該督等所請卽由酌留釐卡內動款應用毋
庸另籌經費

欽定大清會典事例

卷六

第二十九條沿江舊日水師改隸長江提督查
京口狼山湖口漢陽岳州等營旣各立標營
改從新章自應悉歸長江提督節制其無水
師名目者仍照舊章辦理

第三十條考糧考缺操演章程查該督等所請

凡考應升應補之缺既盪船驗其遲速復考
試以定等差係爲慎重水師起見應如所奏
辦理仍令隨時認真考覈以收實效如考驗
技藝優者存記獎拔劣者卽行叅辦以重考
覈奏入

上從之

七年三月十二日大學士兩江總督曾國藩署

欽定剿平粵匪方略卷六

三

湖廣總督湖北巡撫郭柏蔭兵部右侍郎彭玉
麟奏言查各路水師以臣玉麟所部內江水師
及前陝甘督臣湯岳斌所部外江水師閱時最
久人數最多楊岳斌赴陝甘之任將水軍調改
陸路者居其大半留江人員爲數已減此外又
有黃翼升所部淮揚水師李朝斌所部太湖水
師而江西湖南湖北三省水師中亦各有資格

較深功績較著之員臣等公同商酌以各軍立
營之先後分此次得缺之多寡遵照奏定章程
以大銜借補小缺各加遴選開單咨送臣國藩
臣玉麟復加稽覈其岳州漢陽湖口瓜州四鎮
總兵擇其勞績最著足膺閫寄者擬定四員請
旨簡放合無仰懇

天恩俯准將彭昌福借補岳州鎮總兵許朝琳補授

欽定剿平粵匪方略卷六

三

漢陽鎮總兵丁義方補授湖口鎮總兵吳家榜
借補瓜州鎮總兵以資統率至副將以下各缺
並請將提督周國興等暫行分別借補查定例
武職自守備以上選補各缺均須引

見補授此次設立長江水師百事創始分防汛地嚴
定營規雖以久募之勇改爲經制之兵似若易
於就緒而裁撤各軍以此營而歸併彼營配補

各缺以江境而互調楚境實覺頭緒繁多非數月半年所能定局相應奏明請

旨暫緩引

見飭部先行頒給札付以昭信守仍俟立營停妥各歸本汛後由部中分年分起調取引

見乃可從容料理原奏所議事宜三十條經部臣覈覆允行立法已屬周密惟創立水師造端宏大

欽定四庫全書

三

不厭詳求茲將未盡事宜續議十條另開清單
恭求

訓誨溯查咸豐三年衡州試辦水師之始初非有舊例之可循亦非能一辦而即妥大抵屢試屢變漸推漸廣前月所立之法後月覺其不備而又增之今歲所行之事明歲覺其不備而又改之即如因船中無主而始設哨官因棲止不便而

加雨篷因巨艇不甚靈活而全用三板因弁勇不可陸居而另給坐船若此之類皆履之而後知試之而後改遠規模既定遂習慣如常新舊所擬事宜四十條皆就習慣者而著為令典在日下已不敢謂立法之善將來時移事異更恐有窒礙難行之處且法待人而後舉苟非其人則雖前賢良法猶或易啟弊端況臣等才智短淺創議新章深慮弊實之叢生致煩後人之議議夙夜兢兢不勝祗懼所願數十年後濱江之督撫提鎮隨時損益以補今日之闕疏遇事講求以冀將材之輩出庶幾有舉不廢歷久常新則臣等所禱祝以求者也相應請

旨飭下各衙門妥議施行

長江水師未盡事宜十條

第一條請鑲關防於官銜上均冠長江水師字樣如四鎮總兵岳州鎮曰長江水師岳州鎮總兵官關防漢陽鎮曰長江水師漢陽鎮總兵官關防湖口鎮曰長江水師湖口鎮總兵官關防瓜州鎮曰長江水師瓜州鎮總兵官關防狼山鎮仍循其舊各營均用本汛地之名如荊州則曰荊州營陸溪口則曰陸溪營

欽定剿平粵匪方略卷四十六

三

皆就府縣口岸之名以為營名其草窠夾地名太俗改名曰金陵營惟提標中營不刻汛地之名至原奏所擬之綬通營綬海營茲亦改名曰通州營海門營使人易曉其千把外委等官即由外刊刻鈐記以昭信守

第二條會議第十六條內稱酌留沿江釐卡供給水師製造軍火器械船廠以各處商貨暢

滯時地不同經收數目難以懸定多則中飽少則貽誤餉需不可不豫杜其弊應如何酌盈劑虛俾垂久遠妥籌章程奏明辦理等因查長江水師兼轄五省所需餉項合之則見多分之則見少應於五省各留釐卡一處湖南即留岳州一卡湖北即留漢口一卡江西即留湖口一卡安徽即留大通一卡江蘇即留瓜州一卡岳州漢口兩卡所收之釐每年每卡各提十餘萬兩解交湖北鹽道衙門供支水師之用其餘入款仍歸兩湖藩司收用湖口大通瓜州三卡所收之釐每年每卡各提十餘萬兩解交江甯鹽道衙門供支水師之用其餘入款仍歸三江藩司收用歸水師用者由江楚總督報銷歸藩司用者由該省

欽定剿平粵匪方略卷四十六

三

巡撫報銷俟水勇裁撤完畢經制水師立定之後此五處卡釐即由江鄂兩鹽道會同該省藩司委員經收自此五卡之外各省釐卡俟軍務大定本應全行裁撤儘有願留一二卡添補永遠經費者由各督撫體察專案奏辦

第三條會議第二十三條內稱江南軍務大定

聖朝聖學略卷百十六

三

所有各營勇丁自當陸續遣撤酌留水勇改爲經制水師應令將遣撤勇丁數目何時撤盡糧額何時起支一併奏報等因查長江水勇向分內江外江兩軍除留補缺額外所有內江一軍水勇已由臣彭玉麟陸續遣撤其數目業經咨報兵部其外江水勇此次奏定補缺一案即將勇目次第裁撤俟撤盡再行

咨報此外尙有淮揚水勇一軍太湖水勇一軍原議第五條內另設淮揚經制水師太湖經制水師現已將大概規模議定臣國藩擬於一兩月內會奏定案俟經制水兵之案奏定後即將淮揚水勇太湖水勇遣撤陸續具報

第四條會議第二十七條內稱礮船爲長江利

聖朝聖學略卷百十六

三

器以之巡緝私鹽固最便利而包庇私鹽實難稽察若不嚴定章程將來弊竇叢生礙政因此而壞營制即因此而弛關繫實大應令提督會同江楚總督公同遴選師船奏派若干隻另立旗幟字號仍令兩淮鹽運使及湖北鹽道會同各營嚴密查訪其未經奏派之哨船不准干預鹽務如有包庇私鹽官則系

辦兵則比照尋常私梟加等治罪其如何明
定官兵處分罪名應令悉心酌擬奏明立案
等因查前奏由漢陽瓜州兩鎮標派船巡緝
私鹽茲定瓜州鎮派巡鹽船三號一年一換
歸運使暨瓜棧委員稽查其餉卽由瓜棧支
發漢陽鎮派巡鹽船三號一年一換歸湖北
鹽道暨督銷局稽查其餉卽由督銷局支發
所巡不過上下四十里不准太遠以防流弊
此外戰船一概不准干預鹽務至弁兵包庇
私鹽或失察或知情或受賄或通同與販各
有本例將來應按照情節問擬毋庸另立處
分罪名轉啟遷避之漸
第五條會議第七條內稱戰船應配旗幟徽位
等項應令查明各船應配何項徽位旗幟器

欽定剿平粵匪方略卷四十六

三十六

械若干卽將名目件數造冊送部查覈等因
查長龍戰船頭徽二位係洋莊各重八百斤
一千斤不等邊徽四位洋莊各重七百斤梢
徽一位洋莊重七百斤三板戰船頭徽一位
洋莊重七百斤八百斤不等梢徽一位洋莊
重六百斤七百斤不等兩邊轉珠小徽二位
重四五十斤不等此外洋槍烏槍刀矛之類
隨宜分配至戰船旗幟悉以桅旗並梢旗爲
主凡桅上用方旗長龍船桅旗長一丈二尺
寬七尺三板戰船桅旗長九尺寬六尺上半
節俱用紅色下半節俱用白色或畫北斗或
畫太極圖或畫如意之類提鎮各標或畫一
摺以示區別船梢用尖角旗長龍梢旗長一
丈一尺寬九尺三板梢旗長九尺寬七尺均

欽定剿平粵匪方略卷四十六

三十一

寫明某標某營某哨字號此外各標各營哨
或桅上添一小旗或船頭設一立旗或寫姓
號為記顏色制度各聽其便

第六條岳州漢陽湖口瓜州四鎮中軍遊擊營
制惟岳州漢陽兩鎮用船三十三號其湖口
瓜州兩鎮中軍僅用船二十三號該兩營地
當衝要不敷分布瓜州又有應派巡鹽之船

聖朝聖考聖訓

三

尤嫌其少查原奏第七條長江提督例給坐
船外各給督陣三板二號以守備為哨官本
應設立守備十二缺茲將此十二缺裁去撥
六缺歸湖口中軍營撥六缺歸瓜州中軍營
改為守備各一缺千總各二缺把總各三缺
共成十二缺之數與原奏七百七十四哨總
數相符而四鎮中軍船數亦不致多寡懸殊

所有提鎮督陣三板之兵丁由中軍派員管
轄

第七條原奏第二十九條內稱京口狼山湖口
漢陽岳州等營凡向有水師之名而無礙船
之實者今該處均立標營應改從新章悉歸
長江水師提督節制以昭畫一其向無水師
名目者不必更改等語查原議之意濱江舊

聖朝聖考聖訓

三

設之水師仍不裁革不過改歸長江提督節
制而已近來細加講求舊營斷不能與新營
相合舊制雖名水師而無船無礙官員各有
衙署新章則水師專以船礮為主自都可以
下卽無衙署以船隻為辦公之所舊制水兵
口糧不過月支一兩至二兩為止新章則水
兵口糧月支二兩七錢而官員之俸薪養廉

船價亦與舊制迥別舊營水兵不習使船放
礮等事新章則專重使船放礮若將舊營與
新營並存則規制懸殊必生缺望若令舊官
補新營之缺則舟居不慣必難得力再四籌
思迄無善策惟有將濱江舊日水師酌量裁
去如湖北原設之荊州參將營漢陽副將營
湖南原設之洞庭水師營岳州水師營江西
原設之鄱湖湖南湖九江水師營均應裁去所
裁之缺副將參將遊擊都司等均請兵部另
行調補陸營實缺守備千把外委等均由該
省督撫另行調補陸營實缺其未經調補以
前仍在原省支食本缺廉俸其兵丁則竟行
裁去無庸另募湖北荊州水師營應裁守備
一缺千總一缺把總二缺外委一缺額外外

欽定剿平粵匪方略

卷四一六

委一缺湖北漢陽水師營應裁千總一缺把
總一缺湖南洞庭水師營應裁遊擊一缺守
備一缺千總二缺把總四缺外委四缺額外
外委三缺湖南岳州水師營應裁守備一缺
千總一缺把總二缺外委一缺額外外委二
缺江西鄱湖水師營應裁都司一缺把總一
缺外委一缺額外外委一缺江西南湖水師
營應裁都司一缺千總一缺把總二缺外委
三缺額外外委一缺江西九江水師營應裁
守備一缺把總一缺外委一缺額外外委一
缺以上七營遊擊一缺都司二缺請
旨飭下兵部另行選補陸營之缺守備四缺千總六
缺把總十三缺外委十一缺額外外委九缺
共四十三缺由該省督撫遇有相當缺出另

欽定剿平粵匪方略

卷四一六

行改補陸營至長江水師西至荊州爲止其
自荊州以上派江至宜昌巴東原奏事宜第
五條聲明另由湖北設防所有宜昌鎮標水
師三營應仍其舊但歸湖北督撫提督統轄
不歸長江提督節制又如江南舊有京口水
師副將三營及狼山以東各水師舊營現擬
將江蘇水師認真整理或裁或改由臣國藩

另案奏辦

第八條長江水師雖以提督爲主而在五省境
內應各歸五省督撫節制調遣副參遊以下
歸本境巡撫節制總兵歸總督節制即以湖
南而論去太平府提督衙門甚遠若該省有
土匪竊發須用戰船勦辦者卽由湖南巡撫
檄調境內水師往勦岳州鎮總兵接到咨檄

立卽發兵不可等候長江提督回文致誤軍
機湖北江西蘇皖四省巡撫皆然至總督調
度轄境水營尤屬通行之舊例平日無事之
際督撫偶調水營操演一接檄文立卽前往
應操不可藉口等候長江提督回文致誤操
期蓋立法雖密設或長江提督不得其人則
法皆不行口糧旣恐虛糜船廠亦恐廢壞若

督撫中有一省認真者則一省之水軍不致
廢弛有兩省勤操者則兩省不致廢弛自調
兵調操而外凡水營政務各督撫仍商之長
江提督聽候主持

第九條原奏第二十二條內稱遇有劫盜案件
卽由長江提督專案叅辦而未將處分詳細
聲明查武職疏防槍劫案件向例查明離汛

里數分別參處有五里以內五里以外之分
又有專汛協防兼轄統轄之別今長江水師
分布江面自都司守備以下卽以坐船爲衝
署本應隨時上下巡梭不能指定汛地五里
之起訖確在何處擬以哨官爲專汛之官營
官爲本轄之官遇有搶劫案件專汛哨官係
何職名應由該營官指出初參仍照定例四

欽定剿平粵匪方略

卷四一六

月限滿題參疏防專汛官住俸本轄官罰俸
六箇月二三四等參向例一年限期者酌量
加重改爲各予限八箇月二參限滿專汛官
降一級留任本轄官罰俸一年三參限滿專
汛官加重降二級留任四參限滿專汛官加
重降二級調用不准抵銷如汛守內有一夜
連劫數次情事仍照舊例俟三箇月限滿犯

無弋獲卽將專汛官降二級調用本轄官降
二級留任無庸立協防外委名目亦毋庸議
統轄官之處分儘能於限內獲犯過半兼獲
盜首均准免其參處遵照原奏由提督查明
隨時專案參辦如提督遲不開參卽由督撫
參奏以示江面劫案較陸路尤爲慎重又有
應酌議者水師處分旣已加重則江中漁船

欽定剿平粵匪方略

卷四一六

應概歸水師稽查管轄向來江中水盜均以
漁船爲窩藏出沒之所嗣後魚稅仍歸州縣
經收漁船則歸水師編查以清盜源而一事
權

第十條水師所重者以船爲家不准登岸居住
若永遠駐紮一處則經年累月戰船全不移
動必至廢弛朽壞相率私造屋宇棄舟楫而

住室廬不可不防其漸茲定江楚各營每逢
半年更調一次副將與副將之營互調參將
與參將之營互調遊擊與遊擊之營互調每
營調居客汛二次駐紮一年又准調回本汛
一次駐紮半年其互調之或遠或近聽提督
隨時斟酌總不令其廢弛安逸依戀陸居而
已惟哨官之有疏防處分者不准調動以杜

規避

會國藩又奏言武職各官大銜借補小缺業奉
諭旨允准嗣准部咨以同一軍營出力官職大者補
缺之途太廣官職小者補缺反致無期不足以
服軍心而作士氣仍應照章議駁等因查此次
奏補長江水師各缺甚至以提鎮之銜而借補
千把之缺未免駭人聽聞然勇丁出身入營之

資格極久列保之次數較多而家中貧寒如故
情願補一小缺以爲衣食之資此亦人之常情
臣等又取其入伍多年可收駕輕就熟之效伏
乞

皇上飭下該部議准以從衆願仍遵照兵部原議將
來此項人員用竣不准再行借補以示限制至
陸營人員臣近來奏咨大銜借補小缺者均經

兵部議駁在兵部之意一則恐銜缺懸殊名實
不符或有礙於體制一則恐千把微員永無升
階或屈抑乎人才惟查軍興十餘年凡陸營弁
兵略有才力膽識無不奮跡行閒但有僥倖優
保者斷無屈抑未保者是人才本無沈淪之患
若慮未弁永無升階則請暫於此二十年內准
以大銜借補小缺截至同治二十七年爲止以

後仍照舊例按班序補至崇階而退居小缺在
補缺者已覺得不償失在獎功者尙恐賞不酬
勞上下雖不滿意究無損於政體若崇階而永
無補期則功績最淺者轉得各占實缺勞苦最
久者反致長抱虛榮是缺望更深所損更大矣
統計各省軍營保至武職三品以上者不下數
萬人將來軍事大定各路撤兵此項有階無缺

欽定剿平粵匪方略卷十六

四

之員難保不滋生事端同治三年沈葆楨請安
置此項人員自提鎮至都守均照實缺之例給
予俸銀米石糜費太鉅未及施行若大衙借補
小缺則毫無糜費雖不能安置多員而要可略
安望缺者之心相應奏明請

旨將陸營將備借補小缺一案一併飭部覈議如蒙
議准臣等仍隨時察看或每年將借補者酌補

六七成序補者酌補三四成總期衆志交孚不
慮偏廢奏入得

旨軍機大臣會同該衙門速議具奏

欽定剿平粵匪方略卷十六

四

欽定勦平粵匪方略卷四百十七

附設立長江水師章程

七年五月初三日軍機大臣戶部禮部兵部刑部工部會奏言查長江水師均係新設之缺所有該督等擬補員弁亦係照奏定章程以大銜借補小缺事屬創始原不必拘以定例惟查各省總兵缺出無論水師陸路向由軍機處開單

欽定勦平粵匪方略卷四百十七

一

請

旨簡放惟廣西右江鎮雲南普洱鎮總兵缺出例由該督撫等保舉堪勝總兵人員擬定正陪恭候簡放今岳州漢陽湖口瓜州四鎮總兵缺該督等徑將候補提督彭昌禧等擬定四員請旨簡放總兵係專闈大員例應

特簡若由該督等指定一員一缺似不足以崇體制

而昭慎重所有岳州漢陽湖口瓜州四鎮總兵應否查照向章由軍機處開單請

旨簡放抑或照廣西右江鎮雲南普洱鎮之例飭令另擬正陪請

旨簡放之處恭候

欽定至副參以下各官凡軍營及軍務省分向章雖准借補亦從無以提鎮之銜借補千把之缺者

欽定勦平粵匪方略卷四百十七

二

今該督等奏補副參以下七百九十餘缺請以記名提督周國興等借補銜缺未免懸殊臣等詳加酌覈除將借補章程另行片奏外所有此次長江水師副參以下新設各缺擬請

旨准以周國興等暫行借補無庸覈計叅罰其借補守備以上各員履歷到部者即行給予署札履歷未到部者由兵部開單知照該督等即按名

咨送履歷再給署札統俟立營停妥各歸本汛
後由該督等分年分起給咨送部仍遵外海之
例按照二五八冬各月考驗槍礮帶領引
見換給實授札付至嗣後借補千把以下各官仍照
例咨部覈辦毋庸開單具奏以符舊制請裁各
缺由兵部照例辦理其續陳未盡事宜十條謹
逐條詳覈恭呈

欽定剿平粵匪方略卷四十七

御覽

會議長江水師事宜十條

第一條頒發關防條記查長江水師界連五省
請頒各鎮關防上既統冠以長江水師仍兼
歸各省督撫節制擬請於長江水師之下仍
繫以省分如岳州鎮則曰長江水師湖南岳
州鎮總兵官關防漢陽鎮則曰長江水師湖

北漢陽鎮總兵官關防湖口鎮則曰長江水
師江西湖口鎮總兵官關防瓜州鎮則曰長
江水師江南瓜州鎮總兵官關防狼山鎮
營分隸則仍其舊至所擬汛地更改營名之
處均屬周妥應如所請准其更改除千把外
委等官即由外刊刻鈐記外其總兵關防四
顆副將關防六顆參將關防七顆遊擊關防
十一顆都司關防四十八顆守備條記四十
七顆應照例撰擬字樣鑄造頒發

欽定剿平粵匪方略卷四十七

四

第二條酌留釐卡充餉查收釐充餉木一時權
宜之計惟各省經久之費出入均有定額今
添此經制水師一切經費礙難別籌該督等
請於湖南湖北江西安徽江蘇等五省各留
釐卡一處每年每卡提銀十餘萬兩以供水

師之用岳州漢口兩卡提款解交湖北鹽道
衙門收支湖口大通瓜州三卡提款解交江
甯鹽道衙門收支其餘入款仍歸各本省藩
司收支等語係爲籌備餉需起見應如所奏
辦理至水師旣爲經制之兵卡釐卽爲經久
之費原奏內僅稱每卡提銀十餘萬兩並未
擬定畫一數目難免參差不齊之弊應令該

聖學聖略卷四十七

五

督等將五省釐卡每年每卡額提水師經費
若干兩擬定確數奏明立案

第三條裁撤水勇日期查長江內外兩軍水勇
除內江水勇業已遣撤其外江水勇亦卽次
第遣撤應如所奏辦理仍俟裁竣後卽行咨
報以備查覈另設淮揚太湖經制水師應俟
該督等會奏到日再行覈辦

第四條派船巡查私鹽查礮船最易包庇私鹽
該督等擬定漢陽瓜州兩鎮各派巡鹽師船
三號一年一換歸兩淮運使湖北鹽道及各
局員等稽查所巡地面不得過四十里此外
戰船一概不准干預鹽務所擬尙屬詳明惟
原奏內稱所巡上下不得過四十里不准太
遠以防流弊並未立定巡鹽地方界限竊恐

聖學聖略卷四十七

六

江面遼闊里數難以分明仍屬無憑稽查應
令將各該鎮巡緝地方界限酌定報明立案
所稱巡鹽之船各就各處領餉一節應照所
擬辦理陸路官弁故縱私梟及失察私鹽等
案各有本例嗣後長江水師如有故縱私梟
及失察私鹽等案應照陸路各例分別覈議
哨官照專管官例議處營官照兼轄官例議

處其應議罪者由刑部覈議該督等奏稱將來遇有此等案件應按照所犯情節問擬毋庸另議罪名轉啟遷避之漸應如所奏辦理

第五條酌定礮械旗幟應如所奏辦理

第六條更換缺額官階查該督等所擬改撥各缺係因地當衝要不敷分布起見且雖以守備額缺間有改爲千把而仍與原奏總數相

欽定剿平粵匪方略卷十七

七

符應俱照原擬辦理其提鎮督陣三板之兵丁既不設立哨官自應派員專管俾資彈壓應令揀選差操勤慎材技俱優之員管轄以昭慎重

第七條議裁舊日額缺查定例參將遊擊都司守備各員有因裁缺赴部候補者人文到部後無論雙單月遇有部推缺出不入班次即

補又奏定章程內開裁缺改補人員未經奏留例應歸部銓選除業經奏明留省補用者

准歸本省補用外其餘各員既無標營可歸應令赴部候選各等語此次所裁湖南洞庭營遊擊一員江西鄱湖營南湖營都司各一員應令該督等給資赴部候選湖北荊州營湖南洞庭營岳州營江西九江營守備各一

欽定剿平粵匪方略卷十七

八

員按照定例亦應赴部候選惟該督彙同千把請由該省督撫另行調補其中有無舛錯並是否專將守備四缺徑留該省另補亦未詳細聲明應令該督等查明咨覆再行覈辦其湖北荊州營漢陽營湖南洞庭營岳州營江西鄱湖營南湖營九江營千總共六員把總共十三員外委共十一員額外外委共九

員並無選班應由各該省督撫遇有陸路缺出卽行改補至所稱湖北原設之荊州參將營漢陽副將營均各裁去而所開應裁各缺內湖北荊州僅有水師營守備一缺千總一缺把總二缺外委一缺額外外委一缺漢陽僅有水師營千總把總各一缺並未將湖北荊州營之參將漢陽營之副將敘入查湖北

欽定四庫全書

九

欽定四庫全書

十

裁之後未補以前自應查照水陸改調及留標另補之例仍給予本缺俸薪以示體恤養廉一款已裁之員究與現任實缺不同應請毋庸支給查湖南洞庭營遊擊守備岳州營守備江西鄱湖營都司南湖營都司九江營守備湖北荊州水師營守備既經裁去所有原頒關防條記應由各該督撫送部銷毀漢江舊日水兵既據該督等奏稱不習使船放礮等事請盡行裁去自係實在情形應如所奏辦理

第八條各省督撫節制查長江水師提督統轄五省上自湖廣荊州岳州下至江南崇明水路延袤五千餘里地方過遠稽察難周原議所以有兼歸各省督撫節制並提督按年輪

任分巡條目惟是經畫伊始固宜隆重事權而日久相沿尤恐潛滋流弊調兵調糧兩事關繫軍政軍機各鎮自應徑遵該省督撫調度此外如將弁內有玩抗各情及關繫地方重大事體各督撫聞見較近仍應一面咨行水師提督一面徑行咨辦以免貽誤推諉其水營尋常照例政務各督撫仍商之長江提督聽候主持總須遇事和衷經久不懈庶江防可期永固矣

第九條覈定疏防處分查江面搶劫案件較陸路尤重該督等請將處分酌量加重係為慎重江防嚴做廢弛起見應如該督等所請並參酌陸路失事與海洋失事各例從重定擬應請遇有江面搶劫之案四箇月限滿題奏

疏防都守以下五項哨官俱照海洋失事專汛兼轄分巡各官例任俸副參遊三項營官俱照海洋統轄總巡統巡各官例罰俸一年

二三四參均如該督等所擬各予限八箇月

二案限滿不獲哨官降一級留任再限八箇月緝拏營官照海洋例降一級留任賊犯照案緝拏三案限滿不獲哨官加重降二級留任再限八箇月緝拏四案限滿不獲哨官加重降二級調用不准抵銷賊犯令接任官照案緝拏如有一夜連劫及會勘遲延隱諱不報協捕不力諱劫為竊等案亦照巡洋例辦理其江面獲盜之案亦照海洋例議敘至營官哨官遇有降革等項事故離任應照例揀派效力候補員弁署理惟不得越級護理亦

不得以兵丁額外外委署理千把經制外委
如有誤行委派者卽照陸路越級委署例議
處再長江水師旣分布江面都守以下隨時
上下梭巡仍應由該督等豫爲擬定某處江
面爲某汛地方遇有失事卽可確指爲某營
某汛不至臨時推諉長江漁船雖歸水師編
查其稅課仍令所屬各州縣徵收完納水師
官兵不得藉端需索包庇如有窩藏盜賊情
事應照陸路營兵窩盜例變通定擬如水兵
通同漁船窩隱盜賊及蒙盜受贓漏信脫逃
者營官哨官明知徇縱不行查究均照該管
官例革職治罪如營哨各官並不知情祇失
於覺察者哨官俱照專管官例革職營官俱
照不同城兼轄官例降一級調用如漁船窩

欽定四庫全書

七

欽定四庫全書

七

隱盜賊水兵並不知情僅止失於查拏者照
盜賊潛匿地方該管官失於稽查例哨官降
二級調用營官降一級留任
第十條各營輪流更調查江楚副參遊各營官
互調駐紮客汛原防其藉有衙署名目依戀
陸居廢弛營務原奏水師官兵以船爲家不
准登岸如違例在岸上者官革職兵革糧立
法恭嚴前議副參遊各有專營准其於就近
港汊內可收泊戰艦處所立汛建署亦不過
爲營汛辦公起見營官旣各給有坐船二號
計已足供居住所立之署應請作爲營中辦
事公所仍不准在彼常川居住致都守以下
哨官相率效尤禁止陸居卽所以豫防其漸
其互調客汛時仍按時咨報以備稽覈惟查

承督緝官員限內案犯未獲例不准升調離任今長江水師營官哨官各有承督緝之責如遇有勒限承督緝盜案未獲均不准升調離任營官卽不准其更調應俟獲盜後或展參限滿開報後再行更調如該提督總兵將已經失事勒限緝拏之營官哨官錯擬保送升遷更調者除將本員撤回本任仍行限緝

欽定剿平粵匪方略卷十七

十一

外應將該提督總兵照陸路違例保送之該管上司降一級留任例議處如哨官有因另案降革等項事故離任者其接緝盜犯限期及議處議敘均照陸路接緝盜犯議處議敘例辦理

軍機大臣戶部禮部兵部刑部工部又會奏言查此次設立長江水師各缺事屬創始制費因

時前經奏明准其以大銜借補小缺至所請綠營各缺暫於二十年內亦准以大銜借補小缺並稱議准後或每年借補六七成序補三四成等語該督久任督師深慮軍營保舉人數太多額缺不敷擬補且官職愈大補缺愈難不得已而爲此通融調劑之方所奏不爲無見惟是敕弊不宜偏重立法不厭詳求查自軍興以來凡

欽定剿平粵匪方略卷十七

十一

有軍務省分武職各員保至三品以上者固不下數萬人而三品以下之員更不可勝計若各省綠營額缺均准以大銜借補至十分之六七則是同一軍營立功人員銜大者可無失職之虞銜小者不免向隅之憾畸輕畸重似亦未得其平原奏謂將來軍事大定各路撤兵此項有銜無缺之員難保不滋生事端固屬防患未萌

若大銜借補小缺遲至二十年之久必致各營千把微員永無升補之期亦恐不無流弊且武職各官品秩稍殊卽有統轄之責設小缺多以大銜借補則將領之銜與備弁無殊甚至受轄之備弁其本銜反大於所統之將領不惟有礙於體制更恐滋弊於戎行似亦非經久之制臣等詳加酌覈各省保舉軍功人員多寡不同未

聖朝聖學卷十七

七

便拘以一格擬請嗣後曾經軍務省分綠營各缺由各該督撫酌量除照例序補並無窒礙者毋庸借補外其有必須借補者暫准其專摺奏請通融借補提鎮准借至副參副參准借至遊擊以次遞借不得借至三級之下其已經借補實缺之員卽以本銜在任候補不得照借缺品級再行升借他缺至武職缺出已經借補一缺

者每項不准接續借補兩員如係一摺數員借補仍不得過半並於年終彙總開單奏明借補各缺成數以備稽覈無論何缺統計至多不准過五成如逾此數臣部查明行文該督撫仍於次年將序補人員照數補還至長江水師各缺現因營制初定暫照所請擬補嗣後亦應按照新定章程以三級爲限准其借補不得漫無限

聖朝聖學卷十七

十六

制所有陸路水師統俟十年後再由各督撫體察情形應否仍復舊例奏明酌覈辦理奏入上諭內閣曰長江水師事屬創始曾國藩等請補各缺自爲因地擇人起見所有岳州鎮總兵員缺著准其以彭昌禧借補漢陽鎮總兵員缺著准其以許朝琳補授湖口鎮總兵員缺著准其以丁義方補授瓜州鎮總兵員缺著准其以吳家榜借補嗣

後遇有該四鎮缺出卽由該省督撫保舉堪勝總兵人員擬定正陪請旨簡放其請補副將以下新設各缺著照所議准以周國興等暫行借補至未盡事宜十條及大銜借補小缺章程均著照所議辦理長江水師所轄江面延袤五千餘里職任所關甚重該督撫等務當會同該水師提督隨時實力整頓期於經久無弊毋任漸形懈弛以重營務

欽定剿平粵匪方略卷四十七

九

而固江防

欽定剿平粵匪方略卷四十八

附設立長江水師章程

七年十一月十七日大學士兩江總督調任直隸總督曾國藩奏言查中樞政考所載江南水師向分外海內河兩支外海兵六千七百六名官一百一十八員內河兵八千二十一名官一百三十三員其船數則無可稽考道光二十四

欽定剿平粵匪方略卷四十八

十

年前督臣璧昌奏稱江南舊例營船二百七十五隻業已破廢另造三板船一百三十五號大船十二號等語約而計之其船不過裝載二千數百人額定之兵尙有萬餘人無船可載有水師之名無舟楫之實不能不大爲變通講求實際竊謂水師之多少宜以船隻多少爲斷無船則兵無用武之地官爲虛設之員欲定各兵

之額數必先籌口糧之入款兼籌修船之經費
卽如外海船隻須用廣艇紅單拖習之類每造
一號動費數千金夾底者或萬餘金加以大小
修整繩索槓具子藥礮械所費更爲不貲推之
火輪兵船用款尤鉅三板小艇需費亦繁竭江
蘇之物力不過辦船百餘號裝兵三千餘人而
止其不能不大裁舊制之兵酌減舊設之官者

聖朝聖學卷四十八

二

勢也至於養兵之餉舊制水師亦照陸營之例
有馬糧守糧等名平日或貿易營生或手藝餉
口尙不足以自存今旣責令常住船上不待不
稍從優厚故長江章程兵糧月支二兩七錢或
三兩不等較戰糧已加一倍較守糧幾加二倍
今江蘇水師亦宜做照長江之例外海則尙須
略增庶一兵可收一兵之用其不能不酌增口

分者亦勢也惟旣增出款卽須籌入款長江之
餉五省各留釐卡一處係出於常賦之外臣尙
以太多爲慮江蘇水師則經費出自司庫斷不
能於正額之外添出無著之餉尤不可狂抽釐
之說留一永遠之卡溯查乾隆四十七年增兵
六萬有奇其時大學士阿桂上疏陳論以爲
國家經費有常驟加不覺其多歲支則難爲繼臣

聖朝聖學卷四十八

三

於咸豐元年在侍郎任內奏請裁兵卽引伸其
言歎爲遠慮今日整理水師豈肯盡背前言江
蘇水師嘉慶道光年間每歲用銀若干蘇省無
案可稽此時約略計算總不欲使新章之銀浮
於舊制之外如其不敷更須酌裁陸兵以彌補
之不獨江蘇爲然也卽沿海各省整頓水師均
須覈算餉項如使新餉果浮於原數卽應兼裁

陸兵以酌濟水餉蓋水師久無戰船非修造兩
三年不能集事陸路縱缺額兵苟募勇兩三月
即可成軍陸路則有事招勇無事裁撤水路則
製器於多年取用於一旦權衡緩急海疆似以
水營爲重其他省之但有陸兵並無水師者縱
不遽議裁撤趁此中原大定之際亦可將出缺
之弁兵緩至二十年後再議募補將來重募之

欽定剿平粵匪方略卷四十八

四

日儘可做浙江之例大減額兵酌加口糧此又
因節省經費而兼籌陸營之計也謹將江蘇水
師事宜營制分繕清摺恭呈

御覽伏乞

飭下各衙門詳晰會議歸於至當並請

飭下李鴻章馬新貽丁日昌各抒所見妥爲覈議卽

長江水師亦乞

飭下沿江五省督撫隨時察看如有未妥之處三年
以內卽可奏明斟酌損益臣之微意不過欲使
中國兵勇以舟楫爲室家以海洋爲坦道庶幾
事以屢試而漸精人以狎習而漸壯至船式如
何而後善營制如何而後強自當博採羣言不
敢略執成見也一俟江蘇水師定章後沿海閩
粵各省均可參酌辦理大局幸甚

欽定剿平粵匪方略卷四十八

五

酌議江蘇水師事宜

一江蘇轄境江海匯歸之處固稱澤國卽江以
南蘇常松太等屬亦復湖河紛歧跬步皆水
原制水師內河外海分爲兩支今擬改爲三
大支曰內洋曰外海曰裏河自江陰之蝦蟆
山以東至崇明之十墩口四百餘里皆長江
之尾閭此內洋也自十墩口以東八十里至

余山由余山以北至贛榆縣之鷹游門出洋約八九百里與山東洋面毗連內為五條沙外為黑水洋由余山迤南至金山衛出洋約二百七八十里與浙江洋面毗連此外海也至腹地之水以太湖為巨浸太湖入海凡分三道北為劉河南為黃浦江中為吳淞江此裏河也就內洋而論北岸之港五十有四南岸之港二十崇明之港五十有五沙路叢出最易藏奸就外海而論羊山馬蹟花腦陳錢有嶼避風皆為盜賊出沒之所其沙船遇盜則余山前後尤多就裏河而論太湖久為盜藪而溇湖澱山陽城昆城等湖及福山江陰等口亦常有搶劫之案外而禦侮內而詰奸三支水師均不可少

聖朝軍略卷之六

六

聖朝軍略卷之六

七

一江南水師向以提督所屬之南匯一營蘇松鎮之中左右三營及所屬之吳淞川沙二營福山鎮之左營一營狼山鎮之右營一營及所屬之掘港一營為外海九營近年長江章程於狼山鎮屬添設通州海門二營共為十一營今酌量覈議應於其中分五營為內洋水師分六營為外海水師查福山一鎮係道光年開所創外海之營太少擬撥蘇松鎮之川沙吳淞二營改歸福山鎮管轄凡內洋五營曰蘇松鎮之右營曰福山鎮之左營曰狼山鎮之右營通州營海門營凡外海六營曰提督之南匯營曰蘇松鎮之中營左營曰掘港福山鎮之吳淞營川沙營曰狼山鎮之掘港營內洋五營略分汛地北岸上游狼山右

營主之北岸下游通州營主之南岸上游福
山左營主之南岸下游海門營主之崇明南
北皆蘇松右營主之外海六營則不分汛地
當以吳淞口十漊兩處爲各艇船停聚之所
無事則按月輪哨有事則不分畛域一體剿
捕至於分月巡哨之章程失事之處分統俟
初次部覆到後再行續議其內洋五營與長

欽定剿平粵匪方略卷四十八

八

江水師之江陰營如何分別巡哨互相防衛
之處亦俟下次續議

一江蘇裏河向有提標右營太湖水師左營右
營茲仍其舊而另添淞北營淞南營共爲五
營淞北營巡緝吳淞江以北之支河湖蕩如
尚湖昆城湖陽城湖金雞湖之類並查劉河
白茆七丁福山江陰等出江之口淞南營巡

緝吳淞江以南之支河湖蕩如澱山湖澄湖
龐山湖鴛脰湖暨葉舍蕩王江涇等處與浙
江接界槍船出沒之所汛地至三泖爲止太
湖左營巡緝東路蘇州所屬湖面右營巡緝
西路常州所屬湖面兼查運河東汎西汎長
蕩湖滬湖等處提標右營巡緝自三泖起至
吳淞口止專防黃浦江駛入腹地之門戶凡

欽定剿平粵匪方略卷四十八

九

裏河五營不復分隸各鎮專歸提督統轄仍
聽督撫節制惟從前舊制內河各營雖名水
師實則並管陸路各有汛地此次五營所分
地段太寬支流太多凡近水面有事皆係水
師之責近水口岸亦可兼顧若離岸稍遠水
師不能兼顧

一長江章程第二十六條內載狼山江寬百餘

里洪濤浩瀚海風不測長龍三板船身太小有風卽不能出港擬每營造大三板二十號並造紅單拖罟等大船數號等語茲查長江之三板槳枝多而船身低於該處甚不相宜而紅單等船又嫌其太大惟現造之八團三板尙屬合用但專靠風力不用人力無風無潮則不能行駛且修造之價頗昂爲數不宜

聖皇聖考聖祖

十

十一

太多今酌船隻之大小以定營制之多寡應改爲通州營八團三板十二號海門營八團三板十二號較原議共減去二十三號至臣曾國藩於同治四年臘月議長江章程一案營制摺內通州海門兩營皆係三板二十號事宜摺內副將營應派三板四十三號本年三月議補缺案內將海門三板補四十三缺

但願副將營四十三號之通例遂忘海門營二十四號之專條係屬錯誤相應奏明更正至江蘇內洋外海水師旣已另立規制則通州海門二營仍應歸江南提督專管長江提督兼轄

聖皇聖考聖祖

十一

一江南水師船數兵數兵燹之後無案可稽僅由蘇松鎮衙門鈔得原任督臣璧昌道光二十四年十一月奏案一件據稱舊例江南營船二百七十五隻業已破廢不堪璧昌等乃議減數另造計外海大船船十二號內洋大三板船八十五號小三板船三十八號當時船式今不可考臣於本年釘造廣艇做廣東紅單拖罟之式僅成一號釘造八團三板已成十餘號尙屬合用將來經久章程擬造廣

艇十二號外海六營每營各撥二號每號配兵約四十名擬造八團三板六十四號內洋五營每營各撥十二號每號配兵約二十名擬造三板七十六號北港南營各十五號太湖兩營各十三號兼用八團三板各二號提標右營二十號每號配兵十四名擬造火輪兵船四號每號配兵約五十名共計戰船

欽定剿平粵匪方略

卷四一八

一百五十六號較之壁昌奏案多出二十一號較之舊制尙少一百十九號蓋弁兵之薪糧宜增而司庫之經費有限不宜多設額缺耳

一八團三板廣艇皆須乘風乘潮一遇風逆潮阻均難行駛惟輪船則風水兩無所礙擬以現在海生小輪船一號交福山鎮管轄飛龍

小輪船一號交狼山鎮管轄專巡內洋以捕盜局天平輪船一號交提督管轄鐵皮輪船一號交蘇松鎮管轄專巡外海上海鐵廠今年造成者尙非兵船此後擬續造火輪兵船四號分撥提督及蘇松狼山福山三鎮爲專巡外海內洋之用

欽定剿平粵匪方略

卷四一八

一上年因船隻太少海面屢有搶劫之案本年雇廣船八號民船二十餘號巡緝尙稱得力又在廣東借艇船二號在揚州買艇船一號其在吳城船廠新造者廣艇甫成一號八團三板已成十餘號尙欠四十餘號明年春夏乃可辦畢現定於金陵之燕子磯設立船廠若辦艇船十二號則須吳城燕子磯兩廠並造又須至廣東購造以輔之計三處經營二

年乃可辦畢每成一號即將現雇商人之艇
船退去一號至上海鐵廠所造兵船如須四
號二年乃可辦畢其裏河五營所需之三板
即用李朝斌所部太湖水勇之船目前暫可
無庸另造然其中多有咸豐八九年以後所
修造者漸已朽壞勢亦不能久待即當陸續
抽換將來三年一小修十二年一更換均照

欽定大清會典事例

卷一百八十八

十五

長江之例排定于丑寅卯年分三板在金陵
船廠輪流興工輪船在上海鐵廠興工廣艇
一項則或在金陵船廠修造或借上海船塢
整理或赴廣東購造隨時斟酌妥辦船廠所
以設於金陵者以木簕不宜入鎮江以內之
裏河不宜出江陰以下之內洋也故在上游
較爲穩便

欽定大清會典事例

十五

一舊制水兵月支一兩至二兩不等口糧太輕
誰肯效命於大海風濤之中新章擬增加口
糧不得不裁減昔年之兵額查中樞政考內
載江南內河水師兵丁八千零二十一名外
海水師兵丁六千七百十六名內河副參遊
都守共二十一員千把外委一百零四員外
海參遊都守共十七員千總外委九十九員
臣今擬定新章水師專以管船爲主每船各
設一官船大者酌設二官其無船之官無船
之兵皆須裁撤約計應裁去兵一萬一千餘
人應裁去官六十餘員乃與船數相符
一長江章程兵丁中舵工月支三兩六錢管艙
頭工舵手等月支三兩槳手月支二兩七錢
茲定江蘇三支水師其裏河五營內洋五營

將弁兵丁書識等悉照長江水師章程給發
至外海六營弁兵格外辛苦均宜稍從豐厚
除養廉俸薪蔬菜燭炭紙張等項擬請副將
月加銀二十兩參將遊擊月加十六兩都司
月加十二兩守備加十兩千把外委加八兩
廣艇舵工月給銀九兩班手月給銀六兩其
餘兵丁書識月給銀四兩五錢庶與內洋及

欽定剿平粵匪方略

卷四一八

裏河水師顯示區別至火輪船之將弁舵工
兵丁俟兵船造成後另行續議其外海提鎮
酌加廉銀亦俟奉到部覆另行續議

一長江章程第五條內載安徽淮河自正陽關
以下至洪澤湖止並接連蘇屬之支河湖蕩
應另設淮揚水師鎮江以東凡江南之支河
湖蕩應另設太湖水師各等語今此案太湖

水師卽包於裏河五營之內是江以南之湖
河業經議定章程至江以北淮揚海三屬舊
制本有東海鹽城等營若與安徽之洪澤湖
一帶共立一支水師係屬正辦臣亦嘗與安
徽撫臣往返咨商妥議惟榮澤決口黃水已
入洪澤湖應俟合龍後再將蘇省之東海鹽
城營水師酌修礮船整理舊制而皖省之洪

欽定剿平粵匪方略

卷四一八

澤湖上下亦可添立二三營合爲一支但經
費有常必須量入爲出江蘇水師現議極力
樽節斷不使新章之費浮於舊制之外將來
議淮揚水師亦須倣照辦理乃爲可久之道
此外如湖北湖南江西三省支河湖汊原議
亦有另行設防之說今軍政大定長江之礮
船足敷調遣該三省如須另立水師似亦宜

裁減陸兵添濟水餉庶臻妥協

一江蘇之太湖水師係同治二年所立歸李朝斌統帶嗣蘇境肅清此項礮船卽爲調勦捻匪捕拏水盜之用經臣陸續裁撤四營現在尙存七營今裏河旣立五營自應將水勇七營之船改爲經制五營之船但移換之際最難妥協若將七營之哨勇遽行裁撤改用舊

聖朝軍略卷之十八

六

兵舊官則陸居已久操舟不慣勢難用短而捨長若全留水勇分隸各營概以舊官管帶則兵將不習必至不相融洽若以水勇改爲水兵卽以現在之營哨官充補舊缺則舊官又無從位置惟有將七營水勇儘明年內緩緩裁撤每撤一營騰出礮船卽交舊官舊兵使用舊兵不足者募水勇以充補此一年數

月之中遇有裏河五營缺出卽將應撤之營哨官酌補使勇營之官與舊營之官狎處相習庶兵丁可漸慣舟居矣

一此次裁缺人員不能不還以一缺調補他處今擬通州海門兩營裁去之員俟有長江水師缺出卽歸於長江提督黃翼升會商總督先行序補外海內河各營裁去之員俟有江

聖朝軍略卷之十八

七

蘇水師缺出卽歸於江南提督李朝斌會商先行序補均須此項有缺人員補完之後始能另補他項人員其舊官未經補缺之先仍准酌給薪俸以資贍養至江蘇所裁之缺因遷就姑存舊官是以全裁外委未裁千把將來千把出缺應以一半酌改爲外委之缺以期與營制相合其究應裁千把若干外委若

干俟初次部覆到日再行續議

一從前蘇松狼山福山三鎮所轄外海內河各營雖名水師實則兼管陸路如解犯解餉看守城門等事皆屬陸兵之責各鎮皆有中軍皆有隨身兵丁伺應差事今既酌改舊制水兵以船爲家則陸路公私差使無人承應擬三鎮各留陸兵百人以備差遣至中軍係標

欽定剿平粵匪方略

卷四一八

下之領袖蘇松鎮中營今議仍舊卽以中營遊擊爲中軍狼山鎮中營現議裁去該鎮本駐通州卽以新設之通州營遊擊爲中軍福山鎮中營亦議裁去該鎮所屬尙有左營仍舊卽以左營遊擊爲中軍所留陸兵均歸中軍兼管庶水陸截然分途而體制仍存其舊

一江蘇水師自嘉慶道光以來每歲用銀若干

蘇省無案可考就中樞政考所載水師十九營官弁兵丁之數約略計算每歲需用俸薪餉項銀七萬六千餘兩兵米四萬九千一百餘石每石以銀一兩三錢合折需銀六萬四千餘兩共銀十四萬餘兩又就璧昌之奏案內稱江南舊設外海水師船一百七十一隻三年小修三年大修又三年拆造九年一周

欽定剿平粵匪方略

卷四一八

例動司庫銀十九萬七千七百八十九兩有奇內河水師船一百四隻三年小修五年大修又三年小修三年拆造十四年一周例動司庫銀五萬九千七百兩有奇每屆一周除司庫正支外由道廳州縣捐攤約在百萬兩以外各等語是除攤捐之百萬十二年中司庫實用銀二十五萬七千兩有奇每年牽算

僅二萬餘金耳司庫所發太少而捐攤之銀
又有名無實以致咸豐初年並無一船其流
弊遂至於此臣於此次酌定章程總求常有
堅船而又不欲使文員捐攤分文又不欲使
新章之銀浮於舊制之外除火輪兵船一項
擬在二成洋稅另議動支外約計十六營官
兵俸餉每歲需銀十五萬餘兩再加修船及

聖朝聖略卷十八

三

各項雜費歲需銀約一萬餘兩較之原制每
歲多用銀三萬餘兩此外尚有座船書識子
藥等費不能不議裁陸兵以補水師額餉之
不足如陸兵不可裁則須再減船數兵數此
事關係各省大局應俟奉到初次部覆乃可
詳細續議

江蘇水師酌改舊制擬裁官兵事宜

聖朝聖略卷十八

三

一提督所屬之外海南匯營原制都司一員守
備一員千總一員把總二員外委二員兵四
百一十四名今擬仍為提督之南匯營添遊
擊一員為營官用廣艇二號每號正副哨官
各一員頭號正哨都司一員副哨千總一員
二號正哨守備一員副哨把總一員配兵各
四十名共兵八十名再增輪船一號正哨都
司一員副哨守備一員兵數容俟續議照舊
制裁去外委二員其把總一員移於提督右
營其所添之遊擊擬以福山鎮內河中營遊
擊移調其所添輪船之都司一員擬以狼山
鎮左營都司移調其所添輪船之守備一員
擬以太湖營守備移調

一蘇松鎮所屬之外海中營原制遊擊一員守

備一員千總二員把總四員外委六員兵八
百一十名今擬仍爲蘇松鎮之中營以遊擊
爲營官用廣艇二號每號正副哨官各一員
頭號正哨守備一員副哨把總一員二號正
哨千總一員副哨把總一員配兵各四十名
共兵八十名再增輪船一號正哨添都司一
員副哨千總一員兵數容俟續議照舊制裁
去外委六員其把總二員移於太湖營其所
添輪船之都司擬以內河京口協左營都司
移調

欽定剿平粵匪方略卷四十八

三

號正哨守備一員副哨千總一員二號正哨
守備一員副哨千總一員配兵各四十名共
兵八十名照舊制裁去外委五員其把總四
員移於太湖營其所添之守備擬以福山鎮
內河中營守備移調

一蘇松鎮所屬之外海吳淞營原制參將一員
守備一員千總三員把總六員外委七員兵
一千八十九名查道光二十六年添設福山
鎮總兵僅立外海一營今擬將蘇松鎮之吳
淞營改隸福山鎮標以參將爲營官用廣艇
二號每號正副哨官各一員頭號正哨守備
一員副哨把總一員二號正哨千總一員副
哨把總一員配兵各四十名共兵八十名再
增輪船一號正哨都司一員副哨千總一員

欽定剿平粵匪方略卷四十八

三

兵數容俟續議照舊制裁去外委七員其千
 總一員移於淞南營把總四員移於淞北營
 其所添輪船之都司擬以劉河營都司移調
 一蘇松鎮所屬之外海川沙營原制參將一員
 守備一員千總三員把總五員外委七員兵
 一千五十名今擬將蘇松鎮之川沙營改隸
 福山鎮標以參將為營官用廣艇二號每號

欽定四庫全書

三

正副哨官各一員頭號正哨守備一員副哨
 千總一員二號正哨守備一員副哨把總一
 員配兵各四十名共兵八十名照舊制裁去
 外委七員千總一員其千總一員移於太湖
 營把總四員移於淞南營其所添之守備擬
 以狼山鎮內河中營守備移調
 一狼山鎮所屬之外海掘港營原制都司一員

千總一員把總二員外委二員兵二百四十
 一名今擬仍為狼山鎮之掘港營添遊擊一
 員為營官用廣艇二號每號正副哨官各一
 員頭號正哨守備一員副哨把總一員二號
 正哨守備一員副哨把總一員配兵各四十
 名共兵八十名再增輪船一號正哨都司一
 員副哨千總一員兵數容俟續議照舊制裁

欽定四庫全書

三

去外委二員其所添之遊擊擬以狼山鎮內
 河中營遊擊移調其所添之守備擬以狼山
 鎮內河左營守備一員蘇松鎮右營守備一
 員移調
 以上外海六營共用艇船十二號營官六員
 正副哨官二十四員兵四百八十名輪船四
 號正副哨官八員事宜內議定提督及蘇狼

福三鎮各帶輪船一號將來或並不分標分營俟輪船成後再行續議

一蘇松鎮所屬之外海右營原制都司一員守備一員千總二員把總四員外委五員兵八百名今擬仍爲蘇松鎮之右營但改作內洋字樣添遊擊一員爲營官用八團三板船十二號共哨官十二員內都司一員千總二員

欽定剿平粵匪方略卷四十八

三十八

把總四員外委五員每號配兵二十名共兵二百四十名照舊制裁去守備一員移於掘港營其所添之遊擊擬以內河京口協中營遊擊移調

一福山鎮所屬之外海左營原制遊擊一員守備一員千總二員把總四員外委六員兵七百三十三名今擬仍爲福山鎮之左營但改

作內洋字樣以遊擊爲營官用八團三板船十二號共哨官十二員內守備一員千總二員把總四員外委五員每號配兵二十名共兵二百四十名照舊制裁去外委一員

欽定剿平粵匪方略卷四十八

三十九

一狼山鎮所屬之外海右營原制遊擊一員守備一員千總二員把總四員外委六員兵八百三十八名今擬仍爲狼山鎮之右營但改作內洋字樣以遊擊爲營官用八團三板船十二號共哨官十二員內守備一員千總二員把總四員外委五員每號配兵二十名共兵二百四十名照舊制裁去外委一員

一狼山鎮所屬新設之通州營長江水師營制原議用二十五人之長龍船二號二十人之督陣大三板船一號二十人之大三板船十

號十四人之三板船十號營官遊擊一員哨
 官都司二員守備一員千總四員把總六員
 外委十員兵四百一十名今擬改用八團三
 板船十二號仍以遊擊為營官共哨官十二
 員內都司二員守備一員千總二員把總三
 員外委四員每號配兵二十名共兵二百四
 十名照前議裁去千總二員把總三員外委

聖朝聖略卷十八

三

六員

一狼山鎮所屬新設之海門營長江水師營制
 原議用二十五人之長龍船二號二十人之
 督陣三板船二號二十人之大三板二十號
 營官副將一員哨官都司二員守備三員千
 總十員把總九員兵四百九十名今擬改用
 八團三板船十二號仍以副將為營官共哨

官十二員內都司二員守備一員千總四員
 把總五員每號配兵二十名共兵二百四十
 名照前議裁去守備二員千總六員把總四
 員

以上內洋五營用八團三板船六十號營官
 五員哨官六十員兵一千二百名

一提督所屬之內河右營原制參將一員守備

聖朝聖略卷十八

三

一員千總三員把總四員外委七員兵七百

四十七名今擬改為提標裏河右營仍以參
 將為營官用長江三板船二十號共哨官二
 十員內守備一員千總七員把總九員外委
 三員每號配兵十四名共兵二百八十名照
 舊制裁去外委四員其所添之千總四員擬
 以劉河營千總二員福山鎮內河中營千總

二員移調其所添之把總五員擬以劉河營把總四員南匯營把總一員移調

一提督所屬之太湖左右兩營原制副將一員都司一員守備一員千總三員把總四員外委四員兵七百七十七名查原制官數兵數若干屬左營若干屬右營無案可稽今擬仍爲提督之太湖左右兩營左營以副將爲營

欽定剿平粵匪方略卷四十八

三

官右營卽以都司爲營官仍歸副將統轄每營用長江三板船各十三號兼用八團三板船各二號哨官各十五員內左營千總三員右營千總三員兩營把總各十員外委各二員長江三板每號配兵十四名八團三板每號配兵二十名共兵四百四十四名照舊制裁去守備一員移於南匯營其所添之千總

三員擬以川沙營千總一員狼山鎮中營千總二員移調其所添之把總十六員擬以福山鎮中營把總二員蘇松鎮中營把總二員左營把總四員狼山鎮中營左營把總各四員移調

欽定剿平粵匪方略卷四十八

三

一督標所屬之內河京口協中營原制副將一員遊擊一員守備一員千總一員把總五員外委六員兵九百三十五名今擬改爲淞北營仍以副將爲營官用長江三板船十五號共哨官十五員內守備一員千總三員把總十員外委一員每號配兵十四名共兵二百一十名照舊制裁去外委五員其遊擊一員移於蘇松鎮右營其所添之千總二員擬以狼山鎮左營千總二員移調其所添之把總

五員擬以吳淞營把總四員福山鎮中營把總一員移調

一督標所屬之內河京口協右營原制遊擊一員守備一員千總二員把總五員外委六員兵八百七十六名今擬改為淞南營以遊擊為營官用長江三板船十五號共哨官十五員內守備一員千總三員把總十員外委一

欽定四庫全書

書

員每號配兵十四名共兵二百一十名照舊制裁去外委五員其所添之千總一員擬以吳淞營千總一員移調其所添之把總五員擬以福山鎮中營把總一員川沙營把總四員移調

以上裏河五營用長江三板船共七十六號八團三板船四號營官五員哨官八十員兵

一千一百四十四名

一漕標所屬之內河鹽城營原制遊擊一員守備一員千總二員把總二員外委二員兵六百九十六名今擬暫仍其舊

一漕標所屬之內河東海營原制都司一員千總一員把總二員外委二員兵四百五十二名今擬暫仍其舊

欽定四庫全書

書

一督標所屬之內河高資營改為京口協左營原制都司一員把總一員外委二員兵五百八十四名今擬裁去此營其都司一員已移調他處實祇裁把總一員外委二員

一提督所屬之內河劉河營原制都司一員千總二員把總四員外委四員兵六百九十四名今擬裁去此營劉河營之汛地即新淞北

營之汎地也其都司一員千總二員把總四員已移調他處實祇裁外委四員

一福山鎮所屬之內河中營原制遊擊一員守

備一員千總二員把總四員外委六員兵七

百七十四名今擬裁去此營其遊擊一員守

備一員千總二員把總四員已移調他處實

祇裁外委六員

欽定剿平粵匪方略卷四十八

三

一狼山鎮所屬之內河中營原制遊擊一員守

備一員千總二員把總四員外委三員兵七

百三十六名今擬裁去此營即新設通州營

之汎地也其遊擊一員守備一員千總二員

把總四員已移調他處實祇裁外委三員

一狼山鎮所屬之內河左營原制都司一員守

備一員千總二員把總四員外委三員兵七

百五十名今擬裁去此營即新設海門營之

汎地也其都司一員守備一員千總二員把

總四員已移調他處實祇裁外委三員

以上江南舊制見於中樞政考者外海內河

水師二十一營官二百四十一員兵一萬四

千七百九十七名除鹽城東海兩營仍舊外

今改為十四營存官一百六十二員實裁去

欽定剿平粵匪方略卷四十八

三

千總一員把總一員外委六十三員存兵二

千四百四十名實裁去一萬一千二百零九

名除官弁隨時補足外兵則有目前本未招

足者如外海川沙營原額一千二十三名現

僅招一百名內河太湖左右營原額七百六

十一名現僅招七十五名其餘可以類推是

今之所裁者皆空缺之兵非已補之兵也亦

有目前招募將足者如吳淞營現有兵千餘人狼山蘇松兩鎮現有兵二千餘人提右營現有兵九百餘人此項已招之兵應俟浙江之例分別裁遣俟接到初次部覆再行續議至長江新設之通州海門二營原制官四十九員並誤補者共六十八員勇丁凡九百名今仍定為二營存官二十六員實裁去四十二員存兵共五百二十八名勇丁則全行裁遣奏入得

欽定平粵匪方略卷四十八

三

旨軍機大臣會同該衙門速議具奏

欽定勦平粵匪方略卷四十九

附設立長江水師章程

八年三月二十日軍機大臣戶部兵部工部總理各國事務衙門會奏言查水師舊制凡湖河紛歧之處如湖廣江西等省原設有內河水師其濱海各省如江浙閩粵均設有外洋水師不獨江蘇也而由江入海由海入江江蘇實為一大門戶第沿習日久軍政廢弛欲加整頓自不能不量為變通曾國藩所擬各條臣等公同商酌現在東南各省軍務告竣備豫不虞當以海疆為重該督熟諳戎機且莅江有年江南水師之利病非確有見地必不將二百餘年之營制輕議更張應請

欽定平粵匪方略卷四十九

一

飭下兩江總督等查照原議妥為辦理務使兵歸實

用餉不虛糜俟江蘇水師定章後再請

飭下沿海各督撫各就各省體察情形如有應行變

通整頓之處亦卽詳籌妥議據實奏

聞請

旨遵辦所有臣等遵議緣由謹逐款繕具清單恭呈
御覽伏乞

訓示遵行

欽定剿平粵匪方略卷四十九

二

議覆江蘇水師事宜

一分別內洋外海及裏河三支查江南水師向

祇內河外海兩支今該督擬改爲內洋外海

裏河三支既與長江聲勢聯絡卽外海亦足

資撫馭應如所請准其更改至移調各營有

原制內河今改爲外海者有原制外海今改

爲內洋者地勢既異人缺是否相宜應令詳

查另議

一內洋外海水師分立營數查江南福山一鎮

係道光二十三年始行添設今該督因外海

之營太少擬將提督所轄之南匯營蘇松鎮

之中營左營狼山鎮之掘港營福山鎮之川

沙吳淞二營共爲外海六營其蘇松鎮之右

營福山鎮之左營狼山鎮之右營並新設長

欽定剿平粵匪方略卷四十九

三

江水師案內添設之通州營海門營共五營

改爲內洋水師分別設防所擬尙屬妥協應

如所奏辦理其巡哨之章程失事之處分暨

內洋五營與長江之江陰營如何分別巡哨

互相防衛均應一併妥籌續議

一裏河水師分立營數查江南提標右營太湖

左營右營原制係屬內河水師今該督擬改

為襄河水師並添設淞北營淞南營共為五
 營不復分隸各鎮專歸提督統轄仍聽督撫
 節制自足以一事權應如所奏辦理至此五
 營既據奏稱所分地段太寬支流太多凡近
 水地面有事皆係水師之責其離岸較遠處
 所勢難兼顧應如何與陸營分防汛地仍令
 妥籌續議

聖朝聖旨卷十九

甲

一狼山鎮新設之通州海門二營仍須酌改規
 制查波濤浩瀚之處非船制合宜斷不能適
 用該督以需費頗昂較原議酌減數目自係
 因地制宜應如所擬辦理惟此項船隻需用
 緊要固不可偷減工料致有草率亦不可借
 詞浮冒糜費錢糧應於創造之時委員確估
 將丈尺做法銀錢數目保固年限造冊報部

以備稽考其江蘇內洋外海水師既已另立
 規制所有前次議歸狼山鎮兼隸長江水師
 之通州海門二營自應改歸江南提督專管
 長江水師提督兼轄以期互加考察

聖朝聖旨卷十九

辛

一各營船制數目查江南水師該督擬造廣艇
 十二號外海六營每營各撥二號每號配兵
 四十名八團三板六十四號內洋五營每營
 各撥十二號每號配兵二十名長江三板七
 十六號淞北淞南營各十五號太湖兩營各
 十三號兼用八團三板各二號提標右營二
 十號每號配兵十四名火輪船四號每號配
 兵五十名至八十名不等應如所擬照數添
 設俟添設完竣造入彙題冊內報部江南水
 師船數自道光二十四年改造後見諸咸豐

二年估册所報者如原設大船船十二號續報添造九號計二十一號按册可稽者僅一十九號大三板船八十五號可稽者僅七十二號小三板船三十八號可稽者僅三十二號其中分配各營如南匯營大船船一隻大三板船四隻蘇松中營大船船三隻大三板四隻蘇松左營大船船三隻大小三板船各二隻吳淞川沙二營各配大船船三隻大三板船五隻小三板船二隻掘港營大三板船二隻蘇松右營大船船三隻大小三板船各二隻福山左營大船船大三板船各三隻小三板船二隻狼山三營大三板船十七隻小三板船二隻提標右營大三板船四隻小三板船二隻京口左右二營各配大三板船五

欽定剿平粵匪方略卷四十九

木

隻小三板船二隻高資營大三板船四隻小三板船八隻劉河營大三板船三隻小三板船二隻福山中營大三板船五隻小三板船二隻福山右營大三板船三隻小三板船二隻太湖鹽城東海四營並無專案此其大略也合諸營可考者計之比較璧昌原案大小率算又少一十一號可見營政廢弛日就因循百廢具興正在今日該督刪除積習力求實濟正合窮變通久之道所有廣艇三板等船一百五十二隻應准其如數動款興修以資捍衛各營船制數目擬添戰船共一百五十六號自應如所擬辦理惟外海船隻與內河不同務須工堅料實始能利用擬請由該督查明各船做法應用物料確估錢糧督飭

欽定剿平粵匪方略卷四十九

七

如式興造以期經久工竣之時取具成造之員保固年限並造具細冊報部備查

一添用輪船協巡查八團三板等船既不能逆風行駛輪船則風水無礙應如所擬辦理此項火輪船四隻應由該督咨行該省督撫轉飭上海鐵廠趕緊造辦以資駛用並將船名號數隨時咨報查覈

聖皇聖德皇帝

八

聖皇聖德皇帝

九

一設廠修造戰船查廣艇三板兩項需用經費銀兩應令該督將估計實數並若何指款動支之處報部覈辦火輪兵船四隻既據該督於計算經費條內擬在二成洋稅另議動支係為海疆水師經理久遠起見應如所議辦理至按年編號輪流興工並嗣後有添製裁撤之處應令隨時奏報此項輪船或在上海

船塢整理或赴廣東購造應由該督酌覈情形咨會各該省督撫妥辦

一新營與舊制酌量更改查該督酌改舊制係專以管船為主其無船之官兵皆應裁撤俾與船數相符至江南內河水師兵丁八千零二十一名外海水師兵丁六千七百七十六名新章擬裁去兵一萬一千餘人係為減兵

增餉起見均應如所議准其裁撤江南水師二十一營據道光二十八年兵馬銷冊及咸豐二年估餉冊報副都遊守三十八員千把外委二百一十六員兵一萬三千九百二十七名較中樞政考原制千把以下官多十三員兵少八百七十名係經歷次添裁改撥除南匯等十二營存兵二千三百四十四名又

鹽城東海營仍留原額一千一百二十二名
合裁去原額一萬四百六十一名益以通州
海門營改定兵額四百八十名計十六營中
共合定額三千九百四十六名照估冊實裁
去兵九千九百八十一名其節省餉米乾銀
應令該督歸於新定營制兵船兩項互相抵
算報部覈辦

欽定剿平粵匪方略卷十九

十

一弁兵薪糧查江南水師兵丁舵工月餉章程
馬兵月支銀二兩步兵月支一兩五錢守兵
月支一兩大船正舵工月支一兩五錢小船
正舵工月支一兩大小船隻副舵工均月支
銀五銀本屬不敷養贍今該督請將江蘇水
師裏河內洋弁兵糧餉均照長江水師章程
給發其外海六營又議從優較定例增至數

倍而減水師兵額以濟經費之闕實於營政
餉需兩有神益應均如所議辦理

一淮揚水師應行緩辦查該督前議准揚與安
徽洪澤湖共立一支水師近因榮澤決口河
流未定局勢恐有變更所有淮揚水師之議
自應緩辦至湖北湖南江西三省一帶支河
湖汊原有另行設防之說據稱長江廠船足
敷各省調遣該三省似可無須另立水師應
否再設應請

欽定剿平粵匪方略卷十九

十一

飭下兩江江西湖北湖南各督撫體察情形奏明辦
理
一緩撤太湖水勇查該督擬將太湖水師七營
之船改爲裏河五營之船自係斟酌情形變
通辦理應如所請准其將應裁之營哨各官

遇有裏河五營缺出卽行酌補以便駕駛而
價舟居至裁撤水勇江蘇太湖尙存七營今
裏河旣立五營應將七營水勇儘明年內裁
撤每撤一營騰出礮船卽交舊兵不足者募
水勇充補係爲兵丁習慣舟居起見亦應如
所擬辦理

一裁出之缺分標另補查此次所裁江蘇內河

聖皇聖考略卷百十七

十三

外海水師千把外委六十餘人新設長江通
州海門兩營共裁守備千把外委二十三
人該弁等本有實缺人員自不能不還以一
缺應如所請准其將所裁江蘇內河外海水
師千把外委及通州海門兩營守備千把外
委分歸兩提督會商該督先行序補俟所裁
之人補竣再補他項人員至江蘇所裁之缺該

聖皇聖考略卷百十九

十三

督因遷就姑存舊官全裁外委未裁千把將
來千把出缺以一半改爲外委之缺其究應
裁千把若干外委若干應令妥察情形續行
籌議至所稱兩項舊官於未補缺之先仍酌
給俸薪以資養贍等語查例載現任武職裁
缺留標另補照原任職銜支給俸薪該督所
請本屬與例相符應如所議辦理惟外委一
項向食馬兵糧餉本無俸薪可支而本案營
制又無馬步戰兵名目其應作何支給之處
應由該督酌定報部查覈

一三鎮酌留陸兵查該督擬將蘇松等三鎮仍
設中軍遊擊並各留陸兵歸中軍兼管應如
所請除蘇松鎮中軍仍循其舊外其狼山鎮
以通州營遊擊爲中軍福山鎮以該鎮左營

遊擊爲中軍以符體制而存舊規至蘇松狼
山福山三鎮各留陸兵百人均歸三營中軍
兼管係爲承應差務起見亦應如所議辦理
一計算出入經費查江南水師營制定額之後
續有添裁改撥該督因舊案無稽是以祇就
中樞政考覈計而臣部逐款鈎稽自當以現
時餉籍爲斷道光二十八年以後兵馬銷册
及咸豐二年估册內開江蘇水師二十一營
歲需俸薪餉乾銀二十一萬四千一百三十
五兩九錢三分四釐米五萬五百六十六石
就定章折色估計每石例應折銀九錢五分
計銀四萬八千三十七兩七錢該督所云餉
米十四萬餘兩係屬約略計算卽清單內開
弁兵名數較銷册估册互有多寡應就咸豐

欽定剿平粵匪方略卷四十九

廿四

二年估册覈計至鹽昌道光二十四年原奏
新造船一百三十五隻計需銀十九萬七千
九百二兩二錢四分每屆十年拆造例動庫
款其油艙大修之費由各屬攤捐分年牽算
每年例動庫銀一萬九千七百九十兩二錢
二分四釐該督所云歲及二萬餘金尙係鹽
昌以前時事非近案也計兵船兩項司庫實
動支銀二十八萬一千九百六十三兩八錢
五分八釐而現定營制俸餉船米通計每年
不過二十萬兩較之司庫例支之數尙可節
省銀七八萬兩以節省之銀抵座船書識子
藥等費當不至不敷自無庸議裁陸兵其座
船書識子藥等費究須若干應由該督等詳
細酌定奏明辦理船數兵數爲水師大局所

欽定剿平粵匪方略卷四十九

卅

關如尚有擬裁船數之處應令該督隨時查看情形酌辦

議覆江蘇水師酌改舊制擬裁官兵事宜

一提督所屬之外海南匯營添設遊擊一員為營官以福山中營遊擊改撥用廣艇二號頭號正哨都司副哨千總各一員均係舊制再增輪船一號正哨添都司一員以狼山左營

聖朝聖略卷四十九

未

都司改撥副哨添守備一員以太湖營守備改撥應如所請並將舊制外委二員裁去其餘原制把總一員移於提標右營應歸裏河條內覈議至福山中營遊擊狼山左營都司太湖營守備原係內河水師題補之缺今既撥南匯營均應改為外海水師題補之缺廣艇二號應准其共配兵八十名查咸豐二年

估餉冊報南匯營都司守備千總各一員把總外委各二員配兵四百二名歲需俸薪餉乾銀六千九十二兩九錢本色米一千四百五十四石四斗今改定營制所有原估餉米應俟營政議定新章與舊制盈絀若干由該督通盤計算分別抵撥

聖朝聖略卷四十九

未

一蘇松鎮所屬之外海中營以遊擊為營官用廣艇二號頭號正哨守備副哨把總各一員二號正哨千總副哨把總各一員均係舊制再增輪船一號正哨添都司一員以京口左營都司改撥副哨千總一員係屬舊制應如所請並將舊制外委六員裁去其原制把總二員移撥太湖營應歸裏河條內覈覆至蘇松中營遊擊守備各缺原係外海水師題補

之缺京口左營都司原係內河水師題補之
缺今既撥歸蘇松鎮均應改爲外海水師題
補之缺廣艇二號應准其共配兵八十名估
冊內開蘇松鎮中營總兵一員遊擊守備各
一員千總二員把總四員外委六員配兵七
百八十四名歲需俸薪餉乾銀一萬一千九
百八十一兩六錢二分二釐本色米二千八

欽定剿平粵匪方略卷四十九

十八

百四十四石今既改立營制所有原制餉米
應查照南匯營一律辦理

一蘇松鎮所屬之外海左營以遊擊爲營官用
廣艇二號頭號正哨守備副哨千總各一員
均係舊制二號正哨添守備一員以福山中
營守備改撥副哨千總一員係屬舊制應如
所請並將舊制外委五員裁去其原制把總

四員移撥太湖營應歸裏河條內覈覆至蘇
松鎮左營遊擊守備各缺原係外海水師題
補之缺福山鎮中營守備原係內河水師題
補之缺今既撥歸蘇松鎮均應改爲外海水
師題補之缺廣艇二號應准其共配兵八十
名估冊內開蘇松左營遊擊守備各一員千
總二員把總四員外委五員配兵六百名歲

欽定剿平粵匪方略卷四十九

十九

需俸薪餉乾銀八千八百九十兩四分六釐
本色米二千一百七十八石今既改立營制
所有原估餉米應查照南匯營一律辦理

一蘇松鎮所屬之外海吳淞營今改歸福山鎮
標管轄仍以參將爲營官用廣艇二號頭號
正哨守備副哨把總各一員二號正哨千總
副哨把總各一員均係舊制再增輪船一號

正哨添都司一員以劉河營都司改撥副哨
千總一員係屬舊制應如所請至吳淞營原
制係外委九員今該督聲敘七員覈與舊額
不符應另行查覆辦理其原制千總一員移
撥淞南營把總四員移撥淞北營應歸裏河
條內覈覆再吳淞營參將守備原係外海水
師題補之缺今既撥歸福山鎮標應仍為外

欽定四庫全書

三

海水師題補之缺劉河營都司原係外河水
師題補之缺今既撥歸福山鎮標應改為外
海水師題補之缺廣艇二號應准其共配兵
八十名估册內開吳淞營參將守備各一員
千總三員把總六員外委九員配兵一千五
十二名歲需俸薪餉乾銀一萬六千七十四
兩四分六釐本色米三千八百一十九石六

斗今既改立營制所有原估餉米應查照南
匯營一律辦理

一蘇松鎮所屬之外海川沙營今改隸福山鎮
標管轄仍以參將為營官川廣艇二號頭號
正哨守備副哨千總各一員均係舊制二號
正哨添守備一員以狼山中營守備改撥副
哨把總一員係屬舊制應如所請至川沙營

欽定四庫全書

三

原制把總六員外委八員該督聲敘把總五
員外委七員覈與舊額不符應另行查覆辦
理其原制千總三員撥副哨一員裁去一員
餘一員移撥太湖營把總五員撥副哨一員
餘四員移撥淞南營應歸裏河條內覈覆又
掘港營添遊擊一員為營官以狼山中營遊
擊改撥用廣艇二號頭號正哨添守備一員

以狼山左營守備改撥副哨把總一員係屬
舊制二號添守備一員以蘇松右營守備改
撥副哨把總一員暨增輪船一號正哨都司
副哨千總各一員均係舊制應如所請並將
舊制外委二員裁去至狼山中營守備原係
內河水師題補之缺今既撥歸福山鎮應改
爲外海水師題補之缺狼山中營遊擊左營
守備各缺原係內河水師題補之缺今既撥
歸掘港營均應改爲外海水師題補之缺蘇
松右營守備原係外海水師題補之缺今既
撥歸掘港營應仍爲外海水師題補之缺其
川沙營廣艇二號應准其共配兵八十名掘
港營廣艇二號亦准其共配兵八十名估册
內開川沙營參將守備各一員千總三員把

欽定剿平粵匪方略卷四十九

三

總六員外委八員配兵一千十五名歲需俸
薪餉乾銀一萬五千四百四兩八錢四分六
釐本色米三千六百八十二石六斗掘港營
都司千總各一員把總二員外委二員配兵
二百三十九名歲需俸薪餉乾銀三千七百
八十八兩三錢八分四釐米八百六十七石
六斗又隨大三板二隻戰守兵四十二名歲
餉五百九十四兩米一百五十一石二斗本
營米係本折各半折色銀每石九錢五分今
改立營制所有原估銀米應查照南匯營一
律辦理
查以上所設外海各營均係舊制移改該督
係爲水師緊要因時制宜起見均應照准其
提督蘇松狼山福山三鎮各帶輪船一號將

欽定剿平粵匪方略卷四十九

三

來或不分標分營俟輪船造成由該督等妥為詳議至所裁千把總外委各缺數目有與兵部官冊不符者應令查明聲覆再行覈辦至外海六營共用兵四百八十名應如該督所議准其如數辦理

一蘇松鎮所屬之外海右營今請改作內洋添遊擊一員為營官以京口中營遊擊改撥用

聖皇聖考卷四十九

三

八團三板十二號哨官都司一員千總二員把總四員外委五員均係舊制應如所請並將舊制守備一員移撥掘港營應歸外海條內覈覆至哨官都司原係外海水師題補之缺今改內洋應改為內洋水師題補之缺京口中營遊擊原係內河水師題補之缺今既撥歸蘇松鎮應改為內洋水師題補之缺八

團三板十二號應准其共配兵二百四十名估冊內開蘇松鎮右營都司守備各一員千總二員把總四員外委五員配兵六百名歲需俸薪餉乾銀八千七百七十六兩一錢本色米二千一百七十八石今既改立營制所有原估銀米應查照南匯營一律辦理

聖皇聖考卷四十九

三

一福山鎮所屬之外海左營今請改作內洋以遊擊為營官用八團三板十二號哨官守備一員千總二員把總四員外委五員均係舊制應如所請並將舊制外委一員裁去至營官遊擊哨官守備各缺原係外海水師題補之缺今改內洋應改為內洋水師題補之缺八團三板十二號應准其配兵二百四十名估冊內開福山鎮左營遊擊守備各一員千

總二員把總四員外委六員配兵七百九名
歲需俸薪餉乾銀一萬八百七十六兩四分
六釐本色米二千五百七十四石今既改立
營制所有原估餉米應查照南匯營一律辦
理

一狼山鎮所屬之外海右營今請改作內洋以
遊擊爲營官用八團三板十二號哨官守備

欽定剿平粵匪方略卷十九

三

一員千總二員把總四員外委五員均係舊
制應如所請其餘外委一員裁去惟舊制外
委係五員今該督聲敘六員裁去一員覈與
缺數不符應另行查覆辦理至營官遊擊哨
官守備各缺原係外海水師題補之缺今改
內洋應改爲內洋水師題補之缺八團三板
十二號應准其共配兵二百四十名估册內

開狼山鎮中左右三營總兵一員遊擊三員

都司一員守備三員千總六員把總十二員

外委十六員配兵一千八百八十一名歲需

俸薪餉乾銀二萬九千一百九十兩一錢四

分四釐米六千八百三十二石八斗又隨大

三板十七隻小三板二隻戰守兵三百十六

名歲餉四千三百八十六兩米一千一百三

欽定剿平粵匪方略卷十九

三

十七石六斗本營米係與掘港營同制本折
各半折價亦同今既改立營制所有原估銀
米應查照南匯營一律辦理再據該督稱中
營卽通州營汎地左營卽海門營汎地是以
歸併覈覆

一狼山鎮所屬新設通州營改用八團三板十

二號仍以遊擊爲營官哨官都司二員守備

一員千總二員把總三員外委四員均係新設長江水師營制前議用長龍三板等船今改用八團三板並改作內洋均應如所請並准將原制千總四員裁去二員把總六員裁去三員外委十員裁去六員八團三板十二號應准其共配兵二百四十名所裁千總等官十一員留標另補照例支給俸薪惟外委

聖朝聖略卷四十九

夫

一項例無俸薪可支若照木案支給舵糧雙分轉較千總等官為優究應如何支給之處應由該督酌議報部查覈至裁兵一百七十名應併扣除餉米以昭覈實

- 一 狼山鎮所屬新設海門營改用八團三板十二號仍以副將為營官哨官都司二員守備
- 一 員千總四員把總五員均係新設長江水

師營制前議用長龍三板等船今改用八團三板並改作內洋均應如所請並准將原制守備三員裁去二員千總十員裁去六員把總九員裁去四員八團三板十二號應准其共配兵二百四十名裁缺另補之守備等官十二員及裁兵二百五十名之俸薪餉米應查照通州營一律辦理

聖朝聖略卷四十九

夫

查以上所議改設內洋各營除海門通州二營外其餘三營均係舊制移改應請照准至內洋五營共兵一千二百名應如該督所議准其如數辦理

- 一 提督所屬之內河右營改為裏河以參將為營官用長江三板船二十號哨官守備一員原制千總三員今添四員以劉河營千總二

員福山中營千總二員移調共爲七員原制把總四員今添五員以劉河營把總四員南匯營把總一員移調共爲九員並留舊制外委三員該督均請改爲裏河應如所請至營官參將哨官守備各缺均係舊制原係內河水師題補之缺今改爲裏河均應改爲裏河水師題補之缺並准將舊制外委裁去四員

欽定剿平粵匪方略卷十九

三

三板二十號應准其共配兵二百八十名估册內開提督右營參將守備各一員千總三員把總四員外委七員配兵七百二十五名歲需俸薪餉乾銀一萬一千五十兩四分六釐本色米二千六百三十五石二斗今既改立營制所有原估銀米應查照南匯營所議辦理

一提督所屬之太湖左右兩營原制副將一員都司一員守備一員千總三員把總四員外委四員今請將太湖左營以副將爲營官右營即以都司爲營官仍歸副將統轄每營用長江三板船各十三號兼用八團三板各二號哨官各十五員內左營千總三員右營千總三員原制千總三員今添三員共爲六員

欽定剿平粵匪方略卷十九

三

所添千總三員以川沙營一員狼山中營二員移調兩營把總各十員原制把總四員今添十六員共爲二十員所添之把總以福山中營二員蘇松中營二員左營四員狼山中營左營各四員移調並留舊制外委各二員應如所請查太湖原制外委左右兩營均係三員今該督聲敘各二員之處覈與舊額不

符應另行查覆辦理至舊制守備一員裁去
移於南匯營應歸外海條內覈議其長江三
板每號配兵十四名八團三板每號配兵二
十名應准其共配兵四百四十名估册內開
太湖左營副將都司各一員千總把總各二
員外委三員配兵三百七十六名歲需俸薪
餉乾銀六千一百九十七兩二錢五分二釐

聖朝聖略卷四十九

三

聖朝聖略卷四十九

三

本色米一千三百六十四石四斗太湖右營
守備千總各二員外委三員配兵三百七十
九名歲需俸薪餉乾銀五千五百六十六兩
三錢六釐本色米一千三百七十五石二斗
今既改立營制所有原估餉米應查照南匯
營所議辦理
一提督所屬之內河京口協中營原制副將一

員遊擊一員守備一員千總一員把總五員
外委六員今請將京口中營改為淞北營仍
以副將為營官用長江三板十五號哨官守
備一員原制千總一員今添二員以狼山左
營千總二員移調共為三員原制把總五員
今添五員以吳淞營把總四員福山中營把
總一員移調共為十員外委一員應如所請
裁去五員其舊制遊擊一員移於蘇松右營
應歸內洋條內覈覆惟原制千總二員今該
督聲敘一員原制把總四員今該督聲敘五
員均覈與舊額不符應另行查覆辦理長江
三板十五號應准其共配兵二百一十名估
册內開京口左營副將遊擊守備各一員千
總二員把總四員外委六員配兵七百七十

一名歲需俸薪餉乾銀一萬二千七百五十九兩五錢四釐米二千七百九十七石二斗又隨大三板船五隻小三板船二隻水兵一百三十九名歲需餉一千九百三十八兩本色米五百石四斗今既改立營制所有原估銀米應查照南匯營所議辦理

一提督所屬之內河京口協右營原制遊擊一

欽定剿平粵匪方略卷十九

三

三

員守備一員千總二員把總五員外委六員今請將京口右營改爲淞南營仍以遊擊爲營官用長江三板十五號哨官守備一員原制千總二員今添一員以吳淞營千總一員移調共爲三員原制把總五員今添五員以福山中營把總一員川沙營把總四員移調共爲十員外委一員應如所請裁去五員惟

原制把總四員今該督聲敘五員數與舊額不符應另行查覆辦理長江三板十五號應准其共配兵二百一十名估册內開京口右營遊擊守備各一員千總二員把總四員外委六員配兵七百七十八名歲需俸薪餉乾銀一萬二千一兩六錢四分六釐本色米二千八百二十二石四斗又隨大三板船五隻

欽定剿平粵匪方略卷十九

三

三

小三板船二隻水兵七十五名歲餉一千五十兩本色米二百七十石今既改立營制所有原估銀米應查照南匯營所議辦理查以上所設裏河各營均係舊制內河移改均擬照准至裏河五營共兵一千四百四十四名應如該督所議准其如數辦理一漕標所屬之內河鹽城營原制遊擊一員守

備一員千總二員把總二員外委二員既據該督聲稱暫仍其舊應卽照准惟該營外委原制係五員今該督聲敘二員應令查照更正至配兵六百九十六名應如所奏辦理估册內開鹽城營遊擊守備各一員千總把總各二員外委五員配兵六百七十七名歲需俸薪餉乾銀一萬五百八十四兩四分六釐

欽定四庫全書

史

欽定四庫全書

史

米二千四百五十五石二斗本折各半折色每石九錢五分該營既仍舊章所有弁兵關支名數應令查照咸豐二年報部估册更正一漕標所屬之內河東海營原制都司一員千總一員把總二員外委二員既據該督聲稱暫仍其舊應卽照准惟該營外委原制係三員今該督聲敘二員應令查照更正至配兵

四百五十二名應如所奏辦理估册內開東海營都司千總各一員把總二員外委三員配兵四百四十五名歲需俸薪餉乾銀六千六百六十八兩一錢九分四釐米一千六百十二石八斗本折各半折價同前所有弁兵關支名數應照鹽城營所議一律更正

一督標所屬之內河高資營改爲京口協左營查原制都司千總把總各一員外委二員嗣經移改爲京口左營都司一員京口左營高資汛千總一員京口中營右哨把總一員京口左營外委二員今該督單開擬將把總一員外委二員裁去是否卽係此缺又該營尙有千總一員該督並未聲敘覈與部册不符應另行查覆辦理所請裁去此營並將都司

移調應如所請歸外海條內覈覆估冊內開
高資營都司千總把總各一員外委二員隨
大三板船四隻小三板船八隻水兵五百四
十五名歲需俸薪餉乾銀七千九百一十四
兩九錢九分四釐本色米一千九百六十九
石二斗今既擬裁撤此營所有原估餉米仍
應照南匯營所議續行報部備抵

欽定剿平粵匪方略卷四十九

三

一提督所屬之內河劉河營原制都司一員千
總二員把總四員外委四員今請將舊制劉
河營裁去卽係新設淞北營之地其都司一
員千總二員把總四員均經移調實裁外委
四員查劉河營原制外委六員今該督聲敘
四員覈與舊額不符應另行查覆外其所請
裁去此營移調應如所請歸外海條內覈覆

又福山鎮中營原制遊擊一員守備一員千
總二員把總四員外委六員今請將遊擊一
員守備一員千總二員把總四員移調實裁
外委六員應如所奏辦理估冊內開劉河營
都司一員千總二員把總四員外委六員配
兵六百二十四名歲需俸薪餉乾銀九千七
百一十九兩七錢九分四釐本色米二千二

欽定剿平粵匪方略卷四十九

三

百六十八石福山鎮中營總兵一員遊擊守
備各一員千總二員把總四員外委六員配
兵七百五十三名歲需俸薪餉乾銀一萬一
千三百五十一兩二錢二分二釐本色米二
千七百三十二石四斗今既擬裁撤所有原
估餉米應均照南匯營所議辦理
一狼山鎮所屬之內河中營原制遊擊一員守

備一員千總二員把總四員外委三員今該督請將此營裁去應卽准照至所稱遊守千把各員均已移調他處實祇裁去外委三員查狼山中營原制外委六員今該督聲敘三員覈與舊額不符應俟查覆再行覈辦

一狼山鎮所屬之內河左營原制都司一員守備一員千總二員把總四員外委三員今該

聖恩聖旨卷四十九

四

督請將此營裁去應卽照准至所稱都守千把各員均已移調他處實祇裁去外委三員查狼山鎮左營原制外委五員今該督聲敘三員覈與舊額不符應俟查覆再行覈辦狼山中左營原定弁兵餉米及應議事宜已見內洋狼山三營條內查以上所擬移改添裁除鹽城東海兩營暫

仍其舊其餘外海內河各營分爲外海內洋裏河三支計外海六營內洋五營裏河五營共十六營並添裁兵丁均應如所議辦理中樞政考所載係屬原定額數續經各案添裁改撥自應就現在估册覈計俸薪餉乾方昭覈實應令該督將各營餉米實數與現設營制用款通盤覈算分晰開單報部再單內所

聖恩聖旨卷四十九

四

稱十九營中存兵二千四百四十名照案覈查除鹽城東海二營仍照舊章及新設之通州海門營添裁額數應令覈計外計實存兵二千三百四十四名其所稱通州海門二營存兵五百二十八名照案覈查亦僅存四百八十名是否繕寫錯誤應令一併覈明報部以便估計俸餉奏入

上從之

欽定剿平粵匪方略卷四百二十

附設立長江水師章程

八年五月初二日兩江總督馬新貽協辦大學士湖廣總督李鴻章長江水師提督黃翼升奏言查長江水師續議事宜江西省九江南湖鄱湖水師三營湖南省洞庭岳州水師二營湖北省漢陽荊州水師二營一併裁撤當經臣曾國

藩於兩江總督任內咨商江西湖北湖南三省督撫酌覈定議江西三營應歸撫臣劉坤一主政查江省原設水師三營均有分防陸路之責勢難全行裁撤擬改設九江城守六營酌留守備等官八員並將康山瑞洪兩處酌留把總外委各一員共計留官弁十員兵丁二百四十名庶於酌改舊制之中仍寓水陸兼防之意湖南

二營歸撫臣郭柏蔭於前署總督任內會同撫臣劉岷主政查湖南洞庭岳州水師兩營原駐之地適當衝要陸兵無多全賴水師接應不能不酌量改留擬將洞庭水師營改為龍陽城守專營酌留守備等三員兵丁一百六十名岳州水師營員弁一概裁撤酌留水師兵丁六成併歸陸營管轄庶餉項不致虛糜而於南省要隘

聖祖聖孫

二

聖祖聖孫

三

大有裨益湖北二營歸撫臣郭柏蔭會同前護撫臣何璟主政查湖北原設水師各營其中地方繁雜隄防緊要有非長江水師所能兼顧者擬將湖北漢陽營酌留水師千總把總各一員荆州水師營酌留守備一員兵丁則酌量撤留歸補庶於各處巡察不致稍疏荆隄防護可期得力各等因先後咨商臣新貽復經函商臣國

藩覆加酌覈初次奏裁舊日額缺係為新舊各營未能會同起見茲據該督撫臣各就地方情形分別定議或酌改陸路而減去冗員或仍留水師而各分專汛既可節省餉需兼可互資巡緝實於新營舊制兩不相妨臣鴻章莅任後公同酌議意見相同謹將江西湖南湖北三省水師各營分別議改議留議裁各員弁兵丁彙繕

聖祖聖孫

三

清單恭呈

御覽至應行增補馬糧添建營署及一切未盡事宜容俟定案後分別咨部辦理再臣等前准部議裁缺條內荆州營參將漢陽營副將是否在毋庸議裁之列原單未經聲敘應令具奏覈辦查湖北省荆州漢陽兩營前定裁缺單內因有應裁之守備等缺列入該二營名目並非裁去參

將副將本缺該二缺係陸路之缺本非濱江水師應請仍循其舊

應裁水師事宜三條

第一條江西省九江水師營額設守備一員把

總一員外委一員額外一員戰守兵二百三

十四名南湖營額設都司一員千總一員把

總二員外委三員額外一員戰守兵三百二

十七名鄱湖營額設都司一員把總一員外

委一員戰守兵一百六十四名查潯陽係屬

通商馬頭華洋聚處若城內防兵太少不足

以資彈壓擬請改設九江城守營移紮城內

留守備一員把總一員額外一員兵丁一百

名大孤山汛設外委一員兵丁二十名兼守

關庫湖口縣汛設專城把總一員協防額外

一員兵丁四十名彭澤縣汛設專城把總一

員兵丁三十名蕭家嶺汛設外委一員兵丁

一十名歸九江城守營守備專轄九江後營

遊擊兼轄其鄱湖一營查康山瑞洪二處地

處湖心五方雜處若不設兵巡查深恐藏垢

納污爲盜賊淵藪擬將康山改設陸汛把總

一員兵丁二十四名瑞洪亦改設陸汛外委

一員兵丁十六名歸饒州營管轄其餘官兵

全數裁撤至所裁南湖營都司謝得勝一員

已調補湖口營左哨都司又鄱湖營都司趙

廷棟應請留省另補免其赴選應行增補馬

糧添建營署一切未盡事宜定案後查議另

行辦理

第二條湖南省洞庭水師營原設遊擊一員守

備一員千總二員把總四員外委四員額外
 三員戰守兵丁除同治四年裁撤外實存兵
 三百二十一名查龍陽縣與常德毗連地當
 孔道差務殷繁龍陽並無陸營遇有差使悉
 由洞庭水師營應付分防水塘存兵無多擬
 請改為陸營裁去遊擊一員千總二員把總
 二員外委三員額外三員留守備一員把總

聖軍聖略卷三十一

六

員外委一員改為龍陽城守專營酌留兵
 丁一百六十名其餘一百六十一名一律裁
 撤該營四十二塘現既改為陸營仍由縣酌
 設陸路塘汛仍分三路專派把總外委各帶
 兵二十名分駐巡防均歸龍陽城守營守備
 專轄常德協副將兼轄陸路失防歸陸營承
 緝所裁遊擊一員應照部咨候選千總二員

把總二員外委三員額外三員均請改補本
 省陸路之缺又岳州水師營原設守備一員
 千總一員把總二員外委一員額外二員戰
 守兵一百三十名現因岳州城守營存城陸
 路兵丁裁減後不敷差遣全資水師接濟擬
 請酌留水師六成兵丁七十八名併歸陸營
 城守營管轄以補不足其餘四成兵丁五十

聖軍聖略卷三十一

七

二名及各員弁一併裁撤所裁守備一員應
 請歸於省標改為陸路守備酌量補用免其
 赴部候選

第三條湖北省漢陽營濱臨襄河極為要隘該
 處本為通商馬頭華洋交涉所有水師千總
 擬請毋庸裁撤仍令管率舊部兵丁以期保
 衛至水師把總向駐新隄鎮查漢陽縣屬之

黃陵磯河港分歧上通荆襄下達武漢爲盜賊出沒之區請將新隄水師把總移紮黃陵磯其原部兵丁五十名應酌留十名帶往巡防其餘四十名概行裁去又荆州水師營額設守備一員千總一員把總二員經制外委一員額外外委一員兵丁二百一十二名駐紮府城西隅符箕窪地方分防石首監利二縣水汛嗣因萬城大隄緊要做照河工例撥兵建卡駐防該隄縣長八九十里爲荆州全郡及下游保障每遇汎泛險工疊出往往不敷搶護今新設長江水師官兵旣係以船爲家不准陸居兼係外來之人與本境隄長圩甲人等性情亦難相合應請酌留守備一員兵丁九十二名防護萬城大隄以資熟習仍

欽定剿平粵匪方略

卷四二〇

歸宜昌鎮統轄其千總一員把總一員外委一員額外一員應請一併裁撤兵丁一百二十名本擬概行裁去惟查該營曾撥荆州城守營兵丁一百名咸豐七八兩年議設長江水師又經兩次奉裁荆州城守營馬兵六名戰兵六名守兵四十四名該營爲七省通衢濱臨江湖分布四縣七汛每遇分撥調遣諸多掣肘請將該營裁歸長江水師馬戰守兵五十六名在於現在議裁之荆州水師營兵丁內按數撥還歸復該營舊額責成承管內河內湖員弁管帶其餘兵丁六十四名照章裁撤奏入得

欽定剿平粵匪方略

九

旨軍機大臣會同該部速議具奏

八年六月初十日軍機大臣戶部禮部兵部工

部會奏言臣等查同治七年五月會議兩江總督曾國藩等續陳長江水師未盡事宜案內聲稱濱江舊設水師不能與長江新營相合擬將湖北原設之荊州參將營漢陽副將營湖南原設之洞庭水師營岳州水師營江西原設之鄱湖南湖九江水師營均各裁去等因當經臣等分別議覆准其裁撤至湖北原設之荊州參將

欽定四庫全書

十

管漢陽副將營均經裁去而單開應裁各缺內並未將荊州營之參將漢陽營之副將敘入查該二營均係駐紮府城陸路之缺並非濱江水師是否在毋庸議裁之列應令查明具奏到日另行覈辦奉

旨允准當經行文各該督撫去後今據該督等會同查覆除湖北漢陽營副將荊州營參將本非濱

江水師請仍舊制擬即照准外至所請將前次奏准裁撤之江西湖南湖北舊制水師七營現擬改設營汛酌留員弁各節既經該督撫等各就地方情形悉心酌覈自係因地制宜變通辦理應如所請准其分別改設營汛酌留員弁俾資分布而專責成其裁留兵丁自係審度形勢量爲變通亦應如所請辦理江西湖南湖北省

欽定四庫全書

十一

舊制水師七營現擬改設營汛所需官兵俸餉自應照例支給至增補馬糧卽令各該督撫覈實酌議每營汛應設馬兵若干名咨部另行覈辦其添建改設營汛等官衙署等項應如該督所請卽行委員勘估各員關防應卽鑄造頒發臣等謹查照原擬各條分別覈議另繕清單恭呈

御覽其一切未盡事宜仍令該督撫等分別題咨辦理

應裁水師事宜三條

第一條江西九江水師查江西九江水師營舊

制守備把總外委額外各一員今請改設九

江城守營移紮城內留守備把總額外各一

員其於外委一員改設大孤山汛南湖營舊

制都司千總各一員把總二員外委三員額

外一員今請於湖口縣汛設專城把總一員

協防額外一員彭澤縣汛設專城把總一員

蕭家嶺汛設外委一員歸九江城守營守備

專轄九江後營遊擊兼轄鄱湖營舊制都司

把總外委各一員今請於康山改設陸汛把

總一員瑞洪改設陸汛外委一員歸饒州營

總一員瑞洪改設陸汛外委一員歸饒州營

管轄應如所請除九江水師一營改爲陸路

員弁各缺毋庸議裁外其南湖營計仍裁都

司千總各一員外委二員鄱湖營仍裁都司

一員至裁缺之南湖營都司謝得勝業經准

調長江水師湖口營左哨都司自應毋庸置

議裁缺之鄱湖營都司趙廷棟既據該督等

奏請留省另補尙與裁缺改補人員准其奏

留本省補用章程相符應准其俟有江西陸

路都司缺出請補再九江水師營守備舊制

係內河水師部推之缺今該督等請改設九

江城守營守備應改爲陸路提補之缺由該

督撫揀選材技優長諳練地方之員請補查

各省員缺如有因地方緊要將推缺改爲題

缺者仍應於事簡題缺內改還江西省守備

缺者仍應於事簡題缺內改還江西省守備

並無題缺應請免其改還其裁缺之九江水師營守備一員前於議覆續陳長江水師未盡事宜案內行查是否專將守備徑留該省另補應令查覆再行覈辦在案今仍未據聲覆應由該督撫查照前咨迅即咨覆江西水師三營額設兵丁七百二十五名共留兵二百四十名其餘全數裁撤係為減兵節餉因

聖朝聖略卷百二十

十四

時制宜起見應如所擬辦理仍令該撫造入年終彙題冊內報部查覈至各省設立營汛向以千總為專汛外委為協防副將以下守備以上等官為統轄兼轄今九江城守營守備為專轄九江後營遊擊為兼轄遇有盜劫案件應如何分別開案之處應由該督等先行酌定報部覈辦

第二條湖南洞庭水師查湖南洞庭水師營舊制遊擊守備各一員千總二員把總外委各四員額外三員今請改設龍陽城守專營留守備一員把總二員外委一員仍分三路專派把總外委分駐巡防均歸龍陽城守營守備專轄常德協副將兼轄應如所請除岳州水師一營員弁各缺仍照前議全行裁撤外

聖朝聖略卷百二十一

十五

其洞庭水師營計仍裁遊擊一員千總把總各二員外委額外各三員至裁缺之洞庭水師營遊擊一員應由該督撫照例給咨赴部候選裁缺之岳州水師營守備一員既據該督等奏請留省改補尚與裁缺改補人員准其奏留本省補用章程相符應准其俟有湖南陸路守備缺出請補再洞庭水師營守備

舊制係內河水師部推之缺今該督等請改設龍陽城守營守備係因地當衝要起見應改為陸路題補之缺由該督撫揀選精明幹練熟悉地方之員請補惟查各省員缺如有因地方緊要將推缺改為題缺者仍應於事簡題缺內改還今洞庭水師營守備移作龍陽城守營守備改為題缺應令該督撫照例

欽定剿平粵匪方略卷四十二

七

於事簡題缺守備內改還推缺以符定制其裁缺之千總以下各弁前經議覆由各該督撫遇有陸路缺出卽行改補應令該督撫查照前議辦理湖南水師二營額設兵丁四百五十一名共留兵二百三十八名其餘全數裁撤既據該督等酌量地方情形分別裁撤亦應如所擬辦理仍令造八年終彙題冊內

報部查覈至各省設立營汛向以千把為專汛外委為協防副將以下守備以上等官為統轄兼轄今龍陽城守營守備為專轄常德協副將為兼轄如遇失事應如何分別開柝之處應令該督等先行酌定報部覈辦

欽定剿平粵匪方略卷四十二

七

第三條湖北漢陽水師查湖北漢陽水師營舊制千總把總各一員今請將水師千總毋庸裁撤水師把總改駐黃陵磯荆州水師營舊制守備千總各一員把總二員外委額外各一員今請留守備一員防護大隄仍歸宜昌鎮統轄應如所請除漢陽水師一營千把各缺仍循舊制外其荆州水師營計仍裁千總一員把總二員外委額外各一員至荆州水師營守備舊制係水師題調之缺今該督等



ZW 21181000584560

2094554

S
4121.5
152

因隄防緊要請留守備一員願仍作為水師
 題調之缺由該督等揀選精明熟諳之員題
 請調補其裁缺之千總以下各弁前經議覆
 由各該省督撫遇有陸路缺出即行改補應
 令該督撫查照前議辦理湖北水師二營額
 設兵丁二百六十二名共留兵一百六十八
 名其餘全數裁撤係為互資巡防節省餉需
 起見應如所擬辦理仍令造八年終彙題冊
 內報部查覈至酌留改駐各員弁應令認真
 巡查江面遇有失事即行開參照例議處奏
 入

上從之

聖學聖略卷四十一

十一